


208(09)

U-18





Handwritten text in cursive script, likely a signature or name, written in brown ink.

2007

208(09)

uy

1433-644

Ա-18

Տ Ե Ս Ո Ւ Թ Ի Ի Ն

Պ Ա Տ Մ Ո Ւ Թ Ե Ա Ն Յ

ԸՆԴՈՒՆՉ ՄԻ ԳՐՈՅ

Բացաքննեալ երկասիրութիւնն ինն Վաեփաննոսի
Վարդապետի Լ. գոնց՝ Լ. քրեպիսկոպոսի, և
Բնդհանրական Լ. բրայի Մխիթարեանց:

Եւ սպադրեալ յառաջնորդութեն նորա՝ ինքնայօժար ծախիւք
աղնիւ և բարեպաշտ կարնեցի Գեորգ Աբայի Յակօբեանս:

Տ Ա Տ Ո Ր Գ Ի

Գ Ի Բ Բ Գ Ե Ի Դ Թ Ա Գ Ա Ի Ո Ր Ո Ւ Թ Ե Ա Ն Յ.



Ի Վ Է Ն Է Տ Ի Կ

Ի Վ Ա Ն Ս Ս Ր Բ Ո Յ Ե Ղ Ա Ջ Ա Ր Ո Ւ

1819. չմկլ.



3965
33342

THE UNIVERSITY OF CHICAGO

THE UNIVERSITY OF CHICAGO
 LIBRARY
 540 EAST 57TH STREET
 CHICAGO, ILL. 60637

UNIVERSITY OF CHICAGO LIBRARY

111



1486

Տ Ե Ս Ո Ւ Թ Ի Ի Ե

Պ Ա Տ Մ Ո Ւ Թ Ե Ա Ն Յ

ԸՆԸՈՒՆՉ ՄԻ ԳՐՈՅ

Գ Ի Ր Վ Տ Ա Ս Ն Ե Ր Ո Ր Գ

Տ Ե Ս Ո Ւ Թ Ի Ի Ե Ե Ր Ր Ո Ր Գ Թ Ա Գ Ա Ի Ո Ր Ո Ւ Թ Ե Ա Ն Յ .

Գ Լ Ե

Սողոմոն արքայ յաջորդէ յաւուս հօր իւրոյ դասելի :
Սահ արդնիայ, յովաբայ և սէմայ . և դարագրուի աբիա
Լարայ 'ի խահանայապետութիւն :

Յետ մեռանելոյ արքային դաւթի , իբրև
սկսաւ սողոմոն որդի նորա վարել զթա
գաւորութիւն , ադոնիա անդրէն վառեցաւ 'ի ձեռս
բերել զայն իշխանութիւն այսպիսի իմն հնարիւք :
'Նաւիթ 'ի վերջին ժամանակս կենաց իւրոյ տկա
րացեալ էր յոյժ , մինչ գրեթէ շիջանիլ բնական
ջերմութե արեան նորա . զոր թէպէտ ծածկէին
հանդերձիւք , այլ ոչինչ օգնէին նմա , զի նա ոչ
ջեռնոյր : Սասն այնորիկ խորհեցան իշխանք նո
րա ընդ բժիշկս , և հաստատեցին ածել նմա աղ
ջիկ մի կոյս կալ առ նմա 'ի սպասու , միանգամայն
և ննջել ընդ նմա , զի բնական ջերմութիւն մարմնոյ

ջեռուցէ՛ զնա : Այլ խնդրեալ յամենայն սահմանս խորայէլի՝ զտին զաբխակ սոմնացի աղջիկ գեղեցիկ , քաջառողջ , կայտառ , համեստ և պարկէշտակրօն . առ զնա արքայ կնուծէ , որ ննջէր ընդ նմա , և ջեռուցանէր զնա . բայց արքայ ոչ զիտաց զնա . և ՚ի մեռանել արքայի՝ մնաց նա սյրի , և կոյս :

Ադոնիա խորհելով մեծ ինչ առնել ՚ի յաջողումն խորհրդոյն իւրոյ , եծէ կարիցէ առնուլ ՚ի կնուծի զաբխակ զկին հօր իւրոյ , կալաւ միջնորդաւ այն զբերսաբէէ , ակնուճելով թէ սողոմնն արքայ ոչ մերժեացէ զխնդիր մօր իւրոյ : Աստի և մատուցեալ առ նա , երկիր եպագ նմա . և անմտուծ ք յայտ արարեալ նմա զխորհուրդ իւր , ասէ . դու ինքնին զիտես , զի իմ էր թագաւորուծին այս . զի ես եմ երէց յորդիս դաւծի . և յիմ վերայ եղ ամենայն խորայէլ զերեսս ՚ի թագաւորայլ յետոյ դարձաւ թագաւորուծին , և եղև եղբօր իմում . զի այնպէս տնօրինեցաւ ՚ի տնէ : Այլ արդ եծէ եղբայր իմ ժառանգեաց զթագաւորուծին , իրաւունք են՝ զի և ես ժառանգեցից ինչ ՚ի հօրէ իմմէ . արդ խնդիր մի խնդրեմ ՚ի քէն , մի դարձուցաներ զերեսս քո յինէն . ասէ բերսաբէէ , խօսեաց . ասէ ադոնիա . ասացես ցողոմնն արքայ տալ ինձ զաբխակ սոմնացի կնուծէ : Աբսաբէէ կամ առ պարզմտուծեան ոչ իմացաւ զխորհուրդ սրտի նորա , և կամ խորհրդով իմն կեղծեաց չիմանալ , առ ՚ի չմտանել ընդ նմա ՚ի վէճ . շատ համարեցաւ տալ նմա անորոշ պատասխանի . բարւոյք է ասէ , ես խօսեցայց վասն քո ընդ արքայի : Ամուտ ապա բերսաբէէ առ արքայ . և նա թէպէտ թագաւոր՝ բայց պահելով զորդիական մեծարանս առ մայրն՝ յստն եկաց ընդ առաջ նորա . և խօնարհեալ համբուրեաց զնա , և եղ զնել նմա աթոռ , և նստոյց զնա ընդ աջմէ իւրմէ : Յայնժամ առաջի արար բերսաբէէ արքայի զխնդիր . ադոնիայ՝ ըստ սովորական ոճոյ թեթեացուցանելով , խնդիր մի ասէ՝ փոքր խնդրեմ ես ՚ի քէն , մի դարձուցանիցես

զերեւս քո յինէն . ասէ՛ արքայ . խնդրեա՛ մայր
իմ, զի ոչ դարձուցից զերեւս իմ՛ի քէն :

Բայց իբրև լուաւ արքայ , զի ադոնիա զարի-
սակ խնդրէ կնուծէ , առ ժամայն ծանեաւ զխոր-
հուրդ անզգամուծեան նորա . վասն որոյ ասէ
ցմայրն , ընդէ՛ր խնդրիցես զարիսակ ադոնիայի ,
այլ խնդրեա՛ նմա զԹագաւորուծին , զի նա երէց
եղբայր է քան զիս . և նորա համախոհ էն արիա-
ծար քահանայ , և յովաբ որդի շարուհեայ սպարա-
պետ զօրաց . եծէ՛ տացի նմա և արիսակ՝ որով
զօրացի կողմն նորա , հարկ է այնուհետև տալ
նմա և զԹագաւորուծին : Յայնժամ երգուաւ ար-
քայ , և ասէ . կենդանի է ի՞նք՝ որ արար զիս , և եդ-
յաթոռ դաւծի հօր իմոյ , եծէ՛ ոչ այսօր իսկ
մեռցի ադոնիա . և զոր ասաց՝ կատարեաց . զի
առաքեաց զբանեա զորդի յովիղեայ , և սպան զնա :
Այլ մեռաւ ադոնիա յաւուր յայնմիկ . որ կարող էր
ապրիլ փառօք իբրև եղբայր Թագաւորի . այլ յա-
ռաւէն ձկտիլ՝ անկաւ վաղաժամ ՚ի գուր մծին
զերեզմանի : Բմանք ՚ի մեկնչաց իշխեցին ստգտա-
նել յայսմ զսողոմոն իբր անգուծ և գահավ՛ւտ ՚ի
վճիռ մահու , առանց քննուծէ ըստ օրինաց սովու-
րական արդարուծէ : Բայց Թագաւորք ՚ի դատաս-
տանի իւրեանց երբ ստոյգ են ամենայնիւ զիրաց
այլով մասամբ , ոչ միշտ կարեն ճշտիւ զհետ եր-
ծալ ամենայն մանր խուզարկուծեց ատենակա-
նաց . զի խոհեմուծին , և բարին հասարակաց բա-
զում անգամ պահանջեն գերզգծուծք վարիլ
արտաքոյ սովորական կարգի , առ ՚ի գառաջս առ-
նուլ մեծամեծ չարեաց : Այժառ քան զլոյս յայտնի
էր պնդիլ ադոնիայ զհետ Թագաւորուծէ . յոր և
կանխաւ ձեռնամուխ իսկ եղև , մինչև տալ Թա-
գաւոր ողջունել զանձն ընդդէմ կամաց դաւծի
հօր իւրոյ՝ խնդրելով յափշտակել զԹագաւորու-
ծին ՚ի սողոմոնէ , որում ՚ի ինէ՛ խոստացեալ էր :
Ասն որոյ և այժմ խնդրելով զարիսակ՝ յայտնի
երևեցոյց , եծէ՛ տակաւին ՚ի նմին խորհրդեան է .
և զոր յայնժամ առ կենդանուծք հօր իւրոյ ոչ

կարաց , այժմ՝ սովին ճանապարհաւ հնարի 'ի ձեռս բերել , նոր ապստամբութի յարուցանելով . յոյր սակս և վտանդ մեծ կայր առաջի , զորոյ հարկ էր փութով ունել զառաջս :

Ի նդ արիաթարայ քահանայապետի ոչ նոյն օրինակ խօսուածք վարեցաւ սողումն . միայն կռ չեաց զնա զառաջեաւ , և կշտամբեաց՝ այր արժա նի մահու կոչելով զնա , սակս գործակից լինելոյ նորա յապստամբութին ադոնիայ . շնորհեաց նմա զկեանս 'ի մեծարանս անձային մեծվայելուած , զի կրեաց զտապանակ ուխտի նորա . և 'ի սէր հօր իւրոյ դաւածի , զի յամենայն վիշտս և 'ի տառա պանս նորա եղև նմա վշտակից ամենայն ուրեք ան մեկնելի 'ի նմանէ : Այլ հանեալ զնա 'ի քահա նայագործութի , առ 'ի կատարելոյ ասէ գիրն՝ բանին տն , զոր խօսեցաւ 'ի վերայ տանն հեղեայ 'ի սելով , տարագրեաց զնա յանածով յադարակ իւր . որ չէր փոքր շնորհ արիաթարայ՝ զհայրենիս իւր ունել տեղի արտորանաց :

Ի այց ոչ այսպէս վարեցաւ ընդ յովաբայ : Առ եալ յովաբայ զանցս ադոնիայ , և արիաթարայ , ընդ որս և ինքն էր համախոհ , և որպէս կարծեն ոմանք՝ խորհրդատու ադոնիայ խնդրել զարիսակ . միանգամայն և յուշ ածեալ զոր միանգամ գործեաց ընդդէմ դաւածի , և զոր արար երկուց զօրապետաց արեններեայ , և ամեսայեայ , զարհուրեցաւ յերեսաց սողումնի . և աճապարեալ փախեաւ ապաւինեցաւ 'ի խորանն , որ էր 'ի գաբաւոն , և կալաւ զեղծերաց սեղանոյն , ակնուներով 'ի պատիւ տեղոյն՝ ապրիլ : Ի բրև աղբ եղև սողումնի փախուստ նորա 'ի խորանն տն , առաքեաց զբանեա զորդի յովիդեայ կամ յովիդայեայ սպանանել զնա . այլ յոչ կամիլ յովաբայ ելանել 'ի գուրս , ընտրելով 'ի խորանի անդ մեռանել , 'ի կախ եթող բանեա զգործադրութի դատակնքոյն , և դարձաւ առ արքայ՝ հարցանել թէ զինչ արասցէ : Այլ ընկալաւ 'ի նմանէ պատասխանի , թէ սեղանն ոչ է պաշտպան առաջակաց , և ոչ եղեռնա

գործ դաւաճանողաց . եթէ չկամի ասէ ելանել 'ի
խորանէն , անդ սպանջիր զնա , և բարձցես այսօր
զարիւնն զուր , զոր եհեղ յովաբ , յինէն և 'ի տա
նէ հօր իմոյ : Արար բանեա ըստ բանին արքայի .
սպան զնա 'ի խորանի անդ . և թաղեաց 'ի տան
նորա յանապատին : Օ այս օրինակ վճարեաց յո
վաբ զկեանս իւր . եղև նա արի և քաջ զօրական ,
բայց մարդ չար և նենգամիտ : Այլ եմուտ 'ի մարտ ,
որում ոչ յաղթեաց . և ոչ գտաւ քաղաք՝ զոր պա
շարեաց , և ոչ նուաճեաց : Սիշտ և հանապազ հա
ւատարիմ դաւթի . բայց և հանապազորդ վիշտ
նմա : Յաղթութիք նորա լաւագոյն պսակի արժա
նաւոր էին . այլ անօրէնութիք նորա վաղադոյն
մահու էին արժանի : Աետ 'ի մահուն իւրում
նշան ինչ ապաշաւանաց , և ոչ խոնարհութի ինչ
երևեցոյց՝ ունելով զմահ աչաց առաջի : Աշուա
ռական գտաւ յատենին սողոմոնի , այլ թշուառա
գոյն յատենի նոյ , ուր ոչ գոյ ակնառութի սպարա
պետի . մեռաւ իբրև չարագործ , և ոչ իբրև քաջ
սպարապետ 'ի պատերազմի :

Անայր դատաստանն սեմեայ . կոչեաց զնա սո
ղոմոն յատեան իւր . և ոչ կամելով դատապարտել
զնա 'ի մահ , ըստ խոստմանն դաւթի առ նա ,
բայց և ոչ արձակել կամելով 'ի մահապարտութե
դատաստանէ , որպէս յանձնեալ էր նմա դաւթի ,
կալաւ զմիջին իմն ճանապարհ , զի անձամբ արաս
ցէ զանձն մահապարտ : Ատ նմա բանտ արդելա
նաց զբոլոր երուսաղէմ քաղաք , պատուիրելով
նմա երդմամբ չելանել ընդ դրունս նորա , և չան
ցանել երբէք յինչ և իցէ պատճառս ընդ հեղե
ղատն կեդրոնի . ապա թէ ոչ գիտացէ հաւաս
տեաւ զի մահու մեռանի : Օ այս պատուէր կամ
պատիժ՝ ընկալաւ սեմէի իբր մեծ իմն չնորհ . բա
րի է ասէ՝ բանդ , զոր խօսեցար տր իմ արքայ ,
այնպէս արասցէ ծառայ քո : Աստաւ սեմէի յերու
սաղէմ հանդարտեալ ամս երիս . յետ այնորիկ փա
խեան երկու 'ի ծառայից նորա . և ազդ եղև նմա
թէ ծառայք նորա են 'ի գէթ առ անբուս արքայ .

խնայա փութացեալ հանդերձեաց զէշ իւր, և ելեալ յերուսաղէմէ՝ չողաւ ՚ի գէթ, և ած զծառայս իւր : Վուցէ կարծէր, թէ զկնի այնչափ ժամանակաց մուացեալ իցէ զնա արքայ, և ոչ ևս յիշեցէ : և ՚ի մէջ այնչափ բազմադիմի զբաղանաց թագաւորութեն ոչ միտ զնիցէ մանուկս իրաց, թէ ո՞վ ելանէ, և ո՞վ մտանէ ՚ի քաղաքն : Վայց մեծահանձար թագաւորք ըստ համեմատութե ընդարձակութե մտայ՝ ունին և յիշողութի : և կամեցեալ զի վճիռք իւրեանց լինիցին յարգոյ, ունին և արթնութիւն թէ պահի՞ն արդեօք, և զխարդ : Մէք պաշտօնէից են աչք թագաւորին, առ բարւօք տեսանել՝ շատ է նմա լսել. զի ուր ոչ ժամանեն աչք, ժամանեն լսելիք. որով գտանի յամենայն կողմանս թագաւորութե՝ առանց ելանելոյ յարքունեաց : Պատմեցան վաղվաղակի արքայի իրք սեմեայ. կոչեաց զնա արքայ առաջի իւր, և յիշեցուցեալ նմա զվճիռն, և զչարիս նորա զոր արար ընդ դաւթի հօր իւրոյ, հրաման ետ բանեայ սպանանել զնա. որ և առ ժամայն կատարեցաւ. և մեռաւ սեմէի :

Ինչ մի արժան է աստ նկատել. զի սողոմոն ՚ի տալ զայսոսիկ վճիռս մահու, միշտ յաւելլու բարեգուշակութի անձին և թագաւորութե իւրոյ, և բանս զանմեղութե հօրն : Եւ կարի յիրաւունս. քանզի տարապայման քաղցրութի և դժութի առ յանցաւորս՝ ընու յանցաւորօք զերկիրն : Եւ իշխանն որ ոչ պատժէ, յանցաւոր է յատենին նոյ, և յատենի մարդկան : Վործադրութի արդարութե պահէ զժողովուրդն ՚ի խաղաղութե, և զիշխանն յերջանկութե : Սուտերք սոսկականաց շաղխին արեամբ անմեղաց, եթէ սուր իշխանին ոչ լուսացի յարիւն չարագործաց : Վախաղանք կանգնեալք ՚ի պատիժ յանցաւորաց ՚ի պատրաստ և ՚ի սք արդարութե, կանգնին ՚ի բարին հասարակաց համօրէն ժողովրդեան՝ ՚ի գորովալիւր հայրական գթութենէ :

Ո՛րչափ ժամանակս ըստ Բաբելոնաց սողոմոնն առ Լէւրա
 նոսթի Գաւթի : Վ՛րանի՞ ամաց էր՝ յորժամ սէսաւ ըստ Բաբելո
 րէլ : Այս յորժամ հասաւի՞ ծնաւ զանորանի՞ էսր զորդի :

Այստամբուծին արեսողոմայ՝ ըստ կաղինոս
 սի, եղև յերեսնեքորդ եօթնեքորդ ամի թագա
 ւորուծեն դաւթի : Այն ապտամբուծի ոչ ձգե
 ցաւ ընդ երկար ժամանակս . եթէ տացուք ամիսս
 երիս փախստեան դաւթի յերուսաղէմէ, և դար
 ձի նորա . տամք ժամանակ բաւական ամենայնի,
 որ ինչ գործեցաւ յայնմ խռովուծէ : Այս ի ժա
 մանեւ ի քառասուն և ի կէս ամս՝ որչափ թագա
 ւորեաց դաւթի, միան երեք ամք և երեք ամիսք :
 Պարտ է տալ ժամանակ և այնմ միջոցի, յորում ա
 դոնիա արար զոր արար՝ ի ցուցանել զանձն ժա
 ռանգ թագաւորուծէ : Օի ի մեռանել արեսո
 ղոմայ՝ մնալով նորա երէց ի մէջ եղբարց իւրոց,
 վաղվաղակի սկսաւ երևել բազում շքով առ յինքն
 ձգելոյ զաչս ժողովրդեան . արար իւր կառս, և
 սուրհանդակս՝ ընախագրելոցս յուսով թագաւո
 րելոյ : Արդ առ այն ամենայն գործողուծի և ի
 պատրաստուծի նոր սողոմոմբուծի յարուցանելոյ,
 որպէս հարկ երևի տալ ամ մի, նոյնպէս և չէք
 ինչ հարկ տալ աւելի . վասն զի անխոհեմ և անբզ
 գոյ էրիտասարդն ետ հրատարակել զանձն թա
 գաւոր յառաջ քան զձգել յիւր կողմն կուսակիցս
 բաւականս : Վնմին աւուր խռովուծէ ադոնիայ՝
 սողոմոնն հրատարակեցաւ թագաւոր . ուստի և
 յայնմ հետէ ոչ մնացին դաւթի՝ քայց քսան և եօթն
 ամիսք կենաց . ապա սողոմոնն ոչ կարաց թագաւո
 րել ընդ դաւթի աւելի քան թէ ամիսս իբրև քսան
 և եօթն :

Սողոմոնն զինի մահաւ հօրն թագաւորեաց ամս քառասուն . և յաջորդեաց զաթոռ նորա ուրովամ անդրանիկ որդի նորա ՚ի հասակի քառասուն և մի ամաց : Ապա ուրովամ ծնաւ միով ամաւ յառաջ քան զմեռանել դաւթի . ուստի յայտ է թէ սողոմոնն էաւ կին իբր երկու ամօք յառաջ քան զմահ հաւթի : Տացուք ժամանակ ինչ և հարսնախօսութե և պատրաստուէ հարսանեաց , և ահա ունիմք ամիսս իբրև քսան և վեց : Աստի՛ թ ետ կին սողոմոնն զինի թագաւորեացուցանելոյ զնա . սպա սողոմոնն թագաւորեաց ՚ի միասին ընդ դաւթի փոքր ինչ յաւէտ կամ նուազ քան զամիսս քսան և վեց , և քսան և եօթն :

Ասիցէ որ թերևս . զիք բնաւ յիշատակութի ինչ ոչ ՚ի գիրս թագաւորաց , և ոչ մնացորդաց վասն ամուսնութե սողոմոննի առ կենդանութի դաւթի : Իսկ ՚ի հասակէ ուրովամայ քաղի , թէ ծնաւ նա յառաջ քան զինել սողոմոննի թագաւոր . զի սողոմոնն թագաւորեաց ամս քառասուն . և ուրովամ էր քառասուն և մի ամաց՝ յորժամ մեռաւ սողոմոնն հայր նորա :

Առ այս ասեմք ընդ սմանս ՚ի մեկնաց . քաջա յայտ է ամենեցուն՝ որք ունին գէթ չափաւոր իմն տեղեկուի՛ սք գրոց , թէ սրպէս բազում դիպուածք ոչ պատմին յիւրեանց բնական տեղիս . բայց յետոյ գտանին յայլ գիրս , կամ յայլ տեղեաց քաղին :

Ամուսնութի սողոմոննի ընդ նաամայ ամենացւոյ ոչ յիշատակի ՚ի պատմութե դաւթի , այլ քաղի ճգրիտ արամաբանութի ՚ի հասակէ որդւոյ նորա : Օ ՚ի յասել գրոյն՝ թէ սողոմոնն թագաւորեաց ամս քառասուն , խօսի զժամանակէ թագաւորելոյ նորա յետ մահաւ հօրն , վասն զի երկու ամօքն թուեալ են ՚ի քառասուն ամս դաւթի . և հանդերձեալ էմք տեսանել յընթացս պատմութե թագաւորութեց , թէ այս ժամանակագրական եղանակ թուելոյ՝ սովորական է ՚ի սք գիրս , ուր բանք լինին վասն յաջորդութե թագաւորաց :

Իսկ թէ սողոմոնն էր թագաւոր հրատարակեալ

առ կենդանութիւն Տօրն՝ յորժամ ամուսնացաւ ընդ նաամայ ամենացւոյ, պաշտպանք այսր կարծեաց առնուն զայս ՚ի ԽԽ. սաղմոսէ. որ Թէպէտ ասեն՝ խորհրդաբար հայի ՚ի ՎՅ, և յեկեղեցի, այլ ըստ ճառին հայի ՚ի սողումն և ՚ի հարսն նորա. զի արարաւ ՚ի պատճառս այնր հարսանեաց. զոր ցուցանէ և մահապիր այնր սաղմոսի, որ է* Սաղմոս օրհնութեան վասն սիրելւոյն ॥ Իմա՛ երգ ասացեալ ՚ի դաւ Թէ վասն որդւոյ իւրոյ սիրելւոյն նոյ. քանզի սողումն կոչեցաւ և յեդեդի, այսինքն ԽԻԵԼԻ ԽԽ. և զսաղմոսն զայն ողջոյն յարմարեն սողումնն իբրև Թագաւորի, և հարսին նորա իբրև Թագուհւոյ։ Օ ՚ի համարնսկան իմն է ասեն, Թէ դաւիթ որ խորհէր զամենայն հնարս առ ՚ի գրաւել զժողովուրդն ՚ի հնազանդութի սողումնն, վազվազակի զկնի հրատարակելոյ զնա Թագաւոր՝ խորհեալ իցէ տալ նմա կին. քաջ գիտելով Թէ բազումն սպաստէ ՚ի պահել զժողովուրդն ՚ի հնազանդութե, տեսաւ նեւն նոցա յարքունիս զյաջորդութի։ Աւ այսպէս իբր հաւաստի դատին, Թէ սողումն Թագաւորեաց ընդ դաւթի հօր իւրոյ ամիսս իբրև իէ։

Այլ առաւել դժուարին է հաստատել, Թէ քանի՞ ամաց էր սողումն՝ յորժամ հրատարակեցաւ Թագաւոր։ Բազում և մեծամեծ վարդապետք, մտնաւանդ Թէ առաւելագոյն մասն նոցա յայն միտս են՝ լինել նմա երկոտասան ամաց, յորժամ ամբարձաւ յաթոռ Թագաւորուէ յետ մահու հօրն. ուստի հազիւ տասնամեան առ կենդանութիւն նորա։ Այսպէս դնի յայտնապէս ՚ի հին օրինակս եօթանասնից. որպէս և ՚ի մերումն. (Գ. ԽԳ. Է. 12.) * Աւ սողումն նստաւ յաթոռ դաւթի հօր իւրոյ՝ ամաց երկոտասանից ॥ Սոյնպէս խօսին և նքն իզնատիոս նժազգեաց, հերոնիմոս, որպէս և այլք ՚ի նքջ հարց։ Աւր ոմանք յարդի մեկնչաց իշխեցին ասել, Թէ հարք այդպէս խօսեալ իցեն, յաւետ առ ՚ի յարմարութի յառաջագիր բանի ճառի իւրեանց, քան Թէ ՚ի ճշգրիտ մեկնութի գրոյն. զոր օրինակ ասեն՝ և քարոզիւք բազում անգամ տան նժային

գրոյն մեկնուած իս յարմարականս, յորժամ ծառայէ այն ՚ի պարզել զճշմարտութի բանից իւրեանց. կամ առ լաւ ևս տպանալոյ ՚ի միտս ունկնդրաց, ոչ ճշտիւ քննելով զիմաստ գրոյն: Այլ սոքիմք ոչ ինչ ստնանեն ընթերցուածոյ մերում և բանից հարց. զի այլ է խնդրել ՚ի գիրս զյատուկ գրաւոր իմաստ, և զընթերցուած հնադոյն. և այլ խնդրել զյարմարականն, կամ զբարոյականն. յորս զանազանութի մեծ է: Սիսայն ունիմք ասել, թէ արդարեւ այս կարծիք դժուարութի մեծ բերէ: ՚ի կամիլն միաբանել ը նախանշանակեալ կարծեաց. զի բռնապատէ տսել թէ սողոմնն տասնամեան սկսեալ իցէ ծնանել զորդի: Այս է և այն, զի ՚ի մահուն սողոմննի ուրբովամ էր ամաց քառասուն և միոյ. ապա եթէ սողոմնն մեռաւ ամաց յիսուն և երկուց, ուրբովամ մետասան ամօք և եթ փոքր էր քան զհայր իւր:

Այլ մարթ թխտել թէ չիցեն երբէք այլ սմին նման դիպուածք երևեալ յաշխարհի. բայց նախ առանց ծանր պատճառաց չէ մարթ ասել, թէ դաւիթ կամեցեալ իցէ տալ կին որդւոյ իւրում յայն սիսում խակ և թերի հասակի: Արկորդ չէ մարթ հաստատել առանց բացայայտ բռնադատիչ հիման, թէ յայնպիսի տղայական հասակէ ծնեալ իցէ որդի: Արդ այս կարծիք բաց ՚ի վկայութէ եթ թանասնից և հարց՝ ունի և այլ երկու հիմունս: Սին է՝ զի սողոմնն բազում ուրբէ ՚ի սք գիրս կոչի մանուկ, և մանուկ փոքր, և այլ այսպիսի անուամբք. որք յայտ է թէ զմատաղ հասակ ցուցանեն: Այց յայդմանէ ոչ հետեի, թէ չիցէ նա անցեալ զերկու տասնամեանիւք. որովհետեւ յայտնի է՝ զի այսպիսի ձեք բանից ՚ի դէպ յարմարին նաև վեշտասան, և ութուտասնամեան իսկ պատանեկի, մանաւանդ յորժամ բան լինի կարգել զնա ՚ի մատակարարութի թագաւորութէ: Սիւս հիմն է, թէ սք գիրն անմիջապէս զինի ծննդեան սողոմննի, և պատերազմին ընդդէմ ամենացուց, պատմէ զբռնաբարութի թամարայ. յորմէ մինչև ցթագաւորել սողոմննի

անցին ամբ երկոտասան . որպէս կանխաւ ասացաք ,
 Այլ արժան է միտ դնել , զի բռնաբարուածի թա-
 մարոյ պատմի անմիջապէս , բայց չէ ասի՝ թէ եղև
 անմիջապէս զկնի : Այլ զիրն անդ Բ. Լափ . ԺԳ . ասէ .
 * Ալ եղև յետ այնորիկ ॥ . արդ յետ այնորիկն ասել
 ճշմարտի՝ թէ՛ եղևալ իցէ այն 'ի յաջորդ ամի , և
 թէ՛ եղևալ իցէ զկնի ամաց ինչ :

Օ այսորինակ լուծեալ յետին մեկնչաց զայս
 երկու ընդդիմուածիս՝ հաստատեն , թէ սողոմոն
 յորժամ օծաւ Թագաւոր 'ի գեհնն հրամանաւ հօր
 իւրոյ դաւածի , չէր 'ի վեշտասանամենից և 'ի վայր-
 և ըստ այսմ 'ի մէջ ծննդեան սողոմոնի և բռնա-
 բարուածի թամարայ՝ անցին ամբ իբրև չորք . յորս
 ըստ մասին եղև պատերազմ ընդդէմ ամոնացւոց ,
 և ըստ մասին չեղև ինչ արժանի պատմելոյ : Արքա
 զայս կարծիս իւրեանց հիմնեն 'ի վերայ զանազան
 բանից գրոյն : Անին առուր՝ յորում սողոմոն հրա-
 տարակեցաւ Թագաւոր , ադոնիա արար արտաքոյ
 երուսաղէմի խրախուծի մեծ . և հրաւիրեաց զեղ-
 բարս իւր . և զոմոնս յիշխանաց և 'ի քահանայից ,
 և 'ի զօրավարաց : Առ իմացուցանել դաւածի , թէ
 ադոնիա նովին խրախուծի ինդրէ՝ Թագաւորել ,
 եղաւ առաջի նորա իբրև անշուշտ ապացոյց այս՝
 թէ զսողոմոն ոչ հրաւիրեաց : Ապա սողոմոն էր
 յայնպիսում հասակի , որում 'ի ճահ էր երթալ
 բազմել ընդ իշխանս , ընդ զօրավարս , և ընդ արս
 կատարեալս . ապա թէ ոչ՝ անդէպ էր պնդել զայն
 առաջի դաւածի իբր հաւաստի նշան ապստամբուե-
 ադոնիայ , իբր զի զտասնամեան մանուկ՝ գլխովին
 անհամեմատ հասակաւ այլոց բազմահանաց՝ ոչ հրա-
 ւիրեաց : Ապա սողոմոն ոչ կարէր լինել յայնժամ
 փոքրագոյն քան զվեշտասանամեան : Ալ ոչ բազմօք
 առաւել քան զուծուտասն . ապա թէ ոչ՝ ոչ 'ի
 դէպ գային նմանութեանն ոչ միանգամ , և ոչ այլա-
 բանուածի , այլ իրօք և հաստատուածի տուեալք
 նմա 'ի սկիզբն Թագաւորուածի նորա , մահուի , և
 մահուի քոր կոչելով զնա . և այլն : Օ այսոսիկ ան-
 ուանս չէր մարթ տալ նմա , որպէս տուան եր-

բեմն դաւթի և բենիամինի վասն լինելոյ նոցա վերջին 'ի ծնունդս եղբարոյ . քանզի զկնի սողոմոնի եղէն և այլ որդիք բերսաբէի : Աոյնպէս չէ մարթասել զնա ճանաչ , յայն միտս՝ զի նշանակիցէ պատանի անկին . զի 'ի Թագաւորել նորա՝ վազվազա կի տուաւ նմա կին : Ապա հարկ է ասել՝ Թէ տակաւին էր մատաղ հասակաւ . ապա չէր անցեալ բազմօք զվեշտատանամենիւք . որ ոչ է հասակ խակ և տհաս՝ մասնաւորապէս յայնմ , որ ունի իրաւացի պատճառ փութացուցանելոյ զյաջորդութի : Աւսոյսպէս գոլով եօթնեւտասն ամաց՝ եղեալ էր հայր . և ութուտասնամեան Թագաւոր ինքնակալ յետ մահու հօրն : Տուեալ նմա ամս երիս ընդ խոտորումն 'ի Խնէ և ընդ սպաշխարութի (զորմէ զկնի ,) սկիզբն խոտորումն նորա լինէր 'ի հասակի 55 . ամաց . որ ըստ միաբան հաւանութե բժշկաց՝ ասի առաջին ծերութի , և ս առաւել ըստ սովորական խօսից մարդկան , որոց տեսեալ զայր յիսնամեան բերիլ 'ի սէր կանանց , լիաբերան ասեն զնմանէ , Թէ 'ի ծերութե սկսեալ է զառածանիլ :

Ունիմք և այլ վկայութի նշանաւոր 'ի հաստաւ տել Թէ սողոմոն իցէ վախճանեալ զկեանս իւր ոչ յոյժ ծերացեալ . և է այս . զի 'ի խնդրել նորա յայ զիմաստութի՝ հաճեալ այ ընդ խնդիր նորա , ետ պատասխանի . * Աոխանակ զի խնդրեցեր յինէն զբանդ զայդ , և ոչ խնդրեցեր քեզ աւուրս բազումս . և ոչ խնդրեցեր քեզ մեծութի , և այլն , ահա արարի ըստ բանիդ քում . . . Աւ զոր ոչ և ս խնդրեցեր , ետու քեզ : Ուր խոստանայ նմա արձակաբար զմեծութի և զփառս . բայց ոչ նոյնպէս արձակաբար և զերկարութի կենաց , կամ զաւուրս բազումս . զի աստ յաւել պայման . * Աթէ զնացեոս ասէ 'ի ճառնապարհս իմ , պահել զհրամանս իմ և զպատուիրանս իմ , բազմացուցից զաւուրս քո : 7 . Բադ . 7 . 14 : Ասկ նա ոչ լցոյց զպայմանն , զի անց զպատուիրանօքն այ . և անձ չետ նմա երկարութի կենաց : Աթէ մեռաւ յառաջին ծերութե , 42 ամօք յառաջ սկսանելով Թագաւորել , յոյտ է Թէ 'ի կարի

դալար հասակի սկսեալ է թագաւորել: Այսօրիկ այսքան . դարձցուք 'ի կարգ պատմութեան 'ք գրոց:

Գ. Լ. Գ.

Առդոմն ինձա՞նքն առնէ ընդ վարասուն արքայի էփօյ. արքայոց: Անորէ և ընդունի ցայ պէտքան գիտութեան: Առաջին հանդէս իմաստան դասարանի նորա յերկուս պոռնիկէ կանայս դասախաչս . և 'ի անդեասիան կարգ արն իւրոյ, և 'ի գիրս իւր:

Յապահօյլել սողոմննի զթագաւորութի իւր՝ մահուամբ աղոնիայ, և յովաբայ 'ի ներքին խուս վութեց և յապատամբութեց, զոր կարելին նոքա յարուցանել, խորհեցաւ և արտաքուստ ապահօյլել. առ որ կարևոր էր յոյժ բարեկամութի ընդ արքային եգիպտացոց: Ասան զի սկսեալ 'ի սէլիբ լերանց 'ի հիւսիսոյ՝ մինչև ցերկիրն գեսեմ, և ցծոյն կարմիր 'ի հարաւոյ՝ էին բնակեալ ամաղեկացիք, իսմայելացիք, և այն մասն մտդիանացոց, զորս 'ք գիրն կոչէ թոփպացիս: Որքա ամենեքին անհաշտ թշնամիք էին ժողովրդեան երրայեցոց. և չէր մարթ երբէք վստահանալ ընդ խաղաղութի նոցա, վասն զի սովորական գործ նոցա գոլով ասպստակութի՝ միշտ կազմ և պատրաստ էին 'ի մարտ: Ասան որոյ 'ի յաջողել սողոմննի ունել իւր բարեկամ զարքայն եգիպտացոց, սոքա 'ի մջ երկուց հզոր թագաւորութեց իբրև 'ի մջ երկուց սայրասուր սուսերաց անկեալ, յառաջոյ ունելով զերբոյեցիս, և 'ի թիկանց զեգիպտացիս, ոչ երբէք իշխելին իւրտիլ և յառնել ընդդէմ միոյն կամ միւսոյն: Յետ ելանելոյ որդւոց իսրայելի յեգիպտոսէ, չէղև երբէք հաստատել երրայեցոց խաղաղութի

ընդ եզիպտացիս . սողոմոն եղև յայսմ առաջին , առնելով խնամուլի ընդ արքայի նոցա . զի խընդրեաց և ընկալաւ զգուստր նորա իւր կնուծի . և ան զնա 'ի սիոն 'ի քաղաք դաւածի հօր իւրոյ . մինչև շինեսցե՛ նմա տուն առանձինն . զոր և շինեսաց զկնի կատարելոյ զշինուածս տաճարի նն , և նորակերտ տանն արքայի , և զպարիսպս երուսաղէմ քաղաքի :

Այնդիր է առ մեկնիչա , եթէ մեղաւ արդեօք սողոմոնն աստ , զի էաւ կին այլազգի : Ասողումք՝ նա գրեթէ ամենեքին անբասիր առնեն զնա այս անգամ 'ի մեղաց . Ախի՛ զի սք գիրն 'ի սկզբան թագաւորութե՛ նորա գովութի՛ խօսի զնմանէ . և անձիսկ երևի հաւան և հաճեալ ընդ սողոմոնն . զի նորոգ ամուսնացեալ էր , յորժամ երևեալ նմա՛ կատարեաց զինդիր նորա բազմապատիկ առաւելութեան զոր խնդրեաց : Արկրորդ՝ զի ազգ եզիպտացւոց ոչ էր փակեալ 'ի նոսա , յորոց հրաժարեցոյց անձ զժողովորդ իւր չառնել խնամութի ընդ նոսա , որք էին ամուլհացիք , քանանացիք , քետացիք , փերեզացիք , խեացիք , գերգեսացիք , և յերուսացիք . Էջ . 11 : Իսկ յայլոց ազգաց ոչ այնչափ խստիւ զգուշացուցանէ . կամ զի այլք չէին այնչափ մոլի և կատաղի առ կուս , ուստի և ոչ այնպէս հրասուրիչք և գրգռիչք 'ի ձգել զարս իւրեանց 'ի կռապաշտութի . և կամ զի գովով հեռի 'ի հայրենի երկրէ և 'ի կուոց նոցա , յանցանել ժամանակաց՝ օտարանային 'ի կուոց , որով և յուսալի էր գալ նոցա 'ի պաշտօն ճմարտինոյ : Ասողումք յայն միտս են վասն դատեր փարաւոնի , թէ 'ի սկզբան անգ 'ի գալ իւրում՝ յերուսաղէմ՝ ընկալեալ իցէ զճմարիտ կրօնս եբրայեցւոց . այլ յետոյ 'ի շինել սողոմոնի նմա տուն առանձինն , անդրէն իցէ գարձեալ յառաջին հայրենի կռապաշտութին . և 'ի նոյն ձգեալ և զսողոմոնն ընդ բազմութիւ օտարոտի կանանց : Ամին իրի 'ի գիրս երրորդ թագաւորաց Գլ . 6 . ուր ստգտանեն գիրք զսողոմոնն յաղագս բազմացուցանելոյ իւր կանայս այլազգիս , որք խո

տորեցուցին զսիրտ նորա յնյ , յիշատակեն և զգուստր փարաւոնի :

Վոյնգունակ անբասիր առնեն զսողոմոն 'ի մեղաց՝ սակս 'ի սկզբան թագաւորութե իւրոյ զոհս մատուցանելոյ ձոն 'ի վերայ բարձանց և 'ի վերայ զանազան սեղանոց : Վանզի թէպէտե յայտնի արգելեալ էր զայն անձ , յասելն . * Օգոյշ լեր անձինքում , գուցէ մատուցանիցես զողջակէզս քո յամենայն տեղոջ զոր տեսանիցես ॥ . Բ . օրէն . ԺԲ . 15 .

բայց ամենայն մեկնիչք զայս պատուէր իմանան միայն յայն ժամանակս պարտաւորել , մինչ խորանն վկայութե կայր ուրեք հաստատուն , և այն 'ի դիպուածս սովորականս . այլ ոչ նոյնպէս յանսովոր դիպուածս , և ոչ 'ի ժամանակի մինչ տապանակ ձոն թագաւորական էր երբեմն աստ և երբեմն անդ :

Որպէս ահա սամուէլ և դաւիթ բազում անգամ 'ի զանազան տեղիս մատուցին նյ զոհս և ողջակէզս . զորօրինակ 'ի դաղգաղա , 'ի սելով , 'ի դաբաա , 'ի քեբրոն , 'ի կարիաթարիմ , 'ի կալն ուռնեսայ , և այլն . և ոչ ուրեք սողոմոնին նոքա վասն այնորիկ 'ի գրոյն , իբր թէ ընդդէմ պատուիրանի ձոն գործեալ իցեն : Վանզի այն պատուէր հայէր 'ի ժամանակն որ զկնի շինութե տաճարին . որպէս բացայայտ ցուցանէ գիրն 'ի նախագրեալ բանին . ուր յաւելու . * Վալ 'ի տեղոջն զոր ընտրեսցէ ձոն անձ քո՝ իւր , 'ի միում 'ի քաղաքաց քոց , անդ մատուցանիցես զողջակէզս քո . և անդ արասցես զամենայն զոր ես պատուիրեմ քեզ այսօր ॥ :

Սասն զի այնուհետե ոչ ևս կային օրինաւոր պատճառք զոհելոյ արտաքոյ տաճարին : Սասն այնորիկ փութացաւ սողոմոն շինել զտաճարն , զի մի ևս ժողովուրդն զոհեսցէ ձոն 'ի վերայ բարձանց , և 'ի վերայ այլ և այլ սեղանոյ : Վայն զի յայտնի ասէ գիրն , թէ սիրեաց սողոմոնն զձոր , դնալ ըստ հրամանաց դաւթի հօր իւրոյ . ապա ոչ մեղաւ յայնժամ : Վալ յասել գրոյն վասն սողոմոնի , * Վայց 'ի բարձունս և նա զոհէր , և արկանէր խունկս ॥ , է լոկ պատմական . որպէս թէ ասել , ցորչափ չև էր շինեալ

3349



տունն անն, ժողովուրդն արկանէր խունկս 'ի վերայ բարձանց. նոյնպէս և սողումնն 'ի բարձունս զոչէր :

Յամենայն բարձունսն յայնուսիկ, ուր ընդ այն ժամանակս զոչէին, և ուր յաճախէր ժողովուրդն, առաւել բարձրագոյն մեծ և 'ի յարդի էր դարաւուն. զի անդ էր սեղանն ողջակիզաց, և խորանն անն, որք առ մովսիսիւ շինեցան յանապատին : Անդ գնաց սողումնն մեծահանգէս արքայական շքով, ունելով իւր ուղեկից զիշխանս, և զգորավարս, և զթիկնաարահ զօրս իւր. և 'ի վերայ սեղանոյն այնուրիկ եհան հաղար ողջակէզս անն : Ա զիշերին յայնմիկ եկաց արքայ անդ 'ի դաբաւուն. զիշեր երջանիկ վասն նորա : Վանդի երևեցաւ նմա անձ սպասաւորութիւն ճրեշտակի 'ի քուն գիշերոյ զուարթագին տեսլեամբ. և ասէ ցնա, խնդրեա՛ դու քեզ խնդիր ինչ՝ զի սաց քեզ : Սողումնն 'ի սկզբանէ թազաւորելոյ իւրոյ ոչինչ իմիջ այնպէս ցանկացողէր, որպէս իմաստութե՛ առ բարեօք կառավարութիւն հպատակաց իւրոյ. յորս հայէր իբրև 'ի սեպհական ժողովուրդ անն : Ղանաչէր զանբաւականութի հասակին, զանհամար բազմուի ժողովրդեան, զգլխուարութիւն 'ի գլուխ տանելոյ զծանչութի պաշտաման իւրոյ : Ղանաչէր և զանձ պարգևատու առ մենայն բարեաց. վասն այնորիկ մի միայն զիմաստութի խնդրեաց՝ խելամուտ լինել 'ի մէջ բարեոյ և չարի. երիս պատճառս 'ի մէջ բերելով առ ստացումն խնդրոյն : Ա կողմանէ այ՝ զողորմութի և զգլխութի նորա արարեալ դաւթի և նմա, բարձրացուցանելով զնա յաթու հօր իւրոյ. որ իմաստութիւն պահանի : Ա կողմանէ իւրմէ զթերութի հասակին, և զանբաւականութի 'ի անտեսութի թազաւորութե՛. * Աս եմ ասէ՛ մանուկ փոքր, և ոչ գիտեմ զել և մուտ իմ. ասրա տացես ծառայի քում սիրտ լսելոյ, և դատելոյ զժողովուրդ քս արգարութի : Ա կողմանէ ժողովրդեան՝ զանթիւ բազմութի նոցա, և զարժանաւորութի իբրև ընտրեալ սեպհական ժողովուրդ անն : * Առայ քս



'ի մէջ ժողովրդեան քո է, զոր ընտրեցեր ժողովուրդ քո ॥ :

Հաճոյ թուեցաւ առաջի տն խնդիր սողումնի զի խնդրեաց զիմաստութի, և ոչ երկայնութիւն կենաց, կամ հարստութի, և կամ յաղթութիւն թշնամեաց: Ասան այնորիկ ետ նմա իմաստութի և հանձար այնչափ, զի ոչ ոք իբրև զնա եղև յառաջ քան զնա, և ոչ ոք յետ նորա եղիցի նմանող նորա: Ալ 'ի վերայ այնորիկ յաւել և ետ նմա զմեծութիւն ընչից, և զփառս, որպէս ոչ ոք 'ի թագաւորաց երկրի մինչև ցայն օր գտաւ հաւասար նմա միայն զերկարութիւն կենաց խոստացաւ նմա ընդ պայմանաւ. * Աթէ գնացես ասէ 'ի ճանապարհս իմ պահել զհրամանս իմ և զպատուիրանս իմ, որպէս և գնաց դաւիթ հայր քո, բազմացուցից զաւուրս քո ॥ Գ. Թագ. Գ. 14: Օ այս ասացեալ՝ եղև աներևոյթ տեսիլն. և զարթուցեալ սողումնի՝ ծանեաւ, զի այն ամենայն բանք ընդ նոյ եղէն յերազի. բայց և զայն զիտաց՝ եթէ չեն երազայոյզ ցնորք երևակայութեան, այլ իրականք և ճշմարիտք: Վանզի մինչ զգայարանք իւր ընկղմեալք 'ի քուն՝ անգործ կային, հողին օրով և միտք և կամք նորա յառանձին պարզեաց տն արթուն և սթափ էին. վասն զի որպէս տայ անջատեալ հողոց իմանալ և կամիլ անկախ յերևակայութի և 'ի զգայարանաց, նմանապէս կարօղ է տալ զնոյն և հողոյն՝ մինչ 'ի մարմնի է: Ալ յայն դիպուած թէպէտ երևակայութիւն թմբբեալ և ընկղմեալ է 'ի քուն, և ամենայն զգայարանք դադարեալ յիւրեանց գործողութի. բայց բանական հողին է 'ի վիճակի, յորում կարօղ է խորհել, ընտրել, և կամիլ ազատօրէն. որպէս էին և մարդարէք յորժամ խօսէր ան ընդ նոսա: Ալ թէ ետ ան յայնժամ սողումնի այսպէս իմանալ և կամիլ, յայտ է 'ի բանից գրոյն: Ա՛ճ խօսեցաւ ընդ նմա. ապա կացոյց զնա յայն վիճակ, զի կարօղ իցէ տալ պատասխանի մարդկօրէն: Ա՛սաց նմա խնդրել զոր կամէր. * Ենդրեա՛ զինչ տաց քեզ ॥. ապա կացոյց զնա

ազատ յընտրել և 'ի կամիլ : Պառցէ այս արթնու-
թի հոգւոյն սողումննի իցէ պատճառ , զի յերկրորդ
գիրս մնացորդաց . 4Լ . 30 . ուր պատմի այս երևումն ,
ոչ ասի վասն սողումննի թէ 'ի քուն էր : Այնպէս
և պատասխաննի սողումննի ցուցանէ , թէ խօսեցաւ
նա կատարեալ խորհրդածութիւն և կատարեալ
արթնութիւն հոգւոյն , երիս պատճառս յառաջ բե-
թելով առ ստացումն խնդրոյն՝ որպէս ասացաք .
որով և արժանացաւ առաւել քան զխնդրեալն ըն-
դունել 'ի ձոնէ : Այլ այնպէս լի երկնապարզ և
իմաստութիւն , և ցնծութիւն դարձաւ սողումնն յերու-
սաղէմ . և մատոյց յանդիման տապանակի ձոն 'ի
սիոն ողջակէզս և զոհս խաղաղականս 'ի դոհութի
նայ . և արար խրախուժի մեծ՝ իւր , և ամենայն ծա-
ռայից իւրոց :

Յայնմ աւուր մեծի խրախուժէն մատուցաւ
նմա պատճառ յայտնել աշխարհի զիմաստութիւնն
նորոգ ընկալեալ 'ի ձոնէ : Վանգի երկու կանայք
պռռնիկք եկին 'ի դատաստան առաջի արքայի ,
խնդրելով արդարութիւն ընդդէմ միմեանց : Ասոր
էր և ձանձրալի սողումննի յայնմ աւուր լսել զգա-
տախազութիւն երկուց անարգ և անամօթ կանանց .
սակայն և այնպէս նստաւ լսել զփաստս նոցա .
բայց փաստ և ոչ մի գոյր , այլ լոկ պատմութիւն :
Ահա՛ն էր 'ի վերայ մատաղ մանկան միոյ , զոր ու-
նէին ընդ իւրեանս . և երկաքանչիւրն պնդէր լի-
նել մայր նորա , և կամէր զնա առնուլ որպէս զիւր
հարազատ ծնունդ : Ահաւ խօսել մինն 'ի կանանց ,
որ յայտ առնէր զանձնէ լինել մայր կենդանի ման-
կանն , և ասէ . * Եիս ձր իմ . ես և կինս այս էաք
'ի միում տան . և ծնայ 'ի տանն . և յաւուր երրորդի
ծնաւ և կինս այս . և մեք առանձինն էաք , և ոչ
գոյր ոք ընդ մեզ 'ի տանն , բաց 'ի մէնջ երկո-
ցունց : Այլ մեռաւ որդի սորա 'ի գիշերի , քանզի
ննջեաց 'ի վերայ նորա . և յարեաւ 'ի հասարակ
գիշերի , և առ զմանուկն իմ 'ի գրկաց իմոց , և
ազախին քո 'ի քուն էր , և ննջեցոյց զնա 'ի ծոց
իւրում . և զորդին իւր զմեռեալ ննջեցոյց 'ի ծոց

իմում : Այլ յարեայ ընդ առաւօտն դիւեցուցանել զորդին իմ, և նա էր մեռեալ . և հայեցայ ընդ այգուեն, և ահա չէր որդին իմ զոր ծնայ : Այլ ասէ միւս կինն, ո՛չ . այլ որդի քո է մեռեալն, և որդի իմ կենդանին : Արկոբին ևս զնոյն պնդէին ամենայն սաստիկութիւն, առանց նշան ինչ, կամ գէթ ստուեր իմն յառաջ բերելոյ, յորմէ հնար իցէ գուշակել ինչ : Այլ միայն ճանապարհ գոյր յայս դիպուած ՚ի լոյս հանելոյ զճշմարտութիւն . այն է երգումն . այլ ո՞ կարէր հաւատալ երգման նոցա . զի որք ոչ սոսկացան անասնօրէն մասնել զմարմինս իւրեանց ՚ի մեղս, զիւրդ սոսկայցեն ՚ի ստերգմուծէ : Ասան որոյ ամենեքեան որք անդն կային՝ բազում հետազօտութիւն մնային տեսանել, թէ զիւրդ լուծանիցէ նորահասակ արքայն զայն կնճիռն անլուծանելի կարծեցեալ :

Սողոմոն յետ թոյլ տալոյ նոցա հարուստ մի վիճել ընդ միմեանս, ապա ասէ ցնոսա . մինդ պնդէ թէ որդի իմ է կենդանի մանուկդ, և որդի նորա մեռեալն . իսկ միւսդ՝ թէ իմ է կենդանին, և նորա մեռեալն . երկոքինդ պնդէք անպատճառ, որով և երկոցունցդ փաստ է հաւասար . հնապ ասէ, բերէք առ իս զսուր . իբրև բերին, այն ինչ ունէր զնա ՚ի ձեռին իւրում, ասէ . զի մի լիցի զրկանք ոչ միոյն և ոչ միւսոյն, կտրեցէք զմանուկդ ստնդիաց զկենդանին յերկուս . և տուք զկէսն նորա դմա, և զկէսն նորա նմա, զի տարցին ՚ի տունս իւրեանց : Ազգումք՝ որք անդն կային, թերևս լուեալ զայս վճիռ՝ տաղտկացան ՚ի սիրտս իւրեանց, իբր տղայական անխորհուրդ և անազորոյն համարելով՝ զանմեղ մանուկն սպանանել վայրապար . բայց յորժամ տեսին զկատարածն, յապուշ կրթեցան : Անզի հարազատ մայրն ՚ի լսել անդ զվճիռ արքայի ընդ մէջ հատանել զմանուկն առաջի աչաց իւրոց, ՚ի չժուժելոյ աղեաց մայրենի դժոյն՝ անապարեաց անկաւ առաջի աթոռոյն արքայի, և ասէ . ո՞ տր իմ լուր ինձ, տուք նմա զմանուկն կենդանի, ես հրաժարիմ յիմոց իրաւանց . յետս կոչեմ զոր

ինչ խօսեցայ. նորա լիցի մանուկն, միայն մահու մի սպանանէք զնա: Սինչ նա առ կսկծանաց սըրտին այնպէս կողկողէր, միւսն զհակառակն պնդէր, թէ կատարեսցի վճիռ արքայի. կտրեցէք ասէր ընդ մէջ, մի իմ լիցի և մի գորա: Սողոմոն եթող զի պնդեսցեն երկոքին զբանս իւրեանց, մին ՚ի խնդրել զկեանս մանկան, իսկ միւսն՝ զի մեռցի: Ըստ պիտի գերահանձար հնարիւք ՚ի յայտ բերեալ արքայի զհարազատ մայր մանկանն՝ ասաց. տուք զմա նուկդ կենդանի նմա, որ խնդրեացն զկեանս զաւակի իւրոյ, և մահու մի սպանանէք զդա. նա է մայր գորա:

Յայնժամ հիացան ամենեքեան, և հնչեցաւ ընդ ամենայն հրէաստան դատաստանն՝ զոր դատեցաւ նորահասակ արքայն. և զահի հարան յերեսաց նորա, զի տեսին եթէ իմաստութիւնն է ընդ նմա առնել իրաւունս: Ըստ արժան է ՚ի միտ առնուլ և զայլ իմն իմաստուն զգուշաւորութի սողոմոնի ՚ի տալ զվճիռն. զի յասել նորա կտրել ընդ մէջ զմանուկն, ՚ի ձեռին իւրում ունէր զսուրն. զոր բազում խոհեմութիւն արար. վասն զի եթէ յայնժամ սուրն էր ՚ի ձեռս պաշտօնէին, վտանգ էր, թէ ՚ի վճռել նորա կեղծեօք, նոյն հետայն կատարէր նա իրօք զվճիռն. և արագութի պաշտօնէին կանխէր քան զկամս դատաւորին. և այնպէս վեր ՚ի վայր չըջէր զխորհուրդ արքայի: Ըստ ունի վնեկ խրատ դատաւորաց. զի բազում անգամ յորժամ վճիռ կամ պատուէր նոցա է օրինաւոր և արդար, ոչ գնի ՚ի գործ առ չարութե գործադրիչ պաշտօնէից. ընդ որս սովորաբար բարեկամութե են չարագործք: Ալ ընդհակառակն՝ յորժամ պատուէրն է անիրաւ՝ դահավէժ ՚ի յանկարծական բորբոքմանէ արարեալ, իբր ՚ի բազումս արագ կատարի յապիրատ պաշտօնէից. վասն որոյ եթէ կամք իխտանին է միայն առ ՚ի երկեցուցանել, և ոչ ՚ի պատժել իրօք, կարեւոր է նմա զգուշուի սողոմոնիւեան. զի մի ըդէմ կամաց իւրոց ՚ի գործ դիցի պատուէրն, և չկարիցէ այնուհետեւ դարմանել ինստուն:

Եւ այսոց սողումն զիւր վերնապարզ և իմաստութիւն և ՚ի կարգել զպաշտօնատարս, և ՚ի տնտեսութիւն զանազան իրաց՝ իւրոց արքունեաց: Ակարգս ներքին իշխանաց իւրոց կացոյց զազարիա որդի սաղովկայ քահանայի, և զերկու որդիս սիսայ զելիարեօի, և զաբիա: Օջանեա զորդի յովիդեայ սրար սպարապետ ՚ի վերայ զօրաց փոխանակ յովարայ. այլ յաղագս քաջ զօրապետին աբեսսայ, որ ՚ի ժամանակս դաւթի էր երկրորդ զկնի եղբօր իւրոյ յովարայ, արժանի լինելոյ և առաջին՝ ոչինչ ընթեռնումք. զուցէ ոչ վստահացաւ սողումն ՚ի հաւատարմութիւն նորա կացուցանել զնա ՚ի վերայ գործոյ՝ վասն մահու եղբօր նորա, զոր սպան նա ինքն սողումն: Ասան որոյ երեւի թէ խոյս ետ արեսսա ուրեք ՚ի կալուածս իւր, կատարել ՚ի խաղաղութե զաւուրս իւր: Սաղովկ և արիաթար էին քահանայապետք. յորմէ յայտ է թէ ՚ի տարազ ըլիլ արիաթարայ յանաթովթ յազարակ իւր, ոչ բարձաւ ՚ի նմանէ քահանայապետութիւն, այլ միայն գործածութիւն պաշտամանն. զոր սաղովկ միայն կատարէր. ընդ նմին և զեկամուտ նորա ամբողջ ինքն միայն վայելէր: Ազարիա որդի նաթանայ մարգարէի կարգեցաւ սենեկապետ արքայի. զաբութ երկրորդ որդի նաթանայ քահանայ՝ ներքին պալատական պաշտօնեայ բարեկամ արքայի: Աբեսար կացուցաւ տնտես հրամանատար ՚ի վերայ այլոց պաշտօնեից. և ադոնիրամ՝ հարկապետ: Աւուս կացոյց սողումն երկօրասան գաւառական ատեանս, կարգեալ նոցա գաւառապետս զընտիր ընտիրս իշխանաց իւրոց. ընդ որս էին որդին աւմինադարայ, և աբիմաս. երկօքին ևս երեւելիք. զորս յետոյ փեսայացոյց սողումն. առաջնոյն տուեալ ՚ի կնուի զտափատ, և երկրորդին զմասեփաթ զստերս իւր:

Վործ այսոցիկ երկօրասան գաւառապետայ էր առաքել յերուսաղէմ զսովորական ռօճիկս սեղանոյ արքայի: Սի մի ՚ի նոցանէ ունէր սահմանեալ զիւր ամիս. ՚ի մետասան ամիսս առնէր

զպատրաստութի, և 'ի հասանել իւրոյ ամենան՝ առաքելը յերուսաղէմ՝ զպատրաստեալն: Հանապա զորդ ուձիկ սեղանոյ սողմանի էր երեսուն քու նաչոյ. և քառասուն (կամ ըստ վուլկադային՝ վաթսուն) քու ալեր գերմակոյ, որ ստորին էր քան զնաչիհ: Ա՛յ քուն ըստ ստուգադոյն հաշուի կռէր ութհարիւր լիտր հաւովնայ. և այսպէս երեսուն քու նաչոյ առնէ քսան և չորս հազար լտերս. և վաթսուն քու գերմակոյ առնէ քառասուն և ութ հազար լտերս. զոր բաշխելով երկու լիտր առ մարդ 'ի միում՝ առուր, զհետ դայ թէ սողմանն սովորաբար կերակրէր յարքունիս իւր երեսուն և վեց հազար ոգիս: Աստ ալեր՝ էր և միսն. յամենայն առուր տասն եզն ընտիր ոչ մտեալ ընդ լծով. քսան կով արօտահան. հարիւր ոչխար յարգաւանդ գաշտս և 'ի հովիտս դարմանեալ. թնգ զորթս դիեցիկս, և զընտիր ընտիրս հաւուց պտրարելոց, և զվայրենի որսս զեղջերու, և զայծեամն: Յայս չափ անպայման ծախս արքունեաց՝ ոչ մտանէր դու զութիւն պաշտօնից: Ասան զի զամենայն ինչ ճշտիւ 'ի հաշիւ արկանէին հաւատարիմ համարակալք, որք ըստ գրոյն՝ ոչ սխալէին բան մի:

Ային սողմանի հազար և չորեքհարիւր կառք. Թ. նայ. Թ. 14. և քառասուն հազար մատակ ձիոց 'ի պետս կառաց. և երկոտասան հազար երիվարք հեծեւոց. զորս ըստ մասին պահէին յերուսաղէմ, և ըստ մասին յայլ քաղաքս, որք յայն սակս կոչին քաղաք կառաց, և քաղաք հեծեւոց: Վարին և յարդն 'ի պետս այնչափ երիվարաց գայր 'ի գաւառաց, զոր անխափան առաքելին գաւառապետքն ըստ իւրաքանչիւր սակի իւրում: Այս երիվարք էին ընտիրք յերկրէն արաբացւոց և յեգիպտոսէ. գնէին և յայլոց ազգաց, որպէս 'ի թագաւորաց ասորեաց, և 'ի թագաւորացն նեքոտացւոց. վճարելով ընդհանրապէս առ մի երիվար հարիւր և յիսուն սիկղ արծաթոյ. որ առնէ իբր 50 ոսկի վենետիկեան. ուստի գին արքունի երիվարացն հասանէր 'ի միլիոն մի և կէս. զոր ամենայն հաւա

տարմուծք անթերի վճարելին : Վանդի յաւուրս սողումնի այնչափ յաճախութի էր ոսկւոյ յերուսաղէմ, մինչ զի իբր առ ոչինչ համարեալ էր առ նովաւ արծաթ : Այս ծախք բովանդակ ոչ ծանրանային լոկ 'ի վերայ խորայնացւոց բնիկ ժողովրդեան սողումնի . քանզի բաց 'ի հրէաստանէ՝ այնչափ ազգք էին ընդ նովաւ, կէս մի 'ի դաւթայ բռնի նուառեալք, և կէս մի ինքնակամ անձնատուրք սողումնի յահէ երեսաց նորա, զի առ համեմատութք նոցա փոքր ինչ էր հրէաստան : Ամենայն թաղաւորք ասորւոց, մովաբացւոց, ամոնացւոց, փղշտացւոց, մադիանացւոց, ամաղեկացւոց, և թովպացւոց, 'ի թափսայ քաղաքէ, որ առ եփրատաւ, մինչև ցգաղա քաղաք . և 'ի գետոյն փղշտացւոց, որ ելանէ 'ի սէյր լերանց, և երթեալ մտանէ 'ի ծոփն, և բաժանէ զփղշտացիս յամաղեկացւոց, մինչև ցսահմանս եգիպտոսի, ամենեքեան հարկս հարկանէին սողումնի ամենայն հպատակութք . զի ոչ ոք իշխէր խլրաիլ կամ գլուխ ամբառնալ .

* Ար սողումն՝ ասէ գիրն, իշխան ամենայն թաղաւորացն 'ի գետոյն եփրատայ մինչև յերկիրն այլազգեաց, և մինչև 'ի սահմանս եգիպտոսի ॥ Է . Գ . Գ . Բ . Գ . 26 :

Ստնտեսական զբաղմունս՝ յաւել սողումն և զգրաւորական երկասիրութիս . արար զանազան գիրս պիտանիս և կարեորս ժողովրդեան : Վրեաց երիս հազար առակս հրահանգիչս բարոյական իմաստասիրութե, և հինգ հազար օրհնութիւնս կամ բանաստեղծական տաղաչափութիս : Արար և բնական իմաստասիրութի, կամ տնկաբանութի, գրելով զյատկութեց և զազգեցութեց ամենայն բուսոց, և տնկոց, և ծառոց, սկսեալ 'ի փայտից եղևնափայտի որ 'ի լիբանան՝ որպէս ասէ գիրն, մինչև ցզոպայն որ յորմն ելանէ : Վրեաց և 'ի վերայ շնչաւորաց ցամաքայնոց, ջրականաց, և օդայնոց, խօսելով զանութե և զյատկութեանց նոցին . այլ այս երկու գրուածք նորա ոչ ևս երեւին : Այն որք ասեն՝ թէ զգիրս տնկաբանութե եզեկիս

արքայ անհետ արարեալ իցէ, տեսեալ՝ զի ժողովուրդն տարապայման ապաւինէր 'ի դեղս, զոր անդ ուսուցանէր սողումն: Ինչպէս և այլ զանազան մատեանք յածէին 'ի հնումն, գուցէ և այժմ առ հրէայս, և առ այլ աւելորդապաշտ ազգս յանուն սողումնի. զոր մոզք և կախարդք եղին, առ 'ի յարգի ընծայեցուցանելոյ զայնպիսի դժոխային գրուածս: Սողումն անուանի էր ընդ ամենայն տեղիս, և յամենայն աշխարհէ գային առ նա լսել զիմաստութիւն նորա: Եւ թագաւորք արտաքինք առաքէին առ նա հրէշտակս և դեսպանս ուսանել 'ի նմանէ, և բերել ճաշակս ինչ իմաստութիւն նորա յերկիր իւրեանց: Սան զի ըստ գրոյն՝ ետ ան իմաստութի սողումնի և հանձար բազում յոյժ, և զեղունս սրտի իբրև զաւազ ծովու. և բազմացաւ իմաստութի նորա յոյժ՝ քան զհանձար ամենայն նախնեաց մարդկան, և քան զամենայն իմաստնոց եգիպտոսի:

Գ. Գ.

Հինարեւելի, և շինուելի, և սորափրուելի գերա-
հուլակ դաժարին 'ի սողումնէ կառուցելոյ:

Սամանակ հիմնարկութե տաճարին է գլխաւոր թուական բացայայտ նշանակեալ 'ի սք գիրս. զոր ընթեռնումք 'ի վեցերորդ գլուխն երրորդ թագաւորութեց սյսպէս. * Եւ եղև յամին չորեքհարիւրորդի և քառասներորդի (ըստ լատութեաներորդի) ելանելոյ որդւոց իսրայելի յեգիպտոսէ, յամին չորրորդի յամեանն երկրորդի թագաւորելոյ արքայի սողումնի 'ի վերայ իսրայելի,

շինէր զտունն անն ॥ : Արդ՝ ինչիւր է թէ ուստի՞ պարտ իցէ առնուլ զայս ելս որդւոց իսրայէլի . կէսար կազինոս զհետ երթեալ յայսմ պետաւիոսի , սերաբինոսի , տուրնէմինայ , և այլոց ոմանց երևելի վարդապետաց , ասէ թէ պարտ է առնուլ յանցանելոյ նոցա ընդ յորդանան , և ոչ ընդ ծովն կարմիր :

Յայանի է ասէ՛ յաճախ կոչել անձային գրոյն անուամբ ելից որդւոց իսրայէլի յեզիպտոսէ՛ զայն ամենայն քառասուն ամնն , յորս եզէն նոքա յանապատի անդ : Աւստի այն ելք սկսաւ յանցանելոյ նոցա ընդ ծովն կարմիր , և կատարեցաւ անցանելով ընդ յորդանան . ըստ այնմ , * Յելանէն իսրայէլի յեզիպտոսէ ծով ետես և փախեաւ . և յորդանան անդրէն դարձաւ ॥ . սաղմ . 234 . 1 . 5 : Ահա երկու ծագք կամ եզերք ելիցն . ծով փախուցեալ , և յորդանան յետս դարձեալ : Աւ . և . ս . * Յիշեցի՛ք զոր ինչ արար անձ քո ընդ մարիամ ՚ի ճանապարհի ելանելոյն ձերոյ յեզիպտոսէ ॥ . Բ . օրէնս . 17 . 9 : Աւր բանն է ՚ի վերայ բորոտու թէ մարիամու քեռ մովսիսի . որ եղև յետ չորեք տասան իջևանոց զկնի անցանելոյ իսրայէլի զծովն կարմիր ॥ : * Յնչ լիցի քեզ զոր արարն քեզ ամազէկ ՚ի ճանապարհի ելանելոյն քո յեզիպտոսէ ॥ . Բ . օրէնս . 17 . 17 : Այս եղև մինչ ժողովուրդն ճանապարհորդէր ընդ անապատն : * Այս են վկայու թիք և իրաւունք զոր խօսեցաւ մովսէս ընդ որդիսն իսրայէլի յելանել նոցա յերկրէն եզիպտացւոց ॥ . Բ . օրէնս . 17 . 45 : Արդ՝ յայտ է թէ այն եղև ՚ի քառասներորդ ամի . ապա և ՚ի քառասներորդ ամի խօսի վասն այնր ելից , որպէս թէ տախալին շարունակէր : Խօսելով վասն տօնի տաղաւարահարաց , ասէ . * Օ ՚ի գիտասցեն ամենայն ազգք ձեր , թէ ՚ի տաղաւարս բնակեցուցի զորդիսդ իսրայէլի ՚ի հանել ինձ զնոսա յերկրէն եզիպտացւոց ॥ . զեպ . 17 . 43 : Այլ նոքա զայն ամենայն քառասուն ամնն ՚ի տաղաւարս բնակեցան : Ապա հանել զորդիս իսրայէլի յեզիպտոսէ ըստ լեզուի անձային գրոյն՝

ձգեցաւ ընդ այն ամենայն քառասուն ամս , յորս նորա յանապատի անդ թափառեցան :

Օ այս եղեալ՝ ՚ի նշանակել զրոյն զգումար ամաց ելից որդւոց իսրայէլի յեզիպտոսէ մինչև ՚ի շինութի տաճարին , քաջ իմանի թէ ամբ այնր ելից ոչ փակին յայն գումար : Այս է սովորական և բնական եղանակ թուելոյ , ՚ի բաց թողուլ զեզրն յարձ . ուստի ասեմք ՚ի տասնէ մինչև ՚ի հնգետասանն են հինգ , ՚ի բաց թողեալ զտասն՝ յորմէ սկսանի : Ասան որոյ ասէ կաղինոս , բնական և պարզ մեկնութի յառաջագրեալ բանի գրոյն ըստ եբրայակա նին այս է . * § ամին չորեքհարիւրորդի ութսնէրորդի յեա կատարելոյ ելից որդւոց իսրայէլի յեզիպտոսէ՝ անցանելով զյորդանան , սկսաւ շինութի տաճարին ॥ : Այս սոյստէս ՚ի բաց հանեալ զայն քառասուն ամսն , մնայ անշուշտ գումարն նշանակեալ . զոր կաղինոս մի առ մի խուզարկութի բաշխէ ՚ի վերայ ամաց ըստ հաշուի լատին թարգմանութե և առանձին ժամանակագրութե իւրոյ : Այլով օրինակաւ չափեն այլք ՚ի հին և ՚ի նոր մատենագրաց ընդ եւսեբեայ : Այլ մեք ՚ի պատմութի շինութե տաճարին եկեսցուք :

Սողոմոն ՚ի սկզբանէ թագաւորութե իւրոյ եռայր հոգւով շինել տաճար մեծագործ և հոյաւ կապ սոյ բարձրելոյ , ըստ յունձնելոյ նմա դաւթի հօր իւրոյ : Բայց յապաղեաց ձեռնամուխ լինել ՚ի հիմնարկութի . քանզի կամեցաւ նախ հաւաքել և պատրաստել նիւթ բաւական , զի մի յետոյ առ պակասութե նիւթոյ դադարումն լիցի ՚ի գործոյն : Հիմն տաճարին հրաշակերտ շինուածոյն հանդերձեալ էր լինել ՚ի մեծամեծ որձաքար վիմաց . և որմունք նորա ՚ի հիմանց մինչև ցաւարտումն համակ վիմատաշ : Այլ թէպէտ ՚ի ժամանակաց անտի դաւթի հազարաւոր քարահատք սշխատին ՚ի լերինս հատանել քարինս , բայց սա համեմատութի մեծի շինուածոյն՝ սակաւ ինչ էր , զոր արարին : Սողոմոն , որպէս պատմի Է . Գրք . Է . 17 . Ժողովեաց յամենայն հրէաստանէ զամենայն արս պան

դուխտս յերուսաղէմ . և հանդէս արարեալ նոցա՝ եղիտ հարիւր յիսուն և երեք հազար և վեց հարիւր . և արար ՚ի նոցանէ ութսուն հազար քարահատս , հատանելքար ՚ի լերանց . և եօթանասուն հազար բեռնակիրս , բառնալ և բերել զքարինս . և երեք հազար վեց հարիւր վերակացու ՚ի վերայ նոցա , առ անխափան յառաջ վարել զգործն , և շտալ գործաւորաց ժամանակ դատարկութի : Սակայն և այնպէս ոչ փութացաւ սողումն դնել զառաջին վէմն հիմանս . քանզի և առ սպարաստութի բազմակոյտ փայտից ժամանակ պիտէր : Այլ կացոյց սողումն ՚ի ժողովրդեանէ իւրմէ արս երեսուն հազար՝ փայտահատս , բաժանեալ զնոսս յերիս դասս . և առաքէր ՚ի նոցանէ առ մի նուագ տասն հազար յամենան փոխանակաւ , որք գործէին ամիս մի ՚ի լիրանան , և զերկուս ամիսս հանգիստ առնուին ՚ի տունս իւրեանց . և այնպէս տասն հազար միշտ կային յանտառն , և գործէին զխոշոր գործս . զորօրինակ հատանել , տաշել , և յղկել զփայտս . և ազոնիրամ գործավար ՚ի վերայ նոցա . իսկ ճարտարապետք , և գլխաւոր գործաւորք փայտից՝ էին «իդոնացիք ժողովուրդ քիրամայ արքայի սիդոնացւոց : Սոյն այս քիրամ արքայ թէպէտև հեթանոս էր , այլ ոչ խորշեր ՚ի կրօնից եբրայեցւոց . վասն որոյ և ՚ի խօսելն գրով և դեպքանօք ընդ սողումնի օրհնէ զոր նմ իսրայէլի յաղագս նստուցանելոյ զսողումն յաջորդ դաւթի . () րհնեալ է ասէ նոր նմ իսրայէլի որ արար զերկինս և զերկիր . որ ետ դաւթի արքայի որդի իմաստուն ՚ի վերայ բազում ժողովրդեանն այնորիկ : Մատի և յայլ բանից գրոյն՝ երևի թէ քիրամ ունէր գէթ զանկատար ծանօթութի ինչ զոյ ճշմարտէ : Այր նա այր բարեբարոյ՝ խաղաղասէր , դրացի դաւթի , և հաւատարիմ բարեկամ նորա . և զնոյն մտերմութիւն կալաւ և պահեաց և ընդ սողումնի . որպէս և դաշնադիր եղև օգնել նմա յամենայնի՝ յոր ինչ կարօղ էր ՚ի գործ մեծի շինուածոյն :

Սողումն առաւելապէս կարօտ էր ճարտար հիւ-

տանց փայտից . յորում անուանի էին սիդոնացիք .
 և վասն այնորիկ զնոսա խնդրեաց 'ի քիրամայ .
 * Հրաման տուր ասէ (ծառայից քոց), և հարցեն
 ինձ փայտ 'ի լիբանանէ . և ահա ծառայք իմ եղիցին
 ընդ ծառայս քո . և զվարձս ծառայու թէ քո տաց
 քեզ , ըստ ամենայնի զոր և ասասցես . զի գու
 ինքնին դիտես , զի ոչ գոյ մեր այր , որ գիտէ հար
 կանել փայտ ' իբրև զսիդոնացիս ॥ 7 . Թագ . Է . 6 :
 Իմանք զայս բան այնպէս իմանան , որպէս այն թէ
 խնդրել սողոմոնի 'ի քիրամայ ոչ միայն գործա
 ւորս , այլ և փայտ 'ի լիբանանէ , զոր համարին
 լեալ յայնժամ ընդ նորա Թուրու թէ : Բայց յետ
 հարկանելոյ դաւ թի զադրաազար արքայ ասորեաց .
 Է . Թագ . Ժ . 18 . երևի թէ լիբանան այնուհետև
 մնաց 'ի ձեռս թադաւորացն յուգայ . թող զի ար
 դէն էր 'ի վիճակի ժառանգութե իսրայէլացւոց .
 զի լեառն լիբանան ամբարձեալ կայ 'ի մէջ սահմա
 նաց իսրայէլի 'ի հիւսիսակողմն . և 'ի ժամանակս
 սողոմոնի միշտ եղև ընդ Թուրու թէ նորա . ուր ամբողջս
 ևս շինեաց . 7 . Թագ . Ը . 19 . և Է . Գոց . Է . 6 :
 3) Կայտ է և յեղանակէ բանից սողոմոնի , որ տիրա
 բար կարգաւորէ զփայտից իբրև զիւրոց իրաց , հա
 տանել անխտիր՝ զոր ընտրելագոյն համարիցին . և
 ոչ խոստանայ վճարել զգին փայտից , այլ զվարձս
 աշխատաւորաց : Եւ թէ սլէտ անդ 'ի համար 10 .
 ասի . * Եւ տայր քիրամ սողոմոնի եղևնափայտ և
 մայրս ॥ . բայց և այս իմանալի է ոչ ըստ նիւթոյն ,
 այլ ըստ գործոյն և պատրաստութեն . զոր և քի
 րամ այնպէս իմացաւ , և մտադիր խոստացաւ
 տալ արանց իւրոց ոչ միայն հաստանել մայրս , և
 սարոյս , և թեղոջս , և պատրաստել ըստ ամենայ
 նի ըստ կամաց սողոմոնի , այլև իջուցանել զնոսա
 'ի լիբանանէ ցեղր ծովու . և արարեալ զնոսա
 լաստս 'ի ծովու , տանել և հասուցանել 'ի յոպպէ
 նաւահանգիստ . որ առաւել մծտ է յերուսաղէմ
 քան զայլ նաւահանգիստս ծովու . և անտի սող
 մոն հասուցանէր յերուսաղէմ : Եւ վճար արհես
 տաւորայն սիդոնացւոց տայր սողոմոն քիրամայ ամի

ամի քսան հազար քու ցորենոյ, և քսան հազար ստորո մաքուր և աղնիւ ձիթոյ. յոր երբեմն յու ւելոյր և քսան հազար քու գարւոյ, և քսան հազար չափ գինւոյ. բայց ոչ յամենայն տարւոջ :

Ապա 'ի սկիզբն ամին չորրորդի թագաւորու թէ իւրոյ յետ մահուան դաւթի՝ յամեանն զիու, որ էր երկրորդ ամիս եկեղեցական տարւոյ երրայեցւոց, և յայնժամ համեմատեալ ասորիի հոռովայեցւոց, արկ սողմոնն հիմն տանն ան : Սիջակէտ կամ կեդրոն նորա էր շինուածն, որ տիրապէս կոչէր Խորան, և որան ան. երկայնութի նորա 'ի ներքին կողմն էր վաթսուն կանգուն. լայնութիւն քսան. և ներքին բարձրութի նորա նոյնպէս քսան կանգուն : Բայց այս ներքին բարձրութի սյնպէս էր, զի զինի քսան կանգնաչափ բարձրութեան որմոց՝ գայր շրջանակ կամ պսակ գեղեցկակերտ. յորոյ վերայ և ևս բարձրանայր որմն իբր տանն կանգուն, այլ այն ոչ երևէր 'ի ստորէ : Աման այսորիկ լատին թարգմանն զներքին բարձրութիւնն գնէ երեսուն կանգուն, 'ի մէջ առեալ և զտասն կանգուն բարձրութիւն, որ 'ի վերայ շրջապատ պսակին : Ա վաթսուն կանգնաչափ երկայնութենէ անտի, երրորդ մասն մի էր հատեալ, և ձեացուցեալ իբրև քառակուսի մատուռն. ուր եղաւ տապանակ ան. և կոչէր Սրբաբէ սրբոց. իսկ այլ երկու քառակուսի մատուռք անբաժանք՝ ձեացուցանէին շինուած երկայնաձև ամենայն իրօք համեմատ. և կոչէր Սրբաբէ, կամ սորբն : Ա ճակատ կամ 'ի զլուխ նորա էր սեղանն խնկոց. ուր և մատուցանէին բուրմունս անուշից, և ոչ զոհս և պատարագս արիւնաւորս :

Այս բովանդակ շինուած էր պատեալ շուրջանակի կրկին պատուարօք, և տախտակամած որմովք. և 'ի մէջ երկուց պատուարաց էին երեք յարկք. լայնութի առաջնոյն էր հինգ կանգուն. երկրորդին կամ միջնոյն վեց կանգուն. իսկ երրորդին եօթն կանգուն՝ ընդ լայնելով յարկացն 'ի ստորէ 'ի վեր համեմատութեամբ, ըստ այնմ և

Թանձրութի որմոցն 'ի վերին կողմն նուազելով :
 Այս տախտակամածք ձևացուցանելին երեքկար-
 դեան յարկս կամ սենեակս . և ընդ շրջանակաւոր
 սանդուխտ լինէր ելանել 'ի միջին յարկն , և 'ի միջ-
 նոյն յերրորդն : Այրէս տաճարին հայէր ընդ ա-
 րևելս . և առաջի նորա գաւիթ երկայն ըստ լայ-
 նութեան բովանդակ տաճարին , և լայն 'ի տասն
 կանգնոյ . և սնտի ըստ նմանութե երկուց թևոց
 ձգեալ տարածանելին երկու ընդարձակ սրահք . սու-
 րորվք էին երկու նախագրեալ շրջանակաւոր սան-
 դուխքն , որք հանելին 'ի վերին յարկն : Քարձրութի
 սորա ևս էր յերեսուն կանգնոյ , որպէս առաջնոյն .
 և զնոյն անջրպետութի որմոց ունէր . ուստի և
 բոլոր բարձրութի տաճարին էր վաթսուն կանգուն :
 Քայց 'ի կողմն գաւթին առաւել բարձրանայր . և
 անտի լինէր անցանել յերրորդ դասիկոն բարձրա-
 գոյն . և ձակասն էր իբրև աշտարակ կամ գիտա-
 նոց բարձր՝ հարիւր և քսան կանգուն ամբարձեալ
 յերկրէ :

Որմունք տանն 'ի ներքուստ էին պատեալ յեղև
 նախայտից . որք 'ի ներքոյ կողմանէ 'ի սրբութե
 սրբութեցն էին դրուագեալ և պատեալ ձոյլ ոսկի
 թիթղամբք . նոյնպէս և յատակ նորա յեղևնախայ-
 տից՝ պատեալ ոսկեով ձուլով : Ամենայն արուես-
 տակերտ՝ որ ինչ գոյր 'ի ներքս անգր սրբութե
 սրբութեց , պատեալ էր ձոյլ ոսկեով . որպէս սե-
 ղանն՝ յորոյ վերայ հանգուցեալ կայր տապանակ
 ան . և երկու քերովբէք հսկայաձևք՝ 'ի տասն կանգ-
 նոյ բարձրութի նոցա , և 'ի հինգ կանգնոյ մի թև
 նոցա , նոյնչափ և երկրորդ թևն . որք խորանաձև
 տարածանելին 'ի վերայ տապանակին՝ հովանի առ-
 նելով նմա . կազմութի նոցա էր 'ի փայտից նոճի ,
 իսկ արտաքուստ պատեալ ձոյլ ոսկեով : Սիայն ա-
 ռաստաղն չէր ոսկիապատ . վասն զի փոխանակ ոսկե-
 ւոյ էր յորինեալ ընտիր ընտիր ակամբք պատուա-
 կանօք : Սակ սրբութին , կամ տաճարն արտաքոյ
 սրբութե սրբութեց՝ ոչ համակ ոսկիապատ . բայց
 փոխանակ ոսկեոյ յամենայն որմունս նորա շուրջա-

Նակի կային քանդակեալ քերովբէք և այլ պէսպէս
 դրօշուածք . և զանազան նկարք քաջարուեստք,
 ձևացուցեալ ստուերօք՝ ուրեք իբր խորագոյն, և
 ուրեք իբր արտաքս ցցուեալ, մինչև այնպէս երևեւ
 աչաց՝ որպէս թէ ՚ի բաց կորզիլ ՚ի տախտակամած
 որմնց անտի . որք թէ լինէին ոսկիապատ, թէպէտ
 հարստութիւն գերազանցէին . այլ ոչ գեղեցկութիւն .
 սակայն չէին անմասն և յոսկւոյ . քանզի և անդ ու
 րեք ուրեք երևէին ոսկի թիթղունք թռուցեալք,
 ուր վայելչութի յօրինուածոյն բերէր ՚ի յաւելումն
 զարդուց . իսկ յատակ այսր մասին էր յաղնիւ գու
 նագոյն մարմարինն քարանց, վայելուչ յօրինուա
 ծով դասաւորեալ :

Առ դրան տաճարին՝ որ հանէր ՚ի գաւիթ կամ
 ՚ի սրահ անդր աշտարակին, կային կառուցեալ
 աստի և անտի երկու մեծամեծ սիւնք պղնձիք,
 ութ և տասն կանգուն բարձրութի իւրաքանչիւ
 րոց . Գ . Թ . Գ . Է . 15 . բայց ոչ կատարեալ . զի որ
 պէս ընթեռնումք Բ . Գ . 15 . բարձրութի
 երկօցունց մեանգամայն՝ էր յերեսուն և ՚ի հինգ
 կանգնոյ . իսկ թանձրութի կամ շրջապատ իւրա
 քանչիւր սեան չորեքտասան կանգուն : Այլ խոյակք
 կամ վերնախարխալք նոցա հինգ կանգուն բարձր,
 ձոյլ պղնձիք . որպէս և պատուանդանք նոցա, կամ
 ստորնախարխալք էին ՚ի պղնձոյ : Այլ զի այս երկու
 սիւնք էին կառուցեալ լոկ առ ՚ի զարդ, չկայր այլ
 ինչ ՚ի գլուխ նոցա, բայց միայն գունատ մի պղնձի
 չորս կանգուն բարձրութի՝ գործ շուշանագործ,
 այսինքն ՚ի ձև շուշան ծաղկի յօրինեալ : Հանդէս
 երկուց սեանց այնոցիկ գոյր հրապարակ ընդար
 ձակ . զոր ընդ մէջ հատանէին երկու կամարակապ
 սիւնազարդ շինուածք բաժանեալք յերկու վայրա
 դաւիթս կամ սրահս անյարկս . և երկօրին էին
 մասունք տաճարին : Այն որ հուպ էր և գրեթէ
 կից ՚ի գաւիթ անդր տաճարին՝ յորոյ վերայ էր աշ
 տարակն, կուէր գաւիթ կամ սրահ քահանայից .
 ուր յանդիման դրան տաճարին էր մեծ սեղանն զո
 հից ՚ի պղնձոյ՝ քառակուսի, ՚ի քսան կանգնոյ ամե

նայն կողմանք նորա . և 'ի տասն կանգնոյ բարձրութիւնս : 'Ի միում կողման այնր դաւթի էր աւազանն մեծ , որ կոչէր ծով պղնձի . Թանձրութիւնսրա Թգաչափ , 'ի ձև բոլորչի . տրամագիծ նորա 'ի շրթանէ 'ի շուրթն տասն կանգուն , և խորութիւն չինգ կանգուն . որ տանէր երկու հազար մարս ջրոյ , զոր պահէին անդ յամենայն պէտս քահանայաւ կան պաշտամանց : Իսկ 'ի միւս կողմն էր Սոյաճ (Տաբաթա կամ Չոյլ հանգստեան կոչեցեալ շինուածն . որ էր իբրև ծածուկ սենեակ վանդակապատ շուրջանակի , և 'ի վերայ նորա խորան մեծագին . ուր առանձնանայր արքայ , յորժամ 'ի շաբաթս , կամ յայլ տօնս կամէր առաջիկայ դտանիլ զօհից և պաւտարագաց : Երկրորդ վայրագաւիթն կոչէր սրահ ժողովրդեան . զի սլ և իցէ՝ որ չունէր օրինական արդելս , կարէր մտանել անդ :

Այս ամենայն շինուած ցայս վայր վեր 'ի վերոյ իմն ստորագրեալ առ փոքր ինչ ծանօթութիւն վերծանողաց , կայր կառուցեալ ընդ մէջ ընդարձակ մեծաշէն հոյակապ շինուածոյ . որ և այն կոչէր տաճար . զի էր շուրջ զտաճարան , և առ այն պատկանեալ իբր մասն նորա . և էր կատարեալ քառակուսի . երկայնութիւն իւրաքանչիւր կողման հարիւր և քսան և չինգ ձող . մի ձողն էր երկօտասան ստնաչափ հասկմայեցւոց . վասն որոյ բոլոր շրջապատ այնր շինուածոյ՝ էր ստնաչափ վեց հազար , քառասնիւ չափ պակսս :

Օ ամենայն կահս և զանօթս կարևորս 'ի բազմագիմի պէտս տաճարի տն , արար սողումն բազում մեծագործութիւն : 'Ի սրբուէ եդ աշտանակս 'ի զուտ ոսկւոյ տասն . չինգ ընդ աջմէ , և չինգ ընդ ձախմէ . և տասն սեղանս ոսկիս , նոյնպէս ընդ աջմէ , և ընդ ձախմէ . և միանգամայն ասել՝ ամենայն անօթք , որք էին կարգեալ 'ի մօտոյ 'ի պաշտօն փառաց տն տն , որպէս շուշանաձև բազմաւ կալք , ճրագունք , յարգարիւք ճրագաց , ափսեայք , սկաւառակք , բուրվառք , խնկամանք , տուփք , և այլն , բովանդակ էին 'ի մաքուր ոսկւոյ . մինչ նաև

դուրք սրբութե՛ս սրբութեցն՝ ՚ի ներքոյ, և ծղինիք նոցա, և բեւեռք էին՝ ՚ի ձոյլ ոսկւոյ. կշիւ միոյ միոյ բեւեռի քսան և հինգ ունկի:

Իսկ անօթք առ այլ զանազան պէտս էին ՚ի պղնձոյ. որոյ վասն ած սողոմնն ՚ի տիրոսէ զայր մի կոչեցեալ քիրամ՝ անհամեմատ ճարտարապետ պղնձոյ. և նա զամենայն զգործ պղնձադործ արար. բայց աշխատութի և ծախք անբաւ եղեն առ ՚ի փոխադրել զայնոսիկ յերուսաղէմ: Բանզի պղնձն որպէս և այլ ամենայն հրահալելիք ՚ի սկզբանն ամբարեցան յերուսաղէմ, այլ հող երկրին երուսաղէմի ոչ էր ՚ի դէպ ձուլել անդ ձուլածոյս: Եւ անն որոյ ՚ի գտանել հող կաւուտ ՚ի ձեացուցանել զգաղափարս, և ՚ի թանձրութե՛ս մածուցիկ հողոյ ձուլել, հարկ եղև երթալ մինչև ՚ի գաղաղ. և անդ ՚ի մէջ սոքովթայ և սիրարարթամայ, որ կոչի և սաղաթ, հեռի յերուսաղէմէ իբրև ութսուն մղոնաւ՝ գործել: Եւնդ բերաւ պղնձն. և ձուլեցան սիւնք և խոյակք. և ստորնախարիսք, և նունաձևք, և աւազանք, և տաշտք. և քերորք, և առիւծք. և երկոտասան եզինք՝ որք բաւանային զճոյն պղնձի. և երկու մեծամեծ սիւնքն սրահին, զորս կոչեաց սողոմնն ՝ Յարում, և Բող. որք ՚ի Բ. Գոյ. Գ. 16. կոչին ուղղութի, և զօրութի՝ թարգմանաբար. և նոյն իսկ ճոյն պղնձի. Թոյլ զկաթսայս, և զօսանս և զայլ պէսպէս անօթս ՚ի նուաստագոյն պէտս խոհանոցին: Օայս ամենայն ձուլածոյ գործածս, և մանաւանդ զերկու սիւնս, և զճոյն պղնձի, և զեզինս ընդ ութսուն մղոնաչափ ճանապարհ տանել, ընդ լերինս, և ընդ ձորս անցուցանելով, սողոմն նեան իմաստութե՛ս պէտք էին: Եւ սակայն արարին զամենայն, և գործն մեծ հրաշալի լէ ամս եօթն և իբր յամիսս ութ կատարեցաւ:

Յամի աշխարհի ըստ հաշուին կաղնոսի 3159. յամեանն երկրորդի արկաւ հիմն նորա. և յամին 3166. յամեանն ութերորդի բովանդակեցաւ ըստ ամենայն բանի, և ըստ ամենայն յօրինուածոյն իւրոյ: Եւ յլ մեծագոյն զարմանք այն է. զի այնչափ

տպառած քարինք , այնչափ փայտք , և այնչափ ու կի զարդք 'ի գործ արկան յայնմ մասին տաճարին , որ կոչէր տուն ան , առանց բնաւ լսելի լինելոյ հնչման մըձոյ , կամ կռանի , կամ այլ ինչ երկաթի գործեաց . 7 . հասց . 7 . 7 : Ասան զի ամենայն նիւթք այնպէս տաշեալ և յղկեալ , և ճշտիւ չափեալ և յարմարեալ էին , զի առ 'ի գործ դնել զնոսա՝ չպիտէր այլ ինչ , բայց միայն զետեղել յիւրաքանչիւր տեղիս . մինչ նաև բւեռք՝ առ որս հարկէր կռանահարութի , ոչ էին սրածայր . այլ գործեալ իբրև ստուտակ (այն է՝ պուռմա .) զոր արցանիւ պտոյտքեալ միտէին 'ի տեղին անձայն . որպէս թէ առ 'ի յարգուի սրբութե տեղոյն՝ և անզգայ իրաց պահել զլուծի :

Ընկառարու մն այսչափ արագ , և 'ի բոլոր մասունս լրացեալ մեծի գործոյս , եթէ օրէն իցէ ասել՝ երեք իշխանք կամ վերահացուք եղեն գործակիցք : Արի՛ իշխանն իշխանաց անձ , որպէս առ գործ՝ բովանդակապէս կարգեալ 'ի փառս իւր : Արկրորդ իշխան՝ սողման , որ զիտելով զկարողութիւնն , և զայն ևս թէ բստ հասարակ նախախնա մութե անձ ոչ գործէ ինքն առանձին , փոյթ կալաւ ամենայն ոգւով 'ի գործն : Արկրորդ իշխան՝ արհեստն անմիջական ճարտարաց . զի առանց նոցա առ ոչինչ զօրէր իշխանութի սողմանի : Սողման գոյով լի իմաստութիւն համարեցաւ յանկաւոր իւրում իմաստութե ոչ գործել իբրև թագաւոր , իբրև արհեստաւոր , և իբրև գործաւոր . այլ բնութել այնպիսի արհեստաւորս , և այնպիսի գործաւորս , զի յընտրութե նոցա երևեսցի ինքն թագաւոր իմաստուն : Այլ բնարեաց սուտ տնտեսութիւն զթերաւարժս սակս խնայելոյ 'ի վարձս , այլ զբաշտաւարժս և զհմուտոյնս , առ ոչինչ գրեալ զառաւելութի վարձուց : Այլ մերժեաց զօտարս , զի իւրքն շահեսցին , այլ բնարեաց զգերազանցս ճարտարաց կրկնապատիկ օգտութիւն . մի՛ զի գործն լիցի լրացեալ և կատարեալ ամենայն մասամբ . և երկրորդ զի իւրքն հմուտութիւն և օրինակաւ օտարաց , ուսցին

և կատարեցին յարհեստս : Հաճու[թիւն՝ զոր եցոյց
 անձ սողումնն ի մինչ շինէր զտաճարն , յաւելլ 'ի նա
 փոյթ բազում և եռանդն առ բարիորդ կատարուին :
 Օ ի յընթացս գործոյն խօսեցաւ նմա անձ , և խոս-
 տացաւ ընդունել զտունն զայն իբրև սեպհական
 բնակարան . և ոչ [թողուլ զժողովուրդ իւր զիս-
 րայել : Այժէ դու գնասցես ասէ ըստ հրամանաց
 իմնց , և պահեսցես զամենայն պատուիրանս իմ ,
 հաստատեցից զբանն իմ , զոր խօսեցայ ընդ դաւ[թի
 հօր քոյ վասն քո :

Գ. Լ. Ե.

Այդ ընդհանր 'ի նշան փառաց ան ընդ պաճարն : Հոս
 հրաշական իջեալ յերկնից՝ ծախէ զողջակէս : Այլ շինուածս
 սողումնն :

Իբրև կատարեցաւ շինուած տաճարին ամե-
 նայն մասամբք , տարաւ սողումնն անդ զամենայն
 զկահն , և զսպասս և զամենայն զգանձն զարծաթ
 և զոսկի , զոր դաւ[թի նուիրեալ էր ան : Այս
 հրաման արձակեաց առ ամենայն ծերսն իսրայելի ,
 և առ ամենայն իշխանս ցեղիցն , և առ առաջնորդս
 տոհմից որդւոց իսրայելի՝ գալ ժողովիլ յերուսա-
 ղէմ , մեծահանդէս հռչակաւ հանել զտապանակ
 ուխտին անձ 'ի սիոնէ քաղաքէ դաւ[թի , և տանել
 'ի տունն 'ի տեղին պատրաստեալ վասն նորա : Այ
 տապանակի անդ ոչ գոյր ինչ յայնժամ , բայց միայն
 երկու քարեղէն տախտակքն ուխտի ան , զորս եդ-
 անդ մտնէս յանապատին 'ի քորէք . զի սափորն ոս-
 կի մանանային , և գաւազանն ահարոնի սքանչելեօք
 ծաղկեալ , որք [թուի [թէ 'ի սկզբան անդ եդան 'ի
 տապանակ անդր առ յիշատակէ , 'ի փոխադրու[թե
 նորա 'ի տաճարն՝ հանան , և եդան 'ի գանձս տա-

ճարին 'ի պահէստ : Ինչ տապանակին հանին և զխորանն վկայութե զոր շինեաց մովսէս յանապատին , և զամենայն սպասս օրբութե , օրք 'ի խորանի անդ էին : Եւ եղև և շքեղ յոյժ հանդէս փոխադրութես . զի արքայն սողոմոն , և ամենայն ժողովուրդն իսրայէլի գումարեալք առ նա , երթային առաջի տապանակին . և զենուին արջառս և ոչխարս , օրոց ոչ գոյր թիւ և ոչ համար : Եւ քահանայք բարձեալ տանէին զտապանակն , և զևտացիք սաղմոսանուագք երեք խումբք ըստ երից գլխաւոր սաղմոսասաց երգողաց աստիայ , եմանայ , և իդիթովմայ՝ ամենեքեան զգեցեալ պատմութեանս բեհեզեղէնս , տաւղօք , և քնարօք , սրնգօք և ծնծղայիւք . և ընդ նոսա հարիւր և քսան քահանայք փողահարք . օրք միանգամայն ամբարձեալ զձայնս իւրեանց երգէին միաբան փողովք և իւրաքանչիւր նուագարանօք զսաղմոսն , * Իոստովան եղերուք ձոն , զի բարի է , զի յաւիտեան է սղորմութի նորա ॥ . և այն՝ սքանչելի արուեստիւ , զի ոչ ձայնք երգողաց , և ոչ հնչմունք նուագարանաց և փողոց , բառնային կամ խափանէին զգեղեցիկ ներդաշնակութին :

Եւ ինչդեռ երգէին զսաղմոսս զայս , երևեցոյց ձոն զգալի նշանաւ զհաճութի իւր ընդ տունն և ընդ այն ամենայն հանդէս , զի յեղակարծ իմն լցաւ տունն թանձր ամպով 'ի նշան իւրոց ձոնային փառաց յայտնելոյ անդ : Հայնժամ ել սողոմոն 'ի վերայ պղնձի խարսխի , զոր ետ շինել 'ի մէջ սրահի ժողովրդեան հանդէս սեղանոյ ձոն . երկայնութի նորա 'ի հինգ կանգնոյ , նոյնչափ և լայնութիւնն . իսկ բարձրութի յերից կանգնոց : Եւ իսրայէլեաց անդ միշտ , և եղև իբրև աթոռ քարոզութե առ ժողովուրդն , ուր յետոյ քարոզեցին մարգարէք : Եւ այց առաջին քարոզիչ յաթոռոյ անտի եղև սողոմոն արքայ . որ մեկնեաց բազմութե ժողովրդեան իսրայէլի , օրք ախորժ ունկնդրութի լսէին նմա՝ զխորհուրդ փառաց ձոն երևեալ յամպն : Եւ վութի բարձրացոյց զբարութի և զողորմութիւն

րայ երեսաց յերկիր 'ի քարայտակ տեղւոջն, և երկիր պագին և օրհնեցին զոր. և ոչ կարէին մեկնիլ 'ի սբ տեղւոջէ անտի, ուր համարէին զանձինս լինել իբրև յերկնաւոր դրախտի: Այն նաւակատիս եզեն սողման զուարակս քսան և երկու հազարս, և ոչխարս արօտականս հարիւր քսան հազարս. և զի սեղանն պղնձի առ համեմատութիւն այնչափ բազմութե զօհից և ողջակիզաց և պատարագաց փոքր էր, և ոչ կարէր ընդունել զամենայն. ետ սողման սրբել զմիջին վայր սրահի քահանայից, և անդ կանգնեաց շարժական սեղան վառն պատարագաց, զորս ոչ կարէր տանել սեղանն պղնձի:

Արար սողման զնաւակատիս տաճարին եօթնօր. և զի էր յայնժամ և տօնն տաղաւարահարաց, որ նոյնօրինակ եօթնօրեայ կատարէր, վասն այնօրիկ տօնախմբութիւն այս երկարեցաւ առուրս չորեքտասան: Այլ յաւուր ութերորդի՝ երկրորդ եօթնօրեից, որ անկաւ 'ի 22. ամսեանն եօթներորդի, արձակեաց սողման զանթիւ զանհամար բազմութի ժողովրդեան զնալ յիրաքանչիւր տեղիս իւրեանց. որք եկեալ գումարեալ էին ոչ միայն 'ի դանայ մինչև ցերսաբէէ, որք էին վերջին սահմանք հրէաստանի, այլև յերկրէն եմաթայ 'ի մէջ գետոցն արանայ և փարփարայ՝ որ յասորիս դամասկոսի, մինչև ցհեղեղատն կամ ցգետն եգիպտացոց. որ այսպէս կոչեցաւ, զի բաժանէ զառաջին սահման եգիպտոսի՝ որ յերկիրն գետեմ, 'ի յանապատէն իսմայէլացոց և այլոց այլազգեաց, որք էին ընդ մէջ եգիպտոսի և հրէաստանի: Վանզի յայս ամենայն հեռաւոր սահմանաց՝ համբաւն հրաշակերտ շինուածոյ տաճարին, և ակնկալութիւնն չքնաղ հանդիսի՝ ձգեալ էր յերուսաղէմ զանթիւ բազմութի մարդկան:

Այտ կատարելոյ սողմանի զտուն տն՝ ձեռն էարկ 'ի շինութի իւրոց նորակերտ արքունեաց: Այլ յայտ պատճառն, թէ առ ինչ չհաճեցաւ որդին ընդ հոյակապ ապարանսն, զոր այնչափ մեծաւ

գործութիւն շինեաց դաւիթ հայր նորա յամբողջ անդր սիոնի : Առ որ չունիմք զայլ ինչ ասել , բայց զի շինել շինուածս սովորաբար է բուռն ակորժակ կամ մոլութիւն . յորմէ՛ որ միանգամ առնու զձաշակ , ոչ կարէ հրաժարիլ : Այս յայտնի է , զի սոզումնն յօժարութի մեծ ունէր 'ի շինուածս . և ոչ պակասէին պատճառք շինելոյ , զի ոչ պակասէին նմա դրամք : Արդ կառոյց զիւր արքունիս 'ի հաւրաւկողմն տաճարին՝ ձգեալ յարեւելեան կողմն քաղաքին : Ապա շինեաց առանձին ապարանս և վասն կնոջ իւրոյ դստեր փարաւոնի , զոր հանեալ 'ի քաղաքէ՛ դաւթի՛ բնակեցոյց զնա անդ , անպատեհ համարելով թողուլ զնա 'ի քաղաքի դաւթի՛ յետ մտանելոյ տապանակի ինն անդ : Յաւել և պարիսպս և աշտարակս յերուսաղէմ . շինեաց և ապարանս զբօսանաց և զուարճութե մօտ յերուսաղէմ քաղաք յարեւելեան կողմն նորա՛ 'ի ջրաբքի տեղեոջ . ուր արար և պարտէզս և բուրաստանս , և անտառս , և ամենայն փափկութիւնս . և 'ի մծյր ծառոց , զոր ետ տնկել անդ , կոչեաց զտեղին լիբանան . և զպարտէզս իւր կոչեաց անտառ լիբանանու :

Այլ մեծագործութիւն առաւել քան զայսոսիկ բազմաշխատ և բազմածախ՝ եղև շինել զբարձրաւանդակն՝ կոչեցեալ յերբայականն միլու . այսինքն է ընուլ և խնուլ զմեծ ծործորն կամ զվիհն , որ էր 'ի մէջ լեռին սիոնի , և յերուսայ հին երուսաղէմի . զոր սկսեալ էր դաւիթ , և սողումն կատարեաց , 'ի ձորոյն կեդրոնի մինչև ցլեառն սիոն հարթ հաւասար դաշտ կազմեալ . ուր շինեաց ապարանս և այլ զանազան շինուածս : Արևի թէ 'ի շինել սոզումնի զմելոն , նոր մարդահարկ եղեալ իցէ 'ի վերայ ժողովողեան . և այն եղև պատճառ ապրստամբութե յերոբովամայ որդւոյ նաբատայ . որպէս ցուցանէ գիրն յասելն . * Աւ այն իրք էին՝ զի վերացոյց յերոբովամ զձեռն իւր յարքայ սողումն , զի արքայ սողումն շինեաց զբարձրաւանդակն . և եխից զերամ քաղաքին դաւթի հօր իւրոյ : Յայս .

նագոյն ևս լատին թարգմանն . * Այս է պատ-
ճառ ապստամբութե (յերոսոլիմայ) ընդդէմ նո-
բա . զի սողոմնն շինեաց զմելնն , և հաւասարեաց
զիւրամ քաղաքին դաւթի հօր իւրոյ ॥ . 7 . Բա 4 .
Ժ . 27 :

Շինեաց և զանազան քաղաքս յայլ և այլ տե-
ղիս , զոմանս նորոգելով , և զոմանս ամրացուցա-
նելով . որպէս զեսեր , զմակեդոնով , զգազեր , զոր
փարաւոն արքայ եգիպտացւոց առեալ 'ի քանա-
նացւոց , զբնակիչսն կոտորեալ , և զքաղաքն հրձիգ-
արարեալ , առեալ էր զնա պաշտատական դստեր
իւրում կնոջ սողոմննի . զոր յետոյ շինեաց սողո-
մնն . որպէս և զբեթորոն վերին , և զբեթորոն
ներքին : Շինեաց և երկու մեծամեծ ամրոցս յա-
նապատին ասորւոց կոչեցեալ եմաթ սովբայ յայն-
կոյս լերանց ամանայ 'ի գլուխ սահմանաց իւրոց ,
ընդդէմ քաղդէացւոց , ասորեստանեայց , պարսից ,
և մարաց . և զմին կոչեաց բաղաթ . իսկ զմուսն
թերմնթ կամ թատմոր . զոր լատին թարգմանն
կոչէ բալմիրա . որ 'ի հնումն էր քաղաք հռչակա-
ւոր մեծ և հոյակապ . յիշատակեալ և 'ի պլինիո-
սէ . 41ր . 5 . 42 . 25 . զոր ապա կործանեաց աւրե-
ղիանոս կայսրն : Այս ևս պատեաց սողոմնն պարս-
պօք և ամրացոյց զբամբք և նգօք յամենայն թա-
ղաւորութե իւրում զամենայն արձակաքաղաքս , և
զաւանս 'ի սահմանադլուխս երկրի իւրոյ , և 'ի լի-
բանան . և զքաղաքս կառաց , և զքաղաքս երիվա-
րաց , զբեթ մարքաբովթ , կամ բեթ-համ-մարքե-
բա . այն է՝ տուն կառաց . բեթ-սուսիմ , տուն ձիոց .
ասեր սուսիմ կամ ասարսուսիմ , այսինքն գաւիթ
երիվարաց . որք գտանին յիշատակեալ 'ի գիրս յե-
սուայ . ԺԷ . 5 : Այս միանգամայն ասել , կատարեաց
սողոմնն և 'ի կարգի շինուածոց զամենայն ցան-
կութի սրտի իւրոյ . զի արար զամենայն , որ ինչ
անկաւ 'ի սիրտ նորա . և անկան 'ի սիրտ նորա՝
ըստ ումեմն ասելոյ՝ իբք կարևորք և մեծամեծք ,
ցորվայր կանայք ոչ խոտորեցուցին զսիրտ նորա
առ կուռս : Իայց պարտ է խոստովան լինել , թէ

'ի ծերութենն հուշագեցաւ յիմաստութիւն, քանզի յերիտասարդութե եղև կարի իգասէր. և դժուարին է պահել զիմաստութիւն ընդերկար՝ այնմ որ խորտակէ զսանձ պարկեշտութե :

Գ. Լ. Գ.

Սոր էրևոսն արտոմանի : Հասարակութի բարեխառնէ նորա ընդ արքային փարոսի : Հարստութի նորա և արեւման եկամտար : Գալուսար փիլիսոֆն սաբայ յերուսաղէմ :

Յետ կատարելոյ սողոմոնի զչինութի տաճարին, և տան իւրոյ և պարտիզաց, երևեցաւ նմա անձ երկբորդ անգամ, նոյնօրինակ՝ որպէս երևեցաւ 'ի դաբաւոն յորժամ պարզեցաւ նմա իմաստութի և հանձար : Այսուցաւ ընդ նմա և այլ անգամ մինչ շինէր զտաճարն, բայց ոչ յայտնութի և երևմամբ, որպէս յայս երկու նուագս : Այլ առ սաց ցնա յայտնի, թէ լուաւ պաղատանաց նորա, և արար նմա ըստ ամենայն աղօթից նորա. սրբելով զտունն զայն դնել զանուն իւր անդ յաւիտեան : Այլ եթէ գնայցէ առաջի նորա սրբութի սրտիւ և ուղղութի, որպէս գնաց դաւիթ հայր նորա, պահելով զպատուիրանս նորա ինքն և որդիք նորա, հաստատեցէ ար զխոստումն իւր, զոր խոստացաւ դաւիթի հօր նորա, կանդնել զթող նորա 'ի վերայ իսրայէլի յաւիտեան : Ապա եթէ 'ի բաց դառնայցէ 'ի նմանէ՝ ինքն և որդիք նորա և ժողովուրդն, և ծառայիցեն աստուածոց օտարաց, սպառնայ ցրուել զժողովուրդն յերկրէն զոր ետ նոցա. և զտաճարն, զոր այնչափ խնամով ետ շինել՝ ընկենուլ յերեսաց՝ գնալ յապականութի : Ա՛ծային սքանչելահրաշ և միշտ օրհնաբանելի մարդասիրութիւն առանձին խնամօք ընդ ժամանակս

ժամանակս զարթուցանէր և խրատէր զսողոմոնս իբրև գորովական հայր զորդի՝ խոստմամբ և սպառնալեօք, յուսով և ահարկութե՛ք՝ կալ ՚ի բարեպաշտութե, և չխոտորիլ չեւանեւ արտաքս յուղիղ ճանապարհէ տնն նոյ իւրոյ՝ յորմէ ունէր զամենայն բարի: Բայց մեղմ՝ և համբոյր բարբ սողոմոնսի, հարստութիւնք և փափկութիւնք նորա, սիրելութիւնք նորա թէպէտ համեստացեալք ՚ի ձեռն կապոյ ամուսնութեան, և մեղկութիւնն ՚ի փաղաքանս և ՚ի կանացի գգուանս, միշտ ՚ի մեծի վտանգի ունեին զնա ապերախտիլ յաւուր միում այսչափ բարերարութեց տնն նոյ իւրոյ: Ասկայն գոնէ ընդ ամս ինչ սպահեաց զանձն յիրական կռապաշտութի:

Բնդ քիրամայ արքայի սիդոնի և տիւրոսի կալաւ հաստատուն միշտ զխաղաղութի և զբարեկամութի. և թէպէտ արար սողոմոն իրս ինչ անհաճոյ քիրամայ. բայց նա կամ առ խաղաղասէր բարոյից իւրոց, և կամ առ քաղաքական նկատման, միշտ անխախտելի սպահեաց զբարեկամութի իւր ընդ սոյնսիսի մեծի թագաւորութե, որ և դրացի իսկ էր նմա: Բիրամ արքայ՝ որպէս տեսաք ցայս վայր ՚ի սկզբանէ հիմնարկութե տաճարին, մինչև ցկատարել սողոմոնսի զնա, և զտուն իւր, և զտուն գստերն փարաւոնի, և զպարտէզս իւր, և զայլ ա. մենայն շինուածս յերուսաղէմ՝ ընդ ամս քսան, միշտ ձեռնտու եղև նմա ամենայն յօժարութե. տուեալ գործաւորս հատանել եղևնափայտս, և մայր փայտս ՚ի լիբանանէ, և տանիլ զայնոսիկ մինչև քյոպպէ: Ալ ևս արհեստաւորս ճարտարս, ոչ միայն հիւսունս փայտից, այլև ՚ի գործս հրահալելեաց՝ ոսկւոյ և արծաթոյ և սղինձոյ, և բաց յայնցանէ ետ սողոմոնսի և հարիւր և քսան տա զանդս ոսկւոյ: Իսկ սողոմոնս փոխանակ այնր ամենայնի, թէպէտ առաքէր ամի ամի քիրամայ ոռ ձիկ, ցորեան, ձէթ ընտիր, գինի և գարի՝ բազում առատութե, որպէս պատմեցաւ յառաջագոյն. սակայն այնոքիկ երևի թէ չէին բաւական

փոխարէն այնչափ դործոց սիդոնացւոց, և այնչափ ոսկւոյ. մանաւանդ զի ՚ի վերայ այնր ամենայնի՝ տուեալ էր քիրամ սողոմոնի երկու քաղաքս ևս յերկրին փիւնիկեցւոց՝ զեմաթ և զսուլբա. զորս ամրացոյց սողոմոն ընդդէմ ասորւոց, և բնակեցոյց ՚ի նոսա զորդիս իսրայելի :

Ս ասն որոյ առ լիագոյն մճարումն ամենայնի, էտ սողոմոն քիրամայ քաղաքս և աւանս ընդ ամենայն քսան. ՚ի ստորին գալիլեա, ՚ի մէջ ելեւթերոս՝ այսինքն ազատ գետոյ, և լեբանցն տիւրոսի : Վնաց քիրամ ՚ի գալիլեա տեսանել զքաղաքսն, այլ ոչ հաճեցեալ ընդ նոսա, ասէ՝ խօսելով առ նա, որ ոչ լսէր նմա, զի չէր անդ սողոմոն. զի նչ են քաղաքքս այսոքիկ զոր ետուր ինձ եղբայր. եղբայր հօւն զսողոմոն վասն ընտանութէ ըստ սօվորութե ժամանակին. այլ զքաղաքսն իբր յարհամարհանս՝ հօգեաց երկէր կառուլ : Վ վերայ նշանակութե եբրայական բառիդ կապուլ կամ կէպուլ, զանազան են կարծիք մեկնչաց. ոմանք իմանան երկիր փշաբեր. ոմանք երկիր անջրդի աւազուտ և անբեր. կէսք երկիր ճախճախուտ մուխոտեալ. իսկ եօթանասունք, յորմէ և մերքս ըստ բնիկ նշանակութե եբրայական բառին դնեն սահմանս. իբր թէ առ այլ ինչ ոչ են պիտանացու, բայց յորոշումն սահմանաց որպէս երկիր լեռնային առանց այլ ինչ շահեկանութե : Վոյնպէս և վասն դրից կամ հողմանց քաղաքացն այնոցիկ զանազան են կարծիք մեկնչաց, քանզի եթէ երկիրն կապուլ, է այն տեղի որ ՚ի գիրս յեսուայ. թ՛. 27. հօչի քաբովդ, մծտ է պողոմայիդայ, ուստի ՚ի հարաւա հողմ տիւրոսի : ՎՅԼ զիւրդ և իցէ. քիրամ ոչ ընկալաւ զնոսա. բայց ոչ վասն այնորիկ քակեցաբարեկամութին և միաբանութին երկուց թագաւորութեց : յայտ է թէ այլ իրօք հաճեցոյց զնա սողոմոն. որպէս և նա զսողոմոն :

Վանզի յետ այնորիկ կամք եղեն սողոմոնի ունել և ՚ի ծովու տըրութի. այլ զի հրէայք ընդ այն ժամանակս անլարժ էին՝ որպէս ՚ի շինութի

նաւուց, նոյնպէս և 'ի նաւորդու[թ]ի. իսկ տիւրա-
ցիք և սիդոնացիք յերկոսին ևս քաջահմուտք և
հաշակաւորք, ընկալաւ սողոմոնն 'ի քիրամայ ար-
քայէ ոչ միայն արհեստաւորս ճարտարս 'ի նաւա-
շինու[թ]ի, այլև նաւորդս հմուտս 'ի նաւարկու[թ]ի
ընդ ծով. ընդ որս միացուցեալ սողոմոնի և յա-
րանց իւրոց 'ի գործ նաւաշինու[թ]է, և 'ի նաւար-
կու[թ]ի 'ի ծովու, զի առաջնորդու[թ]ք նոցա, և
իւրքն վարժեացին յերկոսին, ետ շինել նաւս 'ի
գասիոնդաբեր, որ էր նաւահանդիստ 'ի կարմիր
ծովու՝ մերձ յեզա[թ], և եղեալ 'ի նոսա ընդ արան
քիրամայ և յիւրոց արանց՝ առաքեաց 'ի սովփերա:
Մ. 11: Եւ յոր կողմն աշխարհի իցէ սովփեր կամ
սովփերա, չէ յայտ. զի սք գիրն բաց յանուանէն՝
այլ ոչ ինչ նշանակէ: Ամանք համարին [թ]է իցէ
հասարակ անուն բովուց ոսկոյ. ոմանք [թ]է իցէ
մալաղա կղզին. այլք [թ]է մի 'ի նաւահանդստիցն
բերուայ. կէսք [թ]է սպանիա, որոյ ոսկեհանք ա.
նուանի էին 'ի հնումն, և ոմանք [թ]է երկիրն ծո-
փաց 'ի հայս, կամ եւիլատայ՝ նշանակեալն 'ի ծն.
Թ. 11: Իսցց ամենեքեան ընդ կարծեօք, առանց
հաւաստի նշանս ինչ յառաջ բերելոյ. այս և ե[թ]-
հաւաստի է, զի գոյին անդ ոսկեհանք, զի բերին
անտի արքայի սողոմոնի ոսկի չորեքհարիւր և յի-
սուն տաղանդ. որպէս ունիմք 'ի գիրս երկրորդ
մնացորդաց. Է. 18: Կորմէ երեսուն տաղանդ ոսկ-
ւոյ ծախեցաւ 'ի զանազան պէտս նաւուց, և 'ի
[թ]ոչակ նաւորդաց, և մնաց արքայի զուտ ոսկի
տաղանդ չորեքհարիւր և քսան. և այսպէս գիրն
երրորդ [թ]ագաւորաց. Ը. 28. միաբանի ընդ գրոց
մնացորդաց:

Մ. քար սողոմոն միաբանու[թ]ք քիրամայ տիւ-
րացոց արքայի և այլ նաւատորմիղ 'ի ծովն միջ-
երկրական, 'ի նաւահանդիստն տիւրոսի, որ եր-
[թ]այր 'ի [թ]արչիս. այլ որպէս սովփերա, նոյնպէս
և [թ]արչիս կամ [թ]արսիս է տեղի անծանօ[թ]: Ամանք
դովին անուամբ իմանան ընդհանրապէս զամենայն
կղզիս, և զամենայն նաւահանդիստս ծովու. մա-

նաւանդ թէ և զնոյն իսկ զծովս. ուստի յասել
 գրոյն, * } երեւամ գայր արքայի նաւ 'ի թարսսէ ॥
 է որպէս թէ ասել, գայր 'ի ծովէ: Այց եղեալ
 թէ մարթ իցէ երբեմն փոխաբերութիւն յայն հան-
 բախան միտս առնուլ, սակայն աստ սք գիրն յայտ-
 նի գնէ զնա իբր էզր որոշեալ: Ամանք նոյնացու-
 ցանէն զնա ընդ սովիւրայ. վասն որոյ և զերկու
 նաւատորմիցս մի համարին. զոր յոյտնապէս զանա-
 զանէ գիրն. զմին դնէ էլանել 'ի նաւահանգստէն
 գասիոնգաբերայ, որ է 'ի կարմիր ծովու. իսկ
 զմիւսն 'ի նաւահանգստէն տիւրոսի, որ 'ի միջերկ-
 բախանին:

Ան ևս, որք անուամբք թարշիս իմանան զհիւ-
 սիսային ծովեղերս ամբիկոյ. յորս 'ի հնումն ծաղ-
 կեալ էր յոյժ վաճառաշահութիւն ընդ եգիպտոս
 քաղաքի 'ի ձեռն նեղոս գետոյն, և անտի ընդ ա-
 ղեքսանդրիոյ և ընդ համօրէն եգիպտոսի և ընդ
 բարբարոսաց աշխարհի: Որքս յայս կարծիս միտե-
 ցին, մի՛ զի ասեն՝ տեսանեմք 'ի զանազան տեղիս
 սք գրոց, մանաւանդ 'ի մարգարէականս, ուր լա-
 տին թարգմանն ընթեռնու թարշիս, եօթանա-
 սունք ունին կարբեդոն, նաւահանգիստ ամբիկոյ
 բազմավաճառ: Աւ երկրորդ՝ զի յամբիկէ գտանի
 ոսկի, արծաթ, և ժամիք փղաց, կապիկ, սիրա-
 մարգ, և ակունք պատուականք. որք էին սովորա-
 կան բեռն, զոր նաւք թարշսայ բերէին սողմոնի:
 Աւ չէ՛ ինչ ընդդէմ ասեն այն՝ զի նաւք թարշսայ
 ամս երիս ծախելին յեւրոյ 'ի նաւահանգստէն տիւ-
 րոսի, մինչև ցղարձ իւրեանց. որովհետև երեւի
 թէ հեռագոյն յոյժ ուրեք երթային, և ոչ թէ
 լոկ 'ի մերձակայ ծովեղերեայս ամբիկոյ: Անզի
 ասեն՝ այն նաւք երթային վաճառաշահութե աղա-
 դաւ յերկիր օտար արուածէց. ուստի ոչ երթային
 դատարկ, այլ բարձեալ տանէին վաճառս յար-
 դեանց երկրի իւրեանց, և արհեստակերտս, և
 այլ զանազան իրս, որոց գիտէին թէ կարօտ են
 նորքս առ որս երթային. զայս թէսկտ չունիմք 'ի
 գրոց, բայց ունիմք 'ի բնութիւն տուրեւանիկ շա-

Հավաճառութիւն : Այս պարտ է ասեն տալ ժա-
մանակ 'ի վաճառումն իրաց զոր տանէին , և 'ի
փոխանակումն ընդ այլ վաճառու երկրին . տալ ժա-
մանակ և 'ի նորոգումն նաւուց . և սպասել յաջող
և յարմար ժամանակի նաւարկութիւն : Տեսանեմք
ասեն և առ մեօք թէ որչափ երկար մնան նաւք
կառեալք անշարժ 'ի նաւահանգիստս՝ սպասելով
գտանել բեռինս , միանգամայն և գիպող ժամանակ
ելլից : Ապայն այս սլատճառք չեն բաւական 'ի
հաստատութի կարծեաց նոցա :

Հարստութիւն՝ որ ամի ամի գայր սողումնն 'ի
նաւարկութեց աստի , և 'ի հարկաց շրջակայ այլ-
ազգեաց , որք հարկատու էին նմա 'ի գետոյն եփ-
րատայ , մինչև ցտահմանս եգիպտոսի , էր վեց
հարիւր վաթսուս և վեց տաղանդ ոսկւոյ : Այս
էր սովորական եկամուտ , որ գայր արտաքուստ .
թող զբազմահարուստ ընծայս յամենայն թաղա-
ւորութեց արաբացւոց , և այլոց երևելի երևելի իշ-
խանաց , առ որս հասեալ էր համբաւ իմաստութի
նր , որք ցանկային տեսանել զնա , և լսել զիմաստութի
նորա . և պարծանս իմն վարկանէին անձանց առա-
քել կամ բերել նմա անձամբ ընծայս ծանրագինս՝
անօթս արծաթեղէնս և ոսկեղէնս , հանդերձս ,
և ստաչնն , և խունկս , և ձիս և ջորիս :

Իսկ թէ որչափ ինչ էր , որ գայր նմա յերկրէ-
թաղաւորութեան իւրոյ , չէ յայտ . բայց յայտնի
է զի էր բազում յոյժ յոյժ . քանզի գիտեմք 'ի
գրոյն՝ եթէ ընդ ծանրաբեռն հարկօք հեծէր ժո-
ղովուրդն : Ասան որոյ կամեցեալ գրոյն զմեծութի
հարստութե սողումնն յայտ առնել , ասէ . * Ալ էր
համարեալ արծաթ յաւուրս սողումնն , թէ իցէ
ինչ Ատ արքայ զարծաթ և զոսկի յերուսա-
ղէմ՝ իբրև զբարինս , և զեղևնափայտ՝ իբրև զմն-
լաթգենիս 'ի դաշտի բազմութեամբ . 7 . Խ4 . 8 .
21 . 27 :

Արար սողումն իւր աթու մեծագործ 'ի ժա-
նեաց փղաց , վեց աստիճանաւ բարձր . և 'ի վերայ
աստիճանաց վեց առիւծ աստի , և վեց անտի . և

երկու թևք աթոռոյն երկուց կողմանց յենարանք ձեռաց նստելոյն՝ երկու առիւծք, ընդ օմենայն չորեքտասան առիւծք: Այս ամենայն կազմած այս ինքն աթոռն և առիւծք և աստիճանք՝ բովանդակ էին սլատեալ թիթղամբք մաքուր ոսկւոյ . որոյ նման ոչ երբէք երևեցաւ յամենայն թագաւորու թէ ուրուք: Ամենայն կահ և ամենայն սպառք նորա և աւազանք էին յընտիր ոսկւոյ ոչ միայն յարքունիս երուսաղէմի, այլև ՚ի տան մօտաւոր գեղջիւրումն անտառին լիբանանու: Անդ արար և զինարան նորանշան վասն վեց հարիւր թիկնապահ զինուորաց, որք յեւանել նորա հանդիսիւ ՚ի տաւառն, կամ յայլ տեղի՝ երթային ընդ նմա: () Էնքն էին երեք հարիւր նիզակ ոսկի կռածոյ, և երեք հարիւր վահան ոսկի կուռ: Աւր յեբրայական բրնազրի՝ երկրորդ բառն գրի հիւն, որպէս թէ հոանդ . իսկ առաջին բառն գրի չիւս, իբր պէն՝ ա նուն ընդհանուր . որ և ըստ տեղւոյն անխտիր թարգմանի զէն, զբահ, վահան, նիզակ, սաղաւարտ, և այլն:

Աթագաւորաց արաբացւոց և յայլոց իշխանաց արտաքնոց, զորոց ասէ գիրն՝ թէ ինդրէին տեսա նել զսողմոնն, և լսել զիմաստութի նորա, որք ընծայս բազումն և մեծամեծս բերէին նմա, հռչակաւոր է տիկինն սաբայ . զոր ոմանք Արգնեդա կոչեն, այլք բազումք զկնի յովսէպոսի՝ Արկոզա ոմանք ևս Ասանդակա . բայց ոչինչ անստոյգ քան զայս . զի ոչ աստ ՚ի գիրս թագաւորաց, կամ մնացորդաց, և ոչ յաւետարանի, ուր յորն մեր յառաջ բերէ զիմաստասէր տիկինս զայս ՚ի յանդիմանութի ապշութե հրէից, յիշատակի անուն նորա: Աստ նմին օրինակի անստոյգ է ասել զնա թագուհի եթովպիոյ, այն է՝ հապէշի կամ խափշկաց, որպէս համարեցան ոմանք . զորոց ասէ կալմէթ, * Հոմա նունդ եթովպիոյ զբազումն յարդի մեկնաց վրիպեցոյց . որոց ընթերցեալ վասն սորա լինել թագուհի եթովպիոյ, իմացան զքնիկ եթովպիայն . ուր իմանալ պարտ էր զեթովպիայն, որ է յարաբիս, ՚ի

կողմն հարաւային ծովեզերեայց կարմիր ծովուն և Վիտեմբ զի հապէշք պնդեն զաւանդութի իւրեանց սաստիութիւնք. որ թերևս տանելի լինէր, եթէ չյօդէին և աղտեղի առասպելս զմեծահամբաւ տիկնոջէն, առ ՚ի զծագումն իւրեանց ինքնակալաց առնուլ ՚ի սողոմննէ միջնորդութեամբ սորա, զոր իւրեանց թագուհի համարին. առասպել՝ ասէ կալմէթ, արդարև արժանի հապէշեան տգիտութե և անամութ սնապարծութե:

Հասարակաց կարծիք մեկնաց զթագաւորութի տիկնոջս դնէ յարաբիա. որոյ մասն մի կոչէր սաբա և եթովլիոս: Ասի՛ զի քս կոչէ զնա դշտոյ հարաւոյ. Գաբլ. ԺԷ. 42. արդ յայտ է թէ արաբիա ձգի ՚ի հարաւակողմն հրէաստանի. և յաւելու թէ եկն ՚ի ծագաց երկրի լսել զիմաստուութիւն սողոմննի. զոր իմանալ պարտ է յաղագոս երջանիկ արաբիոյ, որ ձգի ցովկիտնոս կամ ցծոյն հնդկաց. զի անտի և անդր չերևի այլևս ցամաք: Արկորդ՝ զի պարզևք զոր տիկինս այս եբեր սողոմննի, զորօրինակ ոսկի, կնդրուկ և զանազան ազգք խնկոց, և ահունք պատուականք, են սովորական բերք արաբիոյ: Տես զայսցաննէ և յաշխարհագրութե մերում ՚ի 7. մասին ատրիկոյ:

Արդ տիկինս այս լուեալ զհամբաւ իմաստութե և մեծամեծ և սքանչելի գործոց սողոմննի՝ որ պատմէին ընդ ամենայն տեղիս. և ոչ կարելով հաւատալ, զի առաւել քան զկար մարդոյ թուէին պատմեալքն, կամք եղեն նմա աջօք տեսանել, և անձամբ ստուգել զամենայն: Ասն որոյ ելեալ յերկրէ իւրմէ զօրու ծանու, և բաղմութիւնք ծառայից և ուղտուց, որք բարձեալ բերէին զանձ բաղում ՚ի պարզև, եկն եհաս յերուսաղէմ՝ նովին արքայական մեծապատրաստ շքեղ հանդերձանօք: Անկալաւ զնա սողոմնն մեծաւ պատուասիրութիւնք, որպէս վայել էր իւրում մեծութե, և տիկնոջն արժանաւորութե: Ալ ասպա ՚ի լինել պատեհութե, եմուտ առ սողոմնն՝ խօսել ընդ նմա, և փորձել զիմաստութի նորա. արկ նմա առաջի զանազան ա

նանկս խորինս, և խնդիրս դժուարինս, զոր յառաջագոյն ունէր պատրաստեալ ՚ի մտի ոչ միայն զընական իրաց, այլև որպէս համարին բազումք՝ զիրաց ճշմարիտ կրօնի և զխորհրդոց հաւատոյ և զպաշտամանց: Այս սողումն ելոյժ և մեկնեաց զամենայն առակս և զամենայն խնդիրս նորա. և որչափ նա յաճախէր զհարցուածս, այնչափ և սողումն արագարագ առնէր պատասխանի անվճար ամենայնի զոր ցանկայր ուսանել. նա՛ առաւել քան զայն, մինչ դրեթէ զճածկեալն ՚ի սրտի յայտնել նմա. և ոչ վրիպեաց բան մի, զոր ոչ պատմեաց. մինչև զարմանալ տիկնոջն: Այս յաւելաւ զարմանք նորա, յորժամ ետես զմեծագործ հրաշակաւոյց տաճարն, զչքեղութի և զբազմազանձ հարստութի նորա, և զսքանչելարուեստ գործածս որ ՚ի նմա: Այս ևս զարքունի ապարանս սողումնի, և զտուն պարտիզին լիբանանու, ուր մայր փայտ, և ոսկի, և փղոսկր և անթիւ ճոխութի փայլէին յամենայնի, յոր կողմն և դարձուցանէր զաչս: Այսպիսի իրք, զորօրինակ մեծագործ հոյակապ շինուածք, և զարդք, և փարթամութիք են լոկ ՚ի զարմանս, և ՚ի խտտղանս աչաց. իսկ որ առաւել կարեւոր են, որոց և կարծեմ՝ առաւել լապէս ուշ եղեալ տիկնոջն, էին արքայական սեղանն սողումնի, աթու իշխանաց նորա ՚ի սեղանի, կարգ և աստիճան պաշտօնէից նորա. զգետ և գործ իւրաքանչիւր նոցա. միանգամայն և իմաստուն կարգաւորութի տնտեսական կառավարութի. այս ընթերցուածք են իմաստութեան, յորմէ լինի ուսանել քաջ կառավարութի հարկաւոր ամենայն թագաւորաց:

Ս) այս ամենայն տեսեալ խոհական տիկնոջն՝ ապշեցաւ ՚ի միտս իւր. խոստովան եղև, թէ բազմապատիկ առաւել ետես՝ քան զոր ակնունէր տեսանել. և թէպէտ բազում և մեծամեծք էին ՚ի լրոյ պատմեալքն զնմանէ, սակայն և այնպէս ՚ի կէս չէին ասէ այնց՝ զոր աչօք տեսի: Այս յառաւելութի հաճութե քրտին օրհնեաց զնձն ժողովորդեան իսրայէլի, որ այնպիսի իմաստուն թագաւոր

կացոյց նոցա վասն սիրելոյ զնոսա, առնել իրաւունս և արդարութի յատեանս նոցա: Այտ սողումնս չարիւր և քսան տաղանդ ոսկւոյ. և խունկս բազումս յոյժ, ընտիրս և գերազանցս, որպիսի խունկք բազումք և անուշունք ոչ էին եկեալ յերուսաղէմ, այլ և ականս պատուականս: Այնպէս և սողումնս ՚ի փոխարէն ետ տիկնոջն սաքայ զամենայն զոր ինչ կամեցաւ և զոր խնդրեաց. ընդ որս որպէս կարծի ՚ի բազմաց՝ ետ նմա և զմեծագոյնն և զկարևորագոյնն քան զամենայն ինչ, այն է ըզծանօթութի ճշմարտին նոյ իսրայելի: Այլ գարձաւ տիկինն և ամենայն ծառայք նորա ընդ նմա յերկիր իւր, թէ ոչ կատարեալ հաւատացեալ, բայց ստուգապէս գէթ անձամանօթ: Ահա այսպէս ամենապարզ և անհարկ հաւատարիմ ՚ի խոստմունս՝ պահեաց զբան իւր առ սողումնս. ելից ՚ի ծոց նորա այսչափ գանձ, ՚ի վարձ վասն ոչ խնդրելոյ նորա զհարստութի, և արար զնա իշխան՝ առանց զինաշարժութեան, ՚ի գետոյն եփրատայ մինչև ՚ի սահմանս եգիպտոսի. փոխանակ զի ոչ խնդրեաց զյաղթութի թշնամեաց, այլ միայն զխմաստութի. և թէպէտ խոստացաւ նմա անձ և զաւուրս կենաց նորա բազմացուցանել, զոր ոչ խնդրեաց նա. բայց որպէս ասացաք, այդ էր հանդերձ պայմանաւ, եթէ զհրամանս և զպատուիրանս նորա պահեսցէ. այլ սողումնս յայսմ անհաւատարիմ գտաւ, վասն այնորիկ և խոստումնս նոյ ոչ կատարեցաւ ՚ի նմա:

Ս'եղի սողոմնի . և վելուս որ յեդոյ հասին նմա :

Եթէ մարթ էր զպատմութի կենաց սողոմնի կնքել այնու , որ ինչ ցայս վայր պատմեցաւ զնմանէ , և ոչ անցանել յառաջ , սողոմնն լինէր գերապանծ քան զամենայն ինքնակալս , որք 'ի հին և 'ի նոր պատմութիս յիշատակին : Այլ հաւատարմութիւն պատմութե ստիպէ փոխել այսուհետև զո՞ք բանին . քանզի և ինքն փոխեաց զքնացս իւր , խոտորեալ յուզիզ և յարահետ ճանապարհէ նոն 'ի թիւրն և 'ի միւլարն : Տն ասեմ , որ անդստին յարգանտէ մօրն մայրօրինակ գորովանօք խնամ կալաւ նմա , զգուեալ և փայփայեալ իբրև զորդի սիրելի՝ մեծացոյց զնա իմաստուք , և համօրէն ճոխու թք հօգեկանօք և մարմնականօք , քան զամենայն իմաստունս և զճոխս երկրի . արար զնա ահաւոր և պատկառելի թագաւորաց . սքանչելի ամենայն ազգաց , յաղթօղ խաղաղական առանց զինուոց , և իշխան իշխանաց . բայց նա յայսր ամենայնի վերայ ապաշնորհ գտաւ առ բարեբարն իւր , և այն 'ի ծերութե :

Եղեն ոմանք աւելախնդիրք՝ որք առաւել քան զարժանն խստութե խօսեցան զնմանէ . մինչև 'ի մեղս գրել նմա ծանունս զգրօշուածս եզանց , զորեգ 'ի ներքոյ պղնձաձոյլ մեծի աւազանին . և զառիւծս ոսկիս իւրում արքայական աթոռոյ . որպէս թէ ընդգէմ սլատուիրանի նոն գործեալ , որ արգելու սաստիկ զամենայն գրօշեալս : Այլ տարապայման է նոցայն խղճմտութի . քանզի այն պատուէր նոյ 'ի հին օրէնս՝ էր զայնպիսի գրօշելաց , որք կերպարանօք , և գրիւք տեղւոյն ուր կանգնէին զնոսա , լինելին 'ի վտանգ կռապաշտութեան : Իսկ եզինք և առիւծք ոչ ըստ կերպարանաց , և ոչ

ըստ դրից կարէին լինել ումէք 'ի վտանգ . զի լոկ
'ի տեսանել զնոսա պատուանդան աւազանին , և
արքայական աթուոյ , առ ժամայն ունէին 'ի միտ
առնուել , թէ չեն նորա կուռք կանգնեալ 'ի պաշ-
տօն , այլ միայն 'ի վայելութի և 'ի զարդ : Օ ինչ
ունին ասել սորա յաղագս ոսկի քրովլէից , զոր
ւնձ ինքնին ասաց ցմովսէս առնել , և ուսոյց ևս
թէ որպէս գնիցէ զնոսա 'ի վերայ տապանակին ,
էլից . Ի՛. 20 , թող զքերորս , և զայլ զանազան
գրուագս՝ զոր ետ սողմին գրուագել և քանդա-
կել յոսկիապատ որմունս սրբութե սրբութեանց ,
յայտ է թէ վասն զի էին 'ի զարդ և 'ի մեծարանս
տապանակի տն , և տեղւոյն սբջ . միանգամայն և
խորհրդաւորք , 'ի յայտնութի փառաց բարձրելոյն ,
որ նստի 'ի քրովլէս :

Այլք մեղմագոյն և անաչառ խօսելով զսող-
մինէ , յառիթս մեղաց համարին նմա զբազմութի
երիվարաց՝ զոր պահէր հանապազ վաթսուն և եր-
կու հազար , որպէս ասացաք յառաջագոյն . և զան-
չափ և զանկիւ յաճախութի ոսկւոյ և արծաթոյ ,
ևս առաւել զբազմութի կանանց . ընդդէմ յայտ-
նի հրամանի տն , որ 'ի տալ օրէնս վազն հանդեր
ձեալ թագաւորաց ժողովրդեան իւրոյ , ասէ . * Սի
յաճախեսցէ իւր երիվարս . և մի դարձուցէ զժո-
ղովուրդն յեգիպտոս և մի յաճախեսցէ իւր
կանայս , զի մի խոտորեսցի սիրտ նորա . և արծաթ
և ոսկի մի կարի յաճախեսցէ իւր ॥ . Բ . օրէն . ԺԷ .
16 : Յաղագս երիվարաց յայտնի է 'ի բնագրէն , թէ
յոյր սակս արգելու ւնձ չյաճախել , զի մի վտառ
հացեալ 'ի բազմութի հեծեւազօրուն՝ ելցէ առնուել
զեգիպտոս , և զժողովուրդն անդ դարձուցէ . զի
յառաջագոյն պատուիրեալ էր նոցա՝ մի ևս դառ-
նալ ընդ նոյն ճանապարհ : Վանզի կամէր ւնձ
չլինել երբայեցւոց ապաշնորհ երախտեացն՝ զոր
ընկալան յեգիպտացւոց 'ի սկիզբն պանդխտութեան
իւրեանց առ նոսա : Այլ ևս արգելու զբազմութի
երիվարաց , զի մի գոյսն զոր պարտ էր դնել յւնձ ,
գնիցեն 'ի բազմութի հեծելոց : Սակայն զմտառ

ածեալ զընդարձակութի տէրութեան սողումնի , զբազմութի արանց՝ որք հանապաղ էին յարքունիս ցերեւուն և վեց հազար , և զանբաւ գործողութիսն ներքինս և արտաքինս , թիւ երիվարաց նորա չեւեի աւելորդ առ այնչափ պէտս տէրութե :

Օնոյն է ասել և վասն յաճախութե ոսկւոյ և արծաթոյ՝ զոր անձ էտ նմա . և կամէր՝ զի ծանխցէ զայն պարգև առ ՚ի նմանէ ընկալեալ : Ոչ արգել անձ թագաւորաց հաւաքել արծաթ և ոսկի , և հանել և սիւռել զայն ՚ի պէտս հասարակաց , և ՚ի շուք վայելչական իւրեանց արքայական փառաց : Այլ կամեցաւ սանձ դնել ընչաքաղց աղահոլութե թագաւորաց , չկեղեքել զժողովուրդն առ ՚ի յաճախել իւրեանց դանձս , և չպահել զայն թաղեալ անգործ . այլ որպէս գիտեն ժողովել , զիտասցեն և ՚ի գործ արկանել . զի յայնժամ ձեռաց ՚ի ձեռս անցանելով դրամոց՝ ծանրութի հարկաց թեթեաւ նայ յայս ժողովրդեան . տեսեալ՝ զի զոր տան ՚ի վճարումն հարկաց , դառնայ անդրէն ՚ի ձեռս իւրեանց : Արդարև սողումն ոչ թաղեաց և ոչ եթող անգործ զանձապարգև հարստութիւն իւր . զի թէ յաճախէր ժողովել առատութի , յաճախէր և ծախել նոյնչափ առատութի . որով ոչ միայն իւր ժողովուրդ , այլև օտարք բաժանորդ լինէին նորին հարստութեան . Ամին իրի ոչ գտանեմք ՚ի գիրս ստգտանել զսողումն իբրև մեղուցեալ ՚ի յաճախել երիվարս , և արծաթ և ոսկի :

Այլ մեղաւ նա և մեծապէս մեղաւ , զի զսէրն այ զոր ՚ի մանկութե անչեջ պահեաց ՚ի սրտի , ՚ի ծերութե իւրում դարձոյց ՚ի կանայս . և եղև մի յայնցանէ , զորոց խօսի առաքեալն ՚ի գաղ . 7 . 3 . որք հոգւով սկսեալ՝ մարմնով վախճանին : Ահիզըն մեղաց նորա եղև բազմացուցանել իւր կանայս . և այն յաղգաց օտարոտոց , ընդ որս ոչ մի կամ երկու , այլ բազում անգամ պատուիրեաց անձ որդւոց իսրայելի չառնել բնաւ խնամութիւն , զի մի խոտորեցուցանիցեն զսիրտս նոցա զկնի կռոց իւրեանց : Ասկայն սողումն ՚ի նոսա յարեցաւ սիրել ,

և առ իւր կանայս մովարացիս , ամնացիս , եղովմայեցիս , ասորիս , քեռացիս , ամավրհացիս , և յայլոց այլազգեաց՝ ցհաղար . յորոց եօթն հարիւր տիկնայք էին . և երեք հարիւր հարձք , կամ երկրորդական կանայք : Վուցէ վատահացաւ յիմաստութի իւր , և ՚ի կատարելութի հասակին , յորում ախտ տուփական սիրոյ շիջանի , կամ գէթթուլանայ , ոչ երբէք ըմբռնիլ ՚ի թակարդ նոցա . հեռաւոր վտանգ համարելով անձին , զոր անծեցոյց լինել մերձաւոր , և հաւաստի վտանգ կործանման . զորոյ աւաղելի փորձ առ ինքնին սողումն : Օ ՚ի կանայք տիրելով սրտի նորա՝ տիրեցին և հողոյն . և փաղտքուշ կանացի հրապուրանօք իբր տուամբ կապեալ զիմաստունն զայն և զսքանչելին աշխարհի , խոտորեցուցին ՚ի անէ անյ իւրմէ , և ձգեցին զհետ կոյր և յիմար ամպարշտութե իւրեանց : Ատուն նմա նովին ձեռամբ , որով կանդնեաց սեղան և տաճար փառաց բարձրելոյն , շինել սեղան քամովսայ կռոյն մովարու ՚ի լերինն ձիթենեաց հանդէպ երուսաղէմի . և մեղքամայ կռոց ամնացուց . և աստարտայ դարչելոյ սիդոնացուց . և այնպէս արար ամենայն կանանց : Արքա պաշտէին անցնիւր զիւր չնծ . իսկ սողումն խունկս արկանէր ամենեցուն . ոչ իբր համարելով անծեղէն իմն լինել ՚ի նոսա , զի չէ հաւանելի թէ յայն վիհ յիմարութե իցէ խորասուղեալ . այլ պաշտէր առ երեսս լոկ արտաքին գործով , ՚ի հաճել զկամս կանանց և հարձից իւրոց , որք գերեալ ունէին զնա :

Այլ թէ որչափ ժամանակ եկաց մնաց սողումն յայն աշխարելի կուրութի ամպարշտութեան , չէ յայտ . սակայն երեւի թէ ոչ կարի երկար : Վանզի անծ թէպէտ բարկացաւ նմա յոյժ վասն մեծի ապերախտութե նորա , սակայն և այնպէս ըստ իւրումն անսահման մարգասիրութե , ՚ի բարկութե յիշելով և զողորմութի , և կամեցեալ կոչել զնա յապաշխարութի , խօսեցաւ առ նա ՚ի ձեռն արիայ սիլննացուց , կամ այլոյ մարգարելի . թերևս և ՚ի ձեռն հրեշտակի , և ասէ . փոխանակ զի ոչ սրահե

ցեր զՏրամանս իմ և զպատուիրանս՝ զոր պատուիրեցի քեզ, և խորտակեցեր զդաճն՝ զոր եդի ընդ քեզ, և անպատուեցեր զանուն իմ, և զայթակղեցուցեր զժողովուրդ իմ, և ես պատուեցից ըզթագաւորութիդ՝ ՚ի ձեռանէ քումնէ. և տաց զդա ծառայի քում: Եւ ստ ամսարշտութե քո արժան էր իսկ և իսկ առնել զայս, այլ վասն դաւթի հօր քոյ յապաղեցից ցօր մահուն քո, և ՚ի ձեռանէ որդւոյ քոյ առից զդա: Սակայն զամենայն թագաւորութիդ ոչ առից ՚ի շնորհս դաւթի ծառայի իմոյ. և զի ընտրեցի զերուսաղէմ՝ աթու փառաց իմոց, և կամիմ զի կացցէ նա և ևս ընդ տէրութե այլոց յաջորդաց, վասն այնորիկ գաւազան մի տաց որդւոյ քում: Եւ զի մի պատիժ հօրն բովանդակ ՚ի վերայ որդւոյն անկցի, կամք եղեն նոյ և զհայրն խոշտանկել ՚ի վերջին ժամանակս կենաց նորս. տալով նմա պատճառս խոնարհութե և համբերութե, զի ծանիցեն և գիտացեն ամենեքին՝ եթէ զնոյ միայնոյ կախեալ կայ և ժամանակեան երջան կութիւն մարդկան:

Եւ արոյց նձ ընդդէմ սողոմոնի երիս խռովաբարս. զաղեր, զուզոն, և զյերոբոսովամ. որք թէ պէտ առ նորին կենդանութե մեծ ինչ չար ոչ աբարին, վասն այնորիկ և որ գիրն համառօտիւ անցանէ՝ հազիւ նսեմ իմն ծանօթութիւն տալով զիրացս. բայց հայելով յանձն սողոմոնի, որ էր սնվորեալ տեսանել զիւրմէ ակնարկութե կախեալ զամենայն թագաւորութիս շուրջանակի, վիշտ մեծ հասուցին՝ լոկ զլուխ ամբառնալով, և ՚ի վտանգապատամբութե արկանելով զամենայն երկիր իւր: Եւ զք ժամ է ասել փոքր ՚ի շատէ, թէ ո էր աղեր:

Սա էր որդի կամ թուն թագաւորին եղովմայեցւոց, որ կորեալ ՚ի կոտորել դաւթի ՚ի ձեռն արեսոյ զօրավարի իւրոյ ութուտասն հազար արանց յեղովմայեցւոց անտի. Թ. Գ. Ժ. 12: Եւ այնպէս նուաճեալ դաւթի զեղովմ, և իւր հարկատու արարեալ զնա, շինեաց անդ ՚ի հովտին ամբոց. և կացոյց ՚ի նմա պահակապանս պահել զժո

զովուրդն 'ի հպատակութե : Այսպիսի պահակք
 զառաջինն բազում արթնութիւնք և զգուշութեամբ
 գնան , այլ ապա տեսեալ զժողովուրդն ընկճեալ
 առ սակաւ սակաւ ստանան վտահոլութիւն իմն և
 յանձնապատանութի վտանգաւոր . և կան յան-
 հոգս , ոչինչ միտ դնելով պահպանութե . որ ըստ
 զինուորական օրինաց՝ միշտ հարկաւոր է , թէպէտ
 և չկայցէ ուստեք կասկած երկիրդի : Ապաքէն ժո-
 ղովուրդ բռնութիւն նուաճեալ յօտար թաղաւորէ ,
 եթէ ցուցանէ հպատակութի , է լոկ առ երեսս .
 այլ 'ի սրտի միշտ պահէ զթշնամութի . կայ հան-
 դարտ , ցորչափ ոչ լինի յառաջամատոյց դիպող
 ժամանակ գլուխ ամբառնալոյ . այլ եթէ գտցի-
 առիթ աներկեւան ապստամբութե , յայնժամ յե-
 ղակարծումն առնու 'ի ձեռս զգէնն թշնամութե :
 Այսպէս արարին եղովմայեցիք ընդ պահպանս
 դաւթի . զի գտեալ դէպ ժամանակ՝ զամենեսին լը-
 սուր հանին , և զգիտակունս նոցա ընկեցին ան-
 թաղ : Օայն լուեալ դաւթի , աճապարեաց մինչ-
 չև իցեն զօրացեալ օգնականութիւն այլոց՝ առաքել
 զյովաբ զօրու ծանու՝ թաղել զմեռեալն , և 'ի
 սայր սուսերի կոտորել զամենայն արու եղովմայ-
 եցոց : Աստաւ անդ յովաբ ամիսս վեց , և կատա-
 րեաց 'ի գլուխ զպատուէր ինն իւրոյ արքայի՝ յանխը-
 նայ կոտորելով զամենեսին , որք ըստ ժամանակին
 ոչ ապրեցուցին զանձինս փախստեամբ : Ադեր էր
 յայնժամ մանուկ փոքր . որ փախեաւ ընդ ծառայս
 թագաւորի հօր իւրոյ . որոց անցեալ ընդ երկիրն
 մագիամու՝ եկին 'ի փարան , և առեալ անտի արս՝
 որք թերևս էին յեղովմայեցւոց փախստականաց 'ի
 կողմանս յայնոսիկ , եկին յեղիստոս առ փարաւոն
 արքայ եղիստացւոց : Իսկ թագաւորն շարժեալ 'ի
 քնաբոյս գթոյ առ մանուկ թագաւորազն դաղթա-
 կան 'ի հայրենի երկրէ , և դիմեալ առ ոտս իւր ,
 ընկալաւ զնա քաղցրութիւն ընդ իւրով ինամար-
 կութիւն . ետ նմա ապարանս 'ի թագաւորեալ քա-
 ղաքի իւրում , և կարգեաց նմա սեղան վայելուչ ,
 և զի մի լիցի արքայօրդւոյն դիմել առ արքայ :

կամ առ որ 'ի պաշտօնատարաց խնդրել նպատակե
պէտս հարկաւորութեց որք որ ըստ օրէ 'ի վեր ե-
րեին, ետ նմա գետին ընդարձակ յեկամուտ :

Մ. գեր մանուկ աժխոյժ, արթուն և յաջողակ՝
իւրով հանձարեղ գնացիւք այնպէս յինքն գրաւեաց
բովանդակ զսիրտ փարաւոնի, մինչ զի 'ի հասանել
նորա յարբունս՝ ետ նմա փարաւոն կին զերէց քոյք
թեկեմինայ կնոջ իւրոյ, յորմէ ստացաւ աղեր որ
դի. և կոչեաց նմա անուն գանեբաթ. զոր սնոյց
թեկեմինա գշխոյն մօրաքոյր մանկանն ընդ որդիս
փարաւոնի իբրև հարազատ եղբայր նոցին՝ յարբու-
նիս անդր թագաւորին : Աւտի չունէր աղեր իմիք
ցանկալ յեզիպտոս, բայց որ ծնեալն է 'ի թագա-
ւորութի, չառնու ճաշակ քաղցրութե 'ի սոսկա-
կան կեանս : Մ. մենայն փափկութիք եզիպտոսի,
ամենայն փայփայմունք և սէր փարաւոնի չէին ինչ
յաչս աղերայ, երբ տեսանէր զերկիր թագաւորու-
թե իւրոյ 'ի ձեռս օտարի : Ասն որոյ իբրև լուա՝
եթէ դաւիթ, որ նուաձեաց զերկիր իւր հայրենի,
ննջեաց ընդ հարս իւր, և յովաբ սպարապետ նա-
րա՝ յորոյ զինուց զերծեալ էր ինքն փախստեամբ՝
մեռաւ, խնդրեաց 'ի փարաւոնէ արձակել զնս
գառնալ յերկիր իւր : Փարաւոն զի սիրէր զնա,
գառաջինն ոչ կամէր արձակել. զինչ սակաս է
քեզ ասէր, զի խնդրես երթալ. այլ 'ի սնդեղ նո-
րա՝ հուսկ ուրեմն զիջաւ : Այլ դարձաւ աղեր յեր-
կիր եզովմնայ, և թագաւորեաց անդ, որպէս կար-
ծի 'ի ձեռն փարաւոնի արքայի, որ եղև միջնորդ
հաշտութե ընդ աղեր և ընդ սողոմնն փեսայն իւր՝
թագաւորել ագերայ յեզովմ, բայց հարկատու
սողոմննի : Մնգ հարուստ մի ժամանակ եկացաղեր
խաղաղութի ընդ իսրայէլի, անվրէպ ըստ ժամա-
նակին վճարելով զհարկս, և յամենայնի հպատակ
կալով սողոմննի. բայց առ երեսս և եթ, զի 'ի
սրտի անհաշտ թշնամութի էր ընդ նմա. և մնայր
զիպողութե երևեցուցանելոյ զթշնամութի իւր :

Մ. պա իբրև կապաշտել սկսաւ սողոմնն, յայտ է
թէ կորոյս գյարգ անձին, և անկաւ յաչաց ժողովք.

դեանս . և զօրք նորա յերեսուն և վեց ամաց հետէ խաղաղունէ ցայս վայր անցելոց լւարմացեալ և թուլացեալ կայինս . թո՛ղ զի յոլովք 'ի քաջ և 'ի փորձ զօրավարաց՝ որք առ ժամանակօք դաւթի 'ի բազում պատերազմունս մտին , մեռեալ էին . և ինքն սողոմնն թափեալ յուժոյ՝ ոչ այնչափ առ ծերու թէ հասակին , քանզի հազիւ յիսունևու թամեան էր , քան թէ 'ի ծախելոյ և 'ի սպառելոյ ոգւոցն յայնչափ մեղկու թէ իգու թէ , երևէր խորշիլ 'ի պատերազմէ : Հայնժամ աղերայ դիպողու թիւն դաւեալ՝ եղև առաջին 'ի թօթափել զուժ սողոմննի , ոչ և սհարկանելով նմա հարկս . յոր յաւել միւս և ս չարու թի . զի առ զօրացուցանելոյ զապստամբու թի իւր , 'ի նոյն գրգռեաց և զազոն զորդի եղիդայ . և այնպէս մինչ ինքն 'ի հարաւակողմն վտարանջէր 'ի սողոմննէ , ռազոն աշխատու թի հասուցանէր նմա 'ի հիւսիսոյ :

Սոյն այս ռազոն էր ասորի 'ի սուբայ՝ ծառայ աղբաազարայ արքայի սուբայ : Այլ եղև 'ի հարկաւ նել դաւթի զաղբաազար , և 'ի խորտակել զբանակ նորա , որպէս պատմի Բ . Խֆ . Ե . 3 . ռազոն ապրեալ 'ի կոտորածէ անտի՝ փախեալ 'ի տնէ իւրմէ . և եղեալ գլուխ արանց սրիկայից և փախստաւ կանաց 'ի տեարց իւրեանց , զառաջինն ետ զանձն յասպատակու թի . և օր ըստ օրէ բազմուք սիկաբեանց զօրացեալ , դնաց նոքօք և նստաւ 'ի դամասկոս . և թագաւորեաց անդ , լեալ հարկատու դաւթի : Օ ի երևի թէ չեղև ինչ փոյթ դաւթի թագաւորել նորա 'ի դամասկոս , շատ համարելով ունել զնա իւր հարկատու , և առ ապահովու թիւն իւր կարգել անդ ստուար գունդ պահակաց յիւրայելացոց . որ և ռազոնի չէր ինչ ընդդէմ . զի առ ժամն և ինքն լինէր աներկեան ոչ միայն 'ի դաւթէ , որ դողացոյց զասորիս , այլև 'ի թագաւորաց շուրջանակի . զի թէ իշխէր որ յառնել ընդդէմ նորա , դաւթ պաշտպանէր նմա : Այլ այնպէս՝ եղև հաւատարիմ հարկատու դաւթի , և յետ նորա սողոմննի ընդ բազում ամս , մինչև

ցաստամբիլ նորա 'ի տեառնէ : Յայնժամ ապա
 և ռազոն , թէպէտ ծեր ութանամեայ՝ գուցէ և
 առաւել , գրգռեալ յաղերայ՝ 'ի բաց ընկէց զլուծ
 սողոմննի , և ոչ ևս տայր նմա հարկս , և միշտ հա
 կառակ եկաց խորայելի զամենայն առուքս սողոմն
 նի : * Լսսէ՝ սսէ գիրն , չարուի աղերայ , և ծան
 րացասունն եղև խորայելի ॥ Գ. Բագ. Ժ. 25 :

Յայս երկուս ապստամբութիս արտաքինս , յա
 ւելաւ և երրորդն չարագոյն , այս է ներքին , 'ի
 ձեռն յերթովամայ՝ որ էր 'ի սարխրայ քաղաքէ որ
 դի նաբատայ 'ի ցեղէն եփրեմի . անուն մօր նորա
 սարուա կին այրի : Սա դեռևս պատանի եմուտ յար
 քունիս 'ի ծառայութի . զոր տեսեալ սողոմննի՝ զի
 էր այր գործոյ , սթափ , ճարտարամիտ , Ժիր և յա
 ջողաձեռն , կացոյց զնա վերակացու 'ի վերայ գոր
 ծաւորաց , որք շինէին զբարձրաւանդակն մելովայ .
 այսինքն ընուին զխրամն կամ զձորն մեծ , որ ան
 ջրբլետեր զսիօն քաղաք դաւթի յերուսաղէմ՝ քա
 զաքէ . միանգամայն արար զնա և հարկապահանջ
 'ի վերայ տանն յովսեփայ , այսինքն եփրեմի և մա
 նասէի : Օ այս հարկ թուի թէ արկ սողոմնն 'ի
 սլետս ծախուց այնր ձորոյ : Արդիք եփրեմի հետք
 և անհամբոյրք՝ էին դառնացեալ յոյժ ընդդէմ
 արքայի սակս ծանրակիր հարկաց , և դժնդակ գոր
 ծոյն՝ զոր ախամայ և բունի գործէին . բայց այլ ինչ
 չէին ձեռնհաս առնել , եթէ ոչ լոկ տրանջել չա
 րաչար : Ամանք այսմ դառնութի եփրեմեանց զայլ
 պատճառ տան . զի ասէն թէ 'ի ընուլ սողոմննի
 զձորն զայն , իբրև եղև վայր հարթայատակ , ետ
 շինել անդ տունս բազումս 'ի բնակութի . մինչև
 լինել տեղւոյն իբրև երկրորդ քաղաք հաւասար
 գրեթէ սիօնի քաղաքի դաւթի , ուստի և կոչիլ
 բարձրաւանդակ : Ընդ շինեաց սողոմնն և զտուն
 դստեր փարաւոնի կնոջ իւրոյ . որպէս երևի դիրն
 ակնարկէլ . Գ. Բագ. Բ. 24 : Աւ ապա հանեալ զբնա
 կիչս այլոյ մելովայ կամ մելոն քաղաքի , որ առ
 մեզ գրի մաազոն . Գագ. Բ. 20 . քաղաք որդւոց
 եփրեմի , մերձ 'ի սիկիմ , բնակեցոյց 'ի նոր քաղա

քի անդ իւրում. որ կուէցաւ այնուհետեւ մեւին յանուն առաջնոյն: Բնդ այսասէն դառնացաւ հա մօրէն տուն եփրեմի. զի մնաս մեծ եղև նոցա այն չափ ժողովուրդ միանգամայն կտրուսանել: Օ խարդ և իցէ, որպէս տեսանէր զայս ամենայն յերոթովամ գծկամակ սրտիւ, նոյնպէս և լսէր զքրթմնջուն իւրոց եփրեմեանց. այլ կամ առ ոչինչ գրէր, և կամ լսէր՝ դիպող ժամանակի մնալով. և ինքն գէթ առ երեսս խնամով յառաջ վարէր զգործն, մինչև կատարեցաւ:

Այս ՚ի վերջին ժամանակս կենաց սողոմոնի, յորժամ զկնի մեղաց իւրոց ոչ ևս էր նա յաչս ժողովրդեան իւրոց առաջինն ահարկու և պատկառելի ինքնակալ՝ որոյ առաջի դողային, յերոթովամ յաւուր միում ելեալ զնայր արտաքոյ երուսաղէմ՝ քաղաքի սթափութե կամ գործոյ ինչ աղաղաւ. և ահա պատահեաց նմս արիւս սիւնացի մարգարէ, և մեկուսացուցեալ զնա ՚ի ճանապարհէ՝ ՚ի դաշտ անդր, զի մի ոք տեսցէ զոր ինչ ունէր առնել, կամ լսիցէ զոր ունէր խօսիլ. և բուռն հարեալ զնոր վերարկուէն՝ զոր զգեցեալն էր, պատառեաց զնա յերկոտասան կապերտս, և տուեալ ՚ի ձեռս յերոթովամայ զտասն կապերտս՝ ասէ ցնա: Այսպէս պատառեացէ նոր նձ իտրայէլի զթագաւորութին սողոմոնի ՚ի ձեռաց նորա յերկոտասան դաւազանս. զտասն քեղ տացէ, և զերկուս թողուցու նմա և որդւոյ նորա ՚ի շնորհս դաւթի հաւատարիմ ծառայի իւրոյ, վասն մնալոյ ճրագի նորա զամենայն աւուրս առաջի նոյ յերուսաղէմ, զոր ընտրեաց զնել զանուն իւր անդ: Այլ զայս արասցէ սողոմոնի, փոխանակ զի եթող նա զնոր նձ իւր, և երկիր եպագ կոոց վարչելեաց. և ոչ զնաց ՚ի ճանապարհս նոյ իւրոյ: Այլ ապա դարձուցեալ զբան իւր առ յերոթովամ, ասէ. և դու եթէ լինիցիս հաւատարիմ առ նոր նձ քո՝ պահել զպատուիրանս նորա, և առնել ուղղութիս առաջի նորա, որպէս արար դաւթի, լիցի քեզ օգնական, և զորացուցցէ զքեզ ՚ի թագաւորութե քում:

(Օ) այս մարգարէութիւն առեալ յերօրովամայ՝ արծարծեցաւ յողի իւր . և զոր արդէն երկնէր 'ի սրտի , ոչ ժուժեաց յերկարեւ՝ մնալով ժամանակին նշանակելոյ 'ի մարգարէէն , այլ իսկ և իսկ զհետեղև բանալ իւր ճանապարհ 'ի թագաւորութի . սկսաւ ծածուկ և յայտնի հրապուրել և գրգռել զժողովուրդն յապստամբութի . և որպէս թուի՝ առաւելապէս զտունն եփրեմի , որ միշտ պատրաստ էր 'ի խռովութիւն , յիշեցուցանելով նոցա զհին տրտունջն . և այնչափ արար , մինչև հասին իբքն յականջս սողումնն : Ասն այնորիկ խնդրէր սողումն ունել զնա և սպանանել առ կարճելոյ զվերա հաս ապստամբութիւն . այլ նա ըստ ժամանակին իրազգաց լեալ վտանգին , ապրեցոյց զանձն փախուցեալ յեգիպտոս առ սաւսակիմ՝ արքայ եգիպտացւոց . որ և ընկալաւ զնա , զի չէր ուղիղ սիրտ նորա առ սողումն : Հայսպիսի տառապանս կնքեաց սողումն զխաղաղական թագաւորութի և զկեանս իւր . սրբութիւն սկսեալ , երջանիկ յաջողութիւն յառաջացուցեալ , 'ի ծերութե սեղանակապուտ սրղծութիւն ազտեղեալ . բայց 'ի վախճանի՝ որպէս ախորժելի է ասել , և որպէս յոլովք համարին , գործով ճշմարիտ ապաշխարութե սրբեալ և մաքրեալ , ննջեաց ընդ հարս իւր յիսուն և ութ , կամ վաթսուն ամաց . յամի աշխարհի ը կաղինոսի 3195 . ըստ կալմէթի 3029 . ըստ այլոց 3030 . և թաղեցին զնա 'ի քաղաքի դաւթի հօր իւրոյ . թագաւորեալ յերուսաղէմ 'ի վերայ ամենայն իսրայէլի ամս քառասուն :

Ինչիք վան ապաշխարութե սողոմնի :

Իմաստունն սողոմնն որպէս առ կենդանութի իւրով, նոյնպէս և զկնի մահուան յառակս եղև աշխարհի : Յոր վայր անպաշտութե և առաքինա գործութե հպատակեաց, ոչինչ քան զնա լուսա փայլ, գերապանծ, և ՚ի բոլոր մասունս կատարեալ : Իսկ յորժամ անձնատուր եղև յախտակիր մոլութիս, ՚ի վիհ յետին ապիրատութե խորասոյգ արար զանձն : Սակայն և այնպէս եթէ գործք նորա բարիք և չարք ՚ի կշիռ արդար մատուցին, չէ մարթ հաւաստի ինչ վճռել զնմանէ : Սեծամեծ գովութիս գտանեմք զնմանէ ՚ի սբ գիրս, զոյգ ընդ խոստմանն այ առ դաւիթ հայր նորա, ոչ երբէք զողորմութի իւր մերժել ՚ի նմանէ. որպէս մերժեաց յորոց մերժեացն. Բ. Բափ. Է. 15. որ երևի խոստումն բացարձակ և անսահանջելի : Իսկ յայլ տեղիս հակառակաբար ընթեռնուեմք սպառնալիս խիստս, և յանդիմանութիս սաստիկս անօրէնուե նորա : Սինչ զի և զիրն է՛ զի երկնաչափ բարձրացուցանէ զնա վասն իմաստութե և անպաշտութե, և է՛ զի մինչ ՚ի դժոխս իջուցանէ վասն կռապաշտութե և ապերախտութե առ անձ : Սողոմնն ՚ի սկիզբն թագաւորութե իւրոյ մեծապէս սիրելի այնա ինքն ՚ի վերջին ժամանակս կենաց իւրոց ՚ի բաց դառնայ ՚ի անէ այ իւրմէ՛ որ մեծացոյց զնա քան զամենայն թագաւորս երկրի. և առ ոտն կռ խէ զուխտ նորա : Իհա այսոքիկ են որ աշխատ արարին և առնեն ցայսօր զիմաստունս, առ որս յաժի ինդիր դժուարալոյծ յաղագս վիճակի հոգւոյ նորա յետ ելից յաստեացս :

Ինչուեմք ՚ի կողմն դատապարտութե նորա յաւէտ միտեալ երևին : Սք գիրն ասեն՝ յայտնի պատ

մէ զմեզս նորա . իսկ վասն ապաշխարութեան յայտնի նշան ինչ ոչ ցուցանէ : Գիտեմք , արժանի գտաւ զի լքցէ զնա անձ և հեռացի ՚ի նմանէ . այլ թէ ինքն արժանի գործով ապաշխարութեան դարձեալ իցէ անդրէն ՚ի շնորհս անձ ոչ գիտեմք : Ընչ զոր ասեն , թէ զգիրս առակաց և ժողովողի զինի մեզանչելոյն գրեալ իցէ իբր յաւերժական յիշատակ ապաշխարութեան , նախ չէ հաւաստի . և երկրորդ զի բանք որ ՚ի գրոց անտի յառաջ բերին իբր ՚ի վկայութի ապաշխարութեան նորա , կարի ընդհանուր են . թող զանհամաձայնութի թարգմանութեց , որք այլ և այլ օտար միտս ընծայեցուցանեն . յորս ոչինչ նշան ապաշխարութեան սողումնի երևի : Եւ զի սիրաք ի՛նչ . 21 . 22 . խօսելով զփառաւորութեց սողումնի , զԹագաւորութեան նորա , և զիմաստուէ , և զգրոց նորա , առանց բնաւ յիշատակելոյ ինչ վասն ապաշխարութեան , յանդիմանէ սաստիկ զանսանձ սէր նորա առ կանայս , և զկեղտ անժուժկաւ լութենն՝ որ անջնջելի տպացեալ և հնացեալ է յանուն նորա . յոյր սակս ասէ և անձ բարկացաւ ՚ի նա և յորդի նորա . և զԹագաւորութենն իտրայէլի բաժանեաց և երկփեղկեաց . և եթէ չէր ակն առեալ դաւթի , որում խոտաացեալ էր պահել զԹագաւորութիւնն ՚ի յաւիտեանն ՚ի զաւակս նորա , իստառջնջեալ էր արդեօք ՚ի միջոյ զսերունդ նորա : Ընչ զի նշան կայցէ ասեն՝ Ճմարիտ ապաշխարութեան սողումնի . միթէ անձ զի պահեաց յոտին զտուն , և զարձանս և զանտառ կռոց գարշելեաց զիւրն դաստակերտ ՚ի վերայ լերին յանդիման երուսաղէ . մի ՚ի գայթակղութի ժողովողեան . զոր ուր ուրեմն բազում ամօք զինի պղծեաց և անհետ արար յովսիա բարեպաշտ արքայ յուդայ . 7 . Բ . 4 . 17 . 15 :

Ընչ յայտնի ամենայնի վերայ՝ բազումք են և պաշտպանք Ճմարիտ դարձի և ապաշխարութեան , ուստի և փրկուէ սողումնի , զոր նա ինքն գողցես կարծի պատմել ՚ի գիրս առակաց . 4 . Ե . 30 . 32 . թէ յանցանել իւրում երբեմն ընդ անդաստան մի խողանացեալ և մոլախոտեալ ամենակին , եհար անձ

զսիրտ նորա, և դարձաւ մտախոհ եղև յանձն իւր, և ծանեաւ յայն անդաստան զպատկեր հոգւոյ իւրոյ և զգաստացաւ. * Օ որ իբրև տեսի (ասէ, ըստ լատին թարգմանութե) եղի 'ի սրտի իմում, և օրինակաւ ուսայ զխրատ: * Այտնագոյն ևս թարգմանութիւն յունական. * Աետոյ էս զղջացայ, (կամ ապաշխարեցի), հայեցայ ընտրել զխրատ: * Աւր թէպէտև 'ի մեր օրինակի դնի, * Աետոյ ասիցէ, թէ զղջացայ էս. բայց ոչ օտարանայ իմաստն. վն զի զոր խօսէր սողոմոն զայլմէ, ոչ անգիտանայր իմանալ և զանձնէ: * Ապա յորժամ այսպէս ստրջացեալ էր սողոմոն, երևի նման՝ 4. Բազ. Ժ. 11. յանդիման հարկանէ նմա զանցեալ մեղս նորա, և ոչ զառաջիկայ վիճակ զղջացեալ հոգւոյն. ալ գառնէ պատառել զթագաւորութիւն 'ի ձեռաց նորա. բայց նոյնհետայն մեղմէ զգատակնիքն ասելով, թէ ոչ արասցէ զայն յաւուրս նորա. և թէ նաև զկնի մահուան նորա գաւազան մի թողուցու որդւոյ նորա: * Այսպէս կշտամբէ անձ զսողոմոն առ առաւել ջերմագոյն ապաշխարութի զարթուցանելոյ զնա: * Ասկ թէ սողոմոն զիարդ արար պատասխանի այսպիսի կշտամբանաց անոյ, ոչ այլ ուստեք, քան թէ 'ի նմանէ կարեմք ուսանել. որ յերեսնէր որդ գլուխ գրոց առակաց, զոր են թագրեմք գլրեալ զկնի մեղաց իւրոց՝ խօսի այսպէս ըստ լատին թարգմանութե. * Տեսիլ զոր խօսեցաւ այր, ընդ որում է անձ. և որ զանձ ընդ իւր ունելով, զօրացեալ ասէ. * Անմտագոյն եմ քան զմարդիկ. և իմաստութի մարդկան ոչ գոյ յիս. ոչ ուսայ զիմաստութի. և ոչ ծանեայ զգիտութի անոց... * Արկուինչս խնդրեցի 'ի քէն. մի զլասցիս ինձ մինչև մեռեալ իցեմ: * Օ ունայնութի և զբան սուտ հեռի արա՛ յինէն. զտնանկութի և զմեծութի մի տացես ինձ. տուր միայն զկարևորս կենաց իմոց. զի մի յագեալ հրապուրեցայց ուրանալ, և ասիցեմ անձ է անոց. կամ 'ի կարօտութի վարեալ գողացայց, և սուտ երգուայց յանուն անոց իմոց: * Այն իմաստ է և 'ի մերումս և յայլ թարգմանութիս:

Մ. յս պատասխանի յարմարեալ առ խրատիլն սո. ղումննի յնյ՝ լի է այնպիսի զղջական ներգործութիբ, որք յայտ առնեն ոչ լոկ ապաշխարութի, այլ գերազանց ապաշխարութի, խոնարհութի խորագոյն՝ ցոր վայր հնար է մարդոյ իջանել, որ իցէ զարհուրեալ ՚ի մեծութենէ մեղաց: Մ. սէ զանձնէ լեալ անմտագոյն քան զամենայն մարդ. գործեալ անասնական իմաստութիբ և ոչ մարդկայնով. ոչինչ շահեալ ՚ի հրահանգութեց անձայնոց, և ոչ ուսեալ զիմաստութի, և ոչ զգիտութի շահեական, որ է գիտութի սքց: Մ. ոսնէ կրկնապատիկ ներգործութիս կենդանի հաւատոյ. դաւանելով զմեծութի, զկարողութի, և զնախախնամութին նյ: Վատապարտէ անուամբ ունայնութե և ստութե զկուսպաշտութի իւր. և դողալով զի մի անդրէն ՚ի մեղս անկցի, խնդրէ ՚ի անէ լինել նմա առնութեր: Մ. ծ սպառնայ նմա բառնալ զտասն ցեղս ՚ի ձեռանէ նորա. և նա ոչ աղաչէ ներել նմա զայն պատիժ. այլ զմի ինչ միայն խնդրէ, զի մի միւսանգամ անկցի ՚ի մեղս: Մ. ծ ասէ տալ որդւոց նորա դաւազան մի. և թէ յաւուրս նորա թողու զնա թագաւորել ՚ի վերայ ամենայն իսրայելի: Սկ նա ցուցանէ զանձն յօժարամիտ պատրաստական կորուսանել զմին և զմիւսն. խնդրելով լոկ զհարկաւորն կենաց իւրոց. և խնդրէ իրօք զի բարձցէ անձ ՚ի նմանէ զաւելորդն, զի մի լինիցի պատճառ առ ՚ի բարկացուցանել զնա: Մ. յս ներգործութիբ ցուցանեն գերազանց սէր առ անձ. զոր ոչ վայրապար և ոչ սնապարծութե աղագաւ պատմէ. այլ ողորմութե և մարդասէր գթութե նյ ընծայէ:

Յայտնի ևս երևի արդարացուցանել զսողոմոն գիրք թողովողի գրեալ ՚ի նմանէ ՚ի ծերութե իւրում, որպէս ակներև ցուցանեն բանքն որ ՚ի նմա. ուր խօսի զանձնէ իբրև զթագաւորէ. պատմէ զզանազան արարս իւր. և բաղում անգամ ունայնութի ունայնութեանց կուլ: զամենայն զանցեալ փառս, և զվայելա և զգուարձութիս. և զկին կուլէ դառն քան զմահ: Մ. յսպիսի և սոցին նման բանք

են առն՝ որ անցեալ զհասակաւ երիտասարդութե
 և հասեալ ՚ի ծերութի՝ այլ աչօք հայի յանցեալ
 զուարճութիս և ՚ի մնլութիս իւր : Օ այս եղեալ՝
 ոչ արդեօք անպատճառ յարէ սիրաք ՚ի նախադրեալ
 գլուխ ինչ . յետ յիշատակելոյ զյանցուածս սողոմն
 նի , * Եւ վախճանն կալաւ սողոմնն ընդ հարս իւր ։
 Սրպէս թէ ասել . թէպէտև առ ժամանակ մի ՚ի
 ծերութե իւրում խոտորեցաւ ՚ի սք շաւղաց նախ
 նետոյ իւրոց , այլ ապա դարձաւ անդրէն ՚ի շաւղ
 նոցա . և վախճանեցաւ որպէս նոքա վախճանեցան
 սրբութիւն : Վիտեմ զի մարթ է զայս յայլ բնական
 միտս առնուլ . որպէս թէ այլ ինչ ոչ կամի ասել ,
 քան թէ մեռաւ . բայց որ ինամով քննեսցէ զայն
 գլուխ բովանդակ , տեսանէ՝ զի ոչ պատմութիւն ,
 այլ գոլկեստս հիւսէ անդ գիրն զերեւելի արանց .
 և ոչ զուրուք զմահ յիշէ . բայց միայն զսողոմննի .
 յայտ է թէ զի մասնաւոր իմն գիտէ ՚ի նշանակել
 անդ զվախճանիլ նորա ընդ հարս իւր :

Հայտնագոյն ևս վկայութի ունիմք առ այս
 յերկրորդ գիրս մնացորդաց . Էմ . 17 . ուր ասի .
 * Եւ հզօրացաւ ուրբովամ որդի սողոմննի զերիս
 ամս . վասն զի գնաց ՚ի ճանապարհս դաւթի և
 սողոմննի զերիս ամս ։ Եթէ ՚ի մեզս կապալա
 տութե մեռեալ էր սողոմնն , զայս ոչ ասէր գիրն .
 այլ զհակառակն , թէ զերիս ամս գնաց ՚ի ճանա
 պարհս դաւթի . և ապա խոտորեցաւ յամպարշաու
 թի սողոմննի հօր իւրոյ : Եւ չէ մարթ ասել , թէ
 քան սք գրոց անդանօր հայի ՚ի վիճակ առաջին
 կենաց սողոմննի . քանզի որպէս յասել թէ գնաց
 զճանապարհ դաւթի , իմանի վերջին կենաք նորա՝
 յորում մեռաւ , և ոչ առաջինն . նոյնպէս և զսող
 մննէ իմանալի է . զի ոչ ուրեք ընթեռնութեւնումք բե
 րել զրոյն օրինակ լաւութե զոք , որ ՚ի սկզբան
 և եթ մեծպաշտութիւն կեցեալ իցէ , և ապա յամպա
 րշաութե մեռեալ . որպէս ահա վասն ամնայ որդ
 ւոյ մանասէի ասէ . * Եւ ոչ խոնարհեցաւ առաջի
 ւոն , որպէս խոնարհեցաւ մանասէ հայր նորա . այլ
 որդի նորա ամնս յաճախեաց ՚ի մեզս ։ Է , Գնաց ,

14. 25: Ուր ահա գովի մանասէ, զի զղջացաւ .
 գովելի լինէր և որդին, եթէ զնոյն առնէր; թէ և
 ՚ի սկզբան թագաւորութե՛զ զհետ չաքաւ ամպարըշ-
 տութե՛զ հօր իւրոյ:

Չէ ինչ նշան վախճանական անզղջութե՛զ սողո-
 մանի մնալ կռոցն կանգնելոց ՚ի նմանէ ցժամանակս
 յովսիայ բարեպաշտ արքայի, զոր նա խորտակեաց
 և անհետ արար: Քանզի սք գիրն ոչ ասէ յայտնի
 թէ մնացին անկործան . և ոչ իսկ բարոյապէս հնար
 էր մնալ նոցա անդ յերուսաղէմ ընդ այնչափ ժա-
 մանակս զինի զանազան թագաւորաց . և մանա-
 ւանդ զինի եզեկիայ բարեպաշտ արքայի, որ սպառ-
 սողուռ եբարձ ոչ միայն յերուսաղէմէ, այլև յամե-
 նայն հրէաստանէ: զամենայն հետս կռապաշտութե՛զ:
 Ապա ոչ գտանելով մեր ՚ի սք գիրս՝ թէ սլ իցէ
 բարձեալ զնոսա, և գտանելով զգարձ սողոմանի
 առ անձ, ունիմք հիմն հաստատելոյ՝ թէ նա ինքն
 սողոման կործանեաց: Այլ զայսմանէ լիազոյն
 հանդերձեալ եմք ասել զինի՝ ՚ի խօսել մեր վասն
 յովսիայ արքայի:

Իաց ՚ի վկայութեց սք գրոց՝ զոր ցայսվայր
 համառօտիւ նշանակեցաք երկուստեք, կան և սք
 հարք նպաստաւորք ապաշխարութե՛զ սողոմանի . սք
 երանոս, սք կիւրեղ երուսաղէմի հայրապետ, սք
 հիլարիոս, սք հերոնիմոս, և այլք . յայս միտս է
 և մերս սք գրիգոր նարեկացի, այլովքն հանդերձ:
 Իաց կան և ՚ի հակառակ կողմն . որպէս սք կիւ-
 րիանոս ընդ վարդապետի իւրում անբառողիանո-
 սի, սք օգոստինոս, սք գրիգոր մեծն . իսկ միաք
 սքյ ոսկերեքրանին չէ յայտ . քանզի ուրեք իբրև
 հաւատալի ինչ ցուցանէ զապաշխարութի և զփրկու-
 թի սողոմանի, և ուրեք երևի զհակառակն ակնար-
 կել: Սակ զնոր վարդապետս, որք կան յերկոսին
 կողմանս . բայց առաւել է թիւ, և զօրագոյն պատ-
 ճառք նպաստաւորացն՝ քան հակառակաց: Աւահա-
 այս ամենայն վկայութիւք են, յոր սակս այս խըն-
 դիր, որ յաղաքս դարձի և փրկութե՛զ սողոմանի՝
 կայ մնայ անլոյծ յեկեղեցւոջն քոի: Ապա լաւ և ս

է և յապահովագոյն՝ ընդ բազմաց ուղղախոհ հմաստուն վարդապետաց լուռ թիւ պատուել զխորին դատաստան տն, քան ՚ի քննութի մտանել վիճակի սողումնի ՚ի հանդերձեալ յաւիտենին. զոր անքեան միայնոյ կամեցաւ պահել. և օրինակաւ անկման նորա ՚ի միտ առնուլ մեզ զլետին տկարութի մեր, և զմեծ կարօտութի զոր ունիմք օգնա կանութե չնորհացն այ՝ առ ՚ի գնալ յարդարութե ճանապարհ, և անխոտոր կալ և մնալ ՚ի նմա իսպառ:

Գ Լ . Թ Կ .

(Խոհովամ Բագատորէ ՚ի վերայ յոտայ. և Յերոհովամ ՚ի վերայ Իսրայելէ:

Իբրև մեռաւ սողումն, թագաւորեաց ոտբովամ անդրանիկ և գուցէ միամօր որդի նորա քառասուն և մի ամաց, ծնեալ առ կենդանութի զաւթի. անուն մօր նորա նասամ կամ նոսամ ամննացի, որ կարծի լինել գուստր անանայ որդւոյ նասայ արքայի որդւոց ամննայ բարեկամի դաւթի: Իբրև կատարեաց ոտբովամ արքայական շքով զհանգէս յուղարկաւորութե սողումնի հօր իւրոյ, չուգաւ ՚ի սիկիմ, ուր գումարեալ էր ամնայն իսրայէլ թագաւորեցուցանել, կամ մանաւանդ ճանաչել զնա իւրեանց թագաւոր. զի հռչակեալ էր առ նոսա խոստումն այ՝ առ դաւթի՝ տան նորա սեպհականել զյաջորդութի թագաւորութե իսրայէլի: Ասան այնորիկ ոչ ոք իշխեաց բանալ անգամ զբերան և ձիկ հանել, զի այլ ոք յայլմէ ցեղէ ընտրեացի թագաւոր: Իբրև թիւ խորհրդով հաւաքեցաւ ժողովուրդն ՚ի սիկիմ, և ոչ յերուսաղէմ

Թագաւորական քաղաք կամ 'ի զաղշաղա , և կամ 'ի մասեփաթ , ուր սովորաբար լինէին այսպիսի համախմբութիք : Ասան զի սիկիմ էր քաղաք 'ի մասին որդւոց եփրեմի . և զի որպէս ասացաք յառաջագոյն , արդէն անկեալ էր տրտունջ յոյժ 'ի ժողովրդեան , և առաւելապէս 'ի մէջ երկուց ցեղից որդւոց եփրեմի և մանասէի , գրգռեալ 'ի յերթբովամայ 'ի սլատճառէս ծանրաբեռն լծոյ՝ զոր եղեալ էր 'ի վերայ նոցա սողումն , համարեցան թէ անդ համարձակագոյն կարէին առաջի առնել զինդիր իւրեանց՝ զոր խորհէին 'ի մէջ իւրեանց վասն թեթեացանելոյ զծանրութիւն , և դիւրաւ ևս ընդունել զկատարումն անդ քան յերուսաղէմ , ուր էր զօրութիւն ութբովամայ , և կամ այլուր :

Այլ մինչ այս պատրաստութիք լինէին 'ի սիկիմ , կուսակիցք յերթբովամայ առաքեցին յեգիպտոս , ուր գաղթական էր նա , և զգացուցեալ նմա զմահ սողումնի , կոչեցին զնա գալ վաղվազակի . ակն ունելով 'ի ձեռն նորա ելի աղազս դտանել խնդրոյ իւրեանց , կամ նորայն կամաց կատարման , այսինքն թագաւորելոյ , զորմէ արդէն իրազեկ էին , եթէ ոչ յաջողեսցի խնդիր իւրեանց : Այլ նա յեգիպտոսէ գաղտաբար՝ սոսակիմայ արքայի եգիպտացւոց և եթ իմացուցեալ զչուել իւր , որպէս ընթեռնումք 'ի թարգմանութե եօթանասնից . և եկեալ յանձանօթս 'ի հրէաստան , եմուտ ծայնեալ և խառնեցաւ 'ի մէջ ժողովրդեան գումարելոյ 'ի սիկիմ : Անդ յառաջ քան զթագաւորեցուցանել զուրբովամ , մատեան առ նա իշխանք ժողովրդեան , ընդ որս և յերթբովամ , և խնդրեցին թեթեացուցանել զբեռն 'ի նոցանէ . հայր քո ասէն ելից մեծագործ շինուածովք զամենայն թագաւորութիւն իւր . այլ զոյգ ընդ նմին ծանրացոյց զանուր ժողովրդեան՝ մինչև լինել անբառնալի . առ այժմ չունի պէտս հասարակութիւն նոր շինուածոց , և ոչ քաղաքք նոր ամրութեց . բայց ժողովուրդն կարօա է փոքր մի ոգի առնուլ . հապաղու թեթեացու

ի ծանր անրոյ հօր քս , զոր եզ 'ի վերայ մեր : և ծառայեսցուք քեզ :

Ի որովամ 'ի մանկութի ակնատես վկայ կոյր հպատակութե ժողովրդեան 'ի ժամանակս հօր իւրոյ , զարմացաւ յոյժ 'ի միտս իւր ընդ այն պահանջումն նոցա : որով թուեցաւ թէ կամին օրէնս գնել նմա , և ամփոփել զհնազանդութի իւրեանց : Եւ յառ ժամն ծածկեաց զներքին կիրս իւր . և վեհանքնութի իմն արար պատասխանի . քննեցից ստէ զգանդատ ձեր . երթայք առ այժմ , և յետ երկց առուրց դարձիք առ իս առնուլ պատասխանի : Գնացին նոքա , և յերթովամ որպէս թուի ակնարկել ընթերցուած եօթանասնից , խոյս ետ 'ի սարկրա , այն է՝ թերսա , զոր ամբացոյց սողումն վերակացու կարգելով գործոյն զնա ինքն զյերթովամ : որպէս տեսաք 'ի վեր անդր : Իբրև գնացին նոքա , կոչեաց ռաբովամ զձերս՝ որք էին խորհրդականք սողումնի հօր նոքա , բազմս ժամանակեաց փորձք և ծերացեալք 'ի անտեսութե արութե . և պատմեալ նոցա զպահանջումն ժողովրդեան՝ ստէ . զիարդութեի ձեզ , և զինչ խորհիք պատասխանի առնել նոցա : Եւսեն . ժամն վտանդաւոր է . յորում խոհեմութին ուսուցանէ մեղմել առ փոքր մի զիխանական խստութին , զի մի վտանկեսցի բոլոր իշխանութին . ժողովուրդն եռանդնոտ է և ջերմ յառաջին յարձակման իւրում . եթէ խստութի վարեսցիս ընդ նոսա , կասկածելի է մեծամեծ չարեաց զհետ գալ : Եւ եթէ այժմ 'ի սկզբան բաղցրութի ցուցես , և հաճեսցես զմիտս նոցա՝ թուլացուցանելով առ սակաւ մի զերասանակ նոցա , գերես առ քեզ զսիրտ բոլորեցուն , և ամենեքեան 'ի մի բարբառ աղաղակեսցեն , կեցցէ՛ արքայ ռաբովամ , և եղիցին քեզ ծառայք յախտեան . և այնուհետև զիւրին ինչ է տարածել զձեռս 'ի վերայ նոցա , և կառավարել ըստ կամաց քոց :

Ի աջ էր և իմաստուն խորհուրդս , և մի միայն գողցես , որում արժան էր անսալ առ խափանումն վերահաս վտանկին : Եւ ռաբովամ թերևս նուա

պուծի համարելով զայն իւրում իշխանութե , ոչ
 հաճեցաւ ընդ խորհուրդ ծերոց . կոչեաց զիւր հա-
 սակակից իշխանազունս , որք ընդ նմա էին սնեալ
 յարքունիս 'ի փափկութիս , և առ խոհական ծե-
 րովք էին մանկունք անխոհեմք , անփորձք գործոց
 անտեսութե , և անտեղեակք թէ որչափ իցէ բըւ-
 նութի բազմութե զայրացելոյ , և որչափ համար-
 ձակութի բազմութե յուսահատելոց : Արդ իբրև
 առաջի արար նոցա ոտբովամ զբան ժողովորդեան ,
 նորա ըստ իւրեանց ջերմ և եռանդնոտ բարուց՝
 անմիտ խորհրդով գահավեժ արարին զնա յորոշումն
 անխոհեմ ամենայն մասամբք : Ասեն . նուաստու-
 թի մեծ է թագաւորական պատուոյ՝ անսալ յան-
 դուզն ինդրուածոց . պարտ է կրթել զհպատակն ,
 և իբրև յանցանս համարել զտրտունջ ընդդէմ
 ծանրութե եղելոյ յարքայէ . եթէ սովորեսցին
 այսպիսի աղերսս առնել , թէպէտև զառաջինն հա-
 մեստութի ձև աղաչաւորի առնեն , այլ յանցա-
 նել ժամանակի 'ի բաց եղեալ զպատկառանս՝ մա-
 տիցեն լրբենի համարձակութե հանդերձ սպառ-
 նալեօք : Աղա՞մութին զչենու յանդգնութի մեծ ,
 յորժամ զգայցէ՝ թէ երկնչի իշխանն 'ի նոցանէ .
 զիջանիլ 'ի վնասն արքունի գանձուն՝ միշտ համա-
 րեսցի դործ մանկական երկչոտութե , և ոչ ար-
 քայական գթասիրութե : Արձրացն ասեն զբար-
 բառ քո , և նոցա ձայն լուեսցէ . ասա՛ նոցա , թէ
 ոչ միայն չունիս թեթեացուցանել զբեռն՝ զոր եղ-
 հայր քո , այլ ունիս յաւելուլ յայն և ևս ծանրա-
 գոյնս . յորմէ զանգիտեալ՝ մտադիւր յանձն տունու-
 ցուն , եթէ շատ համարիցիս զառաջին և եթ ծան-
 րութին :

Գաւուր երրորդի ըստ ժամադրութեն եկն ժո-
 ղովորդն և յանդիման եղև ոտբովամայ՝ առնուլ
 պատասխանի . և նա խօսեցաւ ընդ նոոս ըստ խոր-
 հրդեան մանկաւոյն իւրոց սննդակցաց դառն և ելլ
 գիծանողական սլաքանութի . ծկոյթ իմ ասէ
 ստուար է քան զմէջ հօր իմոյ . և արդ հայր իմ
 եղ 'ի վերայ ձեր անուր ծանր , և ես յաւելից յա-

նուրն ձեր. հայր իմ խրատեաց զձեզ դաւածզանօք, և ես խրատեցից զձեզ խոցօտիչ բըբովք: Արմանս իմն բերէ յոյժ, թէ ոտբովամ մնեալ և հրահանգեալ առ սողմանիւ, և ՚ի ժամուս ոչ մանուկ, այլ այր կատարեալ քառասուն և մի ամաց, զիւրդ յերկուց խորհրդոց ընտրեաց զյայտնի վտանգաւորն և զանմտադոյնն: Այց չէ ինչ նորատեսիլ յաջարհի՝ չանցանէլ յորդիս ընդ ժառանգուէ՝ և խոհեմուէ հարց: Անդ զի այս անհէթեթ սխալումն չեղև առանց տնտեսութե վերնոյն, որ թոյլ տայր ոտբովամայ բստ իւրում ընդաբոյս անխոհեմութե յայն յետին անմտութի բերիլ՝ ՚ի պատիժ կռապաշտութե հօր իւրոյ, զի հաստատեսցէ տրզբան իւր, զոր խօսեցաւ ՚ի ձեռն աքիայ սիլոնիացւոյ վասն յերոբովամայ որդւոյ նաբատայ:

Ի խիստ և ՚ի տմարդի պատասխանւոյ աստի ջեռեալ ժողովրդեան, և հատեալ զյոյս ՚ի ոտբովամայ, ասեն զայրացմամբ. արդ երևեսցի թէ ով բռնադոյն իցէ, պնդեաց իսրայէլ ՚ի բնակութի քո. և ցոտբովամ ասեն, չէս դու տակաւին մեր թագաւոր, և ոչ եղիցիս յաւիտեան. չիք մեր բաժին ընդ դաւթի, և ոչ ժառանգութի ընդ որդւոյն յեսսեայ. կայ մնա՞ դու ՚ի տեղի քո, և արածեա՞ զտունն դաւթի: Աւ այսպէս տասն ցեղք յայտնի ապստամբեալք, գնացին ՚ի բնակութիւնս իւրեանց. մի միայն ցեղն յուդայ մնաց հաւատարիմ ոտբովամայ, առ ՚ի կատարելոյ բանի տն առ սողմանն թողուլ դաւազան մի որդւոյ նորա: Անդն բենիամինի գոլով փոքր՝ և երկուցեալ յերկոցունց կողմանց, յայնմ առաջնում ապստամբութե ոչ յարեցաւ ոչ ՚ի մի և ոչ ՚ի միւս կողմն. այլ սուղ ինչ զինի միացաւ ընդ տանն յուդայ. և եղև միշտ հաւատարիմ թագաւորութեն յուդայ: Ասկ ցեղն զլեւայ չունելով ուրեք սեպհական կալուած երկրի, այր իւրաքանչիւր եկաց մնաց ՚ի քաղաքս, ուր ունէր զբնակութի իւր: Այլ քանզի ՚ի պատճառս տաճարին բազմութին քահանայից և զլատացւոց բնակէր յերուսաղէմ և շուրջ յերկիրն յուդայ

և բենիամինի, նմին իրի առաւել մասն նոցա մնաց ընդ ուրբովամայ: Արկպառակութիւն չէր այնպիսի, որում չիցէ հնար դարման գտանել, եթէ ուրբովամ նախամեծար առնելով զբարին հասարակաց քան զպատիւ և զահասիրութիւն անձին, փութացեալ էր պատշաճական սպեղանի դնել ՚ի վերայ խոցուածոյն: Անէր նա յիւր արքունիս պաշտօնեայս ճարտարս և հանձարեղս, յորոց եթէ զմի ՚ի վարարկեալ էր, եթէ հաճոյական իմն մեկնութեամբ զբանս իւր քաղցրացուցեալ էր, եթէ զխտութիւն ծանրութեւ առ սակաւ մի մեղմացուցեալ էր, սակաւ ինչ կորուսանէր. բայց ամբողջ պահէր զթագաւորութիւն: Ասկ նա զհակառակն դործեաց, զի փոխանակ խաղաղարար հրեշտակուէ՛ յայնմ գրծպատեհ ժամու առաքեաց առ նոսա զաղոնիրամ հարկապետ՝ զսովորական հարկն պահանջել. թերևս ըստ մանկամիտ խորհրդոց իւրոց սննդակցաց. որք եղեալ էին ՚ի մտի, թէ ժողովուրդն թէպէտ և աղմկեալ՝ ոչ երբէք ժխտէ, նա՛ արագագոյն կատարէ զհրամանս, և հատուցանէ զհատուցանելին՝ յորժամ տեսանէ զոք արքունի իշխանութիւն զինեալ զալ ՚ի վերայ: Այց են որք ասեն, թէ աղոնիրամ ոչ ՚ի պահանջումն հարկին առաքեցաւ, այլ ՚ի խաղաղել զպատամբեալս, և ՚ի հնազանդութիւն համոզել զնոսա: Ասկայն թէպէտ և իբրև միջնորդ խաղաղութեւ էր առաքեալ, այլ գուով նա ատելի ամենեցուն ՚ի պատճառս ատելի պաշտաման իւրոյ՝ չէր ՚ի դէպ առ այն գործ. որպէս և տեսաւ արդեամբք. զի հազիւ հասեալ էր նորա, և ահա բռնալիր քարամբք հարին և սպանին զնա: Օայն գոյժ մահու իբրև լուաւ ուրբովամ ՚ի սիկիմ, գիտաց, զի բանք ժողովրդեան չէին ամպրոսք վայրապարք, վասն որոյ աճապարեաց ել ՚ի կառս իւր. և փախեաւ պատսպարիլ յերուսաղէմ ՚ի քաղաք իւր հաւատարիմ: Այլ զորաժողով եղև ՚ի յուդայէ, և ՚ի բենիամինէ հարիւր ութսուն հազար երիտասարդաց. ամենեքեան արք զօրաւորք և քաջ պատերազմականք:

Այն ինչ ռոբոզամ գունդ կազմէր յերուսաղիմ բռնի նուաճել զապստամբեալսն, նորա համախմբեալ ՚ի սիկիմ, խորհուրդ առնէին ամրացուցանել և հաստատել զկողմն իւրեանց՝ նոր թագաւոր կացուցանելով: Ախտէին զյերոբոզամ որդի նաբատայ ՚ի ցեղէ Եփրեմի՝ այր աչալուրջ, սթափ, կիրթ ՚ի զինուորութի, և յամենայնի յաջողակ, զոր երեւցոյց ՚ի ժամանակս սողումնի՝ ՚ի կարգել նորա զնա հարկապետ տանն յովսեփայ Եփրեմի և մանասէի, և վերակացու մեծի գործոյն մեղնի, և այլոց շինուածոց, որպէս ՚ի վեր անդր ասացաք. քանզի յայնմ ամենայնի այնպիսի ճարտարութիւն և խոհական խորհրդով վարեցաւ, մինչև յինքն ձգել զսիրտ ժողովրդեան՝ առ ՚ի հորդել անձին ճանապարհ ՚ի թագաւորութի, ըստ բանի սքիայ սիլոնացւոյ: Ասան որոյ առաքեցին ՚ի սարիքա, ուր խոյս տուեալ էր նա զինի առաջարկելոյ ժողովրդեան զինդիր իւրեանց. և կոչեցին ՚ի սիկիմ, և անդ հասարակաց հաճութիւն ամենայն ժողովրդեան՝ թագաւորեցուցին զնա ՚ի վերայ տանն ցեղից իսրայէլի: Այլ այսպէս ՚ի միոյ թագաւորութի եղեն երկու. մին կոչեցաւ թագաւորութի իսրայէլի՝ սակս տանն ցեղից միացելոց ՚ի նա. իսկ երկրորդն թագաւորութի յուրոյ. յորում թէպէտ և ցեղն բենիամինի էր միացեալ, այլ մեծն և երեւելին էր յուրայ. վասն այնորիկ ՚ի նմանէ կալաւ զանուն. որ և միշտ նախապատիւ և զօրաւոր եղև՝ հանդերձ անպաշտութիւն, քան զթագաւորութի տանն ցեղից իսրայէլի:

Իսկ ռոբոզամ առ կարճելոյ ՚ի նոցանէ զամենայն դիպողութի զօրանալոյ համախմբութի բազմութե յամենայն ցեղից, և օրինաւոր բանակ կազմելոյ ՚ի սաշտաբանութիւն անձանց, աճապարեաց հասանել ՚ի վերայ նոցա յանպատրաստից հարիւր և ութսուն հազարօք՝ կամ ՚ի հնազանդութիւն նուաճել, և կամ ջնջել զնոսա յերկրի: Այլ այն ինչ յառաջ խաղայր ամեհի գունդն յուրայեան, եւ ընդ առաջ սամէա մարգարէ, խօսեցաւ առ ռո.

բողիւմ և առ ամենայն զօրազարս տանն յուրայ , սրտուիբերելով 'ի դիմաց ւոյ՝ չտալ սրտերազմ ընդ եղբարս իւրեանց ընդ որդիս իտրայելի . այլ լուծաւ նել զբանակն , և իւրաքանչիւրոց դառնալ 'ի տունս իւր . զի բաժանումն այն ասէ թագաւորութե 'ի անէ եղև , և այն է կամք նորա : Այսպիսի սրտուեր ապաքէն դառն է այնմ , որ վստահ իցէ 'ի ձեռին ունել զյաղթութիւն . խաղաղութիւնն միշտ ծանր է և խիստ այնմ , որ կորոյս ինչ երևելի յիւրմէ , յորժամ դաշնադրութիւն յայն վճարի՝ զի իւրաքանչիւր շատացի այնու , որ մնաց 'ի ձեռին . այլ ծանրագոյն ևս է , յորժամ որ կորուսանէ՝ համարի ունել զօրութի բաւական անդրէն 'ի ձեռ . բերելոյ զօրութի զինուց զկորուսեալն :

Արդ քանզի լուաւ ուրբովամ ձայնի մարդարեիւն , գովին նուէր մեծ արար կամաւոր , քան զոր մեծաւ գոյն չէր կարող առնել այր թագաւոր . զի ցրուեաց նոյն հէտայն զբանակ իւր . տալու խաղաղական ոգւով զկորուստ տանն մասանց թագաւորութե իւրոյ վասն լի և կատարեալ հստատակութիւն հնազանդելոյ ձայնի ան : Անեաւ զայս ճշմարտութի , թէ անութիւն զոր ունի ան 'ի վերայ թագաւորաց , յանչափս առաւել է , քան զանութիւն , զոր ունին թագաւորք 'ի վերայ իւրեանց հնազանդելոց : Անեաւ թէ անօգուտ է բազմութիւն , և քաջութի սպառազինելոց , յորժամ ան զօրութեց մարտնչիցի ընդդէմնոցա . որպէս յայս դիտուած ունէր զչափ առնուլ , գիտելով զկամս ւոյ վասն թագաւորելոյ յերոբովամայ 'ի վերայ իտրայելի : Ասան որոյ իմաստուք ընտրեաց՝ յօժարամիտ հնազանդութի արդիւնս ունել առաջի ւոյ , քան ընդդէմ կամաց նորա փորձ փորձել 'ի կործանումն իւր :

Երբ որ լամ Էանգնէ Երկուս Երկնջա ոսկիս 'ի պաշտօն ,
 'ի զոհել նորա զոհս Երկնջոյ՝ պարտաւի սեղանն զոհից Բա-
 նիս ճարգարէի րն : Իսկ ճարգարէն խաբեալ 'ի Բեկեւեկոյ
 ճերոյն՝ անցանէ զպարտաւիրանաա րն , և սոյանանի յառիւ-
 ժոյ :

Յայնմ վայրի պարապ գտեալ յերոջովամայ՝
 ձեռն էարկ դնել 'ի կարգի զնոր թագաւորութի .
 ամրացոյց զսիկիմ , և անդ հաստատեաց զաթոռ
 իւր : Եւ զմտաւ ածեալ , թէ 'ի վտանգաւորիլ
 իւրում յիմիք պատերազմի , սւր 'ի դէպ իցէ խոյս
 տալ յասպահովագոյն տեղի թագաւորութե իւրոյ ,
 ոչ եղիտ յանկագոյն առ այն քան զպաղատադ՝ յայն
 կոյս յորգանանու և ծովուն տիբերեայ . ուր և էին
 բազում ամրոցք հզօրք : Ասն որոյ զնաց անդ ,
 և ամրացոյց և ևս զամրոցն փանուելի . որ էր ընդ
 մէջ մանայիմայ և անտառին եփրեմայ , առաջին
 ամրոց յայնմ կողմանէ ընդդէմ թագաւորացն
 յուդայ : Այն խիթացեալ հոգայր , թէ յեր-
 թալ ժողովրդեան իւրոյ յերուսաղէմ , որպէս պատ-
 ուէր ունէին ամենեքին ամի ամի երկցս ելանել
 յերուսաղէմ զոհել զոհս 'ի տան րն , զի արտաքոյ
 նորա չէր օրէն ուրեք զոհս մատուցանելն , դու-
 ցէ առ սահաւ սահաւ ընդեւացեալ ընդ որդիս յու-
 դայ , և ջերմացեալ առ անձ , և առ ար իւրեանց
 ուրովամ արքայ յուդայ , դարձուցանիցեն զթագա-
 ւորութի յառաջին վիճակ անդր 'ի մի ինքնակա-
 լութի : Օայս ամպարիշտ խորհուրդ յղացեալ նո-
 րա , ոչ միայն տարագիրարար յիւրմէ թագաւորու-
 թէ՛ զամենայն զւտացիս և զամենայն քահանայս
 րնն , այլ և արար երկուս երկնջա սակիս , և եդ
 զմին 'ի դան , և զմիւսն 'ի բեթեւեւ յերկոսին ծագս
 իւրոյ թագաւորութե : Ապոյց և քուրմս 'ի խառ-

նազանձ՝ ժողովրդենէ արս պիղծս և անօրէնս յան
կաւորս այնպիսի անկենդան և անբան անձոց . և
պատուիրեաց ժողովրդեան իւրում մի ևս ելանել
յերուսաղէմ՝ և ոչ մի ինչ պատճառաւ , և ոչ իսկ
զոհելոյ աղագաւ նյ իւրեանց . * Մտ լիցի ձեզ
ասէ ելանել յերուսաղէմ . ահա անձք քո խորայել ,
որ հանին զքեզ յերկրէն եզխպտացոց ॥ : Այլ
կանդնեաց աստ անդ ՚ի վերայ բլրոց բարձանց սե-
ղանս և մեհեանս սյլ և այլ դից , պաշտել իւրա-
քանչիւրոց զանձս ընդ որ և հաճեսցին , բաց յնյ
ձմարտէ :

Այլ թէ քանի անմտացաւ և մոլորեցաւ յայսմ
ոչ միայն ընդդէմ անձպաշտութե , այլև ընդդէմ
քաղաքական տնտեսութե , հանդերձեալ եմք տե-
սանել ՚ի կարգի պատմութես , ուր ըստ բերելոյ
նիւթոյն պատմեսցին դաւաճանութիք , մատնու-
թիք , խողխողմունք թագաւորաց , և սպառ սպառ
կործանումն տանն նորին յերոքովամայ սպանմամբ
որդւոյ նորա : Հայսմ ամենայնէ քաջայայտ է , թէ
որ խորհի ընդդէմ նյ , խորհի միշտ ՚ի կորուստ
անձին : Յորժամ ժողովուրդն սովորի արհամար-
հել զանձայնս , պատրաստի գերծուլ և զմտրդկային
իշխանութի : Համենայնի և միշտ օգուտ մեծ է
իշխանին , զի ժողովուրդ իւր պատկառ կացցէ օրի-
նաց նյ . քանզի ոչ կարէ լինել անհաւատարիմ
իւրոյ թագաւորի , որ երկնչի յնյ . զի նա պատուի-
րէ հպատակաց հաւատարիմ և հնազանդ լինել
իւրեանց թագաւորաց . և ապտամբաց և դառ-
զաց սպառնայ պատիժ անեզրական : Այս եթէ
սենիցի ժողովուրդն զերկիւղ ան ՚ի սիրտս իւր-
եանց , չունին թագաւորք այնուհետե երկնչել ՚ի
դաւաճանութե նոցա : Ասն որոյ ամենայն փոյթ
և արթնութիւն թագաւորաց ՚ի հաստատութիւն
նորութե իւրեանց , և ՚ի խաղաղութի երկրին ,
յայսմ պարտ էր լինել՝ զօրացուցանել զհաւատ ,
զպաշտօն , և զսէր նյ ՚ի ժողովրդեան իւրեանց :
Աւր թողից զայն , զի եթէ թագաւորք ինքնին հա-
ւատարիմ լինիցին առ անձ , նա սրահ անստան

զորութի նոցա . և երկոքումքք տայ նոցա թագաւորել աստ և 'ի հանդերձելումն :

Իսկ յերթումամ զհակառակն գործեաց , զի առ չկորուսանելոյ զթագաւորութիւն իւր , տարագիր արար յերկրէ իւրմէ զճշմարիտ կրօնն : Մ.ՍԼ որով կարծէր հաստատել զթագաւորութի իւր , նովին եբաց դուռն սպառ սպառ կորստեան . և իսկ և իսկ սկսաւ զչափ առնուլ մեծի փաստ անօրէն խորհրդոյն : Վանզի բովանդակ կարգ զլեւտական և քահանայական անց ընդ դրօշիւ արքային յուզայ . և որք յայլ ամենայն ցեղից ետուն զսիրտս իւրեանց խնդրել զոր անձ իսրայելի , մտին յերկիրն յուզայ զօրացուցանել զթագաւորութի ուրումամայ : Աւ այսպէս՝ ուր զառաջինն միայն տունն յուզայ և բենիամինի էին ընդ ուրումամայ , յետոյ համօրէն ցեղն զլեւայ յարգոյ և երևելի յամենայն ցեղս իսրայելի ճօխ և հարուստ բազմութի հանձարեղ խորհրդականաց , և քաջագօտի զինակրաց յարեցան 'ի նա . և ոչ մնաց ցեղ՝ յորմէ ոչ էանց բազմութի 'ի զօրացուցանել զարքայ յուզայ ընդդէմ արքային իսրայելի : Այ մնաց առ ընթեր յերթումամու ոչ իմաստուն խորհրդական , և ոչ մարգարէ՝ հարցանել 'ի տնէ . սակայն կուրացեալ թագաւորն առ ոչինչ գրեալ զայս ամենայն կորուստ , առ և և սամրայուցանելոյ զկռապաշտութիւն՝ կարգեաց տօնս հեթանոսականս դէմընդդէմ տօնիյ՝ զոր առնէին յերուսաղէմ յերկրին յուզայ 'ի պատիւ նյ ճշմարտի : Ատես զի մասնաւոր տօնախումբութիք ժողովրդականք մեծապէս օգուտ են 'ի պահել զբազմութի խառնաղանձ՝ ժողովրդեան 'ի հանդարտութե , սահմանեաց հանդիսաւոր տօն յամեանն ութերորդի յաւուր հնգետասաներորդի նորին ամսոյ : Աւ առ պանծագոյն և ս շքեղացուցանելոյ զտօնն , ինքնին անձամբ եկն 'ի բեթէլ : Աւրանօր որչափ անօրէն արքայն առաւել երևեցոյց զամպարշտութի իւր , անձ և ս քան զլսեցոյց զանչափ ողորմութի իւր չորիւք սքանչելեօք 'ի հաստատութի :

Վրանգի այն ինչ կայր յերորովամ'ի միջ բազմ-
 ամբոխ քրմաց իւրոց առ սեղանով 'ի բեթէլ զո-
 հել զոհս երնջոց, և ահա այր մարգարէ եհաս
 անդր եկեալ յերկրէն յուղայ. և ամբարձեալ աներ-
 կիւզ զձայն իւր, ասէ. սեղան սեղան՝ ահա գայցէ
 օր, զի որդի ծնցի 'ի զաւակէ դաւթի՝ Զովսիա
 անուն նորա, նա զոհեցէ 'ի վերայ քո զքուրմս,
 որք աստ ծխեն զծուխ պղծութե. անտ՝ ուր այսօր
 այրին ողջակէզք անբանից, այրեսցին ոսկերք մարգ-
 կան սպանեցոց: Բայսպէս եղիցի, զի այսպէս խօ-
 սեցաւ Թր. և 'ի նշան թէ Թժ խօսեցաւ, ահա ասէ
 սեղանդ պատառեսցի, և հեղցի 'ի գետին պարար-
 տութիւն որ 'ի վերայ դորա: Բա այս բան մարգա-
 րէին ցասուցեալ արքայի՝ ձգեաց զձեռն իւր 'ի սե-
 դանոյ անտի, և հրամայեաց ունել զմարգարէն:
 Բստ եղև առաջին սքանչելիք, զի ձեռն ձգեալ՝
 առ ժամայն դօսացաւ. և ոչ կարաց արքայ դար-
 ձուցանել կամ շարժել զնա: Բա այս էր ազդումն
 հզօր, թէ այն Թժ՝ որ եբարձ զբազուկ նորա, կա-
 րող է բառնալ և զթագն 'ի գլխոյ նորա. 'ի նմին
 ժամու պատառեցաւ և սեղանն, և հեղաւ պարար-
 տութին 'ի գետին: Բայս եղև երկրորդ սքանչե-
 լիք և ազդումն մեծածայն, թէ զիարդ կարող իցէ
 կուռքն պաշտպանել թագաւորութե, որ ոչ կա-
 րաց ընդդէմ'ոյ ձյմարտի պահել անկործան զիւրն
 սեղան: Տեսութի զօսացեալ ձեռաց արքայի՝ այն-
 պէս զարհուրեցոյց զամենեւին՝ որ անդն կային,
 զի ոչ ոք 'ի բազմութե անտի իշխեաց ձգել ձեռն
 'ի մարգարէն. և պատառումն սեղանոյն սասանե-
 ցոյց զսիրտս, և մթացոյց զաչս ամենեցուն. բայց
 առաւել քան զամենեւին նա ինքն արքայ մնաց
 առչեալ. սյլք տեսանէին զսքանչելիս, բայց նա
 յանձն իւր կրէր զներգործութին: Բ ցաւս ծա-
 նեաւ, եթէ ոչ է ժամանակ գործադրուե սպառ-
 նալեաց. և թէպէտ թագաւոր է տասն ցեղից,
 այլ հարկ է խոնարհիլ առն սոսկականի, բայց
 սպառազինելոյ հրամանաւ բարձրելոյն:

Զայսր ամենայնի վերայ ոչինչ զգաստացաւ 'ի

զեղջ և յապաշաւ, այլ միայն խոնարհեցաւ առ շա-
հու անձին, յայտ արարեալ՝ թէ և թագաւորաց
ամբարտաւանից հարկ է գալ 'ի խոնարհու թիւն,
յորժամ ոչ գտանեն այլ ճանապարհ ազատութե
'ի ֆրասուէ: Աղաչեաց զմարգարէնս աղօթս առ-
նել առ Թ, զի գարձցի ձեռն նորա յինքն, և աստ
ետես զերրորդ սքանչելիս. զի յաղաչել առն Թ
առաջի Թն՝ գարձաւ ձեռն արքայի առ նա: Այլ
այս եղև ազգումն՝ 'ի միտ առնուլ, թէ քանի՞ մեծ
ֆրաս եղև նմա մեկնիլ 'ի նմանէ ամենայն արանց
բարեպաշտից. և թէ հարկ 'ի վերայ կայ առ նո-
սա դիմել՝ 'ի գտանել շնորհս 'ի Թնէ: Աբրև ողջա-
ցաւ բազուկ արքայի, հրաւիրեաց զայրն Թ 'ի տուն
իւր՝ ճաշել ընդ նմա, խոստանալով սարգևս տալ
նմա. այլ նա բացէ 'ի բաց հրաժարեաց յամենայնէ,
ասելով՝ թէ այսպէս պատուէր ունի 'ի Թնէ՝ ոչ
ուտել հաց, և ոչ բմպել ջուր 'ի տեղւոջն յայնմիկ,
և ոչ գառնալ ընդ նոյն ճանապարհ՝ ընդ որ եկն.
և այնպէս դնաց այրն Թ 'ի բեթելայ. և 'ի ճա-
նապարհի եղև չորրորդ սքանչելիք յանձին նորին
առն Թ:

Այր այր մի ծեր բնակեալ 'ի բեթել՝ եկեալ 'ի
սամարեայ. 7. Բա4. 25. 18. զոր սք գիրն մար-
գարէ կոչէ, բայց ցուցանէ զնա 'ի գործոց անտի
նորա լինել 'ի սուտ մարգարէից անտի, որք իբրև
արուեստ առնէին զմարգարէութի՝ կամ չունելով
իրօք զհոգի մարգարէութե 'ի Թնէ, և կամ չարա-
չար 'ի կիր արկանելով զպաշտօն մարգարէական:
Վալ նորա 'ի սամարեայ, և բնակել 'ի բեթել, որ
էր 'ի ժամանակին կեդրոն կռապաշտութեան, և
լուռ կալ անդ առանց բողբեղոյ ընդդէմ անօրէն
կռապաշտութե յերթովամայ, է նշան որ ցուցանէ
զչարութի սրտի նորա. որպէս և կեղծել սուտ
յայտնութի առաջի ճշմարիտ մարգարէին 'ի խա-
բել զնա՝ յայտ առնէ, թէ և ս առաւել սովոր էր
կեղծել այնպիսի ստուիս առաջի ռամիկ և տգէտ
խուժանին: Արդիք նորա, որք գտան անդ, ուր
գործեցան երեք նախագրեալ սքանչելիք, եկեալ

'ի տունն պատմեցին հօր իւրեանց զամենայն գործսրն՝ զոր արար այրն նոյ, և զբանսն՝ զոր խօսեցաւ ընդ արքայի. և թէ 'ի հրաւիրել զնա արքայի 'ի տուն ճաշել ընդ նմա՝ հրաժարեցաւ, ասելով՝ թէ ոչ կարէ առնել զայն, զի պատուէր ունի 'ի տնէ չուտել հաց 'ի կողմանսն յայնոսիկ: Յայնժամ նիւթեաց նա խորհուրդ չարակամ ընդդէմ առն նոյ. և այս՝ կամ 'ի գրգռելոյ լոկ բաղձանաց տեսանելոյ և փորձելոյ զայրն հրաշագործ, կամ 'ի հաւատարմացուցանել առաջի իւրոց քաղաքակցաց զմարգարէութիս իւր, 'ի տեսանել նոցա թէ այնպիսի այր սքանչելի հաւատաց նմա և ճաշէ ընդ նմա, և կամ որպէս համարին բազումք՝ առ չարութեւ, առ 'ի տալ առն նոյ անցանել զպատուիրանաւ տն, զի յետոյ 'ի լուծանել նորա զպատիժ իւրոյ անհնազանդութեւ, (զի անտարակոյս համարէր թէ ոչ թողցի անպատիժ) առնուցու անտի պատճառսցուցանել զնա առաջի յերոբոլամայ որպէս խաբեբայ, վասն որոյ և պատուհասեալ յերկնից. և ունայնացուցանել զսքանչելիս նորա, զամենայն բնական պատճառաց տալով. և այնպէս եթէ երկուցեալ յերոբոլամայ 'ի սպառնալեաց նորա՝ խորհեսցի 'ի բաց դառնալ 'ի կռասպաշտութեւ, անդրէն 'ի նոյն ամպարշտութի հաստատեսցէ զնա:

Այլ թէ այս, և թէ այն, և կամ այլ ինչ էին միտք ծերոյն, չունիմք հաւաստութի ինչ. բայց այս յայտնի է, զի իբրև իմացաւ յորդուոց իւրոց զճանապարհ ընդ որ գնաց այրն նոյ, հրաման ետ վաղվազակի կազմել զէշ իւր, և նստեալ 'ի նա՝ պնդեցաւ զհետ նորա. և իբրև եգիտ զնա նստեալ ընդ կաղնուոյն, բռնադատէր զնա դառնալ ընդ նմա 'ի տուն իւր, և ուտել և ըմպել և կաղղուրել զանձն, և աստ երթալ զճանապարհ իւր. և որպէս զի հաւանեցուցէ զնա, ստեաց նմա՝ թէ այսպէս հրաման ընկալայ 'ի հրեշտակէ տն. քանզի և ես ասէ, մարգարէ եմ իբրև զքեզ: Հաւաստի գիտէր այրն նոյ զպատուէր տն եղեալ առ նա. շէր պարտ նմա դիւրահաւան լինել առն անձանութի,

որ ոչինչ նշան տայր զանձնէ առաքելոյ 'ի հրեշտակէ անյ. սակայն և այնպէս առանց այլ ինչ հարցաքննուած է հաւատաց նմա պարզմտութիւն. և դարձաւ 'ի տուն նորա, և եկեր և արբ ընդ նմա: Այլ մինչ տակաւին նստէին 'ի սեղանն, եղև յայնժամ ճշմարտապէս հոգի անն 'ի վերայ ծերոյն. որ փոխեաց զերեսս և զլեզու իւր, և դարձեալ առ այրն անյ ասէ. փոխանակ զի ոչ պահէցեր զպատուէրն, զոր պատուիրեաց բեզ ան անձ քո, և դարձար և կերար հաց 'ի տեղւոջ յայդմիկ՝ մի մտցէ մարմին քո 'ի գերեզման հարց քոց:

Այլ յետ ուտելոյն՝ կազմեաց ծերն զէշ իւր, և նստուցեալ զայրն անյ 'ի վերայ նորա առ արադագոյն վճարելոյ զճանապարհ իւր, արձակեաց զնա: Այլ այն ինչ չէր կարի հեռացեալ 'ի քաղաքէն, ել ընդ առաջ նորա 'ի ճանապարհի առ իւր, և սպան զնա: Այլ զի յայտնի երևեսցի, թէ յայն գործեղև առ իւրն լոկ գործադիր կամաց անն, ոչ պատուեաց և ոչ կերաւ զնա. մանաւանդ թէ՛ եղև և պահապան մարմնոյ սպանելոյն, և գրաստուն կենդանոյ: Այս արկած վաղվաղակի ազգ եղև 'ի քաղաքն յանցաւորաց ճանապարհի՝ որք տեսին զքան չելինն. զոր լուեալ ծերոյն՝ որ խաբեացն զնա, ասէ. այն այրն անյ է, որ դառնացոյց զքան անն. և ետ զնա անոր առ իւր և սպան զնա. և նոյն հետայն հեծեալ յէշ, զնաց անդր. և գտեալ զմարմին նորա անփնաս, և զառ իւրն՝ զի կայր հեզիկ, և թուէր մնալ հասանելոյ նորա առ 'ի յանձնել նմա զմարմինն, առ և եզ զնա 'ի վերայ իշոյն, և բերեալ 'ի բեթել թաղեաց 'ի գերեզմանի իւրում: Այլ ետ պատուէր որդւոց իւրոց, զի 'ի մեռանիլ իւրում թաղեսցեն և զնա 'ի նոյն գերեզման առ ոսկերօք առն անյ. զի յորժամ յովսիաս այրեսցէ զոսկերս բեթելացւոց՝ ըստ մարդարեութեան առն անյ, անձեռամբ մնացեն և իւր ոսկերօք 'ի պատիւ ոսկերաց նորա՝ ոչ կարելով որոշել զնոսա 'ի միմեանց:

Այլ էր արդեօք այս այր անյ, չէ յայտ. զի և յա.

'ի անէն նոյն իւրեանց, տեսանելով զայրն նոյն այնպէս
 խօսելու պատժեալ, լոկ վասն անփոյթ լինելոյն քնն
 նել զխաբէութի ծերոյն: Քայն նա թերևս 'ի գի
 պուածոյ աստի պատճառս կալաւ և ևս ամսարը
 տել, որպէս սօլորաբար առնեն անօրէնք, որոց
 կամք հաստատեալ է 'ի չարիս: Վոխանակ մտախոհ
 ուշիւ հայելոյ 'ի յայտնի նշանս, որովք ցուցանէ
 անձ թէ ինքն է որ խօսի, զհակառակն խորհին
 գլխովին, զամենայն՝ բնական գիպուածոց ընծայե
 լով. որով և հաստատին 'ի կամաւոր մոլորուէ իւ
 ըեանց: Վուցէ և սա զայն ամենայն սքանչելա
 գործութիս ետ բնական պատճառաց. զգօսանալ
 ձեռաց, և զարագողջանալ՝ պատահական գիպուա
 ծոյ յաշխատութէ յաճախութէ զոհոց, զոր արար
 իւրով ձեռամբ. զպատառումն սեղանոյն՝ բռնութե
 հրոյն և ծանրութե զոհոց կուտելոց 'ի վերայ նո
 րա. զչուտել առիւծուն զմարմին առն նոյն, և զչե
 կանել զէջն՝ նորին մեծասրտուէ, և կամ զի յագ
 էր: Այլ զիարդ և իցէ, այս յայտնի է, զի եղեալ
 ևս՝ թէ 'ի ժամուն հաւատաց յերովորամ, զի սչ 'ի
 գիպուածոյ, այլ յնոյ եղեն այն ամենայն, յետ
 պահու արհամարհեաց յետին չարութիւն զխրատ
 անձ որ տուաւ նմա 'ի ձեռն այսքանեաց բացայայտ
 և անժխտելի սքանչելեաց, և առաւել չարացաւ
 'ի կորուստ հոգւոյն, և 'ի կործանումն տան իւրոյ.

* Աւ եղև (ասէ սբ գիրն) բանն այն 'ի մեղս տանն
 յերօրովամայ, և 'ի սատակումն և յապականութի
 յերեսաց երկրի ॥ 7. Բագ. 67. 54:

Մահ աբիայ անորան՝ որդույ յերոբովամայ : Շինուհի
 Ստրովամայ արքայի յուրայ : Պարտուլնի նորա 'ի սոսանէն
 մայ եգիպտացոց արքայն . և մահ նորա :

Սոյն հետոյն յետ բանիցս այսոցիկ սկիզբն
 եղև կործանման տանն յերոբովամու , զի հիւանդա-
 ցաւ արիա անդրանիկ որդի նորա : Յայնժամ ետես
 աջօք , և շօշափեաց ձեռամբ զֆնաս տարադրուածն
 ճշմարիտ կրօնի յիւրմէ . զի ոչ էր գտանել 'ի հա-
 մօրէն թագաւորուածն իւրում մարգարէ տն , յոր-
 մէ կարիցէ գիտել ինչ վասն որդւոյ իւրոյ ախտա-
 ցելոյ : Տարկ էր խնդրել յերկրի յուրայ . բայց
 գործ էր գտանել զյեղանակ հասանելոյ վախճաւ
 նին : Արքայն անձամբ երթալ յերկիր թշնամոյ
 իւրոյ թէպէտ և ծպտեալ ոչ կարէր . առաքել
 գաղտաբար զոք յիւրոց ներքին պաշտօնէից՝ կաս
 կածէր թէ 'ի լսել մարգարէին զանուն իւր , որ
 ատելի էր ամենայն մարգարէից , ոչ տայր պատաս-
 խանի , գուցէ և 'ի բաց մերժէր զհարցանօղն . և
 այն զի՛ առ ընդունելոյ ստոյգ պատասխանի՝ հարկ
 էր յայտնել զանձն , ոյր վասն հարցանէ , որով և
 հայր մանկանն ախտացելոյ 'ի յայտ գայր : Ապա
 կարևոր էր այնպիսի հնարս գտանել հարցանելոյ ,
 զի մի բնաւ յիշեսցի անուն հօր մանկանն . առ որ
 զայս հնարս եգիտ յերոբովամ . զի կին իւր մայր
 մանկանն զգեցեալ հանդերձս գծուծս իբրև զմի
 յաղքատ կանանց , և առեալ 'ի ձեռին պարգևս
 աղքատինս՝ հաց , և չամիչ և ստոման մի մեղու ,
 համեմատ իւրում նուաստ վիճակի , և այնպէս
 գլխովին այլակերպեալ՝ զի մի ոք գիտացէ թէ
 կին նորա իցէ , երթիցէ յերկիր յուրայ առ մար-
 ցարէն արիա սիլոնացի , յորմէ ակն ունէր բարւոյ
 գուշակուածն . զի նա էր որ ամօք բազմօք յառաջ

դու շահեաց նմա զթագաւորել ՚ի վերայ տասն ցէ-
զից իսրայէլի :

Ս) արգարէն բնակէր ՚ի սելով քաղաք , որ թէ-
պէտ էր ՚ի մասին որդւոց եփրեմոյ , բայց յայնժամ
ընդ արուածք արքային յուղայ . և էր նա ծանրա-
ցեալ ծերութիւն , և ոչ կարէր տեսնել , զի աչք
նորա էին վատեալ ՚ի ծերութիւն . վասն որոյ ոչ
կարէր մարգարէն ՚ի կասկած ինչ անկանիլ ՚ի տե-
սութենէ փափկասուն դիմաց թագուհւոյն , և ՚ի
յաղնուական ձեռք վարելոյ նորա . զոր տիկնայք
մեծուհիք ոչ երբէք կարեն ՚ի բաց թողուլ , թէ և
կամիցին ծածկել զանձինս . և ոչ իսկ ՚ի ձայնն
կարէր կասկածիլ . զի չէր երբէք խօսեալ ընդ նմա :
Եւ յս հնարք քաջ հանձարով սկզբնաւորեցաւ . բայց
ան իսպառ ունայնացոյց զխարէութիւն , յայտնելով
մարգարէին՝ զանձն որ դայր առ նա , և զպատճառն
վասն որոյ դայ , և զպատասխանին զոր ունէր տալ
նմա : Բանդի իրըն արար կինն զամենայն ըստ կար-
գելոյ յերոբոսիամայ , և եկն ՚ի սելով , այն ինչ
մտ էր մտանել առ մարգարէն , ասէ ցնա ար ,
ահա կինն յերոբոսիամայ դայ հարցանել բան ՚ի
քէն վասն որդւոյ իւրոյ , զի հիւանդ է՝ և դու
զայս ինչ և զայս ասասցես նմա :

Յայն բան լուաւ մարգարէն զձայն ոտից կնոջն
առ դրանն . ձայնեաց առ նա , և ասէ , մուտ կին
յերոբոսիամա , ընդէր յանձանութս լինիս . դու զիս
ինդրես , և ես եմ՝ առաքեալ առ քեզ խօսութիւն :
Եւ ըրթ և ասա՛ զյերոբոսիամայր քո յանունն այ . փո-
խանակ այնքան երախտեաց՝ զոր արարի քեզ , դու
չարացար քան զամենեւին որ թագաւորեցին յա-
ռաջ քան զքեզ . և գնացեր և արարեր քեզ առ
տուածս օտարօտիս և ձուլածոյս բարկացուցանել
զիս . և ընկեցեր զիս յետս ՚ի թիկանց քոց : Ս) ասն
այտորիկ ամցէ՛ ան զամենայն չարիս ՚ի վերայ տանն
յերոբոսիամայ . սատակեսցէ զամենայն սերունդն ու-
րա , և զգիակունս նոցա արկցէ ՚ի գիշատումն շանց
և թռչնոց երկնից՝ մինչև սպառեացին : Եւ մա-
նուկն՝ յոյր սակս եկիր հարցանել , ՚ի կոխել ոտից

քոյ 'ի քաղաքն ելցէ 'ի կենաց, և 'ի մտանել քո 'ի տուն՝ գացես զնա մեռեալ. նա միայն 'ի տանէն յերթովամայ մտցէ պատուով 'ի գերեզման, զի 'ի նմա և եթ գտաւ խորհուրդ բարի վասն ան նյ խւրայելի, ոչ խտորելով զկնի ամպարշտութե՝ հօր իւրոյ: Իսկ վասն այլոց՝ զիբ նշան աւուրս այսմիկ՝ թէ քանի է ամսոյս, և ժամուս՝ յորում խօսխմն առ քեզ. ան արդէն ընտրեալ է այլ թագաւոր. որ զկնի ամաց ինչ 'ի սոյն աւուր, և 'ի սոյն ժամու ընդ սուր անցուսցէ զամենայն զտունն յերթովամայ: Այլ եկեացէ ժամանակ, զի և ժողովուրդ նորա 'ի նոյն ազէտս անկցի, յոր թագաւոր նոցա. և այն ամենայն չարեաց պարտաւոր լիցի այր քո յերթովամ որ մեղաւ, և մեղոյց զիսրայել: Աինն սասանեալ 'ի բանից մարգարէին՝ կորոյս զբարբառ բերանոյն, և ոչ զիտաց ասել բան մի. զի յառաջ քան զհարցանել իւր՝ արար մարգարէն նմա պատասխանի: Այլ սյնսէս կինն ցաւագին ել յերեսաց մարգարէին, և գնաց 'ի սարիւրա, կամ ըստ այլոց 'ի թերսա. զի անդ էր յայնժամ աթու յերթովամայ. և 'ի մտանել նորա 'ի տուն՝ եղիտ զորդի իւր մեռեալ, և կոծեցան զնա և թաղեցին պատուով ամենայն իսրայել իբրև զարդի արքայի, որսէս խօսեցաւ մարգարէն: Բայց յերթովամ ոչ կատեցաւ 'ի չարեաց:

Ամբարշտութին յերթովամայ, և ժողովուրդեան իսրայելի զառաջինն նշովելի էին յաչս թագաւորութեն յուրայ. բայց զկնի ոչ բազում ժամանակաց, և նոքա ըստ մասին 'ի նոյն ամպարշտութի խտորեցան: Արթովամ ընդ որում և ժողովուրդ նորա ջերմ էր յանպաշտութեան. զի գնայր ընդ ճանապարհ, զոր ուսոյց դաւթ և սողմնն հայր նորա աւանդեալ 'ի զիբս ժողովուրդի, 'ի ժամանակս ապաշխարութե իւրոյ. և ընդ այն ժամանակս բազումք յանպաշտ իսրայելացւոց անցին առ նա, և զօրացուցին զթագաւորութի նորա: Այլ քանզի 'ի պատճառս երկիեղկելոյ իսրայելի՝ սահմանք թագաւորութե իւրոյ փոփոխեցան, ձեռն կարկ զօրաւ

ցուցանել զայլ սահմանագլուխ քաղաքս : Արուսա
ղէմ էր քաջ ամրացեալ պարսպօք և աշտարակօք .
այլ առ կարի ընդարձակութի իւրոյ՝ կարօտ էր
բազմութե զօրաց ՚ի պահպանութի . զի գողով
կառուցեալ ՚ի վերայ երկուց լերանց , ունելով և
ձոր լայնարձակ , դիւրին էր յոյժ պաշարել զնա .
քանզի ՚ի փակել թշնամւոյն զքանի մի անցս ճա-
նապարհաց , ոչ ևս մնայր տեղի մուծանելոյ կերա-
կուր ՚ի քաղաքն : Ասն այնորիկ ՚ի դարման այս-
պիսի վտանգաց՝ ամրացոյց զմտակայ քաղաքս և
զամրոցս . որք թէպէտ իբր անառիկ էին ՚ի սակս
բնական դրից իւրեանց , այլ կամեցաւ և արհեստիւ
ամրացուցանել յառաւել յապահոյութի , առ չու-
նելոյ պէտս բազմութե զօրաց ՚ի պահպանութի :
Ամին իրի շինեաց զբեթսոր , և զբեթգէհէմ . (որ
ի մերուսն ըստ օրինակաց ինչ եօթանասնից գրի
բեթսէհէմ) :

Առ առ պաշտպանելոյ զնոսա ՚ի հարաւոյ , ընդ
որ մարթ էր յարձակել եղովմայեցւոց , արաբաց-
ւոց , մադիանացւոց , եթովպացւոց , և եգիպտաց-
ւոց , ամրացոյց զողողամ , զթեկուէ , զգիսի , և զե-
տանի . որպէս զի ՚ի գալ յայնմ կողմանէ թշնամ-
ւոյն , հարկ լիցի նմա կամ թողուլ ՚ի թիկանց
զայսոսիկ ամրոցս հանդերձ վտանգաւ կորուսանե-
լոյ զհաղորդութի ընդունելոյ օգնականս , և խու-
սելոյ յետ կոյս . և կամ վաստակիլ և տկարանալ
ի դժուարին պաշարմունս նոցա յառաջ քան զհա-
սանել յերուսաղէմ : Արար և սլասունչ հզօր յարե-
մուտս երուսաղէմի , ամրացուցեալ զսոկքով , զմա-
րիսան , զազեկա , զայեազոն , զզաբիս , և զգէթ .
որով բաց յամրացուցանելոյ զսահմանս իւր ընդդէմ
խորայելացւոց ՚ի հիւսիսոյ՝ ապահովացոյց և զհա-
ղորդութի վաճառականուէ ընդ միջերկրական ծո-
վու . յաւել և ևս ամրացուցանել նաև զքերթոն , և
զսարաա :

Առ զի գիտէր՝ եթէ ամրացուցանել զքաղաքս
և զամրոցս ընդ վայր կորուստ էր դրամոց , յոր-
ժամ պահասիցին ՚ի նոսա պահակապանք հարկաւ

ւորք, և սաշարք կերակրոյ և զինուց կարևորաց, վասն այնորիկ եղ. 'ի նոսա սահապանս ժիրաժիրս, և իշխանս զօրաց քաջակորովս. արար 'ի նոսա և զինարանս ամենայն հարկաւոր զինուց. լցոյց և զտեմարանս համբարօք կերակրոյ. և այնպէս ա սահովացոյց զնոսա ամենայն իրօք, որ հարկաւոր էր 'ի սահպանութի սահմանաց իւրոյ արուձե՛յեւրեաց յերթովամայ : Յաստամբել իսրայելի, գտանեմք զի յովովք 'ի քաղաքաց նոցա մնացին 'ի ձեռս ռորովամայ արքային յուդայ. որպէս զաքիս, այեաղոն, և այլ ամրոցք ցեղից եփրեմի, շմառնի, և դանայ. որք որպէս տեսաք՝ էին իբր գօտի և պատնէշ ձգեալ յերուսաղէմէ մինչև 'ի ծով. զորս ռորովամ կամ արդէն ունէր 'ի ձեռին, և կամ հատանել և բաժանել կամէր 'ի մնացեալ երկրէն իսրայելի : Աւ ահա սովին ծանօթութի գիւրաւ իմանամք, թէ զիարդ հանապազորդ պատերազմ էր 'ի մէջ ռորովամայ, և 'ի մէջ յերթովամայ զամենայն աւուրս իւրեանց. որպէս ասէ գիրն. Գ. Թ. Ժ. 30 : Յայտ է թէ այն պատերազմունք ոչ եղէն վասն միացուցանելոյ զթագաւորութին, զի յայնի գիտէին երկորին թագաւորք՝ եթէ բաժանուին այն 'ի տնէ եղև, և այնպէս էին կամք նորա, որպէս տեսաք 'ի վեր անդր. այլ եղէն 'ի պատճառս քաղաքաց և ամրոցաց, որք իրօք անկանէին 'ի մասն բաժնի իսրայելի. այլ ռորովամ կամէր սահել, կամ առնուլ զնոսա ընդ իւրով իշխանութի իբրև սահմանակից և պատկանեալ երկրին յուդայ :

Սուտակիմ արքայ եգիպտոսի (որ և ասի սօսաք, կամ սիսակ) թեպէտ յառաջնմէ իսկ կրէր թշնամութիւն 'ի սրտի ընդդէմ արքային յուդայ, բայց յայտ առաջին ամս ոչ ել 'ի վերայ նորա. գուցէ խորհէր թոյլ տալ առ ժամանակ մի երկուց թագաւորաց երբայեցուց պատերազմել ընդ միմեանս և տկարանալ. զի յայնժամ ապա աներկևան յարիցէ 'ի վերայ ռորովամայ : Սուկայն խորհուրդ նորա՝ եթէ արդարև այնպէս խորհէր, 'ի տնէ էր, որով

կատեաց զնա անձ իբրև շուն կատաղի, զի ըստ ժա-
մանակին արձակեսցէ զնա 'ի վերայ նորա, զոր ար-
ժան իցէ իրաաել: Առբովամ յառաջին երիս ամս
Թագաւորութե իւրոյ Տնազանդ էր և բարեկամ
այ. վասն որոյ և անձ սաշտուպանելով նմա՝ անշարժ
կալաւ զբարձայն եգիպտոսի: Իսկ 'ի չորրորդում
ամի յորժամ ետես զերկիր իւր քաջ ամբացուցեալ
յամենայն կողմանց, համարելով այնուհետև չու-
նել պետս օգնականութե այ, խոտորեցաւ 'ի նմա
նէ, Թերևս ըստ ամպարիշտ խորհրդոյ մօր իւրոյ
նստամայ ամենացոյ. և նորին օրինակ ձգեաց զբա-
զումս 'ի ժողովողէնէ: նորա 'ի այն խոտորումն. շի-
նեցին նորա սեղանս 'ի վերայ բլրոց բարձանց, և
'ի ներքոյ ամենայն վարսաւոր ծառոց, և նուիրէին
'ի նոսա նուէրս: Իայց անձ ուսոյց նմա Թէ ամե-
նայն ամբուԹիւնք առ ոչինչ զօրէն, և ամենայն
սպառազինութիք անօգուտ են, եթէ ոչ անձ զօ-
բացուցցէ զնոսա: Այնժամ արձակեաց անձ զգա-
զանն եգիպտոսի, զոր ցայնվայր շքթայակաս ու-
նէր. և ահա 'ի հինգերորդ ամի Թագաւորութե
Ռորովամայ՝ եւ սուսակիմ 'ի վերայ նորա հազար
երկերիւր կառօք, և վաթսուն հազար երիվարօք.
ունելով ընդ իւր բաց յիւրոց եգիպտացոց՝ զլի-
բէացիս, զարօզլոդացիս, և զԹէովպացիս, որոց
ոչ գոյր Թիւ: Աւ 'ի սակաւ ժամանակս տիրեալ
ամուր ամուր քաղաքաց և ամրոցաց յուղայ, եկն
և յեղակարծումն երևեցաւ յերուսաղէմ. որում
տիրէր անտարակոյս, եթէ Ռորովամ և ժողովուրդ
նորա մատնեալք բուն զօրութե յաղթանակողին
վասն մեղաց իւրեանց՝ չէին առեալ յօգնութիւն
իւրեանց զսպաշխարութիւնն:

Սարգարէն սամէաս եկն եմուտ յանկարծակի
'ի ժողովատեղին, ուր էին ժողովեալ Ռորովամ և
իշխանք նորա խորհիլ յաղազս վերահաս վտանգին.
և ասէ ցնոսա. * Իսպէս ասէ անձ. զմէք Թողիք
զիս, և ես Թողից զձեզ 'ի ձեռս սուսակիմայ: Եւ
կարճառօտ եղև քարոզն, այլ ներդործութի նո-
րա մեծազոյ. զի Ռորովամ և ընդ նմա ամենայն

իշխանք 'ի զէղջ եկեալ խոստովան եղեն, եթէ արդար է Խոր, և իրաւամբ և արդարութե պատժէ զնոսս. ծանեան զանօրէնութիս իւրեանց, պատկառեցին, և խոնարհութե արկին զանձինս ընդ անտեսութե անձային արդարութե: Այս խոնարհ խոստովանութի նոցա և անձ որոյ գթութեն չի սահման, մեղմեաց զպատիժն. ասաց ցամախ մարդարէ. պատկառեցին, տաց դոցա սակաւ մի օղնութի. և ոչ թափեցից զսրտմտութի իմ իսպառ 'ի վերայ երուսաղէմի. բայց արարից զնոսս հարկատու արքային եգիպտոսի. զի ծանիցեն՝ թէ քանի՞ քաղցր է և բարի ծառայութի իմ, քան ըզծառայութի թագաւորութե երկրի: Այսուցան 'ի հաշտութի, և սուսակիմ շտաացաւ առնուլ զամենայն զգանձս տաճարին, և զամենայն գանձս տանն արքայի. ընդ որս և զվահանս և զայլ զէնս ոսկիս, զոր արար սողման. և դարձաւ համօրէն բանակաւ իւրով յեգիպտոս. թողեալ զամենայն քաղաքս և զամրոցս զոր առեալ էր յերկրին յուղայ:

Եւ այնորիկ ռորովամ դարձեալ զօրացաւ և հաստատեցաւ 'ի թագաւորութե իւրում. բայց ոչ նոյնպէս և յանպաշտութե, զի թէպէտ և ոչ եթող 'ի բաց զճմարիտ կրօնն, այլ էր թուլասիրտ. միայն ընդ ժամանակս ժամանակս ելանէր արքայաշուք հանդիսիւ 'ի տաճար ան, ունելով առաջի և զինի սուրհանդակս զթիկնապահս իւր զինեալ պղնձի զինուք, զոր արար ռորովամ փոխանակ ոսկի զինուք: Աստէն յոյն օրինակն սիբստոսի ասէ, թէ իշխանք սուրհանդակացն պահապանք այնր զինարանի պղնձի զինուք՝ կարգեցան 'ի սուսակիմայ. յորմէ մերս սյսպէս ընթեռնու. * Այս կացոյց 'ի վերայ նոցա (այսինքն զինուք) սուսակիմ իշխանս սուրհանդակացն || : Բայց բնագիր եբրայեցոց, և այլ ամենայն թարգմանութիք, որպէս և յոյն օրինակն կոմսղոտեան զհակառակն ընթեռնուն այսպէս. * Արար ռորովամ վահանս պղնձիս փոխանակ նոցա. և աւանդեաց զնոսս իշխանաց սուրհանդակացն, որք պահէին զդուռն արքայի || . Բ. հաց. Թ. 10 :

Մեռաւ ռորովամ, թագաւորեալ յերուսաղէմ ամն եօթնուտասն ցմուտս ութուտասներորդ ամի. ուստի մահ նորա եղև յութուտասներորդ ամի թագաւորութե՛ յերորովամայ . և թագեցաւ ընդ հարս իւր ՚ի քաղաքի դաւթի : Սենէր կանայս ութուտասն, և հարձս կամ երկրորդական կանայս վաթսուն . որք ծնան նմա ուստերս քսան և ութ, և դստերս վաթսուն : Աղև այնչափ ինչ երջանիկ կեանք նորա, և ոչ յիշատակ նորա՝ գո՛վութե՛ արժանի : () րինակ անձին նորա ՚ի մանկութե՛ հետե՛ ջատագովութի մեծ է բազմաց հանձաբեղ և խնամատ հարց, որք թէսկտև մեծաջան խնամով աշխատին ՚ի բարիոք դաստիարակութիւն որդւոց, այլ սնավաստակ ելանեն . զի որդիքն յետոյ ոչ բերեն զնմանութի հօր՝ որ ծնաւն զնոսա և սնոյց : Սողոմոնի չեղեն պարծանք ունել որդի զռորովամ . իսկ ռորովամայ եղիցի յաւեժական նախատինք այն՝ որ կարծի պարծանք մեծ, լինել որդի սողոմոնի : Վովութե՛ք հարց ոչ են ՚ի գովեստ որդւոց, այլ յամօթ, յորժամ չունիցին այլ ինչ գովելի, բայց միայն գովելի հարս :

Գ Լ Ժ Բ .

Աբիա Լափառոր յոտոայ : Հարլուալե՛ նորա ընդդէմ յերթուամայ արտայի իսրայէլի . և մահ նորա : Ասա Բարեպաշտ արտայ յոտոայ :

Իբրև մեռաւ ռորովամ, թագաւորեաց փոխանակ նորա արիա որդի նորա . զոր ծնաւ նմա մաաքա կամ միքայա դուստր արեսողոմայ՝ ուրիւլ կա չեցեւոյ՝ ՚ի քաղաքէն դաբաայ . որպէս է տեսանել ՚ի բնագրի եբր[՛] . Եօթանասնից, և լատ . և այլոց . Է . հասց . փ . 2 . յորմէ յայտ է թէ ոչ է սա արե .

տողով որդի դաւթի, այլ այլ ոմն համանուն 'ի ցեղէն եփրեմի: Արիւր ռորովամ զմաքա քան զամենայն կանայս իւր. և յորդիս նորա առաւել սիրելի էր նմա արիա, թերևս 'ի սէր մօրն. և կացոյց զնա իշխան 'ի վերայ եղբարց իւրոց. վասն զի խորհէր թագաւորեցուցանել զնա: Օրացաւ արիա և հաճոյ եղև ժողովրդեան յամենայն սահմանս յուգայ և բենիամինի, և 'ի քաղաքսն ամուրս, և առաւել քան զամենայն որդիս նորա. որոց ռորմ վամ հայր նոցա կարգեաց հասոյթս առատս ըստ արժանեաց որդւոց արքայի. և ետ իւրաքանչիւր նոցա կանայս բազումս ընտրեալ յերևելի երևելի տոհմից թագաւորութե իւրոյ: Աւր յեբրայակա նէն ելանէ այս իմաստ. կացոյց զարիա իշխան 'ի մէջ եղբարց իւրոց. իսկ զայլ ամենայն որդիս սփռեաց յամուր ամուր քաղաքս երկրին յուգայ և բենիամինի. և զարիա կալաւ առ իւր յերուսաղէմ կրթել 'ի թագաւորութի:

Արդ յետ մահու հօր իւրոյ՝ թագաւորեաց նա ինքն արիա, և ոչ որք եղբարց նորա ընդդէմ եկաց նմա: Այց համառօտ եղև թագաւորութի նորա. զի և ոչ ընդ երիս ամս ամբողջ երկարեցաւ, 'ի պատիժ վատթարութե իւրոյ՝ յորում զանցոյց ըզհայր իւր: Ասկայն յայնմ համառօտ ժամանակի եգիտ յաջողութի 'ի տնէ, թերևս 'ի վարձ հրապարակական ինչ գործոյ անպաշտութեան. և զի զյաջողութի իւր բովանդակ յոյ միայնոյ յուսացաւ ընդունել: Անդի յերոբովամ արքայ իսրայէլի եղեալ 'ի մտի 'ի միում աւուր կլանել զնա՝ ել 'ի վերայ նորա բաղմանձեան ահարկու զնդաւ ութհաւր իւր հազար արանց ոչ 'ի հաւաքածոյ սինլիքորաց, այլ յընտիր ընտիր զօրաւոր պատերազմականաց: Իսկ արիա 'ի գլուխ կացեալ չորեքհարիւր հազարաց, որք չէին ինչ ընդհատ քաջութի և պատերազմական կրթութի 'ի զօրաց անտի արքային իսրայէլի, յառաջ խաղաց և կալաւ զլեառն սոմորոնայ՝ որ 'ի լերինն եփրեմի, և անդ 'ի գլուխ լերինն Զախատեցաւ ընդդէմ թնամեաց որք կային 'ի դիւ

ըի այնչափ մերձ, զի լսելի լինէր բարբառ նորա
 յառաջադաս բանակին իսրայելի: Խօսեցաւ առ
 նոսա յանդիման հարկանելով նոցա, զի թողին
 զճշմարիտն անձ, և պաշտեցին զանկենդան երինջս
 ձուլածոյս, և ապստամբեալ ՚ի տանէ դաւթի, ուր
 չէր անծանօթ ՚ի նոցանէ, և թէ անձ իսրայելի
 ետ նմա և որդւոց նորա զթագաւորութիւն իսրայելի
 յուստ յաւիտենական: Եւ զէմն ածէր նոցա և
 զուսնել ճշմարիտ քահանայս և զԼտացիս, և ոչ
 պատարագս, այլ փոխանակ նոցա քուրմն անօրէնս
 ՚ի խաժամուժ ժողովրդենէ, և զոհս դարչելիս: Եւ
 ասա իսրատ տայ նոցա չպատերազմել ընդ ան
 այ. զի ահաւասիկ ընդ մեզ է ասէ իշխան՝ անձ
 հարց մերոց. և ոչ ևս յաջողեցի ձեզ, թէ սէտ և
 բազում էք դուք յոյժ:

Անչ արիա արքայ յուգայ խօսէր իբրև քարո-
 զիչ, յերբովամ գործէր իբրև սպարապետ զօրաց:
 Տեսեալ զի արիա խօսէր առ առաջին դասակար-
 գութիւնն, ինքն մեղմով իմն եհատ գունդ մի
 ստուար ՚ի բանակէ իւրմէ, և խաղացոյց զնոսա յետ
 կոյս լերինն. և այնպէս բանակն յուգայ ետես՝ զի
 էր պաշարեալ ՚ի թնամեաց յառաջոյ և ՚ի թիկանց:
 Յայնժամ աղաղակեաց արիա առ անձ զօրութեց
 ինդրելով զամենազօր օգնութի նորա. և քահա-
 նայք հարին զփոզս նշանակաց, միանգամայն և ա-
 մենայն զօրք յուգայ գոչեցին առ անձ: Եւ ասա անձ
 ձայնի աղաղակի նոցա. և ոչ մնաց զի ճակատք ընդ
 հարցին ընդ միմեանս, այլ ինքնին արկ ՚ի զօրս իս-
 րայելի արհաւիրս և սասանումն մեծ. յայնժամ
 զօրքն յուգայ անխորտակելի արութի յարձակեալ
 ՚ի նոսա՝ հարին զնոսա հարուածս մեծամեծս. զոր
 չէ մարթ ասել պատերազմ, այլ յաւէտ կոտորած
 մահու. զի առաւել եղև թիւ մեռելոցն իսրայելի
 քան զթիւ պատերազմողացն յուգայ. զի ՚ի յուժ-
 հարիւր հազարաց իսրայելացւոց՝ հինգ հարիւր հա-
 զարն մնաց մեռեալ ՚ի դաշտի յայնժամ նշանաւոր ա-
 ւուր:

Աստ մերս թարգմանութի որպէս և ասորին

ընթեռնուն հինգ հազար․ այլ բնագիր երբայեց-
ւոց, ընդ նմա և եօթանասուներ, և լատինն և ա-
րաբացին ունին որպէս եղաք․ այսինքն հինգ հա-
րիւր հազար․ որ առաւել համաձայն է գրոյն․ զի
ասէ թէ նկուն եղեն որդիքն իսրայէլի, և հալա-
ծեաց արիաս զյերօքովամ․ և ա՛ռ ՚ի նմանէ զե-
թել, զանա, և զեփրոն ՚ի ցեղին եփրեմի, և զա-
մենայն արուարձանս և զգեօղս նոցա․ զի ոչ ևս
գոյր զօրութի յերօքովամայ զամենայն աւուրս ա-
րիայ․ ուր է թէ հինգ հազար և եթ անկեալ էին
՚ի զօրաց նորա, ապաքէն կային դեռ ևս նորա յօտին
եօթն հարիւր իննսուն և հինգ հազար, բազմօք
առաւել քան զողջոյն գունդն յուղայեան։ Օ կնի
այսր մեծի յաղթութե եկաց արիաս յանդորր խա-
ղաղութե, բայց առ սուղ ժամանակ․ զի որպէս
ասացաք ամենայն աւուրք թագաւորութե նորա
ոչ ժամանեցին ՚ի լրումն երից ամաց․ թէպէտ ՚ի
ժամանակագրութե դնին արձակաբար երեք ամք․
զի թագաւորեաց յութուտասներորդ ամի թագա-
ւորութեն յերօքովամայ․ և ՚ի վախճան քսաներորդ
ամի նորա մեռաւ․ և թաղեցաւ ՚ի քաղաքի դաւ-
թի։ Այլեն նորա կանայք չորեքասասն․ յորոց
ծնան ուստերք քսան և երկու, և դստերք վեչ-
տասն։

Օ կնի արիայ թագաւորեաց ասա որդի նորա
յամի քսաներորդի յերօքովամայ արքայի իսրայէ-
լի։ Այսր նորա կռամով՝ դուստր էր արեսողովմայ
ուրումն, կոչեցեալ մաաբա՝ համանուն սկեսեր իւ-
րում կնոջ ուրօվամայ, որ կոչեցաւ և միքայա-
որպէս տեսաք ՚ի վեր անդր․ թերևս յորոչումն յան-
ուանէ նուոյ իւրոյ։ Ասա թագաւոր բարեպաշտօն,
բարեկրօն, և նախանձախնդիր փառաց տն նոյ իս-
րայէլի, իբրև կալաւ զթագաւորութի, իսկ և իսկ
փայլեցոյց զկրօնասիրութի, և զգովելի նախանձ
իւր վասն տն նոյ իւրոյ։ Աբարձ յերկրէ իւրմէ ըզ-
գարչութիս և զպղծութիս, և զկուռս․ և ոչինչ
փոյթ ունելով զայրացուցանել զմայրն՝ ջնջեաց
զանտառ նորա, և կործանեաց զամրոցս, կամ լու-

ևս ասել՝ զորքս գաղանածածուկս ժողովոյն զազրագործ իգացելոց որք կոչէին նուիրեալք չնծոյն պղծութեց : Օայն կուսս խորտակեաց ասա , և այրեաց հրով՝ ի հեղեղատին կեդրոնի . զի ՚ի յորդէլ ջուրցն հեղեղաց ՚ի բաց տարցեն զմոխիրս առ չմնայոյ և հետոց նորա . և զմայրն ՚ի բաց արար ՚ի տիկնութի՝ բարձեալ ՚ի նմանէ զամենայն արտաքին թագաւորական շուք և զփառս , վասն պաշտօն տանելոյ նորա իբրև քրմուհի այնմ չնծոյն : Տարագիր արար յամենայն թագաւորութենէ իւրմէ զկուսպաշտութի . խորտակեաց զամենայն զկուսն , քակեաց զսեղանս և զտունս գարշելեաց , մինչև չմնալ այլ ինչ գայթակղութե , բաց ՚ի քանի մի սեղանոց ՚ի վերայ լերանց բարձանց , ուր զոհէր ժողովուրդն ոչ կռոց , այլ նոյ ճմարտի . բայց ընդ գէմ պատուիրանաց նորա , որպէս պատուիրեաց չզոհել ուրեք բնաւ՝ բայց միայն ՚ի տաճարին երուսաղէմի :

Օայս անարժան պաշտօն ոչ եբարձ ասա . իբր զի կամ գուրով կարգեալ ՚ի պատիւ նոյ՝ համարեցաւ տանելի գէթ առ ժամանակ մի , և կամ զի թագաւորք ոչ միշտ կարեն առնել զամենայն զոր կա մին : Այլ թէ վասն այսր , կամ վասն այլ ինչ պատճառի թոյլ տուեալ իցէ այսմ պատուիրանա զանցութե , հաւաստի է՝ զի սիրտ նորա միշտ միացեալ էր ընդ նոյ : Այց ոչ նոյն օրինակ թոյլ ետ այնց բարձանց , որք էին նուիրեալ ՚ի պաշտօն կրոնոց : Ահազս առաջնոց բարձանց ասէ գիրն . 7 . Բա4 . ԺԵ . 14 . * Ասկայն զբարձունսն ոչ եբարձ . այլ սիրտ նորա կատարեալ էր ընդ նոն զամենայն առուրս իւր : Ասկ յաղազս երկրորդ բարձանց ասէ . 7 . հնայ . ԺԴ . 3 . * Աբաց արար զսեղանս օտարացն և զբարձունսն , և խորտակեաց զբարձանսն , և այրեաց զանտառսն :

Ասա արքայ զկնի տյսպէս գովանի նախանձա խրնդրութի վճարելոյ զգործս նոն՝ խորհեցաւ և ըստ քաղաքական մասին բարեկարգել և յապահո վացուցանել զերկիր թագաւորութե իւրոյ : Ամ .

ըացոյց զըազում՝ քաղաքս և զամրոցս պարսպօք , աշտարակօք , դրամբք , և նգօք՝ անխափան ՚ի շրջա- կայ [Թշնամեաց . որոյ մարթ էր զանազան կասկածս առնուլ ՚ի գործոց անտի , և մարտիւ ընդդէմ ելա- նել առ ՚ի խափանումն գործոյն . բայց անձ՝ զորոյ զգիտուն այնպիսի ջերմ սրտիւ խնդրէր ասա , պաշտ- պանելով նմա , սանձ արկանէր ամենայն իշխանաց օտարաց հեռաւորաց և մերձաւորաց . և պարգեւէր նմա զկատարեալ խաղաղութի ընդ ամն տասն . զի * Այգոյր (ասէ գիրն) ուստեք նմա պատե- րազմ , զասն զի հանգոյց զնա ար ॥ Բ. Գ. Գ. Գ. 6 :

Գ. Լ. Ժ. Գ.

Ասի յերոճովմայ : Ասեաք , և լասա Ռափտորս իւրայելի : Ասա արեայ յորայ խորասիւն զէլեւզայիս , և զբասս՝ որ էլ ճարտի- ՚ի վերայ նորա : Ասի ասայի : (Թ)աւ գաորս իւրայելի , Ալա , Օլմբբի , Ամբի , (Թ)աւնի :

Աննդեա յայսպիսի երջանիկ յաջողութեան էին իրք [Թագաւորութեն յուգոյ , յերկրորդ ամի ասայի՝ մեռաւ յերոքովմա՝ Թագաւոր իւրայելի յան- պարչտութե իւրում , [Թողեալ զ[Թագաւորութին զայն ՚ի կռապաշտութե , որում ինքն եղև գտակ . Օկնի յերոքովմայ [Թագաւորեաց նաբատ որդի նորա . այլ կարի համառօտ եղև [Թագաւորութի նորա . զի ձգեցաւ ընդ ամն երկուս , որոց ոչ առաջինն , և ոչ երկրորդն եղեն ամբողջ . զի որպէս նստաւ յերկրորդ ամի ասայի , նոյնպէս և յեր- րորդ ամի նորա բարձաւ ՚ի կենաց : Աս սովաւ ըս- կիզն կալան ազէտք [Թշուառութեց , որք յետոյ յաճախեցին ՚ի [Թագաւորութե իւրայելի . զի և սորա գնացք չեղեն ինչ ընդհատ յամպարիշտ գնա- ցից հօր իւրոյ . * Վնաց (ասէ գիրն) զճանապարհս

Տօր իւրոյ, և 'ի մեղս իւր՝ որովք յանցոյց զիսրայէլ ॥
 7. Բա4. ԺԷ. 26:

Եւ նաբատ հզօր գնդաւ առ պարսպօք քաղաքին՝ գաբաթոնի, որում տիրեալ էին փղշտացիք, վասն որոյ և պաշարեալ էր առնուլ զայն. և ահա անդ 'ի պաշարման՝ բաաս որդի աբիայ 'ի տանէն իսաբարու, դարան գործեալ ընդդէմ նաբատայ՝ սպան զնա. և անդէն և անդ ետ զօրուին կոչել զանձն Թագաւոր իսրայէլի: Բաաջին ձեռնարկ նորա եղև 'ի սուր և 'ի հուր ջնջել սպառսպուռ ըզհամօրէն տունն յերօբովամայ, մինչև չթողուլ 'ի սերնդոց նորա և ոչ մի ապրեալ, ըստ մարգարէու: Թէ աբիայ սիրովնացոյ: Բայց և ինքն բաաս չէր առաւել արժանի լուսոյ կենաց քան զնոսա՝ զրրս եբարձ 'ի կենաց աստի. զի ոչ միայն էր մարգարսու շոշ բռնակալ, այլև օտար ամենայնիւ յաճպաշտու: Թէ, և մելեալ զհետ կռապարիշտ մուրուրեթ յերօբովամայ և նաբատայ: Յոր սակս յու մարգարէ որդի անանիայի սպառնացաւ նմա 'ի դիմաց նյ զպատիժ տանն յերօբովամայ, ասելով. * Վոխանակ զի ետու զքեզ առաջնորդ 'ի վերայ ժողովրդեան իմոյ իսրայէլի, և գնացեր զձանապարհն յերօբովամայ, և յանցուցեր զժողովուրդ իմ զիսրայէլ... տաց զտուն քո իբրև զտունն յերօբովամայ սրգոյ նաբատայ. որ մեռանիցի բաասայ 'ի քաղաքի, շունք կերիցեն. և որ մեռանիցի նորա 'ի դաշտի, կերիցեն զնա Թաւունք երկնից ॥ 7. Բա4. ԺԷ. 2. 5:

Աս սկսաւ Թագաւորել յամին երրորդի ասայի արքայի յուդայ. և նոյն հետայն կամէր արդեօք յարուցանել ընդդէմ նորա պատերազմ սաստիկ, եթէ էր վստահացեալ 'ի գլուխ հանել զիրսն ըստ ցանկութէ սրտին: Բայց լուեաց առ Ժամն, զի դեռ ևս անկազմագոյն զպատրաստուածին զօրուն իւրոյ տեսանէր. և գաղտաբար զհետ եղև առնել զաշնադուրեթի ընդ օտար տէրութեց. մինչև զկնի ամաց յաջողեցաւ նմա յինքն ձգել զորդի ադերայ Թագաւոր ասորոց, և զգարեհ արքայ եթովպացոց: Բապա ապաւինեալ 'ի նոցայն դաշնակցուածի,

յամի եօթներորդի թագաւորութեն իւրոյ՝ այն ամ մետասաներորդ էր ասայի արքայի յուղայ, եւ մարտիւ ՚ի վերայ նորա. բայց ըստ կարգաւորուեն այ՝ ՚ի սկզբան անդ արքայն ասորոց չեա նմա ձեռն օգնականութե, և արքայն եթովպացւոց յամեցոյց զգալուստ իւր. ուստի ՚ի ժամուն բաաս կորոյս յիւրմէ զբաղում քաղաքս ՚ի սահմանս եփրեմի, ուրոց տիրեաց ասա արքայ յուղայ: Այլ անաղան ուրեմն զարեհ արքայ եթովպացւոց հատեալ ձու նապարհ անբաւ, և անցեալ զէրինս սէլիրայ զօրութի հազար հազարօք. այսինքն միլիոն մի զօրօք յեթովպացւոց և ՚ի լիբէացւոց, և երեք հարիւր կառօք, եհաս ՚ի մարիսա քաղաք. և տարածեաց զբանակ իւր ՚ի ձորն կոչեցեալ սեփաթա, ՚ի հիւսիսոյ մարիսոյ քաղաքի, որ է ընդ մէջ լերանցն եփրոնի, և հանդիպակայ լերանց, որք առասական ան ուսմբ կոչին լերինք յուղայ: Օ օրք ասայի էին երեք հարիւր հազար ՚ի յուղայէ, և ՚ի բենիամինէ երկերիւր և ութսուն հազար՝ անհամեմատ պահաս քան զթիւ զօրաց թնամւոյն. այլ արիութի և քաջութի սրտի զօրացն՝ առաւելեալ: Ա՛նչ զի ոչ ՚ի դէպ հաւմարեցաւ ասա մեալ հասանելոյ թնամւոյն ՚ի վերայ իւր, և պաշարելոյ զերուսաղէմ, զմտաւ ածեալ թէ զօրք փակեալք ՚ի քաղաքի. իբր ՚ի բաղումն կիսով չափ են կորուսեալ. ևս առաւել՝ զի գիտէր թէ զիւրին է այ՝ սպրեցուցանել սակաւօք որպէս բազմօք: Ա՛սն որոյ ապաւինեալ յամենազօր բազուկ տն, խաղաց ընդ առաջ թնամւոյն. և այն ինչ կամէր ձեռն ՚ի դործ արկանել, գոչեաց առ տծ ասելով. զօրացն զմեզ տր տծ մեր. վասն զի ՚ի քեզ յուսացաք, և անուամբ քով եկաք ՚ի վերայ բազմութես այսորիկ. տր տծ մեր մի յաղթահարեսցի քեզ մարդ:

Առաւ տծ աղաչանաց նորա, և օրհնեալ զան զրդուելի յոյս նորա, արկ երկիւղ մեծ ՚ի սիրտս եթովպացւոց. մինչ զի առանց դէթ առ վայր մի դիմադրաւ լինելոյ յարձակման զօրացն ասայի, լի ահիւ առ հասարակ ՚ի փախուստ գիմեցին. և զի մի

'ի կորուստ գնասցեն յամայի լերինս, ուղղեցան 'ի կողմն գեղովոյ, այն է՝ գերարա: Եւ զորքն յու դայեան զհետ փախստէիցն սնդեալ՝ հարին կոտորեցին 'ի նոցանէ: յայնմ աւուր, որչափ զորեցին բազուկք նոցա. բայց և այլք ոչ զերծան ողջանդամ 'ի սրոյ նոցա: Բանզի ասա եհաս 'ի վերայ նոցա յամենայն քաղաքս, ուր և ապաւինեցան, և տիրեալ նոցա՝ 'ի սայր սուսերի կոտորեաց զամենեւին՝ մինչև՝ 'ի միլիոն մի զորաց եթովպացւոց հազիւ մնաց, եթէ արդարև իցէ մնացեալ որք՝ տանել զգոյժ մահու ընկերացն յեթովպիա: Յայնժամ արքայն յուդայ տիրեաց բազում քաղաքաց 'ի սահմանս ցեղին դանայ, և փղշտացւոց. և ա՛ռ աւար զամենայն զքաղաքսն, եհար և զաւանս և զգեօղս շուրջ զգեղուրաւ. վասն զի եղեն արհաւիրք 'ի տնէ 'ի վերայ նոցա. աւին և զվրանս անասնադարման արաքացւոց, և խաշինս բազումս և ուղաս, և այնպէս փառաւոր յաղթանակաւ, և բազմահարուստ աւարաւ դարձաւ ասա յերուսաղէմ:

Եւսա 'ի դէպ է ասել՝ թէ մայրաքաղաքն այն ողջոյն ինքնայորդոր ել ընդառաջ բերկրալից ցնծութիւն յաղթական արքայի. այլ 'ի մէջ այնր անհամար բազմութեաւ առաւել ախորժական և ուրախարար եղև ասայի ընդառաջ հանդիպումն ազարիայ մարգարէի որդւոյ ադադայ: Եւ զկնի սիրապատար և ցնծալից խնդակցութեն ընդ արքայի, և ընդ զորուին յուդայ և բենիամինի, յաւել մարգարէանալ զհանդերձեալ թշուառութեց խրայելի՝ որք թողին զտօր տօժ իւրեանց, և զյաջողութեց յուդայի յարելոյ 'ի տօր. և ապա խրախուսեալ յորդորեաց զամենեւին կալ մնալ միշտ անդրդուելի 'ի հաւատարիմ ծառայութե տն, որ այսպիսի և այսչափ առատութիւն վարձահաստոյց լինի հաւատարմութե նոցա: Եւ միսիթար և 'ի քաջալեր բանից աստի մարգարէին ևս քան զևս վաւեալ ասայի 'ի սէր և 'ի նախանձ փառաց տն տոյ, ետ յուղախնդիր լինել յամենայն տեղիս, և անհետ առնել զկուռսն ոչ միայն յամենայն քաղաքաց յուդայ և բենիամինի,

զոր գուցէ դաշտ մուծեալ իցեն ուրեք զկնի բառնալոյ նորա զնոսս , այլև յայն ամենայն քաղաքաց՝ զորս յետոյ կալաւ 'ի լերինն եփրեմի : Աւ ժողովեալ յերուսաղէմ զամենայն ծերակոյտ ժողովրդեան՝ խրախոյս ետ նոցա ջերմ լինել և տեական յոժպաշտութեան . յայնժամ ամենեքեան միաբան միաշունչ ընդ արքայի երդուան ին մեծաձայն և հնչամբ եղջեր փողոյ մշտնջենաւոր հաւատարմութի : Աւ արար արքայ նաւակատիս սեղանոյ ին , որ էր առաջի սրահի տաճարին . եղեն յաւուր յայնմիկ յաւարացն՝ զոր ածին , զուարակս եօթն հարիւր , և ոչխարս եօթն հազար : Յայս չքնաղ հանդէս տօնախմբութե եկին բազումք յիսրայէլէ , մանաւանդ յեփրեմայ , 'ի մանաւ սէէ , և 'ի շմուռնէ , և յարեցան 'ի յուդա՝ 'ի տեսանելն թէ՛ իր իժ նոցա ընդ նոսաէ . զորս արքայ ժողովեաց ընդ յուդայի , և ընդ բենիամինի իւրում հաւատարիմ ժողովրդեան : Ատոյց արքայ և նուէրս մեծագինս 'ի տաճար ին արծաթ և ոսկի և անօթս , և սիւնս յանուն իւր և յանուն հօր իւրոյ դաւթի , կամ ըստ ոմանց՝ արիայ . և զամենայն տարաւ 'ի ներքս 'ի տուն ին : Այս եղև 'ի հնգետասաներորդ ամի թագաւորելոյ ասայի :

Օ կնի այսր նշանաւոր յաղթութե ոչ եղև պատերազմ յերկրին յուդայ , մինչև յերեսներորդ հինգերորդ ամ թագաւորութեն ասայի : Այս յերեսներորդ ութերորդ , կամ ըստ այլոց՝ յերեսներորդ վեցերորդ ամի թագաւորութե ասայի , ել բասս արքայ յիսրայէլի 'ի վերայ յուդայ : Աւր արժան է գիտել զի թէ ոք հարեանցի տեսցէ զայս բան ժամանակագրական , համարի լինել յայտնի վրիպական . վասն զի բասս թագաւորեաց՝ միայն ամս քսան և չորս , սկսեալ յերրորդ ամէ ասայի արքայի յուդայ . որպէս ունիմք 'ի գիրս երրորդ թագաւորաց . ԺԷ . 33 . զոր համեմատեալ ընդ ութ համարոյ Ժ . գլխոյ նոյն գրոց . զհետ գայ՝ թէ բասս որ մեռաւ յամի քսաներորդի և վեցերորդի ասայի , ոչ կարէր տասն ամօք զկնի մահ .

ուան իւրոյ յառնել 'ի վերայ նորա, այսինքն յամի
 երեսներորդի վեցերորդի, որպէս ունիմք Է.
 Գայ. ԺԷ. 1: Եւ սակայն նոյն իսկ բառք գրոյն
 քաջ կշռեալք՝ լուծանեն զգթուարութիւն: Ատան
 զի յառաջ քան զԹագաւորել ասայի՝ էին անցեալ
 ամք քսան, զկնի սկիզբն լինելոյ Թագաւորութե
 յուդայ առ ռորովամաւ 'ի բաժանիլ 'ի նմանե
 տանն ցեղից իսրայէլի, և 'ի կացուցանել նոր Թա
 գաւորութի: Եւ մենայն Թագաւորութի միշտ հնա
 գոյն է քան զԹագաւոր իւր, եթէ Թագաւորն չի
 ցէ առաջին սկզբնաւորիչ այնր Թագաւորութեան:
 Եւ պա Թուեալ յառաջնոյ ամէ ռորովամայ մինչև
 ցտաններորդ վեցերորդ ամասայի, գտանեմք ամս
 երեսուն և վեց: Եւ քննեալ զբառս գրոյն՝ տեսա
 նեմք, զի Թուէ զամսն ոչ 'ի սկզբնաւորութի Թա
 գաւորելոյ ասայի, այլ 'ի սկզբանե անտի Թագա
 ւորութե յուդայի. * Եւ պատերազմ ոչ գոյր նմա
 (ասէ, այսինքն ասայի) մինչև յերեսներորդ և
 հինգերորդ ամ Թագաւորութեան ասայի և յե
 րեսներորդ վեցերորդ ամի Թագաւորութե ասայի
 եւ բասս և այլն. այսպէս զնի 'ի գիրս Է. մնա
 ցորդաց: Եւ ընդ հակառակն՝ յասել 'ի գիրս Գ.
 Թագաւորաց, Թէ բասս արքայ Թագաւորեաց
 յերրորդ ամի ասայի. ոչ ասէ, * յամի երրորդի Թա
 գաւորութե նորա և այլ՝ յամին երրորդի ասայի
 արքայի յուդայ. այն ամ քսաներորդ էր Թագաւո
 րութե նորա: Եւ յասելն Թէ 'ի մեռանել բաա
 սայ Թագաւորեաց ընդ նորա էլա յամի քսաներոր
 դի և վեցերորդի, ասէ. * յամի քսաներորդի և վեց
 երորդի ասայի արքայի յուդայ և ոչ ասէ * Թա
 գաւորութե նորա և: Յայսմանե յայտ է, Թէ մին
 սկիանի Թուել 'ի ժամանակէ հիմնարկութե Թա
 գաւորութե յուդայի. իսկ միւսն 'ի Թագաւորելոյն
 ասայի: Ատան որոյ հարազատ և ճշմարիտ տեսուի
 գրոյն տայ մեզ իմանալ, Թէ մինչև ցլրումն այնր
 հնգետասաներորդ ամի ասայի արքայի ոչ եղև
 նմա պատերազմ. այլ 'ի յաջորդ վեչտասաներորդ
 ամի եւ բասս ամբացուցանել զհոսամս:

Հռամս էր աւան յարեւելեան հարաւային կողմն երուսաղէմի՝ հեռի 'ի նմանէ իբրև եօթն աշխարհագրական մղոնաւ : Վիրք նորա նախանձելի, զի բառնայր զհաղորդութիւն ընդ գաբաայ գլխաւոր քաղաքին բենիամինի. և տիրէր բովանդակ ձորոյն, ընդ որ գայր կերակուր յերուսաղէմ. որով ըստ մասին մնայր երուսաղէմ պաշարեալ : Բաաս արքայ իսրայէլի կալաւ զայն տեղի, և կամէր կառուցանել անդ բերդ հզօր՝ առ 'ի խափանել ընդոյն զերթևեկ թագաւորութե ասայի. * զի մի լիցի (որպէս ասէ գիրն) մտանել և ելանել ասայի արքայի յուղայ ॥ 7. Բա4. ԺԷ. 17 : Ասն այնուրիկ բաաս ժողովեալ կուտեաց անդ քար և փայտ և այլ նիւթս այնչափ յաճախութե, զի ըստ որում տեսցուք ստորև, բաւական է զեն ամրացուցանել զերկուս քաղաքս : Բաաս ոչ կարէր տանել, որպէս և չէր իսկ իրաւունք, զի բաաս շինեցէ ամրոց 'ի սահմանս յուղայ, որով այնչափ վնաս ունէր հասուցանել նմա : Վոր յաղթութի նորա ընդդէմ եթովպացւոց ունէր խրախուսել զնա ընդդէմ բաասայ 'ի վանել զնա. այլ կամ այն յաղթութի որ մեծ էր՝ մեծապէս վաստակեցոյց զնա և զզօրս նորա. և կամ զի խորհէր՝ թէ այլ ինչ է պատերազմել ընդդէմ բուռն զօրութե իսրայէլացւոց և ասորւոց, և այլ ինչ ընդդէմ խառնազանձին եթովպացւոց և լիբանցւոց : Վմին իրի ոչ իշխեաց, կամ ոչ կամեցաւ իւրով զինուք խափանել զբաաս 'ի ձեռնարկութե անտի : Երգ 'ի մտի հասանել իւրում վախճանի, եթէ յաջողեցի նմա քակել զարքայն ասորւոց 'ի գաշնակցութե բաասայ, և ձգել զնա յիւր գաշնակցութի :

Վիտէր ասա, զի միաբանութեք թագաւորաց սովորաբար չեն 'ի սակս բարեկամութե, այլ վասն շահսախրութե. 'ի փոփոխիլ շահուց՝ փոփոխին և խորհուրդք. այսօր թշնամի է, որ երէկ գաշնակից էր. այսօր գաշնակից, որ երէկ թշնամի : Ասն ասորիկ ան ասա 'ի գանձուց տաճարի տն, և 'ի գանձուց տան թագաւորին արծաթ և ոսկի, և

Նոսրին հրապուրիչ ընծայիւք՝ որք սուրբ են յաղծա-
 նակել ՚ի խորհրդարանս . առաքեաց սու որդին ա-
 դերայ արքայ ասորւոց , որ նստէր ՚ի դամասկոս ,
 զհրեշտակս իւր . սլատուէր տուեալ նոցա խօսել
 այսպէս . **Վ** մէջ հօր ասայի արքայի յուգայ և ՚ի
 մէջ հօր քո եղև միշտ սէր և միաբանութի սնքակ
 զամենայն աւուրս իւրեանց : **Վ** րդ ցանկայ ասա
 արքայ յուգայ նորոգել զայն միաբանութի ՚ի մէջ
 որդւոյ և որդւոյ . որ և ահաւասիկ մատուցանէ քեզ
 պատարագ սկիւ և արծաթ , ընդ նոսին և զիւր հա-
 ւատարիմ դաշնակցութի : **Վ** ասա արքայ իսրայէլի
 շինէ ամբողջ առ դրունս երուսաղէմի . ինդրէ ասա ,
 զի լուծցես զուխտ քո որ ընդ նմա . և եկեալ վա-
 նեսցես զնա , զի ՚ի բաց դնացէ ՚ի նմանէ :

Խորհուրդ ասայի յաջողութիւն ել ՚ի գլուխ . որ
 դին ադերայ ոչ ակնունէր այնչափ ինչ ստանալ ՚ի
 դաշնակցութի ընդ արքային իսրայէլի՝ որչափ էին
 պարգևք արքային յուգայ : **Վ** ասն որոյ ոչ ՚ի գէտ
 դատեցաւ կալ թշնամութիւն ընդ թաղաւորութե՝
 որ կարող եղև յաղծել միլիոն մի թշնամեաց ՚ի
 միում աւուրս : **Վ** ատես զի զիւրին էր տիրել ամբո-
 ցաց եղելոց ՚ի սահմանագլուխս երկրին իսրայէ-
 լի , զի էին անպատասպար ՚ի պահպանուեց , ժշխ-
 տեաց ուխտին՝ որ ընդ բաասայ , և միաբանեցաւ
 ընդ ասայի . եհաս յեղակարծումն , և եհար զաւոն ,
 այն է ային քաղաք , զդան , և զաբեղմային , և զա-
 մենայն պարսպաւոր քաղաքս նեփթաղիմայ : **Վ** յս
 բան անակնկալ՝ զարհուրեցոյց զբաաս , և առ չկո-
 բուսանելոյ զբողոր երկիր իւր՝ ձեռնթափ եղև ՚ի
 շինելոյ և ևս զհաւամա . և դադարեաց գործն , և
 ինքն դարձաւ ՚ի թերսա ՚ի թաղաւորական քաղաք
 իւր՝ ելանել ամենայն զօրութիւն ընդգէմ ասորւոց :
Վ այնժամ արքայ ասա ՚ի համօրէն յուգայէ առա-
 քեաց քանդիչս՝ քակել զշինեալն բաասայ , և զքա-
 րինս և զփայտս և զայլ ամենայն նիւթս շինուա-
 ծոց առեալ՝ շինեաց նոքօք զբլուրն բենիամինի , այն
 է՝ դաբաա գլխաւոր քաղաք բենիամինի , և զմա-
 սեփաթ :

Աւրախ էր ասա յանձն իւր. զի Թագաւորք միշտ առաւել հաճեալ են վճարել յաջողութիւն զգործս իւրեանց ՚ի խորհրդարանի ՚ի ձեռն հնարից, քան ՚ի պատերազմի ՚ի ձեռն զօրաց, յետինս այս է գործ ձեռաց, որ վճարի բազում արեան ճապաղեօք ժողովրդեան. իսկ այն՝ գործ մտաց հանձարոյ, որ վճարի ՚ի ձեռն հանձարոյ խորհրդականաց: Այն ինչ մնայր ասա լսել գոհութիւն և խնդակցութիւն վասն առանց խռովութեան երկրին ՚ի գլուխ հանելոյ զիրսն, ահա ընդդէմ ամենայն ակնկալութեան իւրոյ՝ եկն եկաց առաջի նորա անանիա մտրգարէ, և սկսաւ տխուր և զայրադին գիմօք յանդիմանել զնա ՚ի գիմաց նոյ, զի յուսացաւ յարքայն ասորուոց, և ոչ ՚ի ար անձ իւր. և այն՝ զինի ակն յանդիման տեսանելոյ, և ձեռօք շօշափելոյ զհզօր օղնութիւն նորա ընդդէմ անհամար բազմուէն զօրաց եթովպացւոց արքայի: Այլ առ առաւել զկծեցուցանելոյ զնա, ասէ. եթէ ապաւինեալ էր քո յանձ, ճէին ապրեալ ՚ի ձեռաց քոց ոչ իսրայէլացիք և ոչ ասորիք. վասն զի անձ հայի յամենայն յերկիր՝ զօրացուցանել, զորս կատարեալ սրտիւ ապաւինին ՚ի նա: Այլ արդ տղիտացար յայդմիկ. (կամ ըստ եբրայա կանին՝ անմտութիւն գործեցեր յայդմիկ.) և ուր անձ ունէր հանգուցանել զքեզ, յայսմ հետէ եղիցի քեզ պատերազմ:

Անդ այս յանկարծադէպ կշտամբանս սրտմտեցաւ արքայ. և կիրք բարկուէն մոռացոյց զբարեպաշտութիւն նորա. մինչև ետ դնել ՚ի բանտի զմարդարէն. և զի բազումք ՚ի ժողովրդեանէ գայթակղեալ պախարակէին զանգութիւն նորա ընդդէմ ծառային նոյ, ժանտացաւ և ՚ի ժողովուրդն. և սպանութիւն բազմաց ՚ի նոցանէ կամեցաւ ահարկանել այլոց աս ՚ի սանձել զլեզուս՝ չլուտալ ընդդէմ արքայի: Այս յանցումն ցաւալի՝ խտրոց եղև բարեկրօն վարուց բարեպաշտ արքայի: Սակայն երևի թէ ոչ ընդ երկար ձգեցաւ սրտմտութիւն նորա, այլ արագ եկն ՚ի զգաստութիւն. վասն զի սնեալն ՚ի բարեպաշտուէն՝ եթէ երբէք մարդկօրէն տկարութիւն գայթակղեալ

ցի, ձանաչէ զյանցումն իւր, և փութով յառաջին
կարգ իւր դառնայ: Ապաքէն վկայէ սբ գիրն,
Թէ * Սիրտ նորա կտարեալ էր ընդ տն զամե-
նայն աւուրս իւր ॥ . 3 . Բաֆ . 37 . 14 . կամ ըստ
3 . հոսց 37 . 19 . * Սիրտն ասայի եղև լի զամենայն
աւուրս կենաց իւրոց ॥: Ապա այնչափ համառօտ
եղև ժամանակ մեղաց նորա, զի բարոյապէս և ըստ
մարդկան սովորուէ խօսելով մարթ է ասել զնա
բարեպաշտ զամենայն աւուրս կենաց իւրոց: Աւր
Թողից զայն, զի յովսափատ որդի նորա գովի, զի
զնաց զձանապարհ, ընդ որ զնաց ասա հայր նո-
րա. * Այլ զնաց ասէ՝ յամենայն ձանապարհս ա-
սայի հօր իւրոյ. և ոչ խոտորեցաւ 'ի նմանէ՝ առ-
նել ուղղութիւն առաջի տն ॥ . 7 . Բաֆ . 37 . 45 :
Այս գովեստ սրբւոյն է քաջայայտ վկայութիւն,
Թէ Թէպէտ հայր նորա առ սուղ ինչ ժամանակ
խոտորեցաւ 'ի ձանապարհէ ուղղութե. սակայն
փոյթ ընդ փոյթ դարձաւ ապաշուեաց, և որպէս
յառաջ, նոյնպէս և զինի միշտ ուղղութիւն զնաց:
Այց և այս ձշմարիտ է, զի յետ այս մեղաց
լերեի 'ի նմա այն առաջին միամիտ և ջերմ ապա-
ւինութի յտճ. զի 'ի ծանր հիւանդութե իւրում
ցաւով օտից, փոխանակ առ տճ դիմելոյ վասն
առողջուէ, 'ի բժիշկս ապաւինեցաւ: Ասկայն տճ
պատժեաց զնա յերկրի աստ, տանջելով ցաւապին
ոտնառութի 'ի վերջին երկու ամս կենաց իւրոց,
որով սրբեաց զնա և 'ի յանցանաց աստի: Աստ
Թագաւորեաց ամս քառասուն և մի, ոչ ամբողջ.
զի մեռաւ 'ի քառասներորդ առաջներորդ ամի Թա-
գաւորութե իւրոյ. ուստի ասի նաև Թագաւորել
ամս քառասուն: Այլ Թագեցին զնա մեծահանգէս
յուզարկաւորութի 'ի հոյակապ շիրմի, զոր ինքն
սրար վասն իւր 'ի քաղաքի դաւթի, ընկողմանե-
ցուցեալ 'ի դահոյս. և լցին խնկօք և ազգի ազգի
իւղովք իւղեփեցեաց:

Ազգմօք յառաջ քան զսօս արքայ յուղայ՝ էր
մեռեալ բաաս արքայ իսրայելի, որ Թագաւորեաց
ամս քսան և չորս ամբողջ. և մեռաւ 'ի Թերսա,

որ 'ի ժամանակին յայնմիկ էր արքայանիստ քաղաք խարայէլն , յամի քսաներորդի և վեցերորդի ասայի արքայի : Եւ յաջորդեաց զաթող նորա և զամ պարտուածի՝ էլ լա որդի նորա . այլ առ սակաւ ժամանակ . զի սկսաւ թագաւորել յամի քսաներորդի և վեցերորդի ասայի , և ոչ ժամանեաց 'ի լուսն երկուց ամաց : Վանդի 'ի քսաներորդ և եօթներորդ ամի ասայի՝ զամբրի կամ զամրի ծառայ նուրուն էլայի՝ զօրավար կիսոյ գնդին սպառազէն հեծելազօրաց , սպան զնա 'ի թերսա . ուր կայր յայն ժամ էլ լա սակաւածիւ թիկնապահօք . զի ամենայն զինուորական զօրուածի նորա էր 'ի պաշարուն գաբաթոնի . որ թուի լինել գաբէ ամրոց հզօր 'ի սահմանս փղշտացոց : Վանդի անդէն յաւուր միում մինչդեռ էլ լա արքայ ուտէր և բմիէր ուրախութիւն անկասկած յամենայն չարարկածից 'ի տան արսոյ հանդերձապետի , և էր արբեալ , եմուտ յեղակարծուն զամբրի իւրովք խորհրդակից սրկկայիւք , եհար և անդէն խողխողեաց զնա : Ապա դարձուցեալ զսուրն 'ի վերայ մերձաւորաց և բարեկամաց նորա , և 'ի վերայ ամենայն տանն բաասոյ , ջնջեաց իսպառ զտուն նորա , մինչև թողուլ զբ կենդանի 'ի սերնդոց նորա , ըստ բանի մն զոր խօսեցաւ 'ի վերայ տանն բաասոյ 'ի ձեռն յեռայ մարդարէի՝ վասն ամենայն մեղացն բաասոյ , և էլայ որդւոյ նորա :

Եւ ինքն զամբրի բռնակալեաց զթագաւորութին խարայէլն՝ աւուրս եօթն և եթ . զի արդարեւ գիտաց բանալ իւր ճանապարհ 'ի թագաւորութի , այլ ոչ նոյնպէս 'ի պահպանութի թագաւորութի իւրոյ : Իբրև լու եղև դոյժ մահու արքային 'ի բունակ անդր 'ի գաբաթոն , ոչ կամեցաւ զօրն ճանաչել իւրեանց թագաւոր զտիրաստպանն . այլ անդէն 'ի բանակին թագաւորեցուցին զսպարապետ զօրուն իւրայէլն , որում անուն էր ամրի : Աս առ 'ի չտալ աստտամբելոյն ժամանակ ամրացուցանելոյ զիւր կողմն , նոյն հետայն 'ի բաց թողեալ զպաշարուն զաբաթոնի՝ դարձոյց զամենայն զօրն 'ի

թերսա, և սրաշարեաց զնա: Իսկ զամբրի տեսեալ՝ զի չունի բաւական զօրութի սրաշարսնէլոյ անձին, և թէ մերձ են տունուլ զքաղաքն, առ կարի վաբանմանն՝ զի մի խայտառակուք անկցի յաթոռոյ, եմուտ յարբունի ապարանսն, և այրեաց զնա՝ ի վերայ իւր և մեռաւ. ընդ նմին և ընտանիք նորա եղեն ճարակ հրոյ. և այս վասն մեղաց նորա, զի գնաց յամենայն ճանապարհս կռապաշտութե յերուբովամայ որդւոյ նաբատոյ:

Իայց և ամբեայ չաջողեցաւ անդիմադարձ թագաւորել իսրայելի. քանզի ժողովուրդն ոչ հաճեցաւ ընդ այն ընտրուի զօրուն. և թագաւորեցոյց հակառակ ամբեայ զթամնի որդի գովնաթայ. և այնպէս եղեն երկու՝ որք միանգամայն կրէին զանուն թագաւորի. որով և ժողովուրդն իսրայելեան հերձեալ յերկուս բաժանեցաւ. կէս ժողովրդեանն եղև զհետ թամնեայ, և կէս նոցա զկնի ամբեայ: Եւ յս երկպառակութի դժնդակ՝ ձգեցաւ ընդ ամս իբրև չորս. զի ՚ի չորրորդում ամի զօրացեալ կողմն ամբեայ՝ յաղթեաց հակառակ կողման. ուր ՚ի նոյն աւուրս մեռաւ և թամնի, եթէ բնական և եթէ բռնական մահաւամբ. և ժողովուրդ նորա տաղտկացեալ ՚ի թշուառութեց հանապազօրդ ներքին սատերազմաց՝ դարձաւ և յարեցաւ ՚ի կողմն ամբեայ: Յայնժամ հաւասար հաւանութիւն ամենեցուն թագաւորեաց ամբի ՚ի վերայ իսրայելի՝ յամին երեսներորդի առաջներորդի ասայի արքայի յուրայ. և թագաւորութի նորա ձգեցաւ ընդ ամս երկոտասան: Յառաջին վեց ամս նստաւ ՚ի թեքսա. ուր յերոբովամ ՚ի սիկիմայ փոխադրեալ էր զաթոռ թագաւորուէ իսրայելի. ապա ցանկացեալ ամբեայ այլում թերևս պատեհագոյն տեղոյ, ստացաւ երկուց տաղանդաց արծաթոյ զլեւտունն սոմիբոն ՚ի սամերայ տնէ լերինն. և շինեաց անդ քաղաք, զոր կոչեաց սամիրոն, կամ սամարիա՝ յանուն սամերայ տն լերինն. և անդ հաստատեաց զաթոռ իւր. որ յետ այնորիկ եղև քաղաք արքայանիստ թագաւորութե իսրայելի: Եւ

ուսումնասիրելու ամբողջ զինն մահաբեր ասայի արքայի յուզայ, յերկրորդում ամի յովսափատայ արքայի յուզայ: Ահա այսպէս ամենեքին սրբաեղկելի և թշուառական դասն. վասն զի ամենեքին քաղաքական իմն յետսամիտ խորհրդով ջանի մտի եղին զճշմարիտ կրօնն անպաշտութե հետի առնել յերկրէ տէրութե իւրեանց. թերևս անցնիւրն կամուկով այնու հաստատել զթագաւորութի իւրայլ զհակառակն տեսին աւօք, և շօշափեցին ձեռօք:

Գ. Լ. Ժ. Գ.

Յովսափատ արքայ յուզայ: Ահաք արքայ իսրայէլի, և ին նորա յեղաբէլ: Աղէտ ճարգարէ:

Ինն տնցեալ ամբ իբրև տասն, յորմէ հետէ յովսափատ էր կարգեալ և ծանուցեալ թագաւոր յուզայ առ կենդանութի ասայի հօր իւրոյ թերևս տկարացելոյ հիւանդութեամբ: Այս բան յայտնի ոչ պատմի ՚ի նր գիրս. բայց յայտնի իմանի ՚ի կարգէ պատմութեն: Ին թեոհուածք ՚ի գիրս երրորդ թագաւորաց. էք. 42. Թէ յովսափատ էր երեսուն և հինգ ամաց ՚ի թագաւորել իւրում. և քսան և հինգ ամ թագաւորեաց զինն մահու հօր իւրոյ: Արդ՝ եթէ սկսեալ էր միայնակ թագաւորել յետ մահու հօրն, հինգ երրորդ ամն թագաւորութի իւրոյ լեալ էր քառասներորդ ամ կենաց իւրոց: Այլ սակայն ունիմք տեսնել ստորև, թէ յովսափատ որդի նորա էր յայնժամ ՚ի հասակ երեսուն և երկու ամաց. ուստի և զհետ գայր՝ թէ յովսափատ էր ութամեայ մինչ ծնաւ յովսափատ որդի նորա: Ապա յայտ է թէ բաղմօք յառաջ քան զմահ ասայի հօր իւրոյ սկսաւ յովսափատ թագաւոր:

գաւորել . ապա սկսաւ 'ի հասակի երեսուն և հինգ ամաց առ հարի իւրով . և թագաւորեալ ընդ հօրն առ նորին կենդանութիւն ամս տասն , էր քառասուն և հինգ ամաց , յորժամ զհի մահոս հօրն , մնաց թագաւոր ինքնիշխան և անկախ . և էր յիսուն ամաց 'ի հինգերորդ ամի թագաւորելոյ իւրոյ զհի հօրն . և ըստ այսմ հաշուի յովսափատ էր ութուտասն ամաց , յորժամ ծնաւ նմա որդի յովրամ : Ըստ վարդապետութի կեսարոսի կաղինոսի , է հիմեալ 'ի սբ գիրս , և ընկալեալ յամենայն մատենագրաց . որում և մեք աստի և անդր ունիմք զհետ երթալ առանց վերստին կրկնելոյ զայս բան :

Ըրգ՝ յովսափատ մի 'ի բարեպաշտ թագաւորացն յուդայ , փոյթեալսն յիմազտութի , և մտադիր 'ի զօրութի զինուորական , և յամենայն քաղաքական կենցաղօղուտ բարեկարգութի՝ զհետ եղև ամենայն զօրութի ջնջել անհետ առնել յերկրի թագաւորութի իւրոյ 'ի հուր և 'ի սուր զամենայն մնացուածս հեթանոսութե : Ըստ հայր նորս թէպէտ քանահայր եղև ամենայն իրօք հետակորոյս առնել զկատաղի եղեռն անառակուէյ՝ որ գործէին ըստ հեթանոսական գարշութեանց , սակայն յայսպիսի իրս ոչ երբէք անթերի 'ի գլուխ ելանեն կամք արդարակորով իշխանաց . բազումք 'ի մծղնէից անտի ապրեցան , ոմանք փախստեամբ , ոմանք կաշառանօք դաշտօնէից , այլք սաշտպանութի մեծամեծաց , կէսք թագատեամբ յանյոյտ տեղիս : Ըստ մինչ դադարեցոյց ասա զգովելի նախանձու իւրոյ զլրէժխնդրութի ընդդէմ այսպիսի անօրինաց , համարելով թէ երկիր իւր իցէ իսպառսրբեալ 'ի պղծագործաց անտի , դարձեալ սկսաւ դադտաբար անդրէն 'ի ներքս սողոսկիլ : Յովսափատ հետայոյզ եղև և տեղեկացաւ , և ետ կոտորել յանխնայ առ հասարակ զօրս մարթացաւ 'ի ձեռս բերել . որպէս և զանտառան՝ զօրս կոտորեաց ասա հայր նորս , այլ յանցանել ամաց , էին անդրէն աճեցեալ , ետ դարձեալ հատանել , և զկուռս և զսեղանս խորտակել : Ըստ զսեղանս

բարձանց, յորս զոհէր ժողովուրդն անջմարտի, ոչ եբարձ. զի կամ կասկածէր ՚ի յառնելոյ խռովութեան ՚ի ժողովրդեան. և կամ որ առաւել հաւանելի թուի, երկնչէր թէ գուցէ ժողովուրդն որ սովորեալ էր յայնչափ ամաց հետէ ՚ի վերայ նոցա զոհել անջ, ՚ի ջնջել նորա զայնոսիկ, գնասցեն յերկիրն իսրայելի զոհել կոոց գարշելեաց. վասն այնորիկ թոյլ ետ կամ իբր յանդէտս եղև այնմ օրինազանցութե՛ն առ խափանումն մեծագունին:

Երբորդ ամի թագաւորութե՛ն իւրոյ առաքեաց զչորեսին իշխանս իւր զանուանեալս բենդայիլ՝ այն է որդիք զօրութեց, որպէս ընթեռնութե՛ն փ մերումն. զաբգիաս, զգաբարբաս, զնաթանայել, և զմիքէաս. և ընդ նոսա ութ զլետացիս, և երկուքահանայս՝ զեղիսամա, և զյովրամ՝ զոյգ ընդ դպիրս օրինացն ան՝ երթալ յամենայն քաղաքս թագաւորութե՛ն իւրոյ, ուսուցանել զժողովուրդն, և հաստատել զսիրտս նոցա ՚ի պահպանութե՛ն օրինացն անջ: Այս ջերմ կրօնասիրութիք յովսափատայ մեծապէս հուսակեցին զնա յամենայն արտաքին թագաւորութիս որ շուրջ զհրէաստանաւ: Այլ քանզի ամենայն արտաքին թագաւորք յերկար փորձոյ տեղեկացեալ գիտէին, զի յորժամ թագաւորք յուզայ նախանձախնդիր էին փառացն անջ, յայնժամ և անձ պաշտպանէր նոցա, և անյաղթելի և փառաւոր առնէր զնոսա, ոչ ոք իշխէր յառնել ընդդէմ նորա. զի երկնչէին ՚ի նմանէ. այս է զոր ասէ գիրն. * Այլ եղեն արհաւիրք ՚ի անէ ՚ի վերայ թագաւորաց երկրին, որ շուրջ զյուզայիւ. և սչ պատերազմէին ընդ յովսափատայ ॥ Բ. հայ. ԺԷ. 10: Այլ առ պահելոյ զնա ՚ի բարեկամութե՛ն իւրեանց՝ ընծայաբեր լինէին նմա և հարկատու. փղշտացիք տային ոսկի և արծաթ. եդովմայեցիք առանց թագաւորի ՚ի ժամանակաց անտի դաւթի՝ հարկատու էին նմա, և հպատակ հրամանաց նորա. նաև արաբացիք թէպէտ հեռաւորք՝ ածէին նմա ամի ամի խոյս յոչխարաց եօթն հազար, և երեքհարիւր, և նոխազս եօթն հազար և եօթն հարիւր:

Այլ ևս ոչ սահաւ նպաստէր նմա 'ի սանձել և 'ի պահել զամենեւին 'ի խաղաղութե՛ն՝ ունել միշտ յոսին զբազմութե՛ն սպառազէն զօրաց : Ամենայն յոյս և սպաւինութի՛ն նորա էր յիմ Տաստատեալ . բայց քաջ զիտէր , զի կամք նյ այն է՝ առնել մարդոյ զոր ինչ անկ է՝ նմա՝ իմաստութե՛ք 'ի վար արկեալ զմիջնորդս համեմատս վախճանին , առ որ զիմէ , զի մի՛ գատարկացի գործ իմաստութեան՝ բոտ իմաստնոյն առածի : Շինեաց քաղաքս ամուրս և առնս և այլ զանազան դաստակերտս . և կացոյց յամենայն քաղաքս և յամրոցս պահակապանս զօրաւորս : Անէր առ ընթեր իւր յերուսաղէմ՝ հինգ զօրավարս զօրաց . առաջինն՝ եդնաս , ընդ որով էին երեքհարիւր հազար զինուորք՝ ամենեքին զօրաւոր պատերազմողք . երկրորդն՝ յովսան , և ընդ նովաւ երկերիւր ութսուն հազար . երրորդն՝ մասէաս , ընդ նմա երկերիւր հազար զօրաւորք ութով . չորրորդն՝ եղիադա , ընդ որով էին աղեղնաւորք և պարսաւորք երկերիւր հազար . հինգերորդն՝ յովսաբատ՝ հարիւր ութսուն հազարօք : Վեց ամենայն միլիոն մի և հարիւր վաթսուն հազար . որք այնպէս բաշխեալ կային յերուսաղէմ , և շուրջ զնովաւ , զի միշտ առ ձեռն պատրաստ ունէր զնուսս . առ որոց գումարումն երբ և իցէ՝ շատ էր հրաման մի և եթարքայի : Իսկ եթէ յայտոսիկ գունդս սպառազինելոց յաւելցին և պահակապանք քաղաքաց և ամրոցաց , մարթ է ասել թէ՛ ունէր միշտ պատրաստական միլիոն մի և հինգ հարիւր հազար զինուորս քաջակիրթս 'ի մարտ :

Այնպէս կայր միշտ զինեալ , որպէս թէ 'ի բազմութի՛ն զօրաց էր ասպատան . բայց և զամենայն յոյս և զսպաւինութի՛ն իւր այնպէս խարսխեալ էր յիմ , որպէս թէ՛ չունէր բնաւ զինուոր և ոչ մի . քաջ խելամուտ ելով մեծի ճշմարտութե՛ս՝ ամենայն բազմութե՛ք քաջակիրթ զօրաց լինել իբրև հօտ մի անզօր ոչխարաց , եթէ 'ի տնէ՛ զօրութե՛ց ոչ խրախուսեցին : Այլ այնպէս զինեալ կայր , որպէս թէ՛ կամիլ տիրել ողջոյն աշխարհի . այլ ներքին յօժա .

բուծի սրտի նորա միշտ և ամենայն իրօք 'ի խաղաղութի էր հակամէտ : Բնդ թագաւորս իսրայէլի , ընդ որս ոչ ոք 'ի թագաւորացն յուղայ արար խաղաղութի , նա միշտ խաղաղութի գնաց : Եւ ինչդեռ անպաշտութիւն այսպէս օր քան զօր ծաղկեալ բարեգաւաճէր 'ի թագաւորութեն յուղայ , ամպարըտութի կռապաշտութե չարաչար զայրանայր յերկրին իսրայէլի :

Յետ մահու ամբեայ արքայի իսրայէլի՝ յաջորդեալ էր զաթու նորա արքաք օրդի նորա . որ հինգ ամօք յառաջ քան զմահ հօրն՝ էր ընկալեալ և ծառնուցեալ 'ի ժողովրդենէ առ հարբ՝ թագաւոր իսրայէլի : Յովսափատ սկսեալ էր թագաւորել զինչ մահու հօրն 'ի չորրորդ ամի արքաբու թագաւորելոյ առ հարբ . և սա ինքն արքաք եկաց թագաւոր ինքնիշխան և անկախ զինչ մահու հօրն՝ յամին երկրորդի յովսափատու թագաւորելոյ նոյնպէս զինչ հօրն : Բարաք օրդի ամբեայ ամպարիշտ գտեալ քան զամենայն թագաւորս իսրայէլի՝ որ յառաջ քան զնա , ոչ շատացաւ զնալ յամենայնի ըստ մեղացն յերթողամայ օրդւոյ նաքատայ , այլ յաւել 'ի վերայ այնր առնուլ կին զյեզաբել դուստր յովբաղայ , կամ էթբաաղայ սիդոնացւոց արքայի . ընդ սրում անձ 'ի սամարիա 'ի թագաւորեալ քաղաք իւր և նոր չնձ զբահաղ հռչակաւոր դիս սիդոնացւոց . կառոյց նմա մեհեան , կանգնեաց և սեղան , երկիր եպագ անկենդան զրօշելոյն , և եգ զնա 'ի պաշտօն ժողովրդեան իւրոյ իսրայէլի :

Բնդ այն ժամանակս էր յերկրին իսրայէլի եղիա մարգարէն՝ ծնեալ 'ի թեզբի քաղաք յերկրին զաղաադու յայնկոյս յորդանանու : Եւ վառեալ անձային նախանձու ընդդէմ անօրէն սեղանադերձ կռապաշտութե երկրին իսրայէլի , և կամեցեալ ակներև ցուցանել զընդունայնութի կռոց , և զամենակարօղ զօրութի նոյ ճշմարտի , եգ հրապարա կաւ դաշն ընդ արքաբու արքայի իսրայէլի , առ որոյ դարձումն եկեալ էր 'ի սամարիա , եթէ ոչ իջցէ անձրև կամ ցօղ յերկնից , մինչև ինքն ինդ-

ըեացէ յոյ իւրմէ . խնդրեացէ աքաաբ որչափ և կամիցի , խնդրեացեն և ամենայն քուրմք բաճաղու , բայց ոչ տեսցեն և ոչ շիթ մի անձրեոյ : Այսպէս խոստացաւ եղիա , և այսպէս եղև . և ինքն ըստ հրամանի տն գնաց և թագեաւ յայրի միում առ հեղեղատաւ քոռաթու . որ ըստ որում ցուցանէ երկրագրութի մենքիոսի , որ առաւել քան զայլս համեմատ է պատմութեց Եբ գրոց , իջանէ 'ի լեւրանց եփրոնի , և գնայ զեղու 'ի յորդանան ոչ կարի բացագոյն 'ի գաղգաղայ : Հեղեղատն այն մա տակարարէր ջուր եղիայի . և ան պատրաստէր նմա ճաշ և ընթրիս , առաքելով 'ի ձեռն ագուաուց ընդ առաւօտս և ընդ երեկս հաց և միս . այլ թէ ուստի՞ և զիարդ , ոչինչ է հետաքննելի . զի ան 'ի հրամայել նոցա պատրաստել կերակուր մարգարէին , երոյց և զհացանոցն , և զկրպակ մսավա ճառաց , ուսոյց և զլեղանակ յափշտակելոյ՝ առ կատարումն այնր սպասաւորութի :

Յետ աւուրց ինչ ցամաքեցաւ իսպառ հեղեղատն առ 'ի չոյէ անձրեոյ . ան թէպէտ կարող էր տալ նմա անդ ջուր , այլ ոչ ետ , զի կամեցաւ 'ի ձեռն նորա նպաստել տառապեալ կնոջ միոյ 'ի սարեփթա . որ էր քաղաք ոչ կարի հեռի 'ի ծովէ ընդ մէջ ելևթերոս գետոյն , և սիզոն քաղաքի : Անդ եկեալ մարգարէին ըստ պատուիրելոյ նմա տն՝ ետես 'ի դուռն քաղաքին , զի կին մի աղքատ , այլ ողորմած , քաղէր փայտ . խնդրեաց 'ի նմանէ եղիա սակաւ մի ջուր . և յերթալ կնոջն բերել , աղաղակեաց եղիա զհետ նորա , ընդ ջրոյն բերել նմա և պատառ մի հաց : Այտ պատասխանի կինն երգմամբ , թէ չունի բնաւ կերակուր 'ի տան իւրում , բայց որչափ բռամբ միով ալիւր , և սակաւ ինչ իւղ . և թէ քաղէ կրկուտս երիս , զի զալիւրն զանգեալ ընդ սակաւ իւղոյն , արասցէ հաց . որ հացիւ լինիցի բաւական նմա և փոքրիկ մանկան իւրոյ յայնմ աւուր . և այնուհետև չունելով բնաւ կերակուր 'ի տանն՝ հարկ է նմա և մանկանն մեռանել 'ի սովոյ : Այլ եղիա քաջալերեալ զնա՝

ասաց առնել անտի փոքրիկ նկանակ մի նախ ինքեան, և ասաց արասցե՛ս ասէք եւ մանկանդ. զի այսպէս ասէ ինձ իսրայէլի, սափոր ալերն մի պակասեցի, և կամփսակ իւզոյն մի նուազեցէ, մինչև յօր տալոյ ինն անձրև ՚ի վերայ երեսաց երկբի: Հաւատաց կինն, և տարեալ ՚ի տուն իւր զմարգարէն, արար ըստ բանի նորա. և կերաւ սա և նա, և այլ ոք որ կայր ՚ի տան նորա. և այնուհետև ոչ ալիւրն և ոչ իւղն պակասեցաւ:

Անդ նստաւ եղիա առ ժամանակ մի. այլ ուրախութի տանն փութով փոխեցաւ ՚ի տրտմութի. քանզի որդի կնոջ տանն հիւանդացաւ, և ինքն էր այրի. և ՚ի զօրանալ ախտին՝ մեռաւ մանուկն: Հաւագին մայրն ՚ի սուգ ըմբռնեալ՝ ոչ կարէր մխիթարել զանձն, զմահ որդւոյն համարելով պատիժ մեղաց իւրոց, որպէս թէ ծանրութի նոցա յայանեցաւ առ սրբութի առն ինչ. վասն այնորիկ ասաց, մտեր առ իսայրդ ինչ յիշատակել զանօրէնութիւս իմ. իբր ասել, թուէր թէ ինձ անտես արարեալ իցէ զանօրէնութիւս իմ. այլ առ սրբութեամբ քով յիշեցաւ ծանրութի նոցա. նմին իրի և պատիժն եհաս ՚ի վերայ իմ: Այլ տրտմութիւն դարձեալ արագ փոխեցաւ յուրախութի. զի առեալ մարգարէին զզի մանկանն ՚ի դրկաց վշտահար մօրն, և հանեալ զնա ՚ի վերնատունն, ուր ինքն նստէր, եդ ՚ի վերայ մահճաց իւրոց. և փչեալ երիցս ՚ի մանուկն՝ խնդրեաց յինչ դարձուցանել ՚ի նա զչունչ նորա. և առ ժամայն յարեաւ մանուկն. և դարձոյց զնա կենդանի առ մայր նորա: Հայնժամ կինն լի ցնծութի ասէ. * Ահա արդ զխտացի, եթէ այր ինչ ես դու. և բան ինն ճշմարիտ է ՚ի բերան քո ||: Աստաւ եղիա ՚ի տան անդ՝ մինչև գրեթէ ցվերջ երրորդ ամի սովուն:

Աբաբու չէր այնչափ ինչ փոյթ վասն պակասութե կերակրոյ ժողովրդեան. քանզի սեղանք իշխանաց սովորաբար ոչ առնուն զչափ չբաւորութե՝ յորմէ տառապի ժողովուրդն: Այլ փոյթ մեծ էր նմա յաղագս երկալարաց և ջրւոց իւրոց: Այր

յան հոգս ընդ սովալլուկ լինել ժողովրդեան, այլ հոգայր և տաղնապէր մեծապէս գտանել բուտ իւրոց երիվարաց: Այլ կարէր հաւատալ թէ ամենայն մարդք և ջրաբէլք իցեն խապառ չորացեալ, և ամենայն գետք և հեղեղատք այնպէս ցամաքեալ, մինչև չգտանիլ ուրեք գէթ յեղէրս նոցա դալար խոտոյ: Համարէր խաբէութի պաշտօնէից կուրացելոց կաշառանօք ՚ի տեարց տեղեացն՝ զհամբաւն, զոր բերէին նմա՝ թէ չիք ուրեք գեղ դալար: Աւելի տքասք առ իւր իւրեւ հազարապետ արքունեաց զայր մի կոչեցեալ արդիու, նմա միայն հաւատայր. և արդարև կարէր հաւատալ աներկեան, զի որպէս հաւատարիմ էր նա առ անծ իւր, հաւատարիմ էր և առ թագաւորն թէպէտ ամարդի և անհաւատ. զի այս երկու հաւատարմութիք անանջատ են ՚ի միմեանց: Ասան որոյ առեալ տքասքու ընդ իւր զարդիու, ել անձամբ շրջել ընդ երկիր թագաւորութեան իւրոյ առ ամենայն աղբերքք ջրոց, և առ հեղեղատօք. թերևս ասէ գտցուք խոտ, և սպրեցուցուք զձիս և զջորիս. և արձակեաց զարդիու միայն երթալ ՚ի մի կողմն, և ինքն միայն գնաց յայլ կողմն: Բայն ինչ երթայր արդիու զձանապարհ իւր, ահա արտաքոյ ամենայն ակնկալութե՛ն ել ընդառաջ նորա եղիս. աճապարեաց արդիու անկաւ ՚ի վերայ երեսաց իւրոց, և ասէ, եթէ դո՛ւ իցես ան իմ եղիս. ասէ եղիս, ես եմ: Այլ պատուիրեաց նմա երթալ ազդ առնել արքայի ան իւրոյ, թէ ահաւասիկ յայտնեցաւ եղիս, և կամի խօսել ընդ քեզ: Բայժ ձանաչէր արդիու զեղիս, բայց այս հրամանն նորա խոսիւցոյց յոյժ զսիրտ նորա. վասն որոյ ասէ զինչ մեղայ, զի մատնես զճառայ քո ՚ի ձեռս արասքու սպանանել զիս: Բայն ոչ եթող նա տեղի ոչ միայն յերկրի իւրում, այլև յօտար թագաւորութիս, ուր ոչ առաքեաց խնդրել զքեզ. և յասել յամենայն տեղիս թէ ոչ է աստ, այրեաց (կամ ըստ վուրկադային, ասորոյն, և արաբացոյն՝ համեմատ եբրայականին՝ երդմեցոյց) զթագաւորութիս և

զաշխարհս՝ ասել զճշմարիտն : Այլ արդ դու կա միս, զի ես տարայց զայս լուր տն իմում՝ թէ ահա ւասիկ աստ է եղիս . և հոգի տն առնուցու զքեզ և փոխեսայէ այլուր . և ՚ի չգտանել նորա զքեզ, ես սուտ գտայց առաջի նորա . և զամենայն ցառումն զոր ունի առ քեզ, ՚ի գլուխ իմ թափեսցէ :

Այլ աբգիու այր, որոյ կեննք սակս թեթե ինչ իրաց արկցի ՚ի վտանգ մահու . քանզի թէպէտ առ դժբախտութե իւրում ծնաւ ՚ի կուսարիշտ թագաւորութե, ուր յամենայն քայլս տակց լինէր պատահել կռոց, բայց նա ոչ երբէք և ոչ ուրեք կրկնեաց ծուներ՝ ոչ բահաղու և ոչ այլոց կռոց իւրոց հայրենեաց, ՚ի մանկութե կրելով միշտ զերկիւղ տն ՚ի սրտի : Ամուտ յարքունիս ամապրիշտ արքայի . յարդոյ և պատուական եղև նաև յաչս անօրինաց վասն անստգտանելի բարելաւութեան վարուց իւրոց, և անկեղծութե սրտի : Օ երևելի մասն թողալին զոր ունէր յարքունուստ, և իւրոց սեպհական ընչից, ծախէր ՚ի ժամանակս այնք սաստիկ սովոյ ՚ի կերակրել հարիւր այր ՚ի մարդաբէից անտի տն . զորս թաքոյց յերկուս քարանձաւս յիսուն յիսուն յերկաքանչիւր անձաւի, զերծուցեալ զնոսա ՚ի ձեռաց յեղաբելայ ՚ի կոտորել նորա զմարդարէս տն, առ իսպառ անհետ առնելոյ յերկրէն իսրայէլի զճշմարիտ կրօն տծապաշտութե, որում էին նոքա նեցուկ հաստատուէ յերկրի անդ անհաւատութե : Այլ այսչափ ողորմած, և այսպիսի տծապաշտ՝ արժան էր զի պահեսցի և կեցցէ անմնաս . վասն այնորիկ և եղիս ոչ կամեցաւ արկանել զնա ՚ի վտանգ կենաց : Վասն ասէ և պատմեալ աքաաբու զոր ինչ ասացի քեզ . զի կենդանի է տր զօրութեց, որոյ կացի առաջի նորա, այսօր երևեցայց նմա :

Աճ գթացեալ ՚ի ժողովուրդ երկրին վասն իւրոց ծառայից, սրբ գտանէին ՚ի ծածուկ ՚ի բաղմութե անդ անօրինաց, կամէր տալ անձրև և արգասաւորութի երկրի . բայց կամէր՝ զի տբաաբ ծառիցէ զայն՝ լինել պտուղ աղօթից եղիայի . և տես

ցէ աչօք յամօթ և 'ի նախատինսս ամենայն սուտ մարդարէից իւրոց, զի պահէ զխոտուումն իւրոյ ծառայի : Սասն այնորիկ 'ի վախճան ամին երբորդի երաշտութեն պատուիրեաց եղիայի, զի ելեալ 'ի տարեթթայ՝ երթիցէ երեւեսցի աքաաբու 'ի սամաբիա : Վարձաւ արդիւու, և գնացեալ պատմեաց արքայի, իսկ արքայ ընթացաւ և գնաց վաղվաղա կի ընդառաջ եղիայի, ոչ 'ի պատուել զնա, այլ յանժուժութի և 'ի կատաղութի սրտին տեսանելոյ զնա. որում ընդ այնչափ ժամանակս, և յայնչափ տեղիս յուզախնդիր եղև, և ոչ եղիտ. միանգամայն և 'ի հարկաւորութի ստիպեալ խօսել ընդ նմա, զի վերջ լիցի միանդամ անվերջանալի՝ պատուհասին : Աղջոյնն զոր ետուն 'ի հանդիպումն միմեանց, նորանչան իմն եղև : Արքայն նախ խօսեցաւ գառնացեալ դիմօք և լի նախատանօք, և ասէ ցեղիա եթէ գու իցես խանգարիչն, որ լցեր խռովութի զիսրայէլ : Այս պատասխանի եղիա աներկիւզ համարձակութի. ես ոչ խանգարեմ զիսրայէլ, այլ դու սեղանագերծ արքայդ և տուն հօր քո ասէք զվերջին կործանումն 'ի վերայ իսրայէլի. դուք թողեալ զօրէնս նոյն յայ ձերոյ՝ գնացիք զհետ բահագիմայց. ահա այս է ճշմարիտ պատճառն խռովութի և ամենայն թշուառութի իսրայէլի : Այլ արդ՝ առաքեալ և ժողովեալ առ իսրայէլ և նախ իսրայէլ 'ի լեառն կարմելոս. գումարեսցին անդ և չորեքհարիւր և յիսուն մարդարէք ամօթոյ, որք 'ի սամարիա ծառայեն բահաղու. և այլ չորեքհարիւր պատուեալք յեղսբելայ՝ որ ուտեն զսեղանն նորա, և կան 'ի լերինս և յանտառս 'ի պաշտօն նորին անկենդան բահաղու. և յայնժամ խօսեսցուք վասն խնդրելոյ անձրև յերկնից : Այս ասաց եղիա, և խոյս ետ 'ի լեառն կարմելոս :

Առ այս բան եղիայի գժգմնեցաւ արատք. զի կարի ծանր է առն թագաւորի առնուել օրէնս 'ի հպատակի իւրմէ. և մանաւանդ շարժել զամենայն երկիրն և առնել հանրական ժողով արտաքոյ սովորուէ, վասն զի այնպէս կամի այր մի տառապեալ :

Իսկ սահմանել նորա և զտեղի ժողովոյն, և պնդել զի գումարեացին անդ և մարդարէքն պաշտպանեալք 'ի Թագուհոյն, այս անբերելի Թուէր: Այսպիսի խորհուրդք յամեցուցին զաքաաք 'ի կատարել զառաջարկութի մարդարէին, որով և երաշտութիւն և սոյն որ ունէր վճարիլ յերբորդ ամի, որպէս ունիմք 'ի գիրս երբորդ Թագաւորաց թ. 1. * Աւբան ան եղև առ եղիս յամին երբորդի, և ասէ երթ երևեաց արքաաբու. և տայ անձրև 'ի վերայ երեսաց երկրի. և երկարեաց այլևս ամիսս վեց ցկէ՞ չորբորդ ամին, և զայս ունիմք 'ի սբն յակոբայ առաքելոյ. Գ. 17. զի ասէ. * Այլ յաղօթս եկաց (եղիս), և ոչ տեղաց յերկիր զերիս ամս և զվեց ամիս: Այլ ստիպողական կարօտութիք բազում անգամ խոնարհեցուցանեն զգողողութիւն ևս և մեծամեծաց. հարկ է զի հնազանդեացին 'ի դիպուածս, յորս ոչինչ զօրէ իշխանութի և հրաման իւրեանց 'ի փրկուի անձանց. մի միայն ամենակալին է՝ ոչինչ երբէք բռնութի կրել, չունելով 'ի վերայ իւր զօրութի բարձրագոյն:

Աքաաք իբրև ետես՝ զի ոչ վերանայ պատուհասն յերկրէ իւրմէ, մինչև ոչ կատարեացին կամք եղիայի, զիջաւ խոնարհեցաւ, և առաքեաց պատուէր ընդ ամենայն իսրայէլ. և ժողովեաց զամեհայն աւագանի երկրին, ընդ նոսին և զամենայն բահաղապաշտ սուտ մարդարէս 'ի լեառնն կարմելոս: Անդ խօսեցաւ եղիս ազգու բանիւք՝ 'ի դարձուցանել զամենեկին 'ի պաշտօն նյ ճշմարտի, մինչև ցերբ ասէ կաղայք յերկուս հետս. եթէ ար է անձ, երթայք զհետ նորա. և եթէ բահաղն իցէ, երթայք զհետ նորա: Այլ տեսեալ, զի անպատասխանի մնացին, և բանք իւր անպտուղ երևէին, արար նոցա առաջարկութի հարկեցուցիլ. յորմէ ունիցին աչօք տեսանել՝ Թէ ո՞ր իցէ պաշտելի. բահաղ, եթէ անձ հարցն իւրեանց: Ահա ասէ ես մնացեալ եմ միայն մարդարէ ան. իսկ մարդարէք բահաղու ութհարիւր և յիսուն. տացին մեզ երկու եզինք. ընտրեցեն նոքա զմին, և յօշեցեն և դի-

ցեն 'ի սեղանն բաճաղու 'ի վերայ փայտից . և հուր մի մատուցեն . և ես նոյնպէս արարից զմիւս եզն : Այլ խնդրեսցուք ես և նոքա հուր յերկնից . եթէ բաճաղ լուեալ աղաչանաց սաշտօնէից իւրոց , առաքեսցէ բոց հրոյ , պաշտեցիք զնա , և ծանիջիք կարող կատարել զխնդրուածս ձեր . իսկ եթէ անձն իմ տացէ հուր , և յաճին դարձուցէ զողջակէզն իմ , զնա ծանիջիք ձյմարիտ ան իարայէլի : Հաճեցաւ ժողովն ընդ առաջարկութիւն . և բաճաղ զիմայց վիճակեցաւ ըստ բանի եղիայ՝ առնել յառաջագոյն , զի նոքա բազում էին :

Հայնժամ մարգարէքն ամօթոյ յանդիմանս առ մենայն ժողովրդեան զենին զեզն , զոր ինքեանք ընտրեցին . յօշոցին զնա և հանին 'ի սեղան 'ի վերայ փայտից , և սկսան կարդալ զանուն բաճաղու : Ամենայն ժողովուրդն կայր յակձիւսս , ոմանք 'ի վեր հայէին տեսանել զիջումն հրոյն . այլք 'ի խոնարհ , ակնունելով թէ գուցէ յերկրէ 'ի վեր ցողանայցէ բոցն . բայց ոչ յերկնից և ոչ յերկրէ երևէր ցայտումն հրոյ : Իսկ յիմարեալ մարգարէքն յայգուէ մինչև ցօր հասարակ աստ անդ ընթանային շուրջ զսեղանովն . ընդոստնուին 'ի վեր և 'ի վայր , գուցէին մեծաձայն կարդալով զանուն բաճաղու . ըւր մեզ բաճաղ , ըւր մեզ . այլ բաճաղ ոչ տայր պատասխանի : Ապա 'ի հասանել միջօրէի , սկսաւ եղիա այրանել զնոսա . բարձրացուցէք ասէ զբարբառ ձեր , զի ուժ է , թերևս զբաղեալ իցէ 'ի կենակցութիւն ընդ ոմանց . կամ երթեալ իցէ ուրեք 'ի գիւնեքուս , կամ 'ի ձանապարհի իցէ , և կամ 'ի քուն , և յառնիցէ : Արեկերեալ էին կոկորդք եղկելեացն առ անդադար աղաղակելոյ , սահայն և այնպէս բուռն առնէին անձանց 'ի սաստկացուցանել ըզձայնս . և առ 'ի գթութիւն շարժելոյ զանշարժելին բաճաղ , ցտէին սրով և դեղարդեամբ զմարմինս իւրեանց , հոսէր արիւնն , բայց ոչ գոյր ձայն և ոչ հուր երևէր : Անց միջօրէն , մերձեցաւ երեկոյն . և նոքա խոնջք և վաստակաբեկք յայնչափ աղաղակելոյ , և լուծեալ լքեալ յինքնաճարուած խոշ :

տանկանաց. և ժողովուրդն տաղտկացեալ յերկա-
րաժամ սպասելոյ վայրապար, առհասարակ դար-
ձուցին զաչս տա եղևա՝ տեսանել զկատարած գոր-
ծոյ նորա: Հայնժամ յառաջ մատուցեալ եղևայի՝
'ի բաց մերժեաց զմարդարէան դարշէլեաց. կոչեաց
առ ինքն զամենայն ժողովուրդն, կանգնեաց զսե-
ղանն տն զկործանեալն յառաջագոյն՝ երկոտասան
քարամբք ըստ թուոյ ցեղիցն խորայելի. և ետ հա-
տանել շուրջ զսեղանոյն խրամ ախօսաձև. և
զերտս փայտից եգ. 'ի վերայ սեղանոյն, և զողջա-
կէզն 'ի վերայ նոցա. և ասաց հեղուլ չորս սափոր
ջրոյ 'ի վերայ ողջակիզին, և 'ի վերայ շերտից
փայտին. զոր ետ կրկնել երիցս, մինչև զեղուլ
ջրոյն 'ի սեղանոյ անտի, և ընուլ զըջապատ փոսն.
որպէս զի յայանի լիցի՝ թէ ոչինչ ջերմութի հրոյ
կայ անդ, այլ բոլորովին խոնաւուի, և այնպէս քա-
ջայայտ լինիցի նշանն՝ զոր առնելոց էր տերամբ:

Հայնժամ մերձեցեալ եղևայի 'ի սեղան անդր,
և հայեցեալ յերկինս, ասաց 'ի ձայն բարձր. տր
տժ արբահամու իսահակայ և իսրայէլի՝ ցոյց այսօր,
եթէ դու ես ձշմարիտ տժ խորայելի. և թէ ես
ծառոյ քո արարի զգործս զայսոսիկ ըստ քումբ
հրամանի: Աւր ինձ տր, լուր ինձ հրով, զի ծա-
նիցէ ժողովուրդս՝ եթէ դու ես տր տժ ամենայնի.
և այս եղևցի նոր սքանչելիք՝ զոր արասցես դար-
ձեալ 'ի դարձուցանել զսիրտս ժողովրդեանս:
Եղև հարկ կրկնել եղևայի զինդրուածս. զի ահա
նոյնհետայն էջ հուր բորբոքեալ յերկնից, և եկեր
և սպառեաց ոչ միայն զողջակէզն և զփայտս, այլև
զքարինս իսկ սեղանոյն 'ի մխիր դարձոյց, և զմն-
խիրն և զջուրն որ 'ի փոս անդր՝ լափեաց հուրն:
Օայս հրաշալի սքանչելիս իբրև ետես ամենայն
ժողովուրդն, անկան 'ի վերայ երեսաց իբրեանց
յերկիր, աղաղակելով, * արդարև տր նա է տժ.
տր նա է տժ: Հայս նոր եռանդն ժողովրդեան
փստահացեալ եղևայի 'ի պատուհասել զթնամիս
տն նոյ, հրամայեաց ոռնել զամենայն սուտ մարդա-
րէան բահաղու, և չթողուլ 'ի ձեռաց և ոչ զմի 'ի

նոցանէ՛ զի փախիցէ՛ . և դատաւորական իշխանու
 թ՛քն , զոր յայս գործ ունէր առ յոյ , հրաման ետ
 իջուցանել զնոսա՛րի մերձակայ հէզէզատն կիսոնի .
 և անդ կոտորել զամենեօին : Ատարեցաւ դատա
 կնիք նոցա , զոր կամէր ԽԾ յառաջ քան զտալ անձրև
 ՚ի վերայ երկրի : Այլ ասաց եղիա ցաքաաբ՝ փու
 թանակի դառնալ ՚ի խորանն իւր ուտել և ըմպել
 զի մօտ ՚ի վերայ կայ անձրև յորդահոս : Ամուտ
 աքաաբ ՚ի խորան իւր . իսկ եղիա ել ՚ի գլուխ կար
 մեղայ , և ծուհր եդեալ , և ՚ի խոր խոնարհեալ՝
 մինչև զերեսս իւր դնել ՚ի մէջ ծնդաց իւրոց , խնդ
 րէր ՚ի Խնէ անձրև . եօթն անգամ կրկնեաց զա
 ղօթան . զի եօթն անգամ ասաց ցալատանեակն իւր
 ելանել հայել յեզերս ՚ի ծովակողմն . և միշտ առնոյր
 պատասխանի , թէ չտեսանէ բնաւ նշան ինչ ամպոյ :
 Իսկ յեօթներորդում նուազի ասաց պատանին թէ
 տեսանէ ելանել ՚ի ծովէ ամպ մի փոքրիկ՝ երևեալ
 աչաց ոչինչ մեծագոյն քան զթաթ ձեռին մարդոյ :
 Հայնժամ ստիպաւ առաքեաց եղիա զպատու
 նեակն՝ փութացուցանել զաքաաբ լծել վաղվաղակի
 զկառս և երթալ , զի մի ըմբռնեացի յանձրևոյ :
 Վնաց պատգամաւորն , և ինքն եղիա նոյնժամայն
 անկաւ ՚ի ձանապարհ հետի՝ նոր զօրուի ընկալեալ ՚ի
 Խնէ : Ա՛րնչ այս մինչ այն՝ ուր լինէր աքաաբու պատ
 րաստել զերիվարս , և լծել , և նստել ՚ի կառս ,
 երկինք մթացան ամպովք , և ել հողմն . և այն ինչ
 երթայր թաղաւորն՝ արձակերասան թողեալ զե
 րիվարս , ամպ ՚ի յամպ յաւելեալ և թանձրացեալ
 զօրանայր . հազիւ եհաս յեզրայել , և ահա տարափ
 յորդահէզէզ . այլ եղիա յառաջ քան զնա հասեալ
 էր անդ՝ թէսկէտ հետիոտս ընթանալով , զի Խժ զօ
 րացոյց զնա :

Այրևէր թէ զինի այսչափ սքանչելեաց ունէր
 եղիա տիրել ՚ի վերայ սրտին աքաաբու , կամ գէթ
 ՚ի մեծի սատուի լինել առաջի նորա . այլ այս ոչ
 յաջողեցաւ : Ա՛նանի յեզաբէլ կին նորա իմացեալ
 ՚ի նմանէ զամենայն զօր արար եղիա , և որսկէս կա
 տորեաց զմարգարէս բահաղու ՚ի հէզէզատին կէ

սոնի, կատաղեցաւ 'ի սաստիկ սրտմտութեն . և իսկ և իսկ առաքեաց պատգամաւոր առ եղիա՝
 ասել յնա 'ի դիմաց իւրոց . եթէ դու եղիա՛ իցես՝
 և ես յեզարեէլ, օն և օն արասցեն ինձ օստուածքն՝
 և օն և օն յաւելցեն , եթէ ոչ վաղիւ 'ի սոյն ժա-
 մու եդից զանձն քո իբրև զանձն միոյ 'ի նոցանէ :
 Այլ թուի հաւանելի , թէ 'ի ժամուսն յեզարեէլ
 ճշմարտութի կամեցեալ իցէ սպանանել զեղիա . սե-
 պա թէ ոչ՝ փոխանակ կանխաւ աղղ առնելոյ նմա
 զչար կամս իւր , և այնու տալոյ նմա դիպողութի
 խոյս տալոյ 'ի ձեռաց նորա , դահիճս առաքեալ էր
 անդէն սպանանել զնա , կամ 'ի կալանս դնել :
 Այո՛ թշնամի էր նա եղիայի , և կամէր զի մեռցի .
 այլ չէր 'ի դէպ իւրոց կամաց կատարման ժամաւ
 նակն . յորում զկնի երկուց նոր մեծամեծ սքանչե-
 լեաց , զառաւել մասն ժողովողեան յիւր կողմն ու-
 նէր եղիա . ուստի և վստանգ մեծ էր նմա նորապս-
 տամբութի տեսանել 'ի սամարիա . և զժողովուրդն
 'ի զէն վառեալ ընդդէմ անձին իւրոյ : Առ ժամն
 շատ էր նմա զի հեռացի եղիա , առ 'ի չյաւելու
 և ևս զկողմն իւր , և առ չհասնելոյ խսպառ զսիրտ
 արքայի , որ յեա տեսանելոյ զսքանչեւագործութիս
 նորա՝ սկսեալ էր կակղանալ և յօժարիլ առ նա :
 Այլ ահա այս յաջողեցաւ յեզարեելոյ . քանզի թոյլ
 ետ անձ իւրումն քաջասիրտ ծառայի , որ ոչինչ էր-
 կեաւ յերեսաց ցասուցեալ արքայի , զարհուրիլ 'ի
 սպառնալեաց կնոջ , և անկանել փախստական սէր
 և դիպեցի :

Այլ եղիա յերկրէն խորայելի , և անցեալ ընդ ա-
 մենայն երկիրն յուգայ՝ եհաս 'ի ծաղ սահմանաց
 նորա 'ի բերօաբէէ : Անդ՝ արձակեալ յիւրմէ զպա-
 տանեակն իւր , ինքն գնաց միայն ընդ օր մի ողջոյն
 յանապատն ուր խոնջ և վաստակ և արտմութի
 պաշարեալ , նստաւ ընդ բևեկնեաւ . և տաղտկա-
 ցեալ 'ի կենաց՝ ինդրեաց 'ի տնէ առնուլ զողի նո-
 րա . և յաշխատութի միանգամայն և 'ի արամուէ
 սրտին եմուտ 'ի քուն , և ննջեաց ընդ ծառով :
 Այլ անձ կամէր և ևս 'ի կիր առնուլ զծառայն իւր

Հաւատարիմ առ այլ ևս գործս կարեօրս . վասն որոյ առաքեաց զհրեշտակ իւր , որոյ եկեալ խթեաց զնա յառնել և առնուլ կերակուր . զարթեաւ եղիա , և ետես 'ի սնարից իւրոց նկանակ հաճարոյ , և կուժ ջրոյ , զոր հրեշտակն եբեր նմա . յարեաւ եկեր և արբ . այլ վաստակեալ էր յոյժ , և նեղսր . տուժի նորա մեծ , յաղթեցաւ 'ի քնոյ և դարձեալ ննջեաց : Ապա երկրորդ անգամ երևեալ հրեշտակի զարթոյց զնա , և քաջալերեաց ուտել և զօրանալ , զի դեռևս առաջի կայ քեզ ասէ բազում ճանապարհ հատանել . եկեր և արբ , և զնաց զօրու թեամբ հրաշական կերակրոյն սյնորիկ՝ ընդ այն անապատ զքառասուն տիւ և զքառասուն գիշեր . մինչև եհաս 'ի լեռան նոյ 'ի քորեբ . և գտեալ անդ քարանձաւ մի՝ արար զայն իւր տուն . և նստաւ անդ :

Գ Լ : Ժ Ե .

Ասաք Երէնցս հարցանէ զասորիս 'ի հարուածս սասորիս : Ապրեցողացանէ զորդին արեբայ զլեւոփաւոր նոցա ընդ որեւէ հրամանին այ , որ սրուաւ նմա 'ի Յեռն ճարգարէին :

Օայսու ժամանակաւ կայր արասբ 'ի սամարիա 'ի մեծի անձկութե : Վանզի որդին ազերայ արքայ ասորեոց՝ գիտելով , զի յետ երեքամեան սովոյ ոչ կարէր սամարիա քաղաք ունել համբար կերակրոյ բաւական առ երկար ժամանակ , վասն այսորիկ զայն դիպող ժամանակ վարկաւ սաշարել զնա և առնուլ : Սնաց՝ զի զկնի անձրեաց դալարացին գաշտագետինք . և յորժամ ետես զի գաշաք էին բաւական տալ զկարեօր բուտ իւրոց երիվարաց , եհան զբանակ իւր : Այլ նախ առաքեաց

Հրեշտակս առ աքթաբ՝ ասել զնա՝ ՚ի դիմաց իւրոց .
արծաթ քո և ոսկի քո իմ է . և կանայք քո և որ
դիք քո գեղեցիք իմ են : Աքթաբ համարելով զբան
նորա մեծաբանութիւնս իմն՝ ՚ի կորզել ՚ի նմանէ
հարուստ սարդեւս ինչ՝ քան թէ առնել պատե-
րազմ , արար նմա պատասխանի ցածութիւն . ասե-
լով՝ որպէս խօսեցար ինձ արքայ , քո եմ ես , և
ամենայն ինչք իմ են ընդ քոյին հրամանատրու-
թեամբ :

Այլ յետոյ ծանեալ՝ զի ճշմարտութիւն ասէր .
քանզի դարձեալ Հրեշտակաց ՚ի բանակէն՝ ասացին
նմա ՚ի դիմաց որդւոյն ադերայ ասորւոց արքայի ,
՚ի վաղիւ ՚ի սոյն ժամու առաքեցից զծառայս իմ ,
և յուղեսցեն զտուն քո և զտունս ծառայից քոց ,
և զամենայն զոր ինչ գացեն և հաճեսցին , տունու-
ցուն : Այսմ անըմբերելի պահանջման անդիմա-
դարձ հաւանիլ՝ ոչ այլ ինչ էր , քան թէ յառաջ
քան զսկիզբն մարտի՝ ինքնին քանալ զդուռն քա-
ղաքին , և մատնել զնա յաւար թշնամւոյն : Առջեաց
արքայ զամենայն ծերակոյտ երկրին , և առաջի
արար նոցա զպահանջողութիւն արքային ասորւոց .
առ որ ամենեքեան ընդ մի բերան ասացին չսել և
չառնուլ յանձն զայն խայտառակ պայմանադրուի
առանց պատերազմի : Օ այս ընտրեցին այնու խոր-
հրդով , զի թէ և նկուն լինիցին առաջի թշնամեաց ,
որոց բազում էր զօրութիւն յոյժ , և ոչ կարացեն
ապրեցուցանել զինչս , սակայն գէթ զանուն և
զպատիւ իւրեանց մարթացին պահել առաջի ժո-
ղովրդեան , և առաջի արտաքին թագաւորաց :
Աքթաբ ըստ այսմ խորհրդոյ՝ դարձոյց զՀրեշտակս
համեստ պատասխանեալ՝ ասելով , և թէ ինձ քո
արքայ կամիցի շատանալ չափաւոր լին արօք ոսկւոյ
և արծաթոյ , և զբանակ իւր հեռացուցանել , պատ-
րաստ է և արքայն իսրայէլի կատարել զպատուէր
նորա : Ապա և թէ առաւել ինչ խնդրէ՝ մնացէ
առնուլ զայն , յորժամ պատառեսցէ զպատուար
քաղաքիս , և ասորիք լինիցին ՚ի վերայ սարսպաց
նորա :

Որդին աղերայ հաւաստի էր, թէ սամարիա առ նուազութե համբարաց, ոչ կարէր երկար տուկալ պաշարման. գիտէր և զայն թէ բազումք յիւրայելացւոց անցին յերկիրն յուրայ յաղագս կրօնի անձպաշտութե. շատք ևս սիռեցան յայլ և այլ օտար թագաւորութիւնս յերեքամեան սովուն՝ գտանել կերակուր. ուստի և ոչ կարէր աքաաք գունդ կազմել բաւական ՚ի պաշտպանութի սամարիայ քաղաքին ընդդէմ՝ ահեղ զօրութե իւրոյ: Ասան որոյ ակնունելով առանց պատերազմի աւար՝ առնուլ զքաղաքն, առաքեաց երրորդ անգամ հրեշտակս՝ պատուիրելով նոցա բարձրացուցանել զբարբառ սպառնալեաց. զի գիտասցէ և ծանիցէ արքայն իսրայելի, թէ այնչափ են զօրք արքային ասորւոց, զի թէ կամիցի հողակոյտ պատուար կանգնել զսամարեաւ, ոչ բաւեացէ հող նորա, թէ և իւրաքանչիւր ՚ի զօրաց նորա լոկ հետեակաց՝ բռամբ չափ առնուցու: Ասմ այսպէս ասել՝ ոչ բաւեացէ հող երկիրն սամարիայ տանել լոկ զգունդս հետեակաց նորա, թնդ զհեծեալս և զբազմութի կառաց:

Աքաաք դժուարեալ ընդ այսպիսի տարապայման մեծաբանութի որդւոյն աղերայ, արձակեաց զհրեշտակն արհամարհանօք շատ է արդ՝ ասէ. մի պարծեսցի կորն իբրև զուղիզն. իբր ասել՝ չունին ինչ պարծեւ ոչ հզօրն և ոչ տկարն, մինչև իցեն մտեալ ՚ի փորձ. պարտ է նախ մարտնչել, և ապա երգել զյաղթանակ: Աչ պատմէ գիրն զթիւ զօրուն ասորւոց. այլ յայտ է թէ բազում էր յոյժ. թնդ զզօրս երեսուն և երկու թագաւորաց միաբանելոց ընդ նոսա. որք անձամբ առաջնորդէին անցնիւր գնդի իւրում: Որքա թէսկետ թագաւորք կոչին, այլ իրօք ոչ այլ ինչ էին, քան թէ մի մի ինքնագլուխ իշխանք փոքրիկ գաւառաց, ունելով մի, կամ երկու և երիս քաղաքս հանդերձ շրջակայ գիւղօրէիւք. և ամենեքեան էին կարգեալ ՚ի զինուորութի, և թագաւորն զօրագլուխ նոցա: Իբրև լուաւ արքայն ասորւոց զվերջին պատասխանի արքային իսրայելի, և էր ինքն յայնժամ ՚ի գինւոջ ընդ

դաճակից Թագաւորսն յարքունի խորանս իւր ,
հրաման ետ վազվազակի յառաջ խաղալ զօրաց իւ-
րոց , և շինել պատնէշ շուրջ զքաղաքաւն :

Յայսմ անձկութե պահու՝ ետես սքաաբ զար-
դիւնս գործոց ինչ բարեպաշտութե , որով սուղ
ինչ յառաջ փառաւորեաց զձե՝ ՚ի կարմելոս լերին ,
տալով հաւանութի եղիայի կոտորել զամպարիշտ
քուրմս բահաղու , և բազմաց ՚ի ժողովրդէնէ իւր-
մէ դառնալ առ ճմարիտն ձե՝ հարց իւրեանց :
Վ՛անգի տյն ինչ կայր արքայն ՚ի բարձր դիտանոցի ,
և հայեցեալ տեսանէր լի զողութի զանհամար
զօրս Թնամուսն ՚ի գունդս գունդս սփռիլ շուրջ
զքաղաքաւն , և կանգնել պատնէշ աներկիւղ հա-
մարձակութի . (զի չունէր ինքն զօրս բաւական
առ ՚ի զգէմ ունել նոցա , և խափանել ՚ի գործոյն .)
ահա յանկարծակի եկն եկաց առաջի նորա մար-
դարէ՝ ոմն տն , և ասէ ցնա . տեսանէս զայն ամ-
բոխ մեծ և ահարկու . բայց մի ինչ երկնչիցիս , զի
այսպ՛ս ասէ տր . ահա ես մատնեցից զնոսա այսօր
՚ի ձեռս քո , զի գիտասցես Թէ ես եմ տր զօրու-
թեց և Թագաւորութեց : Վ՛սէ արքայ . ի՞նչ կամ
՚ի ձեռն սրոց . ասէ մարդարէն . ՚ի ձեռն ծառայից
դաւառակալ իշխանաց՝ որք գտանին ՚ի քաղաքիս
յայսմիկ . ասէ արքայ . և ո՞նախ գրգռեսցէ զպա-
տերազմն . ասէ մարդարէն . դու , անձամբ առաջ-
նորդ ելով նոցա :

Հրաման ետ արքայ հանդէս առնել ծառայից
իշխանաց դաւառացն . և գտան երկերիւր և երե-
սուն . և հանդէս արարեալ և զօրաց՝ եգիտ զի էին
իբրև եօթն հազար : Վ՛սա զմիջօրէիւ ելին նախ
ծառայք իշխանացն . զօրս տեսեալ ասորւոց՝ աղ-
արարին արքայի իւրեանց որդւոյն ադերայ . և զի
լնդ գինի մտեալ էր և արբեալ ինքն և երեսուն
և երկու Թագաւորքն օգնականք նորա , պարզա-
բար հրաման ետ , զի եթէ՛ ելանիցեն խօսել ՚ի խա-
ղաղութի և եթէ՛ ՚ի պատերազմել , ըմբռնեսցեն
զնոսա կենդանիս , և ածցեն ՚ի խորանն առաջի իւր :
Վայց ծառայք քաաբու քանզի ոչ կամին լինել

անձնատուր 'ի գերութիւն և 'ի շղթայս օտարաց , պատերազմեցան անխորտակելի արութիւն , մինչ զի զամենայն որք միանգամ իշխեցին ընդդէմ կալ նոցա՝ տապաստ արկին 'ի գետին առ ոտիւք իւր . եանց : Իսկ աքաաբ անձամբ յարձակեցաւ 'ի վերայ հեծելազօրուն , և վեր 'ի վայր արար զամենայն բանակ նոցա . և եօթն հազար զօրաւորք իսրայելի զհետ մտեալ փախստելոց՝ հարկանելով և կոտորելով՝ լցին զամենայն վայրս գիւակամբք թշնամեաց : Եւ յնչափ մեծ եղև կոտորած ասորուոց , զի ոչ արկան 'ի թիւ գիւակունք մեռելոց նոցա . այսչափ ինչ և եթ ասէ գիրն . * Եւ եհար (աքաաբ) յասորուոց հարուածս մեծամեծս : Իսկ որդւոյն աղերայ ըստ բախտի յաջողեցաւ գտանել գիւպողութի հեծանել յերիվար և սպրեւ մազապուրծ հանդերձ երիւք ոմամբք հեծելովք : Ըստ նմին օրինակի և դաշնակից թագաւորք փախստեամբ ասրեցուցին զանձինս . և զերիվարս և զկառս և զամենայն կահս և զկարասիս բանակի նոցա ժառանգեցին իսրայելացիք : Համօրէն սամարիա տօն ցնծութե կատարեր ընդ այս սքանչելի յաղթութի . և մարգարէն՝ որ գուշակեաց զայն , եկեալ 'ի խնդակցութի արքայի , ասէ ցնա . զօրացիր , բայց սրատրանս լեր , զի որդին աղերայ խորհի անդրէն կազմել բանակ , և 'ի դարձի տարւոյս այսորիկ տեսցես զնա վերստին ելելալ 'ի վերայ քո :

Յետ մեծի պարտութեանն նախագրելոյ՝ մնացորդք ասորուոց գումարեցան 'ի դամասկոս . և արար անդ որդին աղերայ ժողով վասն պատերազմի . ուր երեք ինչ հաստատեցան : Եւ յախ՝ ոչ և ստալ պատերազմ ընդ իսրայելացիս 'ի լեւնային վայրս , սյլ 'ի դաշտս . զի նձն իսրայելի զօրաւոր է ասէն 'ի լերինս , քանցի նձ լերանց է , և ոչ է նձ դաշտաց , և այնպէս յաղթեմք նոցա 'ի դիւրի : Եւ յս հայհոյութի , զոր հաստատեցին իբրև առաջին սկիզբն խորհրդոյ իւրեանց , եղև նոցա 'ի չարագոյն կործանումն քան զառաջինն . զի կամեցաւ նձ ցուցանել թէ ամենակարօղ է յամենայն տե .

ղիս . և վասն այսորիկ մարգարէն խոստացաւ ա-
բաբու յանուն այ և զերկրորդ յաղթուած իւնն :
Երկրորդ սկիզբն՝ զոր հաստատեցին ՚ի խորհրդեան
անդ , եղև՝ փութով զօրածողով լինել փոխանակ
անկելոց ՚ի պատերազմին յայնմիկ , և կազմել բա-
նակ հաւասար առաջնոյն . և այնպէս լրումն զօրուն
յայնչափ սուղ ժամանակի ոչ սակաւ ահ արկանի-
ցէ թշնամւոյն : Իսկ երրորդ սկիզբն եղև՝ ՚ի բաց
հանել ՚ի բանակէ զամենայն դաշնակից թաղաւորս ,
զի բազմութի հրամայողաց խանգարիչ է կարգի
զօրուն : Բայն զի դաշնակցաց առաւել փոյթայն է ,
պահել անշնաս զօրս իւրեանց՝ քան առնել յաղ-
թութի վասն օտարին : Այ ցանկան նոքա անկել-
ծութի սրտի զօրանալ թաղաւորի կարողագունի
քան զինքեանս , որ մօտ իցէ նոցա , զի կարէ յա-
ւուր միում դառնալ ՚ի թշնամութի : Ասն որոյ
թէպէտ և նիզակակից իցեն , սակայն ոչ այնչափ
ինչ արտմին ընդ պարտութի դաշնակցին . զի որ-
չափ խոնարհեալ իցէ նա , նոյնչափ ապահովութի
նոցա զօրանայ : Ամին իրի ասեն , թող տայցեն թա-
ղաւորք զօրս , և ինքեանք նստիցին ՚ի քաղաքս իւր-
եանց . և փոխանակ նոցա կարգեսցին ՚ի վերայ զօ-
րաց նոցա քաջ և փորձ զօրագլուխք , որք զակնար-
կութի քումմէ անքայ կախեալ կայցեն : Յայս
կնքեցաւ բան խորհրդոյ նոցա :

Բայա ՚ի դառնալ տարւոյն՝ ասէ գիրն , հանդէս
արար որդին ադերայ՝ ասորւոց , և ել յափեկայ ՚ի
պատերազմ ընդ իսրայելի : Յայսմանէ երևի թէ-
զօրքն օգնականք չև էին հասեալ . թերևս յամեցին
տեսանել , թէ զիարդ և սէր ունին ասորիք ուղղել
զբանակ իւրեանց՝ յառաջ քան զժամանել նոցա :
Օայս թուի ակնարկէլ և կալ մնալն ասորւոց
ղեօթն օր յանդիման ճակատուն իսրայելի առանց
՚ի մարտ ձեռնարկելոյ , զի գուցէ մնային հասանե-
լոյ օգնականացն : Բայ զիարդ և իցէ , այս յայտ-
նի է , զի որդին ադերայ ունէր ընդ իւր հարիւր
և քսան և եօթն հազար և փոքր ինչ աւելի մարտ-
կաց՝ ընդ հեռակակ , և ընդ հեծեալ . որք անհամե-

մատ առաւելուք բազում էին քան զզօրս իսրայէլ-
 լացւոց։ Այս զինի աւուրց եօթանց կալոյ անշարժ
 երկուց ճակատուց հանդէս իրերաց՝ իբր երկու
 երամակս այժից, յաւուր ութերորդի եկն այրն
 ան, և ասէ ցաքաաք. այսպէս սսէ ան. փոխանակ
 զի ասացին ասորիքն, թէ ան լերանց է ան ան
 իսրայէլի, և ոչ ան դաշտաց, նա տայ՝ զզօրն
 զայն մեծ ՚ի ձեռս քս. և գիտացեն թէ էս էմ
 ան։ Յայսմանէ խրախուսեալ զօրաց իսրայէլի՝ բա-
 ժանեցան յերկուս առաջս. և յարձակեալ գաղա-
 նաքար՝ մխեցան ՚ի զօրսն ասորուց. և յաջ և յա-
 հեակ կոտորեալ տապաստ արկին յաւուր յայնմիկ
 ՚ի դաշտի անդ հարիւր հազար հետեակաց. իսկ
 այլք փախուցեալ մտին ամբանալ ՚ի յափեկա քա-
 ղաք իւրեանց. բայց և անդ ոչ զերծան ՚ի ձեռանէ
 ան զոր հայհոյեցին. զի անկաւ պարիսպ քաղաքին,
 և ծածկեաց ընդ աւերակօք քսան և եօթն հազար
 արանց փախուցելոց ՚ի պատերազմէն։ Աժուարին
 է մեկնել թէ զիարդ մարթ էր լոկ պարսպաց կոր-
 ծանմամբ՝ այնչափ հազարաւոր զինուորաց կորնչիլ
 ընդ փլատակօք. եթէ ոչ ասացուք ըստ ոմանց,
 թէ փախուցեալ նոցա ՚ի քաղաք անդր, ՚ի գունդս
 գունդս բաժանեցան ըստ զինուորական օրինաց ՚ի
 յարկածածուկ ճանապարհս գործեալս զստորոտով
 պարսպաց առ ափամբք շրջապատ իրամոյ, թերեւս
 առ ՚ի պաշտպանել անտի զքաղաքն. և ան սքանչե-
 լեօք կործանեաց ՚ի վերայ նոցա զպարիսպն։

Յափեկա էր քաղաք ամուր ՚ի ծագ սահմանաց
 մանասի ՚ի ցեղին իսաքարու հուպ յընդարձակ
 դաշտավայրս յեզրայէլի ուր հարան ասորիք. յա-
 ռաջն էր ՚ի ձեռս իսրայէլացւոց. այլ յետոյ առին
 զնա ասորիք՝ թերեւս յաւուրս բտասոյ իսրայէլաց-
 լոց արքայի. և որդին աղերոյ արար զնա քաղաք
 զինուց։ Անդ եղև ապաստան և նա ինքն որդին
 աղերայ՝ մազապուրծ փախուցեալ ՚ի սրոյ իսրայէ-
 լացւոց. բայց և անդ ոչ վստահացեալ կալ յայտ-
 նի, լի ամօթով և գողութիւն էմուտ թաքեալ յան-
 յայտ խորշ մի տան իւրոյ։ Աորհուրդ կալաւ ընդ

սակաւուց ոմանց յիշխանաց իւրոց, որք չէին մը-
տեալ 'ի պատերազմ, [Թէ զհարգ մարթասցին ելս
ինչ գտանել այնմ յետին անձկութե : Ատուն նու
քա խորհուրդ և ասեն . մի միայն հնար այս է ,
հայցել զողորմութի . զի [Թագաւորք տանն իսրայի-
լի ողորմած են և յօժարամիտ 'ի գ[Թութի առ օտար
ազդս . այլ հարկ է սունել զայս խնդրուած ամե-
նայն ցածուց [Թք և նուաստութք : Առ նոյն ժամայն
գլխաւորք 'ի նոցանէ զգեցան քուրձս զմիջով , և
արկին չուանս զպարանոցաւ . և այնպէս 'ի ձե մե-
ղապարտ զղջաւորաց մատեան իբրև աղաչաւորք 'ի
դիմաց արքայի իւրեանց առ արաբ , և խնդրեցին
չնորհել նմա զկեանս : Աքաաբ որ համարէր [Թէ մե-
ուեալ իցէ նա , ուրախ եղև 'ի լսել զկենդանութի
նորա՝ հանդերձ առատամիտ խոստմամբ . ե[Թէ տա
կաւին կենդանի իցէ ասէ , եղբայր իմ է . զոր
արքն գուշակ բարեյաջող համարեալ առին զբանն
'ի բերանոց նորա , զայն՝ զոր ասաց , [Թէ եղբայր
իմ է . և զնոյն կրկնեցին խկոյն ասելով , եղբայր
քո որդի աղերայ աստէ . և առժամայն ըստ հրա-
մանի նորա ածին զնա : Առ արաբ տուաւ քան
զարժանն գերեալ [Թագաւորի՝ առ ընկալաւ զնա
պատուով 'ի կառս իւր յանդիման յաղթական զօ-
րուն իւրոյ : Այնժամ որդին աղերայ ուխտ իւր
զաղութե հաստատեաց ընդ արաբու վասն աշա-
տութե իւրոյ , զոր և ընկալաւ հանդերձ երիւք
սրայմանօք : Ախ՝ զի դարձուցէ առ արաբ զա-
մենայն քաղաքս , և զաւանս , և զամրոցս՝ զորս հայր
նորա առաջին որդին աղերայ էառ 'ի [Թագաւորաց
իսրայիլի առ բասաւ արքայիւ , որպէս յառաջա-
գոյն պատմեցաք : Արկրորդ՝ զի ոչ և ս առնուցու
զէն ընդգէմ իսրայիլի , այլ կայցէ միշտ խաղաղու-
թք ընդ նմա : Առ երրորդ՝ զի տայցէ վաճառաւիա-
նաց իսրայիլացւոց ազատութի շահաւաճառ լինել
'ի դամասկոս , սահմանեալ նոցա անդ հրապարակ
կամ վաճառաատեղի , ուր ունիցին կրպակս և շտե-
մարանս սեպհակեանս վասն աղխամաղխից իւրեանց .
զորօրինակ առ հարբ իւրով ունէին ասորիք 'ի սա

մարիա : Մնդ այսպիսի խոսամամբք , զոր Երդմամբ
հաստատեաց որդին աղերայ , բայց ոչ պահեաց ,
որպէս տեսցուք ստորև , արձակեաց զնա աքաաբ
խաղաղութեամբ :

ՄԺ ԿՆԻՆՆԱՆԻ
արձակեցաւ այրն մահապարտ յաղաքս սարսափելի
հայհոյութիւն իւրոյ առ ԿՆԻՆՆԱՆԻ : ՄԺ ԿՆԻՆՆԱՆԻ
աքաաբու էր ՚ի պահասութիւն արդարութեան նորա ,
և ՚ի չունելոյ ՚ի սրաի իւրում զնախանձ փառաց
մոն ան իւրոյ : Արմեցաւ աքաաբ պահել զանխոր
հուրդ խոստումն իւր . և ԿՆԻՆՆԱՆԻ ուսուցաւ
նել իշխանաց , թէ ուր լինի զանցումն արդարու
թէ , չէ պարտ պահել զխոստումն անխորհրդաբար
արարեալ . չունին ինչ ամաչել իշխանք խոստովան
լինել՝ Եթէ մարդիկ են սխալական . փառք նոցա
այն է , ցուցանել զանձինս արդարադատս և իրա
ւասէրս , եղծանելով զխոստումն անխոհեմ , յոր
ժամ հարկաւոր է վասն պահելոյ զիրաւունս , և
զփառս ան , և զբարին ժողովրդեան : Ասն այսու
րիկ վաղվաղակի առաքեաց ԿՆԻՆՆԱՆԻ աքաաբու կշտամ
բանս խիստս ՚ի ձեռն մարդարելին իւրոյ : Աս ըստ
հրամանի մոն , ասաց ցընկեր իւր . հար զիս . իսկ
նա ոչ գիտելով զխորհուրդ մարդարելին յայն օտար
հրաման , ոչ անսաց նմա , և ոչ եհար . յայնժամ
ասաց ցնա մարդարելն , փոխանակ զի ոչ լուար ձայ
նի մոն , ահա իբրև գնասցես յիննն , սպանցէ զքեզ
առիւծ . որ և վաղվաղակի կատարեցաւ ըստ բանի
մարդարելին : Մպա եգիտ այլ այր , և զնոյն հրա
մայեաց նմա . իսկ նա ուսեալ յորինակէ առաջնոյն՝
ձգեաց համարձակ զձեռն , եհար զնա ուժգին և
վիրաւորեաց : Ալ կապեալ մարդարելին պատանաւ
զաչս իւր . կամ ըստ այլ թարգմանութեց արկեալ
փոշի յոյժ յաչս և յերեսս , առ ՚ի չլինել ծանու
ցեալ ՚ի սկզբանն , չոգաւ ընդ առաջ աքաաբու ՚ի
ճանապարհին , մինչ դառնայր ՚ի սամարիա . և կեղ
ծեալ զանձն իբրև զմի ՚ի վնասուորաց՝ աղաղակեաց
առ արքայ , և ասէ . ահա ոմն ած առ իս զայր որ
և ասէ , պահեա՛ զայրդ զայդ . ապա թէ զերձանն .

լով զէրծցի, եղիցի անձն քո ընդ անձին դորա, կամ տաղանդ մի արծաթոյ կշռեսցես. և եղև մինչ ծառայ քո այսր անդր հայեր, և նա չէր ուրեք: Ասէ արքայն իսրայելի ցնա. ահա և այդ յինն կողմանէ դաւ է. սպաներ ուրեմն. այս է՝ ըստ այլ թարգմանութեց, ահա զդատակնիք քո դու ետուր առաջի իմ. իբր ասել՝ քո է փնասն, զոր քեզէն խոստովան լինիս, ապա անձն քո եղիցի փոխանակ անձին փախուցելոյ: Աստ արար մարգարէն ըստ օրինակի նաթանայ առ դաւիթ, կամեցեալ ՚ի բերանոյ նորին արաաբու առնուլ զդատակնիքն: Յայնժամ ՚ի բաց առեալ մարգարէին զպատանս յաչաց, (որով ծանեաւ զնա արքայ՝ եթէ ՚ի մարգարէից է,) և բարձրացուցեալ զբարբառ իւր՝ ասէ. Այն անձն իմ՝ արքայ, ո՛չ, այլ քոյդ անձն եղիցի փոխանակ անձին որդւոյն ադերայ. զի արձակեցեր զայրն փնասապարտ ՚ի ձեռաց քոց: Այն սաւա նա նա ՚ի քէն, դու սպանցիս փոխանակ նորա. ո՛չ դիտացեր քաղել զստուղ յաղթութեդ մեծի ընդդէմ ժողովրդեան նորա. ժողովուրդ նորա եղիցի հարուած ժողովրդեան քո: Արքայն՝ որ ակն ունէր խնդակցութե և ոչ կշտամբանաց, խռովեցաւ. և ոչ ևս կամեցեալ ունկն դնել, եթող զնա անդ, և զնաց տխրեալ և լքեալ ՚ի տուն իւր ՚ի սամարիա:

Սահ նախալևայ. և յափշտակութիւն այգետոյ նորա : Եւ յալեա .
 և յալեակէ :

Սյաչափ խրատք և սպառնալիք մնորդարեից ,
 այսչափ հրաշալի յաղթութիւնք ընդդէմ ասորւոց
 պարգևեալք 'ի նոնէ աքաաբու , շատ էին արդեօք
 'ի զգաստութիւն անէլ զնա : Սյլ էթէ գէպ լինէր
 նմա երբեմն բարի ինչ խորհուրդ յղանալ , և 'ի
 դարձ առ նոր նծ իւր յօժարամտել , շատ էր մի
 կամ երկու անգամ խօսել ընդ յեզարեւայ կնոջ
 իւրում , առ 'ի նոյն հետայն յառաջին մնորութիւն
 անդր դարձ առնել : Պարտ է խոստովան լինել ,
 թէ աքաաբ ըստ իւրումն բուսոյ բարուց յաւետ 'ի
 բարի էր յօժարեալ . այլ արար զնա չար յեզարեւ
 կին արիւնըռուշտ , անդութ , և կռամոլ . որ առ
 տարասոյման մեղկութեւն աքաայի առն իւրոյ՝ տի-
 բապետեալ էր 'ի վերայ նորա , և վարէր զնա իբրև
 արծաթաղին գերի յամենայն ապիրատութիւն : * Ս
 զուր՝ (ասէ զիւրն) մեծամտեաց աքաաբ առնել չար
 առաջի նոն , որպէս յիմարեցոյց զնա յեզարեւ կին
 նորա ॥ . Գ . Բափ . Ի . 25 : Բէր 'ի վուրկազայն ա-
 սի . * Սէ եղև այլ ռք այնպիսի՝ որպէս զսքաաբ , որ
 վաճառեցաւ , զի արասցէ չար առաջի նոն . զի գր-
 գուեաց զնա յեզարեւ կին նորա ॥ : Սյապիսի մեղ-
 կութիւն տանու նոն յառանձին տունս մնաս մեծ բե-
 ըն ընչից և որդւոց . իսկ 'ի թագաւորութիւն խոչ
 մեծ է արդարութեւն , և ժողովրդեան : Սնմեզք
 դատապարտին , և անարժանք վերառեալ լինին 'ի
 պատիւ , յորժամ արդարութիւն և անիրաւութիւն՝
 վարձք և պատիժ արքայական թողեալ է 'ի կամս
 կնոջ : Սնտի և սյայտ է , թէ աքաաբ բնութիւն էր
 անորորմ , իբր զի այնչափ խիստ կշտամբանս . և

սպառնալիս լուեալ 'ի մարգարէից , [Թէպէտ բարկանայր , Թէպէտ ատեայր զնոսա , բայց սանձէր զյարձակումն ցասման և ատելուԹԷ , զի ոչ երբէք ետ հրաման մահու մարգարէի ումեք . առ որ միշտ ինքնաշարժ էր յեզաբէլ : ՎԹոտ բնաւորութիւնս արատաւ , և դազանամիտ բարք յեզաբէլայ յայտնատեսիլ երևեցաւ 'ի մահունն նաբովԹայ :

Մքտաբ յետ հաստատելոյ խողազուԹիւնն ընդասորոց , ետ զանձն 'ի զարդարել և 'ի վայելչացուցանել զգեօղն իւր , որ էր 'ի ձորն յեզրայիլի . զիրք տեղւոյն վայելուչ էր և զուարճալի . ունելով 'ի մի կողմն բլուրս դալարագեղս . իսկ 'ի միւս կողմն դիւր դաշտավայր արդաւանդահող : Առուցեալ էր անդ արատաւ մեծաշէն տուն 'ի պէտս զթօսանաց , ուր էր նորա ագարակ և կալ . և զի 'ի մի կողմն էր նորա տնկեալ պարտէզ ծաղկանց , կամէր և 'ի միւս կողմն առնել պարտէզ բանջարոյ . այլ անդ մերձ 'ի կալն , կամ 'ի տունն արքայի , էր այգի մի նաբովԹայ առն յեզրայիլացոյ . յորմէ կաւմեցաւ արատաւ առնուլ զտեղին , տալով նմա փոխանակ զայլ այգի մեծ և լաւ քան զնա . և կամ արծաթ 'ի գին այգւոյն , եթէ այնպէս հաճոյ իցէ նմա : ՄԼ նաբովԹ յուշ ածեալ զհրամանն տն , զոր պատուիրեաց 'ի ձեռն մովսիսի չվաճառել զերկիր 'ի մշտնջենաւորս . զԿ . ԸԷ . 23 . և լուսնելով յայնժամ նաբովԹայ կարիս ինչ , յոյր սակս և եթմարթ էր ըստ օրինաց վաճառել , բայց և այն՝ մինչև ցամն յօբելեան . յորում ամի պարտ էր երկրին անդրէն յառաջին տր իւր դառնալ . և գիտելով նաբովԹայ՝ զի [Թէ այգին իւր միանգամ անկցի 'ի ձեռս արքայի , այնուհետև ոչ ևս ունի դառնալ առ նա և ոչ իսկ 'ի յօբելեան ամի . վասն այնորիկ բացէ 'ի բաց հրաժարեցաւ տալ զայգի իւր՝ ոչ փոխանակաւ և ոչ գնոց արծաթոյ : * Վաւ լիցի ինձ ասէ յոյ իմմէ՝ տալ քեզ զժառանգութիւն հարց իմոց ॥ :

Ինդ այս համարձակ յուսակտուր պատասխանի՝ այնպէս խռովեցաւ արատաւ , մինչ զի առ դառնու-

Թէ սրտին՝ եկեալ ՚ի տուն անկաւ ՚ի մահիձս անկերակուր՝ հիւանդացեալ լիկ ՚ի բարկուածէն . այլ բարկուածի նորա առնէր չար անձին իւրոյ և եթ , զի նա ոչ խորհէր առնուլ վրէժ ՚ի նաբովթայ վասն այնր համարձակ պատասխանելոյ . և եթէ չէր իմացեալ յեզաբելայ զգիպուածն , անարիւն վճարէր ամենայն ինչ : Այլ մտեալ նորա առ աքաբ , և իմացեալ ՚ի նմանէ զգիպուածն՝ զի պատմեաց նմա զամենայն , բարձրացոյց կինն ապարասան զբարբառ իւր , և ասէ . այդպիսի իշխանութի վարիցես ըզթագաւորութիդ ՚ի վերայ ի սրայելի . արի կէր հաց և սթափեաց , և ես տաց քեզ զայդին նաբովթայ : Վրեաց վաղվաղակի հրովարտակ յանուն աքաբու , և կնքեալ մատանեաւ նորա՝ առաքեաց առ ոմանս ՚ի գլխաւորաց քաղաքին յեզրայելի , զորս ինքն քաջ գիտէր թէ ոյք ոմանք իցեն : Այլ բան հրովարտակին այս էր , կարգեցէք պահս , և նրս տուցէք զնաբովթ ՚ի գլուխ ժողովրդեան . և ըստ զինուորական օրինի քննութի արարէք վասն յանցաւորութե նորա , որպէս թէ հայհոյեալ իցէ նորա զսծ և զարբայ . և նստուցէք հանդէպ նորա երկուս արս որդիս անօրինաց , որք ոչինչ խզճիցեն սուտ երդնուլ ՚ի դատաստանի , և վկայել վասն հայհոյութեն նաբովթայ . և հանեալ զնա արտաքոյ քաղաքին՝ քարկոծ արասցէ զնա ժողովուրդն , և մեռցի : Արարին նոքա ըստ ամենայն բանի հրովարտակին . և ծանուցին յեզաբելայ , թէ մեռաւ նաբովթ և ընդ նմա ամենայն որդիք նորա . Գ . Խ . Գ . Բ . 26 . իբրև հայհոյիչ այ և ապստամբ յարքայէ . և այգին մնաց անաերունչ : Այնժամ ասաց յեզաբել զաքաբ , արդ արի և ժառանգեալ զայգին նաբովթայ յեզրայելացելոյ . զի ոչ ևս է նա կենդանի : Վրեւ լուաւ աքաբ թէ մեռաւ նաբովթ , մուացեալ զիւրն դառնութի , պատառեաց զհանդերձս իւր , և քուրճ զգեցաւ . և յետ այնուրիկ յարեաւ և էջ յայգին նաբովթայ ժառանգել զնա : Այս պատառումն հանդերձից , և քուրճ զգենուլ աքաբու ՚ի լուր մահուն նաբովթայ չիք

յայժ մնա բնազրի եբրայեցւոց , և ոչ յայլ թարգմանութիս՝ բայց յեօթանասնից :

Սինչդեռ այսորիկ իրազործէին յերկրին իսրայէլի , մարդարէն եղիա նստեր ՚ի լեառն քորեւբայ՝ առանձնացեալ յայրի յաջէն յեղաբելայ : Աւաճա ձայն ան եղև առ նա և ասէ , զի՞ ես աստ դու եղիա . իբր ասել , ընդէ՞ր նստիս դու աստ անդործ : Ատ պատասխանի եղիա թախծազին , և ասէ , նախանձ քո վարեաց զիս առ չժուժելոյ իմ տեսանել զուխտ քո առ ոտս հարեալ , զսեղանս քո կործանեալ , և զժողովուրդ քո զիսրայէլ յամենայն ամալարշտութիս ընկղմեալ . և զմարդարէս քո կոտորեալ , մինչև շինալ ուրուք ՚ի նոցանէ՛ բայց յինէն միայնոյ . իսկ այժմ՝ և զիս ինդրեն սպանա նել : Աւ կամեցեալ ան միթիթարել զծառայն իւր վշտահար՝ յայանութի՞ փառաց անձութե՛ իւրոյ , որպէս երբեմն յայտնեցաւ մովսիսի ՚ի նմին լերին , միանգամայն և խորհրդաւոր նշանօք տալ նմա զկարեւոր ուսումն ինչ , թէ զիարդ ունի վարիլ ՚ի գործս ան , առաց յնա՝ ՚ի վաղիւ ելանել և կալ ՚ի լերին անդ , զի հանդերձեալ է ցուցանել նմա զփառս իւր : Աւ աճա յեղափարծումն ել հողմ՝ ուժգին բաւական զլերինս քակելոյ և զվէմս խորտակելոյ իբր յառաջընթաց կարապետ ան . այլ ան ոչ էր ՚ի հողմն . և յետ հողմնայն եղև շարժումն երկրի սաստիկ , և ոչ ՚ի շարժմանն ան . և յետ շարժմանն հուր բորբոքեալ , բայց և ոչ ՚ի հուրն ան . հուսկ յետոյ եղև ձայն մեղմոյ օդոյ . զոր իբրև լուաւ եղիա՝ յաջէ փառաց մեծ վայելութեան ան պատկառեալ , ծածկեաց զերեսս իւր մաշկեկաւն , և ել եկաց ՚ի դուրս այրին , զի գիտաց թէ՛ անդ է ան :

Սովին հրաշալի տեսեամք բայց ՚ի միթիթարելոյ ան զծառայն իւր , ուսոյց նմա մեղմել և բարեխառնել զկարի յարձակումն նախանձուն իւրոյ . ցուցեալ թէ՛ զոր օրինակ ինքն ան գոլով ամենայն տարերց՝ կարող է ՚ի քթթեւ ահան քակել խորտակել և շանթահար կորուսանել զամենայն մե.

զաւորս, այլ երկայնամիտ լինի առ նոսա, մնալով
ասպաշխարութե նոցա. նոյնգունակ արասցէ և
նա. գոչեացէ, դողացուցէ, այրեսցէ բանիւ. այլ
յեա այնորիկ մխիթարեսցէ քաղցրութիւն, մինչև
ածիցէ յուղղութիւն: Այս տեսիլ ցուցանէ և զխտիր
որ 'ի մէջ մոլորիսեան և աւետարանական օրինաց.
զառաջինն օրինակեալ 'ի հողմ, 'ի շարժումն և 'ի
հուր. իսկ զերկրորդն 'ի յօդ մեղմ քաղցրասիգ:
Աւնի և այլ խորհուրդս խորինս, զոր ոչ ներէ տե-
ղիս յառաջ բերել:

Օ կնի տեսլեանս երկրորդ անգամ եղև բար-
բառ առ եղիա, զի՞ ես աստ դու է՞ղիա. իսկ նա
կրկնեաց զառաջին գանգատ իւր: Այլ անձ կամե-
ցեալ մխիթարել զնա, զի մի կարծիցէ թէ ինքն
միայն մնացեալ է հաւատարիմ առ նա, ունիմ ասէ
յիսրայէլի եօթն հազար այր, որք ոչ պաշտեցին
ոչ զբահաղ, և ոչ զսիսիւզն որթս յերթովամայ:
Ամանք զայս թիւ իմանան փոխանակ անորոշ բազ-
մութե. այլք ճշտիւ առնուն, իբր թէ յայն ան-
թիւ անհամար բազմութե իսրայէլացոց հազիւ
եօթն հազարք գտանելին ճշմարիտ անձապաշտք:
Ապա ետ անձ եղիայի 'ի լեւին անգ երիս պատ-
ուէրս. յորոց զմին ինքն անձամբ կատարելոց էր,
և զերկուսն 'ի ձեռն եղիսէի: Այն զոր ինքնին ու-
նէր կատարել, էր օժանել 'ի մարգարէ զեղիսէի
որդի սափատայ յաբէլմաուլայ քաղաքէ, ոչ կարի
ինչ հեռի 'ի յորդանանէ յաջակողմն նորա 'ի ցեղին
մանասէի: Արդ էջ եղիա 'ի լեւնէ անտի, և ճա-
նապարհ արարեալ ընդ անապատն՝ գնաց յարեւմա-
ուլա. և եգիտ անգ զեղիսէի, զի վարէր զերկիր
երկոտասան եզամբք: Աւր կարծի ցուցանել գիրն՝
թէ ինքն միայն էր յայն գործ. որ գժուարին եր-
ևի՛ առն միոյ արօրադրել վէց զոյգ եզամբք առանց
եզոզի. թէպէտ են որք ասեն թէ այնպէս քաջ
կրթեալ էր նա զեղինսն, զի բոտ ձայնի նորա եր-
թային, և զտեղի առնուին, և դառնային ընդ որ
կոյս կամէր՝ առանց վարողի և առանց խթանի-
որով 'ի գործ այնր նուաստ վիճակի իւրոյ երևե.

ցուցանէր հանձար մեծ և խոհանարութիւն արժանի բարձրագոյն վիճակի :

Ապա մերձեցեալ եղիայի առ նա , ընկէց զմաշկեակն իւր 'ի վերայ նորա . յորմէ իմացեալ եղիսէի՝ եթէ անձ կուէ զնա ոչ ևս 'ի մշակութիւն երկրի , այլ սրտից մարդկան , եթող առժամայն զեզինս և զարօր , և ընթացաւ զհետ եղիայի . զայս միայն խնդրեաց՝ թոյլ տալ նմա երթալ հրաժարել 'ի հօրէ և 'ի մօրէ իւրմէ՝ տալով նոցա զվերջին համբոյր հրաժարական . և եղիա եթող առնել զոր խնդրէր : Իսկ նա 'ի նշան յօժարամիտ հրաժարելոյ 'ի հայրենի տանէ իւրմէ՝ եզեն երկու եզինս և փոխանակ փայտի՝ կոտորեալ զարօր և զայլ գործիս եզանցն , զի ցուցցէ՝ թէ ոչ ևս կամի արկանել զձեռն զմաձով , խորովեաց զզենիսն , և արար սեղան ազգականաց և բարեկամաց իւրոց , և թողեալ զնոսս՝ գնաց զհետ եղիայի . և եկաց առ նմա իբրև աշակերտ , իբրև ընկեր , և իբրև սպասաւոր : Իսկ այլ երկու պատուէրք՝ զոր ասացաք թէ ետ անք եղիայի , էին օժանել զազայել 'ի թաղաւոր ասորւոց . և զյու որդի ամեստեայ 'ի թաղաւոր 'ի վերայ իսրայէլի : Այլ զայսոսիկ եղիսէի հանդերձեալ էր կատարել . որպէս ունիմք պատմել յիւրում տեղոջ : Արդ զարձցուք 'ի կարգ պատմութեն աքաբու :

Աղիա ժամանակաւ ինչ յառաջ քան զանիրաւ քարկոծումն նաբովթայ՝ եկեալ էր յերկիրն իսրայէլի . և էր յայնժամ կամ 'ի կարմելոս , կամ յայլ ինչ տեղի , ոչ կարի 'ի բացեայ 'ի սամարիայ . ուր խօսեցաւ անք ընդ նմա , առաքելով զնա ընդ առաջ աքաբու՝ մինչ երթայր մտանել յանիրաւ ժառանգութիւն այդւոյն նաբովթայ , զնելով միանգամայն 'ի բերան նորա թէ զինչ խօսիցի առ նա : Արդ՝ եկն եղիա և եկաց առաջի կառացն աքաբու . և փոխանակ ողջոյն տալոյ նմա որպէս թաղաւորի՝ խօսի առ նա խստութիւն , և ասէ . սրբայ անիրաւութիւն սպաներ , և անիրաւութիւն երթաս ժառանգել : Արդ ծանիբ և 'ի միտ ան , զի 'ի տեղոջ

ուր լափեցին շունք և խողք զարինն նաբովձայ,
անդ լափեցեն զարինն քո: Աքաաբ զաՏի հարաւ
'ի մարգարէէն. վասն զի սքք որք աւ ձեռն ունին
զհրաշագործութիս, ահաւոր են և թագաւորաց,
վասն այնորիկ թէթե գժկամահուք ասաց, եթէ
զտէր զիս թշնամիդ իմ. (այսպէս է և յերբայա-
հանն. այլ ըստ վուկհադային ասի. եթէ զտէր
զիս թշնամի քեզ:) Ասէ եղիա, գտի. զի 'ի զուր
հպարտացար (կամ ըստ այլոց, վաճառեցար կամ
վաճառեցեր զանձն քո) գործել չար առաջի նոն
առ 'ի բարկացուցանելոյ զնա. բայց նձ գոր բար-
կացուցեր, ասէ քեզ բերանով իմով, թէ սատա-
կեացէ և եղծանիցէ իսպառ զտերունդ քո, մինչ
չթողուլ և ոչ մի. և արասցէ զտուն քո իբրև
զտունն յերթովամու որդւոյ նաբատայ. և իբրև
զտունն բասայ որդւոյ աքիայ, վասն բարկուեցն՝
որով բարկացուցին զնա: Աւ ոչ յեղաբէլ ապրես-
ցի 'ի բարկութէ նոն, զի և նա կին յանդուզն,
ամպարիշտ և արեանարբու՝ եղիցի կերակուր շանց
առ սարսպին յեղրայելի: Ապառնալիք եղիցի այս
անգամ ազգեցին 'ի սիրտ ուքաաբու. սորջացաւ և
ակնկորեաց յերեսաց նոն, և երթայր լալով. պա-
տառեաց զպատմուճան իւր, զգեցաւ քուրձ 'ի վե-
րայ մարմնոյ իւրոյ, սահեաց և խոնարհեցաւ, և
զնայր կորակոր առաջի ժողովրդեան: Այս գարձ
և ապաշաւ թէպէտ կարճատև գտաւ, բայց ոչ ան-
գործ. վասն այնորիկ գթացեալ 'ի նա սյ՝ յամե-
ցոյց և մեղմեաց զպատիժն, փոխադրելով 'ի գլուխ
ամպարիշտ որդւոյն զմեծագոյն մասն սպառնա-
լեաց, որք հանդերձեալ էին անկանիլ 'ի վերայ
գլխոյ ամպարիշտ հօրն. * Տեսեր՝ (ասէ նոր ցե-
ղիա), զի սորջացաւ աքաաբ յերեսաց իմոց. փոխա-
նակ զի ակնկորեաց յերեսաց իմոց, ոչ ածից չարիս
յաւուրս նորա. այլ յաւուրս որդւոյ նորա ածից
չարիս 'ի վերայ տան նորա ॥:

ԳԼ ԺԷ

Ըստ աստիճանի իւր յօֆնուակնի զՅովնաթամար արտայ յուրայ՝ յարձակի ՚ի մարտ ընդդէմ ասորւոց . ուր մեռանի արաաբ . և յովնաթամար մտապարտ զԷրծանի :

Յետ այսորիկ իբր զամս երիս նստաւ արաաբ Տանդարտեալ, չունելով պատերազմ ընդ ասորիս, թէպէտ և ունէր պատճառ : Վրանդի որդին աղերայ ստեաց դաշնագրուէն, զոր արար ընդ արաաբու վասն ազատութե իւրոյ . որպէս տեսաք վերագոյն . զի մին ՚ի գլխաւոր քաղաքաց իսրայելի, զոր հայր նորա առեալ էր ՚ի ձեռաց իսրայելացւոց . և զոր ըստ դաշինն պարտական էր դարձուցանել անդրէն՝ էր ռամովթ յերկրին գաղապու քաղաք ամուր՝ նախապարիսպ իսրայելի յայնկոյս յորդանա . նու ընդդէմ ամոնացւոց, ըսյց նա ոչ դարձոյց : Յայն երիս ամս բազում անգամ խաղաղական պատգամաւորութի ստիպեաց զնա արաաբ ՚ի կատարումն դաշնագրուութենն . այլ հուսկ յետոյ իբրև ետես՝ զի ընդունայն եղեն ամենայն պատգամաւորութիբ իւր, հարկեցաւ եղծանել զխաղաղութի որ ընդ նմա, և պատերազմաւ ելանել ՚ի վերայ նորա՝ մինչև իցէ լցուցեալ զպակասութի առաջին հարուածոց և զօրացեալ : Այն զի ակնունէր արաաբ հեշտեաւ ձգել յիւր օգնութի և զյովսափատ արքայ յուգայ . որ բազում ամօք յառաջ էր խաղաղութի ընդ թագաւորս իսրայելի . որ և առ ևեւ հաստատելոյ զբարեկամութինն, արար խնամութի ընդ արաաբու՝ առեալ զգոթողիա զգուստր նորա ՚ի կնութի յովրամայ որդւոյ իւրոյ, որ յաջորդելոց էր զթագաւորութի նորա : Ըստ խնամութի, և մանաւանդ բարութի յովսափատայ պահեաց խաղաղական միաբանութի ՚ի մէջ երկուց թագաւորու

Թէց, Թէպէտ վարուք և կրօնիւ ծայրագոյն հակառակ էին միմեանց :

Ըրդ՝ մինչ յայսմ խորհրդեան էր արաբը, դէպէզև յովսափատայ ուղեկցուած չափաւոր զօրաց ըստ պատշաճի իւրոյ մեծուծէն՝ իջանել ՚ի սամարիա յայցելուածի արաբու : Ընկալաւ զնա արաբը մեծապայծառ փառօք, ըստ որում վայել էր երկուց Թագաւորաց բարեկամաց և աղգակցաց . եզեն ոչխարս և զուարկս բազումս նմա, և զօրուն որ ընդ նմա : Օայն ժամ պատեհ վարկուցեալ արաբու՝ առաջարկել յովսափատու լինել նմա նիզակակից յառաջիկայ պատերազմին ռամով Թայ, ասէ . գաս ընդ իս յառմով Թ գաղաաղայւոց : Ըյս առաջարկուածի ծանր էր և դժպատեհ յովսափատու, ոչ միայն յաղագս անհաւատի ելից պատերազմին, այլև վասն այլոց խիթալի դիպուածոց : Ըռաւել կասկածելի պարտ էր լինել նմա զօրանալ Թագաւորին իսրայէլի, քան զզօրանալ ասորւոց, Թէպէտ և Թշնամի իցեն . զի իսրայէլ սահմանակից էր ինքեան . և Թէպէտ ՚ի ժամուն բարեկամ, բայց յայտնի էր խորհուրդ Թագաւորու Թի իսրայէլացւոց ընդարձակելոյ զտրուի իւրեանց նուաճուած թագաւորացն յուղայ : Ասն որոյ չէր պարտ նմա այնպէս յառել զաչս յայն ներկայ բարեկամուծին, մինչև չդարձուցանել և ՚ի հակառակ կողմն, Թէ մարթ էր զկնի ժամանակաց բարեկամուծէն փոխիլ ՚ի Թշնամուծի . զոր դիւրին էր նմա ՚ի միտ ածել՝ ունելով օրինակ առաջի աչաց զնախրն Թայ Թագաւորս իսրայէլի, որք միշտ Թըշնամուծիւ եզեն ընդ Թագաւորս յուղայ : Իսկ Թագաւորուծի ասորւոց հեռի էր ՚ի նմանէ, անջրպէտ ՚ի միջի ունելով զբովանդակ Թագաւորուծին իսրայէլի . ուստի ոչ գոյր կասկած Թշնամուծից, որք սովոր են ծագիլ ՚ի պատճառս սահմանակցուածից :

Ըայց ՚ի ժամուն դժուարին էր յովսափատու գտանել պատճառանս առ ՚ի խուսել պատուով ՚ի ձեռնտուածի բարեկամին իւրոյ յայնմ արդար

պատերազմի : Աւելի յովսափատ՝ որպէս տեսաք ՚ի վէր անդր՝ յրախն միլինն մի և հինգ հարիւր հազար զօրականս , չէր հարկ նմա նորոգ զօրաժողով լինել . շատ էր մի միայն հրաման՝ հասնել բանակ ահաւոր : Ասնն այնորիկ խոյս տալն կարէր երևիլ երկչոտութի՛ն , կամ գէթ անպատճառ հրաժեշտ , յորմէ ծագէր գժգմնութի՛ն և թշնամութի՛ն : Այլ կամ ասելի է , թէ՛ ՚ի պահուն յայնմիկ ոչ անկաւ ՚ի միտս նորա պատեհ իմն պատճառ , նմին իրի յօժարամիտ ընկալաւ զառաջարկութիւնն բազմառատ խոստմամբ՝ ասելով . Արպէս ես , նոյնպէս և դու . և որպէս զօրք քո , զօրք իմ . և որպէս երիվարք քո , երիվարք իմ ընդ քեզ ՚ի պատերազմի : Այց տեսեալ՝ զի դործ ծանր ան յանձն , յաւել պայման մի , որով ահն ունէր բանալ ինքեան ճանապարհ խուսափելոյ իրաւամբ ՚ի վտանգաւոր դործոյ անտի : Այլ պայմանն այս էր , յառաջ քան զձեռնարկել ՚ի մարտ՝ հարցանել զԹ՛ր , և լսել պատասխանւոյ նորա : Աքաաբ վաղվաղակի ժողովեաց զամենայն մարգարէս իւր արս իբրև չորեքհարիւր՝ ամենեքին մարգարէք բահաղու , արք ստախօսք և մարգահաճոյք , որք միաբան ՚ի մի բերան խրախուսեցին զաքաաբ ելանել աներկեան , զի տալով տացէ՛ծր զթշնամին ՚ի ձեռս նորա . և մի ոմն յանդգնաւ գոյն՝ կոչեցեալ սեդեկիա որդի քանանու , առ առաւել վստահացուցանելոյ զարքայ , արար երկու մեծամեծ եղջիւրս երկաթիս , և նորօք մրցելով ընդ օդս , ասէր . այսպէս ասէ՛ թր . սորօք խեթկեսցես զասորիս՝ մինչև սպառեսցին . իբր ասել , այսպէս անդիմադարձ հարցես զասորիս , որպէս ես սորօք բաղիւեմ զօդս : Այց յանդգնութի՛ն նոցա և անպատկառ համարձակութի՛ն օտար զլխովին ՚ի համեստութե՛ն ճշմարիտ մարգարէից թն , ետուն յովսափատայ քաջ ճանաչել զնոսա թէ՛ ոյք ոմանք էին . վասն որոյ առ ոչինչ համարեալ զանոտի բաջաղանս նոցա , ասաց ցաքաաբ՝ խնդրել զքք ՚ի մարգարէից թն , և նովաւ հարցանել զԹ՛ր : Աին յիսրայէլի շրջմարիտ մարգարէք տուեալ նոցա յոյ՛ն ՚ի լուսաւորել

զժողովուրդն զայն մուրեկալ 'ի խաւարի, բայց 'ի ծածուկ կային յահէն յեղաբեւայ. մի միայն մարդարէն միքիա որդի յեւեայ կայր համարձակ 'ի սա մարիա. այլ աքաաբ ոչ հանդուրժէր տեսանել զնա. վասն զի ասէր, նա միշտ չարիս մարդարէա նայ ինձ, և ոչ երբէք բարի. վասն որոյ և ես ա տեցի զնա: Այլ 'ի ստիպել յովսափատու՝ առաքեաց աքաաբ ներքինի մի ամել զնա վաղվաղա կի. և զձանապարհայն մինչ գային՝ յորդորեաց զնա ներքինին խօսել ըստ հաճոյից արքային. զի ասէ, ահա ամենայն մարդարէք ընդ մի բերան զյաղթու թի դուշակեն նմա. ապա և դու խօսեսցիս համա ձայն բանից նոցա:

Այլ միքիա ոչ էր այր մարդասպաշտ՝ ստել, զի գտցէ շնորհս առաջի արքայի. երդուաւ 'ի ար, զայն միայն խօսել առաջի երկուց թագաւորաց, զոր ինչ ամ ասացէ նմա: Արկու թագաւորքն աքաաբ և յովսափատ նստէին իւրաքանչիւր յաթոռ իւր արքայական ձեռով յընդարձակ հրապարակի առ դրանն սամարիայ, և ունկն դնէին բանից մարդարէիցն: Արեւ եկն միքիա, եհարց ցնա աքաաբ, և ասէ. միքիա ելից յաւամովթ գաղաադու 'ի պա տերաղմ, թէ գադարեցայց: Ատ պատասխանի մարդարէն. զինչ կամիս զի ասացից քեզ. որովհ հեաւ առելի եմ ես առաջի քո, զի զձմարիան խօսիմ քեզ, որպէս թէ հասանէին քեզ չարիք վասն մարդարէանալոյն իմոյ. ուր ընդ հակառակն՝ կան խաւ ազդ առնեմ քեզ, զի զգուշացիս, և հեռա ցուսցես 'ի քէն զչարիս: Այլ զի ոչ կամիս լսել 'ի բերանոյ իմն զձմարտու թի, ապա էլ, զի ամենայն ինչ յաջողութի վճարեսցի, և յաղթեսցես թշնամոյն քո: Արեւանակէ աստի խօսելոյ՝ ծա նեաւ աքաաբ թէ զինչ կամէր մարդարէն իմացուցանել նմա, այլ ինքնին բերանով ոչ իշխէր յայտնել: Ասան որոյ երդմնեցոյց զնա աքաաբ չժագուցանել ինչ 'ի նմանէ, այլ յայտնել զամենայն զոր գիտէր ձմարտու թի յանունն նոն: Այն ժամ ասաց միքիա. եթէ կամիս լսել զձմարիան, դիտասջիր:

զի տեսի ես զամենայն իտրայել ցրուեալ ընդ լե-
րինս իբրև զՏօմ՝ որոյ ոչ գուցէ հովիւ . և ասաց
ցիս Խոր, ոչ գոն գոցա տեարք, դարձցին իւրօքան
չիւր ՚ի տուն իւր խաղաղութիւն : Այս բառք յայա-
նի իմացուցանելին՝ թէ մեռցի արքայն, և ոչ առցի
ուամովթ՝ ոյր վասն էր այն պատերազմ . ուստի
դարձեալ աքաաք առ յովսափատ՝ ասէ . տեսեր զի
արդար ասացի, թէ ոչ մարդարեանայ դա վասն իմ
բարիս, այլ միշտ չարութի : Այս պատասխանի մի-
քիա . ոչ այդպէս, ես ոչ ասեմ ինչ յինէն . այլ
լուարուք զբան Խոր : Տեսինստեալ զԽոր յաթոռ իւ-
րում, և ամենայն զօրք երկնից կային շուրջ զնո-
վառ յաջմէ և յահեկէ . և լուայ հարցանել, ո՞ պատ-
րեսցէ զաքաաք արքայ իտրայելի, զի ելցէ և անկցի
առ ուամովթ քաղաքաւ . և մինչ ոմն այսպէս և ոմն
այնպէս ասէր, տեսի զի յառաջ մատեաւ ոգի, և
ասէ . ես խաբէցից զնա, զի եղէց ոգի սուտ ՚ի շըր-
թունս ամենայն մարդարեից նորա : Աւ լուայ, զի
այս եղև պատասխանի ՚ի Խոր . ել և արա՛յդպէս,
խաբէսցես և զօրասցիս : Ահա արքայ՝ այն ոգի սուտ
է՝ ՚ի բերան ամենայն մարդարեիցդ քոց այդօցիկ :

Այս տեսիլ ոչ եղև այնպէս, որպէս թէ Խոր
այսպիսի ինչ ատեան կազմեալ իցէ յերկինս . այլ
եղև լոկ սպաւորուի յառաջնորդական միտս մար-
դարեին . որով Խոր յարմարելով զԽորհուրդ իւր
մարդկային իմացողութե, ետ նմա իմանալ ճմար-
տութիւն թէ այն ամենայն չորեքհարիւր մարդարեք
ստախոս էին . և թէ սատանայ ոգին ստուէ խօսէր
բերանով նոցա . և թէ՛ թոյլ տայ Խոր, զի աքաաք
առաւել հաւատացէ որոց շնութեն նմա և խաբեն,
քան նոցա որք լուսաւորեն և ուսուցանեն նմա
զճմարտութին : Ա խօսել այսպէս միքիայի զսուտ
մարդարեից, սեղեկիտ որդի քանանու՝ յանդգնա-
դոյն ՚ի նոսա բարնախազրելոցս, մատուցեալ յա-
հուր ժողհուրութիւն եհան նմա ապտակ ՚ի ծնօտն .
թերևս կարծելով օրէն այնպիսի մարդարեից կա-
տաղիլ և յատենի թագաւորաց . և ասաց ծաղրե-
լով, որով ճանապարհաւ անց ոգի Խոր զինև, և խօ-

սեցաւ ընդ քէզ: Սիրիա համեստութիւն իմն ետ նմա պատասխանի քաջադէպ. զայդ քո քաջութիւնս: պահեա՛ վասն այնր առւեր, յորում ՚ի լուր մա հուն խուճապեցիս խնդրել քէզ թաքուստ սե նեակ ՚ի սենեկէ ծակամուտ լինելով: Իսկ աքաբ փոխանակ զժպիրհն զայն ըստ արժանեաց յանդհ նութեն պատժելոյ, հրամայէ զմիքիա զարդարն պահել ՚ի տուն բանտին, և տալ նմա հացնեղու թէ, և ջուր նեղուէ, մինչև դառնայցէ ինքն խա զաղութիւն և յաղթանակաւ ՚ի պատերազմէն: Յայն ժամասէ միքիա՝ բարձրացուցանելով զձայն իւր ՚ի լուր ամենեցուն. եթէ դու անքայ դառնալով զարձցիս որջ ՚ի պատերազմէզ, ապա ես սուտ խօ սեցայ, և ար ոչ խօսեցաւ ընդ իս. լուարութ զօրքդ ամենեքեան, և ժողովուրդ առհասարակ:

Յովսափատ յայս ամենայն անցս լուռ կայր, և մտախոհ լինէր վասն անձին, թէ զինչ արասցէ: Ատես՝ զի մարգարէութիւնք միքիայ որում հաւա տայր, հայեին միայն յանձն աքաբու, և ցրուելոյ զօրուն իտրայէլի. ուստի ՚ի մտանել նորա ՚ի պա տերազմ ընդ աքաբու, այլ ինչ փնաս չունէր կրել, բայց միայն նուաստութիւն պատուոյ, ՚ի պարտիւ իտրայէլի՝ փախչիլ և ինքեան իբր պարտեալ: Այլ մեծագոյն անպատուութիւն և տմարդութիւն համարէր անձինստել խոսամանն հրաժարելով ՚ի պատերազ մէն: Աստանօր հայելով ՚ի սք գիրս, ոչ գտանեմք յիշատակ ինչ զյուդայեան զօրուէ՝ ոչ ՚ի մարգա րէութիւնս և ոչ ՚ի պատերազմի յառաջ կամ զկնի. յորմէ երևի թէ յովսափատ գնաց ընդ զօրս իս րայէլի, ունելով ընդ ինքեան յիւրոց անտի միայն զթիկնապահս, զոր ած ընդ իւր ՚ի սամարիա: Աա րէլի է թէ ՚ի սկզբան անդ առաքեալ իցէ պա տուէր ՚ի յուդա գալ զօրուն իւրոյ. այլ ապա ՚ի լսել զմարգարէութիւն միքիայ՝ հակառակ հրամա նու յամեցուցեալ իցէ զգալուստ նոցա, անտարա կոյս գոլով զպարտութիւն իտրայէլի ըստ հաւաստի մարգարէութեն: Ասն որոյ երևի թէ եզ ՚ի մտի երթալ, որպէս որք երթան լոկ ՚ի տեսանել, քան

Թէ՛ ՚ի սղաշարեւ զքաղաք: Իսկ աքաաբառ ՚ի դերև հանելոյ զնձային սլաագամն՝ զայս հնարս խորհեցաւ. զի զիւր Թագաւորական զգեստս զցեցոյց յովսափատու. և ինքն սլակեբալեալ իբրև զսոսկական ոք, և նստեալ ՚ի կառս, գնաց խառնեցաւ ՚ի խումբս հասարակ զինուորաց, և եմուտ ՚ի պատերազմ: Օ ՚ի Թերևս իմացեալ իսկ իցէ՛ ՚ի լրատեաց իւրոց զսլատուէր որդւոյն ադերայ, զոր ետ երեսուն և երկու կառապետաց իւրոց (սրպէս գնի յերրայականն և յայլ օրինակս) ուշադիր լինել և մենայն արթնուածք արքային իսրայէլի, զնա միայն զըռամբ ածել կենդանի կամ մեռեալ. որով կամէր բառնալ զնախատինս անձին իւրոյ, և դարձուցանել զպատիւ իւր՝ ունելով ընդ իւրով իշխանութի զԹագաւորն, յորմէ՛ երեք ամօք յառաջ հարկեցաւ խոնարհ սղաատանօք ինդրել ՚ի պարգև զկեանս իւր:

Եւ ի հնարք աքաաբու առ սուղ ինչ նպատեցին նմա, զի տեսեալ կառապետաց ասորւոց զյովսափատ, և կարծելով Թէ՛ նա իցէ՛ արքայն իսրայէլի, դիմեցին ՚ի վերայ նորա. յայնժամ յովսափատ յայն յետին վտանգ հասեալ, ՚ի ձայն մեծ գոչեաց առ նձ ինդրելով օգնութի. ճանեան իշխանք կառացն եթէ՛ սխալեցան, Թերևս ՚ի ձայնէն, կամ յասելոյ նորա Թէ՛ ՚ի իցէ. և այսպէս ասորեցոյց զնա նձ վասն հաւատարմութե՛ նորա առ նա: Օ ՚ի կառապետացն ասորւոց սլատուէր ունելով վասն արքային իսրայէլի և ոչ վասն արքային յուդայ, Թու զին զնա, և դարձան յայլ կողմն ինդրել զարքայն իսրայէլի. բայց ոչ գտին. սակայն եղիտ նձ և Վանգի նետ մի արձակեալ բուռն սաստիութի ՚ի միոյ ՚ի զօրաց ասորւոց ՚ի մէջ բաղմութե՛ յանորոշս, նձ ուղղեաց զնա ՚ի նպատակ անդր յարքայն իսրայէլի. որ եհար զնա ընդ զբահսն և միեցաւ ՚ի Թոքառաջնս և ՚ի ստամբսն: Եւ աքաբ Թէ՛ սլետ վիրաւորեալ, բայց և այնպէս ոչ եթող զլիտովին զբանակ իւր, այլ ասաց ցկառապետ իւր դարձուցանել զկառս յետս կոյս ՚ի վերջապահ գաս իւրոց

զօրաց . և պատերազմն երկարեցաւ յայնմ աւուր մինչև ցրնդերեկս : Իսկ արասք կայր 'ի վերայ կառացն . և արիւնն հոսէր 'ի խոցուածոյ անտի և ընդր զճոց կառացն , ապա 'ի մտանել արեգապան՝ ել ոգի նորա : Առ ժամայն եկաց քարոզ զօրուն 'ի բանակին՝ եթէ մեռաւ արքայ . և զօրն ամենայն ցրուեցաւ իւրաքանչիւր 'ի քաղաք իւր , և յովսափատ դարձաւ յերուսաղէմ . իսկ զմարմին արասքու բերեալ թաղեցին 'ի սամարիա : Այլ զկառսն , որոյ ճոց ողջոյն էր յարիւն թաթաւեալ , որպէս և փոկք սանձի երիվարաց (որպէս ունի լաւինն ,) և զէնք և անօթք զինուց նորա , (ըստ որում ընթեռնու ասորին և քաղզէացին) , լուացին 'ի հրապարակ սնդր յաւազանն սամարիայ . և շունք լիղեցին զարիւն նորա՝ ըստ մարդարէութեանն եղիայի , որ սկսաւ կատարիլ 'ի սամարիա 'ի վերայ հօրն , և հանդերձեալ էր լրանալ յորդին՝ 'ի դաշտին յեզրայէլի : Աստ եօթանասունք յաւելուն .

* Այլ բողք լուացան յարեան ॥ . ուր եբրայեցին վարէ զբառդ Օճնախ , որ է պոռնիկ . այլ մարթի նշանակել ասէն ոմանք և Օճնա՝ այն է դօտի , այլև փոկ . իբր ասել , 'ի լուանալ անդ զկառս՝ լուացան և փոկք սանձից երիվարաց : Իսկ այն՝ զոր ասէն ոմանք , թէ 'ի ճոց անդր կային նկարեալ կամ քանդակեալ նմանութիք անհամեստ կանանց կամ կռոց՝ որք լուացան 'ի լուանալ զկառսն , անհիմն ինչ երեւի մեզ :

ԳԼ ԺԲ

Տրաշաւի յաղլնո-նի յովսափառս 'ի վերայ Բաղնաճ
Բոն ալապիւնայ : Եւրոպայի ուսուցիչ զոր արար ընկերակ-
ցո-նի ոչոպիայ արտայի իսրայէլի :

Իբրև դարձաւ յովսափառ յերուսաղէմ՝ փա-
խուցեալ ամօթով 'ի ձախող պատերազմէ անտի ուս-
մովթայ, առաջին ողջոյն զոր ընկալաւ 'ի թագաւո-
րեալ քաղաքի անդ իւրում, եղէն յանդիմանուիք
առ նա 'ի կողմանէ նոյ : Վանդի ելեալ ընդառաջ
նորա յեւուայ մարգարէի որդւոյ անանիայ, ասէ
ցնա . եթէ մեղաւորին դու օգնես, կամ ատելոյն
'ի տնէ բարեկամ լինիս և միաբանին ընդ նմա .
վասն այդորիկ արժանի էիք խտտագոյն պատժոյ .
այլ զի անձ առաւել 'ի բարեմտութիդ հայի քան 'ի
գործոյ յայդ, վասն բարեաց քոց՝ զի բարձեր զան-
տառան յերկրէն յուդայ, և ուղղեցեր զսիրտ քո
խնդրել զի՞ր, ապրեցոյց զքեզ, անտես առնելով
զվրիպակդ միաբանելոյ 'ի զէն ընդ ամպարշտին :
{ յովսափառ յօժարամիտ ընկալաւ զյանդիմանու-
թին . և յաւել 'ի սք նսխանձ իւր . միւսանգամ
էլ անձամբ յայց ժողովրդեան և երկրի իւրոյ 'ի
բերսաբէէ մինչև 'ի լեառնն եփրեմի՝ 'ի ծագէ 'ի
ծագ թագաւորութե իւրոյ . եբարձ որչափ ինչ
զօրեաց՝ զբազում չար սովորութիս, կորոյս 'ի միջոյ
զկուսն, զոր յանցանել ամաց սատ անդ սկսեալ
էին վերստին մուծանել : Եւ կացոյց դատաւորս
արդարակորովս յամենայն քաղաքսն և յամուրս յու-
դայ, պատուիրելով նոցա արդարութիւն և երկիւ-
ղիւ տն վարել զգործս իւրեանց . վասն զի ասէ ոչ
զմարդկան իրս գատիք դուք, այլ զի՞ն . և ըստ
գործոց ձերոց ընկալիք զհաստուցումն . զի ոչ գոյ
տն նոյ մերոյ անիրաւութի, և ոչ երեսաց աչառել,
և ոչ առնուլ կաշառս :

Իայց և այս անգամ ոչ յաջողեցաւ նմա բառ-

նալ զսեղանս բարձանց, յորս զոհէր ժողովուրդն՝
 անց, այլ ընդդէմ օրինաց անց. սակայն այն թողլտու-
 ութի ոչ էր նորա մեղ, այլ ժողովրդեան, որք վասն
 զի որպէս թէ իբր բռնի՝ ի բաց դարձեալք էին ի
 կռապաշտութէ, չեղև հնար խալառ արգելուլ
 զնոսա ի զոհելոյ ի սեղանս բարձանց յառաջմէ-
 շինեալս ի պատիւ անց ճշմարտի, գոլով սովորեալք
 զոհել ի նոսա: Այլ ոչ ան վասն այնորիկ բարկա-
 ցաւ ի վերայ յովսափատայ. նա՛ յայտնի իսկ երևե-
 ցոյց զհրաշարի նախախնամութի իւր ի վերայ նո-
 րա ընդդէմ անհամար զօրուն, որ զայսու ժամա-
 նակաւ եկն հեղեղաբար ծածկել զամենայն եր-
 կիրն յուրայ: Վննզի մովաբացիք և ամենացիք,
 ընդ նոսա և բազումք ի մինեցեոց անտի՝ որք էին
 եղովմայեցիք հնազանդեալք ընդ ձեռամբ թա-
 դաւորացն յուրայ, և առ չերևելոյ սպասամբք՝
 զգեցեալ էին բոա սարազու ամենացեոց և էին
 խառնեալք ի գունդս նոցա, անցեալ զյորդանան,
 յառաջ խաղային յարձակել յերկիրն յուրայ՝ յայնմ
 կողմանէ ուր տկարադոյն էր: Այլ ինչ անկարող
 և յովսափատ առ ի դիմադրաւ լինել նոցա, ունե-
 լով յոտին մի լինն մի և հինգ հարիւր հազար արանց
 քաջակիրք պատերազմականաց. սակայն և այն
 ոչն ի լեւ զհասանել բազմամբոխ թշնամւոյն՝
 զահի հարաւ:

Յովսափատ թէպէտ միշտ զինեալ, այլ միշտ
 երկնաւ. բայց երկիւղ իւր ոչ էր ի վատասորաու-
 թէ, այլ էր երկիւղ նր և գովելի՝ ծագեալ ի քաջ
 խելամուտ լինելոյ նորա այսմ ճշմարտութէ, թէ
 ի նանիր են ամենայն մարդկային զօրութիք, և թէ
 առ յայ ոչ զօրասցին. ամենայն ամբախուռ ամ-
 բոցք ինչ ոչ զօրեն ընդդէմ թշնամեաց, և թէ նր
 զօրութեց ոչ մարանչիցի վասն նոցա: Ասն որոյ
 երկիւղ յովսափատու ոչ էր ի մարդոյ, այլ յայն
 երկնէր ի մարդկանէ ոչ իբրև ի մարդոյ, այլ
 իբրև ի սպասաւորաց անց. որ ոչ տայր նմա վհա-
 տիլ, այլ դարձուցանելով զսիրտն բոլոր հայցել
 զօգնութի նորա, տայր նմա արեանալ: Այսպէս

յամենայն գիպուածս գտանեմք զյովսափատ երկ-
չոտ , այլ տեսանեմք զնա միշտ արի՝ ոչ փախչել
'ի վտանգաց , այլ քաջութի՛ն 'ի գլուխ զօրուն ար-
ձանացեալ առաջին լինել 'ի ճակատ ընդդէմ թշնա-
մեաց : Լսս է գործ երկիւղի սքց . որ տիրապէս
ասի երկիւղածութի՛ն , և առնէ զմարդ զգուշաւոր ,
այլ միանգամայն և արիասիրտ : Ասն որոյ 'ի լուր
ահեղ զօրութե՛ն թշնամւոյն հասելոյ՝ քարոզեաց
պահս յամենայն թագաւորութե՛ն իւրում . և ինքն
դիմեաց 'ի տաճար նոն , ուր 'ի մէջ բաղմութե՛ն զօ-
րավորաց և ժողովրդեան յանդիման սրահին նո-
րոյ՝ յաղերս անկեալ առաջի նոն , խոնարհ , ցաւա
դին և ջերմ պաղատանօք խնդրեաց զօգնութի՛ն նո-
րա , յիշեցուցանելով զմեծամեծ որորմութիւս զոր
արար ազգի իւրում , և զխոտմունս զոր խոտաւ
ցաւ նոցա՝ յորժամ 'ի նեղութե՛ն իւրեանց դառնայ-
ցեն և յամենայն սրտէ կարգայցեն առ նա :

Առաւ անձ աղօթից յովսափատայ . զի ողիւլ
որդի զաքարիայ մի 'ի զևտացւոց անտի՝ որք անդն
կային յաղօթս ընդ արքայի , ընկալեալ 'ի նոնէ
զհոգի մարգարէութե՛ն՝ ամբարձ զձայն իւր 'ի մէջ
այնր բաղմութե՛ն , և ասէ . լուարնք ամենայն յու-
դա և բնակիչք երուսաղէմի , և արքայ յովսափատ .
այսպէս ասէ նոր ցձեղ . մի երկնչիք և մի զարհու-
րիք յերեսաց բաղում ամբոխին այնորիկ , վասն զի
ոչ է ձեր պատերազմդ , այլ նոյ : Այլէք ընդ առաջ
նոցա , և վաղիւ տեսջիք զնոսա իջանել ընդ զառ
'ի վայր բլրոյն ասեր յանապատն յերիւլի . ուր ոչ
եղիցի ձեզ հարկ սուր հանել . զի առանց պատե-
րազմելոյ ձեր ընդ նոսա՝ վայելեսջիք զարդիւնս
կատարեալ յաղթութե՛ն . զի նոր է ընդ ձեզ :

Այլ եղև այնպէս . զի կանխեցին ընդ առաւօտն
զօրք յուդայ և յովսափատ 'ի գլուխ նոցա , և եր-
թային նուազելով սաղմոսս և օրհնութիւս առ անձ
բարձրեանն նոր , որք երևէին յաւէտ իբրև զդասս
սաղմոսանուագ զևտացւոց , քան թէ գունդս զի
նուորաց : Իսկ թշնամիք , որք զտեղի առեալ էին
յենդադդի , որ կօչի և ասասանթամար՝ ոչ կարի

ինչ հեռի 'ի մեռեալ ծովէն, իբրև ծանեան 'ի լրտեսաց իւրեանց, եթէ յովսափատ յառաջ խաղայ ընդ դաշան թեկուայ, ելին և նոքա ունել զբլուրն ասեր, և դարանիլ անդ գնդին յուդայի: Այլ աստ կամ 'ի պատճառս կռուոյ իմիք ծագեւոյ 'ի մէջ ամենացւոց և մովաբացւոց, և 'ի մէջ եդովմայեցւոց լեւանականաց լերինն սէյրոսյ խառնելոց 'ի դունդս ամենացւոց. կամ զի կասկած ինչ առեալ էր նոցա զմիմեանց, և կամ որ և է օրինաւ կաւ այլ ինչ չիթումն անկեալ 'ի նոսա 'ի տնէ, միեցան 'ի մարտ ընդ միմեանս. զառաջինն հարան կոտորեցան եդովմայեցիք. ապա ամենացիք և մովաբացիք ջեռեալք՝ դարձուցին զսուր իւրեանց 'ի վերայ միմեանց անհնարին կատաղութիւն, մինչև խաբառ կոտորել զիրեարս, և չմնալ 'ի նոցանէ ապրեալ և ոչ մի: Հասեալ բանակին յովսափատու 'ի բարձրագիտակ վայր, ուստի երևէր տեղին, տեսին զլայնարձակ դաշտավայրն ծածկեալ դիւաւ կամբք. որ սուղ ինչ յառաջ էր գրաւեալ 'ի բազմամբոս պատերազմականաց անտի: Աստ զմասնաւոր պարագայ ինչ նշանակէ՝ սբ գիրն, թէ մարտ և կոտորած թշնամեաց սկսաւ 'ի նմին ժամու, յորում 'ի բանակին յովսափատու սկսան երգել զօրհնութիւն տն և զխոստովանութիւն նորա. Բ. հայ. Բ. 22. որ պէս զի թագաւորք մի համարեցին բերանս պարագորդս զմիանձունսն զայնոսիկ, որք չունին այլ ինչ գործ յաշխարհի, բայց միայն երգել զօրհնութիւն տն նոյ. և հաւատասցեն թէ բազում անդամ յաղթութիւն գործին 'ի պատերազմունս սուաւել 'ի ջերմ սաղմոսերգութեց 'ի դասի, քան 'ի զօրաց պատերազմողաց 'ի դաշտի:

Ապա էջ յովսափատ և ամենայն զօրն ընդ հմա 'ի կողոպուտս աւարի նոցա, որ այնչափ բազում էր և հարուստ, զի չեղէն բաւական աւուրք երեք ժողովել զնոսա: Այլ յաւուր չորրորդի ժողովեալ համօրէն զօրուն 'ի հովիտն՝ երգեցին միաբան գոհացողական օրհնութիւն տն. յորմէ և զտեղին կռիւցին հովիտ օրհնութիւն: Այլ դարձաւ յովսափատ

և ամենայն յուզա յերուսաղէմ՝ ուրախութիւն մեծաւ . քանզի ուրախ արար զնոսա ինքն ի թշնամեաց իւրեանց , և մտին քնարօք և տաւղօք ի տուն ինն : Եւ եղեն՝ ասէ գիր , արհաւիրք ի իննէ ի վերայ ամենայն թագաւորութեց երկրի , ի լեւին նոցա՝ եթէ ինքն ետ պատերազմ ընդ հակառակորդս իւրայելի : Եւ յսպէս ինձ առնէ ահարկու զերկչոտս , յորժամ օր է երկիւղ նոցա . և ընդ ոտիւք նոցա նուաճէ զյանդգնական արիութիւն , մինչ ծանուցեալ զտկարութի իւրեանց՝ զինուորին աներկմիտ յուսով ամենակարողութե ինչ : Եւ ի միայն վնաս ծանր պատահեաց յովսափատայ ի ծովու . բայց և այն ի իննէ եղև . զի կամեցաւ ինքն երկրորդ անգամ՝ ուսուցանել նմա չմիաբանիլ ընդ անհաւատ թագաւորի :

Իբրև մեռաւ արաբ արքայ իօրայելի , թագաւորեաց որդիս որդի նորա : Եւ եօթն ամօք յառաջ քան զմեռանել հօր իւրոյ , յամին եօթնուտասներորդի թագաւորելոյ յովսափատու ի վերայ յուզայ , ընկալեալ էր ի ժողովրդենէ և ի հօրէն զիրաւունս յաջորդութե ակողոյ հօրն . ուստի և ընդ այն եօթն ամս թագաւորեաց առ հարբ : Եւ ուաջնում ամի ինքնիշխան թագաւորելոյ իւրոյ՝ կառմեցաւ շահավաճառութի առնել ի կարմիր ծովու . այլ զի ծովն այն հեռի էր յերկրէ թագաւորութե իւրոյ , ազաւեաց զյովսափատ՝ որ խաղաղութիւն էր ընդ նմա , որպէս եղև ընդ հօր նորա , շինել նաւս անգ ի կարմիր ծովու՝ երթալ ի թարսիս ծախիւք երկոցուն . որպէս զի և շահեկանութե նաւարկութե լիցի և ինքն բաժանորդ ըստ համեմատութե գլխոյ իւրոց գրամոց : Օայս ակնարկէ վուլկադայն , ուր ասի . * Եւ բաժանորդ եղև . (որդիս) , զի արասցեն նաւս՝ որք երթիցեն ի թարսիս . և արարին նաւատորմիլ ի գասիոնդուս բեր . Բ . հայ . Բ . 56 : Եւ յովսափատ զայս ընկերութիւն ընդ անհաւատ թագաւորի ոչ համարեցաւ անհաճոյ իննել ինչ . իբր զի յայս գործ ոչ ոք յարմնց որդիայ ունէր մտանել . ուստի և ոչ գոյր վտանգ

իւրոց ծառայից մնասիլ 'ի նոցանէ 'ի հաւատս և 'ի վարս . վասն որոյ յանձն առ 'ի կատարել 'ի գլուխ զիրսն : Աւ թէպէտ թագաւորութիւն յուզայի ոչ տարածէր անդր քան զԷրինս սէյիրայ , բայց արքայն յուզայ ընդ այն ժամանակս տիրէր 'ի վերայ համօրէն ընդարձակութեն որ 'ի լերանց անտի ձգէր մինչև 'ի ծովն կարմիր : Վանզի եգովմ , զոր դաւիթ հարկատու արար ինքեան , չունելով յայնժամ թագաւոր յազգէ իւրմէ , էր ամենայնիւ ընդ հնազանդութիւն արքային յուզայ իբրև սեպ հական թագաւորի իւրոյ : Ասն որոյ ընտրեաց յովսափատ զնաւահանգիստն դասինդաբերայ 'ի շինել անդ նաւս . որպէս և շինեաց և պատրաստեաց ամենայն կարասեօք . այլ հազիւ թէ առաջաստեցան նաւքն , խորտակեցան առհասարակ , կէսք առ նաւահանգստիւ , և կէսք 'ի նաւահանգստի անդ : Աւ մինչև էր հասեալ սուրհանդակի յերուսաղէմ բերել զուր արկածիցս , եղիազար մարդարէ որդի դովրայ կամ գովգիայ 'ի մարեսայ՝ մատեաւ առ յովսափատ , և ստէցնա . վասն զի միաբանեցար 'ի ծովու ընդ սքողիայ , արդ զիտասցես զի կորեաւ գործն քո . քանզի խորտակեաց ձր զնաւս քո՝ ոչ ևս երթալ 'ի թարսիս : Յովսափատ կատարեալ հնազանդութիւն անային կամաց յօժարամիտ ընկալաւ զհարուած պատժոյն :

Յետ այսորիկ գօրծեալ բազումս յորդոր եղև նմա սքողիա անդրէն նոր նաւատորմից կազմել . և զի նա անհամութե և անվարժութե նաւավարաց տայր զպատահարն , խոտանայր առաքել նմա յիւրոց արանց արհեստաւորս հմուտս , նաւապետս և նաւաստիս փորձս և քաջավարժս . յորոյ և արք յովսափատու ուսցին զարհեստ նաւարկութեան : Օայս ևս նշանակէ վուկադայն այսպէս . * Ասէ սքողիա ցյովսափատ , երթիցեն ծառայք իմ ընդ ծառայս քո 'ի նաւս ॥ . 7 . Խոք . ԷԲ . 50 : Այլ ոչ իւրիք հաւանեցաւ յովսափատ , ուսեալ 'ի մարգարէնէն՝ եթէ այն միաբանութիւն ոչ է հաճոյ նոյ . թող զի և սքողիա ոչ յերկարեայ 'ի կեանս :

տակք որոզիայ ոչ ճանաչելին զեղիա . բայց յեղանա-
կէ խօսելոյ նորա , և յայտնելոյ զպատճառ երթա-
լոյ նոցա՝ զոր մարդկօրէն չէր կարօղ գիտել , ոչ-
ինչ երկուացեալ թէ : Ճմարիտ մարդարէ : Ինչ է նա ,
հաւատացին բանից նորա . և դարձան պատմեցին
որոզիայ վասն առն՝ որ ել ընդառաջ նոցա , և զբան
նորա զոր խօսեցաւ :

Վ նշանաց անտի թաւ մօրուացն և մաշկեղէն
դօււայ , զոր ետուն հրեշտակքն , ծանեաւ որոզիա՝
եթէ եղիա է նա , որ խօսեցաւ նոցա . և զի գի-
տէր՝ թէ եղիա նստի ՚ի գլուխ կարմելոս լերին ,
առաքեաց առ նա վաղվազակի յիսնապետ մի հան-
դերձ յիսուն զօրականօք նորա՝ ունել զնա , և ա-
ծել առաջի իւր : Վս տեսեալ զի յամէ դարձ նո-
ցա , առաքեաց այլ յիսնապետ և զյիսունս նորա
ընդ նմա . բայց իբրև և ոչ դարձ նոցա երևէր ,
յաւել առաքել և երրորդ անգամ նոյնչափ զօրս
հանդերձ իւրեանց յիսնապետի : Վս առաջին և
երկրորդ յիսունքն ոչ ևս էին կենդանի . քանզի
յիսնապետք նոցա կամեցեալ խրոխտ և անվէհեր
երևիլ ըստ զինուորական սովորութե , թէպէտև
գիտէին թէ այրն առ որ առաքեցան՝ էր ծառայ
նոյ , կարծեցին թէ կարօղ իցեն և ընդ նմա ար-
համարհանօք վարիլ ըստ կամաց ամպարիշտ թա-
ղաւորի իւրեանց : Վս առաջին յիսնապետն հրամայ-
եաց նմա իշխանաբար իմն՝ ասելով , այրդ նոյ՝ ար-
քայ կոչեաց զքեզ , էջ այտի . երկրորդն յանդհնա-
գոյն ևս , այրդ նոյ՝ այսպէս ասէ արքայ , էջ այտի
վաղվազակի : Վս մարդարէն կամեցեալ ուսուցա-
նել նոցա և ամենայն երկրին , որ կարօտ էր այս
պիտի ուսման , ՚ի յարգի ունել զնոսա որք ճմար-
տութեւն ծառայք նոյ , ետ պատասխանի երկօ-
ցունց , և ասէ . եթէ այր նոյ իցեմ ևս , իջցէ հաւր
յերկնից , և կերիցէ զքեզ և զյիսունսդ քօ . և ահա
զոյդ ընդ բանին էջ բոց հրաշահան , և յաճինս
դարձոյց զառաջին և զերկրորդ յիսնապետս և զյի-
սունս նոցա : Վս երրորդ յիսնապետն զդօնացեալ
յերկուց օրինակաց աստի , եկն ոչ խրոխտանօք ,

այլ բազում խոնարհութիւնք, և անկեալ 'ի վերայ ծնդաց իւրոց առաջի եղիայի՝ աղաչեաց զնա խնայել 'ի նա և 'ի յիսուսս իւր. լուաւ եղիա հայցուածոց նորա: Յայնժամ հրեշտակ ինն ասաց ջեղիա՝ իջանել 'ի լեռնէ անտի, և երթալ աներկիւղ առ արքայ ընդ այնպիսի ակնածու և խոնարհամիտ զօրասկտիս: Վնաց եղիա, այլ խօսակցուին ընդ որդիայ կարի համառօտ եղև, զի նա զնոյն կրկնեաց և անդ, զոր ինչ ասաց յառաջ յհրեշտակս նորա. իսկ որդիա սուղ ինչ յետոյ ել 'ի կենաց ըստ բանի մարգարէին, յերկրորդ ամի ոչ լրացելոյ՝ թաւ գաւորութիւն իւրոյ:

Կետ սակաւուց զրկեցաւ իսրայել 'ի մեծէն եղիայէ. քանզի եհան զնա ինր 'ի միջոյ մարդկան, և վերացոյց կենդանւոյն հրեղէն կառօք՝ կեալ յայլ լաւագոյն տեղի: Աղիսէ գիտելով 'ի յայտնուէ ինն զմօտալուտ յափշտակումն քաղցր վարդապետին իւրոյ՝ կամէր 'ի ժամուն յայնմիկ առ նմա գտանիլ. իսկ եղիա պէսպէս պատճառսնօք հնարէր մեկուսանալ 'ի նմանէ. բայց չեղև հնար. քանզի եղիսէէ երգամամբ հաստատեաց ոչ թողուլ զնա: Մքդ ել մարգարէն եղիա 'ի գաղգաղայի՝ երթալ 'ի բեթէլ, ասելով թէ այնպէս հրաման ունի 'ի իննէ. անտի գնաց յերիբով, և անտի 'ի յորդանան. այլ յայտ ամենայն ճանապարհօրդութիս միշտ անմեկնելի 'ի նմանէ ուղեկից եղև նմա եղիսէէ: Քրքև եկին 'ի բեթէլ, որդիք մարգարէից աշակերտեալք եղիայի և եղիսէի, որք էին անդ 'ի բեթէլ, ընկալեալ և նոցա յայտնութիւն 'ի իննէ վասն ընդհուպ վերանալոյ եղիայի, մատեան տագնապաւ առ եղիսէէ իբր անակնկալ լուր ինչ պատմել նմա, և ասեն. եթէ գիտիցէս, զի այսօր առնու ինր զտէրդ 'ի գլխոյ քումմէ. իսկ եղիսէէ սաստեաց նոցա լուել, երկուցն ալ թէ յիմանալ եղիայի՝ եթէ հրատարակեցան իւրքն, յանկարծակի աներևոյթ լիցի յամենեցունց, և ինքն զրկեսցի 'ի տեսանելոյ զնա 'ի փոխիլ նորա յերկրի: Սնոյն արաւ ըին և որդիք մարգարէիդ որ յերիբով. որոց նոյն

պէս պատուիրեաց լուել . զի գիտեմք և ես ասէ :
 Այլ յորժամ՝ եղիա և եղիսէէ՛ ելին յերկքով : եր-
 թալ 'ի յորդանան , յիսուն այր յորդոց մարգա-
 բէիցն երկքովի իբր ծածկաբար իմն երթային զինի
 նոցա 'ի բացուստ՝ ցանկացեալ տեսանել զփոխումն
 եղիայի : Այլ գեան յորդանանու եհատ զճանա-
 պարհ գնացից նոցա . բայց ոչ նոյնպէս եղիայի և
 եղիսէի . վասն զի եղիա առեալ զմաշկեակն իւր և
 ծալեալ՝ եհար զջուրն , և նոյն հետայն բաժանեալ
 ջուրցն յայսկոյս և յայնկոյս՝ բացին նոցա ցամաք
 ճանապարհ . ընդ որ իբրև անցին նոքա , անդրէն
 միացան ջուրքն . և նոքա մնացին յայնկոյս 'ի հան-
 դիսով 'ի բացեայ :

Ապա եղիսէէ հրաման ընկալեալ յեղիայէ՝ խնդ-
 րել ինչ 'ի նմանէ մինչև իցէ վերացեալ . խնդ-
 րեաց զի կրկին ձիրք զոր անձնորհեաց եղիայի ,
 եկեցեն 'ի նա . այսինքն ոգի մարգարեուէ և ոգի
 սքանչելագործութի : Այլ խնդրեաց զայն վայրա-
 պար . այլ զի յերկիրն ուր առ ամենայն քայլ ոտից
 կուռք ընդառաջ լինէին , այս երկու պարզեք
 կարևոր էին 'ի փառաւորութի անուան այ ճմար-
 տի : Ատ պատասխանի եղիա , թէ դժուարին է
 խնդիրդ . սակայն ասէ՝ եթէ տեսանիցես զիս
 յամբառնալն իմում , եղիցի նշան հաւաստի , թէ
 լուաւ անձ հայցուածոց քոց : Այլ մինչդեռ երթային
 խօսելով ընդ միմեանս , ահա յեղակարծումն կառք
 և երկվարք 'ի լուսափայլ ամպոյ հրակերպ ձևա-
 ցեալք՝ շարժմամբ մեծաւ հասեալ անջրպետեցին
 զերկուսն 'ի միմեանց , և զեղիա յափշտակեալ կեն-
 դանւոյն վերացուցին յօդս , և 'ի թևս հողմոյ տա-
 րան՝ ուր առաջնորդեցին հրեշտակք : Այլ զտե-
 ղին , և զվիճակ կենաց նորա հանգոյն ենովքոյ
 նահապետի , թէ զիսրդ կեայ այժմ , և թէ ար-
 դեգը կերակրի , և զինչ գործէ , ծածկեաց 'ի
 մէնջ անձ . և որ ինչ ասի յառաջնոց կամ 'ի յեանոց
 անմիաբանաբար , է լոկ կարծիք , չունելով ինչ
 հիմն 'ի սք գրոց , ոն և ոչ 'ի հաստատուն ինչ վար-
 դապետութի եկեղեցոյ , այս միայն է հաւաստի :

զի ունի մնալ կենդանի մօտ 'ի կատարած աշխարհի, և դալ նահատակիլ յայնժամ ընդ ենովքայ, որպէս յայտ է 'ի յայտնութեն յովհաննու: Այլ մեք 'ի կարդ առաջիկայ պատմութես դարձցուք:

Ազիսէոս ոչ զօրելով վերաթևել մարմնով ընդօդս զկնի նորա, հայեցիւք աչաց և ձայնիւ յուղարկաւոր լինէր նմա՝ աղաղակելով, հայր հայր, դու էիր կառք որով յառաջադէմ լինէր երջանկութի խորայլի. դու էիր առաջնորդ 'ի շաւիղ ուղղութե հանել զխորայլէ: Ամայսպէս, դու էիր ամենայն զօրութի. դու միայն հաւասար էիր ողջոյն բանակի զօրաց: Այլ իբրև աներևոյթ եղև ցանկալին յաչաց տեսութի, բուռն հարեալ զհանդերձից իւրոց՝ պատառեաց յերկուս ծուէնս. և առեալ զմաշկեակն, զոր եղիա 'ի վերանալ իւրում ընկէց 'ի վերայ նորա, զոր և կալաւ նա իբրև ժառանգութի անգին, դարձաւ յերկբով: Իբրև եկն յերթ յորդանանու, վաղվաղակի ետես անդ զզօրութի մաշկեակն. զի եհար նովաւ միանդամ զջուրսն. ուր վուրկադայն յաւելու, * և ոչ բաժանեցան ||. և ասէ. ուր ես ար ար եղիայի արիւրով. և եհար անդրէն զջուրսն, և բաժանեցան յայսկոյս և յայնկոյս. յորմէ երևի թէ երկիցս եհար, և յերկրորդումն յետ կարդալոյ զարձ եղիայի՝ բաժանեցան ջուրք. և անց եղիսէէ ցամաքաւ ընդ յորդանան: Իբրև տեսին զսքանչելին որդիք մարդարէիցն որ յերկբով 'ի հանդիպոյն, ծանեան եթէ ոգին եղիայի հանգեաւ 'ի վերայ եղիսէի. և ընթացեալ ընդ առաջ նորա՝ երկիր պագին նմա 'ի վերայ երկրի: Այլ իմացեալ զվերանալ եղիայի՝ կամեցան ելանել 'ի խնդիր նորա, ակնունելով գտանել զնա 'ի վերայ միոյ ուրուք 'ի լերանց, կամ 'ի բլրոց, և կամ 'ի ձոր ուրեք: Ազիսէէ զառաջինն ընդդէմ եկաց նոցա, այլ 'ի բազում թախանձանաց նոցա բռնադատեալ՝ թոյլ ետ երթալ. թէպէտ և գիտէր թէ ընդվայր ունին յածիլ: Իսկ նոքա ընտրեալ 'ի խմբէ իւրեանց արս յիսուն զօրաւորս՝ առաքեցին ընդ այլ և այլ ձանապարհ. և յետ երկց աւուրց յու-

զախնդիր լինելոյ ընդ ամենայն տեղիս, ուր կար ծէին գտանել, դարձան առ եղիսէէ. որ և ասաց ցնոսա, ոչ ասացի ձեզ՝ թէ մի երթայք:

Աղիսէէ իբրև նստէր յերիջով, մատենն առ նա արք քաղաքին աղաչելով զնա ՚ի լաութի փոխել զջուր երկրին: Ահա ասիկ ասեն՝ բնակուածի քաղաքիս բարի է ըստ վայելուչ գրից, և ըստ օգոյն քաղցրութե, որպէս և ի՞նչ իսկ տեսանէ, այլ ջուրքս յուի, որ ոչ միայն զերկիրն զոր ուռգանէ ամուլ և անբեր առնէ, այլև մարդկան և անասնոց փնասէ: Ասաց եղիսէէ բերել նմա կուժ մի նոր, և աղ ՚ի նմա. և զայս յայն սակս, զի տեսեալ նոցա զաղ ՚ի կիր արկանել ՚ի բժշկութիւն ջրոյն, որ եղծանէ և զբարի ջուրն, թող թէ զյուռին բժշկեսցէ, ՚ի յայտնի սքանչելեաց անտի ծանիցեն ամենեքեան զթութութի և զամենակարողութիւնն իւր: Անաց եղիսէէ յականս ջուրցն և ժողովուրդ ընդ նմա. արկ անդր աղ. և դարձեալ առ նոսա՝ ասէ. ուրախ լերուք, զի այսպէս ասէ ի՞նչ, բժշկեմ զջուրսդ զայդոսիկ, և մի ևս լիցի այտի մահ և անղաւակութի և անպտղութի: Առ ահա այն ամենայն աղբուրք իսկ և իսկ փոխեցին զյուռի որակութիւնն իւրեանց. և եղեն այնուհետև միշտ բարի, առողջարար և արգասաւոր:

Այլ զի ժողովուրդն իօրայելեան առաւել արհաւրօք քան թէ բարութեամբ սովոր էր գալ ՚ի զգաստութի, կամեցաւ ի՞նչ և ահարկու պատիժ ցուցանել նոցա ՚ի ձեռն եղիսէի՝ առ առաւել յարգոյ ընծայեցուցանել զնա յաչսնոցա: Վանզի զկնի բժշկելոյ նորա զջուրսն երիջովի՝ այն ինչ ելեալ անտի երթայր ՚ի բեթէլ, բազմութի լիբբ և ստահակ մանկանց ելեալ ՚ի քաղաքէն՝ ընթանային զկնի նորա, և աղաղակէին կատակելով, ել կնտակ, ել կնտակ: Աղիսէէ լուեաց առ ժամանակ մի, այլ ապա տեսեալ զի յանդուգն լրբութի նոցա անցանէր քան զչափ, կարճեաց զխեղկատակ զուարճութի նոցա. գործաւ ՚ի թիկունս իւր, և հայեցեալ ՚ի նոսա՝ անէծ զնոսա յանունն ի՞նչ: Աստ մերս յա

ւելու ասել եղիսէի . * որդիք յանցանաց և դատար-
կուծիք ॥ . որ պահասի առ այլս : Ալ նոյն ժամայն
էլին երկու արջք յանտառէն , և պատառեցին քա-
ռասուն և երկու ՚ի ստահակ մանկանց անախի : Առ-
վաւ ետ անձ ծնողաց ուսումն կարևոր , թէ մնու-
ցանել աշխոյժս և զուարթագինս զմանկունս՝ պար-
տի լինել հանդերձ համեստութիւն և ակնածութիւն՝
որք զարդարեն զմանկական ոգի զուարթութեան
առանց տալոյ նոցա կարի համարձակութիւն , զի մի
զուարթութիւն ՚ի լրբութիւն փոխեսցի . յորմէ
դժուարաւ լինի նոցա յուղղութիւն դալ :

Գ. Լ. Բ.

Յովրամ Ռաֆայի իսրայէլի , և Կիւրայի Նորա յովրամ
ժառարայ յորայ , և արայն երովմայ հարկանէն զմովմե ,
և ասերէն զերկիր նորա :

Իբրև մեռաւ որդիս , մնաց ինքնիշխան և
անկախ թագաւոր իսրայէլի յովրամ եղբայր նորա :
Վանզի աքաաբ հայր նորա տեսեալ՝ զի ոչ գոյր
որդի որդիայ , և ոչ իսկ յոյս լինելոյ , և կամեցեալ
հաստատել զյաջորդութիւն յորդիս իւր , և զի մի
հակառակութիւն ծագեսցի ՚ի մէջ այլոց եղբարց ,
միով ամաւ յետոյ զկնի անուանելոյ զորդիս թա-
գաւոր՝ զնոյն անուն թագաւորի ետ և յովրամայ .
բայց ընդ իւրև , և ընդ եղբարբ : Ալ այնպէս
սկսաւ յովրամ վարել զանուն թագաւորի ընդ հարբ
և ընդ եղբարբ՝ յամի ութուտասաներորդի յովսա
փատայ արքայի յուգայ . և թագաւորեալ ամս հինգ
ընդ եղբարբ և ընդ հարբ , ապա ամս երկուս ոչ
ամբողջ՝ ընդ եղբարբ միայն , ՚ի մեռանել նորա՝
ինքն եկաց թագաւոր ինքնիշխան : Աեղև նա բաւ

ընկալաւ, քայց և ոչ այնպէս ամագարիչաւ որպէս զհայր և զեղբայր իւր, ոչ տարաւ պաշտօն ըստ հազու, զի ոչ հաւատայր 'ի կուռս, այլ սակայն պահեաց զերկու ոսկեղէն որթս՝ զոր կանգնեաց յերորովամ, եղեալ 'ի մտի 'ի ձեռն նոցին պաշտաման պահել զժողովուրդն ընդ իւրով հնազանդութեամբ ։

Առաջին խորհուրդ նորա 'ի Թագաւորել իւրում՝ եղև կազմել բանակ զօրաւոր 'ի բռնապատել զմովսաարքայ մովաբայ հարկանել նմա հարկս, որպէս առաջինքն քան զնա արարին ընդ ամս իբրև հարիւր ։ Այլ աստ գիտել արժան է, զի յորժամ ժողովուրդ խրայելի բաժանեցաւ առ ռորովամաւ և յերորովամաւ յերկուս Թագաւորութիս, ընդ նոսին բաժանեցան և ազգք նուաձեալք 'ի դաւթայ, և ընդ լծով կալեալք 'ի սողոմննէ. և ոչ դտեալ դիպողութիւն Թօթափելոյ զուծ նոցա՝ բռնադատեցան 'ի մի կամ 'ի միւս կողմն յարիլ ։ Ասորիք բռնադոյն գոլով՝ յառաջագոյն Թօթափեցին. եղովմայեցիք և փղտացիք սահմանակից յուգայի՝ 'ի նա յարեցան. ամոնացիք և մովաբացիք՝ որք առաւել մտ էին ցեղից խրայելի որ յայնկոյս յորդանանու, եղէն հարկատու Թագաւորաց խրայելի ։ Այլ քանզի առաւել Թեթև է ժողովրդեան հատուցանել զհարկս յիրաց անտի՝ որք յաճախ են և առատ յերկրի իւրեանց, քան առձեռն դրամօք, մովաբացիք դիբաւ տային մասն 'ի հօտից. քանզի ունէին արօտս յուրութիս, և հօտս խաշանց անհամար, յորմէ և մովսա Թագաւոր նոցա կոչեցաւ նէկէտ, որպէս Թէ տեսուչ կամ հովուապետ. նմին իրի հարկն եղեալ 'ի դաւթայ, և յետ այնորիկ յաջորդութիւն տուեալ 'ի մովաբացոց Թագաւորաց խրայելի՝ էր հարիւր հազար մաքեաց, և հարիւր հազար խոյոց գեղմաւորաց ։ Սովսա որ առ յովրամաւ Թագաւորէր 'ի մովաբ, յետ մեռանելոյ աքաաբու նշկահեաց զարքայն խրայելի. և ոչ ևս հատուցանէր զսովորական հարկն ։ Աքողիս չեգիտ պարապ զօրաժողով լինել ընդ

դէմ նորա, զի սուղ եղև թագաւորութի նորա . այլ յովրամ եղբայր նորա տարաւ 'ի գլուխ : Ալ նա 'ի սամարեայ և հանգէս արար ամենայն խորայելի . կոչեաց իւր նիզակակից և զյովսափատ, որ սի, բով և խազադութք էր ընդ նմա, որպէս եղև ընդ հօր և ընդ եղբօր նորա զբողիայ : Ահարց յովրամ զյովսափատ, թէ ընդ ո՞ր ճանապարհ ելանիցեն 'ի վերայ մովաբայ . նա ետ խորհուրդ ելանել ընդ ճանապարհ անապատին եդովմայ : Օայս խորհուրդ ետ յովսափատ, մի՛ զի կամէր առնուլ ընդ իւր և զեդովմայեցիս անցանելով ընդ անապատ նոցա . և երկրորդ՝ զի ոչ կամէր թէ կարի իմն ծանրասցին երկրին այնչափ բազմութի զօրաց . որպէս լինէր՝ եթէ զայլ ճանապարհ կալեալ էին՝ որ դիւրին ևս էր, զորօրինակ խրայել զճանապարհ ձախակողման յորդանանու յարևելից մեռեալ ծովուն, և յուղայ զճանապարհ լերանց սելիրայ . և ապա 'ի բերան անապատին եդովմայ միանալ երեցունց : Այց բարեմիտ արքայն ոչ աճ յայնժամ զմտաւ զանբերելի դժուարութին, զայնչափ բազմութի զօրաց անցուցանել ընդ անապատ անբեր և անջրղի : Այլ զիարդ և իցէ, եկին միացան երեք բանակք 'ի մուտս անապատին եդովմայ : Աստ սքզիրն զգօրավարն եդովմայեցւոց թագաւոր կոչէ, իմա՛ իշխան կարգեալ 'ի ներքոյ ձեռին յուղայ . քանզի որպէս ասացաւ 'ի վեր անգր՝ ընդ այն ժաւանակս ոչ գոյր թագաւոր յեդովմ, զի եդովմայեցիք էին ընդ անմիջական հնազանդութք թագաւորաց յուղայ, և սոքա կացուցանէին 'ի վերայ նոցա իշխան յազգէ նոցա՝ իբրև փոխանորդ իւրեանց . զոր մարթ է ըստ այժմու խօսից տիրապէս կոչել փոխարքայ :

Արդ ելին երեքին սոքա՝ արքայ խրայելի, և արքայ յուղայ, և արքայ կամ փոխարքայ եդովմայ՝ իւրաքանչիւր ստուար զնդաւ իւրով յամայի անապատ անգր . և զեօթն օր ճանապարհ արարեալ 'ի նմա, ոչ ևս դտանէին ուրեք ջուր ոչ վասն զօրուն, և ոչ վասն բազմութե բեռնարարձ գրաստ.

ուց : Ըբբայն խորայելի ըստ սովորուէ իւրոց յեւս
 սամիտ նախնեաց՝ սկսաւ արտնջել զից, ո՛հ ո՛հ
 ասէ՛ գումարեաց զմեզ տօր զէրիս թագաւորս միան
 գամայն մատնել ՚ի ձեռս մովբայ : Յովսափատ
 եղիտ գարման թշուառութեն ըստ իւրումն բարե-
 պաշտուէ՛ առ անոր կարողն է ամենայնի՛ դիմելով .
 ոչ գուցէ ասէ աստ մարգարէ՛ տն , զի հարցցուք
 (կամ ըստ սյլ թարգմանութեան , աղաչեացուք)
 նովաւ զտօր . եղիսէ արտաքոյ իւրոյ սովորութե՛ ,
 գտաւ յայնժամ ՚ի բանակն խորայելի : Ասն որոյ
 մի ոմն ՚ի զօրուէն խորայելի ետ պատասխանի , և
 ասէ . է աստ եղիսէ որդի սափատայ սպասաւոր
 եղիայի , որ արկանէր ջուր ՚ի լուանալ նորա ըզ-
 ձեռս : Իսկ և իսկ ծանեաւ յովսափատ զնա լինել
 ճշմարիտ մարգարէ՛ տն . գոյ ասէ՛ բան տն ՚ի նմա :
 Այլ յարուցեալ գնաց առ նա՛ առեալ ընդ իւր և
 զարբայն խորայելի , և զարբայն եղովմայ : Ըս-
 պէս և մեծամեծք աշխարհի ՚ի կարօտութե՛ իւր
 եանց խոնարհին ծառայից ան . ոչ անպատեհ վար-
 կանելով մեծուէ իւրեանց՝ զաղքատին , բայց զթե
 խղիկս նոցա անձամբ պատուել :

Իբրև ետես եղիսէ զարբայն խորայելի , ամբո-
 խեցաւ , զի ոչինչ փոյթ ցուցանէր գարձի և հաշ-
 տութե՛ ընդ անոց և ոչ իսկ յայնժամն , մինչ խնդ-
 րէր օգնել նմա սքանչելեօք , և ասէ ցնա , զի ոչ ու-
 նիս դու ընդ իս . ընդէ՛ր ոչ երթաս առ մարգարէս
 հօր քո և առ մարգարէս մօր քո : Այլ մեծարելով
 ըստ արժանւոյն զյովսափատ՝ ասէ կենդանի է տօր
 զօրութեց , որոյ կացի առաջի նորա , եթէ չէր ա-
 ռեալ ակն յովսափատայ արքայի յուգայ , թէ բնաւ
 հայէի իսկ ՚ի քեզ , և տեսանէի զքեզ : Այլ զի
 խռովեալ էին ոգիք մարգարէին , և ոչ կարէր ըն-
 դունել զաղքումն հօգւոյն անոց , որ սիրտ խաղաղ և
 անդորր խնդրէ , ասաց ածել առ նա սաղմոսասաց ,
 որ նուագեայէ՛ յթ և անձային եղանակս , զի խաղա-
 զասցին ոգիք նորա : Այլ և ինչ դժուարին հաճել
 զմարգարէն . զի ըստ սովորութեան խորայելացոց
 միշտ գտանէին ՚ի բանակի նոցա քահանայք և

ղևտացիք, որոց մի 'ի գլխաւոր գործոց էր պէս պէս նուազարանօք եղանակել սաղմոսս 'ի տաճարի տն: Այն ինչ նուազէր սաղմոսասացն՝ եկն 'ի նա հոգի տն. և դարձեալ առ Թագաւորսն՝ ասէ: Այսպէս ասէ տր, բրեցէք 'ի ցամաք հեղեղատիդ յայդմիկ դուքս բազումս, ոչ շնչեսցէ հոգմ, ոչ տեսանիցէք անձրև. և հեղեղատդ լցցի և հեղեղեսցի ջրով. և արբջիք դուք և անասունք ձեր և զբաստք ձեր և յաւելցի: Այս յայդ Թեթև ինչ է յաչա տն. արասցէ ձեզ և զայն որ մեծ ևս է. զի տացէ ձեզ և զլիակատար յաղթուի 'ի վերայ մովաբայ. և հարջիք և հիմնայտակ արասջիք զամուրս նոցա. տիրեսջիք ընտիր ընտիր քաղաքաց նոցա. ամայացուսջիք զգաշտս նոցա. կոտորեսջիք զամենայն ծառ պտղաբեր ազնիւ. խցջիք զաղբիւրս ջրոց, և զամենայն անդաստանս բարիս լցջիք քարամբք և անպիտանացուսջիք: Օայս ասաց մարգարէն. և ահա յառաւօտու ընդ արշալոյսն գային 'ի կողմանց եդովմայ ջուրք ուղիօրէն, և լցաւ ամենայն հեղեղատն ծագէ 'ի ծագ:

Աստ դիպաւ և 'ի մովաբացիս վրիպակ մի զին ուորական. յորմէ ունին ուսանել ուսումն կարևոր զօրավարք, չինել կարի դիւրահաւան այնմ զոր բաղձան Թէ իցէ ճշմարիտ, Թէպէտ և աչօք տեսանիցեն՝ բայց 'ի հեռուստ. և չառնել զանց զկտ նոնօք պատերազմի առ 'ի ունել 'ի ձեռին յառաջ քան զժամանակն զհաւաստի յաղթութի: Մովաբացիք քանզի լուեալ էին, եթէ ելին Թագաւորք պատերազմել ընդ նոսա, և Թէ հասեալ կան մերձ 'ի սահմանս իւրեանց, աճապարեցին և նոքա՝ գունդ կազմեցին 'ի պատանեկաց՝ որք կարօղ էին գօտի ածել մինչև ցծերս. և կանխեալ ընդ առաւօտն կացին 'ի վերայ բլրոյ առ սահմանաւ իւրեանց: Իբրև փոքր մի բարձրացաւ արեդակն 'ի վեր քան զեզերտս երկրի, 'ի մէջ շառագոյն գոլորշեաց՝ ջուրք հեղեղատին, առ որով էին բանակք միաբանեալ Թագաւորաց, յանդրադարձ ցոլացմանէ շառաւիղաց՝ 'ի հեռուստ կարմրագոյն երևէին:

զոր նորա անտարակոյս արիւն կարծեցին : Պիտէին զի յայնժամ ամենայն հեղեղաօք ցամաք են , վասն որոյ ոչ կարելով բնաւ զմտաւ ածել թէ երևեալն այն իցէ ջուր , հաստատեցան 'ի վրիպակն յառերևոյթ կարմիր գունոյ կերպացելոյ յանդրադարձ ցոլացմանէ : Աենդանի էր 'ի միտս նոցա և յիշատակ կոտորածի եղելոյ սակաւ ամօք յառաջ , յորժամ յոգնախումբ զօրք նոցին մովաբացուց միաբանելոց ընդ զօրս ամինայ' 'ի բանակի անդ իւրեանց զմիմեանս կոտորեցին իսպառ , մինչև չմնալ և ոչ միոյ կենդանի : Այն օրինակ կատաղութիւն լինել կարծեցին և այժմ 'ի բանակն անդ թշնամեաց , մինչև կոտորել զմիմեանս . արիւնն այն ասեն սրոյ է , կռուեցան ընդ միմեանս թագաւորքն , և հարին այր զընկեր իւր . և արդ հասպա յաւար մովար :

() այս ասացեալ զրոհ ետուն խուռնընթաց 'ի բանակ անդր իսրայէլի . այլ իբրև մերձ եղեն , տեսին՝ բայց անադան՝ զի ընդ կենդանիս ունին մաքառիլ , և ոչ զկողոպուտ մեռելոց սւարել : Ասան որոյ որպէս խառնիխուռնեկին , նոյն օրինակ խառնիխուռն 'ի փախուստ դարձան , և իսրայէլացուց զհետ մտեալ նոցա՝ զամենեսեան առ հասարակ 'ի սայր սուսերի կոտորեցին : Աւ մտեալ յերկիրն մովաբայ՝ կատարեցին զամենայն զոր ինչ պատուիրեաց նոցա մարգարէն , զքաղաքն կործանելով , զաղբիւրն խցանելով , զանդաստանս լաւազոյնս քարամբք անպիտան առնելով . և ապա եկին պատեցին զթագաւորական քաղաքն : Տեսեալ արքային մովաբայ՝ զի սաստկացաւ 'ի վերայ նորա պատերազմ , փորձ մի կամեցաւ փորձել . առեալ ընդ իւր եօթն հարիւր արս զօրաւորս սուսերամերկս՝ ել 'ի քաղաքէն դիմել 'ի վերայ արքային եղովմայ . այլ անդրէն յետս ընկրկեցաւ 'ի թշնամեաց : Ապա 'ի յետին յուսահատութի ըմբռնեալ , առ զորդին իւր զանդրանիկ՝ զոր անուանեալ էր թագաւոր փոխանակ իւր , և եղեն զնա 'ի վերայ պարսպին , և անդ յանդիման սչաց իսրայէլեան գնդին՝ այ-

րեաց զնա ողջոյն : Այլ յայտ թէ առ ի՞նչ գործեաց զայն գազանային անդ թու թի . գուցէ կարծէր նա վին ողջակիցաւ հաշտեցուցանել զարիւնուռչտ գիս իւր , և գտանել օգնութի ՚ի նոցանէ : Արամ թերևս կամէր ահարկանել թշնամւոյն լուկեայն իմն յայտարարութիւն թէ ունի վերջին յուսահատութիւն մարտնչել ընդ նոսա , և զնոյն առնել նոցա , զոր արար որդւոյ իւրում : Այլ կամ որ առաւել համեմատ երևի գրոյն՝ առ ՚ի շարժել զնոսա ՚ի գութ և յողորմութի , առաջի աչաց նոցա խողխողելով զթագաւորեալ որդին . զի ասէ գիրն .

* Այլ եղև զիղջ մեծ ՚ի վերայ իսրայելի || . Իբր ասել՝ ցաւեցան յոյժ , զի յայն յետին յուսահատութի հասուցին զաշխարհի հայրն . վասն որոյ վաղվազակի ՚ի բաց մեկնեցան ՚ի պաշարմանէ , և դարձան յերկիր իւրեանց :

Գ. Լ. Գ.

Յոլրամ որդի յովսափաու՝ Ռաֆաւոր յուրայ :
 Արդարապէս և շարախաշար մահ նորայ :

Իբրև մեռաւ յովսափատ , մնաց թագաւոր ինքնիշխան և անկախ յովրամ որդի նորայ : Սաքսան ամօք յառաջ՝ գոլով յայնժամ երեսուն և երկուց ամաց՝ անուանեցաւ ՚ի յովսափատայ հօրէն իւրմէ թագաւոր յուրայ . այն ամ հինգերորդ էր յովսափատայ ինքնիշխան թագաւորութեն զկնի մահու ասայի հօր իւրոյ : Արդարամիտն յովսափատ ընտրեաց զյովրամ կացուցանել թագաւոր՝ ոչ զի լաւագոյն էր քան զայլ որդիս իւր , այլ զի անդրա նիկ էր ՚ի մէջ եղբարց իւրոց . և ճանաչելով զխրոխտ և գազանային ոգի նորայ , երկեալ թէ խռովութի մեծ յարուցանիցէ , եթէ այլ ոք յեղբարց

նորա թագաւորեացէ : Ալ յետ ութուտասն ամաց՝ նորոգ հանդիսիւ հաստատեաց զնա՝ ՚ի թագաւորութե՛, տալով նմա փոքր ինչ առաւել իշխանութի . և այս ամ էր Հինգերորդ միւս յովրամայ՝ անուանելոյ թագաւոր իսրայելի առ հարբն և առ եղբարբն ՚ի սամարիա : Օ այս արար յովսափատ՝ ոչ որպէս թէ կարօտ ինչ էր օգնականութե՛ որդւոյն , այլ առ ՚ի պահել զնա խաղաղ և հանդարտեալ . զի գոլով նորա հասեալ ՚ի հասակ յիսնամեան , ծանր էր նմա ծերանալ լոկով անուամբ թագաւորի , առանց և ոչ մի ինչ գործոյ կառավարութե՛ :

Այսպէս յետ թագաւորելոյ յովրամայ ամս ութուտասն ընդ հարբ , և ամս երկուս ընդ հօր . ՚ի հասակի յիսուն և երկուց ամաց ՚ի մեռանել յովսափատայ , սկսաւ թագաւորել փոխանակ հօրն . և ամս ութ թագաւորեաց ինքնիշխան : Ինդ ա մենայն ժամանակս թագաւորութե՛ իւրոյ և ոչ մի ինչ գործ գովութե՛ արժանի երևեցոյց . այլ ընդ հակառակն՝ ելից զթագաւորութիւնն յուդայ չարեօք : Աղվաղակի ՚ի թագաւորել իւրում ինքնազուխ , եմոյծ յերկիրն յուդայ զկուռս իսրայելի . վասն զի դուստր աքաաբու քոյր միւս յովրամայ ամպարշտի արքայի իսրայելի՝ էր նորա կին : Ալ իբրև ետես զանձն բաւականապէս զօրացեալ՝ ժանտացաւ յեղբարս իւր կրտսերս քան զնա : Յովսափատ կանխաւ ունելով կասկած ՚ի սրտի , գուցէ սա ըստ անագորոյն բարուց իւրոց մխեսցէ երբէք զձեռս յարիւն եղբարոյն , կանխեաց յապահովացուցանել զնոսա : Ատ իւրաքանչիւր նոցա յերկրին յուդայ քաղաքս ամուրս պարսպաւորս հանդերձ վիճակօք իւրեանց յեկամուտս , զի մի իւրք ունիցին կախումն ինչ զեղբօրէն իւրեանց երիցուէ . և ևս՝ ամրացոյց զնոսա սսկւով և արծաթով և զինու : Ալ ինքն առ կենդանութե՛ իւրով եմոյծ զնոսա ՚ի ժառանգութի քաղաքացն , ոչ վստահայեալ յանդրանիկն առնել ապստաման զկատարումն իւրոց կամաց : Ալ այսպէս ակնունէր յովսափատ պահել շատացեալ զամեհի անդրանիկն՝ կացուցսնելով

զնա Թագաւոր 'ի վերայ յուղայ . և զվեց եղբարս նորա կրտսերս աներկեւան 'ի նմանէ, տալով անցնիւր նոցա մի մի փոքրիկ փրուածիս՝ պատասպարիլ 'ի նոսա խաղաղութիւն :

Եւ այց գաղսնուի որդւոյն վեր 'ի վայր կործանեաց զիմաստուն տնտեսութի Տօրն . վասն զի 'ի ձեռն գաւաճանօղ սրիկայից դարան գործեալ նոցա , ընդ սուր անցոյց զամենեսեան զնոսա : Եւ այն օրինակ կոտորեաց և զոմանս յիշխանացն իսրայելի , որք ինքնակամ եկեալ մտեալ էին ընդ հնա զանդութիւն արքային յուղայ : Եւ յի յափշտակել նորա այսպիսի գաղանային անգթութիւն զսակաւ քաղսքս և զկալուածս իւրոց եղբարց , կորոյս Թագաւորուի մի ողջոյն՝ օրինօք ժառանգեալ : Եւ ան զի յաւուրսն յայնոսիկ ապստամբեցան 'ի նմանէ եղովմայեցիք . և Թէպէտ հարան միանգամ 'ի նմանէ՝ որ ել 'ի վերայ նոցա կառօք և երիվարօք , բայց անդրէն գլուխ ամբարձեալ նոցա՝ կացուցին իւրեանց Թագաւոր աղգային , և այնուհետեւ 'ի բաց կացին 'ի ձեռանէ յուղայի : Եւ այսու կորոյս յովրամ միանգամայն զայն լայնարձակ երկիր , որ 'ի սէյիր լեբանց ձգի մինչև 'ի ծովն կարմիր . ընդ նմին կորոյս և զգլուխ Թէպէտ հանելոյ երբէք նաւս 'ի ծով անդր , և զձանապարհ բազմաշահ զմաւուս ռաշահութեւ ընդ եգիպտոսի : Եւ նմին ժամանակի ապստամբեաց 'ի ձեռանէ նորա և զոքնա քաղաք 'ի մեծադոյն փնաս Թագաւորութե իւրոյ . զի էր մի 'ի հզօր քաղաքաց անտի կառուցելոց առ ձանաւ պարհաւ՝ որ յերուսաղէմէ հանէր 'ի ծովն միջերկրական . նաև էր ահարկու նախապարիսպ ընդդէմ Թագաւորաց իսրայելի : Եւսկ այլ ժողովուրդք նորա կային հանդարտեալ ընդ նովաւ առ ահի , այլ ոչ 'ի սրտէ . զի որ ամպարիշտ է առ նիծ , և անգութ առ մարդիկ , չունի ինչ ակնունել անկեղծ հաւատարմութե 'ի ժողովրդէնէ :

Եւրբէք ամբք յառաջ քան զմահ իւր եհաս նմա զիր յեղիայ մարգարէէ . այլ Թէ երբ և ո՞ր գրեցաւ , է՛է յայտ . գուցէ յառաջ քան զվերանալ իւր

գրեաց, և յանձն արար եղիսէի, զի ըստ ժամն նախին առաքեսցէ նմա. և կամ զինի վերանալոյ՝ սպասուորուծք հրեշտակի հասոյց նմա. զիարդ և իցէ, այս հաւատտի է թէ զիրն այն եհաս ՚ի ձեռս յովրամայ. իսկ բան գրոյն այս էր: Տը անձ դաւթի հօր քո խօսի առ քեզ, և ասէ ցքեզ. փոխանակ զի ոչ գնացեր դու ՚ի ճանապարհս յովսափատու հօր քո, և ոչ ՚ի ճանապարհս հաւուն քո ասայի արքայի յուդայ՝ այլ գնացեր ՚ի ճանապարհս թագաւորին իսրայելի. արարեր կուռս և ետուր պաշտել յուդայի և բնակչաց բումի թագաւորեալ քաղաքի երուսաղէմի, զՏեա երթեալ պղծութեց տանն աքաբու. և զեղբարս քո զորդիս հօր քոյ զլաւադոյնան քան զքեզ սպաներ. վասն այսր ամե նայնի հարցէ զքեզ ան ան հարուածովք մեծամեծօք, և զժողովուրդ քո, և զորդիս քո, և զկանայս քո, և զամենայն ստացուածս քո. և դու չար հիւանդուծք ակախու որովայնի հաշեսցիս, մինչև ելցէ որովայն քո:

Օ ինչ ներգործութի արար այս զիր յարքայն՝ ոչ զիտեմք, զի չունիմք ինչ ՚ի գրոյն. բայց զայս զիտեմք զի ըստ ամենայն բանից անվրէպ ճշգրտեցան: Օ ի սուղ ինչ յետոյ ելին փղշտացիք ՚ի միոյ կողմանէ, և արաբացիք ՚ի միւս կողմանէ՝ որք հաքկատու էին յուդայի, և սփռեալ յասպատակութի՝ հարստահարէին զամենայն թագաւորութիւն. հասին և յերուսաղէմ, մտին և աւար հարին զարքունիս. առին զամենայն զոր գտին ՚ի տան արքայի, և կոտորեցին զորդիս նորա, և զգասերս և զկանայս նորա, յորոց գողողիա և եթ ապրեցաւ, իսկ յորդոցն՝ միայն որոզիաս կրսերագոյն յորդիս նորա: Օ ի ոչ կամեցաւ ան իսպառ ջնջել զտունն դաւթի՝ վասն ուխտին զոր եգ ընդ նմա, և որպէս ասաց ցնա տալ նմա ճրագ, և որդւոց նորա զամենայն աւուրս: Իսկ ասպատակաւորացն շատացեալ բազմահարուստ աւարօքն՝ թողին զերուսաղէմ և գարձան ՚ի տեղիս իւրեանց:

Եւ ինչ ակնունէր աշխարելի թագաւորն փոքր

մի ոգի առնուլ 'ի տառապանաց ասպատակողացն արարացուց, եհաս 'ի նա չար հիւանդութիւն գուշակեալ յեղիայէ. զի հարաւ անբուժելի անտիւ որովայնի. որով ընդ ամն երկուս յաւուրց ցաւուրս հաշեալ և մնշեալ ելին 'ի մարմնոյ նորա փտեալ և նեխեալ փորոտիք նորա. և մեռաւ 'ի չար հիւանդութեն յայնմիկ, ատելի րոյ և ժողովրդեան իւրոյ. և ոչ արարին նմա յուղարկաւորութի՝ որ պէս սովորութի էր առնել թագաւորաց. և ոչ արժան դատեցան թաղել զնա 'ի գերեզմանս թագաւորացն: Ա՛ ա՛ որպէս ասացաք, էր երեսուն և երկու ամաց՝ յորժամ սկսաւ թագաւորել յամին հինգերորդի յովսափատու հօր իւրոյ. թագաւորեաց ամն ութ զինի մահու հօրն. որպէս ունիմք 'ի գիրս Բ. Գագ. Ի. 20. և ըստ այսմ լինի վախճան նորա 'ի վաթսներորդ, կամ 'ի վաթսներորդ առաջներորդ ամի կենաց իւրոյ: Ա՛ ասն որոյ ասէ կողինոս, թէ ամենեկն անպատճառ ոմանք 'ի բաց թողեալ զամն քսան՝ յորմէ հետէ սկսաւ կրել զանուն թագաւորի առ կենդանութիւն հօրն, բառնան 'ի կենաց նորա ամն քսան, գնելով զնա մեռանել ամաց քառասնից: Ա՛ր արժան է 'ի միտ առնուլ, զի տուաւ յովրամնայ բառական ժամանակ. տուաւ զիսպողութի. տուաւ և շարժիչ 'ի զգաստութի և յապաշխարութի. բայց և ոչ մի ինչ նշան գտանեմք զգաստանալոյ և աղաշխարելոյ. նա՛ զհակառակն ընթեռնումք 'ի գիրս Բ. Գագ. * Ա՛ռ մեռաւ ասէ՛ ոչ գովութի՛:

Ստանելէ՛ք զոր արար անձ 'ի յէօնն եղիւնէի մարգարէի յերկրին խորայելի առ ժամանակօք յովրամայ արայի իւրայելի :

Յովրամ արքայ խորայելի յետ դառնալոյ յաղթանակաւ 'ի սլատերազմէն մովաբայ , 'ի յարգի ունէր զէզիսէոս 'ի սրտի իւրում իբրև ճշմարիտ մարգարէն . զի աեսեալ էր իւրով իսկ աչօք զմեծահրաշ սքանչելիս՝ զոր արար անձ 'ի ձեռննորա յանջրդի անապատի անդ եղովմայ , ջուր յորդառատ տալով յայնմ յետին անձկուլթէ երկոց թագաւորաց : Ապաքէն շնորհ մեծ եղև նմա 'ի անէ զայն սկսի այր քառնել առ իւրով ժամանակօք յիւրում թագաւորուլթէ . բայց ոչ գիտաց ըստ արժանւոյն վայելել զշնորհն : Աքաղաքական մասին վայելեաց լիով . զի յամենայն կարիս թագաւորուլթէ իւրոյ ունէր զնա իւր զօրավիզն և օգնական և իբրև պարիսպ անվանելի . որով և յամենայն վրտանգս գտանէր ելս բարեյաջողս սքանչելագործուլթեամբ նորա : Այլ ըստ հոգւոյ մասին՝ զուրկ գտաւ յամենայն հոգեկան բարեաց . և այն զի՛ վասն այնորիկ շնորհեաց անձ զճառայն իւր նմա և թագաւորուլթէ նորա՝ ընկղմելոյ յանձն կռապաշտուլթէ : Ասն զի յովրամ յամենայն սքանչելիս հայերլոկ մարմնոյ աչօք՝ զժամանակեան և էթ յաջողուլթի խնդրելով . իսկ զհոգւոյն աչս կափուցեալ ունէր՝ հայել և տեսանել զհոգեկան կարօտուլթիս և զվտանգս : Ասն այնորիկ միշտ 'ի խաւարի մնաց հոգւով , 'ի կռապաշտուլթէ ապրեցաւ , և 'ի նմին կորեաւ : Ասկայն էթէ արքայ յայնմ մասին ինչ ոչ շահեցաւ 'ի մարգարէէն , արար անձ՝ զի գէթ 'ի ժողովրդենէ նորա բազումք շահեսցին ոչ միայն ըստ հոգւոյ , այլ և 'ի մարմնական կարիս . զի

մի վաստակք ծառային իւրոյ գլխովին ունայնասցին յայնմ բազմութե ժողովրդեան :

Հռչակեալ էր համբաւ եղիսէի 'ի համօրէն երկրին իսրայելի . մի՛ զի յաճախ շրջէր նա աստ և անդ , առաւելապէս վասն այց առնելոյ ժողովոյ կամ միաբանութե պատանեկաց առ 'ի նմանէ դաս տիրակելոց 'ի զանազան տեղիս . որք և յայն սակս կոչէին որդիք մարգարէից , այն է աշակերտք , և կային 'ի խաղաղութե . զի յովրամ 'ի պատիւ երեսաց եղիսէի բարձեալ էր զամենայն իշխանութի յեզաբելայ մօր իւրոյ . և ոչ ևս կարող էր հալածել զմարգարէս նոյ , որպէս առնէր առ կենդանութի քաաբու հօր իւրոյ : Արկրորդ պատճառ և առաւել գլխաւոր հռչակելոյ անուան եղիսէի էին սքանչելագործութիք , որով անժ փառաւորէր զծառայն իւր յայնմ կուսպարիշտ ժողովրդեան :

Առջինն որ վայելեաց 'ի շնորհս սքանչելագործութե եղիսէի՝ զկնի դառնալոյ յովրամայ 'ի պատերազմն մովաբայ , եղև կին մի այրի 'ի սաւ մարիա . որոյ այրն՝ որ էր յորդուց մարգարէից , այր երկիւղած յոյ , և ոչ անծանօթ եղիսէի , մեռաւ յաւուրսն յայնոսիկ , և եթող պարտս 'ի վերայ տառապեալ կնոջն . և նա քանզի չունէր ինչ բնաւ 'ի հատուցանել՝ բաց յերկուց մանկահասակ որդուց , պարտատէրն անգութ զնոսս կամէր առնուլ 'ի ծառայութի իւր փոխանակ պարտուցն : Աինն տառապեալ չունելով ուստեք օգնութիւն , դիմեաց առ եղիսէի՝ որ էր յայնժամ 'ի սամարիա , և առջի արար նմա զԵղուառութի իւր . և առառաւել շարժելոյ զնա 'ի կարեկցութիւն , յիշէ զմեծպաշտութի առնն իւրոյ . զոր դու ինքնին գիտես ասէ : Այտ պատասխանի եղիսէի ցաւակցելով , զինչ ինչ արդեօք կարող եմ առնել քեզ . պատմեա՛ ինձ զինչ կայ 'ի տան քում . ասէ կինն . ոչ գոյ 'ի տան աղախնոյ քոյ և ոչինչ , բայց միայն սա կաւ մի իւղ առ օծանիւ . այն էր իւղ ազնիւ՝ յօրինեալ զանազան իրօք 'ի պէտս օծութե ըստ սովորութե երկրին : Ասէ ցնա եղիսէի , եթ խնդրեա՛

քեզ ամանս ունայնս յամենայն դրացեաց քոց՝ սր ընդ կարես բազումս, և մտեալ դու և որդիք քո ընդ քեզ՝ ի տունն՝ փակեացես զգրուեսն ընդդէմ ձեզ. և արկցես զիւզն յամենայն ամանսն մինչև լցցին: Արար կինն ըստ բանին եղևսէի. և փոքրիկ անօթն այն թուէլ: աղբիւր իմն՝ յորմէ ոչ դադարեաց ի հոսելոյ իւզն այն ազնիւ, մինչև լցան ամենայն ամանքն. որդիքն մատուցանէին զամանս, և նա ընոյր միշտ. յայնժամ և եթ եկաց իւզն, մինչ ասացին նորա՝ թէ՛ ոչ գոյ այլևս աման: Այն իւզ հրաշական բաւական եղև ոչ միայն ի հատուցումն պարտուց առնն, յորմէ զմասն ինչ վաճառեաց ըստ բանին եղևսէի, այլև ի դարման կնոջն և որդւոց նորա:

Եւտ այնորիկ եղէն և այլ սքանչելիք ի սովմնա: Սովորէր եղիսէ՛, որպէս ասացաք, ստէսլ ելանել յայցելութի որդւոց մարդարեւից բնակելոց ի զանազան տեղիս, և մանաւանդ ի կարմեղոս լերին: Ասան այնորիկ բազում անդամ դէսլ լինէր նմա անցանել ընդ սովմնա քաղաք՝ որ ի վերայ ճանապարհի կարմեղոս լերին: Ար անդ այր մի նծապաշտ երևելի ի քաղաքին. և կին նորա առաւելեալ քան զայրն ազնուատոհմութիւն և բարեպաշտութիւն: Սա բռնադատեաց զայրն նոյ, զի յանցանել նորա ընդ այն՝ մի այլ ուրեք, այլ միշտ ի տան իւրում իջևանս արասցէ: Աղիսէ՛ զարմացեալ ընդ հաւատ նորա և ընդ այնպիսի հիւրասիրութիւն, զիջաւ ի խնդիր նորա, և այնպէս առնէր միշտ: Իսկ կինն բարեպաշտ բազում խնամով պաշտէր զնա, պարզև մեծ համարելով անձին՝ այնպիսում առն նոյ սպաս հարկանել: Այա զմտաւ ածեալ խոհական կնոջն և առն նորա, թէ՛ դուցէ՛ նեղութի ինչ ունիցի այրն նոյ յընտանեաց տան, կամ թէ՛ առ առաւել յօժարեցուցանելոյ զնա մտանել առ նոսա, շինեցին նմա վերնատուն մի փոքրիկ առանձինն, պատրաստեալ ամենայն կարևոր կարասեօք վասն միոյ իջաւորի, եղևալ ի նմա մահիճս, և աթոռ, և աշտանակ:

Այս յառաջնում ճանապարհորդութեան՝ զոր
 արար ընդ այն մարգարէն, Կաեալ զվերնատունն
 պատրաստեալ՝ և մուտ և հանգեաւ անդ: Այլ կա
 մեցեալ ընդ այնչափ և այնպիսի առատամիտ ասպն
 ջականուէ սոմնացի կնոջն բարի ինչ առնել նմա,
 կուեաց զնա՝ ի ձեռն գեեզեայ պատանեկին իւրոյ.
 և նորա եկեալ եկաց առ դուրսն առաջի եղիսէի,
 առ մեծի համեստութե իւրոյ ոչ իշխելով մտանել
 ՚ի ներքս ՚ի սենեակ անդր: Ասաց ցնա մարգարէն
 միջնորդութիւն գեեզեայ. ահա կազմեցեր մեզ զայս
 ամենայն կազմած, արդ զի՞նչ հատուցումն հատու
 ցից քեզ, եթէ ունիցիս ինչ կարիս առ արքայ,
 կամ առ իշխան զօրուն. ասէ կինն. խաղաղական
 կենօք բնակեալ եմ՝ ՚ի տան իմում, և ՚ի մէջ ազ
 գականաց իմոց, չունիմ իմիք կարօտութիւն առ ՚ի
 հատուցանել յունկն արքայի: Այնժամ եհարց
 եղիսէի ցգեեզի, թէ զի՞նչ պարտ իցէ առնել նմա.
 և նա ասէ. կարի իսկ քաջ ասաց կինն՝ թէ չունի
 ինչ պէտս իմիք յարքայէ. այլ յամենայն բարօրու
 թե իւրում մի ինչ պակաս է նմա, զի ոչ գոյ նո
 րա որդի. և այր իւր ծեր է: Այսպէս ունին եօ
 թանասունք, և ասորին, և արաբացին, և քաղ
 զէացին, համաձայն եբրայականին. իսկ մերս որ
 ասէ. * Այլ այրն իւր չէ ինչ ծեր. թուի յայլ
 օրինակէ եօթանասնից առեալ. (զի գիւրաւ խառ
 նի յօդս * , ընդ բացասականդ *) : Ասէ ցնա եղի
 սէի. կուեա՞ դարձեալ զնա, զի ես ինքնին ասացից
 զոր արժան է ասել առ նա. իբրև եկն կինն իւ
 րով սովորական համեստութիւն՝ ասէ ցնա եղիսէի.
 ՚ի յաջորդ ամի ՚ի սոյն աւուրս ունիցիս ՚ի գիրկս
 մանուկ. ասէ կինն պատկառանօք. մի՞ տր սյրդ
 ոյ, մի խաբեր զաղախին քո. մի ուրախացուցաներ
 սուտ միթիթարութիւն: Առեաց մարգարէն, այլ
 բանք նորա արդիւնք եղէն. զի յղացաւ կինն, և
 ըստ ժամանակին գուշակելոյ մարգարէին ծնաւ
 որդի և լցաւ տունն սոմնացւոյն ուրախութիւն:

Այլ իբրև հաստատեցաւ մանուկն, յաւուր մի
 ում ել ՚ի դաշտ անդր առ հայր իւր տեսանել զՏէն

ձօղան . ուր հարեալ 'ի տապոյ արեգական՝ սկսաւ
 ազաղակել , գլուխ իմ , գլուխ իմ . և հայրն
 վաղվաղակի 'ի ձեռն միոյ 'ի ծառայից յղեաց զնա
 'ի տուն առ մայր իւր . և ննջեաց մանուկն 'ի վե-
 րայ ծնդաց մօրն մինչև ցմիջօրեայ . և մեռաւ անդ
 'ի գիրկս մօրն : Կսկ մայրն թէպէտ լցաւ անբե-
 րելի ցաւով , այլ ոչ շփոթեցաւ . հաւատաց թէ
 որպէս աղօթիւք առն նոյ տուաւ մանուկն արտաքոյ
 յուսոյն իւրոյ , նոյնպէս նորին աղօթիւք անդրէն
 դարձուցի նմա : Աման այնորիկ հանեալ զմեռեալ
 մարմին նորա 'ի վերնատուն անդր՝ կողմնեցոյց 'ի
 մահիճս առն նոյ , և փակեալ զդուռն 'ի վերայ նա-
 րա՝ կոչեաց փութանակի զայր իւր , և ասաց առա-
 քել նմա զմի 'ի ծառայից , և էջ՝ զի սնդեցայց ասէ
 'ի կարմելոս առ այրն նոյ , և դարձայց : Օրմա-
 ցեալ առն ընդ ապաժամ երթ նորա , ասէ . զի
 երթաս դու այսօր առ նա , զի ոչ ամսամուտ է ,
 և ոչ շաբաթ . ասէ կինն , խաղաղութի է . և ոչ
 էհան 'ի վեր նմա զմահ մանկանն . և ինքն փու-
 թացուցեալ զծառայն հանդերձել զէջն՝ նստաւ 'ի
 վերայ նորա և գնաց : Ընն ինչ մերձեցաւ 'ի
 լեառն , ծանեաւ զնա եղիսէէ . և ասէ ցգեեզի ,
 ահա այն սոմնացին է . ընթա՛ ընդառաջ նորա , և
 հարցցէս զողջունէ նորա , և առնն , և մանկանն , և
 կինն ոչ կամելով յայտնել նմա զցաւս սրտի իւրոյ՝
 ետ պատասխանի , ողջոյն է : Կսկ եկեալ 'ի լեառն
 առ եղիսէէ , անկաւ առաջի նորա՝ բուռն հարեալ
 զոտից նորա . մատեաւ դեեզի հեռացուցանել զնա ,
 զիտելով զմեծ զգուշաւորութի մարգարէին յայս .
 ողիսիս . ասէ ցնա եղիսէէ , թոյլ տուր դմա , զի
 անձն նորա ցաւագին է . և նոր թաքոյց յինէն և ոչ
 պատմեաց ինձ : Յայնժամ կինն սկսաւ ասել ար-
 տասուալից հեկեկանօք , միթէ իշխեցի՞ ես ինդ-
 րել որդի 'ի ննէդ իմմէ . և 'ի խոստանալ քօ ինձ ,
 ոչ ասացի թէ մի խաբեր զիս :

Սանեաւ եղիսէէ 'ի բանից նորա եթէ մեռաւ
 մանուկն , և 'ի յայտնութէ նն ուսաւ և զդարման
 նորա . վասն որոյ նոյն հետայն տուեալ 'ի ձեռս

գեեզեայ զխորհրդաւոր ցուպն իւր, առաքեաց զնա երթալ փութանանի, և զնել զցուպն 'ի վերայ երեսաց մանկանն. և առ չյամելոյ ուրեք 'ի ճանապարհի 'ի սատաճառս ողջունից՝ յորմէ և այլ զրոյք 'ի մէջ մտանեն, սատուիրեաց նմա մի՛ զոք ողջունել զճանապարհայն, և եթէ յումեք՝ ողջունեսցի՛ մի տալ նմա պատասխանի: Վնաց գեեզի եդ զգաւազանն 'ի վերայ երեսաց մանկանն. այլ ոչինչ նշան կենդանութե՛ երևեցաւ 'ի նա: Սմանք աստանոր համարին, թէ ոչ արար ն՛ծ յայնժամ սքանչելիս 'ի պատիժ գեեզեայ: Սասն զի փքացեալ նորա 'ի սրտի իւրում ընդ այն ցործ մեծ որ յանձնեցաւ նմա, ամենեցուն որք հանդիպելին նմա 'ի ճանապարհի, և տեսեալ զշուափոյթ գնացս նուրա՛ հարցանելին, թէ յո՞ երթայ, տայր պատասխանի ընդդէմ հրամանին զոր ունէր 'ի մարգարէէն՝ ասելով, մի յամեցուսջիք զիս 'ի ճանապարհէս, և մի մնասջիք ողջոյնս ընդունել յինէն, զի փութամ երթալ 'ի յարուցանել մանուկ մի մեռեալ: Այլք թերահաւատութե՛ կնոջն ընծայեն զայն, ոչ հաւատալով նորա թէ ցուպն կարիցէ հրաշադործել զյարուի մանկանն, այլ զամենայն յոյս իւր ունէր 'ի մարգարէն. բայց նոյնպէս 'ի գէպ է ասել, թէ առ ջերմ հաւատոցն և ջերմ սիրոյն կամէր, զի անձամբ գայցէ. վասն այնորիկ երգուաւ 'ի նր և յանձն նորա՛ ոչ թողուլ զնա: Վնաց եղիսէէ ըստ յուսապատար խնդրոյ կնոջն. և 'ի ճանապարհի ել ընդառաջ նորա գեեզի տրտմադին 'ի դարձի իւրում, և պատմեաց նմա, թէ ոչ յարեաւ մաւնուկն: Ակն եղիսէէ, և մտեալ 'ի վերնատուն իւր՝ ետես զմանուկն մեռեալ և կողմանեցուցեալ 'ի մահիճն նորա. փակեաց զդուռն, և եդ զբերան իւր 'ի վերայ բերանոյ նորա, և զչս իւր 'ի վերայ աչաց նորա, և զձեռն իւր 'ի վերայ ձեռաց նորա, և կծկեցաւ 'ի վերայ նորա, և փոքրկացաւ այնպէս՝ զի ամենայն անդամք մարմնոյ նորա համեմաւ տեսցին փոքրիկ անդամոց մարմնոյ մանկանն, որ և այնու սկսաւ ջերմանալ: Այս ամենայն կարգեալ

լինէր յօրինակ մեծի և անհասանելի խորհրդոյ մարդեղութեան բանին նոյն : Այլ դարձաւ շրջեցաւ եղիսէէ ՚ի տանն յայսկոյս և յայնկոյս աղօթս առնելով , և ապա ել և դարձեալ կծկեցաւ ՚ի վերայ մանկանն մինչև ցեօթն անդամ . և երայ մանուկն զաչս իւր՝ կենդանացեալ : Այնժամ կոչեաց եղիսէէ ՚ի ձեռն գեեզեայ զմայր մանկանն , և ասէցնա՛ն առ զորդիդ քո . իսկ նորա մտեալ ՚ի տունն և տեսեալ զորդին կենդանի կացեալ առ եղիսէիւ , անկաւ առ ոտս նորա , և երկիր եպագ նմա յերկիր . և լի ուրախութեալ առեալ զորդին՝ ել յերեսաց առն նոյն :

Այտ այսորիկ պատմէ սք գիրն և զայլ սքանչելագործութիս եղիսէի միմեանց զկնի՛ առանց պահելոյ զկարգ ժամանակին . զոր մեք վերածցուք ըստ կարի յանցնիւր ժամանակս : Օ կնի յարուցանելոյ զորդի սոմնացւոյն՝ խորհուրդ էտ նմա այրն նոյն ելանել յերկրէն իսրայէլի ամենայն ընտանեօք , և երթալ պանդխտութեալ յայլ տեղի . զի սոքն որ արդէն սկսեալ էր յերկրին իսրայէլի ՚ի պատիժ մեզաց կռապաշտութե , հանդերձեալ էր յերկարելցամս եօթն : Արար կինն ըստ բանին եղիսէի . գնաց ինքն և ամենայն տուն իւր , և պանդխտեցաւ յերկրին փղշտացւոց : Այլ ապա յետ կատարելոյ ամացն եօթանց սովուն , դարձաւ անդրէն յերկիր իւր հայրենի . և գտեալ զտուն և զանդս իւր զրաւեալ յայլոց զկնի մեկնելոյ նորա անտի , եկն բողբ հարկանել առ յովրամ արքայ վասն տան և վասն անդոց իւրոց : Անմին ժամու գեեզի ծառայ եղիսէի պատմէր արքայի , թէ սրպէս կենդանացոյց եղիսէէ զորդին զմեռեալ կնոջն սոմնացւոյ . ուստի ՚ի մտանել կնոջն ընդ որդւոյն յարուցելոյ առ արքայ , ասէ գեեզի . նոր արքայ՝ ահա այս կին է , և այս որդի դորա , զորմէ պատմէի թէ կենդանացոյց եղիսէէ : Այլ լուեալ արքայի զիրաւունս կնոջն , պատուիրեաց դարձուցանել նմա ոչ միայն զտուն և զանդս , այլև զամենայն արդիւնսն զոր քաղեալ էին ընդ ամենայն ժամանակս , յորս ՚ի բա

ցեայ եղև կինն . և առ անյաւաղ գործադրութի արբունի հրամանին՝ առաքեաց արքայ ընդ նմա զմի ՚ի պաշտօնէից իւրոց : Այս պատմէ՛ սբ զիրն յութերորդ զլուխ չորրորդ թագաւորաց , յետ անցանելոյ սովուն , և յետ պատմելոյ զբժշկութի նէմանայ , և զբորոտութի գեեղեայ : Ահա հաւա նելի թէ գեեղի ծառայ և բորոտ այնչափ շնորհս գտեալ իցէ առ արքայ , մինչև տալ նմա մուտս ՚ի տուն իւր , և զբանիւք անկանիլ ընդ նմա , յաղագս մեծամեծ գործոցն եղիսէի . զի ըստ հրէական օրինաց բորոտք ոչ միայն ՚ի տանց , այլև ՚ի քաղաքաց մերժեալ էին . թող զի յետ բորոտելոյն գեեղեայ ոչ ևս կալաւ զնա եղիսէ՛ առ իւր : Ապա յայտ է թէ այս անցք սովմնացոյն յառաջ քան զբժշկութիւն նէմանայ եղև . իսկ սրբազան գրիչն կամեցեալ պատմել զգարձ նորա , որ եղև յետ սովոյն , սկսանի ՚ի գլխոյ զպատմութիւն , և անընդհատ պատմէ ցկատարած ըստ սովորութե՛ սբ գրոց :

Ազիսէ՛ յետ յարուցանելոյ զորդի սովմնացոյն գնացեալ էր ՚ի գաղգաղա առ որդիս մարգարէից խնամել զպէտս նոցա ՚ի սովուն : Առաւր միում ասաց յսպասաւորն պատրաստել կերակուր ժողովրդեան . ել նա յանդն քաղէլ վայրի դալարիս ինչ , առ ՚ի չգոյէ բանջարաց ՚ի պարտէզս սահս երաշտին . և գտեալ ՚ի դաշտին որթ վայրենի , և զի ոչ ճանաչէր թէ զինչ բոյս իցէ , քաղեաց ՚ի նմանէ սողոխ . որ ըստ մեկնչաց ոչ է յատկապէս ազոխ տհաս խաղողոյ , այլ պտուղ ինչ վայրենի անուտելի՛ գնտակաձև , (նման ըն իմիք փոքրիկ և բոլորակ գգմոյ . կամ պողոյն՝ զոր իտալացիք ոսկի խնձոր կոչեն , այն է՝ Ֆուէնկ փաթլիճանի .) ներքին գոյացութի նորա սպիտակ է , և համն սաստիկ գառն և ժանտ և թիւնաւոր . ուստի և կոչի լեղի գեանոյ , կամ գեանալեղի : Աոյս նորա և տերև բերեն զնմանութի բուսոյ վարնգոյ . արձակէ բազուկս երկայնս և թաւս ճապաղեալ զերկրաւ : Արդ՝ ՚ի ժանտ պողոյ անտի , գուցէ և ՚ի տերեւոց , քաղեալ սպասաւորին լի շալակաւ իւրով , եբեր և

Եփեաց 'ի սան մի մեծ, և եղ առաջի ժողովրդեանց
 ուտել: Իբրև առին նորա զձաշակն, աղաղակեցին
 և ասեն, մահ է 'ի սանի աստ՝ այրդ այ. յայնժամ
 ետ եղիսէ: Դարձուցանել զեփոցն 'ի սան անդր՝ և
 արկանել 'ի նմա փոքր ինչ ալիւր. և ահա բարձաւ
 ամենայն դառնութի և ժանտութի կերակրոյն՝ ոչ
 'ի դուզնաբեայ ալերէ անտի, այլ սքանչելեօք նն.
 և կերան արքն ախորժանօք՝ առանց և ոչ մի ինչ
 մնասու: Ի նմին ժամանակի եկն այր մի 'ի բեթ-
 սարիսայ, և եբեր եղիսէի յառաջնոց արժտեաց
 նկանակս գարեղէնս քսան. և նորի, այս է՝ նորոգ-
 չասեալ արմտիս՝ պարկիւ միով. ասաց եղիսէէ
 բաշխել ժողովրդեանն, զի կերիցեն: Ի սէ սպասա-
 ւորն. ում տաց զայս քսան նկանակ 'ի հարիւրոց
 արանցդ. ասէ եղիսէէ, տուր և կերիցեն. զի այս-
 սէս ասէ նոր, կերիցեն և յաւելուցուն. և եղև
 այնպէս:

ԳԼ. Ե.

Սով սամարիայ: Հաւաքործութիւն եղիսէի: Սարգս-
 րդոյն արեբայ արային ասորոց սքանչելեօք նն:

Յետ այսր ամենայնի՝ գնաց եղիսէէ 'ի գաղ-
 գաղայէ յերիբով. և եգիտ զի օրգիբ մարգարէից
 բնակեալք յերիբով խնդրէին ընդարձակել զընա-
 կութի իւրեանց. զի նեղ էր և անբաւական բազ-
 մութե նոցա: Հաւանեալ եղիսէի ընդ խորհուրդ
 նոցա՝ գնաց ընդ նոսա. չօգան 'ի յորդանան հատա-
 նել փայտ յանտառէն 'ի պէտս շինուածոյ, և 'ի
 հատանել նոցա զծառս՝ տապար միոյն 'ի նոցանէ-
 ելեալ 'ի մեղեխէ, անկաւ 'ի գետ անդր: Արուստն
 ինքնին փոքր ինչ էր, այլ աղքատ գործաւորին մեծ
 էր. զի ամենայն ինչք նորա չէին բաւական 'ի մշտ.

բունն . զոր յանօթ առեալ էր . վստն այնորիկ աղա-
ղակեաց ցաւադին , ս՛հ ս՛հ Թոր : Վթացեալ ՚ի նա
եղիսէի , և տեղեկացեալ ՚ի նմանէ զտեղին՝ ուր
անկաւ երկաթն , ձեղքեաց փայտ և ընկէց անդր .
և այն փայտ իբրև զօրաւոր մագնիս ձգեաց զէր-
կաթն ՚ի խորոց անտի ՚ի վեր . որ զօրէն թեթև
փեարոյ ծածանեալ յերեսս ջրոյն՝ եկն ՚ի գե-
տափն . և ասաց եղիսէէ ցայրն , արդ դու քեզէն
վերացո՞ զտապարն . և արար այնպէս :

Աղիսէէ նստեալ յերիքով ՚ի խնամել զորդիս
մարգարէից , և ուշադիր լինել շինուածոյ նոցա ,
ոչ անփոյթ առնէր զարքայէն և զիրաց թաղաւո-
րութենն : Արդին ադերայ արքայ ասորւոց թէպէտ
չունէր յայնժամ յայտնի սպառնալով ընդ յովրա-
մայ արքայի իսրայէլի , բայց թոյլ տայր ժողովը-
դեան իւրում գումարտակ կազմել արանց սպառա-
զինելոց և ասպատակել յերկիրն իսրայէլի՝ յափշ-
տակելով և աւարելով որչափ ինչ մարթասցին ՚ի
ձեռս բերել . որով ոչ սակաւ վիշտս և փրաս հասու-
ցանէին իսրայէլացւոց : Այնու իսկ ոչ շատացեալ
որդւոյն ադերայ՝ դարանէր և զնա ինքն զարքայն
զբռամբ ածել : Վանգի յորմէ հետէ անկաւ ՚ի ձեռս
արքային իսրայէլի կալանաւոր , ոչ կարէր հանդար-
տել , մինչև ոչ ունիցի և ինքն ՚ի ձեռին զօք ՚ի
թաղաւորաց իսրայէլի , ՚ի բառնալ զնախատինս
անձին և ազգին : Արդեալ էր լրտեսս՝ դիտել
զամենայն շարժմունս յովրամայ . և խորհրդով իւ-
րոց իշխանաց դնել ՚ի դարանի գունդս զօրաց զինե-
լոց ՚ի զանազան տեղիս , սւր ուրեք իմանայր ՚ի լըր-
տեսաց թէ ունի երթալ յովրամ՝ զի յայլակարծուց
՚ի վր հասեալ բմբունեսցեն զնա . այլ միշտ ՚ի դերև
ելանէին հնարագործութիք նորա : Վանգի եղիսէէ
մարգարէն ՚ի ձեռն հրեշտակութե՞ զգուշացուցա-
նէր զարքայ չանցանել ընդ այն ինչ տեղի , զի ասո-
րիք ասէ թաքուցեալ անդ դարան գործէն քեզ . և
արքայն առաքէր լրտեսս զննել զտեղիսն . և այն-
պէս զգուշանայր անտի : Առաջին և երկրորդ ան-
գամ՝ զիսուածոյ տայր զայն որդին ադերայ . բայց

տեսեալ, զի միշտ յամենայն տեղիս և յամենայն ժամանակի նանրանային խորհուրդք նորա, կասկած կալաւ, թէ ոք յիւրոց անտի խորհրդակից է արքային իսրայէլի, և նա յայտնէ նմա զճաճուկ խորհուրդ իւր:

Ս անն որոյ զայրացեալ կուէաց զգորապետս իւր, և ասէ ցնոսա. ոչ պատմէք ինձ, թէ ո՞ր մատնէ զիս արքային իսրայէլի. յայնժամ յառաջ մատուցեալ մի ոմն ՚ի զինուորաց՝ ասէ. ոչ ոք ՚ի մէնջ Թր իմ արքայ, այլ եղիսէ՛ մարդարէ՛ իսրայէլի պատմէ արքայի իսրայէլի զամենայն զրանս քօ, զոր խօսիցիս ՚ի սենեկի քնոյ քոյ: Հայնժամ դարձոյց որդին աղերայ զխորհուրդ իւր ՚ի վերայ եղիսէ՛ զնա ըմբռնել. և իմացեալ յիւրոց արանց, եթէ զնաց նա ՚ի դովթայիմ քաղաք անպատսպար՝ ոչ կարի ՚ի բացեայ ՚ի սիկիմայ, նոյն հետայն առաքեաց անդր հատուած մի զորաց հետեակաց, և ընդ նոսին կառօ և երիվարս. զոր զիւրին էր նմա հանել ՚ի աստովթայ և ՚ի մերձակայ քաղաքաց՝ զորս առեալ էր ՚ի գաղաղացոց:

Հասին զօրք ասորոց գիշերի, և պատեցին գրաղաքն, զի մի կարիցէ փախել մարդարին: Բնդ արշալոյսն կանխեաց յառնել պաշտօնեայն եղիսէի: (Բայսպէս ունին ամենայն թարգմանութիւնք համաձայն եբրայականին. ուր մերս ըստ համաձայնութե՛ յունին զպաշտօնեայն կամ զպաշտօնն իմանայ ՚ի վերայ անձին եղիսէի). և ելեալ ետես, զի զօր պատեալ էր զքաղաքաւն և զուշակելով զպատճառն՝ ընթացաւ և պատմեաց երկիւղազին եղիսէի, ասելով. ո՞չ Թր զի՞ ործեսցուք. իսկ նա ասէ. մի երկնչիւր, զի ընդ մեզ բազում են քան ընդ նոսա: Ակաց յաղօթս եղիսէի խնդրելով ՚ի Թնէ քանալ զաչս պատանեկին. և ետես՝ զի լի էր լեռանն ձիովք և հրեղէն կառօք շուրջ զեղիսէի. այն էին նշանակք երկնային զինուորութեանց հրեշտակաց առաքելոց ՚ի Թնէ ՚ի պահպանութի ծառային իւրոյ ընդդէմ ասորոց: Երբև առաօտն լուսացաւ, իջին ասորիք մտանել

'ի քաղաքն. այլ եղիսէ՛, կամեցաւ խաղալ ընդ նոսա. և անձ արար զկամս ծառային իւրոյ նաև 'ի խաղս, զի ըստ աղաչանացն եղիսէ՛, այնպէս շին. թեաց զհասարակ զգայութիւն զօրացն ասորւոց, մինչ զի նորատեսակ իմն շտոյութիւն, կամ ասչուիք ոչ ճանաչիւն զայն զոր աչօք բացօք տեսանէին: Արթուն էին, և տեսանէին զամենայն՝ զքաղաք, զմարդ, զգաշտ. բայց ոչ որոշէին, թէ այս՝ այն ինչ քաղաք իցէ, սա՛ այն ինչ մարդ, և այն՝ այս ինչ գաշտ: Հայնժամ եղիսէ՛, որում զհետ մըտեալ էին, ինքնին ել ընդառաջ նոցա. և 'ի հարցանել նոցա ցնա վասն եղիսէ՛, թէ ո՞ւր իցէ, ետ պատասխանի. վրիպեալ է ձեր, զի ոչ այս ճանաչարհ է, և ոչ այս քաղաք գտանել զնա. եկայք զկնի իմ, և տարայց զձեզ առ այրն, զոր խնդրէք: Արբա ոչինչ կասկած կալան զառնէն, զի գուրվ 'ի ձեռս իւրեանց՝ զիւրին էր սպանանել զնա, եթէ մատնութիւն ինչ խորհեսցի առնել նոցա. վասն որոյ գնացին աներկևան զկնի նորա. և նա տարաւ զնոսա ուղիղ 'ի սամարիա թագաւորեալ քաղաք իսրայէլի:

Գուցէ զարմացի որ աստ թէ ո՞րպէս թոյլ տայր յովրամ սոսկական առն միոյ հանդերձ բազմութիւն զինեալ զօրաց թշնամեաց մտանել 'ի քաղաք անդր: Այլ յայտ է յընթացից պատմութեն թէ եղիսէ՛ կանխեալ զեկուցեալ էր 'ի ձեռն հրեշտակութե՛ յովրամայ արքայի զամենայն զիրսն, և զխորհուրդ իւր վասն որոյ կամի ածել զնոսա անդ: Իսկ արքայն 'ի յարգի մեծի ունելով զայրն ոց, և հաւատի ամենայն իրօք զհաւատարմութե և զճմարտութե նորա, անկասկած ամենեւին հաւատաց նմա: Գիտէր զի պահպանութի սամարեայ հզօր է, և պահակք նորա բազում և զինեալ, զորս յայնժամ՝ և սառաւել արար վառիլ 'ի գէն. ուստի չունէր ինչ երկիւղ 'ի գնդէ անտի թշնամեաց, եթէ փորձ ինչ յանդգնեսցին փորձել 'ի քաղաքի անդ, յոր սակս պատուէր առաքեաց պահապանաց դրանցն թոյլ տալ մտանել ասորւոց, զորս ածէր եղիսէ՛:

Ս ասն որոյ իբրև հասին նոքա 'ի մեծ հրապարակ անդր քաղաքին, ուր աղօթիւք եղիսէի բացան աչք նոցա, և տեսին զի են 'ի մէջ սամարեայ, և հարցարքայն իսրայէլի ցեղիսէէ և ասէ՝ Եթէ հարից զչոսս հայր : Եւ պա յայտ է թէ կանխաւ տեղեակ էր արքայն զիսրայն. ուստի ոչ յանկարծադէպ ինչ թուեցաւ նմա. և թէ զինեալ կազմ և սպարաստ ունէր զզօրս իւր անդէն և անդ կոտորել զնոսա : Եւ այց եղիսէէ ոչ եթող առնել նոցա չար. զի չէին գերեալք 'ի պատերազմի, այլ ածեալք 'ի տնէ սքան չէլեօք. նա մանաւանդ ասաց իբրև հիւրս կերաւ կրել զնոսա, և այնպէս արձակել խաղաղութիւն : Եւ արքայն ըստ խրատու եղիսէի. զի պատրաստեաց այն ամենայն բազմութե սեղան մեծահաց բազմախորտիկ. կերան և արբին. և արձակեաց զնոսա խաղաղութիւն երթալ առ տիր իւրեանց : (Աւր զիսրայեալ գրչաց երևի գրեալ 'ի մերումս, * Եւ արկ առաջի նոցա խոտս տակաւ մեծաւ, և կերան և արբին ॥. 7. Բագ. 7. 25. փոխանակ գրելոց թերևս * սեղան կամ պատրաստուի խորտիւ մեծաւ ॥. որպէս յայտ է 'ի համեմատութիւն այլոց թարգմանութեց) :

Արդին ադերայ արքայն ասորուոց զայս ամենայն համարեցաւ յայտնի թշնամանս, և անբերելի նախատինս անձին և թագաւորուէ իւրոյ. վասն որոյ հաստատեաց 'ի մտի հանել զվրէժ նախատանայն. բայց ոչ առ ժամայն, և ոչ անընտրող շտապամամբ, այլ 'ի բերել յաջող զիպողուէ : Եւ ժամն տեսեալ զի անօգուտ ինչ էր իւրոց մեկնակազինաց ասպատակել յերկիրն իսրայէլի. միանգամայն և կամեցեալ յանհոգութե 'ի քուն պահել զթշնամին, արգել զնոսա մի ևս արշաւել յերկիրն իսրայէլի, և այնու ստիպել զնոսա զի միշտ զինեալ կացցեն : 'Իսպողուին՝ որում մնայր որդին ադերայ, ոչ յամեաց. զի իբրև սաստկացաւ սոյն և համարեցաւ թէ նուազեալ իցեն շտեմարանք սամարեայ, անգամենայն բանակ իւր, և եկեալ նստաւ առ նովաւ և պաշարեաց զնա : Եւ ինչ փոյթ նմա թէ զօրք

իւր չկարիցեն ունել պաշար յերկրէն խորայելի . զի ունելով մերձ յաջմէ բանակին իւրոյ զծովն . և յաշեկէ զծովակն գենեւարեթայ և գլորդանան , զիւրին էր նմա բերել պաշար բանակին իւրոյ ընդ ջուր՝ առատապէս յամենայն կողմանց . զի որպէս երևի 'ի նախագրեալ պատմութե սոմնացոյն , սովն էր միայն յերկրին խորայելի 'ի պատիժ աննժ կռապաշտութե նոցա :

Յոյրամ արքայ չունելով ոչ զօրութի բաւական , և ոչ պաշար կերակրոյ առ 'ի բանակ կազմել և ելանել 'ի ճակատ ընդգէմ թշնամւոյն , բռնադատեցաւ մնալ 'ի քաղաքի անդ փակեալ : Ընձկութի քաղաքացւոց օր քան զօր սաստկանայր մինչև միս ձիոյ , և իչոյ և այլոց մանր զազիր կենդանեաց , յորոց բնութին ինքնին զգուի՝ ինէր նոցա համեզ կերակուր . վասն զի սովն բառնայր զաւնայն տաղակութի . որ և յայն եհաս , մինչև գլուխ իչոյ եզև յիսուն սկեզ արծաթոյ . և չորիր մասն կապձի աղբոյ աղանեաց՝ հինգ սկեզ արծաթոյ . (մերս ունի յիսուն և հինգ յայտնի կրկնութի յիսուն բառիդ նախագրելոյ) : Ըյլ որ սոսկային է , ստիպեցան ուտել և միս մարդոյ . գտան անդ մարք՝ որք ձեռօք իւրեանց զենին զմատաղ մանկունս իւրեանց և կերան . մին յորդէսպան կանանց անտի յայն կատաղի լրբութի եհաս , մինչև հրապարակաւ ձգել 'ի դատատան առ արքայ զայլ կին մի՝ թերևս դրացի նորա , խնդրելով առնել նմա իրաւունս վասն որդէսպանութե իւրոյ՝ իբրև վասն արդար ինչ գործոյ : Սինչ շրջեր արքայ ընդ ոմանց զօրապետաց իւրոց 'ի վերայ պարսպի քաղաքին զննել զնա , կինն այն աղաղակեաց առ նա և ասէ , ապրեցի՞ զիս ի՞նչ արքայ . իսկ արքայն 'ի տագնապս անբերելիս գուլով , ասէ ցնա 'ի դառնութե սրտին , մի ապրեցուցէ՞ զքեզ ի՞նչ . ուստի՞ ապրեցուցից զքեզ , 'ի կալոյ թէ 'ի հնձանէ : Ըպա փոքր մի հանդարտեալ , եհարց ցնա , թէ զինչ խնդրէ , և նա ասէ . կինս այս ասաց ցիս , տուր զորդիդ քո , և կերիցուք զդա այսօր , և զորդիս

զիմ՝ կերիցուք առ վաղիւ . և եփեցաք զորդին իմ և կերաք զնա . և ասեմ՝ ցաա յաւուրն երկրորդի , տուր զորդիդ քո , և կերիցուք զգա . և թաքոյց զորդին իւր :

Իբրև լուաւ արքայ զբանս կնոջն , սոսկումն անհնարին պաշարեաց զնա . և այնչափ զարհուրեցաւ , մինչև պատառել զհանդերձս ՚ի կրծոց . յայն . մանկ երևեցաւ ծածուկ ասպաշխարու թին արքայի յայնմ՝ յետին նեղութե . զի ՚ի պատառել նորա զհանդերձս , և ՚ի շրջել ՚ի վերայ պարսպին , ետես ժողովուրդն զքուրձս , զոր ՚ի ներքոյ հանդերձից զգեցեալ էր ՚ի վերայ մերկ մարմնոյ : Բայց վճիռն՝ զոր վճռեաց յայնժամ , չէր համեմատ ասպաշխարու թե նորա : Կնոջն շեա պատասխանի . զի թէ կա մեցեալ էր առնել արդարութի , պարտ էր զգլուխ երկոցունցն հատանել : Բայլ ՚ի դիպուածոց անտի կանանցն այնչափ վառեցաւ ցասումն բարկութե նորա ընդդէմ եղիսէի , զի երդմամբ վճռեաց ՚ի նմին իսկ աւուր առնուլ զգլուխ նորա : Բա նոյն ժամոյն առաքեաց զինուոր մի կատարել զգատաւ կնիքն : Պատճառ ցասման նորա ՚ի վերայ եղիսէի ոյս էր , զի եղեալ էր ՚ի մտի թէ երկարել կամ կարձել սովոյն կախեալ կայր զաղութից եղիսէի . որպէս առ ժամանակօք աքաբբու հօր իւրոյ անա գանել կամ կանխել անձրևոյն ՚ի բարձումն սովոյ՝ զաղութից եղիսյի : Աստի եթէ կամեցեալ էր նա (ասեր) աղաչել զի՛ծ , վաղու ևս արդեօք դա գարեալ էր սովն , կամ բարձեալ էր պաշարումնն :

Ետաւր եղիսէ ՚ի ամն իւրում ՚ի սամարիա , և ոմանք ՚ի ծերոց երկիւղածաց նստէին ընդ նմա . ծանեաւ եղիսէ : ՚ի յայտնութե ան զգատակնիք արքայի զոր արար վասն նորա . ասէ ցծերան . եթէ գիտիցէ՞ք , զի առաքեաց որդի սպանողին առնուլ զգլուխ իմ . (Իրդի սպանողի կուէ զյովրամ , զի աքաբբ հայր նորա սպան յանիրաւի զնաբովդ , և յեզարէլ մայր նորա զմարգարէս ան) . արդ՝ իբրև գայցէ , կալջիք զնա ասէ առ գրօքն , և մի թողջիք մտանել . քանզի ան նորա արքայ վաղ-

վաղակի ստրջասցի ընդ դատակնիքն՝ զոր ետ վասն իմ, և ինքն անձամբ ընդ փոյթ հասանիցէ զկնի նորա ՚ի խափանել զգործադրութիւնս : Սինչ խօսէր զայս եղիսէէ առ ծերսն, եկն զինուորն . և ՚ի բաղիւել նորա զգուռնն, եհաս և արքայն զկնի նորա՝ խօսելով ցայնվայր ընդ զօրապետս ուղեկիցս իւր զԹշուառութէ սովոյն, և զանցից որդէսպան կանանց . ահա ասէ այս ամենայն չարիք ՚ի իմնէ հասին ՚ի վերայ իմ . և զի՞նչ և ս բարի մնայ ինձ այսուհետև ակն ունել ՚ի նմանէ . նոյն բան էր և ՚ի բերան զինուորին եկելոյ ՚ի դիմաց նորա :

Սուաւ եղիսէէ ՚ի ներքուստ զխօսել արքայի . և եկեալ առ պատուհանն՝ կամ առ դուրս, ասէ . ոչ այդպէս, այլ լուր զբան իմն . այսպէս ասէ իմր . վաղիւ յայսմ ժամու ցայնափ առատութի լիցի ՚ի գրուես սամարեայ, զի գրիւ մի նաչչոյ սկեղ միոյ վաճառեսցի, և երկու գրիւք գարւոյ սկեղ միոյ : Սի ոմն ՚ի զօրապետաց, որ էր զինակիր արքայի, յորոյ ՚ի ձեռս յենոյր արքայ, ծաղրելով իմն ասէ . եթէ զսահանս երկնից բացցէ իմր, և նաչիհ և դարի անձրեւեսցէ, տակաւին ոչ լինիցի բանդ այդ : Ատ պատասխանի եղիսէէ փոքր մի խտաիւ . ահա տեսցես դու աչօք քովք, և անտի մի կերիցես : յամանակն պայմանագրեալ սուղ էր . և չէր մարթբնաւ ընդ միտս մարդոյ անցանել, թէ որպէս ՚ի միջոցի քսան և չորից ժամուց յետին չքաւորութիւնս փոխեսցի ՚ի վերջին առատութիւնս : Այ գոյր ակնկաւ լուծի ուստեք հասանելոյ նպարակաց, և ոչ կարողութի ելանելոյ ՚ի դուրս ՚ի պատերազմ ընդդէմ թշնամւոյն : Այլ իմ տեսանէ զանտեսանել լիս ՚ի մարդոյ . և յորժամ խոստանայ, չունի պէտս թէ ոք ուսուցէ նմա զեղանակ և զհնարս պահելոյ զխոստումն : Սողորութիւն մեծ է չհաւատալ զայն՝ որ յոյ յայտնեալ է, սակս մարդկային տկար և սպուշ հասողութե չկարելոյ իմանալ զեղանակ և զներքին հանգամանս յայտնեալ իրացն :

Արք չորք բորոտք նստելին առ միով ՚ի դրանց սամարեայ արտաքոյ քաղաքին, չունելով ինչ նե-

դու թի՛ յասորւոց . որք ոչ մերձե՛նային՝ ՚ի պարիսպս ,
 կամեցեալ առանց կորուսանելոյ զբք՝ ՚ի բանակի ,
 իւրեանց՝ տիրել քաղաքին՝ ՚ի ձեռն սովոյ , և ոչ
 դիմամարտութի՛ք և արեան ճապարհեօք : Այս չորք
 եղկելիք ՚ի նմին առուր խորհուրդ արարին , և ա-
 սեն այր ցընկեր իւր , աստ նստելով մեր մեռա-
 նիմք . զի ոչ ևս որ նպաստամատոյց լինի մեզ . և եթէ
 ինդրիցեմք մտանել ՚ի քաղաքն , թէ՛ և ընկալցին
 զմեզ ՚ի ներքս , սակայն և անդ մեռանիմք՝ ՚ի սովէ :
 Ապա լաւ ևս լինիցի մեզ փորձ մի փորձել , դիմել
 ՚ի բանակն ասորւոց . եթէ՛ ընդունին զմեզ ողոր-
 մեալ յետին թշուառութի՛ մերում , ահա այն լաւ
 լինի մեզ , զի ապրիմք . իսկ եթէ՛ սպանցեն , և
 այն՝ չէ՛ հեռի ՚ի մէնջ . զի թէ՛ աստ նստիցիմք , և
 թէ՛ ՚ի քաղաքն մտանիցեմք , հարկ է՛ մեռանել :
 () այս այսպէս հաստատեալ , յարեան գիշերայն
 դիմել ՚ի բանակն . ՚ի ճանապարհի չտեսին պահա-
 պանս . հասեալ ՚ի պատնէշ նոցա՝ և ոչ անդ գտին
 գիշերապահս ըստ սովորութե՛ : Ապա յառաջ մա-
 տուցեալ՝ եկին ՚ի մասն մի բանակին . և չտեսա-
 նելով անդ մարդ , կամ շարժումն ինչ մարդոյ , հա-
 մարձակեցան մտին ՚ի վրան մի , և գտեալ անդ
 ընթրիս պատրաստեալ , նստան կերան և արբին
 ցյազ . զի սովեալ էին . ապա տեսեալ զի ընդ այն
 չափ ժամանակ ոչ մարդ ուրեք երևեցաւ , և ոչ
 ձայն ինչ եղև լսելի , ևս առաւել վստահացեալ ,
 ձեռն արկին յաւար : Այլ զի որպէս երևի վրանն
 այն էր հարուստ զօրապետի , գտին անդ արծաթ և
 ոսկի և հանդերձս բազումս , առին զամենայն , և չո-
 գան թաքուցին . և այնու ոչ շատացեալ՝ դարձան
 անդրէն և մտին յայլ վրան , առին և անտի աւար ոչ
 սակաւ . զայն ևս թաքուցին ՚ի հաւատարիմ տեղ-
 ւոջ : Արեւբախտութի՛ մեծ թուէր նոցա այն պա-
 տահութի՛ անդ իմադարձ կուտելոյ հարստութի՛ որ
 չափ և յօժարելին : Աայց ապա լաւ ևս խորհեալ ,
 երկեան՝ թէ՛ ՚ի լուսանալ առուր յայտնեսցին իրքն ,
 և ինքեանք իբրև գողս ընդ պատժով անկցին . զի
 այն աւար անկանէր արքայի և քաղաքացւոց . թող

զի չէր օրէն միայնակ վայելել յառատութե՛ւ, և թաքուցանել յայլոց կարօտելոց :

Օ այս խորհելով՝ ասէն ցմբմեանս . օրս այս օր աւետեաց է , երթիցուք պատմեսցուք զայս արքայի . և եկեալ աղաղակեցին առ դրան քաղաքին . և պատմեցին բարապանաց զիրսն : Ստաք ասէն 'ի բանակն ասորւոց , և ոչ գոյր անդ այր , և ոչ ձայն մարդոյ . վրանք նոցա նոյնպէս կան . երիւ վարք և գրաստք նոցա կապեալ 'ի տեղիս իւրեանց բստ կարգի . և ամենայն վրանք նոցա լի բարեօք : Աոյն ժամայն զօրապետ մի 'ի գրանէ անտի ածաւ պարեալ ընթացաւ յարքունիս . ետ զարթուցանել զարքայ , և մտեալ 'ի ներքս 'ի սենեակ անդր արքայի՝ պատմեաց նմա զամենայն : Հօլրամ յարուցեալ վաղվաղակի յանկողնոյ , կուչեաց զժողովն պաւտերազմի . և եցոյց թէ՛ այսպիսի յանկարծ և հանրական խուսափումն թշնամւոյն , առանց կարելոյ մեր իմանալ զպատճառն , ոչ տայ աւետիս , այլ կասկած : Վիտեն ասէ նոքա , թէ քաղաքս կայ 'ի յետին թշուառութե՛ւ 'ի սովոյ . թողին զբանակն կազմ ամենայն իրօք , և ինքեանք թաքեան ուրեք 'ի բացի . որպէս զի ժողովուրդն ստիպեալ 'ի քաղցոյ ելցէ 'ի քաղաքէն զիմել 'ի բանակն գտանել կերակուր . և մինչ համարիցին թէ՛ ամենայն քաղաքն ելեալ իցէ , յայնժամ հասեալ նոցա 'ի վերայ՝ ըմբռնեսցեն զնոսա կենդանւոյն . և ապա ազատաքայլ մտցեն 'ի քաղաքն և ելցեն և տիրեսցեն նմա : Վուկեցաւ կասկած արքայի , բայց առաջի արարին նմա , թէ չէ՛ արժան վասն ձախողակ ինչ կասկածի բոլորովին անփոյթ առնել զայնպիսի բարեբախտութե՛ւ : Ա բանակս զօրաց յուսվ են զկպուածք . որք անհաւատակի թուին օրոց ոչ զիտեն զպատճառն . գուցէ՛ ծանր և անհրաժեշտ իրք ինչ հասեալ իցեն արքային ասորւոց , յորմէ՛ ստիպեալ յետս դարձուցեալ իցէ շտապաւ զօրս իւր : Արդ որովհետեւ 'ի բազմութե՛ւ ձիոց քաղաքիս մեացին գեռևս հինգ կենդանի , լաւ երևի ասէն զայս փոքրիկ գունդ առաքել 'ի զննել զձանապարհս , և

դարանայոյդ առնել զամենայն թաքստեան տեղիս, յորս գուցէ կարծիք՝ թէ իցեն նոքա դարանեալ և այնպէս չարժիլ մեզ ըստ ծանօթութեն զոր առնուցումք ՚ի նոցանէ :

Մ. յս էր լաւագոյն խորհուրդ . այլ արկանել ՚ի վտանգ զհինգ երիվարս յորս բովանդակէր համօրէն հեծելագունդ թագաւորեալ քաղաքին՝ ծանր էր . ընտրելին յաւէտ պահել զնոսա ՚ի սպանդ ՚ի կերակուր՝ քան առաքել ընդդէմ թշնամեաց : Մայց և այն վտանգաւոր էր՝ կոյր զկուրայն ելանել ՚ի դուրս առանց ունելոյ յառաջագոյն ծանօթութի ինչ զթշնամեաց . իսկ հետեակս առաքել ՚ի զըննուութի երկրին՝ կարի երկարէր : Ասան որոյ զմիջինն կալան ճանապարհ . զի առեալ երկուս հեծեալս ՚ի ձիոց՝ առաքեցին զնոսա, մնալով յայնմ պահու մինչև ցդարձ հրեշտակացն՝ արքայի և ժողովրդեան ՚ի ծուփս յուսոյ և երկիւղի : Այսհեմութին մարդկային զայս ուսուցանէր . ապա թէ ոչ էթէ յի՛ծ յուսացեալ էին, իրազէտ լինէին յայտնի սքանչելեաց նորա . և կարող էին ամենեքեան նոյնհետայն անկասկած ելանել ՚ի քաղաքէն՝ առանց բնաւ տեսանելոյ ուրեք զոք յասորուոց : Վան զի ի՛ծ՝ որ բիւր օրինակօք ասոյ ճանաչել զինքն իր զօրութեց, և ընդ ժամանակս ժամանակս ցուցանէ զամենակարողութի և զիմաստութի իւր ՚ի պատերազմունս, աստ մարտեալ ընդ ասորիս նոր օրինակաւ, զոր չարար երբէք ընդ այլս : Առովեաց զզգայարանս զօրապետաց և զօրաց առհասարակ . զի թուէր նոցա լսել ՚ի հեռուստ ոտնաձայն բաղձամբոս հետեակաց և հեծելոց, և շաչուն կառաց բաղձաց . և սուտ բարբառ ինչ իբր ասել, թէ արքայն իսրայէլի ՚ի վարձու կալաւ զթագաւորս քետացւոց, և զթագաւորս եգիպտացւոց, երկօքին ևս զօրաւորք . որոց միարանեալ ընդ իսրայէլեան գնդին՝ գան ՚ի վերայ նոցա : Մ. յս սուտ ոտնաձայն և բարբառ անձայն՝ այնչափ երկիւղ և արհաւիրս արկ զնօքօք, զի առ անհնարին շփոթութեն ոչ ժամանեցին ոչ զվրանս բառնալ, և ոչ գէթ

ղերիվարս Թամբել, այլ ընդ մուծն յարուցեալ այր իւրաքանչիւր՝ որպէս և գտաւ հետի, 'ի փախուստ ճեպեաց մարդապուր 'ի կողմն դամասկոսի. մեծ իմն շահավաճառ համարելով անձանց զկորուստ համօրէն ընչից զոր Թողին, եթէ մտացաւ ծին Թշնամին 'ի կողոպուտ աւարացն պատաղեալ ոչ հասանիցէ 'ի Թիկանց :

Իսկ երկու լռեալք առաքեալք 'ի սամարեայ շրջեցան մինչև ցյորդանան. և տեսին զի ահա ամենայն ճանապարհն լի էր հանդերձիւ, և զինու, զոր ընկեցին փախստեայք 'ի Թիկանց և 'ի ձեռաց 'ի խուճապել իւրեանց առ 'ի Թեթեանալ 'ի ծանրութի նոցա : Կարձան ուրախարար աւետեօք և պատմեցին արքայի. յայնժամ ամենայն սամարիա եւ յաւար սսորուոց. ուր այնչափ յորդառատ պարէնս գտին 'ի բանակ անդր. զի գրիւ նաչւոյ եղև սկեղ միոյ արծաթոյ, և երկու գրիւ գարւոյ՝ սկեղ, ըստ բանին եղիսէի : Եւ արքայ՝ զի մի լինիցի շփոթութի 'ի գրանն որ հանէր 'ի բանակ անդր, կացոյց զինուորս 'ի զգուշութի, և 'ի վերայ նոցա հրամանատար զզինակիր իւր, զայն՝ որ 'ի նախնութաց աուր 'ի խօսել արքայի ընդ մարգարէին՝ ձեռն տայր նմա. և ահա սա ինքն ետեսալօք իւրովք զկատարումն բանի նոն : Եւ տես զառատութին, զոր երիվարօք և իշովք և կառօք սսորուոց մուծանէին 'ի քաղաք անդր. բայց այնչափ էր խոնութի երիվարաց և գրաստուոց և ժողովրդեան առգրանն, մինչև առ չգօրելոյ զինուորաց 'ի կարգի դնել զայն խուռն բազմութի, առաթուր կոխեցին զզինակիրն, որ կայր 'ի մուտս գրանն. և անդ մեռաւ : Եւ այնպէս կատարեցաւ մարգարէութին եղիսէի 'ի վերայ նորա. զի ետեսալօք զառատութին, բայց ինքն ոչ կերաւ անտի :

Եւ տես և արքայ զպտուղ ապաշխարութե իւրոյ, որ քրձաղգեաց խոնարհեցաւ առաջի նոն : Եւ Թեպէտ այս գործ խոնարհութե և ապաշխարութե նորա մեռեալ էր մահուչափ մեղօք, զի ունէր միշտ 'ի սրտի պահել զպաշտօն երնջոցն յերոքովաւ

մնայ 'ի Թագաւորութիւն իւրում, սակայն և այնպէս ընկալաւ յաստիս զվարձս լիուլի. զազատումն 'ի խիստ պաշարմանէ, և զառատագեղ լիութի կերակրոյ, և այլ ամենայն սխտոյից. զոր ողորմութիւնն սուաքեաց նման և համօրէն քաղաքին 'ի բանակէ անտի Թշնամւոյն : Այլ զոյգ ընդ նմին լրացան յայնմ ամի գուշակեալ եօթն ամք սովոյն :

Գ Լ : Չ

Բժշկութիւնն նեեմանայ 'ի Բորոտութիւնն լուացմամբ 'ի յորդանան ըստ Բանին եղիսէի : Բորոտութիւնն գեեղեայ :

Յետ սյսորիկ աղատեալ երկրին խորայլի 'ի տառապանաց եօթնամեան սովոյ, և անդորրացեալ 'ի պատերազմաց, այն ինչ 'ի մեծի խաղաղութեանն համար զայլեք յոյրամ արքայ, եհաս առ նա նեեման իշխան զօրուն ասորւոց. և ետ 'ի ձեռս նորա զիր մի յլեալ յորդւոյն աղերայ արքայէ աւսորւոց. որ ելից խաղութեան զարքայն խորայլի և զամենայն խորհրդակաշս նորա : Անեման էր այր մեծ առաջի նն իւրոյ՝ գերացոյն սպարապետ զօրուն նորա, հզօր և պատուեալ յամենեցունց. ու բում արքայն ասորւոց պարտապան էր յոյժ վանն բազմապատիկ երախտեաց նորա : Անդի յետ կրկին հարուածոյ զոր ընկալաւ յխորայլեան զօրաց 'ի ժամանակս աքաաբու, յորում գրեթէ՝ սպառսպուռ հարան զօրք նորա. և ինքն արքայ հնարիւք մարգապուր ապրեցաւ, սա անդրէն նորոգեաց զբանակ զօրու նորա. և առ զանազան քաղաքս յիւրայլէ, գուցէ և յայլոց սահմանակից տրութեց. և կանգնեաց յտին և զօրացոյց գերերեալ և զվրտանդեալ Թագաւորութիւն ազգին իւրոյ : Այս է զոր ասի, գիրն. * Օ 'ի նովաւ ետ տր վրկութիւն

ասորւոց ॥ Գ. Թ. Ե. Գ. 1: Եւ որպէս կարծեն ոմանք,
 'ի բազում պատերազմական աշխատութեց 'ի ցրր-
 տոյ և 'ի տօթոյ և յայլ վշտակրութեց՝ էր բորո-
 տեալ: Եւ ըստ անային անտեսութե, մեկնակա-
 զէնք ասորւոց որք արշաւէին յասպատակութի յեր-
 կիրն իսրայէլի, (որպէս տեսաք 'ի վերոյ,) գե-
 րեալ փոքրիկ աղջիկ մի երբայցի՝ պարգևեցին,
 կամ վաճառեցին կնոջն նեեմանայ: Տեսեալ աղջ-
 կանն զճանապարհ նեղութի տն իւրոյ 'ի ագեղ
 ախտակրութե անտի, յաւուր միում ասոյ ցտիկին
 իւր, ով թէ երթայր արդ իմ առ մարդ արէն այ՝
 որ 'ի սամարիա, զի նա անդէն ապաքինէր զգա 'ի
 բորոտութե այտի: Եւ մնւտ տիկինն և պատմեաց
 առն իւրում զբան աղջկանն. և նեեման պատմեաց
 արքայի. իսկ արքայ որ յամենայն սրտէ ցանկայր
 ողջութե առնն, զի նա էր աջ բազուկ նորա յամե-
 նայնի, և մանաւանդ 'ի գործս պատերազմի, ասաց
 ցնա երթալ անյապազ. և ես տայ քեզ ասէ՛ զիրս
 յանձնարարութե առ արքայն իսրայէլի:

Ղնաց նեեման, բայց կամեցեալ պահել զպայ-
 ծառութի ազգին, և զփառս իւրոյ իշխանութե
 'ի ձեռն առատաձիր պարգևաց, առանց որոյ իշ-
 խանք օտարազգիք չեն այնչափ հաճելի օտարաց,
 եւ բազում շքով և մեծաւ պատրաստութե՝ կա-
 ոօք և երիվարօք և բազմութե ծառայից. առեալ
 ընդ իւր տասն տաղանդ արծաթոյ. այսինքն 250.
 լիտր արծաթ, և վեց հազար դահեկան՝ իմա՛ սակի,
 և տասն պատմուճան հանդերձեալ, այն է՝ փոխա-
 նակաւ (որ ուսմիօրէն տսի, տասն ձեռք հազուստ):
 Եւ յսպիսի հանդերձանօք եմուտ նեեման 'ի սամա-
 րիա. և ինքնին մատոյց ցարքայն իսրայէլի զգիր
 թագաւորին իւրոյ: Եւ ան գրոյն համառօտ էր.
 այլ ո՞՞ գրուածոյն ամբարտաւան՝ ոչինչ անուշակ
 քաղաքականութե քաղցրացուցեալ. ցուցանէր 'ի
 նմա քաջ ճանաչել զիւրոյ թագաւորութե զգերի-
 վերոյ վիճակ, և զնուաճութի զօրութե արքային
 սամարեայ. վասն որոյ և զիրն թուէր գրեալ 'ի
 թագաւորէ առ իւր ստրուկ, քան թէ 'ի թագաւ

ւորէ՛ առ թագաւոր յանձն առնել զկարօտ պաշտօնեայն իւր . * Ըրդ իբրև հասցէ (ասէ) առ քեզ հրովարտակդ այդ , ահա առաքեցի առ քեզ զնեման զծառայ իմ , և առաքեցես զդա 'ի բորտութենէդ իւրմէ ։

Իբրև ընթերցաւ արքայն իտրայիլի զհրովարտակն , յորում 'ի վերայ արհամարհութե՛ յաւելոյր և հրաման 'ի վեր քան զկար մարդոյ , եդ 'ի մօի եթէ՛ առ չարութե՛ սրտին գրեաց զայն , 'ի դատնել պատճառս նոր պատերազմ յարուցանելոյ : Եւ որոյ 'ի դառնութե՛ սրտին պատառեաց զհանդերձս իւր . և մտախոհ լինէր 'ի սրտի իւրում , թէ զի՞նչ ունիցի առնել : Եւ յայց զհրովարտակն և խորհրդա կանաց իւրոց , և ասէ . տեսէք թէ զի՞նչ պահանջէ յինէն որդին ադերայ . միթէ՛ անձ իցեմ էս սպանանել կամ կեցուցանել , զի առաքեաց առ իս աւաքել զայրդ 'ի բորտութե՛ իւրմէ . որ միայն այ է : Իյորհրդականք ոչ գիտելով 'ի ժամուն ասել ինչ , կալան ժամանակ՝ զի կարիցեն խորհիլ հընարս : Ըրլ եղիսէի լուեալ զիրան , եբարձ վազվազակի 'ի սրտէ արքային զամենայն տազնապ . առաքեաց առ նա , և ասէ . ընդէ՞ր պատառեցեր ըզհանդերձս քո՛ եկեցէ առ իս նեեման . և գիտացի թէ՛ գոյ մարգարէ յիտրայիլի պաշտօնեայ այ ճշմարտի : Հանգեաւ սիրտ արքայի 'ի բանից եղիսէի . այլ ընդունայն իմն գժղմութի՛ նեեմանայ փոքր միւս ևս 'ի դերև հանէր զկատարունի իրացն : Վրանդի նա ըստ բանի արքային իտրայիլի՛ եկն իւրով իշխանական փառօք երիվարօք և կառօք և ամենայն բազմութե՛ ծառայից իւրոց , խորհելով 'ի մօի թէ՛ ելցէ եղիսէի ընդառաջ նորա պատուով ըստ արժանեաց իւրոյ մեծութեանն , և կացցէ յազօթս , և կարդացցէ զանուն տն այ իւրոյ , և դիցէ զձեռն իւր 'ի վերայ ախտացեալ մարմնոյն , և սրբեցէ զբորտութիւն : Ըրլ ետես՝ զի վրիպեցաւ 'ի խորհրդոյն . քանզի եղիսէի ոչ միայն չել ընդառաջ նորա , այլ՝ և ոչ իսկ զանձն երևեցոյց նմա , պատգամ ևեթ յղելով առ նա 'ի

ձեռն սպասաւորի՝ երթալ եօթն անգամ լուանալ ՚ի յորդանան, և այնպէս սրբեցի ասէ մարմինն նորա: Օ այս պատգամ առեալ նեեմանայ՝ բարկացաւ, և ասէ. եթէ լուացմամբ լինիցի ինձ սրբիլ ՚ի բորոտութի, ապա զի՞ պիտէր ինձ այսչափ ձախապարհ հատանել վայրապար. ոչ լաւ իցեն նաբա նա, և փարփարա գետքն դամասկոսի քան զամենայն ջուրս խրայելի. և ընդէր ոչ երթայց և լուացայց ՚ի նոսա, և սրբեցայց. և այնպէս սրտմըտութի դարձաւ գնաց յիջևանն իւր, հաստատեալ ՚ի մտի վաղվաղակի դարձ առնել յերկիր իւր, զամօթնս և եթ այսպն լինելոյ տանելով ընդ ինքեանս:

Այլ արքն որ ընդ նմա՝ խօսեցան առ նա, և ասեն. հայր, եթէ մեծ ինչ բան խօսեցեալ էր ընդ քեզ մարդարէին, ոչ ապաքէն պարտ էր առնել. թող թէ զի սասց լոկ, լուացիր և սրբեցիս. չունիս ինչ մեծագոյն և քեզ կարևոր քան զառողջութիւնն, զորով վասն այդչափ թեթեւ բանի չէ արժան զանց առնել. և այնպէս հաւանեցուցին զնա: Աորաւ նեեման ՚ի յորդանան, և լուացաւ ՚ի նմա եօթն անգամ ըստ բանին եղիսէի, և առ ժամայն սրբեցաւ ՚ի նմանէ բորոտութին. և դարձաւ մարմինն նորա գեղեցիկ կայտառ և փափուկ իրբև ըզմարմին մանկան մատաղոյ: Այն փորձ ծանեաւ զձեռն ին. հաւատաց յամենակալն՝ յորմէ միայնոյ, և ոչ ՚ի ջրոյն ՚ի վայրկենի սրբեցեացաւ նմա կատարեալ առողջութի:

Այլ այնպէս սրբեալ մարմնով, և առաւելապէս հոգւով, դարձաւ ՚ի սամարիա առ եղիսէի ինքն և ամենայն բանակ իւր՝ կատարել զպատշաճական պարտաւորութի իւր. միանգամայն և խօսել ընդ մարդարէին զիրաց ինչ հարկաւորաց: Արբև յանդիման եղև եղիսէի, ասէ. ահա գիտացի՝ թէ ոչ գոյ անձ յամենայն երկրի, բայց միայն ՚ի մէջ խրայելի: Ապա քաղցր իմն և ողորական ստիպմամբ բռնադատէր զայրն այ ընդունել ՚ի նմանէ ուղերձս. այլ մարդարէն բացէ ՚ի բաց հրաժարեալ՝ ասէ, կենդանի է ինձ՝ որոյ կացի առաջի նորա,

Եթէ առից ինչ : Հայնժամ դարձայց նեւեման ըզբան իւր յայլ ինչ կարեւորագոյն , և ասէ . որովհետեւ ոչ կամիս առնուլ ինչ յինէն , ես ազաւեմ՝ զի չնորհեցես ինձ ծառայի քում առնուլ բեռինս երկուց ջորւոց 'ի հողոյ երկրիս , ուր դոյ ծանօթութիւնն նոյ ճշմարտի , և տանել 'ի դամասկոս՝ կանգնել անդ սեղանն նոյ . զի ոչ ևս արասցէ ծառայ քո ողջակէզս և զոհս աստուածոց օտարաց , բայց միայն նոյն : 'Ի հողոյ երկրին ինդրէ . զի գուցէ համարէր թէ պաշտօնն նոյ իսրայէլի այնպէս կապեալ է ընդ հող երկրին իսրայէլի , զի արտաքոյ նորա ողջակէզք և զոհք մատուցեալք չեն ընդունելի նոյ . և զի անմարթ էր նմա թողուլ զհայրենիս և զիշխանութիւն իւր , և երթալ բնակել 'ի հրէաստան , խորհէր թէ միապէս կարօշ էր զոհս և ողջակէզս մատուցանել հաճոյականս և յասորիս , եթէ սեղանն լիցի 'ի վերայ հողոյ երկրին հրէաստանի : Արամ՝ ըստ ոմանց , որ առաւել հաւանելի թուի , արար զայն լոկ 'ի յիշատակ երախտեաց տեղւոյն , ուր ընդ մարմնոյ առողջութեան՝ չնորհեցաւ նմա 'ի նոյն և գերաշխարհիկն պարգև լոյս հոգւոյ՝ ճանաչել և հաւատալ զճշմարտ նոյն իսրայէլի , և կատարեալ սրտիւ յարիլ 'ի նա : Հաւանեցաւ եղիսէէ ընդ ինդիր նորա , այլ ոչ պարտաւորեաց զնա 'ի թլիատութի , կամ 'ի պահպանութիւն այլոց ծիսական օրինաց : Այսն զի այն օրէնք միայն վասն ազգին իսրայէլի տուան . վասն որոյ օտարագոյիք կարօղ էին պաշտել զնա զոհք և ողջակիզօք և պատարագօք ուր և իցէ , և զիւրդ և կամէին . շատ էր զի անկեղծ սրտիւ և կենդանի հաւատով արասցեն առ ընդունելի լինել նոյ , առանց խառնելոյ ինչ 'ի հեթանոսական սնտօթ պաշտամանց . նմին իրի և նեւեմանն ոչ խնդրեաց ուսանել զճէսս երբայեցւոց 'ի մատուցմանս զոհից : 'Ի միայն խիղճմանց 'ի սրտի նորա յետ ճանաչելոյ զճշմարտան նոյ , զնորա լուծումն ինդրեաց առնուլ 'ի մարգարէէն :

'Ի նեւեման էր իշխանն նախապատիւ յարքունիս ա

սորևոց . ուր պաշտօն նորա էր տալ ձեռն արքայի յենուլ 'ի նա յեւանել նորա ուրեք հանդիսիւ : Արդ՝ ըստ այսմ՝ պաշտաման , հարկ էր նմա երթալ ընդ արքայի նաև 'ի տաճար և եմանայ կռոց . և 'ի պաշտանէն արքայի երկիր անդ 'ի տան և եմանայ , տալ նմա ձեռն յենուլ 'ի նա , որով հարկ ընէր և նմա կորանալ մարմնով առաջի և եմանայ՝ 'ի միասին ընդ արքայի , 'ի կատարել նորա դիւրաւ զերկրպագութիւն իւր : Օ այս սպասաւորութիւն խնդրէ նեւեման ներել նմա՝ զի արասցէ արքայի : Ասմ՝ ըստ սուրբի և արաբացի թարգմանութեց , որք հարցահան ձևացուցանեն զբանն , հարցանէ մի թէ ներեացէ՞ նմա ինք առնել զայս սպասաւորութիւն : Արդիսէ էտ նմա պատասխանի . երթ խաղաղութեամբ . որով ցուցանէ զիջանիլ խնդրոյ նորա :

'Ի վերայ այսորիկ խնդիր մեծ յուզի առ մեկնիչս և առ ինծաբանս : Ամանք տարապայման նախանձաւ յոյզք 'ի վերին երեսս ընթերցեալ զգիրն , դատապարտեն զգործ նեւեմանայ , ընդ նմին և զպատասխանի մարգարէին , իբրև կեղծաւորութի 'ի հաւատոյս , 'ի ներքուստ մտաւորապէս զին՝ պաշտելիս արտաքուստ յայս մարդկան ձևանալ կռապարիշտ : Այլք՝ կամեցեալ զերկոսին ազատել 'ի բամբասանաց , յանցեալն ձգեն զբանն . որովս թէ ազալել նեւեմանայ զմարգարէն ազօթս առնել , զի քաւեսցէ ինք զնա վասն անցեալ կռապաշտութեն : Ասմ՝ գէթ զի բառնայցէ 'ի նմանէ զսար սովորութիւնն , յոր սովորեալ էր երկիրպագանել 'ի տան և եմանայ ընդ արքայի իւրում . ուստի և զբնագիրն ընթեռնուն օրինակ զայս . * 'Ի մտանել իմում արքայի 'ի տուն և եմանայ երկիրպագանել , և 'ի յենուլ նորա 'ի վերայ ձեռին իմոյ , էս երկիրպագի 'ի տան և եմանայ : Արդ՝ որովհետև էս երկիրպագի 'ի նմին տեղեօջ , քաւեսցէ ինք զծառայքս վասն այսր բանի : Այլ այս ընթերցումն օտար է ոչ միայն յերբայականէն , այլև յամենայն թարգմանութեց . որք միօրինակ ապառնի ընթեռնուն .

յիւրում իշխանութիւն առանց վնասու անձապաշտու-
թեան նորա :

Այս այսպէս յաջողութիւն վնասեցան իրք նեւեմա-
նայ , և հրաժարեալ նորա ՚ի մարգարէիւն՝ դարձաւ
ուրախութիւն յերկիր իւր : Այլ մինչև էր կարի
հեռացեալ , գեեզի ծառայ եղիսէի հարաւ յախ-
տէ արծաթսիրութե՛ն՝ ծանրասրտեալ ընդ վեհանձ-
նութիւնն իւրոյ , որով բացէ՛ ՚ի բայ մերժեաց զա-
մենայն ընծայս զոր իշխանն առատամիտ մատոյց
նմա . իսկ թէ ինքն առեալ էր ձեռածիրս ինչ՝ թէ
ոչ՝ չէ յայտ , բայց և այնպէս առաւելագունի ցան-
կացեալ , ասէ ՚ի մտի , եթէ ի՞նչ իմ խնայեաց յա-
սորին չառնուլ ինչ ՚ի ձեռանէ նորա , ես առից ,
վասն որոյ աճապարեաց պնդեցաւ զհետ նորա :
Իսկ իշխանն պատուական տեսեալ զնա ՚ի բա-
յուստ՝ զի ընթանայր , զտեղի առ , և իջեալ ՚ի կա-
ռաց՝ զնաց ընդ առաջ նորա , լսել ՚ի նմանէ ըզ-
պատճառ գալտեանն նորա : Առաջն խորուօիկ
ձեացոյց ստութիւն , որպէս թէ ՚ի նմէ իւրմէ յերկ-
սէէ իցէ առաքեալ . զի եկին ասէ առ նա երկու
պատանեակք ՚ի լեռնէն եփրեմի յորդոնյն մարգա-
րէից , վասն նոցա խնդրէ՛ ՚ի քէն տաղանդ մի ար-
ծաթոյ , և երկուս պատմուճանս հանդերձեալս :
Ապաքէն սովին բանիւ պատիւ մարգարէին մեծա-
պէս աղօտանայր . նեղութիւն իշխանին արձակել
զլեռննս ՚ի ճանապարհի՛ ծանրանայր . գողութիւն
զոր խաբէութիւն առնէր՝ ծանրագին էր . բայց ծա-
ռայն մտաբաղց ագահութիւն յիմարեալ՝ ոչ ինչ զայս-
ցանէ խորհեցաւ : Այս վնաս յաճախ է յաշխարհի՛
նսեմանալ պատուոյ և անուան տեարց ՚ի ձեռն
անյագ շահասիրութե՛ն ծառայից : Անեման ըստ իշ-
խանավայել առատաձեռնութե՛ն ետ նմա առաւել
քան զոր խնդրեացն . զի ետ երկուս (կամ ըստ
մերումս՝ երիս) տաղանդս արծաթոյ , և երկուս
պատմուճանս հանդերձեալս : Այս զի ծանր էին ա-
ռաւել քան զկար առն միոյ՝ բաժանեաց զարծաթն
յերկուս պարկս , նոյնպէս զհանդերձս յերկուս
ճրարս , և ետ ցերկուս ՚ի ծառայից իւրոց՝ բառ-

նալ և տանել, ուր առաջնորդեաց՝ նոցա գեեզի .
 իսկ նա յապազեցոյց զնոսա ՚ի ճանապարհի՝ մինչ
 ցնսեմանալ երեկոյի . և այնպէս ՚ի մթանն՝ զի մի
 ոք տեսցէ, տարեալ ՚ի տուն իւր, առ ՚ի ձեռաց
 նոցա, և արձակեաց զարսն : Աւ ինքն ՚ի չքմեղս
 եղեալ՝ որպէս թէ չէր ինչ բնաւ գործեալ, եմուտ
 առ ի՞ր իւր, և կայր որպէս յառաջն :

Այլ ամ ոչ եթող անպատիժ զյանդգնութիւն
 զայն մեծ, զոր ամենայն մասամբ յայտնեալ էր ե-
 ղիսէի . և մարգարէն համառօտ հարցուածով քրն-
 նեալ զծառայն ընչաքաղց, մինչ զամենայն ուրաստ
 լինէր չարագործն՝ ամ յերեսս նորա մանրամասն
 զամենայն զոր գործեաց մինչև ցոտնփոխ նորա, և
 մինչև ցնեբբին խորհուրդս մտաց նորա . ոչ սիրտ
 իմ ասէ գնաց անդ, յորժամ դարձաւ այրն ՚ի կա-
 ոաց անտի ընդ առաջ քո . և արդ առեր զարծաթն
 և զհանդերձսն ՚ի նեեմանայ, զի գնեցես քեզ
 ձիթենիս, և այգիս, և արջառս և ոչխարս, և
 ծառայս և աղախնայս : Աւ արդ՝ փոխանակ զի
 ցանկացար առնուլ զարծաթն նեեմանայ, առցես
 այսուհետև և զբորօտութիւն նորա . որ յարեացի ՚ի
 քեզ . և ՚ի քէն անցանիցէ՝ ժառանգութիւն յորդիս
 քո, և յամենայն սերունդս նոցա : Այլ գեեզի յե-
 րեսաց մարգարէին բորօտեալ իբրև զձիւն : Այտն
 զաղբատեսիլ հրապարակեալ ընդ աշխարհ՝ դար-
 ձոյց արդեօք և զպատիւ մարգարէին առաջի նեե-
 մանայ :

Սահ Ստուգեալ արքայի յոռոյ, և Յովրամայ արքայի
խորայելի, և Յեղաթեւայ. զորս սպան Յեռա Ռաֆաաոր
խորայելի :

Յետ մահուն յովրամայ արքայի յուղայ՝ թա-
ղաւորեաց ղքողիա որդի նորա, յամի երկոտասա
ներորդի յովրամայ որդւոյ աքաաբու արքայի իս-
րայիլի քեռւոյ իւրոյ : Այլ էր քսանեւերկու ամաց
ի թագաւորել իւրում, կրտսերադոյն գուլով յոր-
դիսն յովրամայ. վասն զի զերիցադոյնսն զամենե-
սեան կոտորեաց Տէնն արաբացւոց յարձակեալ յե-
րուսաղէմ. որպէս պատմեցաւ ՚ի վեր անդր : Այլ
զիրն այնպէս իմն խօսի զղքողիայի, որպէս թէ ըստ
բուսոյ բարուց բարի էր, և ՚ի բարին յօժարեալ.
այլ մայր նորա գողոզիա գուսար աքաաբու թոռն
ամրեայ, և չար խորհրդակիցք նորա եղեն նմա
սատարք անօրէնութի, վարելով զնա ՚ի ճանա-
պարհս տանն աքաաբու՝ առնել չար առաջի ան ՚ի
կորուստ անձին : Ըն ժամանակօք յովրամայ հօր
նորա լցաւ երկիրն յուղայ կռովք. և ժողովուրդն
ընդերւացեալ և վարժեալ ՚ի կռապաշտութի՝ ոչ
ցուցանէր պատրաստական կամն ընդունել թագա-
ւոր անձապաշտ թշնամի կոոց : Աքողիա ունէր իրա-
ւունս ՚ի թագաւորութի, և անուանեալ իսկ էր
ի հօրէ իւրմէ թագաւոր. և ըստ ոմանց նաև ՚ի
յովսափատայ հաւոյ իւրմէ. բայց ժողովուրդն ան-
հաւատարիմ առ անձ՝ ոչինչ խղճէր առ ոտս կոխել
զերդումն հաւատարմութի առ իւր թագաւոր :
Ապաքէն ըստ ակնարկութի գրոյն՝ տեսանեմք,
զի ՚ի սկզբան անդ ոչ ամենայն ժողովուրդ յուղայ,
այլ միայն բնակիչք երուսաղէմի ծանեան զնա թա-
գաւոր. ապա թերևս մայր նորա և անօրէն խոր-
հրդակիցք զրդուեցին և գահավէժ արարին զնա

յանօրէնութիս կռապաշտութե . որպէս զի այնու
հաճոյացեալ ժողովրդեան զակատելոյ զհետ կռոյ՝
հաստատեցի թագաւորութի նորա միաբան հա
ւանութի ամենեցուն : Ասան որոյ և որդիա առ
ժամայն ընդ նստիլ յաթոռ թագաւորութե երե
ւցոյց զանձն ջերմ նախանձախնդիր 'ի պաշտօն
կռոյ . միաբանեցաւ ընդ յովրամայ ամալարիշտ ար
քայի իարայելի . նոր խնամութի յաւել հաստատել
զազգակցութիսն՝ առեալ իւր կնուութե զդուստր նո
րա : Բայց այն ինչ ռանհարութի կրօնի խնդրէր
հաստատել զթագաւորութի իւր , 'ի միջոցի միոյ
ամի կորոյս զկրօնն , զթագաւորութիսն , և զկեանս :

Օ այսու ժամանակաւ , կամ փոքր մի յառաջ
հիւանդացաւ առ 'ի մահ որդին աղերայ արքայ ա
սորոյ՝ թերևս 'ի դառնութե սրտին , յաղաղս
ամօթապարտ ինքնահալած փախստեան զօրուն իւ
րոյ 'ի պաշարմանէ սամարեայ : Այնմ վայրի լուա
ւութե եղիսէէ զայ 'ի դամասկոս . յորմէ վասն բազ
մապատիկ սքանչելագործութեց նորա՝ զարոյ զփորձ
առեալ էր և ինքն , երկնէր և 'ի յարդի ունէր
զնա . և խորհելով թէ այր այսչափ զօրաւոր առա
ջի նոյ՝ կարող էր տալ նմա և մահ և կեանս , առ
չահելոյ զսիրտ նորա և յինքն յանկուցանելոյ՝ առա
քեաց ընդառաջ նորա զազայել զմի յարքունի պաշ
տօնէից անտի իւրոց . և ընդ նմա ընծայս բազումս
յոյժ բեռինս ուղտուց քառասնից յամենայն բա
րութեց դամասկոսի . պատուէր տուեալ նմա , զի
'ի մահուցանել զընծայսն , հարցանիցէ ցնա , թէ
ապաքինեցի՞ արքայ և կեցցէ 'ի հիւանդութե ան
տի իւրմէ : Ասէ ինչ զիրն , թէ ընկալեալ իցէ
արդեօք կամ մերժեալ մարգարէն զընծայսն զայնու
սիկ . ուստի գուշակի ըստ ոմանց՝ թէ ընկալաւ .
ապա թէ ոչ՝ ոչ արդեօք զանց առնէր ասէն զիրն
յիշատակել զմերժումն այնչափ պարզեաց . որպէս
յիշէ զնեմանայն : Բայ թէ ընկալաւ , յայտ է
ոչ վասն անձին , այլ 'ի ծախել 'ի պետս աղքատաց ,
և մանաւանդ որդւոց մարգարէից , որք միաբան
բնակէին , և անստացուած կեանս վարէին : Արք

որք դաւանին զաղքատութիւն, երբեմն ոչ ընդունին պարգևս առ սէր կամաւոր աղքատութեւն. և երբեմն ընդունին առ սէր այլոց տառապեալ աղքատաց, յանձն առեալ զամօթ վասն յօգնութիւն հասանելոյ կարօտութեւնոցս: Պատասխանին եղիսէի առ հրեշտակն եղև այս. * Այլ թ և ասանցնա, կելով կեցցես. և եցոյց ինձ արձ զի մահու մեռանիցի ||. Գ. Բ. Լ. Գ. 10: Այլ առ իմանալ զայս պատասխանի՝ զիտել պարտ է. զի սովորական է ՚ի սէր գիրս, և ոճ սեպհական երբայական լեզուի՝ ՚ի կիրարկանել զհրամայականն փոխանակ ապառնւոյ. ուստի յասել աստ՝ * Այլ թ և ասանցնա ||, այնպէս է որպէս թէ ասէր, * Վու երթայցես և ասացես ցնա ||: Յայս պատասխանի երկու մարդարեւութիք են. մի՞ թէ արքայն հաւաստեալ մեռցի. երկրորդ՝ թէ հրեշտակն հանդերձեալ է ստելասելով ցհիւանդն թէ առողջացի և կեցցէ: Վիտեմ ասէ եղիսէէ, զի դու ՚ի քո կողմանէ երթայցես և ասացես ցորդին աղերայ, մի ինչ երկիցէ արքայ, զի ասաց ցիս եղիսէէ թէ կելով կեցցէ: Այլ ես ահա յայտ առնեմ քեզ, թէ մեռցի նա անվրէպ:

Ապա առ զնա եղիսէէ մեկուսի, և եկաց առ յայր մի առաջի նորա խառնելալ թախծագին երեսօք, և արտօսարալից աչօք. և յասել ցնա աղայելի, ընդէր լաս ար իմ, ասէ եղիսէէ. դու ես պատճառ լալոյ իմոյ. գիտեմ զհարուածն, զոր դործելոց ես ընդ որդիսն իսրայելի. զամուր ամուր քաղաքս նոցա հրձիգ արասցես, զընտիրս երիտասարդաց նոցա սրով կոտորեսցես, և զտղայս նոցա զանմեղս սատակեսցես և զյղիս նոցա հերձցես: Աղայել ճիացմամբ իմն ունկն դնէր բանից մարդարեւին. և ոչ կարէր ՚ի միտ առնուլ, թէ զիարդ հնար իցէ նմա սոսկական պաշտօնէի այնչափ զօրանալ, մինչև կարօղ լինել զայն ամենայն դործել. Ո՞վ է ասէ ծառայ քո շուն մի, թէ առնիցէ զբանդ զայդ: Այս զարմացումն ցուցանէ, թէ եղիս մարդարեւ զօժումն աղայելի ՚ի թագաւոր ասորոց՝ պահեալ

էր, զի լինիցի ձեռամբ եղիսէի. որում յայտնեալ
իսկ էր զպատուէր տն, և զժամանակ գործադրու
թէ: Անդ օժ զնա եղիսէի, և ասէ. արդ զնա,
զի եցոյց ինձ տր թագաւորել քեզ ՚ի վերայ ասորուոց:
Կարծաւ ազայէլ առ արքայ. և լցոյց զառաջին
մարգարէութիւն եղիսէի՝ ստելով. զի ՚ի հօրցա
նել ցնա արքայի, թէ զինչ ասաց մարգարէն. ետ
պատասխանի, աւետիս է, զի ասաց ցիս թէ կե
լով կեցցի: Աւ ինքն զայն օր և զբիշերն ամենայն
գաղտաբար զհետ եղև որսալ իւր կուսակիցս. և
ի վաղիւ անդր ան պատառակալ, և թացեալ ՚ի
ջուր՝ արկ զերեսօք նորա, որով խափանեցաւ ա
զատ տուր և առ շնոյ հիւանդին. և այնպէս լու
կեայն և անշունչ հեղձամահ արար զնա: Աւ կու
սակիցք նորա առժամայն թագաւորեցուցին զնա,
և ժողովուրդն ամենայն ընկալան զնա, կեցցի՝ ար
քայ ազայէլ՝ ասելով:

Իբրև լու եղև ՚ի սամարիա մահ որդւոյն ադե
րայ, յովրամ արքայ իսրայէլի ժամ զիպօղ վարկաւ
փորձ փորձել անդրէն յինքն դարձուցանել զաւ
մսթ գաղաադ. առ որ տկարացաւ արաբ հայր
նորա: Անզի համարէր թէ ազայէլ ՚ի սկզբան
անդ հակառակութիւն բազում կրեսցի, զի գոյով մի
ի հասարակ արքունի պաշտօնէից անտի՝ յանկարծ
լինն ել նստաւ յաթոռ թագաւորութե. վասն որոյ
ոչ իշխեսցի՝ հանել զգօրս իւր արտաքոյ երկրի իւ
րոյ, զի յրմբոստանալ ժողովրդեանն՝ նեքօք ՚ի հնաւ
զանդութի նուաձեսցի զնոսա: Օայս խորհելով
յովրամ արքայ իսրայէլի, ել վաղվաղակի պաշարել
զաամսթ գաղաադ, ունելով նիղակակից զփեսայն
իւր զբոզիա նորապսակ արքայ յուգայ: Այլ ՚ի
դերև ել խորհուրդ մտաց յովրամոյ. քանզի ա
զայէլ փութացաւ և եհաս յօգնութի ռամսթայ.
և եղև անդ պատերազմ սաստիկ. ուր թէպէտ
յաղթեցին իսրայէլացիք, և առին զքաղաքն, այլ
յովրամ արքայ ընկալաւ վերս բազումն ՚ի մարմնի,
թէպէտև ոչ մահացուս: Աւ առ վաղագոյն և լաւ
ևս դարման գտանելոյ ՚ի բժշկաց՝ դարձաւ յեզ-

բայէլ, թողեալ զհրամանատարութի շորուն 'ի ձեռս յեռայ իւրումն սպարապետի: Ապա և որդիս արքայ յուգայ՝ որ ինդրէր հնարիւք իմն խոյս տալ 'ի տեղոյն, եթող զզօրն, և չքաւ յեզրայէլ գեղեցիկ պատրուակաւ իբրև յայցեալութիւն և 'ի միթարութի աներոյ իւրոյ 'ի հիւանդութե՛ն նորա. և ոչ կարծէր թէ երթայ ընդ առաջ օրհասի իւրոյ. * Ա՛նտէ՛ եղև ասէ գիրն կործանումն քաղկայ յերթաւն առ յովրամ՝ ॥. Բ. Գ. Է. Գ. 7:

Ա՛նչ յովրամ բժշկէր յեզրայէլ, և սքսզիս կայր անդ առ նմա զօրապետք իւրայէլացոց յետ օրերոց ուամութայ՝ յառուր միում Ժողովեալ անդ 'ի տան միում 'ի միասին ընդ յեռայ սպարապետի իւրեանց՝ նստիին 'ի զրոյցս: Այս ատեն և անձանթ յանկարծակի եմուտ 'ի ներքս. և հայեցեալ, առ յեռ՝ ասէ բան ինչ է ինձ ընդ քեզ իշխանդ. ասէ յեռ. առ ո՞ յամենեցունց 'ի մէնջ. և նա ասէ. առ քեզ իշխանդ: Այլ վաղվաղակի յեռ, և եմուտ յայլ սենեակ լսել զբան պատու նեկին, որ և նա 'ի մարդարէից անտի էր: Այն վայել վարկաւ անձին ունին մատուցանել անձանթ և նուստատեսիլ պատանեկի, գիտելով զի բազում անգամ յայտուիտաց կարևոր ծառնթութիւնք ելանեն. և զի լուսագոյն և սրատես սէք իշխանաց են ականջք նոցա: Համարուտ եղև առանձնախօսութիւն, որչափ ինչ բաւական էր 'ի գլուխ տանելոյ զպատուէր նմն առ եղիս մարդարէ: Հաղորդեալ զայն եզիսէի. որպէս զի նա 'ի գործդիցէ անձամբ կամ 'ի ձեռն այլոց: Ահա պատու նեակն զսրուակ իւղոյն, և արկեալ զիւզն 'ի գլուխ նորա՝ ասէ ցնա. այսպէս ասէ նոր նձ իւրայելի, օճի զքեզ թագաւոր 'ի վերայ Ժողովողեան նմն. և դու արասցես արդարութի ընդդէմ տանն արքաւ բու նմն քո. և փոխանակ սյնլափ անսարաւ արեանց ծառայից իմոց մարդարէից՝ զոր եհեղ ամպարիշտ արքայն, սատակեսցես զամենայն սերունդս նորա. և զյեզաբէլ թէպէտ թագուհի՝ կերիցեն շունք 'ի վիճակին յեզրայելի:

Օ այս ասացեալ՝ երաց պատանեակին զգուռն ,
 և փախեալ վազվազակի , ըստ պատուիրելոյ նմա
 եղիսէի մինչ առաքեացն զնա : Բայն հապճեղ
 փախուստ նորա թուեցաւ այլոց զօրակետաց նշան
 մուկնութիւն . վասն որոյ իբրև ել յէռ առ նոսա ,
 հարցին ցնա և ասէն . զի՞ եկն առ քեզ մուկն այն :
 Եւ զառաջինն ոչ կամելով յայտնել նոցա , ասէ՝
 դուք ինքնին տեսիք զյիմար շարժմունսս նորա , յոր-
 մէ կարէք իմանալ և զբաջադանս նորա . այլ ՚ի
 ստիպել նոցա՝ պատմեաց զիրան ճշմարտութիւն : Եւ այն
 ժամ իբրև լուան զոր խօսեցաւ և զոր ինչ արար
 առ ՚ի նոցանէ , մնլի կարծեցեալն , փոխեցին զմիտան .
 և փութացեալ առին իւրաքանչիւր զզինուորական
 վերարկու իւր , և եդեալ ՚ի վերայ առաջին աստի
 ճանի ուր նստիին , որ և ձեացաւ իբրև աթոռ ա-
 տենի , նստուցին զյէռ ՚ի վերայ նորա և թագա-
 ւորեցուցին : Այսին առժամայն ՚ի ձայն եղջեր
 փողոյ հրատարակել զնա թագաւոր . այլ նա խռ-
 հական խորհրդով կամեցաւ՝ զի նախ փակեցին
 դրունք քաղաքին , և մի թողցի թէ ոք ելցէ ար-
 տաքս : Բաջ տեսանէր թէ ՚ի մէջ այնչափ բազ-
 մութի զինուորաց և բնակչաց քաղաքին գտցի ոք
 բարեկամ յովրամայ , և աճապարեալ աղդ արասցէ
 զիրան ՚ի յեզրայել . և յովրամ խոյս տացէ ՚ի սա-
 մարիա քաղաք ամրակուռ՝ բաւական առ աշխատ
 առնել բնդ երկար զս և իցէ զօրաւոր բանակ : Այլ-
 ին ևս էր յեղակարծումն ՚ի վերայ հասանել նորա
 յեզրայել՝ քաղաքագետղ պարսպաւոր , այլ անզօր
 և անպատսպար :

Բայս փակեցան դրունք ռամաթ գաղաաղու ,
 և յայնժամ հարին զփողս եղջերեայս ՚ի հրապա-
 բակս և ՚ի փողոցս քաղաքին , և ասէն , թագաւո-
 րեաց յէռ : Այլ իբրև ամենայն զօրն ՚ի նա յարե-
 ցաւ , ետ վազվազակի լծել զկառս իւր , և ելեալ
 փութացաւ յանկարծ հասանել ՚ի յեզրայել : Այլ
 այն ինչ յառաջ խաղայր տաղնապաւ , ետես դէտն
 յաշտարակէն յեզրայելի փոշի յոյժ . ազգարար յով-
 բամայ , և սսէ . փոշի տեսանեմ էս : Եւ որմէ գու-

շակեաց յովրամ թէ գունդ զօրու իցէ . և ոչ գիտելով թէ բարեկամ իցեն, եթէ թշնամի, արձակեաց հեծեալ մի յարանց իւրոց հրեշտակ ընդառաջ նոցա, պատուէր տուեալ նմա ողջունել խաղաղութիւն զգօրագլուխն նոցա ո՞րք և իցէ . և ապա վարելով որպէս զիարդ ուսուցանիցէ խոհեմունին՝ իմանալ զխորհուրդ նոցա, և փութանակի բերել նմա զրոյց : Վնաց հրեշտակն, այլ ոչ դարձաւ . զի յողջունել նորա և ՚ի հարցանել՝ եթէ խաղաղութիւն գայցեն զօրքն, ասէ յեռ . զի՞ պիտի քեզ գիտել զխաղաղութիւն կամ զպատերազմ : գարձիր զկնի իմ, և մնա ՚ի հեծեալ գունդդ : Պատմեաց դէտն, և ասէ . Եհաս հրեշտակն, այլ ոչ դարձաւ . արձակեաց յովրամ երկրորդ հեծեալ մի ձիոյ՝ նովին պատգամաւ . բայց և զնա կալաւ յեռ առ իւր՝ որպէս զառաջինն : Ատես և զայս դէտն յաշտարակէն . միանգամայն և յառաւել մերձենալ հեծեալ գունդ զօրուն, ետես զի գային տագնապաւ : Աւ զի յամենայն զօրապետաց միջի՝ յեռայ և եթէ էր սովորութիւն այնպէս բուռն ընթացաւ, ազգ արար դէտն՝ թէ տակաւին որոշել զնոսա ոչ կարէ, բայց ՚ի գահավէժ ընթացից, գուշակէ թէ իցէ յեռ որդի ամեսայ :

Տեսեալ յովրամայ զգօրս իւր շարժեալ առանց իւրոյ հրամանի, և զի մերձենան առանց արձակելոյ յառաջագոյն հրեշտակ առ նա՝ զեկուցանել նմա զպատճառ գալոյ նոցա, և ևս զի երկու հրեշտակք նորա միմեանց զկնի առաքեալք ոչ դարձան, կասկած մեծ անկաւ ՚ի սիրտ նորա . այլ առ ՚ի չգոյէ ժամանակի յերկար խորհելոյ՝ ձեռն էարկ ՚ի փորձ վտանգաւոր, անձամբ ելանել ընդառաջ զօրուն իւրոյ : Արեւս խորհէր, զի թէ իւրքն գան խաղաղութեամբ, ընկալցին զնա մեծարանօք իբրև զթագաւոր իւրեանց . իսկ եթէ ապստամբութիւն, գուցէ տեսեալ զնա՝ պատկառեսցին յերեսաց նորա : Օ ՚ի մնալ անդ ՚ի յեզրայել քաղաքագեօղ անզօր՝ չէր յապահոյցի, եթէ գայցեն պատամբութիւն . իսկ փախչել անտի՝ չէր ՚ի դէպ,

զի ոչ գոյր ժամանակ բառական առ զերծանելոյ պատուով 'ի ձեռաց նոցա :] Ի արդէն բժշկեալ 'ի խոցուածոց անտի՝ զոր ընկալաւ 'ի պատերազմին ռամաթայ, ռւստի կարող էր ելանել 'ի տանէ . հրաման ետ լծել կառս երկուս . և ինքն նստալ յառաջնումն . իսկ սքողիա փեսայ նորա արքայ յուգայ յերկրորդումն , և չորան ընդ առաջ՝ ոչ գիտելով տիրապէս , [Թէ որոց :] 'ինչ այս մինչ այն՝ հեծերազունդն այնչափ յառաջեաց , զի երկու [Թազաւորք հանգիսեցան նոցա 'ի ճանապարհին առ վիճակաւ ագարակին նաբովթայ յեզրայելացոյ մերձ 'ի դուռն քաղաքին :] Իբրև ետես յովրամ՝ գլեռ զսպարապետ իւր , ասէ . ողջոյն է յէռ . իբր ասել՝ յողջոյն արդեօք խաղաղութե՞զաս :] Կտպատասխանի յեռ . զինչ խաղաղութի՞ իցէ , առ կաւին պղծութի՞ յեզարելայ մօր քո , և կախարգութի՞ նորա յաճախեն շաղախել զերկիրս :

] Կտատաօխանոյ աստի իմացաւ յովրամ , եթէ մատնեալ է 'ի ժանիս [Թհամեաց . դարձոյց առ ժամայն զկառս իւր , և ասէ ցոքողիա , դաւ է սքողիա , կորեօք . և այլ ինչ ոչ կարաց ասել . վասն զի 'ի նմին ժամու յեռ արձակեալ 'ի նա նետ մի՞ եհար զնա կռակի ընդ մէջ [Թիկանց , և ել նետն ընդ սիրտ նորա . և կծկեցաւ 'ի վերայ ծնդաց իւրոց և մեռաւ :] Կտ զտեղի կալաւ յեռ . մինչև բառնալ զդի յովրամայ 'ի կառաց . զոր ասաց ցբադեկար սպառազէնն իւր ընկենուլ յազարակ անդր , ուր հրամանաւ յեզարելայ , և ներելով աքաբու ամօք յառաջ քարկոծեցաւ նաբովթ յեզրայելացի :] Կորժամ եղիա մարդարեացաւ զայս 'ի լուր աքաբու , [Թէ շունք լիղեցեն զարիւնն յագարակին յայնմիկ , ուր լիղեցին զարիւն նաբովթայ եղեռնահան անիրաւութի՞ քարկոծելոյ , յեռ և բադեկար անդ զտան յերկրորդ կառս երթեալ զկնի աքաբու :] Կայն յիշեաց աստ յեռ ասելով ցբադեկար . այս է օրն , յորում ել 'ի գլուխ մարգարէութիս . յոր յաւել և այլ ինչ , որ չիք գրեալ անդ 'ի մարգարէութեն եղիայի , [Թէ բաց յարև .

նէ նաբովթայ՝ հեղան յայնժամ և արիւնք որդւոց նորա :

Սինչ աստ յապաղէր յէու, որքզիա դարձոյց զկառս իւր, և փախեալ ընդ ճանապարհ բեթաւ նադայ, որ հանէր ՚ի սարտեղն արքունի : Յայս աղմուկ շփով յեաին յուսահատութեան՝ որքզիա որպէս թէ զգաստ գտաւ ընտրել զճանապարհ փախստեան առաւել համառօտ՝ ելանել յերկրէն իսրայելի : Եւ սակայն յէու ունէր ՚ի մտի կոտորել զամենեսեան՝ յորս կայցէ մասն ինչ յարենէն արաբու. և զի որքզիա էր նորա թոռն, այն բաւական յանցանք էր նմա՝ զլիապարտ առնել զնա : Սասն որոյ յետ սպանանելոյ զյովրամ, և արկաւ նեւոյ զգի նորա յազարակն նաբովթայ, պնդեցաւ զհետ որքզիայ, պատուիրելով զօրաց իւրոց և զնա սպանանել : Եւ հաս նմա՝ մինչ ելանէր ընդ զառ ՚ի վերն բլրոյն բերայի մերձ յերզաամ քաղաք. ուր թէպէտև զօրք իւր արձակեալ ՚ի վերայ փախստաւ կանին բազմութի նեաից՝ խոցոտեցին զնա, այլ ոչ առ ՚ի մահ. վասն զի նեաք ՚ի բացուստ արձակեալք՝ ոչ սակաւ կորուսանեն յուժգնութի իւրեանց. նմին իրի ոչ կասեցաւ որքզիա յընթացից : Եւ ի վարք յէուայ էին կարի իմն աշխատեալք յերկար և ՚ի զահալէժ ընթացից. իսկ երիվարք որքզիայ նոր էին և անաշխատ. ուստի զօրք յէուայ ոչ զօրեցին այլ ևս յերկար պնդել զհետ նորա. և որքզիա եհաս ՚ի մակեդոնով : Օայս յայտ առնեն զիրք յասելն. 7. Բա4. Թ. 27. Եւ պնդեցաւ զհետ նորա յէու, և ասէ. հապա և զգա ևս. և եհար զնա ՚ի կառան՝ մինչդեռ ելանէր ընդ զառ ՚ի վերն բերայի որ է յերզաամ. և փախեալ ՚ի մակեդոնով և որպէս յարի զկնի, և անդ մեռաւ և թէ որպէս, լուիցուք :

Յէու ստիպեցաւ զտեղի առնուլ՝ առ ՚ի տալ փոքր մի հանգիստ և բուտ վաստակաբեկ երիվարաց. իսկ որքզիա նստաւ ՚ի մակեդոնով ոչ յայտնի, այլ ՚ի ծածուկ. զի որպէս թուի՝ երկեաւ այլևս ճանապարհ հատանել, զի մի զայրասցին

վերք նորա, յորոց կամէր անդ բժշկել. ապա թէ ոչ՝ եթէ գեթ երկու կամ երեք մշոնաւ յառաջ գնացեալ էր, ելանէր 'ի սահմանաց թաղաւորու թէն իսրայէլի, և մտանէր 'ի սահմանս փղշտացւոց: Ի վաղիւ անդր յառաջ խաղացեալ յէուայ, և գտեալ զիշխանս յուգայ զեղբորորդիս որոզիայ, որք էին ընդ որոզիայ և սաշտէին զնա, ետ ունել զնոսա և կոտորել: Ընտի դարձաւ խնդրել զորոզիա. և զխտացեալ զի դեռ և ս անդ էր 'ի վիճակին սամարիայ, որոյ մասն էր մակեդդով վերջին սահման նորա, անդ ետ խնդրել, և գտեալ կալան և ածին զնա առ յէու. և սպան զնա: () այս ունիմք յերկրորդ գիրս մնացորդաց. Է. Յ. ուր ասի. * Աւ եղև իբրև ան յէու զվրէժ տանն աքաաբու, եգիտ և զիշխանսն յուգայ զեղբարսն (այսինքն զեղբորորդիս որոզիայ՝ ըստ եբրայականին), որք սաշտէին զորոզիաս, և կոտորեաց զնոսա: Աւ ասաց խնդրել զորոզիաս, և կալան զնա 'ի բժշկելն 'ի սամարիա (իմա՛ 'ի վիճակին սամարեայ՝ 'ի մակեդդով), և ածին զնա առ յէու, և սպան զնա: Աթացաւ յէու 'ի մարմին նորա 'ի շնորհս յովսափատայ հաւու նորա, որ խնդրեաց զտր 'ի բոլոր սրտէ իւրմէ. և եթող զի ծառայք նորա տարցին զնա յերուսաղէմ. և անդ թաղեցաւ 'ի գերեզմանի իւրում ընդ հարս իւր 'ի քաղաքին դաւթի:

Յետ մահուն որոզիայ՝ չոգաւ յէու յեղբայել: Ընդ նասէր յեզաբէլ յապարանսն աբբունի սարտիզին, զոր ընդարձակեաց և զարդարեաց աքաաբ 'ի վիճակին նաբովթայ: Աստէր ասեմ անդ այրի յառնէն, և անզաւակ յարքայորդւոյն. թէպէտ պառաւեալ, այլ առողջ և ժիր. ուր նա էր առաւել անարժան կենաց իբրև սատարք և պատճառ ամենայն չարեաց տանն աքաաբու, այլ տր պահեաց զնա ցայն վայր առ խստագոյն պատիժ, տեսանել զսպանումն որդւոյն, և զծառայ նորա նրստել յաթոռ թաղաւորութե նորա. և ապա 'ի ձեռն ծառային խայտառակ մահուամբ կորնչել յերեսաց երկրի, զոր սղծեաց այնչափ անպարտ ար.

եանց հեղմամբ : Սա իբրև լուաւ՝ թէ ել յէու ՚ի մակեդոնացի գալ յեզրայէլ , ծարրեաց զաչս , և սնդուրեցաւ յերեսս , և ՚ի զարդ գլխոյն յորինեաց խոսուիս ՚ի վարսս . և այնպէս զարդարեցաւ իբրև զնորոգ հարսն , ըստ կարծելոյ ոմանց՝ ՚ի հրապոյր յէուայ : Այլ եթէ արդարև այն էր խորհուրդ նորա , անմտութիւն խորհեցաւ . զի ծարիր և սնդոյր կարի անհամեմատ են թառամեալ և խորշոմեալ երեսաց , որք յաւէտ ՚ի զգուռնն շարժեն՝ քան ՚ի հաճութիւն : Ասմ ըստ այլոց (որ առաւել ստոյգ երևի ,) առ ՚ի ցոյց իւրումն արքայական մեծուէ և շքոյ , զի թերևս ակնածիցէ ՚ի նմանէ յէու իբրև ՚ի թաղուհոյ : Այլ այնպէս ՚ի մտանել յէուայ գնդաւ իւրով ՚ի քաղաքն , հայէր յեզարէլ ընդ պատուհան տան իւրոյ . և ասէ , ողջոյն իցէ զամբի տիրասպան . նմանեցուցեալ զնա զամբեայ որ սպան զնոր իւր զէլա արքայ իսրայէլի զորդի բաասայ , և թագաւորեաց ընդ նորա . 7 . Թագ . 67 . 10 : Ամբարձ յէու զաչս ՚ի պատուհանն , և ասէ . ո՞վ էս դու , էջ առ իս . կամ ըստ արարացւոյն և քաղդէացւոյն . * Ո՞վ կայ այդր ։

Յայնժամ երկու ներքինիք որք կային անդ ընդ յեզարեայ , յառաջ մատուցեալ՝ հայեցան առ նա ՚ի խոնարհ . և ասէ ցնոսա յէու . ընկեցիք զդա ՚ի վայր ՚ի փողոցի աստ : Աստանոր յայտնի տեսաւ նի , թէ ո՞րպէս չէ մարթ իշխանաց վստահանալ ՚ի հաւատարմութիւնն ծառայից իւրեանց սրչափ և մտերիմ իցեն , յորժամ շահասիրութիւնն նոցա յայլ ինչ ձգեսցէ զնոսա : Որպէս ահա այս ներքինիք , որք կարի իմն ընտանի և մտերիմ թուին լինել յեզարեայ , մինչև կալ ընդ նմա առ պատուհանին . սակայն զոյգ ընդ ասել յէուայ՝ ընկեցին զտիկինն իւրեանց . և մինչև էր հասեալ ՚ի գետին , հարաւ գլուխն ընդ որմն , և ցայտեցաւ արիւնն զորմով . և ՚ի գետին անդ եղև կոխան սմբա կաց ձիոց զօրուն յէուայ . և ՚ի սուղ ժամու սպաւեցաւ ՚ի ժանեաց շանցն յեզրայէլի : Ասկ յէու գնաց ճաշել . այլ մինչև էր բազմեալ ՚ի սեղան ,

ստաց ցիւրսն . տեսէք զանիճեալն զայն , և թաղեցէք զնա . զի գուտոր թագաւորի է . այլ ոչինչ գտին 'ի մարմնոյ նորա , բայց զքանկն և զթաթս ոտից և ձեռաց : Օրմննայլի ինչ է ուտել շանց զգի նորա 'ի լոյս տունջեան , 'ի հրապարակի , ուր լի էին հայեցողք . և ոչ որ շարժեցաւ 'ի գութ' պաշտպան լինել դիականն : Մենեքին կային 'ի զննին , և ասլեալ հայէին ընդ միմեանս , և ասէին . այս է յեզաբէլն այն , զոր մեք գիտէաք . այսպիսի՞ օրհասիւ վճարեցաւ գուտոր թագաւորի , կին թագաւորի , մայր երկուց թագաւորաց . զոքանչ թագաւորի , և հանի այլոյ թագաւորի . և թագաւորի՞ զորս առ հասարակ ետես յաթոռ թագաւորուն : Մյս կատարած եղև նորա յետ մնորեցուցանելոյ զայրն իւր , յետ խան գարելոյ զերկուս թագաւորուն , յետ հալածելոյ զմարգարէս տն , և կործանելոյ զճմարիտ կրօնն : Աւ այսպիսի կատարած նորա ետ ճանաչել զարգարադատ ձեռն ամենակալին . ընդ որոյ երկայն մտուի զարմանային բարեպաշտք , և զոր հայհոյէին ամպարիշտք յաւուրս թագաւորելոյ նորա : Աւ այսպէս կատարեցաւ 'ի վերայ նորա մարգարէութիւն եղիայի , թէ 'ի վիճակին յեզրայելի կերիցեն շունք զմարմինս յեզաբէլայ . և եղիցի դի նորա իբրև զաղս 'ի վերայ երեսաց անդոյ վիճակին յեզրայելի . զի մի լինիցի ասել անցաւորաց՝ թէ այս է յեզաբէլ :

Եւ յետ այսպիսի չարախտավատ մահուամբ կորուսանելոյ զյեզաբէլ՝ դարձոյց զսրտմտուի իւր յորդիս և 'ի թոռունս աքաաբու : Հետեաւ 'ի գլուխ տարաւ զկամս իւր 'ի վերայ նոցա՝ որք գտան յեզրայել . այլ գործ էր 'ի ձեռս բերել զայնոսիկ՝ որք էին 'ի սամարիա քաղաք թագաւորանիստ ամրապարիսպ . յորմէ դիւրին էր նոցա փախստեամբ ասրեցուցանել զանձինս , կամ զինիլ 'ի պաշտպանուի քաղաքին . որ թէ միանգամ փակէր զգրունս իւր ընդդէմ նորա՝ կարող էր ընդ երկար ժամանակ կաշկանդել զնա և զզօրս նորա

անդ արտաքոյ պարսպաց անգործ ցտաղտկանալ . զի սամարիա ուսեալ էր տանել երկար պաշար մանց . վասն որոյ լաւ ևս վարկաւ յէու նախ փորձել զմիտս զլիաւորաց քաղաքին առանց բռնութիինս առնելոյ նոցա : Վիտէր՝ զի էին անդ եօթաւ նասուն որդիք և թուունք արաբու մեծ և փոքր այլ և այլ հասակաւ . գրեաց հրովարտակ առ աւտեանն քաղաքին , և ասէ . իբրև հասանիցէ առ ձեզ հրովարտակդ այդ , ընդ ձեզ են որդիք նոն ձերոյ , եթէ հաճոյ իցէ՝ ընտրեսցիք զոր 'ի նոցանէ որ լաւ և յարմար թուիցի , և հաստատեսցիք զնա թագաւոր 'ի վերայ աթուոյ հօր իւրոյ . բայց միանգամայն վառեսցիք վաղվաղակի 'ի զէն . զի սոք և ընտրեսցի թագաւոր 'ի սամարիա , պատերազմաւ ելից հանդիպել նմա : Օ այս հրովարտակ առեալ իշխանացն և ծերոց սամարիայ՝ երկեան յոյժ . ժողովեցան 'ի խորհուրդ գաղտ յարքայորդւոց , խորհեցան և ասեն . ահա երկու թագաւորք , յովրամ արքայ իսրայելի , և ոբոզիա արքայ յուդայ՝ ոչ կարացին զդէմ ունիլ նորա , մեք զհարդ իշխիցեմք ընդդէմ ելանել : Ետուն պատասխանի բազում խոնարհութիւնքնակամ ընծայելով զան ձինս 'ի պատրաստական հնազանդութիւն ամենայն ակնարկութեց նորա զինս և կամիցի հրամայել :

Եւ կամեցեալ իմանալ զանկեղծութիւ պատասխանուոյ նոցա , խորհեցաւ այնպիսի ինչ պահանջել 'ի նոցանէ , զոր թէ արասցեն , այնուհետև ոչ ևս լիցի նոցա հնարդառնալ երբէք յայլ կողմն . միանգամայն և լիցի այն նմա ջատաղութիւ մեծ առաջի ժողովրդեան վասն յառնելոյ նորա 'ի վերայ նոն իւրոյ արքայի : Աստի գրեաց առ նոսա երկրորդ հրովարտակ , և ասէ . եթէ իմ էք դուք , և հնազանդ հրամանաց իմոց , հատէք զգլուխս որդւոց նոն ձերոյ , և բերէք առ իս վաղիւ 'ի սոյն ժամու յեզրայել : Երբս ըստ խոստման իւրեանց միամտութիւն հնազանդեալ՝ հատին վաղվաղակի զգլուխս եօթանասուն որդւոց արքայի , և եղեալ 'ի կողովս՝ առաքեցին զիշերայն առ նա յեզրայել :

զոր իմացեալ յէռայ 'ի հրեշտակէն՝ որ պատմեաց նմա, ասաց զնել զնոսա յերկուս բրգաձև կոյտս արտաքոյ քաղաքին աստի և անտի դրանն :

Ալ ընդ առաւօտն ել յէռ 'ի դուռն, ուր կային ժողովեալ անհամար բազմութի մարդկան յայն ողորմ տեսիլ. եկաց անդ և խօսեցաւ առ արդարացուցանելոյ զանձն, և ասէ. արդար էք դուք. ահաւասիկ ես յարեայ 'ի վերայ օն իմոյ, և սպանի զնա : Ասկ զսոսա ամենեսին ո՞ կոտորեաց : Աբբ ասել, եթէ արդար էք դուք՝ ուղիղ դատաստան արարէք. մեք ամենեքեան որք զայս կոտորած գործեցաք՝ կամ բոլորեքին արդար եմք, և կամ առ հասարակ անիրաւ. այլ ամենեւին ան տեղի է համարել թէ իշխանք սամարիայ արք արդարակորովք, և ծերք խոհականք՝ անիրաւութի պղպիսի ոճիրս գործեալ իցեն. ապա իրաւունք են և զիս և զնոսա յամենայն անիրաւութեց անպարտ կացուցանել. զի զայդ ամենայն գործեցաք իբրև պաշտօնեայք օն 'ի կատարել զհրաման նորա, զոր ետ 'ի ձեռն ծառայի իւրոյ եղիայի մարդարէին : Ալ այսպէս յապահովացեալ յէռ զհաւատարմութի իշխանաց և ծերոց սամարիայ 'ի ձեռն անուղորմ գործոյն, այնուհետև ոչ ևս յապաղեաց զմնւտ իւր հանդիսիւ 'ի քաղաք անդր թագաւորութե իւրոյ. բայց երթ նորա չար և սգալի եղև թագաւորական տանն յուղայ. որպէս տեսցուք 'ի յաջորդ գլուխդ : Ալ այսպէս երկու արքայական տունք կցորդեալք ինամութի, և ամպարշտութի, եղեն կցորդ և 'ի հարուածս, և 'ի կործանումն :

Սնայեալ Գործք յէրաայ, և Տահ նորա: Չարիք, և
 շարաւար Տահ Վորդոզիայ՝ Բնոջ յովրամայ արքայի յառաայ: Ե
 ճովերայե Իահանայապետ Ռաբա-որեյոսանէ զճովաս Տա
 նահ ՚ի վերայ յառաայ:

Սրիւնն յեզարեւայ ծախեցաւ յեզրայել ՚ի
 շանց. բայց այն արիւն տակաւին կենդանի էր և
 ջերմ յերակա գողողիայ դատեր նորա յերուսա-
 զէմ: Վերև ետես նա զգի որդիայ արքայի որդ-
 ւոյ իւրոյ, անդէն և անդ տարագիր արար ՚ի մայ-
 րենի սրտէն զամենայն դուժ և զգորով. և դար-
 ձոյց զսիրտ իւր ՚ի յետին անդ թուժի բռնակալու-
 թէ: Սրգին մեռեալ ոչինչ տրտմեցոյց զնա, զի այս
 արձակեալ էր նորա յափշտակել զթագաւորութին
 յուդայ. բայց մի դիակն չէր բաւական լինել նմա
 աստիճան առ այնչափ բարձրութի ելանել: Օր
 էին որդիայ որդիք. և ցորչափ կենդանի էին նո-
 քա, միում ՚ի նոցանէ անկանէր յաջորդել զթագ-
 թագաւորութե հօրն: Վնդդէմ նոցա զինեցաւ
 Հանի նոցա գազանային կատաղութի. և մինչդեռ
 յեռ յերկրին խորայելի կոտորէր զիշխանս ամսա-
 րիշտս տանն աքաաբու, յերկրին յուդայ տեսաւ
 գազանամիտն գողողիա կոտորել զանմեղ թուռնս
 իւր. և ոչ իմանայր յիմարեալն ամբարտաւանութի,
 թէ այնու ուսուցանէր ժողովրդեան զնոյն առնել
 և նմա, զոր նա ինքն առնէր այնոյիկ որք իրաւամբ
 բնութե և արեան ունէին լինել օրինաւոր թա-
 գաւոր նոցա: Սա կամէր սպառսպուռ ջնջել զամե-
 նայն զաւակ թագաւորութե յովրամայ, ընդ նմին
 և տանն յուդայ. այլ ոչ յաջողեցաւ նմա ՚ի գլուխ
 զչար կամս իւր հանել. քանզի մի ՚ի թուռնոց իւ-
 րոց մանուկ մատաղ զերծաւ յանաղորոյն որդեկո-

տոր ձեռաց նորա . զոր զկնի վեց ամաց տեսցուք նստուցեալ յաթոռ Թագաւորութե՛ յուդայ :

Վ նմին ժամանակի այլևս աղէտք չարաչուքք երևեցան առ յապահոյվացուցանել զակնկալութի՛ գողողիայ . այն է՛ կոտորումն քառասուն և երկուց իշխանաց եղբորորդւոց և այլոց մերձաւոր ազգա կանաց որոզիայ : Ա՛յ յայտ՝ Թէ՛ ո՞ր չարաբաստ օրհաս անձ զամենեսեան զնոսա՛ ՚ի սամարիա : Վ՛ր քա՛ ՚ի հարցանել յե՛ուայ՝ ասացին , Թէ՛ եկեալ են յողջոյն արքայի , և որդւոց տիկնոջն : (Վ՛ յապէս ունին այլ Թարգմանք . և ՚ի նոյն միտս իմն՝ և զմերս ընթերցուած որդւոց զօրացելոյն , զբառդ զօրա ցեալ յիգական սեռի առեալ ըստ յունին , որպէս և մեկն դնի ՚ի լուսանցս գրչադիր օրինակաց մերոց՝ աշխարհաբիհոջս , ըստ ակիւղասայ և ըստ այլոց Թարգմանութեց :) (Ո՛ր երևս այն եղև ճշմարիտ պատճառ գալոյ նոցա ՚ի սամարիա , զի էր յայն ժամ բարեկամութի՛ և ընտանութի՛ մեծ ՚ի մեջ երկուց Թագաւորական տանց իսրայէլի և յուդայի յաղազս սերտ խնամութեն . ուստի լուեալ նոցա յերուսաղէմ՝ գգոյժ մահու յովրամայ արքայի իսրայէլի՛ եկին ՚ի միտիԹարել և ՚ի քաջալերել զորդիս նորա : Վ՛րամ՝ որ սմանց առաւել հաւանելի Թուի , տեսեալ նոցա զբռնակալութի՛ անագորոյն գողողիայ՝ որ յիւր Թոռունս ոչ խնայեաց , երկեան և փախեան յերուսաղէմէ՛ ՚ի սամարիա , ապաւինիլ յորդիս աքաաբու և յովրամայ , ակն ունելով Թէ՛ գուցէ հաւատարիմ՝ գտցի առ նոսա քաղաքն սամարիա սաշտպանել զնոսա : Վ՛ յլ եթէ՛ արդարև այնպիսի խորհրդով եկին , անձամբ արկին զանձինս յանգերծ որոգայթ :

Որպէս զիարդ և է՛ սոքա յայնմ պահու հասին ՚ի սամարիա , յորժամ այն ինչ յանձն առեալ էր քաղաքն զյե՛ու ՚ի Թագաւոր իսրայէլի հատմամբ գլխոց եօթանասուն որդւոց աքաաբու , զորս եկին միտիԹարել : (Օ՛ այն իբրև լուան դոքա , խոյս ետուն վաղվաղակի ՚ի վայրն կուեցեալ բեթակադ հովուաց . որ էր տեղի ինչ արտաքոյ սամարիայ , ուր

ժողովներն հովիւք կտրել զխաչինս, որ և էր 'ի վերայ ճանապարհին : Արդ՝ հասեալ անդ յեռայ յերթալ իւրում 'ի սամարիա առնուլ զթագաւորութիւն իսրայէլի և տեսեալ զնոսա անդ, ոչ ճանաչելով թէ ո՞րք և ուստի իցեն, եհարց և ասէ, ո՞րք էք դուք . ասէն միամտութե՞ք, եղբարք որդիայ եմք մեք, և իջաք յողջոյն որդւոց արքայի : Օ այս պատասխանի առեալ, հրամայեացառ ժամն ունել զնոսա կենդանիս . և սուղ ինչ յետոյ ասաց կոտորել զամենեսեանս՝ մինչև չմնալոյ 'ի նոցանէ այր . զոր և արարին իսկ վաղվաղակի . և զդիակունս նոցա ընկեցին 'ի հին աւերակ ջրհոր մի, որ էր 'ի տեղւոջն յայնմիկ : Այլ այսպէս 'ի սակաւաւորս 'ի վերայ եհաս ողորմ կոտորած ժառանգացն երկու թագաւորութեանց իսրայէլի և յուրայ . զի առաջնոյն իսպառ ջնջեցաւ տոհմ թագաւորական . իսկ երկրորդին մնաց մի միայն մատաղ բարունակ յամենայն տոհմէ երկուց թագաւորաց :

Յեռ մտեալ 'ի սամարիա՝ 'ի վերջ հասոյց զսմենեսեան որք գեռևս էին մնացեալ յաղգակաւ նութէ՛ք արաբու, զիշխանս, զմերձաւորս, և զամենայն ծանօթս, նաև զքուրմս, որք ունէին ինչ հեռաւոր ազգակցութիւն : Այլ 'ի ճանապարհին մինչ գայր 'ի սամարիա, գտեալ ընդառաջ զյովնադար որդի ուեքարայ՝ զհին բարեկամս իւր, ողջոյն ետ նմա ընտանութե՞ք, և ասէ . եթէ իցէ՞ սիրտ քո ուղիղ իբրև զսիրտ իմ ըստ սրտի քում . իբր ասել էթէ կայցես 'ի նմին անկեղծ բարեկամութե՛ք ընդ իս, որպէս եսս եմ առ քեզ . և յասել յովնադարայ՝ թէ այո՛, ետ յեռ նմա ձեռն, և եհան զնսա առ իւր 'ի կառսն . և պատմեաց նմա զխորհուրդ իւր և զգործս զոր արար, և զոր ունէր առնել վասն նախանձու րոն : Արդ՝ արեցաւ առնել զոհ մեծ բահաղու, որպէս ոչ արաբ, և ոչ յեղաբէլ արարեալ իցեն երբէք : Ետ յովնադարայն 'ի սամարիա զամենայն քուրմս բահաղու 'ի համօրէն երկրէն իսրայէլի . և ոչ մնաց այր որ ոչ եկն . և ասէ ցնս

ոս, արքաք ծառայեաց բաճաղու սակաւ ինչ. յէոս ծառայեսցէ նմա բաղում: Այլ մտին ամենեքեան ցնծութի՛ն տունն բաճաղու, մինչև լի լինել տանն ծայր ՚ի ծայր. և ասաց ցհանդերձապետս հանել և տալ զպատմութեանս ամենայն ծառայից բաճաղու: Այս եմուտ և նա ինքն յէոս և յովնա դար ընդ նմա. և հրամայեաց քրմաց որոնել և զննել՝ զի մի ոք ՚ի ծառայից անդ արդ ընդ նոսա, բաց ՚ի քրմաց անտի: Ամոյծ ՚ի տուն անդր ութսուն արս սպառազէնս, սպառուիրելով նոցա յառաջագոյն ընդ գլխապարտութի՛ն մի զոք ՚ի նոցանէ: սպրեցուցանել: Իբրև կատարեցան զոճք և ողջակէզք, ըստ ակնարկութե՛ն յէոսայ՝ առ ժամայն ՚ի սայր սուսերի կոտորեցին զնոսա առհասարակ: Այլ այնպէս արեամբ ծառայիցն բաճաղու կնքեցան զոճք և ողջակէզք նորա. զի ոչ ոք ՚ի բաղմութե՛ն անտի սպրեցաւ. քանզի բաց յութսուն սպառազինաց անտի, կարգեաց յէոս և արտաքոյ արս զինեալս ՚ի պահպանութի՛ն (թուով երեքհարիւր, որ յայլ թարգմանութիս չիք նշանակեալ), զի մի ՚ի ժամու կոտորածին զերծեալ ուրուք ՚ի տաճարէ անտի փախիցէ: Այս յէոս և սպառազէնք նորա դարձուցին զվրէժխնդիր սրտմտութի՛ն իւրեանց ՚ի նա ինքն ՚ի բաճաղ. հանին զարձան նորա և այրեցին զնա. և զտունն հիմնայտաակ աբարեալ, զտեղին կարգեցին ՚ի հասարակաց լուսիս և յաղբիւս քաղաքին: Այլ անտի սուրհանդակք սպառազէնք սիռեալք աստ և անդ, զնոյն արարին յամենայն քաղաքս իսրայելի, ուր գտան տունք բաճաղու. և այսպէս եբարձ յէոս յամենայն երկրէ իսրայելի զպաշտօն բաճաղու:

Յորչափ գործեաց յէոս սովին գովելի նախանձու, յաջողութեամբ ՚ի գլուխ տարաւ զամենայն յոր միեաց զձեռն. զի գործեր իբրև սպասաւոր անձային հրամանաց. և անձ պաշտպան լինէր իւրումն պաշտօնէի: Այլ յետոյ թշուառական խորհուրդք աշխարհային և քաղաքական խորագիտութեանց ՚ի պահպանութիւն և յամրութիւն անորո-

Թեց, որք եղևն ժայռք կորստեան 'ի ծովու աշխարհիս ամենայն Թագաւորաց իսրայէլի, նաւաբեկ արարին և զսորայս երջանկուծի: Արբի նախանձախնդիր եղև յեղծանել և անհետ առնել զկուռս և զպաշտօնեայս բահաղու. բայց յորժամ եհաս բառնալ զերկու երինջս ոսկիս զկանգնեալս 'ի յերոքովամայ յորդոյ նաբատայ, որք միշտ անկործան պահեցան յերկուս ծագս երկրին իսրայէլի 'ի բեթէլ և 'ի դան, շիջաւ սպտեցաւ ամենայն նախանձ նորա: Իբր ոչ եթէ եդեալ էր 'ի մտի յանկենդան գրօշեալս յայնոսիկ լինել անձականի իմիք, այլ կամէր 'ի նոցա պաշտօն զբաղեցուցանել զժողովուրդ իւր, զի մի երթալով յերուսաղէմ յերկրպագուծի այ ճշմարտի 'ի տաճարի նորա, առ սահաւ սահաւ յարեւցի սիրտ նոցա 'ի յուդա և 'ի Թագաւոր նոցա: Ը զվարձահատոյց եղև յեռայ վասն հաճոյական ծառայուէն զոր արար ընդդէմ բահաղու և տանն աքաբու, խոստանալով նմա պահել յորդիս նորա ցտորորդ ազգ զգաւազան Թագաւորուծէ իսրայէլի. * Վոխանակ զի ասէ՛ քաջացար առնել ուղղուծի առաջի իմ, ըստ ամենայնի որ ինչ 'ի սրտի իմում արարեր տանն աքաբու, որդիք տրորորք նստիցին քեզ յաթոռ իսրայէլի՝. Գ. Բ. Գ. Զ. 30: Ը յս շնորհ յամենայն Թագաւորս իսրայէլի սմա միայնոյ արարաւ: Ը յլ յետոյ ետ նմա ձեռամբ շօշափել թէ որչափ թիւր է այն խորագիտուծի աշխարհային, որ ապստամբեցուցանէ յանպաշտուէ: Ը թէ, և ոչ եթէ խորագիտուծի և հանձար մեծախորհուրդ գլխոց, ոչ զօրուծի բազմազօր բանակաց, և ոչ կուրուծի ժողովրդեան, որ երջանկացուցանէ՝ և թշուաւացուցանէ, որ բժշկէ և հարկանէ: Վիտէ անձ սահմանել և կարգել վասն քաղաքաց և վասն ժողովրդոց. և յորժամ կամիցի առնուլ 'ի ձեռին զօրս, ոչ երբէք պակասի նմա զինուորս:

Գնու ցորչափ էր անպաշտ զօրավար, յաղթեաց ազայէլի ասորւոց արքայի. և 'ի Թագաւորել իւրում՝ աշխարհային սկզբամբք հեռացեալ յանձ.

պաշտուածի, 'ի պարտուածի մատնեցաւ առաջինո
րին աղայելի, որ յայնժամ սկսաւ կատարել զաղե-
տալի մարգարէութիս եղիսէի 'ի վերայ երկրին
խորայելի: Ահար և աւերեաց զամենայն սահմանս
խորայելի 'ի յորդանանէ և ընդ արևելս զամենայն
երկիրն գաղաադու, և գաղայ, և ուրբինի, և
կիսոյ ցեղին մանասէի: Աւ այնպէս մինչ յեռ
զհետ էր տիրել թագաւորութեան յովրամայ, և
զժառանգութի նորա իրաւամբ անձին սեպհակա
նէլ, աղայէլ արքայ ասորոց զմիւս մեծագոյն հա
րուստ և արգաւանդ մասն թագաւորութեան նո
րա՝ որ էր յայնկոյս յորդանանու, 'ի հուր և 'ի
սուր մաշեալ ապականեաց: Այլ թագաւորեաց
ամս քսան և ութ . այլ առ կենդանութի իւրով
կորոյս զամենայն զփառս, զոր ստացաւ 'ի սկիզբն
թագաւորելոյն: Սեռաւ յամի արարուածեան աշ
խարհի ըստ կաղինոսի՝ 5318 . և թաղեցաւ 'ի սա
մարիա:

Քսան և երկու ամօք յառաջ քան զմահ յեռայ
մեռաւ գողողիա . որոյ 'ի կտորել զթոռունս իւր
զորդիս ոքողիայ՝ յովսաբէէ որ և յովսաբէթ քոյր
ոքողիայ կին յովիդայեայ քահանայապետի, կամ
ըստ ոմանց նախապատիւ քահանայի 'ի տաճարի տն,
'ի դէսլ ժամու 'ի վերայ հատեալ՝ ճարտար հնա
րիւք գողացաւ զյովաս մանուկ մատաղ միամեայ 'ի
միջոյ որդւոց արքայի սպանելոցն . և փախոյց զնա
և զգայեակ նորա գաղտաբար 'ի տաճարն . և թա
քոյց յիւր առանձնական բնակարանս . և այր նորա
յովիդայէ քահանայապետ տեղեակ գոլով իրացն՝
պահեաց զմանուկն անդ . և 'ի ծածուկ սնոյց զնա
և դաստիարակեաց ընդ ամս վեց յերկիւղ տն, և
յամենայն կարևոր հրահանգս պատշաճեալս առ
այն հասակ մանկական կարգեալ 'ի թագաւորու
թիւն: Քայց յետ այնորիկ զժուարին էր այլ ևս
ընդ երկար պահել զնա ծածուկ . և չէր իսկ ար
ժան ներել անօրէն տիկնոջն և ևս բռնակալել
զթագաւորութին, և զօրինաւոր թագաւորն ար
գելեալ պահել իբրև 'ի բանտի:

Յովիդայէ, որ և յովիտէ՝ իմաստուն քահա-
նայապետն մեծարու և պատուեալ ՚ի ժողովրդէնէ
յաղագս իւրոց բարելաւութեց, բազում հանձա-
րով ստացաւ լուրեայն հաւատարիմ խորհրդապահ
զօրապետս, և անձայն և անշունչ պէսպէս պատ-
րուակօք այնչափ զինուորս, որչափ բաւական դա-
տեցաւ առ գործադրութի խորհրդոյն իւրոյ: Յա-
մենայն շաբաթու մտանէին շաբաթամուտք ՚ի տա-
ճարն քահանայք և ղետացիք հարիւրաւորք սպա-
սաւորել ՚ի զանազան գործս ՚ի տաճարի տն ընդ-
եօթնեակն սղջոյն. և ՚ի ժամանել յաջորդ շաբա-
թու՝ ելանէին և երթային ՚ի գործս իւրեանց,
մինչև ցդառնալ միւստնդամ կարգի նոցա. և այլք
մտանէին փոխանակ նոցա: Յայնմ նուագի եթող
յովիդայէ նորոգ եկելոց մտանել ՚ի շաբաթա-
մուտն, բայց ղեկեալն ՚ի շաբաթամտէ ոչ արձա-
կեաց երթալ, այլ կալաւ զնոսա անդ: Այլ այն-
պէս բազմացան յերուսաղէմ արք քաջք ՚ի զէն,
առանց կասկած ինչ տալոյ գողողիայ, որում շէր
նոր ինչ զայնպիսի ժողովումն բազմութե տեսա-
նել ՚ի շաբաթ աւուրս յերուսաղէմ:

Յայտնեաց յովիդայէ ամենայն զլիաւորաց
զխորհուրդ իւր՝ նստուցանել զյովատ մանուկ յա-
թոռ թագաւորութե յուդայ: Ատաճարին գոյր
զինարան մեծ, ուր յաւուրց անտի դաւթի կային
պահեալ գեղարդք, և սուսերք և վահանք և այլ
զանազան տեսակք զինուց, բաւական ՚ի յեղակարծ
գիպուածս սպառազինել ստուար գունդ զօրաց:
Աբօքք զինեաց զամենեսեան. և ՚ի խումբս խում-
բս բաժանեալ որոշեաց իւրաքանչիւր զիւր գործ:
Օմի մասն կացոյց ՚ի պահպանութի արքունի ա-
պարանից, առ զգէմ ունել սովորական պահակաց
դրանն արքայի, եթէ զփորձ ինչ կամիցին փորձել
՚ի պաշտպանութի գողողիայ տիկնոջ իւրեանց:
Օմի այլ մասն եղ ՚ի դուռն արևելեան, որ կոչի
դուռն ճանապարհաց կամ օժնդակաց, և ըստ
այլ թարգմանութեց՝ դուռն զրահաւորաց. վասն
զի սովորաբար կայր անդ միշտ ՚ի պահպանութիւն

խումբ մի ղևտացւոց զինեալ տիգօք և զբահլիք . որք և կոչէին օժնդակք : Այնպէս և առ հիւսիսային դրամբ որ զկնի զրահաւորաց , ընդ որ հանէին արտաքս զազտեղութիւն տաճարին : Այսպէս քաջ պաշտպանեցին զերեսին դրունս , զարևելեանն , և զհարաւայինն , և զհիւսիսայինն . քանզի անփակ կամէին ունել զնոսա , առ ՚ի տեսանել ընդ այնս ժողովրդեան զգահն և զփոքրիկ արքայն նստեալ ՚ի վերայ : Օարեմտեան դուռն ոչ յիշէ՞՞՞՞ օր գիրն , զի գուցէ զայն փակեալ պահեցին . քան զի անտի չէր մարթ նայել ՚ի դաւիթն , և տեսանել զգահն արքայի , անջրպետ ՚ի միջի ունելով զսրբութիւն սրբութեցն :

Այսպէս կարդեալ և յարդարեալ զամենայն , պատրաստեցին գահ ՚ի վերայ սեանն կամ բեմբի՛ որ կայր ՚ի դաւիթի յանդիման սեղանոյ ողջակիզաց , զոր մարթ էր համարձակ տեսանել արտաքուստ ընդ նախագրեալ երիս դրունս : Այս մեծափայելուչ փառօք ածին զյովաս բազմութեք թիկնապահ սպառազէն զօրապետաց ՚ի գահ անդր արքայաւ կան : Չայն հազարաւոր փողոց հնչեցոյց ընդ ամենայն երուսաղէմ քաղաք , եթէ հանդէս մեծ է ՚ի տաճարն . և բազումք յիշխանաց , և այլք որք գիտակ էին գաղտնեաց յովիդայեայ , հրատարակեցին եթէ կենդանի է մի յորդուոցն ռոզիայ արքայի , և զնա թագաւորեցուցանեն . որ և օծաւ հանդիսիւ ՚ի յովիդայեայ : Այսպէս ցնծալից աւել տիս ընթանային յամենայն կողմանց քաղաքին ՚ի դրունս տաճարին : Վողողիա՛ որ անգէտ էր ամենեւին իրացն , լուեալ զձայն ընթանալոյ ժողովրդեանն , ոչ այլ ինչ կարծէր , բայց աղմուկ ինչ խաժամուժ ամբոխին . ել և ինքն անձամբ և ընթացաւ ՚ի տաճար անդր , թերևս ՚ի խաղաղել զամբոխն իւրով թագաւորական իշխանութեամբ : Այնքէ զինուորք բարասպանք դրանց պահեալ էին զպատուէր , զոր ունէին ՚ի յովիդայեայ՝ չթողուլ զոր բնաւ մտանել ՚ի տուն նոն , որ չիցէ ՚ի կարգէ քահանայից և ղևտացւոց , մինչ զի եթէ որ բուռն

արասցէ մտանէ՛լ սպանցի, գողողիա ոչ էր մտեալ :
 Այլ որպէս և իցէ՛ գողողիա ճեղքեալ զբազմու-
 թի ժողովրդեան, եմուտ ՚ի տունն ին, և ետես
 զմանուկ արքայն նստեալ յաթոռ յարքայական
 թագ ՚ի գլուխն, և մատեան օրինաց ՚ի ձեռին .
 և իշխանք շուրջ զնովաւ . և զօրապետք և զօրք
 զինազարդք յաջմէ և յահեկէ ընդ տաճարն ողջոյն .
 և ամենայն ժողովուրդն զուարճացեալ փողօք և
 ազգի ազգի նուագարանօք երգել երգս, և օրհ-
 նել օրհնութիս : Օայս ամենայն տեսեալ չարա-
 շուքն գողողիա՝ պատառեաց զհանդերձս, գոչեաց
 և ասէ . դաւ է, դաւ է : Առ այն աղաղակ ընդոս-
 տուցեալ դանապահաց՝ անդէն կամէին սպանաւ
 նել զնա : Աայց յովիզայէ արգել զնոսա, պատ-
 ուիրելով չհեղուլ արիւն ՚ի տաճարի ին, այլ հա-
 նել զնա ՚ի տաճարէն և յամենայն շրջափակեալ
 տեղեաց տաճարին . և եթէ ոք ՚ի բազմութէ ան-
 տի երթիցէ զկնի նորա, մեռցի ընդ նմա սրով :
 Կալան զաշխարեւին, և իբր զանարգ գերի քար-
 շէցին տարան ցդուռն արքունի ախոռոյն, և անդ
 սպանին զնա :

Ապաքէն երջանիկ լինէր տունն յուղայ, եթէ
 գողողիա մեռեալ էր ՚ի նմին աւուր յորում հարս-
 նացաւ . զի չէր արդեօք մոլորեցուցեալ զերկու
 թագաւորս, որք հաւասար ընդ նմա չար օրհասիւ
 մեռան, վասն զի և ՚ի վարս հաւասարեցան նմա :
 Սիշտ արժանի էր մահու, սակայն առ կենդանու-
 թք առն և որդւոյն թողուլ ՚ի կեանս . նաև զկնի
 յափշտակելոյ նորա զաթոռ թագաւորութեն յու-
 գայ, տարան և այնմ ընդ ամս վեց . քանզի առ
 կործանումն նորա կարևոր էր՝ զի նախ սիրտք ժո-
 ղովրդեան բարեք յարդարեալ պատրաստեսցին :
 Ար ըստ բաւականին պատառեալ, այլ ժիր և
 առոյգ . կարէր դեռևս երկար ապրիլ, եթէ փա-
 ռասիրութիւն թագաւորելոյ չէր կանխեցուցեալ
 յառաջ քան զժամանակ զօրհաս նորա : Օկնի մե-
 դանելոյ գողողիայ՝ ամենայն ժողովուրդն երդուաւ
 հաւատարմութի նորապսակ թագաւորին . և թա-

գաւորն և ժողովուրդն միաբան երգուան նոյն,
 Ահաց յովաս արքայ զաւուրս ինչ 'ի տաճարի
 անդ . և յովիդայէ՛ որ էր գաստիարակ և ուղղա-
 ւորիչ մանկութե՛ արքայի, պահէաց զնա անդամե-
 նայն զգուշութե՛ք, կարգեալ նմա քաջ և հաւատա-
 ըիմ՝ պահապանս : Ա՛նոյն աւուրս կործանեցին
 զտունս բահաղու, և զմնթան զբրմնապետ նորա
 առ ոտս սեղանոյն բահաղու սպանին . և զամենայն
 սեղանս նորա զկանգնեալս յերկրին յուղայ քակե-
 ցին, և զպատկերս նորա մանր խորտակեցին : Ա՛ա-
 տուցեալ նոյ զայս առաջնապտուղ նորոյ թագաւո-
 ըութե՛ւ՝ առ յովիդայէ՛ զպետս տոհմիցն, և զիշխանս
 ժողովրդեանն, և զքրոին և զուսիմ՝ այս է՛ զքե-
 ըեթի և զփեղեթի, որք էին երկու գունդք զօ-
 րաւորք 'ի ժամանակաց անտի դաւթի կարգեալք
 թիկնապահ արքայի, և զամենայն ժողովուրդ երկ-
 ըին, և այնպէս մեծահանդէս փառօք, և ցնծալից
 ուրախութե՛ք համօրէն ժողովրդեան՝ հանեալ զար-
 քայ 'ի տանէ՛ տն, իբրև յաղթանակաւ տարեալ
 մուծին զնա 'ի պալատն արքունի . և նստուցին
 յաթոռն թագաւորաց : Ա՛հ գողողիայ, և թա-
 գաւորել յովասու եղև յամին եօթներորդի զկնի
 բառնալոյ տանն արաաբու, և թագաւորելոյ
 յէուայ 'ի վերայ իսրայելի :

Յովան արքայ յոգայ , և Տահ նորա :

Ի յովաս մանուկ եօթն ամաց , յորժամ ընդ դաստիարակու թի՛ր յովիդայեայ նստաւ յաթոռ թաղաւորութիւն յուգայ . և թաղաւորեաց ամն քառասուն : Յովիդայէ զամենայն աւուրս կենաց իւրոց եղև միշտ առաջին պաշտօնեայ և ուղղաւորիչ յարքունիս անդր յովասու : Ան նորա կենդանութի՛ք երջանիկ էր թաղաւորութիւն յուգայ . պահեցաւ ՚ի նմա անվրդով խաղաղութի՛ն , արդարութի՛ն , և անձպաշտութի՛ն . ան իւր յովաս երկուս կանայս՝ ոչ ըստ իւրոց կամաց , այլ ըստ առաջնորդելոյ յովիդայեայ : Չեռն էարկ յովաս նորոգել զտունն . որ ՚ի հօրէ՛ նորա , և ՚ի հաւոյն , և յանօրէն գողողիայ էր խաթարեալ , և ըստ առաւել մասին կողոպտեալ ՚ի զարդուց և ՚ի կահից , փոխադրելով ՚ի շինուած և ՚ի զարդ տանն կառուցելոյ ՚ի պատիւ պիղծ բահաղու : Հրաման ետ , զի ՚ի պէտս այսր գործոյ ժողովեացի ողորմութի՛ն յամենայն քաղաքաց յուգայ , որ անցանէր ընդ ձեռս զւտացւոց : Այլ նորա կամ անփոյթ առնէին ժողովել , և կամ զժողովեալս ՚ի պէտս իւրեանց ծախէին . անցին ամք , և նորոգութի՛ն տան նն կայր մնայր անգործ :

Օայն տեսեալ արքայի՛ արդել զւտացւոց հաւաքել տուրս ողորմութե՛ առ այն գործ , այլ հրամայեաց զնել երկու արկեզս ամրափակս , ունելով ծակ ՚ի բերան ըստ չափու դրամաց երկրին . զմի ՚ի կողմանէ սեղանոյն նն . այլ զի աշխարհիկք ոչ կարէին մտանել մինչև ցանդ , և ոչ վստահանային տալ զգրամս իւրեանց ՚ի ձեռս զւտացւոց՝ զի արկեցեն անդ , ասաց արքայ՝ զերկրորդ արկզ զնել ար-

տաքոյ առ դրան տանն ինն . ուր օրէն էր մատչել
ամենեցուն : Յերեկոյի՝ յորժամ լի լինէին , տա
նէին զւտացիք զարկեղսն յարքունիս , և անդ ա
ռաջի դպրապետին և վերահացուն կարգելոյ ՚ի
մեծէ քահանայէն , Թափէին . և նորա ՚ի համար
արկանէին զգրամս . իսկ զարկեղս անդրէն դնէին
՚ի տեղիս իւրեանց : Այնպէս առնէին օր ըստ
օրէ , որով ՚ի սուղ ժամանակի գանձս ժողովեցին .
զոր արքայ և յովիդայէ քահանայապետ տային ՚ի
ձեռս վերահացուաց գործոյն : Այ առնուին ՚ի նռ
ցանէ համար , զի էին արք ընտիրք անկասկածք ՚ի
հաւատարմութե : * Այ առնէին (ասէ գիրն) հա
մար արանցն , յորոց ձեռս տային զարծաթն՝ տալ
գործաւորաց գործոյն , զի յաւատ գործէին ॥ . ք .
Խափ . ԺԷ . 15 : Ը ինեցին զբեդեկ տան ինն , խցին
զամենայն խնդրունս . նորոգեցին զամենայն զարդս
և զյօրինուածս . կազմեցին զամենայն կահս և
զսպասս . և կանգնեցին զտունն յառաջին կայի իւ
րում և ՚ի վայելչութե :

Բայց յորժամ տունն ինն դարձաւ յիւր նախկին
պայծառութի՝ յորում էր առ բարեպաշտ Թագաւոր
օրք , ժողովուրդն դարձաւ յամպարչտութի , և եղև
որպէս էրն առ ամպարիշտ Թագաւորօք : Մեռաւ
յովիդայէ լի աւուրբք՝ ամաց հարիւր և երեսնից .
եկեաց կարի յոյժ երկար քան զայն՝ զոր բերէր
հասակ մարդկան այնր ժամանակի . այլ կարի սա
կաւ քան զայն՝ որ հարկաւոր էր առ հաստարմատ
հաստատելոյ զսոճպաշտութին յարքունիս և ՚ի ժո
ղովրդեան : Ամենայն երկիրն յուզայ ելաց զկո
րուստ նորա . և կարի յիրաւունս . զի չիք մեծա
գոյն փաս Թագաւորութե քան զկորուստ ընտիր
պաշտօնէի : Օ Թագաւորս յաջորդէն Թագաւորք ,
զպաշտօնեայս յաջորդէն պաշտօնեայք . բայց ուր
ուրեմն զկնի բարի պաշտօնէի յաջորդէ բարի պաշ
տօնեայ : * Արար յովաս՝ (ասէ գիր) ուղղութիւն
առաջի ինն զամենայն աւուրս զորս լուսաւորեաց
զնա յովիդայէ քահանայ ॥ . ք . Խափ . ԺԷ . 21 : Ի մա
հուն նորա եցոյց յովաս արքայ զերախտապարտու

Թի իւր առ նա , պատուելով զմեռեալ մարմինն նորա . զի ետ Թաղէլ 'ի քաղաքի դաւթի ընդ Թազաւորս՝ զայն , որ ուսոյց նմա բարեք Թազաւորէլ : Ա՛հ հաւաստի ճշտիւ ժամանակ վախճանելոյ նորա , այս ինչ յայտ է՝ զի շեղև յառաջ քան զքսաներորդ երրորդ ամ ԹազաւորուԹեան յովասու :

Արդ՝ կացեալ յովասու զերեսուն ամս կենաց իւրոց ընդ դաստիարակութիւն յովիդայեայ բարի վարդապետի , յուսալի էր այնուհետև լինել և անձին բարի վարդապետ : Յուսալի էր Թէ 'ի շնորհս այնչափ երախտեաց յովիդայեայ , զորդի նորա զազարիա , կամ (որպէս ընթեռնուն լատինն , ասուրին , արաբացին , համաձայն եբրայականին) զգաքարիա՝ կացուցանիցէ 'ի տեղի հօրն . որում և արժանի իսկ էր : Այլ յետ վախճանելոյն յովիդայեայ՝ համարձակութի գտեալ իշխանաց և մեծամեծաց յուղայ , յաճախ մտանելին առ արքայ , և կեղծ և ստապատիր մեծարանօք , և մարդելոյդ շողովարար շողմոզութիւն այնչափ արարին , զի որսացան զսիրտ նորա 'ի չարիս : Աին նոքա յապականեալ սերմանց անտի , որք առ կենդանութիւն յովիդայեայ՝ Թէպետ մեկնեալ էին 'ի կռապաշտութի , բայց առ ահի . և որպէս զի մի անկցին 'ի ցատումն արքայի՝ անձապաշտք ձեանային , այլ ոչ ճմարտութի : Օ՛ր թիւր զաշխարհային սկիզուն ունէին , Թէ առ 'ի պահել զժողովուրդս 'ի խաղաղութե՝ չէ պարտ սեղմել զազատութի նոցա . ոչինչ փոյթ լիցի Թազաւորին Թէ պաշտիցեն նոքա զքար , կամ զփայտ և կամ զմի անձ , յորժամ հաւատարմութիւն հատուցանեն զհարկս Թազաւորի իւրեանց : Աին ասեմ 'ի նոցա սակի , որք բանդագուշեալ մտօք կարծեն՝ Թէ ոչ հայի անձ յիրս մանունս և ընչինս որ յերկրի աստ , և ոչ նախախնամէ զնոսա , որպէս և ոչ զդիպուածս որք լինին առ մեօք . այլ միայն զերկնայինս զբարձունան , եթէ արդարև հաւատասցեն և զայն , կամ բնաւ իսկ Թէ գուցէ անձ ամենակալ և ամենախնամ : Հեռի արասցէ նոր յամենայն Թազա .

ւորութեց զայսպիսի պաշտօնեայս, և յամենայն
Թագաւորաց զայսպիսի բարեկամս :

Ըստպիսի թիւր և մալար սկզբամբք այնչափ
հրապուրեցին, և այնչափ խօսեցան, մինչև հաւա-
նեցուցին զանգղոյշ արքայն՝ տալ յամենայն Թա-
գաւորութե իւրում ազատութիւն խղճի մտաց,
պաշտել զոր ինչ այր իւրաքանչիւր կամիցի: Աւ-
անդէն լցաւ երկիրն կռապաշտութեք. զի Թողին
զտաձարն, Թողին զիոր անձ հարցն իւրեանց, և
չոքան զհետ կռոց և աստարտայցն: Ըզարիաս,
կամ որ նոյն ինքն է զաքարիա՝ զգեցեալ զհօգի
տն, յարեաւ ՚ի մէջ Ժողովողեանն՝ լի անձային նա
խանձու կշտամբել զանձամարտ ամսարշտութի նու-
ցա: Ըսլ վարձ քարոզութե նորա ՚ի Ժողովողե-
նէն՝ եղև Թողել զնա կենդանւոյն ընդ քարամբք,
պատուիրանաւ յովասու ՚ի սրահի տանն տն. իսկ
առ յոյ լուսապայծառ պսակ մարտիրոսութեան:
Բնաւ իսկ իշխեաց յովաս հրաման տալ քարկոծ
առնել ՚ի տան տն զորդի յովիգայեայ, որում պար-
տական էր զկեանս և զԹագաւորութիւն իւր. և
յորմէ՝ ՚ի տեղւոջ յայնմիկ առեալ էր զԹագ և
զգաւազան Թագաւորութե: Բայց յորժամ որ
Թիկունս դարձուցանէ այ, ոչ ևս յիշէ զերախտա-
պարտութի իւր առ երախտաւորն. քանզի եթէ
ամծԹ համարէր լինել ապաշնորհ, ոչ արդեօքդար-
ձուցանէր Թիկունս այ: Աւր և առանց քարոզութե
անգամ զաքարեայ, աշխարելի մահ հօր յովասայ, և
հաւուն և հանւոյն, և նախահաւուն, և իւրոց քե-
ռեաց և հօրեղբարց՝ շատ էին զարհուրեցուցանել
զնա, առ ՚ի չտալ մուտ կռոց ՚ի Թագաւորութե
իւրում: Աւ մի միայն պարզ հայեցուած յիւր սահ-
մանակից Թագաւորութի իսրայելի՝ բաւական էր
պահել զնա անմեկնելի յոյ հարց իւրոց:

Յետ մահուան յեռայ Թագաւորեաց ՚ի վերայ
իսրայելի յովաքազ որդի նորա յամի քսաներորդի
երրորդի յովասու արքայի յուդայ: Աս Թեպէտ ոչ
չոքաւ զհետ բահողիմայց զոր եբարձ հայր նորա,
բայց զերկու երկնջս յերոբովամայ պահեաց ՚ի կայ.

անի իւրեանց, որք ոչ զօրեցին պաշտպանել զնա յերեսաց հինից ասորւոց առաքելոց ոչ այնչափ յազայելէ ասորւոց արքայէ, քան թէ առ յայ. որք և առին բազում քաղաքս, և աւար հարին զամենայն երկիրն իսրայէլի: Այլ թէպէտ յարոյց յովաքաղ ընդդէմ նոցա զօր բազում, այլ 'ի զուր. զի 'ի բազմութիւն անտի ոչ մնաց նմա՝ բայց միայն հեծեալք յիսուն. և կառք տասն, և տասն հազար հետեակաց, զի զայլ բազմութիւն կոտորեաց արքայն ասորւոց և ոչ եղիտ հանգիստ և օգնութիւն ուստեք, եթէ ոչ մինչ յողիս ապաստան՝ խոնարհեցաւ աղաչեաց բեկեալ սրտիւ զերեսս ինն յայ: Հայնժամ ամենագութ անյիշաչար ինն նայեցեալ 'ի տառապանս իսրայէլի՝ ետ նոցա նովին սակաւութիւ սրտաբեկ զօրօք վանել զասորիս յերկրէ իւրեանց. և ապա ոգի առին և հանգեան 'ի բնակութիւն իւրեանց որպէս յերեկն և յեռանդն: Բայց այս եղև զինի մահուան նորա, յորժամ ետ ինձ զյու վաս զորդի նորա թագաւոր և փրկիչ ժողովրդեան այնմիկ:

Արպէս և յովաս արքայ յուգայ ոչինչ զգծնաւցաւ 'ի թշուառութեց արքային իսրայէլի. վասն այնորիկ առաքեաց ինձ դարձեալ զզօրս ազայելի ասորւոց արքայի հարկանել զերկիր նորա: Այլին և պաշարեցին զգէթ քաղաք ամուր. և զայն՝ զոր էառ դաւիթ 'ի փղշտացւոց, և թագաւորք յուգայ ընդ ժամանակս ժամանակս ամրացուցին, և բազում զգուշութիւն պահէին, 'ի սուղ ժամանակի առին ասորիք. և ընդ այն կողմն բացին ինքեանց ճանապարհ՝ ունիլ հեշտեաւ 'ի ծովէ զամենայն պիտոյս հանդերձից, և պաշար կերակրոյ: Բնտի ելին 'ի վերայ երուսաղէմի. զճանապարհայն հանդիպեալ զանազան քաղաքաց՝ կոտորեցին զամենայն իշխանս ժողովրդեան յուգայ, և զզօրաւորս և զզօրս, որք ելին ընդդէմ նոցա: Սովիմբ յայտնի երևեցաւ ձեռն ինն 'ի խնդրել զվրէժ արեան զաքարիայ որդւոյ յովիզայեայ. զի նա 'ի վախճանել իւրում ասաց, * Տեսցէ ի՞նչ և զատեսցի ||, 'ի ինն

ապաստան արարեալ զգատաստան իւր . և ահա այս արշաւանք եղէն ՚ի կատարել տարւոյն յեա մահու նորա . թող զի և զօրք ասորւոց սակաւ էին : Այլ դիպուածս սակաւ զօրք յուրայ զմեծա մեծ բանակս այլազգեաց խորտակէին . այլ այժմ ինքն ամենազօրն տր մարտնչէր ընդդէմ նոցա , զի ապաստամբէցան ՚ի նմանէ : Այլաս կայր ՚ի տաղնապ յեաին անձկուէ . այլ ոչ զարթեալ գալ յապաշխարութի , և դառնալ արկանել զանձն ՚ի ձեռս ողորմութի տն այ : Առողվեաց զամենայն արծաթ և զոսկի գտեալ ՚ի դանձս տան տն , և տան թա գաւորին , և առաքեաց ազսյելի ասորւոց արքայի ՚ի դամասկոս , զի մի զօրք նորա պաշարեսցեն զերուսաղէմ : Աւ անձ որ կամէր պատժել զժողովուրդ իւր , այլ ոչ կորուսանել , արար շատանալ ասորւոց աւարաւն այնուիկ , և դառնալ յերկիր իւրեանց : Այլ սակաւ խնդութի եղև յովասու ՚ի մեկնելոյ նոցա ՚ի պաշարմանէ թագաւորեալ քաղաքի իւրոյ . քանզի բիւր նախատինս և անարգանս կրեալ յիւրոցն , ըստ ոմանց և յասորւոց , յանբերելի տրամութի և ՚ի դառնութի սրտին՝ անկաւ ՚ի մահիձն Տիւանդութի մերձ ՚ի մահ : Աւ անակնկալ դաւա ձանութի ինչ փութացոյց զօրհաս նորա . քանզի զարդեա որդի սամելթայ ամոնացի , և յովսաբելթ որդի սամարիթայ կնոջ մովաբացոյ՝ երկոքին ծառայք յովասու , գաղտաբար յարեան ՚ի վերայ նորա , և սպանին զնա ՚ի դահոյս իւրում յապարանս մաալոնայ կամ մելլոնի բարձու աւանդակին շինեալ ՚ի սողոմոնէ յերուսաղէմ :

Աւաւ յովաս ամաց քառասուն և եօթնից , թագաւորեալ ամս քառասուն , ՚ի մանկութե հասուն խորհրդով իբրև այր կատարեալ , իսկ ՚ի հասակի առն կատարելոյ խակ խորհրդով իբրև մանուկ խակամիտ , կամ բնաւին անմիտ : Աւ այնպէս ունայնացոյց զմեծամեծ ակնկալութիս բարեպաշտից , զոր ետ սքանչելի նախախնամութիս այ՝ երևեալ ՚ի վերայ նորա ՚ի տղայութե և յառաջին ամս գ. վելի մանկուլութե նորա : Այս է սովորական կառա .

րած պատանեկաց, որք միանգամ յաճել հասակաւ 'ի բաց թողուն զբարեպաշտութի վարուց, յոր 'ի մանկութե սնեալ և դաստիարակեալ էին, և խռտորին զհետ բազմութե մնլեաց: Ս'ողութին շլացուցանէ զմիտս, և խանգարէ զխորհուրդս մտաց. և խիղճ' մտաց տանջեալ յիւրմէ յանցաւորութե' սլ կարէ գործել խոհական հանձարով: Ս'ահ յու վասու եղև յամի արարչութե աշխարհի 5535. և թաղեցաւ 'ի քաղաքին դաւթի, այլ ոչ 'ի գերեզմանի թագաւորաց. ըստ ոմանց սակս կարի ժահահոտութեան դիակսն նորա: Արկու ամօք յառաջ մեռեալ էր յովաքաղ թագաւոր իսրայելի. որ թագաւորեաց 'ի սամարիա ամս վեշտասան, այլ ոչ ամբողջ:

Գ Լ Ժ

Մ'սասիա արքայ յոթրայ : Յ'ովաս արքայ Բարայելի :
 Ս'ահ եղիսէի յարգարէի :

Յ'ամին երկրորդի յովասու որդւոյ յովաքաղու արքայի իսրայելի նստաւ յաթող թագաւորութե յուդայ ամասիա՝ փոխանակ հօր իւրոյ յովասու, ամաց քսան և հնգից. և թագաւորեաց ամս քսան և ինն յերուսաղէմ: Իսկ յովաս արքայ իսրայելի զկնի մահուն հօր իւրոյ թագաւորեաց 'ի սամարիա ամս վեշտասան: Մ'սպէս ունին եօթանասուներ, և լաաինն համաձայն երբայականին. իսկ ասորին և արաբացին ընթեռնուն ամս երեքտասան: Աւարար յովաս չար առաջի նն. այլ ոչ որչափ արարին նախընթաց թագաւորք: Ալ եմոյժ 'ի սահմանս թագաւորութե իւրոյ աստուածս օտարութիս. բայց ըստ մոլար քաղաքական սկզբանց՝ որ մնաց միշտ տրմասացեալ 'ի թագաւորութեան

խորայելի, պահեաց զերկու երկնքս կանգնեալս 'ի յերորտվամայ 'ի պաշտօն խառնաղանձ՝ ժողովրդեան լոկ վասն քաղաքական վախճանի: Առ նու վին ժամանակաւ տակաւին կենդանի էր եղիսէէ մարգարէն. զոր սիրէր արքայ և 'ի պատուի ունէր զնա յոյժ. այլ յայնմ մասին երնջոյց ոչ վարէր նորին խորհրդով: Իմիւր սկիզբն ինչ՝ որ իբրև կանոն և օրէնք իցէ մտեալ և արմատացեալ 'ի թագաւորութե իմիք, ոչ դիւրաւ մոխի. և ոչ իսկ յորժամ յայտնի երևիցի մնաս նորա. վասն զի զամենայն մնաս՝ այլոց պատճառաց վերագրելով, ընտրեն մուրիլ ընդ յառաջընթացն, քան թէ յուղիղ ճանապարհ մտանել, և մուծանել զորս գայեն զկնի: Սակայն և այնպէս եղիսէէ իմաստութե զնայր ընդ նմա. զի չէ արժան առն հոգեւորի 'ի բաց լքանել զմեղաւորն՝ իբր զի ոչ կարէ առնել զնա յամենայնի անըստգիւտ. այլ շահ մեծ համարել պարտ է, եթէ արասցէ զի մի 'ի չարագոյնն գնասցէ, թէպէտ և յիմիք իցէ թիւրեալ: Այլ վասն յովասու ցաւալի եղև յոյժ, զի փութով բարձաւ 'ի նմանէ սիրելին իւր եղիսէէ՝ զոր հայր իւր կոչէր. զի 'ի սկզբան թագաւորութե նորա մարգարէն հիւանդացաւ առ 'ի մահ 'ի սամարիա. զոր լուեալ արքայի՝ գնաց անձամբ յայցելութի նորա. և նստեալ առ մահձօքն՝ լայր 'ի վերայ նորա, և ասէր ողբալով. հայր հայր կառքդ իսրայելի, և հեծեալք նորա. իբր ասել՝ դու հայր էիր իսրայելի, և զորավիգն և օգնական քան զբաղմութի կառաց և հեծելոց. որով պայծառ երևեցոյց զանկեղծ սէր և զգութ սրտի իւրոյ առ եղիսէէ՝ իբրև գորովական որդի առ հայր իւր սիրելի:

Հաճեցաւ ան ընդ խոնարհութի արքայի, և ընդ անկեղծ սէր նորա առ ծառայն իւր. վասն որոյ 'ի նմին իսկ սենեկի հիւանդին ապահովացոյց զնա, թէ ընկալցի 'ի վարձ զերիս կատարեալ յաղթութիս ընդ զէմասորաց, որք բռնակալեալ էին յայնժամ յերկրին իսրայելի: Սովորութիւն

էր մարգարէից ՚ի կիր արկանել նիւթական և զգալի նշանս, որով լաւ ևս տպացուցանէին ՚ի միտս այլոց զպատգամս մարգարէականս : Ասաց եղիսէէցարքայն առնուլ զաղէղն և զնեոս, և մինչ ունէր արքայն զաղէղն ՚ի ձեռին, եզ եղիսէէ զձեռն ՚ի վերայ ձեւաց արքայի, առ ՚ի տալ նմա ՚ի միտ առնուլ, Թէ յաղթու թէք իւր ոչ լինիցին լոկ ուժով զօրաց իւրոց, այլ յնյ. որ տալոց է նոցա զօրութի : Ապա ասաց բանալ զպատուհանս սէնեկին՝ որ հայէր ընդ արևելս ՚ի կողմն յորդանանու, և արձակել ընդ այն նեո մի. զոր իբրև առնէր արքայ, ասէ եղիսէէ. * Վեա փրկուէ նն, և նեա փրկու թէ ընդդէմ ասորւոց ॥ իբր ասել. այս է նեա փրկութեան, զոր տալոց է նոր ժողովորեան քոյ ընդդէմ ասորւոց. և հարցես զասորիս յաբեկ՝ իսպառ խորտակելով զբանակ նոցա : Այս արեկ քաղաք թուի լինել այն, զոր եւսերիսս և հերոնիմոս նշանակեն ՚ի սահմանս ցեղին ռուբինի յերկրին ամսվոհացւոց մօտ ՚ի յորդանան. զի այս քաղաք միայն համեմատութեամբ սամարիայ անկանի յարևելեան հարաւ : Յեա այնորիկ ասաց եղիսէէցարքայն առնուլ ՚ի ձեռին նեոս, և հարկանել զգետին, առանց ասելոյ՝ Թէ քանի անգամ, եհար արքայն երիցս, և եկաց : Տրտմեցաւ եղիսէէ, և ասէ. եթէ հնգիցս, կամ վեցիցս կամ եօթնիցս հարեալ էիր, յայնժամ սպառսպուռ հարկանէիր զասորիս. և արդ երիցս հարեր զգետին, նոյնչափ հարցես զազն զթնամիս քո : Այլ դարձաւ արքայ յարքունիս իւր հաճեալ ընդ այցելութիւնն՝ զոր արար : Սեռաւ եղիսէէ, և թաղեցաւ ՚ի շիրմի արտաքոյ քաղաքին : Աստ նշանակէ նք գիրն զնորասքանչ հրաչս ոսկերաց նորա : Վանզի ՚ի դալտարւոյն ելին մեկնակաղէնք մովաբու ՚ի կողմանսն յայնոսիկ աւար հարկանել և կողոպտել զերկիրն. և եղև զի գաւառականքն մեռեալ մի տանէին ՚ի թաղել ՚ի գերեզմանատեղին, ուր էր տապան եղիսէի. և տեսեալ բարձողաց մեռելոյն զմեկնաւ կաղէնսն՝ երկեան. վասն որոյ առ վաղագոյն վճա

բերլոյ զգործ թաղման, բացին զվէմն տապանին եղիսէի, և ընկեցին անգ զգի մեռելոյն. որ իբրև մերձեցաւ յոսկերան եղիսէի, առժամայն կենդա նացաւ կանգնեցաւ և ել ՚ի գերեզմանէն:

Օ այնու ժամանակաւ մեռաւ ազայէլ արքայ ասորոց: Սա թէպէտ և հեթանոս ոք էր և ամպարիշտ, բայց և այնպէս ՚ի զանազան պատերազմունս յաջողեցան իրք նորա՝ յաղթական լինելով ՚ի վերայ իւրոց ընդդիմամարտից. վասն զի ընդ թագաւորի և ընդ ժողովրդեան քան զինքն չարագունի պատերազմէր. զորս կամէր անձ պատժել նորին արբանեկութիւն: Օ կնի ազայէլի թագաւորեաց ՚ի վերայ ասորոց որդի նորա բենագեր, այն է՝ որդի ադերայ. այսպէս անուանեալ յանուն իւրոց հաւուց: Սմա երիցս յաղթեաց յովաս արքայ իսրայէլի ըստ մարգարէութեն եղիսէի. և եհան ՚ի ձեռաց նորա զամենայն քաղաքս, զոր առեալ էր ազայէլ պատերազմաւ ՚ի ձեռաց յովաքազու հօր իւրոյ. և այնպէս խաղաղացաւ երկիրն իսրայէլի, ՚ի վարձ խոնարհելոյ և գիմելոյ յովաքազու առ անձ. որպէս պատմեցաք ՚ի վերոյ:

Յայնմ ժամանակի հանգեաւ և թագաւորութին յուդայ. վասն զի ամասիա արքայ յուդայ ՚ի սկզբան թագաւորութե իւրոյ գնաց զհետ բարեպաշտութե, և ոչ ամպարշաութե իւրոց նախորդաց. դարձոյց անդրէն յերկիր թագաւորութեան իւրոյ զկրօնն ճշմարիտ անպաշտութե. բայց անտես արար զբարձունսն. զի ոչ եբարձ զնոսա. որպէս և ոչ բարեպաշտ թագաւորքն սրբ յառաջ քան զնա: Իբրև հաստատեցաւ թագաւորութիւնն ՚ի ձեռին նորա, կալաւ զծառայսն որք սպանին զհայր նորա, և սպան զնոսա. այլ զպատակնիք մահա պարտութե ոչ ձգեաց ՚ի վերայ անմեղ որդւոցնոցա, կամեցեալ պահել զհրամանն ան, թէ մի մեռցին որդիք վասն մեղաց հարցն:

Յետ այնորիկ հաստատեաց ՚ի մտի պատերազմաւ անդրէն ընդ ձեռամբ իւրով նուաճել զեդովմայեցիս, զորս դաւիթ կանխաւ նուաճեալ էր ընդ

իշխանութիւն թագաւորութիւն խորայելի . և ապա 'ի բաժանիլ թագաւորութիւն յերկուս՝ եղովմայեցիք մնացին ընդ ձեռամբ թագաւորացն յուդայ մինչև ցժամանակս յովրամայ արքայի որդւոյ յովսափաւ տայ . յորմէ ապստամբեցան , և կացուցին ինքեանց թագաւոր յազգէ իւրեանց : Հանդէս արար ամա սիաս արանց իւրոց 'ի քսանամենից և 'ի վեր . և գտան երեք հարիւր հազար արք զօրաւորք զինեալք 'ի նիզակ և յասպար : Եւ յլ թերևս անբաւական վարկուցեալ զնոսա առ վախճանն՝ զոր ունէր 'ի մաի , 'ի վարձու կալաւ 'ի տրութիւն յովսաու արքայի խորայելի այլ ևս հարիւր հազար արս զօրաւորս ուժով՝ հարիւր տաղանդոյ արծաթոյ : Աոր ինչ էր 'ի թագաւորութիւն յուդայ 'ի վարձու առնուլ այնպիսի պնդակազմ բանակ յօտար թագաւորէ . և առաւել նոր՝ մանաւանդ թէ անխոհեմութիւն մուծանել զնոսա յերկիր իւր . զի հարիւր հազար խորայելացիք զինեալք՝ էին նոյնչափ թշնամիք յերկրին յուդայ պատրաստք առ 'ի զէն վերացուցանել : Եւ յլ զիարդ և իցէ՝ սակարկուին եղեալ էր . արծաթն վճարեալ . հարիւր հազար խորայելացիք էին անդ կազմ . և այն ինչ կամէր ամասիա հանել զնոսա 'ի ճանապարհ , ահա այր ոմն նոյ մարգարէ եկն եկաց առաջի նորա , և ասէ ցնա . մի երթ իցէ ընդ քեզ զօրք խորայելի , զի ոչ է տր ընդ նոսա . եթէ 'ի թիւ և 'ի զօրութիւն նոցա յուսացեալ իցես , 'ի պարտութիւն մատնեսցէ զքեզ տր առաջի թշնամեաց քոց . 'ի տնէ ակնկալելի է յաղթութիւն . զի 'ի նմանէ լինի զօրանալ , և 'ի նմանէ 'ի պարտութիւն մատնիլ :

Սուաւ արքայ միամտութեւն բանից առն նոյ . բայց ծանր թուէր նմա հարիւր տաղանդոյ արծաթոյն գնալ 'ի կորուստ . վասն որոյ ասէ ցայրն նոյ . և զինչ լինիցի այնչափ արծաթ : Ատ պատասխաւ նի մարգարէն , յուսա՛ 'ի տր , զի գոյ նորա տալ քեզ առաւելագոյն քան զայն : Եւ մասիա որ դեռ ևս կայր յիւրում բարեպաշտութիւն , ընկալաւ արիաբար զխրատ առն նոյ . և նոյն ժամայն 'ի բաց որոշ-

եաց զգոռնդն խորայելեան, և արձակեաց զնոսս երթալ 'ի տեղիս իւրեանց: Ա ըիպեցաւ աստ ամա սիւս, զի պարտ էր նախ բաժանել զնոսս 'ի մի մեանց զանազան պատրուակօք, և այնպէս առ փոքր փոքր արձակել. այլ նա զամենեսեան միա հաղոյն արձակեաց. և նոցա կատաղեալ՝ ոչ թողին չարիս զոր ոչ գործեցին յերկրին յուրայ 'ի դառնալ իւրեանց. զի 'ի սամարիայ մինչև 'ի բեթորոն՝ յարձակեցան 'ի քաղաքսն, և կոտորեցին 'ի քաղաքաց անտի ողիս երեք հազար, և առեալ տարան աւար բազում յոյժ:

Իսկ ամասիա՝ յետ արձակելոյ զխորայելեանսն, ան զգորն իւր և եթ, և էջ 'ի հովիտս աղաից, որ է առ մեռեալ ծովու. և անդ տապաստ արկեալ տասն հազար յեղովմայեցոց, ան և զվէմն քաղաք. որ ք. հոսց. 12. կոչի քարանձաւ, այլք կոչեն ապառաժ. զի էր շինեալ 'ի քարաժայռ լեւրին մօտ 'ի հովիտս աղաից 'ի մասին արաբիոյ, որ 'ի քաղաքէ անտի կոչեցաւ ապառաժ արաբիա, տա երի կաղեսայ. ուր յուովք 'ի տանց էին կառնաւ հատեալ 'ի մէջ միաստանի ժայռից: Ընդ փախուցեալ ապառանեցան այլևս տասն հազար եղովմայեցիք. զորս ըմբռնեալ զօրացն յուրայ՝ գահալէժ արարին 'ի գլխոց ժայռից, և այնպէս զամենեսեան սատակեցին, և զերկիր նոցա ընդ իշխանութի թագաւորութեն յուրայ դարձուցին. և դորձաւ ամասիա յաղթական փառօք և մեծադանձ աւարօք: Ըյս յաղթութի եղև վարձ, զոր ետ անձ ամասիայ արքայի՝ յազադս անգիմադարձ հնազանդութե նորա բանից առն անց, թողեալ 'ի կորուստ զհարիւր տաղանդ արծաթոյ: Ըայց ինքն յայնմ յաղթութե կորոյս գանձ անկոտելի, կորուսանելով զիւր առաջին անձաշտութի. զի ընդ աւարին երեք յերկիրն յուրայ և զաստուածս որդւոցն եղովմայ. և թողեալ զտր՝ որ ետ նմա զայն յաղթութի, և որ մեծացոյցն զնա, կացոյց զնոսս իւր յաստուածս, և երկիր պազանէր առաջի նոցա, և զոչէր ինքն նոցա, որք ոչ կարէին օգնել

նման, որպէս ոչ օգնեցին և եղովմայեցւոց՝ իւրեանց բնիկ պաշտօնատարաց :

Եւ այնորիկ վտտահացեալ ամասիայ ՚ի զօրութի զօրուն իւրոյ՝ եղ ՚ի մօտ պահանջել ՚ի յովասայ արքայէ իսրայէլի զվրէժ սպանութե երից հազարաց, և այլոց մեծամեծ շարեաց զօր գործեցին յերկրի իւրում զօրքն իսրայէլի ՚ի դառնալ իւրեանց : Առաքեաց հրեշտակս առ յովաս արքայ, և ստէ . եկ յանդիման լիցուք միմեանց երեսօք, ազդառնելով թէ կամի ՚ի պատերազմ ելանել ընդ նմա : Յովաս առանց բնաւ խռովելոյ ընդ այն անակնկալ պատգամ, ետ նմա պատասխանի առա կաւ . * Ահքանն ասէ լիբանանու յղեաց առ եղևնափայտն որ ՚ի լիբանան, և ասէ . տււր զդուստրքո որդւոյ իմում կնութեան . և անցին զազանք անապատի որ ՚ի լիբանան, և կոխեցին զաղբանն ॥ : Զեր մարթ յանկադոյն պատասխանի տալ ՚ի խոնարհեցուցանել զհպարտուի ամասիայ, քան զայս . ուր յակքանն փուշ գետնամեքձ՝ առակի զամասիա, և յեղևնափայտն տունկ բարձրուղէ զանձն իւր . զոր ապա ինքնին սրարզարանէ : Հարկանելով հարեր ասէ զեղովմ . մի վասն այնորիկ հպարտացուցէ զբեզ սիրտ քօ . նիստ հանդարեալ ՚ի տանքում, և վայելեա՛ զարդիւնս յաղթութեղ . և մի ելանիցես ՚ի ինդիր կորստեան անձինդ և ժողովրդեանդ յուղայ : Այց ամասիա, որ ՚ի թողուլ զտր անձ իւր՝ կորոյս ընդ նմին զմիտս և զհանձար, ոչինչ անսաց իմաստուն իրատու յովասայ . հանդէս արար զօրուն իւրոյ ՚ի բեթսամիւս քաղաք յուղայ . այլ մինչև եր շարժեալ նորա ՚ի տեղոյն, եհաս ՚ի վերայ նորա յովաս բուն զօրութի, եհար, ցրուեաց և փախտապան արար զգօրս նորա : Աւզի ՚ի յղէլ ամասիայ զպատգամ իւր՝ ասաց, թէ ցանկայ երևիլ երեսօք նմա, արդարև երևեցաւ անդ ՚ի բեթսամիւս . բայց ոչ որպէս կամէր, այլ որպէս գերի շղթայակապ : Ասկ յովաս կամ զի խորչէր ՚ի ծանրութի պահելոյ զարքայն յուղայ ՚ի սամարիա, թէպէտ գերեալ բայց իբրև թագա-

ւոր . և կամ զի մեծագոյն շուք և պարծանս վարկանէր անձին այնպէս խոնարհ և նկուն երևեցուցանել զնա յիւրում թագաւորեալ քաղաքի . նմին իրի առեալ տարաւ զնա ընդ իւր կապանօք յերուսաղէմ : Ստին երկոքին 'ի քաղաք անդր , այլ 'ի կերպարանս կարի անհամեմատս . օտարն եմուտ իբրև յոր , իսկ բնիկ յորն իբրև գերի : Սակայն յովաս եցոյց նմա զթասիրութի մեծ . զի եթող նմա զիւրն երուսաղէմ և զթագաւորութիւն յուրայ . շատացեալ առնուլ զամենայն օսկի և զարծաթ , և զամենայն սպաս որ գտաւ 'ի տան յորն , և առ արդեղովմայ գանձապետի , և զգանձս տանն թագաւորին : Այլ ետ քակել 'ի պարսպէն երուսաղէմի 'ի հիւսիսակողմն 'ի դրանէն եփրեմի մինչև 'ի դուռն անկեանն չորեքհարիւր կանգուն . և դարձաւ 'ի սամարիա , տարեալ ընդ իւր իբր 'ի պատանդս զորդիս խառնակութեցն , այսինքն զանհարազատ կամ զխառնակ զաւտկա արքունի տան և զորդիս յամանց յաւազանւոյն . (որպէս է իմանալ համեմատութիւն այլ և այլ թարգմանութեց .) որպէս զի զգոյշ լինիցի ամասիաս՝ չեղծանել միւսանգամ զհաշտութի խաղաղութի :

Յետ այսորիկ երևի թէ յովաս արքայ իսրայէլի ոչ եկեաց յերկար , այլ յետ սակաւուց մեռաւ 'ի սամարիա , և անդ թաղեցաւ ընդ թագաւորս իսրայէլի , յամին հնգետասաներորդի ամասիայ արքայի յուրայ . թողեալ իւր յաջորդ 'ի թագաւորութի իսրայէլի զյերթովամ զորդի իւր . որ երեքտասան ամօք յառաջ ընտրեալ էր և հրատարակեալ թագաւոր իսրայէլի : Իսկ ամասիա յետ մեռանելոյ յովասու եկաց այլ ևս ամն հնգետասան , չունիմք ինչ 'ի գրոց թէ զգաստացեալ իցէ , և փոխեալ 'ի լաւագոյն զգնացս իւր : Այլ ընդ հակառակն՝ յետ ամաց եկն առ նա մարդարէ առաքեալ 'ի յորն . որ ասաց ցնա , ընդէր խնդրեցեր դու զաստուածս Ժողովրդեանն այսորիկ , որք ոչ փրկեցին զԺողովուրդ իւրեանց 'ի ձեռաց քոց , ինդայն բան ցրսուցեալ արքայի , ասէ ցնա , միթե

խորհրդական թագաւորի իցես . զգոյշ լեր՝ գուցէ մեռանիցիս :] Աեաց առ վայր մի մարդարէն . և 'ի մեկնիլ յերեսաց նորա ասէ , դու ինձ մահ սպառնաս , այլ ես քեզ ասեմ յանուն տն , եթէ սպանցիս , զի արարեր զայդ , և ոչ անսացեր խրատուս իմում :] Եւ եղև այնպէս . զի իւրքն դարսն գործեցին նմա յերուսաղէմ սպանանել զնա . զոր իմացեալ նորա , աճապարեաց փախեալ 'ի լաբիս . թերևս զի անտի անցանիցէ առ իսրայելացիս , կամ առ փղշտացիս , այլ ոչ ժամանեաց . քանզի միաբանեալքն ընդդէմ նորա առաքեցին փութանակի զկնի նորա 'ի լաբիս . և անդ սպանին զնա . այսչափ ինչ գթութի ցուցին նմա . զի բարձեալ զմարմին նորա 'ի վերայ ձիոց , ածին յերուսաղէմ և թաղեցին զնա ընդ հարս իւր 'ի քաղաքի դաւթի : Օպսօրինակ մեռաւ ամասիա 'ի քսաներորդ իններորդ ամի թագաւորուէ իւրոյ . որ յայնժամ սկսաւ ամպարշտիլ , յորժամ սկսաւ երջանկանալ . և ընդ ամպարշտիլ իւրում՝ ընդ նմին կորոյս և զերջանկութին , որպէս և զկեանս գլխովին չարաչար մահուամբ :

Գ Լ Ժ Ե .

() Երբովամ երկրորդն՝ արսայ իսրայելի : Ոչնա , որ և Լաւրիա որսայ յադայ : Լասայի մարգարէ :

Իբրև մեռաւ յովաս արքայ իսրայելի 'ի հնգե տասաներորդ ամի թագաւորուէ ամասիայ արքայի յուգայ , մնաց 'ի տեղի նորա թագաւոր իսրայելի ինքնակալ և անկախ՝ երկրորդն յերրորդամ որդի նորա որպէս ասացաք : Սա ևս ըստ օրինակի իւրոց նախորդաց՝ պահեաց զերինջս զգայթակղութիս յերրորդամայ առաջնոյ , անշարժ կալեալ զանօրին

սկիզբն քաղաքական՝ ոչ երբէք բառնալ զկռապանչ-
 սուժին 'ի թագաւորութի իւրմէ : 'Ի թագաւո-
 րել իւրում եզիտ զերկիրն իսրայէլի 'ի դառն
 նեղութե 'ի հինից ասպատակողաց : Օ ի յավաս-
 հայր նորա թէպէտ երիցս եհար զասորիս յերեւին
 յաջող պատերազմունս , և էառ անդրէն զոր նա-
 խորդ նորա կորոյս պատերազմաւ , բայց ոչ եթող
 յիսրայէլի սյժ և զօրութի բաւական առ 'ի զդէմ
 ունել ամննացւոց , մովաբացւոց և այլոց շրջակայ
 այլազգեաց . որք միշտ կազմ և պատրաստ կային
 զէն առնուլ , և սապատակ սիւսիլ յերկիրն իսրայէ-
 լի , աւար հարկանել , և կողոպտել : Յայնմանէ
 իսրայէլացիք վերստին անկան 'ի յեաին թշուա-
 ուութի ազէտաւոր քան զվիճակ գերեւոց և բան-
 տարգեւոց 'ի թշնամեաց . զի նոքա թէպէտ կրէին
 գտառապանս բանաի , այլ զերծ էին յարտաքին
 հարստահարութեց . իսկ սոցա թողին ապրիլ , զի
 հանապազ մեռցին , գոլով կողոպտեալ յամենայն
 ընչից , մինչև չմալ նոցա այլ ևս ինչ զի յավչ-
 տակեցեն : և այնպէս կային թողեալ լքեալ ան-
 յոյս 'ի մարդկային օգնութի : Նսորէնութիւնք
 յերօքովամայ մեծագունից թշուաութեց արժա-
 նի էին , այլ մարդասէրն անձ յոյս անդամ հայե-
 ցաւ 'ի դառն տառապանս իսրայէլի առ 'ի ողորմիլ
 նոցա , քան թէ յանօրէնութիս ժողովրդեան և
 թագաւորի նոցա 'ի կորուսանել զնոսա . * Մէ խօ-
 սեցաւ ան (առ գիրն) ջնջել զգաւակ իսրայէլի 'ի
 ներքոյ երկնից ॥ . Թէպէտ և ապստամբ 'ի նմա-
 նէ : այլ տակաւին հայէր 'ի նոսա իբր յիւր ժողո-
 վուրդ . թող զի 'ի մջ յոքնաթիւ ամպարշտաց
 կային և բազմութի անապաշտից և սրբոց . վասն
 որոյ 'ի շնորհս բարեաց՝ պարգևեաց յաղթութիւն
 անօրէն թագաւորին :

Յովնան մարգարէ որդի ամաթեայ 'ի գեթ-
 րութեայ քաջալերեալ խրախուսեաց զյերօքովամ
 'ի պատերազմ : և թէպէտ սակաւ էր նորա զօրու-
 թի , և օգնական ոչ ոք էր նմա , սակայն և այն-
 պէս խոստանայ նմա յաղթութի , զի ծանիցէ 'ի

յաղթութիւնն թէ նա է Թոր զինուոց և թագաւորութեց : Այլք իրացն ճշգրտեցին զմարդարէութիւն . զի ժողովեալ յերոբովամայ զսակաւ զօրս՝ զոր մարթացաւ ՚ի ձեռս բերել, և ոչ ևս հանդուրժելով չարեաց ասպատակողացն , և յերկրէ իւրմէ , և խաղաց յերկիրն թշնամեաց . էառ զգամասկոս թագաւորեալ քաղաք ասորուոց զոր երբեմն առեալ էր դաւիթ , և պահեալ էր սողոման յաւուրս իւր , ուստի և էր համարեալ իբրև սեպհական ստացուած իսրայէլի . յինքն ընկրկեաց և զայլ ամենայն տեղիս , զսր կորուսին նախնիք նորա , և տարածեաց զսահմանս իւր յայսկոյս յորդանանու յեմաթայ ընդ լեւամբք լիբանանու մինչև ՚ի ծովս յարաբայ , և ՚ի մասն մի մեռեալ ծովուն յայնկոյս յորդանանու . և դարձոյց զամենայն սահմանս թագաւորութե իւրոյ :

Յայսմ վայրի առ բառնալոյ զվիթութիւն ժամանակաց որ ՚ի մէջ թագաւորացս այսոցիկ , կարևոր վարկաք ՚ի մէջ բերել զբան կազինոսի , որ զայսօրինակ տրամաբանէ : Յերոբովամ ասէ՝ առկենդանութիւն հօր իւրոյ թագաւորեաց ընդ նմա ամս երեքասասն , ոչ ամբողջ . և զկնի հօրն վարեաց զթագաւորութի իւր ընդ ամս քառասուն և մի : Օայս բացայայտ ունիմք ՚ի Թոր զիրս . իսկ զառաջին երեքասասն ամս հաւաստեմք տրամաբանութիւն : Ամսիս հայր ոգիւոյ արքայի յուղայ , սպանաւ ՚ի լաքիս յամի հնգեաասններորդի յերթ բովամու : Օոգիայէ ունիմք թէ թագաւորեաց յամին քսաներորդի եօթներորդի նորին յերոբովամայ . Գ . Թ . Գ . Է . 1 : Ապա պարտիմք ասել թէ ՚ի մէջ ամասիայ և ողիայ՝ երկիրն յուղայ եղև առանց թագաւորի ընդ ամս իբրև երեքասասն . կամ թէ յերոբովամ թագաւորեալ էր ամս իբրև երեքասասն յառաջ քան զմեռանել յովասու հօր իւրոյ . և թէ աստի այսինքն ՚ի թագաւորելոյ ընդ հօրն՝ սկսանի դիրն թուել զամս քսան և եօթն . յորոց ՚ի վերջումն թագաւորեաց ոգիս ՚ի վերայ յուղայ : Ապաբէն կայ և հիմն ինչ կասկածելոյ՝

Թէ յուզա առ ժամանակ մի եղև առանց Թագաւորի, տեսանելով զի ամասիա հայրն ողիայ սպանաւ 'ի ձեռն միաբանեալ դաշնակցութե. յորմէ երևի Թէ Թագաւորութիւն յուզայ աղմկեալ՝ որոշեալ իցէ ոչ ևս ունիլ Թագաւոր ինքնակալ: Վայց կան և բաւական պատճառք՝ որք ցրուեն զայս կասկած: Վախ՝ զի այն միաբանութիւն ոչ եղև ընդհանուր 'ի համօրէն Թագաւորութե, այլ լոկ 'ի մէջ ոմանց մեծամեծաց երուսաղէմի. զի մեծադոյն մասն ժողովրդեան բնակչաց նորին իսկ երուսաղէմի էր 'ի կողմն մեռեալ Թագաւորին. որ յայտ անտի է, զի կամեցան Թէ իսկոյն բերցի մարմին նորա յերուսաղէմ և անդ Թաղեցի պատուով: Արկրորդ՝ զի տունն յուզայ միշտ և յամենայն ժամանակս կարի նախանձախնդիր եղև վասն տանն դաւթի. և ընտրեաց միշտ տանիլ ամենայնի, քան Թէ 'ի բաց կալ 'ի Թագաւորէ տանն այնորիկ: Արրորդ՝ զի չիք բնաւ 'ի սք գիրս այլ օրինակ անԹագաւոր լի նեւր յուզայի. և ընդ հակառակն՝ յաճախ են օրինակք, որք վասն ասպհովացուցանելոյ զյաջորդութիւն, և վասն այլոց պատճառաց զոր այլուր յիշեցաք՝ Թագաւորք իտրայէլի և Թագաւորք յուզայ առ կենդանութիւն իւրեանց անուանեցին զմի յորդուոց իւրեանց Թագաւոր. և ետուն նոցա զպատիւ Թագաւորի: Վսպ ասել պարտ է, Թէ յովաս արքայ իտրայէլի արար ընդ որդւոյ իւրում յերթու վամայ զայն՝ զոր արարին և նախորդք նորա, բազում ամօք յառաջ քան զմահն իւր հրատարակելով զնա Թագաւոր, քան Թէ ասել՝ Թէ յուզա եղև առանց Թագաւորի ընդ այնչափ ամն. նա զի բառքն իսկ դրոյն զայս ցուցանեն՝ յասելն. * Աւան ամենայն ժողովուրդ երկրին զողիաս . . . և Թագաւորեցուցին զնա փոխանակ հօր իւրոյ ամասիայ ॥ Բ. Գնաց. Ի. 1. որ յայտ առնէ՝ Թէ ոչ էանց բազում ժամանակ 'ի մէջ մահու հօրն, և Թագաւորելոյ որդւոյն: Վսպ Թէ ոչ՝ եթէ զկնի երկոտասան ամաց անիշխանութե Թագաւորեալ էր, յայնժամ ունէր ասել՝ փոխանակ ասպարմբաց,

կամ փոխանակ փեթակեծայ, և ոչ փոխանակ հօր իւրոյ :
 Յայսմանէ հետեւեցուցանէ կաղինոս, թէ յերբոս
 վամ թագաւորեաց ամս իբրև երեքասասն ընդ
 հօրն . և յետ այսորիկ թագաւորեաց ամս քառա
 սուն և մի զինէ հօրն : Աւ այսու բառնի ամենայն
 դժուարութի երևեալ 'ի օր գիրս 'ի վերայ ժա
 մանակաց սոցա :

Բստ այսմ տեսութի յերբոսվամ երկրորդն մե
 ռաւ յամի արարչութի աշխարհի 3590 . 'ի քսանե
 բորդ և հինգերորդ ամի թագաւորութեն ողիայ
 'ի վերայ յուդայ : Աղև յերբոսվամ թագաւոր բա
 բերաստիկ, զի զամենայն յաղթութիս իւր արար
 առանց ինչ իւրոյ զօրութե . այլ առաւել բարե
 բաստ լինէր՝ մանաւանդ թէ և գերերջանիկ ,
 եթէ 'ի յաղթութեց անտի ուսեալ էր ճանաչել
 և սիրել զտր ան իւր . որ 'ի յաղթութիսն անդ ետ
 ճանաչել զինքն անչափ սիրելի , բարերար , և ամեն
 ողորմ . բայց 'ի գիրս գտանեմք զնա բարերա
 րեալ, այլ ոչ գտանեմք շնորհակալու :

Յամի քսաներորդի եօթներորդի , յորմէ հետէ
 յերբոսվամ սկսեալ էր թագաւորել ընդ հօր իւ
 բոս, և 'ի տասներորդի հինգերորդի թագաւորե
 լոյ նորա զինէ հօր իւրոյ , սպանաւ ամասիա ար
 քայ յուդայ 'ի լաբիս . և հասարակաց հաւանու
 թեամբ համօրէն իշխանացն յուդայ՝ թագաւո
 րեաց ողիս որդի նորա . որ 'ի գիրս թագաւորաց
 կոչի ազարիս . յորմէ իմանամք երկու անուանս
 ունել նմա : Այս երկրորդ անուն սովորաբար 'ի
 կիր ածի 'ի մնացորդսն , թերևս առ չփոթելոյ
 զնա ընդ ազարիայ , որ 'ի նմին ժամանակի էր քա
 հանայապետ . իսկ այս շփոթութի չկարէր լինել
 'ի գիրս չորրորդ թագաւորաց , զի անդ չիք յիշա
 տակ զազարիայ քահանայէ : Ազիս 'ի թագաւորել
 իւրում էր ամաց վեշտասանից : Յետ մահու ամա
 սիայ հօր իւրոյ առ զեղաթ , որ է այիլաթ քաղաք
 և նաւահանգիստ կարմիր ծովու , անդստին 'ի ժա
 մանակաց դաւթի և սողոմնի ընդ տրութի լեալ
 թագաւորութեանն իսրայելի , առեալ 'ի ձեռաց

Եթ ուլպացւոց և մտղիանացւոց • այլ զկնի սողումն .
 նի՛ անդրէն կալան նոքա զքաղաքն • զորմէ յետոյ
 չարարին փոյթ , կամ չեղէն կարող յաջորդ թա-
 դաւորք ո՛չ յուդայ և ո՛չ իսրայէլի՛ վերստին տի-
 բել նմա : Ամասիա յառաջագոյն աչս արձակեալ
 էր ՚ի նա իբրև ՚ի նաւահանգիստ յաջողակ ՚ի շա-
 հաւաճառութի ընդ արաբացիս , և ընդ պարսիկս
 և ընդ հնդիկս • արդ փորձ ևս կամեցաւ փորձել ,
 այլ ոչ յաջողեցաւ նմա առնուլ զնա : Ապա զկնի
 մահու նորա ողիւս որդի նորա տարաւ ՚ի գլուխ
 զկամս հօրն • զի էաւ զնա , և դարձոյց անդրէն ՚ի
 յուդա • շինեաց և ամրացոյց զնա յոյժ ընդդէմ
 շրջակայ թշնամեաց առ ՚ի տեղալ երկար պա-
 շարման :

Ողիւս եղև մի ՚ի բարեպաշտ թագաւորացն յու-
 դայ՝ նմանեալ նախկին գնացից հօր իւրոյ յարդա-
 բուութի և յածպաշտութի • և յայտ միտ ասէ գիրն •
 * Արար ուղղութի առաջի ան ըստ ամենայնի զոր
 արար ամասիա հայր նորա ॥ . Է . Գ . Ե . Կ . այս-
 ինքն է , մինչև էր ամասիա խոտորեալ ՚ի անէ նյ
 իւրմէ , և կործանեալ ՚ի պաշտօն աստուածոց օտա-
 բոտւոց • յորմէ ողիւս որդի նորա անձնապահ էղև
 զամենայն աւուրս իւր : Սե՛ծ նպաստ եղև ողիւս
 արքայի ՚ի պատանեկութե անդ իւրում ունել առ-
 ընթեր խորհրդական և վարդապետ իմաստուն և
 երկիւղած զգաքարիա • ո՛չ զգաքարիա մարգարէ որ
 զի բարաբեայ որդւոյ ադդուլայ , զի նա յետոյ է
 Ժամանակաւ • այլ զայլ ոմն , որ և նա մարգարէ էր ,
 թէպէտ չունիմք ՚ի գիրս զմարգարէութի նորա ,
 որպէս և ոչ զոյլոց բազմաց մարգարէից : Արեւ-
 բաստութի մե՛ծ է պատանեկաց՝ ունիլ իմաստուն
 և բարի դաստիարակ և առաջնորդ • բայց մանուկ
 թագաւոր , որ յաղաղս հասակին կարօտ է հրա-
 հանգութե , այլ յաղաղս բարձրութե աստիճանին
 գժուարանայ ընդունել զոք իւր վարդապետ ,
 գանձ մե՛ծ գտանէ եթէ՛ գտցէ զայր հանձարեղ ,
 խոհեմ և բարեպաշտ • որ առանց բռնապշտութի
 կայցի զնա միշտ հակամէտ յարդարութի • և առ

սակաւ սակաւ քաղցրութիւնս տպացուցեալ 'ի միտս նորա բարի բարի սկզբունս, պահեսցէ զնա հանապազ միացեալ 'ի բարեպաշտութիւն: Այսպիսի եղև զաքարիա առ ողիա. զօրմէ ասէ գիրն. * Ալ խնդրեաց (ողիա) զտօր յաւուրս զաքարիայ իմասանոյ երկիւղիւ նն || : Բ. 5. 17. 5 : Ալ զի իբրև թագաւոր խնդրեաց զփառս տոյ, վասն այնուրիկ և նծ փառաւորեաց զնա իբր թագաւոր՝ տալով նմա յաղթութիւն մեծամեծս : * Հաւուրս նորա (ասէ գիրն) խնդրեաց նա զտօր . և յաջողեաց նմա տօր || : Ալ ողիա և պատերազմեցաւ ընդ փղշտացիս, քակեաց հարթյառակ արար զպարիսպս և զամենայն ամրութիւն գեթայ, յարիսայ, ազովտայ, որք 'ի բաց ընկեցեալ զլուծ թագաւորութեն յուգայ՝ ոչ ևս հարկս հարկանէին նոցա . և 'ի վիճակի ազովտայ 'ի պատեհագոյն տեղւոջ շինեաց քաղաք և ամրոց հզօր առ 'ի զուսպ ունել զազգան զայնսսիկ, սրբ ոչ երբէք գիտէին հանգարտիլ :

Օրացաւ և 'ի վերայ արաբացոց և ամենացոց, և հարկատու կացոյց զնոսա թագաւորութեն յուգայ : Այրամակարկատ արար զպարիսպս երուսաղէմի, զքակեալն յովասու արքայի իսրայելի 'ի գերել նորա զամասիա զհայրն իւր, և ամրացոյց զներքին պարիսպս ահաւոր աշտարակօք : Ալ զի առաւել ամրութեան և սիրելի էին նմա եկամուտք՝ զոր առնոյր առանց ծանրանալոյ ժողովրդեան յիւրոց արքունի կալուածոց, քան զայն՝ որ գայր նմա 'ի հարկաց և 'ի տրոց ժողովրդեան, վասն այնորիկ 'ի տնտեսել և 'ի խնամել զթագաւորութեն՝ ոչ առնէր զանց՝ խնամ ունել և երկրազործութիւն : Պահէր և անասուն բազում . և 'ի պէտս նոցա ետ փորել ջրհորս բազումս . շինեաց և աշտարակս 'ի պատսպարութիւն հովուաց և անասնոց յանշէն անապատի անդ, ուր կային յարօտս : Աղէն նորա զօրք յօտին երեք հարիւր եօթն հազար և հինգ հարիւր . և զօրավարք քաջք և ընտիրք երէւ հազար վեց հարիւր . զհանդէս

զօրուն առնելին առաջի յէկելի դպրասկեանի, և մասեայ դատաւորի, և անանիայի փոխանակի արքայի, որ էր մի ՚ի վերակացուաց տանն արքայի. երեքին սորա էին արք զգաստք աչալուրջք և հաւատարիմք ՚ի չխաբել և ՚ի չխաբիլ յանմիջական պաշտօնելից: Այս ամենայն գունդք զօրաց յարքայէ առնուին զամենայն զէնս. գունդք զրահաւորաց՝ զրահս, վահանս, սաղաւարտս, և սուր. գունդք նիղակաւորաց նիղակս և գեղարդս. գունդք աղեղնաւորաց՝ աղեղունս և նետս. մինչ նաև պարսաւորք ՚ի նմանէ ունելին զպարսս ՚ի քարածղութի: Արար յերուսաղէմ մեքենայս ճարտարագործս ձգեւ ՚ի բացեայ քարինս մեծամեծս. և գործիս արուեստակերտս՝ արձակեւ միանդամայն նետս բազումս իբրև զտարափ: Ալ զյայտսիկ ոչ պահէր ՚ի գործարանի լոկ առ ՚ի ցոյց օտարաց, այլ եդ ՚ի վերայ աշտարակաց. և ՚ի վերայ անկեանց պարսպաց. որպէս զի երևեսցի թէ երուսաղէմ էր յարաժամ զինեալ կազմ և պատրաստ ընդդէմ յարձակմանց: Այս ամենայն պատրաստութիք նորա և յաջողութիք ՚ի պատերազմունս և յայլ ամենայն իրս՝ հռչակեցին զանուն նորա ցհեռաւոր տեղիս, և սքանչելի՝ միանդամայն և ահաւոր էր ամենեցուն, ՚ի տեսանել անդ՝ զի տրօզներ նմա, և զօրացուցանէր զնա յամենայնի:

Այլ այն յաջողութիք թէպէտ փառաւորեցին զնա, բայց և զնաս մեծ ետուն նմա. իբր ոչ եթէ ձգեալ իցեն և զնա, զորօրինակ ձգեցին զհայր նորա զամասիա յերկրպագութի կռոց, կամ յայլ ամպարշտութիս վարուց, այլ բարձրացուցին զսիրտ նորա, համարիլ թէ ամենայն ինչ օրէն իցէ նմա իբրև թագաւորի. յորմէ յանդգնեցաւ միսիլ և ՚ի գործ՝ զոր քահանայից և եթ պահեալ էր անձ: Ամուտ ՚ի սրբութիան, ուր չէր օրէն նմա մտանել. և կամէր ծխել խունկս ՚ի վերայ սեղանոյ ողջակիզաց. որ ևս սուսեւ արգելեալ էր ՚ի տնէ ոչ քահանայից: Հայնժամ մեծ քահանայն ազարիս, և ընդ նմա քահանայք ան ութսուն՝ ամենեքեան

արք զօրաւորք և նախանձախնդիրք օրինաց, ելին արիաբար ընդդէմ արքայի, և ցուցին նմա՝ թէ այլ են իրաւունք տաճարին, և այլ թագաւորական իշխանութեւն. * Այլ է քո (ասեն) սփրաս ծխել խուռնիս ան, ել արտաքս ՚ի սրբութեցդ ։ Արամը տեցաւ արքայ, և ոչ անտաց նոցա ։ Այլ անժ որոյ անչափ է ողորմութի՛ն՝ գթացեալ ՚ի նա, կամեցաւ ՚ի ձեռն վշտաց դարձուցանել զնա առ ինքն, զոր ուղիք յաջողութեց յափշտակեցին ՚ի նմանէ ։ Օ ի այն ինչ ունելով ՚ի ձեռին զբուրուառն՝ կամէր ծխել խուռնիս, եհար ան բորոտութի՛ն յերեսս նորա. զոր տեսեալ քահանայից՝ նոյնժամայն հանին զնա արտաքս ՚ի տաճարէն. և նա ոչ ընդդէմ դարձաւ. քանզի և ինքն տեսեալ զհարուած ձեռին ան՝ փութացաւ ելանել ։

Այլ այնուհետեւ մեկուսացաւ յառանձին տան որոշեալ ՚ի հաղորդութե՛ն մարդկան՝ ըստ պատուիրելոյ յօրէնսն, զանտեսութի թագաւորութեն թողեալ ՚ի ձեռս յովթամայ որդւոյ իւրոյ. և ինքն նստաւ բորոտեալ մինչև ցօր վախճանի իւրոյ ընդամն չորս՝ ըստ ձիշտ հաշուի ոմանց. մեռաւ ՚ի նմին բորոտութե՛ն, և թաղեցաւ ՚ի գաշտի մերձ ՚ի գերեզմանս թագաւորաց, և ոչ ՚ի գերեզմանի նոցա յաղագս բորոտութեն. թագաւորեալ ամս յիսուն և երկուս ։ Արաւամբք գովեսցի խոնարհութի՛ն նորա և կամակար հպատակութի՛ն, որով յանձն էստ և տարաւ նեղութե՛ն իւրոյ, որ ապաքէն ծանր էր յոյժ առն թագաւորի. զի թէ ընդ ժամս ինչ գտաւ ապտամբք ՚ի անէ այ իւրմէ, ընդ ամս չորս ապաշխարեաց ։ Ասան որոյ ունիմք իրաւունս քաջայոյս լինել, թէ զորօրինակ թագաւորեաց երջանկութե՛ք յերկար ժամանակաւ աստ ՚ի յերկրի, նոյնպէս այժմ թագաւորէ ՚ի յաւեժական երանութե՛ն յերկինս ։ Ահ նորա եղև յամի արարչութե՛ն աշխարհի 3418 ։

Առ ժամանակօք սորին թագաւորի սկսաւ մարգարէանալ մեծն ՚ի տեսանողս եսայի որդի ամովսայ. ոչ ամովսայ մարգարէի՛ն որ մի էր ՚ի փոքր

մարդարեւից՝ այր յաննշան տոհմէ, այլ՝ այլու՛մ, որ էր յաւագաց ազգին յուդայ, և ըստ բազմաց նախնի մատենագրաց՝ մերձաւոր ազգական թագաւորաց յուդայ: Ընագիր երբայեցւոց զանազան գրով նշանակէ զանուանս երկոցուն նոցա, ամօս, և ամօծ (Թո՛ղ զի և առաջին այբն է այլ՛իֆ, և երկրորդն ային տառիւ.) որով ցուցանէ լինել նոցա այլ և այլ անձինս: Ակաց ետայի և մարդարեացաւ ՚ի ժամանակս չորից թագաւորաց, սղիայ, յովա. Թամնյ, աքազու, եղեկիայ: Հին աւանդութի է սրց հարց և ընդհանուր եկեղեցւոյ, եթէ ետայի զկեանս իւր կնքեաց մարտիրոսութիւն, սղոցեալ ՚ի գլխոյն և ՚ի վայր յերկուս մասունս հրամանաւ մանասէի՝ ՚ի կշտամբել զնա վասն չարեաց իւրոց: Ան որք երկարածգեն զկեանս նորա գրեթէ ցհաբիւրքսան և երեք ամ. այլ առանց ինչ հիման. այլք քննեալ ըստ ժամանակագրութե՛ն՝ ցիննսուն և փոքր ինչ աւելի՝ հասուցանեն զկեանս նորա:

Ի մարդարեութիս իւր գուշակէ թշուառութիս և դառնութիս, բայց միանգամայն քաղցր և անուշակ յուսով մեղմէ զթշուառութիս, և ամօքէ զդառնութիս: Բազում և մեծամեծ շնորհս նախագուշակէ յերկնից, և առանձինն՝ զմծահրաշ մարդեղութի բանին այժմնդեամբ. ՚ի սրց կուսէն, որպես և զերեւելի երեւելի տնօրինական գործս նորա, և զկամաւոր չարչարանս, և զմահն աշխարհակեցոյց: Համին յորում մեռաւ ողիա արքայ, եղև առ նստեսիլ սքանչելի, զի ետես զտր նստեալ յաթուբարձրութե՛ն, շուրջ պատեալ ՚ի վեցթեւեան սերովեւից: Բաջալերեաց զաքաղ արքայ ընդդէմ ասորուոց, որք միաբանեալ ընդ իսրայելի՝ եկին պաշարել զերուսաղէմ: Օ կնի նախապատմելոյ զթշուառութիս ժողովրդեան այ, զոր հասուցանելոց էին նոցա ասորեւստանեայք, ստորագրէ զտառապանս, զոր քաղզեացիք հանդերձեալ էին կրել ՚ի մարաց. որ ճգրտեցաւ, յորժամ սպանաւ բաղտասար, և առաւ բաբելոն ՚ի դարեհէ մարաց արքայէ: Տարածէ զմարդարեութի իւր և ՚ի վերայ

կործանման մովբացեոց, ասորւոց, եգիպտացւոց, եթովպացւոց, և տիւրացւոց. որք վաղ և անաղան կատարեցան անվրէպ յայլ և այլ ժամանակս: Առ շակէ և զաւերումն աշխարհի 'ի վերջին դատաստանի: Ազդ առնէ զթշուառութիս եբրայեցւոց, որք փոխանակ դնելոյ զյոյս իւրեանց յ'նձ, և 'ի նա միայն ապաւինելոյ՝ աստատան եղիցին յեգիպտոս, և անգր անցանիցեն: Վաջալերէ զեղեկիւս ընդդէմ սենեքերիմայ, և օգնական լինի նմա 'ի հիւանդութե՛ն նորա: Ափռէ աստ և անդ 'ի բանս մարգարէութե՛ն իւրոյ ջերմ և եռանդնատ յորդոբակս և իրախոյսս առ 'նձ: Առնէ յանուանէ զեղիակիմ քեղիկեայ, և զկիւրոս բազում ժամանակօք յառաջ քան զծնանել նոցա յաշխարհ. և զեկուցանէ զհայրախնամ անտեսութի միոյն, և զյաղթութիս երկրորդին. այլ առաւելագէս ընդարձակէ զբան մարգարէութեն 'ի վերայ կենաց Վ'տի ին մերոյ, և 'ի վերայ քրիստոնէութե՛ն նորս եկեղեցւոյ. վասն որոյ իրաւամբ կոչեն զնա որ հարք մարգարէ և աւետարանիչ, կամ աւետարանագիր մարգարէ: Այսչափ ծանօթութի զեսայեայ առ ժամս շատ լիցի. քանզի յընթացս պատմութեանց դարձեալ բազում անգամ լինիցի զնմանէ յիշատակութի: Աստ յիշատակեսցուք և զայլս 'ի մարգարէից որք զսյսու ժամանակաւ հանգիսացան մարգարէութի:

Ովսէէ . Աճովս . Յոմէլ . յերկոսասան մարգարէից , որք
 քոյր մարգարէի էրէն՝ յաղագս սահառաւէ մարգարէական
 գրոց նոցա , առ համեմարութիւն լորից մեծ մարգարէից գրա-
 սորաց :

Ովսէէ յայտնի ասէ 'ի գլուխ մարգարէութեց
 իւրոց , թէ եղև բան տն առ նա յաւուրս ողիայ ,
 և յովաթամու , և քաղու , և եղեկիայ թագաւո-
 բացն յուգայ . և երկրորդին յերրորդամու որդւոյ
 յովասու արքայի իսրայելի : Այնպէս և ամսվս
 ասէ . թէ սլատգամք իւր եղեն յաւուրս ողիայ ար-
 քայի յուգայ , և յերրորդամու որդւոյ յովասու ար-
 քայի իսրայելի , երկու ամօք յառաջ քան զգեա-
 նաշարժն : Յաղագս յովելեայ չունիմք հաւաստի
 նշան ինչ առ 'ի տալ նմա որոշ ժամանակ : Արևի
 թէ եկաց նա առ մանասէիւ՝ եթէ հայեսցուք 'ի
 հանգամանս մարգարէութեց նորա : Այց այս չէ
 ճգրիտ ապացոյց . զի մարթ էր նմա բազմօք յա-
 աջ մարգարէանալ զայն , որ եղև ոչ բազմօք յե-
 տոյ զկնի մանասէի . սակայն երոնիմոս , օգոստի-
 նոս և Եսիրիան դնեն զնա 'ի ժամանակս յայտոսիկ :
 Ասկ վասն յոնանու մարգարէի , զոր գտանեմք յի-
 շատակեալ առ յերրորդամու երկրորդիւ Թ . ԲԳ .
 ԺԳ . 25 . ուրոյն ունիմք ասել 'ի յաջորդ գլուխոյ :

Ովսէէ որդի երեայ , կամ բէրեայ 'ի ցեղէն
 իսաքարոյ ընկալաւ հրաման 'ի տնէ առնուլ կին
 հրապարակեալ պոռնիկ . յորմէ ծնցին նմա զա-
 ւակք օրինաւոր ամուսնութիւն , բայց վասն վատա-
 նուն մօրն՝ համարեսցին իբրև որդիք պոռնկութե .
 սովին կամեցաւ տժ օրինակել զհանդերձեալ լինե-
 լիս , զոր բերանով ովսեայ ունէր կանխաւ ազգ առ-
 նել : Արդ՝ առ ովսէէ զկին հաչակաւոր 'ի պոռն .

կութէ՛ կուէցեալ գոմեր գուստր գարեւայիմայ .
զի որպէս անձ ՚ի հրամայելն արար իբրև անձ , որ
կարող է հրամայել իրս գոմարինս , և ըստ աշ-
խարհի՛ հակառակս պատուոյ . նոյնպէս արար և
մարգարէն՝ իբրև ծառայ հնազանդ և հաւատա-
րիմ՝ մեծ պատիւ վարկանելով անձին հնազանդիւ
այ նաև յիրս , որ յաչ մարգարէն իբր անպատուութի
ինչ երևեցի :

Յամուսնութենէ անտի ծնաւ նմա որդի
անդրանիկ , և ասաց ցնա անձ կուէլ զանուն նո-
րա յեզրայէլ . կամեցեալ նովաւ նշանակել , թէ
զորօրինակ զտունն արասբու պատուհասեաց ՚ի
ձեռն յեռայ վասն կուպաշտութեանց և այլոց
անօրէնութեանց տանն այնորիկ , նմանապէս ընդ-
փոյթ հանդերձեալ է պատուհասել զկուպաշ-
տութիւնս և զայլ ամպարշտութիւնս որդւոցն
յեռայ : Երկրորդ զաւակ այնր ամուսնութե եղև
գուստր . որ ըստ հրամանին այ կուէցաւ լորաղու-
մա , այն է՝ Չողորմեալ . առ ՚ի ցոյց թէ անձ յեա
այնչափ ողորմութեց՝ զոր ողորմեցաւ ժողովրդեան
խորայէլի , ոչ ևս գնասցէ ընդ նոսա իբրև հոյր
ողորմած . այլ իբրև արդար և անաչառ դատաւոր :
Հատեալ գոմերայ ՚ի ստենէ զգուստր , յղացաւ և
ծնաւ միւս ևս որդի . և ասաց անձ կուէլ զանուն
նորա լուսնի . այն է՝ Ալ ժողովուրդ իմ . ՚ի նշան
թէ եկեցէ ժամանակ , զի ժողովուրդ իսրայէլի՛
ոչ ևս եղիցի ժողովուրդ այ , անբաժ մնալով յա-
ռանձին հայրական խնամոց անտի , որով միշտ խնա-
մարկեաց զնոսա : Օ կնի այսոցիկ երկց զաւակաց
կինն անամօթ ոչինչ օգտեալ ՚ի սբ իսրատուց առն ,
ապախտ արար զհաւատարմութիւն ամուսնական . և
որ նախ քան զամուսնանալ օրինօք լը մարգարէին՝
էր լոկ պոռնիկ , յետ այնորիկ եղև շուն , շնացեալ
առ արամբ իւրով : Եմացեալ մարգարէին զանհա-
ւատարմութիւն նորա՛ ՚ի բաց արար զնա յիւրմէ ,
տուեալ նմա գիր ապահարզանի ըստ օրինաց : Եւս
զկնի ժամանակաց ասաց անձ ցմարգարէն՝ առնուլ
զնա վերստին և մուծանել ՚ի տուն իւր . և մոռա-

ցեալ զգնասն՝ սիրել զնա, որպէս այր սիրէ զկին իւր: Տնազանդեցաւ մարգարէն և այսմ՝ երկրորդ հրամանն ի նոսրացնալ, և ետ նմա վարձս, բայց սովին պայմանաւ՝ զի ոչ ևս սրունկեացի. այլ և յորինաւոր ամուսնական անկողնոյ ՚ի բաց լինի աւուրս բազումս պահելով ժուժկալութի: Այս յորինակ, թէ որդիքն իսրայէլի ընդ ժամանակս բազումս եղիցին առանց թագաւորի, առանց իշխանի, առանց դատարացաց, առանց սեզանոյ, առանց քահանայութեան, և առանց մարգարի: Այսպէս այնորիկ դարձցին և միացին ընդ տանն դաւթի, և պաշտեցեն զտօր ճշմարտութեամբ և ՚ի բարութիւնս նորա վայելեցցեն յաւուրս կատարածի:

Ովսէ, մարգարեացաւ ամա իբրև ութսուն. զի սկսաւ մարգարէանալ յաւուրս ողիայ արքայի, և եհաս մինչև ցեղեկիս արքայ. ուստի և մեռաւ իբր հարիւրամեան: Մարգարէութիք նորա են խառն սպառնալեօք մեծամեծ թշուառութեց, և քաջալերութիք խոստմանց մեծամեծ բարեւոյ. առաջինքն յերկեցուցանել, երկրորդքն ՚ի մխիթարել. անցանելով ուրեք ուրեք ըստ հասարակ սովորուէ մարգարէից ՚ի թագաւորաց առ մեսիայն, և ՚ի հրէից առ ժողովուրդն բրիստոնից: Այսպէս տայր նմա խօսիլ հոգին տօր ՚ի նուաճել երկիւղիւ զամբարտաւանութի, և ՚ի բառնալ յուսով զանյուսութի: Սրբութիւն եկեաց ովսէ. յայտ է թէ և սրբութեամբ մեռաւ, բայց թէ որով մահուամբ է յայտ. և թաղեցաւ յերկրի իւրում ՚ի բելաւ մովթ:

Ամուս էր հովիւ. զոր առ նոսրացնալ ՚ի հօտից խառնաց, և արար զնա մարգարէ. վասն այնորիկ ՚ի բանս մարգարէութե նորա լի են այլաբանութիք առեալք ՚ի գաշտական և ՚ի հովուական իրաց: Ահաւ մարգարէանալ յաւուրս ողիայ արքայի յուրաց, և յերրորդամայ երկրորդի արքայի իսրայէլի, երկու ամօք յառաջ քան զգեանաշարժն՝ որ սասանեցոյց զհրէաստան յաւուրս ողիայ: Ահազումք զայն

գեանաշարժ ասէն լեալ 'ի նմին առուր և 'ի ժամու՝
յորում ողիա միտեցաւ 'ի տաճար նն ծխել խուհկս,
և բորոտեցաւ: Օ այս կարծիս ժամանակագրական
օրինօք ճիշտ քննեալ կաղինոսի, ցուցանէ թէ
բազմօք յառաջ քան զբորոտիլ ողիայ եղև այն
գեանաշարժ: Արդ՝ ասէ, ոչ գնեւոյ զատարկութի
թագաւորական ամբողջ 'ի մէջ ամասիայ՝ և որդ-
ւոյ նորա ողիայ, և եղեալ թէ 'ի մեռանել Տօրն՝
յաջորդեաց օրդին, որպէս ցուցաւ 'ի նախընթաց
գլուխն, առաջին ամ թագաւորութենն ողիայ ար-
քայի յուդայ՝ զայ անկանի 'ի հնգէտասաներորդ-
ամն թագաւորելոյ յերօքովամայ 'ի վերայ խարայէլէ
զինի մահու Տօր իւրոյ. ապա քսաներորդ հինգէ-
րորդ ամ ողիայ, էր քառասներորդ առաջներորդ՝
և վերջին ամ յերօքովամայ. ապա ողիա որ թա-
գաւորեաց ամն երեսուն և ինն, եկեաց յետ մահու
յերօքովամայ ամն չորեքտասան: Արդ՝ եթէ գեա-
նաշարժն եղև ոչ բազմօք յառաջ քան զմահ ողիայ՝
եղև գէթ տասն ամօք յետոյ զինի մեռանելոյ յե-
րօքովամայ. ապա ոչ ճշմարա՛ւ, թէ ամսվս սկսեալ
մարդարէանալ երկու ամօք յառաջ քան զգեանա-
շարժն՝ իցէ մարգարէացեալ սու կենդանութեամբ
ողիայ և յերօքովամայ:

Իսգումբ ասեալ զայս կնճիւնն անլուծանելի,
առ փոքր մի խոտորին 'ի կարծեաց աստի, և ըզ-
գեանաշարժն և զբորոտութիւնն գնեն լեալ 'ի
միում ժամանակի. և զբորոտիլ ողիայ գնեն 'ի
քսաներորդ և հինգերորդ ամի թագաւորութեան
նորա: Այլ այնպէս առ 'ի տալ ժամանակ մարգա-
րէութե ոլսիայ՝ որ չիցէ հակառակ օք գրոց, զպա-
տիժ բորոտութենն յերկարաձգեն ցամա քսան և
եօթն: Իսայց և սօքա յայլ իմն ժայտ ընդհարկա-
նին. զի 'ի ժամանակի բորոտութենն ողիայ, յովա-
թամ որդի նորա վարէր զթագաւորական իշխանու-
թին, որպէս տեսաք 'ի նախընթաց գլուխն. իսկ
յովաթամ ըստ գրոյն սկսաւ թագաւորել ամաց
քսան և հնգից. ապա բարձեալ զամս քսան և եօթն
բորոտութե Տօրն, զհետ զայ թէ մատակարարու՛

Թի Թագաւորութեն տուաւ նմա երկու ամօք յառաջ քան զԾնանիլ իւր յաշխարհ :

Ար՞ գիրն զգեանաչարժն և զբորտութիւն ոչ միացուցանէ : 'ի միում ամի . ապա և մեզ չէ պարտ միացուցանել : Ա'ա՛ զի ունիմք Հիմն հաստատուն 'ի նր գիրս , եթէ բազմօք յառաջ քան զբորտութիւն ողիայ եղև գեանաչարժն այն : Ասայի մարգարէն 'ի սկզբանէ : մարգարէանալոյ ամնվոսայ մինչև ցմահ փակէի և ցառաջին գերութիւնն խրայէլի առ Թագղաթփաղսարաւ ասորեստանեայց արքայիւ՝ զնէ : ամն վաթսուն և Հինգ . որպէս ցուցցուք յիւրում տեղոջ : Ա՛մովս սկսաւ մարգարէանալ երկու ամօք յառաջ քան զգեանաչարժն . ապա այն գեանաչարժ եղև վաթսուն և երեք ամօք յառաջ քան զմահ փակէի , և քան զառաջին գերութիւնն խրայէլի առ Թագղաթփաղսարաւ . այսինքն է յուր Թերորդ կամ յիններորդ ամի Թագաւորութեան ողիայ : Յորժամ բորտեցաւ ողիա , յովաթամ որդի նորա վարեաց զգործ Թագաւորութե , մինչև ցմահ հօրն . որպէս տեսաք 'ի վեր անդր : Ա՛սպա ողիա եկաց բորտեալ ոչ աւելի քան զամն չորս յառաջ քան զմահ իւր : Այլ Թագաւորեաց ամն յիսուն և երկու . ապա բորտեցաւ յամի քառասուներորդի իններորդի Թագաւորութե իւրոյ : Ա՛յս հաշիւք քաղին 'ի բուն բանից նր գրոց : Ա՛րդ՝ մաւ տիցուք անդրէն 'ի կարգ պատմութեան ամնվոսայ մարգարէին :

Ա՛րքարէութիւք ամնվոսայ 'ի զանազան ազգս հային , այլ առաւելապէս 'ի տասն ցեղս խրայէլի . և 'ի նախադուշակել նորա զիւրաքանչիւր ազգի զիւր կործանումն՝ աւնէ իբրև զհրովարտակ իմն յայտարարութեան 'ի կողմանէ նոն , ցուցանելով զփաստապարտութիւն և զյանցանս նոցա . յորում 'ի կիր արկանէ առակաւոր ոճ՝ իմն խօսից սեպհա կան երբայական լեզուի . * Ա՛ վերայ երից ամնարչտութեց , և 'ի վերայ չորից ոչ դարձայց ։ Այլ իբր ասել , Թէ երից ամնարչտութեանց դամասկոսի , կամ եդովմայ և այլոց ժողովրդոց զորոց խօսի

տատ, ներէ՛ անձ. իսկ չորրորդին ոչ. ուր նորա աս-
մենքեքեան ոչ եթէ երկից կամ չորից եւեթ, այլ
բիւրապատիկ անօրէնութեց էին պարտաւորք՝ լի
գորով ամենայն ամսարշտութիւնք. այլ զորոշ թիւն
դնէ փոխանակ անորոշ թուոյ բազմութե. ուստի
տեսութի բանին ըստ ճառին այս է, թէ չարիք
նոցա բազմացեալ են, և չարի անօրէնութեց լցեալ.
արդ եհաս ժամ՝ զի ածիցէ անձ ՚ի վերայ նոցա զար-
ժանահաս պատիժ մեղաց նոցա: Վ պատճառս այսր
յայտարարութե՛ գտանեմք աստ ՚ի բանս ամուլսայ
բաղում ծանօթութիւս պատմականս վասն այնր
ժամանակի, որք յայլ պատմութիւս սք զրոց չեն
նշանակեալ ՚ի տեղիս իւրեանց: Վտանեմք, զի
բաց յայլոց անգթութեց՝ զոր գործեաց ազայել
արքայ ասորւոց ՚ի վերայ խորայելացւոց բնակչացն
գաղաադու, կտրեաց զյղիս նոցա սողոցօք երկու
թեօք. ըստ կանխաւ գուշակելոյ եղիսէի, մինչ
յայտնեաց նմա թէ հանգերձեալ է թագաւորել
՚ի վերայ ասորւոց: Վտանեմք, զի փղշտացիք որոց
գլխաւոր քաղաք է գաղա, * գերեցին զգերութիւնս
սողոմանի ॥ կամ որպէս ընթեւնու երբայեցին՝
* զգերութիւն խաղաղական ॥ իսկ լատինս՝ * ան-
ցուցին զգերութիւն կատարեալ ॥

Որ իցէ հարազատ տեսութիւն այսր բանի,
դժուարին է գուշակել: Սմանք հայեցեալ ՚ի զա-
նազան թարգմանութիւս, և կամեցեալ ՚ի մի տե-
սութի միացուցանել զնոսա՝ ըստ ճառին այսպէս
մեկնեն: Վաւիթ ՚ի վերջին ժամանակս իւր միջեաց
մարտ բաղում ընդդէմ փղշտացւոց, որք նուա-
ճեալք միանգամ ՚ի նմանէ՝ միշտ զհետ էին ապրու-
տամբութե: Վրդ՝ կարի հաւանելի է, թէ յայն
պատերազմունս գերեցան յերկուց կողմանց, որ
սովորական ինչ է պատերազմաց. և սողոման, որ
էր հրամանատու գրեթէ ամենայն ազգաց չորջա-
նակի, ՚ի լինել առ նովա հանրական խաղաղութե՛
հրամայեալ իցէ փղշտացւոց դարձուցանել զգե-
րեալսն ՚ի ժողովրդենէ իւրմէ. և նորա հաւանեալ
իցեն և խոստացեալ, և այնպէս զօրութիւն այնր

Համակամ գաշնադրութեն՝ կատարեցաւ և վերջ
եղև գերութենն : Այլ փղշտացիք գուցէ փոխա-
նակ արձակելոյ զնոսա , գաղտաբար վաճառեցին
զնոսա եղովմայեցւոց . որոց հեռի գոլով՝ ի հրէաս-
տանէ , և ունելով զանազան քաղաքս մեկուսի ՚ի
հասարակաց ճանապարհէ , դիւրաւ պահէին զնո-
սա՝ զի մի փախիցեն . և ըստ բնաբոյս թշնամուեն
զոր ունէին առ իսրայելացիս , իբրև արծաթադին
գերիս ՚ի դժնդակ աշխատութիս տառապեցուցա-
նէին զեղիկելիսն : Արդ՝ ասի . * գերութի սողմն-
նի || , զի էին նորա ժողովուրդ և * գերութի խա-
ղաղական , կամ կատարեալ || , զի ՚ի վնել հաշտուե-
բարձաւ թշնամութիս , և վերջ եղև գերութեն .
և թէ՛ անցուցին զգերութիս յեղովմ , զի ՚ի գաղայ
քաղաքէ և յայլոց քաղաքաց իւրեանց վաճառեցին
զնոսա եղովմայեցւոց : Աթէ այս էր ամպարշտու-
թիս դաղայ , յայտ է թէ էր անօրէնութի մեծ :

Վ նոյն անօրէնութի գտանեմք և զԾուրացիս ,
կամ որ նոյն է՝ զաւերացիս : Վ անզի գուցէ ՚ի
բազմապատիկ հարուածոց , զոր ազայէլ և որդին
ադերայ թաղաւորք ասորոց գործեցին յերկրին
իսրայելի , բազումք ՚ի նոցանէ փախուցեալ ՚ի օաշ-
մանակից երկիր Թուրացւոց առ ՚ի գտանել անձանց
դարման կենաց , վաճառեալ իցեն զանձինս ՚ի
ստրկութի Թուրացւոց , որ սովորական էր ընդ այն
ժամանակս , ոչսու պայմանաւ՝ զի ծառայեսցեն նո-
ցա մինչ ցգադարիլ պատերազմին ասորոց . ապա
արձակեցին խաղաղութիք : Արդ՝ կարի հաւանելի
է , թէ յորժամ խաղաղացաւ ՚ի պատերազմաց եր-
կիրն իսրայելի , որով և լրացաւ ժամադրութիւն
ստրկութեն , Թուրացիք ըստ իւրեանց անյագ ա-
զահութե , փոխանակ արձակելոյ՝ մուծին զնոսա
՚ի նաւս , և տարեալ վաճառեցին եղովմայեցւոց
արանց խստասրտաց . և այնուհետև ոչ ևս արձա-
կեցան : Աթէ այս էր անօրէնութիւնն ծուրայ ,
մեծ ևս էր քան զանօրէնութի գաղայ . զի ոչ յի-
շեցին զուխտն մշտնջենաւոր եղբայրութե և բա-
րեկամութե սողմննի ընդ քիւրամայ արքային ծու-

բայ և ընդ ժողովրդեան երկօցունց : Այս է՝ զոր
ասէ գիրն . * Վսխանակ զի արգելին զգերութիւն
սողոմնի յեդոմ . և ոչ յիշեցին զուխտ եղբարց ॥
ամուս . 3 . 9 :

Վտանեմք, զի եղովմայեցիք թէ պէտ հարկա-
տու եբրայեցւոց, բայց և ՚ի խաղաղութե՛ ոչ ՚ի բաց
արարին ՚ի սրտից իւրեանց զհնացեալ սիսս, այլ
միշտ և յամենայնի պատճառս յուզէին հալածեւ
և ապականել սրով զնոսա . և այնչափ մեծ էր այս
անօրէնութի նոցա, որչափ զի ոչ ընդդէմ օտա-
բաց, այլ ընդդէմ եղբարց իւրեանց ժանտանային,
գոլով նոցա որգիք երկուց եղբարց ետաւայ և յա-
կսբայ : Վտանեմք, զի ամենացիք ՚ի պատերազ-
մունս զոր առնէին յերկրին գաղապար, առ ընդ-
արձակելոյ զսահմանս իւրեանց՝ յայն գաղանային
կատաղութի միեցան, զի և զյղիս գաղապարացոց
հերձուին, որպէս արար և գաղանամիտն ազայել :
Վտանեմք, զի մովբայցիք ՚ի միում պատերազմի,
առեալ զքաղաքս ինչ յեղովմայեցւոց իւրեանց
սահմանակցաց, յայն ամպարշտութի հասին, մինչ
ընդդէմ մեռելոց և ս կատաղիլ . զի հանեալ ՚ի գե-
րեզմանաց զոսկերս թագաւորաց եղովմայեցւոց՝
՚ի հուր այրեցին և ՚ի մխիթր դարձուցին : Այլ թէ
ոյք էին այն թագաւորք, և թէ երբ, և յինչ
պատճառս եղև այն պատերազմ ՚ի մեջ նոցա, բա-
զումք ՚ի խնդիր եղեն գտանել, այլ հաւաստի
գտին և ոչինչ :

Օյուզայէ և զիսրայէլէ գտանեմք ինչ ինչ ՚ի
բանից ամսվայ նշանակեալ ՚ի գիրս մնացորդաց
և թագաւորաց . զկուսպաշտութիւնն, զյաճախ
յանցմունս զօրինօք և զհրամանօք տն . այլ առա-
ւելապէս ընդդէմ իսրայելի առնէ ամսվս կշտամ-
բանս ցաւագինս վասն ապերախտութեան նոցա և
խտատարտութե՛, որք ոչ բարերարութե՛ք, և ոչ
հարուածօյք կասէին ՚ի չարեաց, կամ դառնային
առ տր տծ իւրեանց . յանդիմանէ զանպատկառ և
զանսանձ անառակութի նոցա . զըռնութի և զան-
իրաւութիւն գատաւորաց նոցա, որք արծաթոյ

վաճառէին զիրաւունս և զարդարութի . զհարըս տահարութի աղքատաց, զկռփել զնոսս և կոխել ընդ ոտիւք իբրև զհող երկրի :

Այս են՝ ասէ մարգարէն՝ մեղք և անօրէնութիք, վասն որոյ կործանեցին ջնջեացին այս նշա նակեալ քաղաքք, և դաւառք, և թագաւորութիք : Ամբ եղէն ինն, զի այս յայտարարութիք ամուսայ՝ որպէս և այլոց մարգարէից՝ հասանիցեն առ մեզ . զի թէ երբէք անցանիցէ ընդ միտս մեր տրբտունջ զնմանէ, յորժամ յօտար բռնակալութեց նեղութիս և տառապանս կրիցեմք, զիւրաւ կարասցուք ՚ի միտ առնուլ զպատճառն, որոյ վասն հարկանիմք և ՚ի պարտութի մատնիմք : Ապա յաւելու ըստ օրինակի այլոց մարգարէից՝ քաղցր բայց ազդողական յորդորակս ոչ միայն առ ժողովուրդայնր ժամանակի, այլև առ մեզ, և առ յաջորդս մեր մինչև ցկատարած աշխարհի, փոխել զվարս և զգնացս, և ապաշխարել . որպէս զի հաշտեցի ինձ, և բառնայցէ զթութեամբ զգաւազանն հարուածոց :

Ամուս ՚ի մարգարէութիս իւր պատմէ և տեսիլս, զոր եցոյց նմա ինր . որով իբր նիւթական իրօք առաւել տպացուցանէր ՚ի միտս ժողովրդեան զմարգարէական պատգամս իւր : Ացոյց նմա ծընունդ բազմութե մարախոյ՝ ուտել և սպառել զխոտ երկրի . և ասաց ցնա թէ այնպէս սպառեսցեն օտարք զերկիր իսրայէլի : Ատես և գործի հարսաց որսալ զթռչունս, և ասաց թէ նոյնօրի նակ ըմբռնեսցին որդիքն իսրայէլի ՚ի ընուլ զչափ ամպարշտութե իւրեանց : Ատես և որմնադիր ՚ի վերայ պարսպի, որ ունէր ՚ի ձեռին իւրում ծեփիչ որմնադրաց . և ասաց ցնա թէ ընկենուցու զծեփիչն ՚ի մէջ ժողովրդեան իսրայէլի, և ոչ ևս յաւելուցու նորդել զկործանեալն նորա . և յարիցէ ՚ի վերայ տանն յերօբովամայ սրով : Ատես և զմոր նստեալ ՚ի վերայ սեղանոյ . և ըստ հրամանի ինն ՚ի բաղիւն նորա զսեղանն՝ շարժեցան զբանդիք . և ասացաւ նմա թէ ՚ի մօտալուտ պատուհասէ ՚ի վե-

բայ ժողովրդեան խորայելի՛ ոչ ևս լինիցի զեր-
ծումն :

Ի քարոզել ամուսնայ զայսոսիկ 'ի բեթել, ա-
մասիա քուրմ երնջոյն բեթելայ մունչէր 'ի կատա-
ղութի ընդդէմ նորա . երկուցեալ զի թէ 'ի քա-
րոզութի նորա դառնայցէ ժողովուրդն առ ճշմա-
րիտն անձ, խորտակեացեն զերինջն, և հատցի ա-
մենայն յոյս շահի իւրոյ, զոր շահէր 'ի սպասաւորե-
լոյ անկենդան գրոշելոյն : Ասան որոյ չարայաչաղ
մախանօք հետամուտ էր հանապազ բանս ինչ որ-
սալ 'ի բերանոյ մարգարէին անմիջապէս ընդդէմ
անձին արքայի, զի ունիցի ինչ ամբաստանել զնմա-
նէ : Այլ զի լեզուք մարգարէից են 'ի ձեռին անյ,
դնէ անձ երբեմն 'ի բերան նոցա 'ի հրապարակախօս
քարոզութեան նոցա ճշմարտութի ինչ ասել, զոր
լոկ ըստ մարգարէին խոհեմութե խորհելով՝ ոչ
արդեօք ասելին : Ասաց մարգարէն, թէ յայտնեաց
նմա անձ, թէ 'ի վերայ տանն յերոբոզվամայ՝ որ յայն-
ժամ թագաւորէր, յարիցէ սրով : Օայս բան ա-
ռեալ ամասիայ 'ի բերանոյ մարգարէին, և յաւել-
ուածս ևս արարեալ 'ի վերայ՝ որպէս սովորութի
է զքաղաքսողաց, առաքեաց վաղվաղակի 'ի սամա-
րիա առ յերոբոզվամ արքայ, ասել ցնա, թէ ա-
մախ գրդռէ զժողովուրդն յապստամբութի ընդ-
դէմ քո արքայ . ինքն ապստամբ է, և նստի 'ի
թագաւորութե քում, և խօսի բանս զոր ոչ կարէ
տանիլ երկիրս . զի ասէ թէ յերոբոզվամ սրով
վախճանեացի, և խորայել զերեւելով զերեւցի յեր-
կիր օտար : Սուտ էր թէ ասացեալ իցէ ամուս-
նական անձին յերոբոզվամայ, թէ սրով սպանցի .
այլ թէ 'ի վերայ տան նորա յարիցէ անձ սրով . որ
և կատարեցաւ 'ի վերայ զարքայի որդւոյ նորա .
զոր տեսցուք ստորեւ սրով խողխողեալ յիւրոց ա-
րանց : Աայց որ չարամտութե ամբաստանէ, ոչ
խնդրէ պատմել զճշմարտութի . այլ խնդրէ պատ-
մել զայն, որ ազգողագոյն է 'ի վառել զբարկուի :
Թէ զինչ ներդործութի արար 'ի սիրա ար-
քայի այս ամբաստանութի, չէ յայտ . բայց չէր

դժուարին յերորովամայ ճանաչել, թէ յինչ խմբոյ իցեն քուրմք կուոյ: Քաղում ամբաստանութիք կորուսանելին յատենի զամենայն հաւատարմութի, եթէ ատենակալք արդար դիտողութիք զննելին զհանդամանս ամբաստանողաց: Արեւի թէ յերորովամ ոչինչ խռովեցաւ յամբաստանութի անտի. զի ամասիա, որ ամենայն իրօք զհետ սնդեալ էր, կամ իտպառ լռեցուցանել զմարդարէն, և կամ հեռացուցանել զնա անտի, ոչ եցոյց նմա հրամանն ինչ իբր յարքայէ առաքեալ. այլ ինքն յիւրմտաց ցամովս տեղի տալ անտի, և գնալ յերկիրն յուգայ, և անդ ՚ի ձեռն արուեստի մարդարէութե գտանել զդարման կենաց իւրոց: Այլ ՚ի բեթել մի ևս յաւելուցու մարդարէանալ. զի այս է ասէ տեղի սրբութե թագաւորի, ուր գայ արքայ պաշտօն մատուցանել երնջոյն, որ է պահպանիչ թագաւորութե, վասն որոյ և տուն ապաւինի թագաւորութե իտրայէլի: Արծէր ամասիա, թէ և ամովս իցէ մարդարէ նման ինքեան և այլոց կուպարիչտ մարդարէից. որք իբր արհեստ ինչ ունելին զմարդարէութին ՚ի գտանել նովաւ դարման կենաց. զոր վասն այնորիկ հարք որդւոց աւանդելին, ուսուցանելով նոցա ստել անտայթաք, խորամանկութե հոմանուն բանս ՚ի կիր արկանելով ՚ի պատասխանիս, որպէս զի զինչ և դիպեացի, ունիցին ասել թէ զայն մարդարէացան, այլ լսողք չեն բարեք իմացեալ զպատգամս իւրեանց: Ատ պատասխանի նմա ամովս, թէ ոչ է ինքն ՚ի սակի այնց մարդարէից, որք իբրև զարհեստ ինչ որդի ՚ի հօրե ուսանին զմարդարէանալ. * Աս ասէ՛ ոչ մարդարէ էի. և ոչ որդի մարդարէի ||. զի ՚ի հօրե ուսանիցիմ զմարդարէանալ. * այլ հովիւ էի, և թութքաղէի. և առ զիս ար ՚ի հօտից. և ասէ ցիս ար, գնա՛ դու և մարդարէաց ՚ի վերայ ժողովրդեան ի մում իտրայէլի ||: Աւ դարձուցեալ զբան իւր առ ամասիա՛ ասէ. Աւ դու ամասիա, որ արգելուս զիս չմարդարէանալ ՚ի վերայ իտրայէլի, լուր զոր ասեմս յանուն ար նոյ իմոյ վասն տան քո. կին քո պողնք

կեսցի, և պոռնկութի նորա վատանուն արասցէ զտուն քո առաջի ամենայն ժողովրդեան քաղաքիդ. ուստերք քո և դստերք քո սրով անկցին. և ինչք քո և ստացուածք յափշտակեսցին. և երկիր քո լարաբաժին բաժանեսցի 'ի մեջ թշնամեաց. և դու մեռցիս յերկրի անթլփատից. և իսրայէլ գերելով գերեսցի յերկրէ իւրմէ :

Այս գերութի իսրայէլի կատարեցաւ անվրէպ ըստ բանի մարգարէին. որպէս ունիմք տեսանել զինի յընթացս պատմութեց Եբ գրոց : Ամանապէս և մարգարէութիւն որ վասն տանն ամասիայ քրմին հաւաստի է՝ թէ ել 'ի գլուխ անվրէպ. թէպէտ չիք որոշ նշանակեալ 'ի գիրս : Ասն զի պատգամք տն զհանդերձելոց այնպէս ստոյգ են, որպէս այն՝ զոր ընթեռնումք զանցելոց իրաց 'ի պատմութիս : Ամովս զմարգարէութիւն իւր գլխաւոր՝ նախապատմելով գերջանկութի ժողովրդեան զինի գալըստեան մեսիային. ուր յայտնի խօսի զհաւատացելոց եկեղեցւոյն քօի : Իսկ թէ որով մահուամբ կնքեաց զկեանս իւր՝ չունիմք 'ի Եբ գրոց. բայց հին աւանդութիւն է հարց, թէ ընկալեալ նորա մահացու վերս յորդոյ ամասիայ քրմի, թերեւս սակս յայտնի 'ի դէմս նորա գուշակելոյ զթշուառութիս որ հանդերձեալ էր հասանել 'ի վերայ տան նորա, խոյս ետ մարգարէն յերկիրն յուզայ 'ի թեկուա 'ի հայրենի քաղաք իւր բժշկիլ. այլ անբուժելի դողով վիրացն զոր վիրաւորեցաւ 'ի բեթէլ վասն փառաց տն Եյ, մեռաւ անդ, ընկալեալ 'ի տնէ զպսակ մարտիրոսութե :

Յաղագս յովելայ որդոյ բաթուէլի, ինչ ոչ գիտեմք. զի ոչ ինքն խօսի ինչ զանձնէ 'ի մարգարէութիս իւր, և ոչ յայլ տեղիս Եբ գրոց գտանեմք յիշատակութի ինչ զնմանէ : Արգարէութիք նորա ուղղեալ են միայն առ երկու ցեղս բենիամիսի և յուզայի. վասն զի կամ մարգարէացաւ յորժամ այլ ցեղք իսրայէլի էին յասորեստան 'ի գերութե, և կամ զի ոչ առաքեցաւ առ իսրայէլացիս. և յերկիրն յուզայ և եթ քարոզեաց : Ի՞նչ

վանդակ մարդարէ՛, ու թի՛ նորա և անընդհատ ինն յորդոր և կոչումն յապաշխարութի՛, առ ՚ի ցածուցանել զսրամտութի՛ բարկութե՛ն ինն . որ պատրաստեալ է սրով քաղդէացւոց , և այլովք պէտպէս հարուածովք հասանել ՚ի վերայ , և կորուսանել զնոսա . և թէ՛ ՚ի վերջին առուր աշխարհի գայցէն ար դատել զաշխարհ ՚ի ձորն յովսափատու : Արևի թէ իւրով բնական մահուամբ ննջեաց խաղաղութի՛ն ՚ի նոր . զի չիք ինչ հաստատուն աւանդութիւն վասն տարազու մահու նորա :

Գ Լ Ը Ժ Գ Կ

Յոշնան ճարտարէ :

Յոշնան որդի ամաթեայ , ծննդեամբ ՚ի գեթայ . ոչ ՚ի գեթ քաղաքէ որ յերկրին փղշտացւոց , այլ՝ որ յերկրին զաբուղոնի գեթ քութերայ կոչեցեալ , վասն որոյ և էր ՚ի ցեղէն զաբուղոնի , և ոչ փղշտացի : Այս ծանօթութի՛ն զոր ինքն տայ զանձնէ , միացեալ ընդ այնմ զոր ընթեռնումք զնմանէ ՚ի չորրորդ գիրս թագաւորաց , ցուցանէ թէ չէ հաւաստի կարծիք հրէից , որում զհետ չուքան և ոմանք ՚ի քրիստոնեայ մատենագրաց , թէ յոշնան իցէ որդի կնոջ այբւոյ սարեփթացւոյն , զոր յարոյց եղիա . և թէ հայր նորա էր արդիու հազարապետ աքաբու : Օանաղանութի՛ն անուանց և հայրենեաց , այլև բնական և սովորական հասակ ցուցանեն՝ թէ յոշնան և որդի կնոջն սարեփթացւոյ ոչ են նոյն : Վազումք բազում ինչ գրեցին յաղագս այսր մարդարէի . այլ չէ յայտ՝ թէ յորոց աղբւրաց առին զգրեալսն . նմին իրի զանց արարաք ըզնորօք : Վակ ինքն յոշնան կամ լոկ զմարդարէութիւն որ վասն նինուէ քաղաքին գրեաց , և կամ՝

ձին, կամ գուցէ և յերբայեցւոց քարկածեսցի իբրև սուտ մարգարէ :

Վ. յս սէր պատուոյ այնչափ զօրացաւ 'ի նմա, մինչև հաստատել 'ի մտի՝ ելանել մեկնիլ յերկրէն իսրայէլի, և փախչել անկանել յերկիր հեթանոսաց, կարծելով թէ անդ ոչ ևս խօսեսցի ընդ նմա անձ : Վ. յսպիտի խորհրդով էջ 'ի յոսպէն՝ մտանել յառաջին նաւն, զոր գտանիցէ 'ի նաւահասանդատի անդ երթալ ուր և իցէ՝ միայն թէ ելցէ յերկրէն հրէաստանի և մի հարկեսցի երթալ անտի 'ի նի. նուէ յոր ունէր գնալ ցամաքաւ : Ազիտ անդ նաւ մի պատրաստ երթալ 'ի թարշիշ. խօսեցաւ ընդ նաւաղեափին, ետ կանխիկ զվարձս նաւուն, և եմուտ 'ի նա երթալ 'ի թարշիս : Վ. յլ ունայն են խորհուրդք մարդկան՝ յորժամ խորհին ընդդէմ կամացն այ. անձ կամէր՝ զի երթիցէ 'ի նիւնուէ, և ոչ 'ի թարշիս : Վ. յն ինչ արձակեցաւ նաւն 'ի նաւահասանդատէ անտի, ահա եւ հողմ սաստիկ, և յարոյց մըրիկ մեծ 'ի ծովուն, մինչև 'ի յետին վտանգ խորտակման անկանիլ նաւուն. և թէպէտ ընկեցին 'ի ծով զկարասին որ էր 'ի նաւին, զի թէ. թեացուցեն, այլ ոչինչ օգտեցան. վասն զի ծովն ևս քան զևս սաստկանայր : Վ. մենայն նաւավարք 'ի տագնապ առաջիկայ վտանգին բմբունեալք՝ փութային զամենայն հնարս 'ի վար արկանել 'ի զեր. ծուցանել զնաւն և զանձինս. և նաւորդք առ հասարակ աղաղակէին՝ ուխտս գնէին առ իւրաքանչիւր աստուածս իւրեանց. մի միայն յովնան կամ յահէ ծովուն՝ զի մի տեսցէ զամեհիալիս. և կամ 'ի ներքին սաղտանաց սրտին, թէ արդարև ինքն իցէ պատճառ այն ամենայն թշուառուէց, էջ 'ի խորշ մի նաւին, և 'ի խորին արամուր ընկզմեալ՝ ննջէր անդ և խորդայր : Տեսեալ զնա նաւաղեափին, մինչ աստ անդ շրջէր զննել զնաւն՝ մի թէ իցէ՞ ուրեք վտանգեալ, զարթոյց յանդիմանելով, թէ ոչ է ժամ ննջելոյ. այլ որպէ՛ս այլք, նոյնպէ՛ս և նա օգնեսցէ գմնէ աղօթիւք. * զինչ է այդ ասէ՛ զի ննջէս և խորդաս. արի կարգա՛ զոր անձ քո,

Թերևս ասրեցուցէ զմեզ անձ և մի կորիցուք ॥ :

Էտ այսր ամենայնի տեսեալ նաւազարոց , զի ալէկոծու թին այն անցանէր զանցանէր քան զսու վորական ընթացս բնութեան , իմացան կամ գէթ կասծակ կալան՝ թէ իցէ 'ի պատիժ ուրուք 'ի նուցանէ որք կան 'ի նաւի անդ : Ասն այնորիկ միաբանեալ՝ արկին վիճակս գտանել զմեղապարտն : Ա՛ծ թոյլ տայ երբեմն միամտական գործողութե , ևս և հեթանոսական մնապաշտութե՝ հասանել վախճանի իւրոյ , անհաս իմաստութե իւրով զտխմաբութի և զմեղս սյլոց ծառայեցուցեալ իւրոց կաւմաց կատարման : Այլ վիճակն յովանու . յառեան կոչեցին զնա . հարցին և ասէն . պատմեա՛ մեզ , վասն էր են չարիքս այս մեզ , զի՞նչ արուեստ է քո , ուստի՞ դաս , կամ յո՞ երթաս , յորմէ՞ աշխարհէ ես , կամ յորմէ՞ ժողովրդենէ : Այտ պատասխանի մարդարէն , ծառայ ան եմ ես , և զոր երկնից պաշտեմ , որ արար զձով և զցամաք . և ապա ետ առաջի նոցա համար զանձնէ զոր ինչ արար . յորմէ իմացեալ արանցն՝ եթէ յերեսաց ան այ իւրոյ վախուցեալ է՝ առ չհնազանդիլ նմա , զահի հարան յոյժ ամենեքեան , թէ զիարդ իշխեաց սուսնէլ զայն . զի՞նչ գործեցեր ասէն զայդ : Այլ ինքեանք ոչ իշխելով սահմանել ինչ վասն նորա , զնա ինքն կացուցին դատաւոր և վճռատու 'ի վերայ անձին , զի՞նչ արասցուք քեզ ասէն , զի դադարեցէ ծովս 'ի մէնջ : Այտ պատասխանի մարդաւրէն , և ասէ . գիտեմ ես , եթէ վասն իմ է մորիկս այս մեծ 'ի վերայ ձեր . արդ՝ առէք և ընկեցէք զիս 'ի ծովդ . և դադարեցէ 'ի ձէնջ ծովդ :

Այլ նոյն հետայն կորուսանել զայրն՝ որ չէր ինչ նոցա մեղուցեալ , ծանր էր . վասն որոյ յառաջ քան զգործադրութի վճռոյն՝ ջանացան զամենայն հնարս հնարել , զի թէ մարթ ինչ իցէ , առանց կորուսանելոյ զայրն՝ ձգեցեն զնաւն ուրեք յերկրս ծովու 'ի ցամաք : Այց 'ի զուր . զի յոր կողմն և ջանային դարձուցանել զնաւն , լեռնացեալ ալիք ջուրցն ընդ առաջէլեալ՝ յետս կոյս վա .

րէին զնաւն և վաանդւին : Յայնժամ ապա յամե-
նայն մարդկորէն հնարից հատեալ զոյս իւրեանց ,
առին զյոջնան , և ամբարձեալ զձայն յերկինս 'ի
վեր՝ ազաղակեցին առ տր ասելով , մի համարեցիս
տր մեզ 'ի մեզս զմահ առս սյտորիկ . ոչ առնեմք
մեք զայս դմա առ ատելութե , զի չէ ինչ մեղուց-
եալ մեզ . այլ գու տր ամենակալ այսպէս կամեցար
և արարեր : Օ այս ասացեալ ընկեցին զմարդա-
րէն . և հազիւ թէ հասեալ էր նա 'ի ծովն , առ
ժամայն դադարեաց հողմ , և խաղաղացաւ ծովն
'ի խռովութի : Օ այն տեսեալ նաւավարաց , եր-
կեան երկիւղ մեծ ամենեքեան 'ի տնէ , և նոյն
ժամայն մատուցին նմա զոհս . և ուխտեցին յետոյ
առնել այլ ևս զոհս և ողջակէզս բազումն տն տոյ
բարձրելոյն : 'Ի նմին ժամու՝ յորում ընկեցաւ յով-
նան 'ի նաւէ 'ի ծով անդր , առաքեաց տծ վիշապ
ձուկն մի պատրաստական , որոյ բացեալ զհազարին
ժանիս իւր՝ 'ի մի պատառ եկուլ զնա . ոչ խոցեաց
ատամամբք , և ոչ աղձատեաց բնաւոր ջերմութի
ստոմաքաց . վասն զի տծ կամէր բմբռնել զյոջնան
կենդանի , և ոչ մեռեալ . կամէր խրատել , և ոչ
կորուսանել :

Վկայ մարդարէն 'ի զարհուրելի բանտի անդ
յաղջամիջին խաւարի զերիս տիւս և զերիս գիշե-
րըս . և եղև նմա պորտ ձկանն որպէս փառար լե-
բանց տեղի ապաշխարութե , և տաճար ջերմ մար-
դարէական աղօթից և խնդրուածոց : Օ գոյր
զչարժ մուսն կենդանի բանտին . որ է՝ զի 'ի վերամ-
բառնայր , և է՝ զի յանդունդս իջանէր , մերթ յայս-
կոյս և մերթ յայնկոյս 'ի լեղ անկեալ թափուէր
ընդ համատարած ծովն . մինչև հուսկ յետոյ զկնի
երից աւուրց տունջեան և գիշերոյ եհան ըստ հրա-
մանի տն վիշապ ձուկն զաւանդն յանձնեալ նմա
'ի տնէ 'ի ցամաք ողջ և անարատ : 'Ինդ եգիտ
տծ զյոջնան . և նորոգեաց առ նա զպատուէրն
զառաջին քարոզել 'ի նինուէ քաղաք մեծ . իսկ
մարդարէն այն ինչ ազատեալ յահարկու բանտէն՝
չիչեաց միւսանգամ խոյս տալ 'ի պատրաստա-

կան հնազանդութիւն : Սնաց և եմուտ 'ի քաղաքն մեծ . որոյ գլխաւոր փողոցն 'ի միոյ դրանէ մինչև ցմիւս դուռն երկայնէր զինուորական գնացս հետեակ զօրաց իբր երկց աւուրց ձանապարհ . այսինքն քսան և չորս մղոն աշխարհազորական : Աւր ոչ ուղիղ հետեւեցուցանեն ոմանք , թէ ուրեմն բոլոր շրջապատ քաղաքին էր վաթսուս և երկու մղոն . զի ոչ զօրէ աստ կանոնն համեմատական 'ի տրամագծէ առ շրջապատն . որովհետև ոչ գիտեմք թէ մեծ փողոց քաղաքին ծագէ 'ի ծագ ուղիղ էր արդեօք , եթէ ուրեք ուրեք խոտորնակ , կամ բուրրաձև . նա զի՝ գոլով առննթեր տիգրիս գետոյ , հաւանական երևի թէ ըստ դրից և ընթացից գետոյն ուրեք ուղիղ , և ուրեք խոտորնակ ձգեալ իցէ և քաղաքն , 'ի վայելել զօգուտ գետոյն , և զբարեշունչ օդոյն քաղցրութիւն , և զգուարձութիւն գետեղերեսոյ :

Յայս քաղաք մեծ եմուտ յոմանն , և օր մի յառաջ գնացեալ՝ սկսաւ քարոզել ահեղ սպանատիւօք , թէ յետ երկց , կամ ըստ այլոց՝ քառասուն աւուրց նինուէ կործանեցի : Ապառնալիքն , միանգամայն և համբաւ սքանչելեաց կլանելոյ վիշապ ձկանն զյոմանն , և յետ երկց աւուրց ողջանդամ հանելոյ զնա 'ի ցամաք , զոր պատմեաց նոցա . զոր և բան փրկչին ակնարկէ , յասելն՝ * Արտէս եղև յոմանն նշան նինուէացւոց ॥ ԴՊԷ . ԺԹ . 50 . ազգեցին յոյժ 'ի սիրտս որոց զառաջինն լուան 'ի մարգարէէն . որք և 'ի զեղջ հարեալ՝ եղեն և այլոց քարոզ : Իսկ մարգարէն յառաջէր քարոզելով . և ըստ բազմանալոյ լսողացն՝ բազմանային և քարոզիչք և յորդորիչք միմեանց յապաշխարութիւն առ 'ի հաշտեցուցանել զո՞ր յոր հաւատացին : Եւ այնպէս բորբոք սք ապաշխարութիւն վաղվաղակի սիւսեալ ընդ քաղաքն ողջոյն՝ ամենեքեան քուրձ զգեցան 'ի մեծաց ցփոքունս : Եւ հաս բան քարոզութենն յովնանու , և ապաշխարութիւն ժողովրդեան յարքունիս . թագաւորն ինքնին զհետ երթեալ օրինակի ժողովրդեան , և իւրով օրինակաւ հաստատելով զժո .

զովուրդն , էջ յաթուոյ իւրմէ , և մերկացէալ զարքայական պատմութեան իւր՝ զգեցաւ քուրձ , և նրստաւ 'ի վերայ մխրոյ : Այլ խորհրդով մեծամեծաց իւրոց հրամայեաց խիտ սրահս՝ աւուրս երիտ մի ինչ ձաշակել բնաւ , և մի ջուրըմպել . և ոչ այսչափ միայն , այլ զի և քրձագգեաց լինիցին եթէ ամենայն մարդ մեծ և փոքր , և եթէ ամենայն անասուն , խաչն և արջաւ . յուսալով թէ գթացի անձ , և դարձցի 'ի սրտմտութի բարկուէ իւրոյ , տեսեալ զի զանբան անասունս իւրեանց՝ որք չեն մեղանչական , կցորդ սպաշխարութեան իւրեանց արարին , մինչ և 'ի վերայ անասնոց քուրձ ցնցոտի արկանելով . որպէս և առ մեօք սովորութի է 'ի վերայ երիվարաց սեաւ ծածկոյթ արկանել 'ի նշանակ սոյ մեծի :

Հաւատի է , թէ դարձ և սպաշխարութի նիսուէի եղև ճշմարիտ և 'ի կատարեալ սրտէ . զոր այնպէս քարոզեն սբ հարք , ևս առաւել փրկին մեր յիւրում աւետարանի . զնոյն գասնեմք և 'ի պատմութի անդ մարդարէին , եթէ հաւատացին նինուէացիք 'ի ճշմարիտն անձ . ազդեցաւ 'ի նոսա և յոյս գերբնական յանսահման ողորմութի ան . ո՞ր գիտէ ստեն՝ սպաշաւեցոյն , այսինքն դարձցի անձ մարդասիրութի 'ի բարկուէ սրտմտութե իւրոյ , և մի կորիցուք : Այնպէս վառեցաւ 'ի նոսա և սէր առ անձ . զոր ցուցանէ սուգն հասարակաց հանդերձ խտամբեր սպաշխարութի և կսկծանօք սրտի յազագս մեղանչելոյ ընդդէմ նորա : Օյ ոչ միայն 'ի կերակրոյ 'ի բաց հրաժարեցան , այլ և 'ի մեղաց . և ոչ լոկ զհանդերձս փոխեցին , այլ և զվարս : Ատես անձ (սակ գիրն) զգործս նոցա , զի դարձան իւրաքանչիւր 'ի ձանսպարհաց իւրեանց չարաց : Աւստի և անձ՝ որ սպառնայ յառաջագոյն զհարուած առ 'ի հարկանել , ըստ մերս իմանալոյ խօսելով՝ դարձաւ 'ի դառնալ նոցա , և ոչ արկ 'ի գործ զսպառնալիս , որ չէր կարգեալ յերդունն նինուէի , եթէ ոչ 'ի յամառիլն նոցա 'ի չարիս իւրեանց :

Ս' ե՞ծ և անպատմելի պարտ էր լինել ուրախու-
 թեն յովնանու ընդ այն առաքունն իւր , և յնձա-
 լից խնդութի օրհնել զանսպառ ողորմութի տն ,
 տեսեալ զքաղաքն զայն բազմաժողով լի ամենայն
 չարեօք՝ ՚ի ձեռն քարոզութեան իւրոյ ՚ի սահա-
 աւուրս հաւատացեալ յնձ և սրբեալ ՚ի մեղաց :
 Ընդ մեծագոյն ուրախութի նախանձայոյց հոգե-
 սէր քարոզչի , քան յորժամ տեսանիցէ պարզեւել
 նմա նոյ ՚ի վարձ իւրոյ վաստակոց ժողովուրդ-
 սրբեալ ՚ի մեղաց : Բայց յովնան տակաւին զանձինն
 խորհելով , քան նախանձախնդիր հոգւոյ լինելով ,
 արար իւր պատճառս անբերելի արամութե զայն ,
 զոր այլք մեծի յնձութե պատճառս համարելին :
 Կանր թուեցաւ նմա այն հանրական ապաշխարու-
 թի . ոչ իբր թէ կամէր զի նինուէ յիւրում ամ-
 պարշտութե մնացէ , այլ զի խորհէր թէ պատիւ
 իւր մեծապէս անկանէր , և առաջի մեծի քաղա-
 քին և համօրէն աշխարհի իբրև սուտ մարդարէ-
 երևէր , եթէ զկնի երկց կամ քառասուն աւուրց
 նինուէ ոչ կործանեցի : Այլ յայնմանէ այնչափ
 տկարութի երևեցոյց յանձին , մինչև արտնջել
 առաջի նոյ տարապայման ընտանութի , և յայտնի
 խոստովան լինել , թէ վասն այնորիկ անապարեաց
 փախչել ՚ի թարշիս , զի մի ստիպեցի երթալ ՚ի
 նինուէ . և թէ այժմ ընտրելի է նմա մահ , զոր և
 խնդրեաց իսկ ՚ի տնէ , քան զայն անպատիւ կեանս .
 Վ՛ղ տր՝ ասէ , ոչ այս այն բանք են իմ , մինչ էի
 անդէն յերկրին իմում . վասն այնորիկ անապարե-
 ցի փախչել ՚ի թարշիչ , զի գիտէի թէ ողորմած
 էս դու և գթած , երկայնամիտ և բազումողորմ ,
 և զղջանաս ՚ի վերայ չարեաց : Այլ արդ՝ տր տր՝
 առ զողի իմ յինէն , զի լաւ է ինձ մեռանել քան
 թէ իցեմ կենդանի ॥ : Այտ նմա տր պատասխանի ,
 և ասէ . արդարև յոյժ արտմեալ իցես . իբր ասել ,
 մեւտ ՚ի ներքս ՚ի քեզ , և լաւ ևս խորհեաց , և
 ծանիցես զի դժպատեհ է արտմուիդ : Այլ յոր-
 ժամ ոք թոյլ տայ տիրել անձին կրկից իմիք , եր-
 թայ այնուհետև յոր վարէ զնա կիրքն . ոչ ևս խոր-

Տի բատ ուղիղ բանի , որում սարտ էր լինել նմա
կանոն :

Այլ յովնան 'ի քաղաքէն , և արարեալ իւր հո-
վանի' (թերևս զվերարկուն՝ կամ զայլ ինչ 'ի հան-
դերձից իւրոց կախեալ զիմեքէ) առ 'ի փոքր մի
սրատսարիլ 'ի շողոյ արեգական , նստաւ ընդ նո-
վաւ յանդիման քաղաքին՝ տեսանել զկատարած նո-
բա . որով ցուցանէ թէ տակաւին չէր հաստատեալ
'ի մտի , թէ ոչ կործանեցի : Այլ ահա յանկարծա-
կի 'ի նմին գիշերի բուսոյց անձ սքանչելեօք բոյս մի
առ նովաւ ոստալից և լայնտոբրե , առ մեզ ան-
ծանօթ , (զոր եօթանասունք դդմենի թարգմա-
նեն , լատինք որպէս և սիմաբոս և այլք՝ բաղեղն ,)
առ 'ի լաւ և ս հովանի առնել մարդարէին , և զս-
վացուցանել զնա 'ի տառապանաց իւրոց . ընդ որ
ուրախ եղև յոյժ յովնան : Այց համառօտ եղև ու-
րախութի նորա . քանզի 'ի յաջորդ գիշերի բատ
անօրինելոյ ան որդն վնասակար կրծեալ զարմանն՝
ցամաքեցաւ բոյսն . և ընդ առաւօտն ետես յովնան
զի ահա ցամաքեալ էր դդմենին , և ինքն գտաւ
զուրկ 'ի զովացուցիչ հովանւոյ անտի նորա : Այլ
առ առաւել ձմէցուցանելոյ ան զսիրտ նորա ընդ
կորուստ դդմենւոյն , 'ի ծագել արևու՝ յաւել անձ
'ի շող նորա և խորշակ հողմ՝ տապախառն . և յով-
նան 'ի կրկնապատկեալ տապոյ անտի շողոյ արե-
գական , և հրատապ խորշակի կայր նուաղեալ , և
քաղէին ոյ իք նորա . և առ չհանդուրժելոյ անբե-
րելի տապոյ , վերստին մահ խնդրէր անձին . * | ա-
կը ինձ ասէ մեռանիլ , քան զայս կեանս իմ :
Ասէ ցնա անձ , թէ արդարև յոյժ տրտմեալ իցես .
ասէ յովնան . յոյժ տրտմեալ եմ մինչև ցմահ :
Յայնժամ անձ իբրև քաղցրագութ վարդապետ ,
անուշակ՝ բայց միանգամայն սզդու յանդիմանուի
արար նմա . դու ասէ այդչափ տրտմեցար , մինչև
մահ անձինդ խնդրել ընդ կորուստ դդմենւոյդ .
յոր չեղեր ինչ աշխատ . ոչ տնկեցեր , ոչ սնուցեր ,
և ոչ խնամեցեր , 'ի գիշերի ել , և 'ի միւս գիշե-
րի կորեալ : Արդ՝ իցէ՞ քեզ արժան կամիլ՝ զի ես

կործանեցից զնինուէ քաղաք մեծ , յորում կան
ուելի քան հարիւրքսան հազար ողիք , որք ոչ
ծանեան զչարութիւն . այսինքն անմեղ տղայք . և
ընդ նոսա անասուն բազում ամեղանչականք և ան-
կարողք գործել ինչ ընդդէմ կամաց իմոց :

Աստ կատարի մարգարէութիւն յովնանու . ցան-
կալի էր , եթէ թողեալ էր մեզ գլուխ , եթէ զինչ
տարազ զգեցաւ նինուէ յետ այսր հանրական ա-
պաշխարուէ : Ասկայն եթող մեզ ուսումն կարեւո-
րագոյն քան զայն օրինակաւ անձին՝ ՚ի միտ առ-
նուլ թէ յոր վայր հասուցանէ կիրքն զմարդ թէ-
պէտ և բարեպաշտ , յորժամ զճետ երթայ այնմ :
Իյորչիլ յովնանու զառաջինն ՚ի քարոզելոյ նին-
ուէացոց՝ ՚ի սկզբան անդ էր լսի սնտաի իմն
մարդկօրէն մտածութի , զոր պատճառէր առաջի
նյ՝ իբր որդիական համարձակութի տարադէպ
վարեալ . այլ զճետ երթալով այնմ՝ անկաւ յանհր-
նազանդութի . ապա ՚ի յամառութի . անտի յան-
գթութի . անտի ՚ի յանդգնութի . և յետոյ ՚ի յու-
սահատութի ՚ի մարմնաւոր կենաց : Աայց հաւատ-
տի է թէ յետոյ ուղղեաց զամենայն . և դասեցաւ
՚ի կարգ այլոց որ մարգարէից , զորս տօնէ եկե-
ղեցի քսի : Իսկ զի այն ամենայն օրինակաւ անցա-
նէր՝ յօրինակ թաղման փրկչին և յարութի , և ՚ի
տարացոյց մարգասիրութենն նյ ՚ի վերայ ապաշխա-
րողաց :

Այլ թէ ո՞վ էր յայնժամ թագաւոր ասորես-
տանեայց նստեալ ՚ի նինուէ , լէ մարթ գիտեւ
վասն զի ոչ գիտեմք որոշ զժամանակն քարոզելոյ
յովնանու ՚ի նինուէ . և ոչ նշան ինչ հիմնական
ունիմք ուրէք ՚ի նք գիրս , յորմէ մարթ իցէ գու-
շակել զճմարիտ ժամանակն : Աւսերիոս ասէ ,
թէ էր սարգանաբաղոս , որ և կոչի թոնոս կոնկո-
ղերոս . նոյնպէս համարեցան և այլք բազումք .
բայց առանց հաւատտի հիման : Աոյնպէս և այն՝
զոր միաբան ասեն արտաքին պատմիչք , թէ վեր-
ջին թագաւոր նինուէի և ասորեստանեայց եղև
սարգանաբաղ , չունի ցուցանել , թէ արդարև

այն սարգանաբաղ իցէ, որ դարձաւ և ասաշխա-
րեաց, և ասպա անդրէն յառաջին ամսարշտուածին
կործանեցաւ, եթէ այլ ոք. քանզի զկնի ասաշ-
խարուն նինուէի մինչև 'ի կործանումն նորա, և
ցբարձումն թագաւորութեան ասորեստանեայց՝
բազում ամբ անցին. յորս բազմաց մարթ էր թա-
գաւորել: Այլ զայսմանէ ունիմք խօսիլ և զկնի:

Գ Լ Դ Դ

Օտարիա. Սեղոամ. Սանայեմ. Փախէաս, և
Փախէէ Լագաաորի Իսրայելի. և Յովամամ արքայ յու-
րայ:

Յետ մեռանելոյ յերթովամայ երկրորդի՝
որդւոյ յովատու յամի քսաներորդի և Տինգերորդի
ոգիաց արքայի յուգայ, 'ի մեծի խռովութե մնաց
թագաւորուն իսրայելի: Բազմացան գահասերք
հետամուտք աթոռոյ թագաւորութե. յաճախե-
ցին դարանք, գաղտ գաշնակցութիք և երկպառա-
կութիք, այնչափ՝ զի հազիւ յետ երեքտասանամեան
աշխատութեց մարթացաւ զաքարիա որդի նորա՝
և ոչ թուն՝ նստիլ յաթոռ հօր իւրոյ: Այլ այն
պէս յամին երեսներորդի ութերորդի ոգիայ ար-
քայի յուգայ յաղթեալ ամենայն դիմադրութեց,
թագաւորեաց 'ի վերայ իսրայելի 'ի սամարիա:
Բայց համառօտ եղև թագաւորութի նորա. քան-
զի սեղոամ որդի յարիսայ որսացեալ գաղտաբար
իւր թիկունս արս սիկարեանս՝ նորօք յարեաւ 'ի
վերայ նորա՝ ոչ 'ի ծածուկ, այլ 'ի հրապարակի, և
այնպէս հարին զնա յանդիման ժողովրդեանն և
ստանին: Աւստի հազիւ ամիսս վեց թագաւորեաց
զաքարիա 'ի վերայ իսրայելի: Անա լրացաւ խոս-
տումն զոր խոստացաւ ինր յէնուայ, թէ որդիք նա

բա ցչորրորդ ազգ-նօտիցին յաթոռ թագաւորու
թի խորայէլի. որք եղեն յովաքազ, յովաս, յերո-
բովամ երկրորդ, և զաքարիա վերջին թագաւոր
յորդանոց յեւայ :

Սեղզում ատրասպանն ան զթագաւորութիւն
նորա. բայց ոչ նոյնհետայն, այլ 'ի յաջորդ ամի
երեսներորդի իններորդի ողիայ արքայի յուգայ .
յորմէ երևի թէ և նա 'ի սկզբան անդ ոչ սակաւ
գիմարութիւն կրեաց առ 'ի ձեռս բերել զթագա-
ւորութիւն : Այլ որպէս աւազակութիւն յափշտա-
կեաց, նոյնօրինակ աւազակութիւն կորոյս փութա-
նակի. ամիս մի և եթ թագաւորեալ 'ի սամարիա :
Վանգի մանայեմ թերսացի որդի գաղղայ եկեալ
'ի սամարիա՝ յարեալ 'ի վերայնորա և սպան զնա,
և ան զթագաւորութիւն նորա : Ալ զի բնակիւք
թերսոյ քաղաքի ոչ կամեցան բանալ առաջի նորա
զգուռն քաղաքին, և առ զնա բռնութիւն. և յայն
գաղանական կատաղութիւն եհաս, մինչև զամենե-
ւան որք գտան ոչ միայն 'ի քաղաքի անդ, այլև
յամենայն սահմանս նորա շուրջանակի՝ առ հասա-
րակ 'ի սայր սուսերի կոտորել. ոչ ինայելով՝ ոչ
'ի ծերս, ոչ 'ի մանկուս և ոչ 'ի կանայս. մինչ
նաև զյղիս պատառել՝ զմայրն ընդ մանկան յար-
գանտի կոտորելով : Ալ ապա առ հաստատելոյ
զթագաւորութիւն 'ի ձեռին իւրում՝ ետ փուայ ար-
քային ասորեստանեայց հազար տաղանդ արծա-
թոյ, լինել նմա օգնական : Ալ փուա և եկն պնդա-
կազմ բանակաւ յերկիրն իսրայէլի, և նուաձեաց
զթողովուրդն իսրայէլի ընդ հնազանդութիւն նորա :
Բայց յետ կոչելոյ զնա արծաթով, հարկ եղև նոյն
պէս արծաթով արձակել : Օ որք օտար արութեց
կամակար նստին յերկրի բարեկամին, ուր պատ-
րուակաւ պաշտպանութիւն գտիրականն վարեն զիշ-
խանութիւն : Ար խորհի կոչել յերկիր իւր զօրս
օտարս, սարտ է նմա միանգամայն և զայն խոր-
հել, թէ զիարդ կարիցէ հանել զնոսա : Սա
նայեմ առ զերծանելոյ 'ի զօրացն ասորեստան-
եայց զօրս կոչեաց յերկիր իւր, եզ նոր հարկս

վերայ ամենայն մեծամեծաց երկրի իւրոյ յիսուն սիկղ արծաթոյ առ այր մի . և փուռ շատացեալ այնու՝ եհան զգօրս իւր յերկրէն իսրայէլի , և դարձաւ յերկիր իւր : Ս՝անայեմ թագաւորեաց ամս տասն և ամիսս ինչ , և մեռաւ . և փոխանակ նորա թագաւորեաց ՚ի վերայ իսրայէլի փակէէ կամ փակէաս որդի նորա յամին յիսներորդի ողիայ արքայի յուդայ :

Սա թագաւորեաց ամս երկուս , և ոչ աւելի , ըստ երբայականին , և իւ սյուոյ . բայց մերս ընթերցուած ըստ հին յունականին և ըստ եւսեբեայ ունի ամս տասն : Սրպէս և իցէ՝ ոչ յերկար վայելեաց և սա ՚ի թագաւորութե . քանզի համանուն իւր սպարապետ զօրու նորին փակէէ որդի ռոմեայ գործակցութիւն արգոբայ , և արիւնայ՝ հանդերձ յիսուն արամիք ՚ի չորեքհարիւր գաղապացւոց , յարեաւ ՚ի վերայ նորա ՚ի սամարիա , և սպան զնա առաջի կամ յաշտարակի՝ տանն արքայի . և ինքն կալաւ զթագաւորութին իսրայէլի յամի յիսներորդի երկրորդի ողիայ արքայի յուդայ . և թագաւորեաց ՚ի սամարիա ամս քսան : Ս՝հա զայսօրինակ չարաչար կատարածիւ թագաւորեցին միմեանց զինի . չեղև բաւական բազմամեան փորձն , զի որ ՚ի նոցանէ փոխեցէ զսուտ և զամպարիշտ սկիզբն յերորոյնամայ որդւոյ նաբատայ , որ էր անհետ առնել զկրօնն ճմարիտ անսպաշտութե ՚ի թագաւորութի իւրմէ . ընտրելով աչօք բացօք կրել զամենայն չարիս , քան թէ փոխել զայն անօրէն մարդկային խոհեմութի : Օ՝նոյն կրեցէն միշտ թագաւորք , յորժամ ժողովուրդ նոցա ոչ առաջնորդեցի ՚ի վարս յուղիղ հաւատոյ : Ս՝ահապանք չեն միշտ բաւական ՚ի սպաշտպանութի . նա՛ բազում անգամ նոքին լինին թշնամիք , յորժամ ոչ խղճիցեն լինել անհաւատարիմ թագաւորի իւրեանց :

Յովթամ արքայ յուդայ չորիւք ամօք յառաջ քոն զմահ հօր իւրոյ սկսեալ էր վարել զթագաւորական իշխանութի , որպէս տեսաք ՚ի վեր անդր . բայց առ կենդանութիւն հօրն՝ ոչ անուանեցաւ թա-

գաւոր . այլ միայն զկնի մահու նորա : Ալ զի ողիւս
 թագաւորեաց ամն յիսուն և երկու, և ամիսս ինչ ,
 վասն այնորիկ սկիզբն թագաւորուէ յովաթամայ
 անկանի 'ի սկիզբն ամին երկրորդի՝ երկրորդին
 փակէի արքայի իտրայէլի : Ար յովաթամ ամաց քսան
 և հնգից 'ի թագաւորել իւրում . և եցոյց զանձն
 որդի հարազատ ողիւս հօր իւրում՝ ինչ միայն ըստ
 մարմնոյ , այլ և որ առաւել գովելի է՝ ըստ բարե-
 սպաշտութե վարուց . յամենայնի գնալով ընդ շա-
 լիզս ուղղութե հօրն , բաց յայնմանէ զոր ոչ ուղ-
 ղութի կոխեաց հայրն : Ալ միտեաց զձեռն յոճ-
 օտար . ոչ խառնակեաց զթագաւորական իշխանու-
 թինն ընդ քահանայականին . զի ոչ եմուտ 'ի ներ-
 քին կողմն տաճարին ծխել խոռնկս տն , որ քահա-
 նայից էր սեպհականեալ : * Արար ուղղութիւն
 առաջի տն՝ ասէ գիրն , ըստ ամենայնի զոր ինչ
 արար ողիւս հայրն նորա . բայց ոչ եմուտ 'ի տա-
 ճարն ॥ Բ . հայ . Ի . 2 : Ա 'ի ինչ է , որ փոքր մի
 մնայլ արկանէ անպաշտութե նորա . զի եթող
 զբարձունան ուր զոհէր ժողովուրդն , թէպէտ այ
 ճմարտի , բայց ընդդէմ հրամանի նորա : Ալ
 բազումք յայսմ մասին անբասիր առնեն զնա զէթ-
 'ի ծանր մեղաց . իբր զի դատեաց չունել բաւական
 զօրութի 'ի խափանել զայն հին և արմատացեալ
 մեղանչական սովորութի ժողովրդեան . որպէս և
 բազումք յիւրոց նախորդաց բարեպաշտ թագաւորք
 լուեցին վասն նոյն սպառնալի . միանգամայն և առ
 'ի չտալ պատճառս ժողովրդեան սովորելոյ զոհել
 'ի վերայ բարձանց՝ երթալ զոհել կոոց , 'ի բառ-
 նալ զսեղանս կանգնեալս 'ի պատիւ այ :

Յովաթամ էր կարի իմն յօժարեալ 'ի շինել
 շինուածս . զի գտեալ գանձ բազում ամբարեալ
 'ի հօրէ իւրմէ ընդ ժամանակս բազմամեան թա-
 գաւորութե իւրոյ , զամենայնն ծախեաց 'ի քա-
 րինս : Ա ինեաց զարեւելեան դուռն տանն տն մե-
 ծաշէն և հոյակապ . կանգնեաց բազում շինուածս
 'ի վերայ պարսպին երուսաղէմի 'ի կողմն որ կոչէր
 սիղայ : Առոյց ամբոցս և աշտարակս և զանազան

դաստակերտս 'ի լերինն յուղայ, և յանտառս, առաւել յերիտասարդական ջերմ յօժարութենէ մղեալ, քան թէ վասն հարկաւորութիւն: Անասնչափ մեծամեծ ծախուց յետոյ ծանրացաւ 'ի վերայ որդւոյ իւրոյ սքազու. որ գուցէ ոչ կրէր այնչափ չարիս յօտար թագաւորաց, եթէ զգանձն զայն ունէր 'ի ձեռին՝ ծախել 'ի պէտս կարևորս բազմացուցանելոյ իւր զօրս, զոր հայրն վասնեաց յոչ կարևոր ամբարտակս: Բայց և այն չեղև առանց տնտեսութիւն վերնոյն, որպէս զի որդին օտարացեալ 'ի բարեպաշտութիւն հօրն՝ զրկէսցի և յընչից նորա. և անկցի 'ի նեղութիւն կրել զարդար պատուհաս անօրէնութեց իւրոց:

Յովթամ յաջողութիւն և անվիշտ վարեաց զթագաւորութիւն իւր. * վասն զի՝ ասէ գիրն, պատրաստեաց զճանապարհս իւր առաջի տնն այ իւրոյ ॥ Է. Գ. Գ. Ի. 6: Աղեաց պատերազմ միայն ընդ արքային որդւոց ամենայ. բայց և այն սակաւատև. զի փութով նուաճեաց. և ընդ ամն երիս՝ ըստ եօթանասնից, կամ երկուս ըստ վուկադային՝ տային նմա ամենացիք 'ի միում տարւօջ հարիւր տաղանդ արծաթոյ, և տասն հազար քոռ ցորենոյ, և գարի տասն հազար քոռ: Թագաւորեաց յովթամ յերուսաղէմ ամն վեշտասան. և մեռաւ և թաղեցաւ 'ի քաղաքին դաւթի, թողեալ զթագաւորութիւն իւր որդւոյ իւրում սքազու:

Այսպէս արքայ յոգայ : Փակէէ արքայ իսրայէլի :
 Ասայի ճարճարէ :

Յետ մահու յովաթամայ արքայի յուդայ թա-
 գաւորեաց յերուսաղէմ 'ի վերայ յուդայ աքաղ որ-
 դի նորա ամաց քսանից . և զի ամբ վեշտասանք
 թագաւորութե հօր նորա յովաթամայ չէին լրա-
 ցեալ , վասն այնորիկ սկիզբն թագաւորութեան
 աքաղու լինի յամին եօթնուտասներորդի փակէի
 արքայի իսրայէլի : Աքաղ ամարիշտ գտաւ քան
 զամենայն թագաւորս յուդայ , ուստի և թշուա-
 ռական քան զամենեսեան : Ամոյծ յերկիրն յու-
 դայ զկուռս իսրայէլի , և զասորւոցն , և զասորեւ-
 տանեայց . և ընդ նոսա զամենայն հեթանոսական
 օրէնս անօրէնս և զպաշտամունս . մինչև ածել
 զմատաղ որդիս իւր 'ի մօտաւոր ձորն բենումայ , և
 անցուցանել 'ի վերայ սեղանակապուտ բոցոյ 'ի
 նշան մաքրելոյ և նուիրելոյ զնոսա կռոց գարշե-
 լեաց : * Այս (այսինքն աքաղ , ասէ գիր) զորդիս
 իւր անցոյց ընդ հուր ըստ գարշութե ազգացն ,
 զորս եբարձ ինր յերեսաց սրդւոց իսրայէլի ॥ . Գ .
 Բազ . ԺԴ . 3 : Աւր ասեն ոմանք , չէ մարթ երկուս-
 նալ՝ թէ աքաղ ոչ միայն 'ի վերայ բոցոյ անցու-
 ցեալ իցէ զորդիս իւր իբր 'ի սրբել և 'ի նուիրել
 զնոսա կռոց , այլև զոք յորդւոց իւրոց իրօք ողջա-
 կիզեալ 'ի պատիւ կռոց գարշելեաց . որ չարագոյն
 ևս է յոյժ յոյժ :

Սերեցունց նախագրեալ ժողովրդոց զկուռս
 փոխադրեաց աքաղ յերկիր իւր , և յերեցունց ևս
 հարաւ 'ի հարուածս մեծամեծս . մինչ զի եթէ ին-
 նոյ՝ յորմէ ապստամբեաց , չէր օգնեալ նմա , սպառ-
 սպուռ անհետանայր թագաւորութիւն յուդայ վասն

անօրէնութեց նորա : Առաջին սպասաւոր անձային արդարութե ընդդէմ արքազու եղև առսոն արքայ ասորուոց . որ եկն պնդակազմ գնդաւ . և անդրէն յինքն գրաւեալ զգամասկոս , զոր յառաջագոյն առեալ էին թագաւորք յուդայ , եմուտ պատերազմաւ յերկիր յուդայ . 'ի դիմի հարան երկու ճակատք . հարան և ցրուեցան զօրք յուդայ : Ասորիք աւար հարին զերկիրն , և տարան 'ի դամասկոս բաց 'ի գերեաց և աւար բազում :

'Ի դառնալ անտի արքային ասորուոց , յառաջ խաղաց փակէէ որդի ռովմելայ արքայ իսրայելի . արքազ ժողովեալ զցրուեալ զօրս իւր՝ ել ընդ առաջ նորս . բայց այս մարտ չարագոյն ևս եղև վասն նորա քան զնախընթացն . զի 'ի միում աւուր կորոյս զամենայն բանակ իւր՝ հարիւր և քսան հազար արանց զօրաւորաց անկեալ յասպարիզի անդ մարտին : 'Ինդ նոսս մեռան և ամասիա որդի արքայի , և եզրիկամ իշխան տան արքայի , և եղև անա փոխանորդ արքայի . զորս սպան զէքրի սպարապետ կորովի զօրավար յորդուոց եփրեմի : Այլ բաց 'ի բազմապատիկ աւարէն՝ զոր աւարեցին յերկրէն յուդայ , և տարան 'ի սամարիա , գերեցին երեք հարիւր հազար կանայս , և զուստերս և զգաստերս : Անաց գրեթէ 'ի յետին ամայութեան երկիրն յուդայ . այլ անձ՝ որ սովոր է ընդ արդարութե խառնել և զողորմութի , մինչ ասանէին զբազմութին զայն եղկելի գերեաց 'ի սամարիա՝ անօրինեաց ելանել ընդ առաջ յաղթական զօրուն մարգարէի միոյ ովգեդ անուամբ . որ խօսեցաւ առ նոսս յանուն նոն , և ասէ . Ահա տր ետ ձեզ զյաղթութիդ զայդ մեծ 'ի վերայ եղբարց ձերոց , զի մեղան և բարկացուցին զնա . և դուք ասէք ստանալ զգոսա 'ի ծառայս և յաղախնայս : Այլ լուարնութ ինձ . դարձուցէք զգոսա անդրէն 'ի տեղիս իւրեանց . սպա թէ ոչ՝ ահաւասիկ վկայեմ ձեզ , զի սրտմտութի նոն լինի 'ի վերայ ձեր : 'Ի բանից աստի մարգարէին իշխանք ոմանք յորդուոց եփրեմի 'ի գութ շարժեալ , խօսեցան առ զօրն .

և նորա զիջեալ բանից իշխանաց՝ յանձն արարին զգերութիւն և զաւարն ՚ի կամս նոցա : Յայնժամ՝ յարեան ամենայն արք գլխաւորք՝ որք կոչեցան յանուանէ , և խնամարկութիւն արարին գերեաց , զմերկան զգեցուցին , ագուցին նոցա կօշիկս . զտկարսն օծին իւղով . և կերակրեցին զնոսա լիււ լիւր . և զտկարսն եղեալ ՚ի վերայ դրաստուց՝ տաւրան զամենեսին զնոսա յերիջով քաղաք արմաւենեաց առ եղըարս իւրեանց . և արձակեցին երթալ իւրաքանչիւր ՚ի տեղի իւր : Այս ամենայն գթասիրութիւն զոր ցուցին ՚ի վերայ գերեացն , ոչինչ ծանրացաւ ողորմածացն այնոցիկ . զի ոչ յիւրեանց ընչից , այլ յաւարէ անտի արարին զամենայն :

Իբրև մեկնեցան իսրայէլացիք , հասին եդով . մայեցիք և փղշտացիք : Ադովմայեցիքն աւազակեցին ՚ի հարաւակողմն երկրին յուդայ , ուր չէին հասեալ զօրք ասորւոց և իսրայէլացւոց . իսկ փղշտացիք յարձակեցան ՚ի դաշտային քաղաքս ՚ի հարաւակողմն երկրին յուդայ : Աստ՝ ուր մերսընթեռնու , լէֆէաշէ , ՚ի յոյնն ասի ՚ի լէֆիոյ կամ՝ յաֆրիոյ յորայ , իմա՝ ՚ի հարաւոյ կողմանէ . զի լիբիա անկանի ընդ հօրաւ երկրին յուդայ : Արդ՝ յայն կողմն դիմեալ փղշտացւոց , աւին զբեթսաւ միւս , և զայելոն , և զգադերովթ , և զսոկքով և զգեօղս նորա . և զթամնա և զգեօղս նորա . և զգամեզեր և զգեօղս նորա , և բնակեցուցին ՚ի նոսա յազգէ իւրեանց :

Այր քաղ ՚ի տագնապ մեծ՝ տեսեալ , զի յամենայն կողմանց յառնէին թշնամիք , և ինքն ոչ դրամն ունէր և ոչ զօր բաւական : Այւ առաւելաւ տագնապ նորա , յորժամ ազգ եղև նմա , թէ ուստն արքայ ասորւոց , և փակէէ որդի ուովմելայ արքայ իսրայէլի միաբանեալ խորհին ծանր պատերազմաւ գալ յերուսաղէմ , բառնալ զնա ՚ի թագաւորութիւն . և տիրելով երկրին յուդայ՝ կացուցանել ՚ի վերայ նորա թագաւոր զօտար ոմն զորդի առն գերունն , որ կոչէր տաբէլ : Այլ ՚ի վերջին ծագ

Եհաս տաղնասլ սքազու, յորժամ Եհաս առ նա
 հրեշտակ՝ ասել, թէ դաշնագրու թին վճարեալ է.
 և թէ զօրն ասորւոց հասեալ յերկիրն եփրեմայ՝
 մնայ անդ, զի կազմեսցի և զօրն խրայելի: Հայս
 պիտի յուսակաուր անձկուէ ելեալ արքազու յերու-
 սաղէմէ՝ ճեմէր առ ջրմղին, որ կոչէր աւազան ա-
 դարակին թափելի, խորհելով ՚ի սրտի իւրում յայն
 վերջին դիպուած՝ բուռն հարկանել ՚ի վերջին դար-
 ման՝ կոչել յիւր օգնութի զարքայն ասորեսա-
 նեայց հանդերձ ամենայն ծանր և դժնդակ պայ-
 մանօք: Սինչ յայսմ խորհրդի էր արքազ, ահա յե-
 դակարծումն եկն եկաց առաջի նորատայի մարգա-
 բէ ընդ որդւոյ իւրում յասուբայ. և ասէ ցնա.
 եկի ես արքայ առաքեալ ՚ի տնէ, ասել ցբեզ յա-
 նուն նորա. հանդարտեաց ՚ի խառվութենէդ, և
 զգոյշ լեր. ՚ի կոչելոյ զարքայն ասորեստանեայց քեզ
 յօգնութի. մի երկնչիր և մի զարհուրեսցի անձն
 քո՝ ՚ի հռասիմայ արքայէն ասորւոց, և ՚ի փակէեայ
 որդւոյ հռովմեայ. երկու խանձողք են նոքա կիս-
 այրեաց փայտից, որք ծխեն ծուխ թանձր, այլ
 բոց արձակել ոչ կարիցեն: Խորհեցան ՚ի գլուխ
 այլոյ փոխել զպսակ արքայութե քո: Եւ այսպէս
 ասէ տր զօրութեց. * Սին կացցէ խորհուրդն այն,
 և մի եղիցի. այլ գլուխ արամայ դամասկոս, և
 գլուխ դամասկոսի հռասիմ. և այլևս վաթսուն և
 հինգ ամ, և սկահասեսցէ թագաւորութին եփրե-
 մի ՚ի ժողովրդենէ անտի. և գլուխ եփրեմայ սոմո-
 րոյն, և գլուխ սոմորոյնի որդին ռովմեայ ॥ Էսայ.
 Է. 8:

Եւ յս բան մարգարէին ըստ ճառին հայի ՚ի վեր-
 ջին կործանումն թագաւորութե խրայելի. զոր
 յառաջագոյն մարգարէացաւ ամոյս առ յերրբովա-
 մաւ երկրորդիւ, առանց նշանակելոյ զժամանակն
 յասելն. * Եւ խրայել գերելով գերեսցի յերկրէ
 իւրմէ ॥ Եւս. Է. 17. ընդ նմին լռեաց ամոյս և
 զբարձումն թագաւորութե ասորւոց: Եւ այց ետայի
 ՚ի մէջ բերէ զայն, առ ՚ի ցուցանել զմտալուս
 գերութի և զաւարումն դամասկոսի, և սամարիայ:

և զմահ հռասխմայ, և փակէեայ: Իբր ասել. այն զոր քեզ սպառնան երկոքին սոքա քո թշնամիք՝ տեսցես զի ընդ հուպ ՚ի գլուխ նոցա հասցէ. զի և դամասկոս թագաւորեալ քաղաք ասորոց՝ գերեսցի և աւար հարցի. և հռասխմ թագաւոր նորա սպանցի. և սամարիա մայրաքաղաք խորայելի ամայասցի, և փակէէ որդի ուովմելայ թագաւոր նորա մեռցի: Աւ թէ յայս միտ իմանալի է այս բան՝ յայտ անտի է, զի կամք մարգարէին էին քաջալերել զաքաղ թէ նոքա փութով կործանեսցին, և ինքն ազատեսցի յամենայն երկիւղէ նոցա: Ասն այսորիկ ասաց ցնա մարգարէն, եթէ ոչ հաւատաս բանից իմոց թէ Թոր խօսեցաւ զայն, աղէ դու քեզէն ինդրեա՞ քեզ նշան ՚ի Թորնե՞ ցոլ քու միջ ՚ի խորութե կամ ՚ի բարձրութ, յերկրէ կամ յերկնից՝ սրպէս և կամիցիս. և ցուցցէ քեզ Թորնա ինքն է որ խօսի: Այլ աքաղ անդարձ պնտեալ յամուռեալ էր ՚ի չար կամս իւր. մինչ նաև յայնմ վերջին անձկութի իւրում ոչ կամէր ընդունիլ շնորհս յոյ. զի մի լինիցի երախտապարտ առ նա. զի այնչափ էր խստասրտութի նորա, մինչ զի և յայնի սքանչելիս ոչ կամէր տեսանել. զի մի ՚ի սքանչելեաց անտի դառնայցէ առ Թորնե՞ իւր: Բայց առ երեսս պատրուակ առեալ թէ երկնչի փորձել զԹոր, ետ պատասխանի և ասէ. ոչ երբէք ինդրեցից տեսանել սքանչելիս, զի մի փորձեցից զԹոր:

Յայնժամ բարձրացուցեալ մարգարէին զբարբառ իւր, ասէ. արդ լուր դու, լուիցեն և խորհրդապանք քո, և ամենեքեան որք են յարբունիս քո. փոքր ինչ թուիցի ձեզ արհամարհել զբան մարգարան. արդ խնդրիցէք և զբան Թորնա արհամարհել: Վիտեմ, զի սիրտ ձեր և գիտակցութի մտաց վկայեն, եթէ մեծ են անօրէնութիք ձեր և բազում. յայնմանէ ոչ կարէք հաւատալ թէ կամիցի Թորնե՞ օգնել ձեզ: Ասն այսորիկ առ ՚ի խելամուտ առնել ձեզ, թէ կամի փրկել զձեզ յերկուց թշնա մեաց աստի ՚ի հռասխմայ, և ՚ի փակէեայ ոչ հայեցեալ յամպարշտութիս ձեր, ահա ինքնին Թոր տայ

ձեզ նշան, յայտնելով զբարեբարութի մի մեծ և հրաշալի, որ ըստ ժամանակին եղիցի ամենայն աշխարհի, թէպէտ և լի իցէ աշխարհ՝ ամենայն չարեօք: Վայցէ ժամանակ, զի կոյս մի անեղծ և անապական կուսութի յղացի և ծնցի որդի. և կռչեացեն զանուն նորա էմմանուէլ, այսինքն է՝ ընդ մեզ անձ. զի անձ գուրով լինիցի և ճշմարիտ մարդ. և կերիցէ որպէս այլ տղայ մանկունք՝ իւր և մեղր: Արդ՝ որովհետև անձ պարտաւորէ զանձն առնել մարդկան անարժանից և ապախտաւորաց այսպիսի անձահրաշ բարութի, ապա և դու կարես աներկմիտ հաւատալ, թէ և քեզ՝ թէպէտ և անարժան իցես, արացի զնորհոյս՝ յանսահմանս փոքր քան զայն, ա. զատելով ՚ի թշնամեացդ քոց: Այլ զի մի կարծիցէք թէ ունիք ընդ երկար սպասել այնմ, դիտասցիք զի վաղադոյն քան զայնչափ ժամանակ յորում մա. նուկն սկսանի ընտրել զբարի կամ զչար, այս է՝ յառաջ քան զանցանել երից ամաց՝ մնացէ երկիրդ յորմէ դուդ կասկածես անտերունչ յերկուց թագաւորաց:

Յաւել ասել մարդարէն. բայց գիտասցիր և զայս, զի յետ այսչափ ամպարշտութեց քոց և ժողովողեան քոյ՝ ածցէ անձ պատիժ մեծ ՚ի վերայ երկրիս այսորիկ: Վ մի ձայն նորա շարժեցին ՚ի միւս կողմանէ եգիպտացիք իբրև զճանճս. և ՚ի միւս կողմանէ ասորեստանեայք իբրև զձիաստացս լցցեն զերկիրդ յուղայ. և յուղեցեն զամենայն գաղանիս, սիւռեցին ՚ի ձորս, և ՚ի ծերպս վիմաց, և յայրս և յամենայն փապարս և յանտառս. և ըստ օրինակի վարսավիրաց ցերծցեն և քերեցեն զամենայն, և մինչև ցմորթ հասուցեն: Այլ ժողովուրդ երկրիդ այնպէս նուազեցի, զի անատունք առաւել մնացեն, և խոտ վայրի ՚ի ճարակ նոցա. մինչ զի երինջ մի յարջառոց, և երկու մաքի շատ լինիցին առատ կաթամբ իբրեանց ՚ի դարման տան միոյ: Այլ առ ՚ի չդոյէ այլ ինչ կերակրոյ, զի անգործ կացցէ մնացէ երկիրն առ պակասութե մշաւաց, կերիցեն զայն սակաւ իւղն՝ զոր գործեցեն

ձեռք իւրեանց, որպէս և զմեղքն՝ զոր մեղուք ամբարեացեն 'ի խոռոչս ծառոց. * Օ ի ուր չիցեն մարդիկ (ասէ գէորգ մեկնիչ), անդ շատ բնակեն մեղուք. զի շատ գտանեն ծաղիկ ։ Օ ի ամենայն տեղի ուր այժմ իցէ հազար որթ խաղողոյ, որ պտղաբերէ հազար կշռոյ սկեղ, խոպանասցի և 'ի փուշ դարձցի. և նետողք և աղեղնաւորք մտանիւ ցեն անդր յորս էրէոց ։ Աւ ամենայն լեառն և բլուր այժմ արօրագիր և ախօսաբեկ՝ 'ի խոպանէն և 'ի փշոյ, եղիցի արօտ խաշին և կոխան եզին ։ Օ այս ամենայն խօսեցաւ եսայի առ արքադ արքայ, այլ նա ոչինչ շահեցաւ 'ի բանից աստի մարգարէին. այլ տակաւին սնդեալ յամառեալ էր 'ի միտս իւր դիմել առ արքայն ասորեստանեայ ։

Յայնժամ կամեցաւ անձ տալ և զայլ իմն վկայութի ոչ բանիւ լոկով, այլ գրով և արտաքին նշանաւ յաղաղօս վերահաս թշուառութեց դամասկոսի և սամարիայ ։ Ասաց ցմարգարէն առնուլ տոմս մի նոր մեծ, և գրել 'ի նմա առաջի երկուց հաւատարիմ վկայից գրչաւ առն ձարտարի, այս է՝ որոշ և բացայայտ. ոչ փակագրիւ, և ոչ առակաւ և այլաբանութիւն, որպէս զի դիւրին իցէ ամենեցուն ընթեռնուլ՝ զայս բան. Արագ արագ զաւար հարկանել. և վաղվաղակի զապուռ ժողովել ։ Արար մարգարէն ըստ բանի նոն. կացոյց երկուս վկայս արս հաւատարիմս ընտրեալս 'ի բազմաց, զուրիաքահանայ, կամքահանայապետ, և զգաքարիա որդի բարաբեայ. ոչ զգաքարիա՝ որ է մի յերկոտասան փոքր մարգարէից, զինա չև էր եկեալ յաշխարհ. այլ զայլ ոմն համանուն այր մեծարու և արժանա հաւատ՝ գուցէ 'ի նախնեաց զաքարիայ մարգարէին. և գրեաց առաջի աչաց նոցա զվերոյգրեալ բանն, զի մի ասիցի թէ յեա ելից իրացն գրեաց ։ Յետ այնորիկ մերձեցաւ մարգարէն առ կին իւր որ և նա մարգարէ էր. և սարգեւեաց ան նմա յղանալ և ծնանել որդի. և ասաց կոչել զանուն նորա ըստ գրուածոյն՝ * արագ արագ կապտեալիւր, և վաղվաղակի աւար հարկանիջիւր, քանզի մինչև

Ծանուցեալ իցէ՛ մանկանն կոչել զՏայր կամ զմայր , առցէ՛ զզօրութի՛ դամասկոսի , և զաւար սամարիայ յանդիման թագաւորին ասորեստանեայց ॥ • Էսայ . Է . 5 . 4 : Իբր ասել , յառաջ քան զզօրելէ՛ նորածին մանկանն Տայրակոչ կամ մայրակոչ լինել , այսինքն յառաջ քան զլինել միամեան , թագաւորութին դամասկոսի և սամարիայ եղիցին աւար Տարեալ և կողոպտեալ :

Մ. յս բան , որպէ՛ս և այն՝ թէ՛ * Խնչէ և ինչ իցէ՛ Ծանուցեալ նորա (մանկան) , կամ արորթեալ յառաջագոյն զաւրութի՛ ընտրեսցէ՛ զբարին ॥ • այլովք Տանդերձ , ըստ ճառին՝ Տային՝ ՚ի մանուկն , որ ծնանելոցն էր մարդարէին ՚ի նշան վերահաս թշուառութեան ասորւոց և իսրայէլացւոց . զոր յայտ առնէ՛ անուն նորա . որ և կատարեցաւ անվրէ՛պ . որպէ՛ս զկնի սակաւուց՝ ունիմք տեսանել : Իսկ իտր հրրդաբար՝ ըստ դերագոյն տեսութե՛ ակնարկեն զճշմարիտ էմմանուէլն զէ՛ն Կ՛ն . որ Տանդերձեալ էր կործանել և աւար առնուլ զթագաւորութին սատանայի : Են որք ասեն , թէ՛ վերողբեալ գործողութիք եսայեայ , նի գրութի՛ ՚ի տոմսի առաջի երկուց վկայից , յղանալ և ծնանել կնոջ մարգարէին՝ եղեն լսկ մտաւոր տեսութիք ՚ի միտս մարդարէին յօրինակ մանկանն էմմանուէլի : Եայց Տասարակաց կարծիք Տարց և մեկնչաց միաբան Տատատեն , թէ՛ իրօք և ճշմարտութե՛ և գործով եղեն . զոր և նք գիրն այնպէ՛ս բացայայտ պատմէ , մինչ զի չէ՛ մարթ այլազգ իմանալ , եթէ՛ ոչ տարապայման բռնաբարելով զգրեալն : Եստ զօրէ՛ Տասարակաց կանոնն , թէ՛ զնձաշունչ գիրն պարտ է իմանալ ըստ ճառին և ըստ գիւրիմաց և բնական տեսութե՛ , յորժամ չկայցէ՛ անտեղութի՛ կամ բնաւոր պատճառ և Տարկաւորութի՛ խոտորելոյ . իսկ աստ չիք և ոչ մի ինչ անտեղութի՛ կամ Տարկ խոտորելոյ ՚ի գրոյն : Երդ՝ դարձցուք անդրէն առաքազ արքայ :

Սա թագաւորեաց ՚ի վերայ յուղայ յամին տասնէրորդի եօթնէրորդի փակէեայ արքայի իսրայէլի •

խնէ փակէ, թագաւորեաց ամս քսան. որում զհետ
 զայ, թէ աքաղ յառաջ քան զմեռանել փակէեայ՝
 թագաւորեաց ամս երիս և եթ, և ամիսս ինչ։ Յա-
 ռաջում ամի թագաւորութե իւրոյ կրեաց զարշա-
 շանս և զասպատակութի ասորեոց, ադա զիսրայի-
 լացւոցն. յետոյ զփղշտացւոցն, և զեդոմայեցւոցն,
 արպէս տեսաք վերագոյնդ։ Վ ձմերայնի երկրորդ
 ամի թագաւորութե իւրոյ՝ միաբանեցան ասորիք
 և իսրայիլացիք ընդդէմ նորա. և ՚ի սկիզբն դար-
 նան եկին ասորիք յերկիրն եփրեմայ։ Վ նմին ժա-
 մանակի խօսեցաւ Եսայի մարգարէն ընդ աքաղու.
 և տեսեալ զի բանիւ բերանոյ ինչ ոչ շահեցաւ,
 էանց ըստ հրամանի տն ՚ի դրութի մարգարէա-
 կան։ Վ շէ ՚ի մուտս ամարայնոյ յառաջ խաղացին
 միաբանեալքն ՚ի պաշարումն երուսաղէմի. իսկ
 Եսայի անձանձրոյթ յորդորէր և քաջալերէր զար-
 քայն, և զխորհրդականս նորա, և զժողովուրդն
 չերկնչել յերկիւղէ նոցա, այլ յիմե ապաւինիլ, և
 չղիմել առ արքայն ասորեստանեայց։ Վ կայեաց
 բազում անգամ, թէ միաբանութի երկուց թագա-
 ւորաց չէ բաւական կործանել զերուսաղէմ։ նա՝
 թէ առցեն ընդ ինքեանս և զայլ թագաւորս և
 դարձեալ զօրանայցեն, սակայն և սյնպէս դարձ-
 եալ ՚ի պարտութի մատնեցին. և զխորհուրդ նո-
 ցա զւր և խորհեցին, ջրուեսցէ տն։ Վ ասն որոյ
 չիք ինչ երկիւղ ՚ի նոցանէ. այլ երկնչել պարտ է
 ՚ի սրամտութե բարկութե տն։

Վ քաղ և խորհրդականք նորա աչօք տեսանէին
 և ձեռօք շոշափէին զձմարտութի բանից մարգա-
 րէին. վասն զի երկու թագաւորք թէպէտ սնդե-
 ցին զպաշարումն, թէպէտ զօրացուցին զգրոհ և
 զյարձակումն, սակայն ոչինչ կարացին առնել. Գ.
 ԽԳ. ԺԷ. 5։ Վ յամին երրորդի աքաղու ՚ի վերայ
 հասեալ ձմերայնոցն, դարձան ՚ի տեղիս իւրեանց
 լի ամօթով, զի ինչ ոչ զօրեցին առնել. բայց
 եղին ՚ի մոտի ՚ի հասանել դարնայնոյ անդրէն նորո-
 գել զպաշարումն և սաստկագոյն։ Վ քաղ յայս-
 չափ վտանգս ոչ երբէք խոնարհեցաւ առաջի տյ՝ զի-

մեւ և ապաւինիլ 'ի նա սրտի մտօք . այլ ընդհա-
կառակն՝ 'ի նոյն իսկ 'ի տառապանս իւր ելից զե-
րուսաղէմ գրօշէլովք աստուածոց ազգացն յարու-
ցելոց 'ի վերայ նորա . և ոչ ևս ժուժելով՝ առա-
քեաց հրեշտակս առ արքայն ասորեստանեայց այս-
պիսի նուստ և խոնարհ պատգամաւ . * Նառոյ
քո և որդի քո եմ ես , ել և փրկեա՛ զիս 'ի ձե-
ռաց արքային ասորւոց և 'ի ձեռաց արքային իւ-
րայելի յարուցելոց 'ի վերայ իմ ॥ : Այլ ժողո-
վեալ զամենայն արծաթ և զոսկի որչափ ինչ
գտաւ 'ի տան տն , և 'ի տան թագաւորին , և 'ի
տունս իշխանաց , առաքեաց առ նա՝ 'ի ձգել
զնա յիւր կողմն 'ի ձեռն պարզւաց : Նսաւ ըստ
ժամանակին որդին եսայեայ , զորմէ խօսեցաք 'ի
վերոյ . և ըստ հրամանի տն եղաւ նմա անուն
գրեալ յառաջ քան զյղութին , * Արադ արադ
կապտեսջիր , և վաղվաղակի աւար հարկանիջիր ॥ .
և կատարեցաւ մարդարեւուն , թէ մինչև գի-
տասցէ մանուկն ասել ցծնողն՝ հայր և մայր ,
երկու թագաւորութիք ասորւոց և իսրայելի աւար
հարցին և գերեցին :

Յայնմ ժամանակի թագաւորէր յասորեստան
Թագազաթփաղսար . որ թէսլէտ չէր ինչ հաճ առ-
նել բարեկամութի ընդ աքաղու , բայց հաճեալ
էր ելանել պատերազմաւ 'ի վերայ հաստոնի , և
փակէեայ : Ասն որոյ 'ի ճահ առեալ զայս դիպո-
ղութի 'ի կատարումն իւրոց կամաց , իբրև բացան
գրունք գարնայնոյ , խաղաց բազմագունդ զօրօք
'ի վերայ իսրայելի . և իբրև զհեղեղս յորդախաղաց
ջուրց անցեալ ընդ ցեղն զաբուղոնի , և նեփթա-
ղիմայ , և ռուբինի , և ընդ գալիլեա ընդ երկայն՝
առ ծովակաւ նորա , առ յափշտակեաց աւար բազ-
մադանձ , և զընակիչս նոցա 'ի գերութի վարեալ
յասորեստան , տարաւ բնակեցոյց 'ի քաղա , և 'ի
քաբովր առ գետեղերբն գովզանայ . Թ . Գառ . Է .
26 : Անտի դարձ արար 'ի դամասկոս . ետ պատե-
րազմ ընդ հաստիմայ արքայի ասորւոց . սպան զնա .
էառ զդամասկոս , կողոպտեաց զնա . և զընակիչս

նորա գերեալ՝ տարաւ ՚ի կիւրէն ասորեստանեայց .
 Գ. Թ 4. ԺԵ. 9 : Օ այնու ժամանակաւ սպանաւ
 և փակէէ արքայ իսրայէլի . էին ամբ իբրև էրեք՝
 զի ովսէէ որդի էլայ դարան գործէր նմա սպանա-
 նել զնա , այլ թերևս չունելով բաւական կուտա-
 կիցս՝ չկարաց ՚ի զլուխ զխորհուրդ իւր հանել
 յառաջ քան զայս դիպողութի . սակայն և յայն-
 ժամ ոչ յաջողեցաւ նմա թագաւորել փոխանակ
 փակէէայ , եթէ ոչ զկնի եօթն ամաց . այսինքն
 յամի երկոտասաներորդի աքաղու արքայի :

Ըյս արագութի և յաջողութի որով արքայն
 ասորեստանեայց սղատեաց զաքաղ յերկուց աստի
 դառնալիչա թշնամեաց , երևի թէ ունէր ընու-
 ցնծալից ուրախութի զբովանդակ երուսաղէմ , և
 զամենայն թագաւորութին յուդայ : Ըայց փոխա-
 նակ ուրախութեն եբեր ողբս և արտասուս . վասն
 զի թագղաթփաղսար յետ վճարելոյ զիրս երկուց
 թագաւորութեց՝ եմուտ բանակաւ իւրով յերկիրն
 յուդայ իբրև բարեկամ և օգնական , տալ անդ
 հանգիստ միանգամայն և լիալիր դարման զօրաց
 իւրոց որչափ և նստիցին անդ . արկ և հարկս ծա-
 նուսս ՚ի վերայ երկրին . և այնպէս բարեկամու-
 թե կերպարանաւ՝ կողոպտեաց և զայն , որ մնա-
 ցեալ էր յառաջնոց ասպատակութեցն թշնամեաց .
 և զնաց ՚ի տեղի իւր : Ըյս է , զոր ասէ զիրն .
 * Ը ոչ էր օգնականութի ինչ նոցա . այլ նեղել
 զնոսա ॥ Բ. Գ 5 . ԻԵ . 21 :

Յետ տիրելոյ թագղաթփաղսարայ դամասկոսի ,
 երթեալ էր աքաղ անդ ընդառաջ նորա առ ՚ի պա-
 տիւ , և ՚ի ցոյց երախտապարտութի իւրոյ առ նա .
 գուցէ և առ ՚ի խափանել զնա թէ հնար իցի՝
 չգալ յերուսաղէմ : Ը տեսեալ աքաղու անդ զսե-
 ղան կռոցն դամասկոսի , ան զչափ , զձև , և զնմա-
 նութի նորա ըստ ամենայն գործուածոյն . և առա-
 քեաց յերուսաղէմ առ ուրիա քահանայապետ՝ չի-
 նել ըստ այնմ օրինակի նոր սեղան ՚ի տան ան .
 Ըրար ուրիա ըստ ամենայն բանից արքային . զի
 զպղնձի սեղանն ան կանգնեալ ՚ի սողոմնէ ընդ

արևելք՝ փոխեաց 'ի տեղւոջէն, և եղ ընդ հիւսիս յանկեան միում 'ի գաւթի քահանայից . և անդ առ նովաւ շինեաց զայն նոր սեղան պղծութեան : Իբրև գարձաւ արքայ 'ի դամասկոսէ, և ետես զսեղանն, հաճեցաւ ընդ նա . և նախ ինքն մտտեաւ արար 'ի վերայ նորա զողջակէզս իւր՝ և զգոհս, և նուիրեաց զնուէրս իւր . և եհեղ զնովաւ զարիւն խաղաղականաց իւրոց . և պատուիրեաց ուրիայ քահանայապետի այնուհետև 'ի վերայ այնր սեղանոյ մատուցանել զգոհս և զողջակէզս, և զամենայն նուէրս արքայի և ժողովրդեան . և զամենայն արիւն ողջակիցաց և զոհից 'ի վերայ նորա հեղուլ : Ի բաց արար զամենայն սպաս տանն ինն, և խորտակեաց զնոսա . եբարձ զերկոտասան ցուլս սղնձիս զպատուանդանս մեծի աւազանին, որ կուէր ծով . և եղ զնա 'ի վերայ քարեղէն խարսխի . անհետ արար զվարագոյրն և զպատուանդան աթոռոյն շինեալ 'ի տանն ինն, ուր թագաւորք յուգոյ 'ի շաբաթս և 'ի տօնս նստիին 'ի ժամու մատուցման զոհից, և կային յաղօթս առանձինն . և զմուտս կամ զանցս ընդ որ թագաւորք յարքունեաց անմիջապէս մտանելին 'ի տեղի անդր, փակեաց . և զտեղին ընդ տանն ինն կամ ընդ գաւթի քահանայից միացոյց :

Հուսկ յետոյ իսպառ օտարացեալ 'ի իննէ ոյ իւրմէ, փակեաց և զգրուես տաճարի նորա . և արար իւր սեղանս յամ անկիւնսն երուտաղէմի . և 'ի նմանէ ուսեալ ժողովրդեան՝ յամենայն քաղաքսն յուգայ արարին սեղանս 'ի վերայ բարձանց ծխել խունկս աստուածոց օտարաց : Իւր ասաց 'ի սրտի իւրում, խնդրեցից զաստուածս դամասկոսի որք հարին զիս . զի աստուածք ասորեստանեսոյց նոքա են զօրաւորք, նոցա այսուհետև զոհեցից . և օգնեսցեն ինձ . Բ . հաղ . Է . 23 : Իթող զնձ իւր առ 'ի գտանել շնորհս առաջի ասորեստանեայց արքայի՝ զաստուածս նորա պաշտելով . այլ կորոյս զձմարիտն նձ զբարեբարն իւր . և յոր յուսացեալն էր՝ ինչ ոչ օգտեցաւ 'ի նմանէ : Իայց և այնպէս

երկայնամիտ արն տարաւ նմա ընդ ամն վեշտա-
սան, զի նոյնչափ ամն թագաւորեաց կարի ամ-
պարչտու թիք քան զամենայն թագաւորս որք յառաջ
քան զնա նստան յայն աթոռ: Սեռաւ 'ի սկիզբն
5448 ամի արարչու թէ աշխարհի. և թագեցաւ 'ի
քաղաքի դաւթի. այլ ոչ 'ի գերեզմանս թագաւո-
րաց. որպէս թէ ամաչել նախորդաց նորա մերձ
իւրեանց ընդունիլ զգի նորա, որ այնչափ չարեօք
սղծեաց զաթոռ թագաւորու թէ իւրեանց:

Գ. Լ. Ժ. Օ.

Ովսէէ Ռաֆաւոր խորայէլի: Պերուսի խորայէլի առ-
առջմանասարաւ. Էլէիէա արքայ յոգայ. Էսայի Գար-
գարէ:

Ովսէէ որդի ելայ սպանեալ զփակէէ որդի ոռ-
մեւայ, և աւազակու թիք յափշտակեալ զթագաւո-
րու թին խորայէլի, որ ոչ անկանէր նմա, թագա-
ւորեաց 'ի սամարիա յամի երկոտասաներորդի ոքա-
զու արքայի յուգայ, ընդ ամն ինն: Սա թէպէտ
ոչ զօրացոյց զկռապաշտու թին յերկրին խորայէլի,
որպէս արարին թագաւորք որ յառաջ քան զնա,
բայց և ոչ իսկ նուազեցոյց. այլ կալաւ և ինքն
զնոցին ամպարչտու թէ ճանապարհ: Սժամանակս
սի երկիրն և թագաւորու թին խորայէլի 'ի վեր-
ջին ծագ ամպարչու թէ էր հասեալ. կրապաշտու-
թին, զրկողու թի վարձուց վարձկանաց, յափշտա-
կու թին, հարստահարու թիւն որբոց և այրեաց,
անառակու թին, կաշառակրծու թին, վաճառումն
արդարու թէ և իրաւանց, և այլ սոցին սակի անօ-
րէնու թիք գրեթէ ոչ ևս 'ի մեղս էին համարեալ
առ նոսա, հաստատեալք իբրև քաղաքական սով-
րու թի՝ օրինակաւ գնացից իշխանաց և գլխաւո

բաց երկրին : Իսկ հմայք և դիւթուլթիք , և զուստերս և զգստերս իւրեանց ընդ հուր անցուցանել 'ի պատիւ բաճաղու , որպէս գործք բարեպաշտու թէ էին առ նոսա : Ը՛ծ ընդ ժամանակս ժամանակս առաքեաց նոցա մարգարէս և քարոզիչս . այլ նոքա ծիծաղէին զբանիւք նոցա և հալածէին զնոսա :

Այ՛ զիրն աստանօր յեօթնևտասներորդ գլուխ գրոց չորրորդ թագաւորաց կամեցեալ պատմել զվերջին կործանումն թագաւորութե՛ իսրայէլի , առնէ իբր յայտարարութի իմն դատաստանական , առաջի դնելով զանօրէնութիս որդւոց իսրայէլի 'ի սկզբանէ ելանելոյ նոցա յերկրէն եգիպտոսի մինչև ցայն ժամանակս : Արպէս և զսպառնալիսն՝ զոր արար ն՛ծ նոցա 'ի ձեռն իւրոց մարգարէից , եթէ ոչ դառնայցեն 'ի ձանապարհաց իւրեանց չարաց : Իսկ նոքա ոչ թէ միայն ոչ դարձան , այլև՝ զի ըստ ոճոյ գրոյն ասացից՝ խտացուցին զողն իւրեանց քան զողն հարց իւրեանց և ոչ հաւատացին , այլ ընկեցին 'ի բաց զգալինսն՝ զոր կռեաց ն՛ծ ընդ հարս նոցա . և զվկայութիս նորա զոր ուխտեաց նոցա՝ ոչ պահեցին : Բայց և այնպէս երկայնմտութիւ տարաւ ն՛ծ մեղաց նոցա ընդ ժամանակս բազումս . այլ զի մի կարծիցեն՝ թէ խսպառ ունի լուել , կամեցաւ յայս նուազ ցուցանել , զի թէ երբեմն վասն գթութե՛ որորմութեան իւրոյ լուել ընդ երկար , բայց միշտ պատրաստ ունի զզինարանն իւր ; և զսուր արգարութե՛ իւրոյ սրեալ , և հարկանէ հատանէ՝ յորժամ ոչ կարծեն մարդիկ : Աաղմանասար արքայ ասորեստանեայց , որ թագաւորեաց զկնի թագղաթփաղսարայ , յորմէ զոյդ ընդ թագաւորութեն ժառանգեաց և զթնամութիւն ընդդէմ հրէից , ելեալ էր զօրու ծանու 'ի վերայ նոցա . և էր դարձեալ յետս սովին դաշնադրութի՛ զի հարկատու լիցի նմա այնուհետև ովսէէ արքայ իսրայէլի : Արդիկ յորժամ 'ի նեղ անկանին՝ արագ են 'ի խոստումն . բայց 'ի դադարել հարկաւորութեն՝ յամբ են 'ի կատարումն : Դանբ էր

ովսէէայ կրել զայն լուծ, զոր առ Հարկի ան-
 յանձն. այլ ինքնին թօթսփել 'ի բաց չէր կա-
 րող: Առաքեաց հրեշտակս առ ովսա արքայ ե-
 զիպտացւոց նոր դաշնադրութիւն ձգել զնա յիւր
 օգնութիւն. և 'ի տարւոջն յայնմիկ ոչ էտ ասորես-
 տանեայց զհարկն, յուսացեալ յօգնութիւն եզիպ-
 տացւոց: Այլ մինչև էր վճարեալ դաշնադրունն
 'ի մէջ նոցա, սաղմանասար ածապարեաց եհաս
 բաղմագունդ 'ի սամարիա, և պաշարեաց զնա:
 Այլ թէպէտ զօրքն իսրայելի՛ որք էին 'ի ներքս,
 ունելով աւրնութեր զթագաւոր իւրեանց՝ մեծաւ
 քաջութիւն գիմամարտեալ 'ի ներքուստ անտի պա-
 հեցին զքաղաքն ընդ ամս երկս, այլ չունելով ար-
 տաքուստ օգնութիւն ոչ յեզիպտոսէ, ըստ որում՝
 ակնուներն, և ոչ յայլմէ 'ի շրջակայ թագաւորու-
 թեց, յաւարտ երրորդ ամի պաշարմանն, որ էր
 իններորդ ամ թագաւորութենն ովսէէայ, 'ի վեցե-
 րորդ ամի եզեկիայ արքայի յուդայ՝ առաւ աշխա-
 րելի քաղաքն սամարիա. և ովսէէ արքայ կապանօք
 գերի վարեցաւ. և ժողովուրդն 'ի սամարիայ և
 յամենայն քաղաքաց իսրայելի վարեցաւ յասորես-
 տան: Այս գերութի սաղմանասար բնակեցոյց
 'ի քաղաքն, որք առնուին զանուն յալաթ և յա-
 բովր գետոց. որք մտանեն 'ի գետն զովջանայ.
 յորմէ շրջակայ գաւառք առնուն զանուն, առ լե-
 րամբքն մարաց. ուր յառաջագոյն բնակեցոյց
 թագալ թփաղսար զառ յիւրմէ գերեալնն: Այլ զի
 մի անշէն անապատ մնացէ երկիրն իսրայելի ա-
 մայի 'ի բնակչաց 'ի վնաս արքունի եկամտից, ան-
 սաղմանասար 'ի բաբելոնէ, և 'ի քութայ, և յայսյ
 և յեմաթայ, և 'ի սեփարուիմայ՝ նոր գաղթականս
 բնակել անդ, և մշակել զերկիրն զայն ընդար-
 ձակ:

Ահա այսպէս թագաւորութիւն իսրայելի՛ ըստ
 հաշուին կաղնոսի սկսեալ յամի արարչութեան
 աշխարհի 5196. յետ պէսպէս արկածից, անիշ-
 խանութեց, մասնութեց, սոսանութեց՝ անցեալ
 'ի տասն ցեղս, և վարեալ թիւր շիթութեամբ

յիննեւ տասն , կամ 'ի քսան [Թագաւորաց , յամի արարչութե աշխարհի 3452 . 'ի վերջ եհաս . և ժողովուրդն մեծ փառաւոր և անուանի ընդ ամենայն կողմանսն յայնոսիկ՝ վասն մեղաց իւրոց մատնեալ 'ի ձեռս [Թշնամեաց , և յերկրէ յիւրմէ վտարեալ յերկիր օտար , եղև բաղմաժողով խումբ եղկելի գերեաց : Այս [Թագաւորութի ըստ հաշուի նորին կաղինոսի եկաց մնաց ընդ ամս երկերիւր և յիսուն և եօթն . Ժամանակ ապաքէն համառօտ ըստ մարդկային փառասիրութե , բայց կարի երկար ըստ ամպարչտուէ նորա . զի սկիզբն նորա չար , մէջն չարագոյն , և վերջ նորա ևս չարագոյն :

Աոր գաղթականք՝ որք յերկրէն մարաց և 'ի բաբելոնէ անցին յերկիրն իսրայելի , տարան ընդ ինքեանց և զկուռս երկրի իւրեանց . և ոչ գոյր այնուհետև ոք յայնմ հարուածեալ երկրի՝ որ ճանաչէր զճմարիտն ան : Այց փութով արար ան զի ծանիցեն զնա . զի առաքեաց 'ի նոսա առ իւծս կոտորել զնոսա . մինչև՝ ոչ կարէին անվտանգ ելանել արտաքս 'ի պարսպապատ քաղաքաց . վասն զի յամենայն գլուխս ճանապարհաց ընդ առաջ ելանէր նոցա առ իւծ . արդէն մնացորդք ոսկերաց բաղմաց կոտորելոց յամեհի գաղանաց անտի՝ ցանեալ ցրուեալ կային յերեսս գաշտաց : Աբրև եհաս լուր այսր արկածից յասորեստան , ոմանք յիսրայելացոց որք էին անդ յարքունիս՝ ծանուցին սաղմանասարայ արքայի , թէ յարձակումն առ իւծուց 'ի սամարիա ոչ է բնական զիսուած , այլ պատիժ առաքեալ յոյ 'ի վերայ այնր նոր ժողովորդեան . որք ոչ ճանաչելով զնա , և ոչ գիտելով զօրէնս նորա , պատեն զաստուածս օտարս անդ , որ էր իբրև սեպհական տեղի նյն իսրայելի : Յայնժամ հրաման ետ [Թագաւորն տանել անդ զմի ոք 'ի քահանայից եբրայեցոց 'ի գերելոց անտի՝ բնակել ընդ նոսա , և ուսուցանել նոցա զկրօնս նոյ երկրին : Այն քահանայն և նստաւ 'ի բեթէլ , և լուսաւորէր զնոսա . եմիջ 'ի մէջ նոցա զանազան բարի բարի սո

վարու թիւ Ճշմարիտ անծպաշտութե . բայց զկուս
պաշտութիւն տարագրել ոչ կարաց . քանզի նորա
թէպէտ ծանեան զանձ անկատար իմն ծանօթութե ,
և երկնէին ՚ի նմանէ , այլ պահէին և զկուս
իւրեանց , և նոցա պաշտօն տանէին : Իսկ անձ որ
առ ժամն շատ համարեցաւ , զի արկցին ՚ի նոսա
գէթ սերմանք Ճշմարիտ անծպաշտութե , եբարձ
յերկրէն զառիւծս . և մնացին այնուհետեւ ՚ի խա
ղաղութե : Բարդ՝ մատիցութե ՚ի կարգ պատմութե
թագաւորութեն յուրայ :

ԳԼ ԺԵ .

Եղեկիա արքայ յառայ : Հիւանդութի նորա և
առողջութի սրանկէլեօր : Եւսայի մարգարէ :

Սկսի աքաղու ամպարիշտ թագաւորի յուրայ
թագաւորեաց եզեկիա բարեպաշտ որդի նորա՝ յա
մի երրորդի ովսէեայ որդւոյ ելայ արքայի իսրայե
լի . և էր յայնժամ եզեկիա ամաց քսան և հնգից :
Ի թուոյ տօտի ամաց եզեկիայ հաստատի , թէ
աքաղ հայր նորա սկսեալ է թագաւորել ընդ հարբ
չորս ամօք յառաջ քան զմեռանել յովսթամայ հօր
իւրոյ . վասն զի ՚ի թագաւորել իւրում էր ամաց
քսանից , և վեշտասան ամս թագաւորեաց . արդ՝
վեշտասանն յաւելեալ ՚ի վերայ քսանից , լինի երե
սուն և վեց . յորմէ հանեալ զքսան և հինգ ամս
եզեկիայ , և զիննամեան ժամանակ արգանտի ,
աքաղ ծնեալ էր որդի ՚ի տասնամեան հասակի իւ
րում : Եւ եղեալ թէ արտաքոյ սովորական օրի
նաց բնութե կարօղ էր նա յայնմ մանկական հա
սակի ծնանել որդի , սակայն չէ հաւանելի թէ յայն

Հասակ տուեալ իցեն նմա կին . որով հետե չկայր
ինչ հարկ . զի կին նորա ոչ էր դուստր օտար թա-
գաւորի , որպէս զի 'ի սակս քաղաքական օգտի
կանխեսցեն զամուսնութիւն . որպէս լինի երբեմն
'ի մէջ թագաւորաց , առ 'ի խնամութիւն կապակ-
ցիլ երկուց թագաւորութեց ընդ միմեանս . այլ
էր դուստր միոյ յիշխանաց անտի երուսաղէմի : Այլ
զի իբր հասարակ սովորութիւն էր թագաւորացն
յուզայ առ կենդանութիւն իւրեանց անուանել զօր
յորդուց իւրեանց թագաւոր , ապա ասել թէ
աքաղ անուանեցաւ թագաւոր ընդ հարբ , և թէ
էր յայնժամ ամաց քսանից , է ամենայն իրօք հա-
մաձայն սովորութե այնր թագաւորութե , և
ոճոյ խօսից գրոյն : Այլ զի իրաւունք են 'ի յերկ-
բայականս դիմել 'ի սովորականն , քան 'ի դիպուածս
օտարոտիս , որ հազիւ երբէք դէպ լինի յաշխարհի .
ապա հարկաւ դնելի են ամբ չորք թագաւորութե
աքաղու ընդ հարբ : Այլ այսպէս 'ի քսան ամսն յա-
ւելեալ ամս չորս յորս աքաղ թագաւորեաց ընդ
հարբ , և վեշտասան ամս յորս թագաւորեաց
զինի հօրն , մեռանել նորա լինի 'ի հասակի ամաց
քառասնից և իբրև միոյ . և 'ի մէջ հնգետասան
և վեշտասանամեան հասակի իւրոյ ծնանի նմա
որդի : Այլ այսու անհետ լինին ամենայն կարծե-
ցեալ գծուարութիւք :

Ազեկիա իբրև եկաց 'ի թագաւորութե իւ-
րում , առաջին փոյթ և ամենայն ձիգն նորա եղև
Էնդրէն նորագել և յառաջին պայծառութի ամել
զկրօնն ճշմարիտ անպաշտութե յամենայն թագա-
ւորութե իւրում : Ազգազակի հրաման էտ բա-
նալ և կազմել զգրունս տաճարի նն . ժողովեաց
զքահանայս և զղևտացիս , և լի նծային նախան-
ձու քաջալերեալ և իրախուօեալ զնոսա 'ի փոյթ
գործոց իւրեանց պաշտաման , հրամայեաց նոցա
սրբել զանձինս , և սրբել զտուն նն : Այլուրս
վեշտասան աշխատ եղեն , և մաքրեցին և սրբե-
ցին զսրբութիւն , զգաւիթս , զսրահս . և զազաե-
ղութիան հանին ընկեցին 'ի հեղեղատն կեդրոնի :

Օսեղանն ողջակիցաց եղին յառաջին տեղուց իւրում . և զսպասն նորա, որպէս և զսպասն սեղանոյ առաջագրութե, և զամենայն կահն զոր պղծեաց արագ թագաւոր յազատամբիլ իւրում յոյ խորայելի, սրբեցին : Աւ ապա կանխեաց եղեկիաս արքայ և ժողովեալ զիշխանս քաղաքին, ՚ի ձայն սաղմոսաց փողօք և ազգի ազգի նուագաւ ընծօք մատուցին զոհս և ողջակիցս բազումս : Աորոգեաց զամենայն կարգս սրբազան պաշտամանց ըստ մովսիսագիր օրինաց, և ըստ կարգելոյ դաւթի արքայի, և գաղայ և նաբաթայ մարգարէից ՚ի հրամանէ տր : Առաքեաց քարոզս ոչ միայն ընդ ամենայն երկիր թագաւորութեան իւրոյ, այլև ՚ի սահմանակից երկիրս խորայելի ՚ի բերսարէէ մինչև ՚ի դան . հրաւիրեաց զամենեւեան գալ ժողովիլ յերուսաղէմ, առնել զպատեք տն ոյ խորայելի : Աեղև անարդիւն վաստակ քու ըողջացն . թէպէտ ուրեք ուրեք ոմանք մնացորդք յապականեալ խմորոյ անտի խորայելի ծաղբ իմն առնէին զնոսա, և արհամարհանօք լսէին զբանս նոցա . բայց սակայն ՚ի ցեղից ասերայ, մանասի, զաբուղոնի, և եփրեմի բազումք դարձան եկին յերուսաղէմ, և յարեցան ՚ի յուզա, և արարին ընդ նոսա զպատեք տն . և խորտակեցին զամենայն կուռս իւրեանց, կտորեցին զանտառան, փշրեցին զարձանսն, և բարձին զբարձրաւանդակսն յամենայն հրէաստանի, և ՚ի բենիամինի . և յեփրեմի, և ՚ի մանասի մինչև իսպառ :

Ասկ յերուսաղէմ ետ եղեկիա քակել զամենայն սեղանս, և կործանել զամենայն տեղիս, ուր ծըլսէին խունկս ստութեցն, զոր կանգնեալ էր սեքազ հայր նորա, և զաւերակս նոցին ետ ընկենուլ ՚ի հեղեղատն կեղրոնի . և միանգամայն ասել՝ ետ բառնալ և անհետ առնել զամենայն ինչ յորս հետք ինչ աւելորդապաշտութե երեւին : Աբարձ եղեկիա և զբարձունս, յորս զոհէր ժողովուրդ յուզայ ոյ բարձրելոյ, բայց ընդդէմ հրամանի նորա, որ արդեւ արտաքոյ տաճարին մատուցանել նմա զոհս :

Օ այս իմանամք 'ի բանից անտի ուսիսակայ, զոր ասաց ցհրեշտակսն եզեկիայ. որպէս տեսցուք ստուրն: Այլ որ առաւել է քան զայս ամենայն, խորտակեաց եզեկիա և զօձն սղինձի՝ զոր արար մովսէս յանապատին. զոր 'ի սկզբանն սաշէին իբր առ յիշատակէ բարերարութեն, զոր նովաւ արար նոցա անձ. և ապա կարգեցին և զնա 'ի դասս կռոց, և զօհէին նմա. զայն օձ խորտակեաց եզեկիա, և որպէս զի և անուեն և ս ջնջեսցի, զկոտորակս նորա ետ կուէլ նէէսթան, կամ ըստ եբրայականին՝ նէէոասթան, որ թարգմանի բեկոր կամ կոտորակ պղնձոյ: Այտ եզեկիա նորոգել և ընդարձակել զշտեմարանս և զհամբարանոցս 'ի տանն անն, ժողովել 'ի նոսա զպտուղ ցորենոյ և գինւոյ, և ձիթոյ, և մեղու, և ամենայն արմտեաց անդաստանաց. զոր յօժարամիտ բերէին ոչ միայն ժողովուրդն յուրայ, այլև որդիքն իսրայէլի ըստ հրամանի օրի. նաց իբրև իրաւունս քահանայից և ղևտացոց՝ ունել նոցա լիով զպէտս իւրեանց, և այնպէս յորդոթամիտ վարել զպաշտամունս իւրեանց:

Յամենայն իրս առաջին մտածութի անձասեր արքային էր փառք և սրատիւ անյ, և ըստ վկայելոյ գրոյն. * Յետ նորա նման նմա ոչ եղև յամենայն թագաւորս յուրայ. և յեղեալսն յառաջագոյն քան զնա. յարեցաւ 'ի անոր, և ոչ մեկնեցաւ 'ի զնացից նորա ॥ Գ. Բագ. ԺԷ: Այ մեկնեցաւ յանյ. և անձ միշտ ընդ նմա եղև: Այորհեցաւ զանյ, և անձ խորհեցաւ զնմանէ. և յաջողեաց զգինուորութի նորա, և օրհնեաց զգործս նորա: Յետ բարեկարգելոյ զամենայն ինչ՝ որ առ սրաշտօն անն հայեր, ձեռնէարկ տնօրինել և ղիրս զինուորութե: Այսթա փեաց զուծ ասորեստանեայց արքայի, ոչ և ս հարկանելով նմա հարկս. զոր թագաղթփաղսար եղեալ էր 'ի վերայ արագու հօր իւրոյ յանիրաւի. և ունէր զնա իբրև ստրուկ ընդ ձեռամբ: Այլ և ընդգէմ փղշտացոց ծանր սրատերաղմաւ. և եհան վանեաց զնոսա յամենայն քաղաքաց և յամենայն տեղեացն յուրայ, զոր առեալ էին նորա 'ի ժամաւ.

նակս հօր իւրոյ . և ո՛չ այսչափ միայն , այլ եմուտ և յերկիր նոցա , աւար եհար զնա . քանդեաց զա մուր ամուր տեղիս նոցա . կործանեաց զպարիսպս , եբաց զքաղաքս , և եհար զնոսա 'ի հարուածս չա րաչարս . զի մի ևս կարիցեն գլուխ ամբառնալ :

Եւ յամի չորեքտասաներորդի կամք եղեն ան տառապանօք իմն փորձել զհաստատութի սոյ ար քային : Սենեքերիմ արքայ ասորեստանեայց թա . դաւորեալ զինի սաղմանասարայ հօր իւրոյ , խոր հեցաւ ընդ իւրե նուաձել զյուզա . որպէս արար հայր նորա ընդ իսրայէլ : Եւ զօրու ծանու , և կանոնաւոր զնացիւք յառաջ խաղացեալ՝ սկսաւ պաշարել և առնուլ զամուր ամուր քաղաքս , որք էին 'ի սահմանադլուխս երկրին յուդայ : Ճանեաւ եզեկիա՝ եթէ աչք նորա են 'ի վերայ երուսաղէ մի . իսկ պատաղիլ նորա առ այլովք քաղաքօք և առնուլ զնոսա՝ ո՛չ առ այլ ինչ էր , եթէ ոչ զի բանայցի ինքեան ճանապարհ ապահով մինչև յե րուսաղէմ : Ս ասն այնորիկ վաղվաղակի ձեռն 'ի գործ արար շինել զամենայն պարիսպս զկործա նեալս և զաշտարակս , և ամրացուցանել զնոսա . նորոգեաց և զարտաքին պարիսպս , և զօրացոյց զպատուարսն քաղաքին դաւթի . բազմացոյց զտե մարանս և զհամբարանոցս , լցեալ 'ի նոսա պա րէնս . կազմեաց և զէնս բազումս , եղեալ 'ի մտի չտալ թշնամւոյն և ոչ թզաչափ մի տեղի առանց պատերազմի :

Երար և զայլ գործ ծանր և բազմախատ , բայց կարևոր առ 'ի գոհարացուցանել թշնամւոյն զպաշարումն : Երուսաղէմ քաղաքն յարեւելեան կողմն չէր գոհարամատոյց . և ջուրք նորա էին յայն կողմն . որք իջեալ յաղբերացն ուղուէլայ և սելուլայ , և ապա միացեալ 'ի մի գետակ , իջա նէին 'ի հեղեղաան կեդրոնի : Յայս գործ պարա պեցոյց եզեկիա զանհամար բազմութի գործաւո րաց . և որպէս ունիմք 'ի գիրս Գ . Լսգ . Բ . 20 . և Բ . Գնաց . 17 . և սիրա . Խ . Ետ բրել դուքս բազումս , և արար ջրշիղջ կամ ծովակ հաւաքիչ ջուրոց . ա .

բար և ջրմուղս 'ի բաժանել զջուրն 'ի զանազան կողմանս քաղաքին : Այսից և զէլս կամ զանցս ջրոց , որք ելանէին արտաքս 'ի քաղաքէն . և զի զջուր մշտահոս չէ մարթ այնպէս արդելուլ զի մի զեղանիցի զափամբք , ետ հատանել մրձօք զժայռ մի մեծ , և զյաւելեալ ջուրս ընդ այն դարձոյց յարեմտեան կողմն քաղաքին դաւթի . և այնպէս հատեալ զջուրն 'ի թնամեոյն՝ ապահովացոյց յայնմ կարեոր մասին գրաղաքն :

Այլև եզեկիայի ժամանակ բաւական առ 'ի գլուխ տանել զայս ամենայն մեծադործութիւն 'ի պատսպարութի թագաւորեալ քաղաքի իւրում : Վանզի յամենայն սահմանազլուխ քաղաքս եզիտ սենեքերիմ՝ դիմամարտութի հզօր մինչև 'ի նուա ճեղ զնոսա . յոյր սակս ոչ կարաց յառաջ խաղալ 'ի պաշարումն երուսաղէմի , եթէ ոչ՝ յերրորդ ամի . բայց և ոչ յայնժամ եհաս հանդերձ բանական առ պարսպօք երուսաղէմի , այլ միայն պատգամաւորս յղեաց մեծամեծ սպառնալեօք : Յառաջնումն յայց երից ամաց , որ էր չորեքտասաներորդ ամ թագաւորութե եզեկիայ , (որպէս երեւի 'ի գրոյն , ուր ընթեռնումք , թէ զկնի հիւանդութեն եկեաց այլևս ամս հնգետասան . և ընդ ամենայն թագաւորեաց ամս քսան և ինն ,) հիւանդացաւ եզեկիա առ 'ի մահ . զպատճառ հիւանդութե նորա չունիմք 'ի գրոյն , գուցէ 'ի հոգոց և 'ի տառապանաց 'ի տեսանել անդ զթագաւորութին 'ի վտանգի յերեսաց բուռն զօրութե ասորեստանեայց : Աստ յայտնի տեսանի , թէ քանի կարեոր է մեծամեծաց ունել զօք հաւատարիմ՝ որ իշխիցէ յուշ առնել նոցա և զտրտմական բան փրկարար , ազդ առնելով զվտանգ կենաց : Այլև կիս ոչ կարծէր մեռանել յայնժամ . և յայնչափ իշխանաց միջի և 'ի պաշտօնից՝ որ կային առ նովաւ , ոչ գոյր ոք որ իշխէր յայանել նմա զվտանգն : Այլն եսայի մարգարէն , և յայտնի անպատրուակ ասաց ցնա . Այսպէս ասէ ի՞նչ , հրաւման տուր , և արա՛ կարգաւորութի վասն տան բո և վասն թագաւորութեդ , զի մեռանիս 'ի հիւան

գուծէր այտի, և ոչ ապրեցցիս: Մեծ է սէր
կենաց. եթէ գտան սքօք՝ որ կածողին ցանկացան
մահու, գտան և յոգունք՝ որ ըղձանային և ևս
ապրիլ: Աթէ իցէ ժամանակ, յորում բնապէս
ծանր թուիցի մեռանել, է այն՝ յորժամ թէ ոք
տանուտը իցէ՝ թողու զտուն իւր, կամ թաղաւոր
զթաղաւորութիւն իւր՝ ՚ի յուր վիճակի, յորոյ ՚ի
դարման կարևոր տեսանէ զանձն:

Սէ յայտ՝ թէ մինչև ցայնժամ եղէն արդեօք
որդիք եղեկիայ. գիտեմք զի մանասէ, որ թաղա-
ւորեաց զկնի նորա, երեք ամօք յետոյ ծնաւ զկնի
հիւանդութե նորա: Ասոր էր նմա թողուլ ըզ-
տուն իւր անժառանգ. և զժողովուրդն զոր սիրէր
իրև զորդիս, ՚ի ժանիս զազանացեալ թշնամոյն:
Ամին իրի ՚ի լսել զգոյժ մահուն՝ առ ցաւոց սրտին
եւաց (ասէ զիրն) լալիւն մեծ: Բայց և յայնմ
մեծի վշտին ոչ մոռացաւ զանձն իւր: Մեղք նորա
միշտ թեթև եղեն. բայց և այնպէս նոյնհետայն
եմուտ ՚ի քննութի տմենայն կենաց իւրոց. և լուաց
զյանցուածս իւր թեթևս դառն զըմամբ և ար-
տասուօք: Արձաւ ՚ի կողմն մի, և զերեսս դար-
ձոյց յորմն անդր ՚ի տաճարն կոյս. և հաստատելով
զսիրտ իւր բովանդակ ՚ի տը՝ ՚ի նա ապաւինեցաւ.
և ջերմ պաղատանօք ՚ի ձեռս նորա արար ապաս-
տան զկեանս և զմահ: Ար ոք տեսանէր զտառա-
պանս նորա, տեսանէր զմեռանել մարդոյ. այլ որ
լսէր զպաղատանս նորա, տեսանէր զմեռանել սրբ-
բոյ: Ազոթք նորա արարին զոր արուեստ բժշկաց
էր կարօղ առնել, ոչ զօրէին նոքա ազատել զնա
՚ի մահուանէ. իսկ ազոթք նորա ինդրեցին և ըն-
կալան նմա կեանս: Օ ի նա ինքն եսայի՝ որ ետ
նմա զգոյժ տրամուծե, եղև աւետաբեր ուրախ
արար, ասելով ցնա. Այսպէս ասէ տը՝ տձ դա-
թի հօր քոյ, լուայ ազոթից քոց, և տեսի զար-
տասուս քո, ահա ես բժշկեցից զքեզ, և յաւելից
յաւուրս քո ամս հնգետասան. և դու յաւուրն
երրորդի ելցես ՚ի տուն տն մատուցանել նմա ցըն-
ծութե զգոհացողական օրհնութի: Աւ սո աքա

ւելուլ զուրախութի նորա՝ յաւել ասել նմա յա նունն տն, թէ և ՚ի ձեռաց արքային ասորեստանն եայց ասրեցուցից զբեզ և զերուսաղէմ՝ քաղաք քո, և վերակացու եզէց քաղաքիդ այդմիկ: Աւ զի գիտասցէ եզեկիա՝ թէ բանք մարգարէին էին պատգամք տն, առաջի արար նմա եսայի նշան մի Տրաշահան. որ էր արագել ընթացից արեգական քան զսահմանեալն ՚ի բնէ. որով և ստուեր ցուցակի ժամացուցին տանն արքայի նոյնհետայն անցանկցի՝ զտասն աստիճանօք կամ գծիւք: Յայն ժամ ասէ եզեկիա, դիւրին է ստուերին յառաջ ընթանալ զտասն աստիճանօք. այլ դարձցի՝ ստուերն զտասն աստիճանօք անդրէն յետս: Օ այս բնտրեաց որ առաւել սքանչելի և արտաքոյ բնութե՛ թուեցաւ նմա. և եղև այնպէս, զի դարձու արեգակն յետս ժամն հինգ. իսկ ստուեր ցուցակին դարձաւ ընդ տասն դիւս. զի ՚ի միջոցի իւրաքանչիւր ժամացոյց գծի գոյր և այլ փոքրագոյն գիծ նշանակիչ կիսաժամու: Աւ ապա ուսոյց մարգարէն կազմել սպեղանի ՚ի թղոյ, և դնել ՚ի վերայ վիրին՝ զոր ունէր արքայ. և այնպէս հրամանաւ տն, և զօրութի սպեղանւոյն ազգելոյ ՚ի տնէ մարգարէին, յաւուր երբորդի կատարեալ ողջացաւ արքայ և ել ՚ի տաճարն տն:

Ազուամք յայն միտս են, թէ յայս գիպուած ընթացք արեգականն ոչինչ բնաւ այլայլեցաւ, այլ լոկ ստուեր ցուցակին փոխանակ յառաջանալոյ՝ յետս դարձաւ, ոչ խուսելով յարեգակնէ, այլ ընդ առաջ երթալով նմա: Հիմունք կարծեաց նոյս են. նախ՝ զի սք գիրն խօսի զստուերէ ցուցակին միայն ՚ի ժամացուցի տանն արքայի, կամ ժամացուցին աքաղու. յորմէ իմանամք թէ աքաղ արքայ ետ գծել զայն ժամացոյց յորմն արքունի ապարանից. ոչ խօսի սսեն ոչ զարեգակնէ, և ոչ զստուերէ այլոց ժամացուցից: Արկորդ՝ զի քաղաքէացիք եկեալք ՚ի բաբելոնէ հարցին վասն նշանացն որ եղեն ՚ի վերայ երկրի. և ոչինչ խօսեցան վասն նշանաց երկնից կամ արեգական: Աւ եր-

բորդ՝ չէր անդ հարկ այնչափ սքանչելեաց առ ՚ի հաւատարմացուցանել արքայի զճշմարտութի մարգարէութենն : Այս պատճառք ապաքէն զօրէին , եթէ չունէաք յայտնի ՚ի սբ դիրս զհակառակն : Վանզի ՚ի դիրս ետայեայ յերեսուն և ութ գլուխ , ուր մերս ունի՝ * Աւ ել շողն զտասնեքումք աստիճանօք , ընդ որ իջեալ էր ॥ , լատինն ընթեռնու , * Աւ դարձաւ արեգակն զտասնեքումք աստիճանօք ॥ : Աւ ՚ի քառասուն և ութ գլուխ սիրաքայ ասի . * Աւ յաւուրսն յայնոսիկ յետս դարձաւ արեգակն ॥ : Ահա աստ յայտնի զարեգակնէ ասէ , և ոչ լոկ զստուերէ ցուցակի : Ասկ թէ քաղզէացիք կոչեցին զայն նշան եղեալ ՚ի վերայ երկրի , ոչ տկարացուցանէ զբանն , այլ առաւել հաստատէ . վասն զի նոքա խօսեցան զշարժմանէ ստուերին , զոր տեսին յարեգակնային ժամացոյցս իւրեանց . ուստի քաջայայտ է , զի այլայլութին եղև ՚ի շարժման արեգական , և ոչ լոկ ՚ի ստուեր ցուցակի ժամացուցին արքունեաց . զի և ՚ի բարելուն տեսաւ այլայլութի ստուերի յարեգակնային ժամացոյցս : Ասկ այն՝ թէ ոչ գոյր անդ հարկ այնչափ սքանչելեաց , չէ՛ ինչ . զի անձ կամեցաւ առնել առաւել՝ քան զառ ՚ի մէնջ կարծեցեալ հարկաւորն . և չէ՛ մեր քննել զխորհուրդ նորա՝ թէ առ ինչ արար այնպէս :

Այլք յայն միտս են , թէ արեգակն դարձաւ յետս ընդ տասն աստիճանս , և ընդ նոյնչափ աստիճանս արար յետոյ զիւր կանոնաւոր սովորական ընթացս . և ըստ այսմ տիւն այն երկայնեալ լինէր քան զայլ աւուրս ժամս քսան : Այց յայտնի ապացուցանի , թէ այս կարծիք չունի բնաւ տեղի : Արգարէն եթող ՚ի կամս թագաւորին ընտրել զմին յերկուց աստիճանաւ յաւաջել կամ դառնալ ստուերին զտասն աստիճանօք . ապա յայտ է թէ ստուեր ցուցակին յայնժամ էր հասեալ ՚ի վերայ տասներորդ գծին : Արդ՝ եթէ իւրաքանչիւր գիծ ցուցեալ էր մի ժամ , զչետ գայր թէ այն ժամացոյց ցուցանէր գէթ քսան ժամս . այսինքն ունէր քսան ժամական գիծս . և ըստ այսմ դնելի էր հորիզո

Նահանգ լինել՝ յայնպիսի դիրքս զետեղեալ, զի ընդ տիւն ողջոյն ունիցի զլոյս արեգական. որ չէ հաւանելի. այլ երեւի թէ էր գազաթաճայեաց գծագրեալ յորմն, եթէ արքայն՝ ի մահճաց կարէր տեսանել, որպէս ցուցանէ գիրն. արդ հաւաստի է թէ յերուսաղէմ արեգակն ոչ ժամանէ կալ ՚ի վերոյ քան զՏորիզոնն կամ զեղերտս աւելի քան ժամս 1/4. ըսպէ կ. ուրեմն չէր մարթ ՚ի ժամացոյցն յայն լինել թուոյ գծից աւելի քան զայն, որ ցուցանիցէ զչորեքտասան ժամս արեգակնայինս: Ապա հարկ է ասել, թէ ՚ի մէջ ժամու և ժամու գոյր անդ և զիժ ցուցակ կիսաժամու. ուստի տասն աստիճանք ցուցանելն ժամս հինգ և եթէ: Այլ չէ հարկ ասել թէ արեգակն կանոնաւոր ընթացիւք դարձաւ յետս, և նովին կանոնաւոր շարժմամբ կալաւ վերստին զսովորական ընթացս. զի առաւել հաւանելի թուի՝ թէ յերկոսին ևս երազեաց յընթացս քան զսովորականն, և անց ընդ աստիճանսն առանց ամբողջ ժամուց միջոց տալոյ: Ասիցես, եթէ արդարև արեգակն յետս դարձաւ. ապա յամենայն արեգակնային ժամացոյցս հարկ էր ստուերին երթալ յետս ընդ աստիճանսն. ապա ընդէր մարգարէն ամփոփեաց զայն նշան միայն ՚ի ժամացոյցն արքունեաց. նա՛ զի գուցէ և յարքունիս անդ կային և այլ ժամացոյցք: Ատտասխանեմ. վասն զի միայն այն ժամացոյց երեւէր ՚ի մահճաց անտի հիւանդին. վասն այնորիկ և մարգարէն զայն ետ նշան ՚ի հաւտատու թիւն բանից իւրոց. յորում հիւանդն աչօք ետես զգառնալ ստուերին յետս զտասն աստիճանօք. թող զի՛ և ՚ի բարելոն անգամ ծանուցու նշանն սքանչելի: Այլ այսպէս ողջացեալ արքայի ՚ի հիւանդութի անտի, մարթացաւ այնուհետև միտ զնել պատերազմական իրաց:

Այն անցեալ բազում ժամանակք, զի քաղդէացիք թօթափեցին զլուծ ասորեստանեայց, և նշկահեալ զսենեքերիմ արքայ՝ կացուցին իւրեանց թաղաւոր ՚ի բարելոն զմարովղաք բաղղան զորդի բաղղանայ: Աս փոյթ մեծ առնէր սերտ բարեկա.

մուծի ունել ընդ թագաւորսն յուղայ, կարեւոր յոյժ վարկանելով իւրում թագաւորութեան զի թագաւորք յուղայ կացցեն մնացեն միշտ թնա մուծք ընդ ասորեստանեայց հասարակաց թնամւոյ: Կրբւ լու եղև ՚ի բարեւոն վտանգաւոր հիւանդութի եզեկիայ արքայի, և դառնալ նորա յառաջին առողջութի, առաքեաց հրեշտակա առ նա բազում ընծայիւք և հրովարտակաւ. ուր թէպէտ առաջին խորհուրդ նորա յայն հրեշտակութի՝ էր ձգել զեզեկիա ՚ի բարեկամութի, բայց արտաքին երևոյթն էր իբր ՚ի խնդակցութի ընդ վերադարձ առողջութի նորա: Բայց միանգամայն պատուէր ետ իւրոց հրեշտակաց տեղեկանալ և վասն սքանչելի նշանին, զոր գրեթէ ամենայն երկիր կարէր տեսանել: Արողոտոս ըստ սովորութե իւրում խառնելով ընդ բազում խառնակութիս ժամանակաց և անձանց և ստութեց՝ երբեմն և նշոյլ իմն ճմարտութե, գրեաց թէ տեսաւ արեգակն ծագել յարեւմտից. որ յարեւելեան կողմանս երուսաղէմի եղև ճմարիտ, յորժամ արեգակն յետս դարձաւ: Բարեւացւոց արքայի եղև արդէն առնուլ ծանօթութի յիսրայելացւոց անտի, որ էին ՚ի բաբելոն, այլև ՚ի թղթոց յերկրէն հրեաստանի՝ թէ այն սքանչելիք եղեն ՚ի շնորհս եզեկիայ արքայի. այլ կամէր ՚ի նմանէ առնուլ ճգրիտ տեղեկութի յաղագս այնր նոր հրաշալի դիպուածոյ հանդերձ ամենայն պարագայիւք:

Ազեկիա ուրախ եղև ընդ տն շքեղ հրեշտակութի օտար թագաւորի. այլ ուրախութի նորա յետոյ դարձաւ նմա ՚ի տրտմութի. զի անձնահաճութք իմն ընկալաւ զնոսա պատուասիրաբար. և առ ՚ի տպացուցանել ՚ի նոսա զմեծ ինչ զանձնէ՝ անխօհեմ՝ մնապարծութք եցոյց նոցա զամենայն դանձա իւր, մինչև չմնալոյ իմիք ՚ի տան իւրում, զոր ոչ տեսին. * Աւ բարձրացաւ սիրտ նորա. ասէ գիրն: Յանցանքն թէպէտ ներելի էր, բայց ՚ի նմա որ լուսաւորեալ էր յոյ. և այնչափ գթովք խնամարկեալ ՚ի նմանէ, արժանի եղև իսկաւ հշտամբա.

նաց և պատժոց : Իբրև մեկնեցան 'ի նմանէ Տրեշտակքն , եմուտ եսայի մարգարէ , և Տարց ցարքայ , թէ ուստի՞ եկին նորա , և զինչ խօսեցան , և զինչ տեսին 'ի տան նորա . և եզեկիս պատմեաց նմա զամենայնն պարզու թ'ք սրտի և ուրախութ' : Յայնժամ պատասխանի ետ մարգարէն , և ասէ . արդ լուր զպատգամն ՞նն զօրութեց . ահա եկեսցեն աուրք , և առնուցուն զամենայն՝ որ 'ի տան քում է , և տարցին 'ի բաբելոն , և մի ինչ ամենեին թողուցուն . և ոչ այս միայն՝ այլև որդիք քո առցին և եղիցին ներքինիք 'ի տան թագաւորին բաբելացւոց : Ի լուր սպառնալեացս խոնարհեցաւ արքայ , խոստովան եղև բեկեալ սրտի՝ եթէ պահասեցաւ . և կամակար նուիրեաց զանձն 'ի հնազանդութիւն կամաց ՞նն յամենայնի : Եյս արագ զեղջ արքայի հաճոյ եղև ՞նյ . վասն որոյ ասաց ոչ առնել զայն առ նորին կենդանութ'ք , այլ յաւուրս որդւոց նորա :

Գ Լ Ժ Բ Ը

(Գ)րեւելի աբնէլէօս եղեիիայ եւ երոսաղէմ քաղաքի 'ի յեռաց սենեալերիմայ ասորեսորոսնեայց արքայի : Ս'ան եղեիիայ :

Եյս իրք գործէին յերուսաղէմ , մինչ սենեքերիմ՝ արքայ առ սակաւ սակաւ տիրեալ բազմաց սահմանագլուխ քաղաքաց՝ եկեալ զտեղի առեալ էր համօրէն բանակաւ իւրով 'ի ներքոյ լաբիս քաղաքի , առ 'ի սկսանիլ զպաշարումն երուսաղէմի : Օ այս քաղեմք 'ի յժ գրոց . ուր ասի , թէ եզեկիս առ ճողոպրելոյ զանձն 'ի պատերազմէն յարուցելոյ 'ի վերայ նորա (յամին՝ յորում հիւանդացաւ , որպէս տեսաք 'ի վերոյ ,) առաքեաց 'ի բանակն ասոր-

րեստանեայց 'ի լաբիս հրեշտակս առ սենեքերիմ՝
արքայ, խնդրելով առնել խաղաղութի ընդ նմա
դաշնադրութի իւր, որ իցէ տանելի: Սենեքե-
րիմ եղ 'ի վերայ նորա երեքհարիւր տաղանդ ար-
ծաթոյ, և երեսուն տաղանդ ոսկոյ. այսինքն ե-
րեսուն և եօթն հազար և հինգհարիւր լիտր ար-
ծաթ, և երեք հազար եօթն հարիւր և յիսուն
լիտր ոսկի: Աշեկիա եղ 'ի մտի՝ թէ անկեղծ մտօք
արար նա զդաշնադրութին, վասն որոյ փութացաւ
առաքել զպահանջեալն. այլ առ 'ի կուտել զայն-
չափ ոսկի և արծաթ՝ ստիպեցաւ դատարկել ըզ-
գանձն իւր, մինչև ձեռն արկանել և 'ի գանձ տան
նն. այլ և կոտորել զոսկին 'ի դրանց տանն նն և
'ի սեմնց, զորս ինքն պատեալ էր ոսկով: Այս-
մանէ յայսնի երևի, թէ հրեշտակք բարեւոյնի ե-
կին յառաջ քան զայս կողողուտ գանձուց. ապա
թէ ոչ՝ չուներ եղեկիա ինչ, յոյր վերայ կարիցէ
պարծիլ առաջի նոցա: Այլ և ս՝ զի թէ զկնի պա-
տերազմին եկեալ էին, խնդակից լինէին նմա ոչ
միայն վասն առողջութե, այլև յաղազս ազատելոյ
նորա հրաշիւք 'ի ձեռաց ասորեստանեայց. իսկ
զայսմանէ չեղև բնաւ զրոյց:

Սենեքերիմ ստեաց դաշնադրունն, առ զգանձն,
և 'ի պատերազմնն ոչ կասեցաւ: Առաքեաց 'ի լա-
բիսայ երիս պատգամաւորս զթարաթա, զաբաս-
րիս, և զափսակ յերուսաղէմ, կոչել զեղեկիա 'ի
հնազանդութի՝ մինչև իցէ պաշարեալ զբաղաքն,
և 'ի յետին թշուառութի ածեալ: Ափսակ էր
դիտաւոր 'ի պատգամաւորս. որոց եկեալ մերձե-
ցան յերուսաղէմ, և կացեալ 'ի վերայ ջրմղին վեր-
նոյ, որ էր առ ճանապարհաւ աղարտիին թափչաց
յարևելեան կողմն երուսաղէմի մտք՝ 'ի ձորն կեղ-
րոնի, խնդրեցին խօսիլ ընդ արքայի: Աշեկիա
անպատեհ համարելով անձին ելանել առ նոսա և
ինքնին անմիջապէս խօսել ընդ նոսա, առաքեաց
և ինքն զերիս 'ի պաշտօնէից իւրոց՝ լսել զառաջ-
արկութի նոցա: Այլ առաքեալքն էին՝ եղիակիմ
որդի քեղկեսոյ հազարապետ. ուր եբրայեցին ըն-

Թեոհուռ, որ 'ի վերայ քանն. լատինն և ասորին՝ վերակացոս քանն. և զի տունն 'ի սբ. գիրս առանց յատկացուցի՝ սովորաբար ցուցանէ զտաճարն, յայնմանէ բազումք համարին զնա քահանայապետ: Արկորորդն էր սովմնաս արքունի դպրապետ. 'ի վերայ սորա խնդիր է, թէ արդեօք սա իցէ սովմնասն, որ 'ի գիրս եսայեայ կոչի հանդերձապետ. առ որ սատիկ կշտամբանօք և սպառնալեօք առաքեցաւ եսայի. ԳԼ. ԻԲ. 15. զոր թողումք 'ի քննուի մեկնչաց: Իսկ երրորդն էր յովաք որդի ասափայ որ 'ի վերայ յիշատակաց:

Արդ՝ իբրև եկին երեքեան սոքա, ռափսակ եդ առաջի նոցա զպատուէր զոր ունէր 'ի տնէ իւրմէ՝ ասել ցեղեկիա, զի խաղաղութիւն լիցի անձնատուր հանդերձ թաղաւորեալ քաղաքաւ իւրով՝ սենեքերիմայ ասորեստանեայց արքայի. և զայս երիւք ջանայր պնդել: Ասա՝ որպէս թէ եզեկիա լունի այնչափ զօրութիւն, զի կարիցէ պաշտպանել զքաղաք իւր յերեսաց ահեղ զօրութե ասորեստանեայց: Արկորորդ՝ թէ փարաւոն արքայ եդ իստացւոց, յոր կարծէր յուսացեալ զեզեկիա, անզօր է որպէս զցուպն եզեգնեայ, յոր թէ ոք յերուցու կործան անկանի: Աւ երրորդ՝ թէ մի վստահ լիցի ասափայնիլ յիմ իւր, իբր զի եբարձ զբարձունս և քակեաց զսեղանս որ էին 'ի նոսա, և պատուէր ետ հրէաստանի և երուսաղէմի՝ առաջի սեղանոյն միայն որ 'ի տաճարն երկիրպագանել. ուստի առաւել երկնչիլ ունի 'ի նմանէ՝ քան յուսալ 'ի նա: Առափսակ եբրայեցերէն խօսէր և մեծաձայն. որ չէր հաճոյ հրեշտակացն եզեկիայ. զի լսէին զինուորքն որ կային 'ի վերայ պարսպաց 'ի պահպանութիւն. աղաչեցին զնա խօսիլ ընդ նոսա ասորերէն. զի իմանամք մեք ասեն. և մի խօսիր հրէարէն 'ի լուր ժողովրդեանդ որ կան 'ի պարսպիդ: Իսկ ռափսակ, որոյ կամք էին ահարկանել ժողովրդեան, որպէս զի ինքնին անձնատուր լինիցին, ևս առաւել բարձրացոյց զբարբառ իւր 'ի լեզու եբրայական, և ժայթքեաց հայհոյութիւն անբերե-

լիս . մի լսէք ասէ եղեկիայ , զի խաբէ գձեղ , և ասէ թէ Թէ Թոր փրկեսցէ զմեզ . միթէ փրկելով փրկեցին աստուածք ազգայն զաշխարհ իւրեանց , զի փրկեսցէ Թոր զերուսաղէմ ՚ի ձեռաց խմոց : Այրինչէր յոյժ եղիակիմ , թէ գուցէ կամ լսողքն պղտուրեսցին ՚ի բանից անօրինին , և կամ զինուորք պարբս պին՝ ոչ հանդուրժելով տանել այնպիսի հայհոյութեց՝ ոչ միայն խօսիցին ինչ ծանր , այլև աղեղամբ և նետիւք տայցեն պատասխանի՝ ընդդէմ ազգային իրաւանց : Բայց եղեկիա յառաջագոյն կանխատես խոհեմունք՝ խստիւ պատուիրեալ էր ամենեցուն , զի մի դք խօսեսցի ինչ բնաւ կամ շարժեսցի : Այնոքին իսկ երեքին հրեշտակքն պատուէր ունելին ՚ի նմանէ մի ինչ որոշել կամ պատասխանել , այլ միայն լսել զառաջարկութիւնն , և գալ պատմել նմա :

Գարձան հրեշտակքն և մտին առ արքայ պատուեալ զհանդերձս յահէ սպառնալեաց , և պատմեցին նմա զպատգամն ռափսակայ : Ըստ կարէր եղեկիա ՚ի միտ առնուլ , թէ քանի՞ մնաս բերեն թաղաւորութե՞ ունել բազում ամբոցս . վասն զի սախակալ նորա բաժանել զգօրս իւր ՚ի պահպանուի այնչափ ամբոցաց՝ չունէր յայնժամ առ իւր զօրս բաւական առ իշխել ձակատիլ ընդդէմ թշնամւոյն . և մի միայն երուսաղէմ քաղաքն ընդարձակ այնչափ բազմապատկեալ պարսպօք , և պատուարօք , և մարտկոցօք՝ կարօտ էր ամբողջ բանակի ՚ի պահպանութի իւր : Սահմանազուլս քաղաքք և ամբոցք մի առ մի առան . զօրքն սրք կային ՚ի նոսա ՚ի պահպանութի՞ կորեան . և այնպէս է թէ արքայն մնայր փակեալ յերուսաղէմ , չունելով արտաքոյ զօրս , զի նոքա արտաքուստ , և սրբա՛ի ներքուստ պատերազմեսցին , հարկ էր նմա ՚ի պարտութի մատնիլ , և լինել անձնատուր գազանացեալ թշնամւոյն :

Այր նք արքայն ՚ի մեծի տաղնապի , բայց և այնպէս ոչ խոպառ լքաւ , յուսացեալ թէ աղօթք զօրաւորագոյն են քան զբազում գունդս զօրաց :

պատառեաց զՀանդերձս, և զգեցեալ քուրձ ապաշխարութե՛հ եմուտ ՚ի տաճար տն առնել աղօթս առ տօր: Այ՛՛ առաքեաց զեղիակիմ՝ քեղկեայ, և զԹերս ՚ի քահանայից քրձագգաճս առ Եսայի՛ աղաչել, զի և նա իւրով ընդունական աղօթիւք օգնական լիցի մնացորդաց Ժողովրդեան իսրայելի: Ա՛հնչայս իրք լինէ՛ին յերուսաղէմ, հասին առ եղեկիա և այլ հրեշտակք հրովարտակաւ սենեքերիմայ. որ լի էր սաստկագոյն սպառնալեօք, և մեծամեծ հայհոյութիւք առ տձ: Ա՛ ուր առեալ էր սենեքերիմ ճշմարիտ կամ սուտ, ե՛թէ՛ թարակ արքայ ե՛թովպացւոց գայ զօրօք յօգնութի երբայեցւոց. զայն համբաւ սրպիսի և իցէ՛ լուեալ սենեքերիմայ, խաղացոյց զբանակ իւր ՚ի լաքիսայ ՚ի զօքնա իրր ՚ի յանկագոյն տեղի ճակատելոյ ընդդէմ՝ ե՛թովպացւոց: Այլ զի փոյթ նորա էր երագել զառումն երուսաղէմի, մինչև իցեն հասեալ ե՛թովպացիք, այլ քանզի չկարէր յայնժամ գրոհ տալ զինուք ՚ի վերայ քաղաքին, ջանայր սպառնալեօք զարհուրեցուցանել: Այլեկիա ընթերցեալ զհրովարտակն՝ դարձաւ ՚ի տաճար անդր հանդերձ հրովարտական, և տարածեաց զայն առաջի տապանակի տն, իբր ասել առ տձ, զի նա ինքն պաշտպան լիցի յառաջիկայս դատի՛ սչ այնչափ Ժողովրդեան, քանթէ իւրումն տձ պետական մեծվայելչութե. միանգամայն և եկաց յաղօթս ջերմ և ցաւազին խանդաղատանօք: Այլ գուցէ մինչև էր աւարտեալ եղեկիայ զաղօթս, ահա եհաս առ նա պատասխանի առ ՚ի յեսայեայ՝ այսպէս. մի ինչ երկիցես, զի այսպէս ասէ տօր զօրութեց տձ իսրայելի վասն սենեքերիմայ, մի մտցէ նա ՚ի քաղաքդ յայդ. և մի մերձեսցի այնչափ՝ զի կարիցէ՛ նետս հասուցանել ՚ի դա. և մի պատեսցէ վսհանօք, և մի կանգնեսցէ զդովաւ հողակոյտ պատնէշ. այլ ընդ ճանապարհ ընդ որ եկն՝ ընդ նոյն դարձցի, և սպանցի յիւրում թագաւորեալ քաղաքի: Այլ ՚ի գիշերին յայնմիկ ել հրեշտակ տն, և սատակեաց գրեթէ զամենայն բանակն ասորեստանեայց. զի ընդ առաւօտն կան.

խեղ սենեքերիմ ետես զբանակ իւր կորուսեալ. զի էին հարիւր և ութսուն և հինգ հազար դիակունք սիռեալք 'ի գաշտի: Աւ ինքն ամօթապարտ և նախատալից փախուցեալ զնաց անկաւ 'ի նինուէ թագաւորական քաղաք իւր. ուր զկնի սուղ ժամանակի մինչդեռ զոչս մատուցանէր նասրաքայ կոոց իւրոց, որդիք նորա ադրամելէք և սարասար սպանին զնա անդ առ ոտս սեղանոյն. աւին զկեանս նորա, այլ ոչ զթագաւորութիւն. քանզի սոսկացեալ ժողովրդեան ընդ եղեռնական հայրասպանութիւն՝ յարեան 'ի վերայ նոցա. իսկ նոքա փախստական գնացին անկան 'ի հայս. և թագաւորեաց ասորդան եղբայր նոցա: Այս եղև կատարած ահեղ պատրաստութե պատերազմի և կենաց սենեքերիմայ ամբարտաւան արքայի ասորեստանեայց. զոր բազում ամօք յառաջ մարգարէացաւ ետայի. որպէս գրեալ կայ 'ի տամներորդ գլուխ մարգարէութեց նորա:

Բերոսոս և երողոտոս ասեն, թէ սենեքերիմ զնաց յեգիպտոս, և պաշարեաց զբելթէս քաղաք՝ որ 'ի բերան նեղոսի. և թէ արքայն եգիպտոսի դիմեաց առ աստուած իւր. ուստի արքայն եթովպացւոց ել առ 'ի հասանել յօգնութի եգիպտացւոց. այլ 'ի միում գիշերի հասեալ անհամար բազմութե մկանց 'ի բանակն ասորւոց, կրծեցին զաղեղունս, զնետս, զվահանս, և զսանձս ձիոց. և ընդ առաւօտն տեսեալ սենեքերիմայ անզէն զբանակ զօրաց իւրոց, բռնադատեցաւ մեկնիլ 'ի պաշարմանէ անտի: Բարեկամք երողոտոսի՝ ասէ կազինոս, զուցէ դժուարութի կրիցեն հաւանիլ՝ մկանց այնչափ վզեանս գործել այնպիսի լուութիւն, զի 'ի բազմութե անտի զինուորաց չիցէ ոք զգացեալ: Այլ ես ասէ՝ մեծագոյն դժուարութի կրեմ հաւանել, թէ սենեքերիմ իցէ պաշարեալ զբելթէս քաղաք յեգիպտոս, որովհետև նք գիրք յայտնի ասեն, պաշարել նորա զլաքիս 'ի հրէաստանս: Աւ պայծառ տեսանեմ 'ի վրիպակ լրոյ գրեալ նորա զայն մեծ պատերազմ մկանց. և մեծագոյն վրիպակ

զսենեքերիմ արքայ ասորեստանեայց ասել թագաւոր արաբացւոց : Յաւելու բերոսոս թէ ՚ի դառնալ սենեքերիմայ յեզիպոսէ , եզիպ զի ՚ի միում գիշերի էին մեռեալ ՚ի ժանտախտէ : Հարիւր և ութսուն և հինգ հազար ՚ի զօրաց անտի , որք ընդ առաջնորդութիւն առիսակայ պաշարեալ էին զերուսաղէմ . այն զի՝ հաւաստի է ՚ի նախագրեալ բանից ետայեայ , եթէ երուսաղէմ ոչ պաշարեցաւ : Այլ շատ է մեզ , զի և արտաքին մատենագիրք գտնեաղօտ իմն ունէին ծանօթութիւն զիրացս աներկբայ եղելոց առ մեզ ըստ նք գրոց :

Յետ այսոց զանազան անցից կեցեալ եզեկիայ այլևս ամն ոչ սակաւ յանդորրու միշտ բարեպաշտ , միշտ փառաւոր , և միշտ երջանիկ՝ թագաւորեալ ընդ ամենայն ամն քսան և ինն , մեռաւ խաղաղութիւն . թողեալ զերկրաւոր թագաւորութիւն որդւոյ իւրում մանասէի . և ինքն վերաչուեաց ՚ի ժառանգութիւն թագաւորութե արդարոց . և մարմին նորա թաղեցաւ ՚ի բարձրագոյն տեղւոջ զերեզմանաց որդւոցն դաւթի . և փառս և պատիւ ետուն նմա ՚ի մահուն նորա ամենայն յուզա և ընակիւք երուսաղէմի . Բ . հոսոց . ԼԲ . 35 :

Գ Լ Ժ Թ Ի

Ս անասէ , և Ս ճոն Նափասորդ յոսոց :

Իբրև մեռաւ եզեկիա , թագաւորեաց մանասէ որդի նորա ընդ նորա՝ մանուկ ամաց երկուտս ասնից : Արածիք բազմաց այն է՝ թէ եզեկիա կացուցեալ իցէ զեզիակիմ քեզկեայ զայր ճմարիտ նծապաշա , իմաստուն խորհրդական , ըստ ոմանց և քահանայապետ , ՚ի դաստիարակ որդւոյ իւրում մանասէի , միանգամայն և իբր խորհրդական և մա-

տակարար թագաւորութիւն մանկութեւնորս, որ պէս յովորոյցէ առ ողիւս. ըստ որում օրէն խնէ և յամենայն բարեկարգեալ թագաւորութիւնս: Հիմն կարծեացս հաստատեալ է ՚ի բանն եսայեայ. ԳԼ. ԷԷ. ուր ՚ի կշտամբել մարդարէին զսովմնաս, և ՚ի մարդարէանալ զչարաչար կատարած նորս յերկիր օտար, ցուցանէ զնա լինել քահանայապետ. (Թեր. ևս ՚ի ժամանակին աքաղու զկնի ուրիայ կապաղատեալ քահանայապետի սա էր անցեալ ՚ի տեղի նորս, յորժամ ամենայն կարգք և օրէնք տաճարին էին խանդարեալ.) զի խօսի անդ զքահանայապետական զարդուց և զիշխանութեց, որք ասէ բարձցին ՚ի նմանէ, և տացին եղիակիմայ. այսպէս ունելով բանին. * Աւ եղիցի յաւուր յայնմիկ կոչեցից զճառայ իմ զեղիակիմ քեղկեայ. և զպեցուցից նմա զպատմուճանդ քո. և տաց նմա զպսակդ քո ճոխութիւն. և տաց ՚ի ձեռս նորս զհազարապետութիւնդ քո: Յայս վայր խօսի զքահանայապետական զարդուց և զիշխանութե. ապա յարէ. * Աւ եղիցի իբրև հոյր բնակացդ երուսաղէմի, և բնակչացդ յուղայ. և տաց զփականս դաւթի նմա, իշխեսցէ, և ոչ ոք իցէ որ նմա ընդդէմ դառնայցէ: Աւ կացուցից զնա իշխան ՚ի հաւատարիմ տեղւոջ. և նրստցի յաթոռ փառաց տան հօր իւրոյ. և եղիցին ՚ի նա յուսացեալք ամենայն փառաւորք տան հօր իւրոյ ՚ի փոքրկանց մինչև ՚ի մեծամեծս ... և եղիցին կախեալ զնմանէ: ||

Աստ յայտնի ասէ, թէ եղիակիմ եղիցի իբրև հոյր երուսաղէմի և ամենայն թագաւորունն. և թէ տացին նմա փականք, այսինքն կատարեալ իշխանութիւն ՚ի վերայ տանն դաւթի. որում ոչ ոք իշխեսցէ ընդդէմ դառնալ: Աւր յայտ է թէ ոչ խօսի զքահանայական գործոց և եթ, կամ լակ զհողեորական իշխանութիւն, այլև զմատակարարութիւն թագաւորութեւն, և զքաղաքական իշխանութիւն: Աւ ապա յաւելու մարդարէն. * Յաւուր յայնմիկ այսպէս ասէ նոր զօրութեց, շարժեսցի մարդ հաստատուն ՚ի հաւատարիմ տեղւոջէ, անկցի և կործանեսցի: ||

Մ. յս է, նոյն ինքն եղիակիմ զոր 'ի վերոյ իշխան
ասաց, և աստ մարդ հաստատուն, կամ իւրով բնա-
կան օրհասիւ բարձցի, և կամ մանասէ յաճել հա-
սակաւ՝ մերժեցցէ: զնա յիւրմէ, իբր ոչ ևս պէտս
ունիլ առաջնորդի. ուստի և ինքն մանասէ իսպառ
* անկցի և կործանեցցի || յամենայն ամպարչտուիս .
* և բարձցին փառք նորա 'ի նմանէ: || . զի գերի
վարեցցի: Աւր լատինն ընթեռնու, * Մ. անկցի և
կորիցէ, որ կախեալ կայր զնմանէ: || . այսինքն մա-
նասէ՝ որ կախեալ կայր զեղիակիմոյ: Հայտմամե-
նայնէ՝ յայտ է թէ զայս իշխանութի վարեաց եղիա-
կիմ 'ի մանկութե մանասէի, և ոչ որպէս ոմանք
կարծեցին՝ 'ի ժամանակի գերութե նորա. ապա
թէ ոչ՝ վերջին մասն մարգարէութեն, թէ 'ի շար-
ժիլ մարդոյ հաստատոնոյ 'ի հաւատարիմ տեղողէ՝
անկցի և կործանեցցի, ոչ ճշմարտէր. քանզի մա-
նասէ յետ գերութեն ոչ եթէ՝ անկաւ, այլ որ ան-
կեալն էր և կործանեալ յարեաւ և բարձրացաւ և
հաստատեցաւ 'ի թագաւորութե իւրում. որպէս
տեսցուք փոքր մի ստորեւ:

Հայտմանէ ունիմք իմանալ, թէ ցորչափ ժամա-
նակս եկաց մանասէ ընդ առաջնորդութե եղիակի-
մոյ, բարի էր. կամ գոնէ չէր յայտնի չարագործ .
և տնտեսութի թագաւորութեն բարեկարգեալ .
և նժպաշտութին ծաղկեալ յերկրին յուզայ, որ-
պէս յաւուրս եզեկիայ հօր նորա. և ժողովորդն
'ի իսղաղութե: Մ. յլ իբրև բարձաւ 'ի նմանէ
իմաստուն առաջնորդն, անկաւ սուզեցաւ մանասէ
յանդունդս ամպարչտութեց. անօրինեցաւ, և ետ
անօրինիլ և ժողովորդեան: Ը ինեաց զբարձրաւան-
դակս կուոց, զոր կործանեաց եզեկիա հայր նորա .
կանգնեաց զարձանս բահաղիմոյ. և արար ան-
տառս. և երկիրեպագ ամենայն մելորական աս-
տեղաց երկնից՝ որոց թագաւոր և թագուհի ասին
արեգակն և լուսին: Մ. յլ որ առաւել զարհուրելի
է, շինեաց սեղան յերկոսեան սրահս տանն ինն՝ 'ի
սրահ քահանայից և 'ի սրահ ժողովորդեան. և կանգ-
նեաց 'ի նոսա կուռս երկնային լուսաւորաց. և

զորդիս իւր անցոյց ընդ հուր 'ի ձորն բեհնումայ, իմն 'ի մասին ձորոյն կեդրոնի, ուր կայր կանգնեալ կուռքն մնորբայ, զոմանս ողջակիզելով, և զոմանս 'ի վերայ բոցոյ անցուցանելով 'ի մարբել և 'ի նուիրել զնոսա մնորբայ կուոց: Բնդ ամենայն երկիրն յուղայ յաճախեաց վհուկս և թողիչս. և ինքն գլխովին մոլեալ 'ի հմայութի և 'ի դիւթութի, փոխանակ առ մարգարէս դիմելոյ՝ դիւթէր և հաւահարց լինէր: Ալ զի միանգամայն ասացից, անցոյց ամսարշտութի ոչ միայն քան զամենայն ամսարիշտ թագաւորս յուղայ և իսրայէլի՝ որ յառաջ քան զինքն, այլ քան զամենայն հեթանոս ազգն, զորս վասն կուսպաշտութե եբարձ ար յերեսաց իսրայէլի: Ալ որ մեծագոյն է՝ զայն ամենայն առնէր 'ի դժոխային իմն կատաղութի լոկ 'ի բարկացուցանել զնձ զարարիչ իւր: Բարձրացուցանելին մարգարէք զբարբառ իւրեանց, ազազակէին ընդդէմ այնչափ անլուր անօրէնութեց. այլ նա փոխանակ կասելոյ 'ի չարեաց՝ և սուաւել ժանտանայր ընդդէմ նոցա. և առ լուեցուցանելոյ զլեզու նոցա, տայր կոտորել զնոսա. և ելից զերուսաղէմ անսարտ արեանց ճապաղէօք. * Թո՛ղ (ասէ գիրն) զմեղս իւր, որով մեղոյց զյուղայ առնել չար առաջի նոն || : Բ նմին կատաղութեան ետ կենդանւոյն ընդ մէջ սղոյել և զմեծն եսայիաս զկայծակնամաքուր մարգարէն. թերևս զի նա խտտագոյն և սկտամբէր զանօրէնութիւնս նորա :

(Ընդլ ետ նձ, զի իսրայէլեան ազգն համօրէն տեսցէ 'ի մեծեղեռն դայթակղեցուցիչ թագաւորն իւր զերկրպագելի երկայնմտութի նոն, որպէս զի յետոյ ամենայն աշխարհ և ամենայն ասպագայ դարք տեսցեն յապաշխարոջ արքայն զիւր նձային զանչափ և զանսահման ողորմութիւն: Բնձկութիք և տառապանք եղեն ճարտար բժիշկք վիրահատք անողջանալի խոցուածոց մանասէի: Բ շղթայս և 'ի խաւարին բանափ արգելական՝ դարձաւ 'ի միտս, ծանեաւ զգառանցանս իւր, տաղտկացաւ 'ի նոցա.

նէ, և եկն յողջմտութիւն: Այլին ասորեստանեայք 'ի վերայ նորա. այլ ըստ որում երևի 'ի գրոյն, ոչ բանակաւ բազմութե զօրաց, և ոչ պատերազմաւ. * Աւ ան տր (ասէ գիրն) 'ի վերայ նորա զիշխանս զօրու արքային ասորեստանեայց, կալան զնա, և կապեցին կապանօք. և տարան 'ի բաբելոն. Է. Գ. Գ. 11: Այս եղանակ խօսից, ցուցանէ թէ չեղև այնչափ շառաչիւն զինուորական, այլ առաւել լուեկայն հնարիւք եկին զօրապետք ոմանք մասնաւոր գնդաւ զօրաց՝ լոկ զանձն մանասէի ըզբռամբ անել. զոր և ըմբռնեցին: Այս պատմէ աստ գիրն ոչ գիմադրութի, ոչ պաշարումն, և ոչ այլ ինչ մեծագոյն շարժումն կամ ամբոխումն. և այս տայ կարի հաւանելի կարծիս, թէ այն գալուստ ասորեստանեայց չիցէ լեալ ինքնաշարժ, այլ ծածուկ խորհրդակցութիւն և հրաւիրմամբ գլխաւորաց երբայեցւոց, առ ազատելոյ զերուսաղէմ յարիւնը. ուռչտ բռնակալէն. և ինքեանք ձեռօք իւրեանց տուեալ իցեն զնա 'ի ձեռս ասորեստանեայց: Այս գաւոր ասորեստանեայց ըստ հաշուին կաղինոսիէր յայնժամ նաբուքոզնոսորն յուղիթայ, կամ որդի նորա:

Այս գերութի մանասէի՝ որպէս երևի 'ի բազում իրաց կրօնի, և քաղաքական տնտեսութե զոր արար զինի դարձի իւրոյ 'ի գերութե, թուի լեալ իբրև 'ի կէսն ժամանակի թագաւորութե իւրոյ. որով և ժամանակն 'ի գէպ գայ աւուրց որդւոյ նաբուքոզնոսորայ: Այլ թէ զիարդ ասորեստանեայք տարան զնա 'ի բաբելոն թագաւորական քաղաք քաղաքացւոց, որք արդէն 'ի բաց թօթափեալ էին զլուծ ասորեստանեայց, զայսմանէ չունիմք ինչ լոյս 'ի սք գրոց: Արդ լինել ասէ կաղինոս, թէ երբայեցիք զայս բան հաստատեցին գաղտաբար ընդ արքային բաբելոնի, որ բաբելամութիւն էր ընդ տանն յուղայ. և թէ արքայն բաբելոնի ինդրեալ իցէ յարքայէն ասորեստանեայց փոքր գունդ ինչ զօրաց բաւական առ այն գործ, որք արդէն անդ առ սահմանօք երկրին յուղայ էին:

ուստի և զիւրին էր նոցա անշունչ մեղմով յառաջ
խաղալ յերուսաղէմ :

Մ.ՍԼ զիւրից և իցէ հաւաստի է թէ զմանասէ
տարան գերի 'ի բաբելոն . ուր վարեցան ընդ նմա
ոչ իբր ընդ թագաւորի , այլ իբրև ընդ մեղապարտ
գերւոյ . արկին զնա 'ի բանտ . եղին զոտս յոանա
կապս , և զձեռս 'ի շղթայս . և 'ի պարանոցն ա
նուր երկաթի ծանրաբեռն՝ այնչափ , զի ինքնին
խոստովան լինի յաղօթս իւր (թէպէտ չէ 'ի կարգս
կանոնական անձաշունչ գրոց , բայց 'ի յարգի է յե
կեղեցւոյ) , թէ կորացեալ է և ոչ կարէ ուղղել
'ի վեր զանձն 'ի բռնութի կապանաց երկաթից ,
մինչև դժուարանալ զտուր և առ շնչոյ առնել .
* ոչ գոյ ինձ հանդիստ ॥ . ստէ : Մ.ՍԼ թէ ցնրչափ
ժամանակ երկարեցան այս տառապանք նորա ,
լուեն զիւրք . բայց երևի թէ չիցէ յոյժ երկարեալ .
զի ստէ զիւրն . * Մ.Լ իբրև վտանգեցաւ , ինդրեաց
զերեսս տն այ իւրոյ . և խոնարհեցաւ յոյժ յերե
սաց այ հարցն իւրոց : Յաղօթս եկաց առ նա , և
լուաւ գոչման նորա , և դարձոյց զնա յերուսաղէմ
'ի թագաւորութի իւր . և ծանեաւ մանասէ՝ եթէ
տը նա է անձ ॥ . Բ . հայ . ԼԳ . 12 :

Մ.ՍԵ եղանակ խօսից ցուցանէ , թէ 'ի սակաւ
ժամանակս վճարեցաւ ամենայն ինչ : Վանզիքաղց
րացոյց անձ զսիրտ արքային բաբելոնի , որոյ տես
եալ զգերին իւր 'ի զեղջ և յապաշաւ խոնարհեալ՝
արձակեաց զնա 'ի կապանաց , և դարձոյց անդրէն
յաթոռ թագաւորութե նորա : Աւր յայտնի երևի
զի արքայն բաբելոնի սվ ոք և էր՝ զամենայն գոր
ծեաց 'ի սիրոյ և բարեմտութի , սչ ոգւով վրէժ
խնդրութե , կամ շահասիրութե աղագաւ . զի ոչ
գտանեմք թէ փրկանս ինչ ընդ անձին պահան
ջեալ իցէ 'ի նմանէ . և ոչ հարկատու կացուցեալ
զնա ինքեան . նա՝ տեսանեմք , զի զբազում քաղաքս
խրայելի է թող ընդ նորա արութի : Ա սն այսու
րիկ ստէ կաղինոս՝ հաւանեալ եմ ես , և ժամանակն
իսկ 'ի դէպ գայ , զի թէ մարովագք բաղդան ոչ ևս
թագաւորէր 'ի բաբելոն , գէթ որդի նորա իցէ :

յայնժամ թագաւորեալ . և զբարեկամութիւն ընդ եբրայեցիս՝ զոր տեսաք ՚ի վերոյ հաստատեալ ընդ եզեկիայ , պահեալ իցէ : Սրպէս և նոյն իսկ ասել զբոյն՝ թէ մանասէ թագաւորեաց ամս յիսուն և հինգ , առանց որոշելոյ զնախընթաց ամսն ՚ի յաջորդ ամաց որ զկնի դերութեն , ցուցանէ թէ կաբի համառօտ եղև ընդհատութիւն :

Օ եղջ և ապաշաւ մանասէի ոչ եղև՝ որպէս գէտ լինի բաղում անգամ , վաղանցուկ երևոյթիմն ապաշաւանաց՝ յաւուրս կապանաց և եթ , այլ հաստատուն և անփոփոխ տեսական զամենայն աւուրս կենաց իւրոց : Իբրև դարձաւ յաթոռ իւր , ետ յայտնի հրապարակել զործով զամենայն վկայութի կատարեալ դարձի իւրոյ և զգատութե : Բռաջին փոյթ նորա եղև բառնալ և ջնջել ՚ի միջոյ զամենայն կուռս և զամենայն գարշութիս , զոր ինքնին եմոյժ յերուսաղէմ . խորտակեաց զարձանս . քակեաց զամենայն սեղանս նոցա , զոր շինեաց յերուսաղէմ և արտաքոյ , և ՚ի տանն տն . և սրբեաց զտաճարն . ուղղեաց զսեղան տն . և զոհեաց ՚ի վերայ նորա զոհս փրկութե և օրհնուե . և սատուիրեաց ժողովրդեան ծառայել տն տոյ խորայելի . միայն զսեղանս որ արտաքոյ երուսաղէմի ՚ի վերայ բլրոց բարձանց կային կանգնեալ , ոչ յաջողեցաւ նմն բառնալ , յորս տակաւին զոհէր ժողովուրդն՝ ոչ կռոց , այլ տոյ բարձրելոյ : Հարկ է ասել թէ զործ կարի դժուարին էր այն . զոր և ոչ նախանձայոյզ բարեպաշտ թագաւորք որ յառաջ քան զնա՝ կարօղ եղեն բառնալ , բաց յեզեկիայ . սակայն և զայն ՚ի բանից և եթ ապիստակայ գուշակելով ասացաք . զոր սք գիրն ՚ի կարգի այլոց անպաշտութե զործոց նորա ոչ պատմէ :

Հանգոյց տժ զմանասէ և յարտաքին պատերազմաց . բայց նա ոչ անփոյթ արար զղինուորական պատրաստութե , որպէս անկ է արթուն և յառաջատես թագաւորի . զի թէպէտ և չունէր պատերազմ յայնժամ , այլ ոչ կամեցաւ մնալ առ դուրս տեսանել զթշնամին , և յայնժամ ձեռն արկանել

'ի պատրաստութի զինուց և զօրաց: Արտաքոյ քաղաքին դաւթի կառոյց պարիսպ հզօր և երկայն զօր և բարձրացոյց յոյժ յարեւմտից ընդ հարաւա կողմն 'ի հեղեղատին գեհոնի. որ երկայնեալ ձգէր 'ի դրանէն՝ որ կոչէր դուռն ձկանց, մինչև ցաշտաբակն յոփղայ՝ որ էր հանդէպ արեւելեան դրան տա ձարին: Այլ զայն արար առ 'ի պահէլ ըստ կարի 'ի ժամանակի պաշարման զհաղորդութի երուսաղէմ քաղաքի ընդ հարաւային մասին երկրին յուղայ. միանգամայն և 'ի դժուարացուցանել թշնամւոյն յայնմ կողմանէ յարձակիլ 'ի վերայ քաղաքին: Այլ այնպէս այն կողմն լինէր փակեալ ընդգէմ թշնամւոյն, և բացեալ առաջի քաղաքին առ 'ի ընդունիլ զօգնութի արտաբուստ: Այդ 'ի կարգի և զղինուորս. հրամայեաց զօրապետաց երթալ նստիլ յիւրաքանչիւր տեղիս իւրեանց, և խնամունել գնդի իւրեանց. և յամենայն քաղաքս յուղայ պարսպաւորս՝ կարգեաց հրամանատարս քաջս և խոհականս: Այլ այսպէս կատարելով 'ի գլուխ զամենայն 'ի բոլոր մասունս որ ինչ յանկաւոր էր խոհական և բարեպաշտ թագաւորի, կնքեաց զկեանս իւր անպաշտութի 'ի վաթաներորդ եօթներորդամի կենաց իւրոց. և թագեցաւ ոչ 'ի գերեզմանս թագաւորաց, որպէս կարծի առ խոնարհութեան իւրոյ, այլ 'ի պարտիզին արքունեաց, որ կոչէր պարտէզ ողայ. թերեւս զի անդ մեռաւ ողա 'ի հայիլ նորա ձեռամբ 'ի տապանակն ան. ք. Թ. Գ. 7:

Առաջին կեանք մանասէի զարհուրեցուցանեն և զմեղսասէրս, եթէ հային 'ի մուկգին զառաժանութիս նորա. իսկ վերջին կեանք նորա շատ են 'ի գութ 'ի գորով շարժել նաև զանմեղս, որոց չիցէ երբէք մեղուցեալ ծանր մեղս: Մանասէ խրախոյս է և քաջալեր վհատեալ և յուսակաւոր անձանց առ 'ի դարձ, տեսեալ 'ի նմա եթէ նրպէս պատրաստ է անձային անսպառ ողորմութիւն ընդունել զնոսա, որք կատարեալ ապաշխարութիւն արկանեն զանձինս 'ի գիրկս գութութե նորա:

Էտ մանասէի թագաւորեաց որդի նորա

ամսն, որ և ամսիս կոչի, ամաց քսան և երկուց ։
 Օ սմանէ չունիմք այլ ինչ 'ի սբ գիրս . բայց միայն
 զի ամենայն մասամբք նմանեցաւ ամսարշտու թեց
 հօր իւրոյ մանասէի . զկուռս զոր եբարձ հայր նո-
 րա՝ անդրէն կանգնեաց յերուսաղէմ , և երկիր ե-
 պագ և ծառայեաց նոցա ։ Աթէ եդեալ էր 'ի մտի
 թագաւորել ընդ երկայն՝ որպէս զհայր իւր , և այն-
 պէս ունել ժամանակ դառնալոյ և ապաշխարելոյ ,
 խաբեցաւ մեծապէս ։ Ասն զի հաղիւ սմն երկուս
 թագաւորեաց . քանզի ոմանք 'ի պաշտօնէից ան-
 տի արքունեաց դաղտ միաբանեալ՝ յարեան 'ի վե-
 րայ նորա , և սպանին զնա անդ յապարանս իւր .
 բայց և ինքեանք կորեան . զի ժողովուրդ երկրին
 էհար և կոտորեաց զնոսա ։ Ի մսնասէ ետ նժ
 քաջալերս որոց մեղան՝ առ 'ի դառնալ . 'ի յամն
 արկ երկիւղ որոց խորհին մեղանչել , զի մի մեղի-
 ցեն ։ Արկայնամտեաց բազումս առաջնոյն . այլ
 ոչ կամեցաւ նոյնպէս երկայնամտել երկրորդին .
 զի մի տացին մարդկան պատճառք յաճախել զմեղս ,
 ակնկալու թի՛ ապաշաւելոյ 'ի ծերութե՛ յորժամ՝
 առ տկարութե՛ ոչ կարիցեն ապաշխարել ։ Ասե-
 բիոս վկայէ , թէ ըստ եբրայականին ամսն թա-
 գաւորեաց ամս երկու , այլ ըստ եօթանասնից՝
 ամս երկոտասան , ըստ այսմ և 'ի գրչագիր օրի-
 նակս նժաշնչին մերոյ տեսանեմք , զի ոմանք ամս
 չ . դնեն , և ոմանք ժի՛ ։

Յո՛ւնիա արհայ յոտոայ : Ողորանն ինն մարգարէ : Սահ
 յո՛ւնիայ : Արեւիկա մարգարէ :

Օ կնի ամենայ թագաւորեաց 'ի վերայ յու
 դայ յովսիա որդի նորա՝ մանուկ ամաց ութից . և
 մինչև ցվէշտասաներորդ ամ հասակի իւրոյ եղև
 ընդ դաստիարակութիւնն առն խոհականի և ճշմա
 ըրտ անձապաշտի . որ միանգամայն եղև մատակա
 րար և ուղղիչ ամենայն իրաց թագաւորութենն :
 Յայնմ հասակի ելով թէպէտ չև ևս էր առեալ
 'ի ձեռին բովանդակապէս զտնտեսութի թագաւո
 րութենն , սակայն սկսաւ հրամայել և կարգել
 զիրս պատշաձեալս առ փառս և 'ի պատիւ նոյ :
 Օ այս ակնարկէ գիրն յասելն . * Աւ յութերորդ
 ամի թագաւորութե , ինքն էր տակաւին ևս մա
 նուկ (այսինքն անբաւական ինքնին վարելոյ զգործս
 թագաւորութե), սկսաւ խնդրել զտր անձ դաւթի
 հօր իւրոյ ॥ Բ . Գ . Կ . 3 : Աւ 'ի հասակի քսան
 ամաց , որ էր երկոտասաներորդ ամ թագաւորու
 ցէ , յարեաւ և շրջեցաւ անձամբ ընդ երկիր թա
 գաւորութե իւրոյ : Աւ ետ կործանել և փշրել
 զամենայն կուռս և զամենայն դրօշեալս աստուա
 ծոց օտարաց , և զսեղանս բահաղիմայց քակել
 յանդիմանն աչաց իւրոց . և զանտառսն կոտորել
 և արմատաքի խլել , զի մի ևս բուսցին : Արտո
 րեաց և զբովմարիմանն , այսինքն զքուրմս , զորս
 ամին հայր նորա սփռեալ էր 'ի լեբինս և յան
 տառս , և յամենայն քաղաքսն յուրոյ , և շուրջ
 զերուսաղէմաւ արկանել խունկս արեգական , և
 լուսնի , և աստեղաց , և ամենայն զօրութեց երկ
 նից : Ինդ նոսին կորոյս և զձիսն , և սյրեաց
 զկառսն նուիրեալս արեգական : Վովմարիմ բաւդ

Երբայական՝ նշանակէ սեւազգեաց, այլև աշաղա-
կող . այսպէս կոչեցանք բուրմք լուսաւորաց երկ-
նից . քանզի յորժամ պահասէր լուսինն 'ի լուսոյ
արեգական, որով և իբրև 'ի սուգ մտեալ երևէր .
և ինքեանք սեւաւս զգեսնուին : Առջեցան և աղա-
ղակող, զի 'ի զոհագործութիս իւրեանց սովոր
էին երբեմն երբեմն զալալակ բառնալ . որպէս
արարին առ եղիայիւ պաշտօնեայք բաճաղու 'ի
կարմելոս լերին : Աբարձ և զտուն կադեսիմացն,
այսինքն զխորանս պղծագործ արուագիտաց՝ կանգ-
նեալս 'ի սրբազան տեղոջ տաճարի նոն 'ի սրահ
ժողովոգեան . ուր կանայք բնակեալք 'ի տաճարին,
գործէին զնութ պիղծ խորանացն . կամ ըստ ասու-
րի և արբացի թարգմանութեց՝ զպատմութեանս,
կամ զվարագոյրս կոսոյ անտառացն :

Պղծեաց և զտեղին, որ էր 'ի ձորն Ենոմայ
կամ Ենոնայ անուանեալ Բոֆոր . որ գուցէ ծա-
ղեալ իցէ 'ի Բոֆ երբայական բառէն, որ նշանա-
կէ թմբուկ . յայս անուն կոչեցեալ 'ի ձայնէ
թմբկաց, զոր հարկանէին 'ի ձենձերէն զման-
կունս 'ի գրկի պղնձաձոյլ հրացեալ գրօշելոյն մն.
զօքայ . զի ձիւք եղկելի մանկանցն մի լիցին լսելի :
Տնջեաց և զսեղանս կանգնեալս 'ի վերայ բարձանց,
ուր զոհէին նոյ ձմարտի, բայց ընդդէմ պատուի-
րանի նորա . զորս ոչ ոք 'ի բարենախանձ բարեպաշտ
թագաւորաց որ յառաջ քան զնա՝ կարօղ և շէն
բառնալ . և քահանայք որք զոհեալ էին 'ի վերայ
նոցա՝ արգելան 'ի քահանայագործութէ, մի ևս
երբէք ելանել և զոհել 'ի սեղան նոն նոյ որ յերու-
սաղէմ : Այլ զի բարձցին ամենայն պատճառք
դառնալոյ նոցա անդրէն 'ի նոյն մեղս, յեկամտից
տաճարին տային նոցա զգարման կենաց . ըստ
պատուիրելոյ օրինաց, որ յարգելուէ բնական արա-
տաւորաց մերձենալ 'ի սեղան նոն՝ հրամայէ յեկա-
մտից տաճարին ուտել նոցա . * Ամենայն այր, յը-
րում իցէ արատ 'ի զաւակէ ահարձի քահանայի,
մի մերձեցի մատուցանել զոհս նոյ 'ի սբր-
բութեց անտի կերիցէ ॥ . զԻ Խ . 21 . Արթանեաց

և զսեղանն որ 'ի բեթել, զոր շինեաց յերթովամ որդի նաբատայ, և զբարինա նորա խորտակեաց և մանրեաց 'ի փռչի. և ետ հանել 'ի գերեզմանաց զոսկերս քրմայն բեթելայ, և այրել զնոսա 'ի վերայ այնր սեղանոյ՝ ուր նորս զոհեցին զոհս բահա զու. միայն զոսկերս սուտ մարդարէին որ խաբեաց զայրն նոյ եկեալ 'ի յուզայէ՝ եթող 'ի տեղի իւր, առ չկարելոյ որոշել զնոսա յոսկերաց առն նոյ. զի երկոքին էին 'ի միասին 'ի միում տապանի ամիս փեալ: Բ. յս այն այր նոյ է՝ որ մարդարէացեալ էր բազում ամօք յառաջ զայս ամենայն 'ի վերայ սեղանոյն բեթելայ յանդիման յերթովամայ սրբայի: Պղծեաց և խորշելի կացոյց ամենեցուն զամենայն տեղիս, ուր ուրեք երբէք պաշտեցան կուռք, այրելով և սփռելով 'ի նոսա զոսկերս մեռելոց խառն ընդ մանրուածոց խորտակեալ դրօշելոց և քարանց պիղծ սեղանոց. թող զայնոսիկ զորս ետ լոսել, և զփռչի նոցա ընկենուէ 'ի հեղեղատս. զի մի երեւեցին բնաւ հեաք նոցա:

Բ. ստանոր ասէ գիրն. ք. Լափ. Էփ. 12. Թէ զնոյն արար յովսիաս և ընդ սեղանն, զոր արար մանասէ 'ի սրահս տանն նոն, և ընդ կռատունս զոր շինեաց սողոմոն յերուսաղէմ՝ ընդ աջմէ լերին մոսաթայ, այսինքն զայթակղութե կամ կործանման: Բ. յս բանք երեւի թէ յերկբայս արկանեն զգարձ և զապաշաւ մանասէի և սողոմոնի: Բ. յլ վասն մանասէի յայտնի ունիմք 'ի սք գիրս, թէ նա ինքն յետ գերութեն եբարձ զգրօշեալս և զսեղանս զոր արար 'ի տանն նոն. ուստի սեղանն զոր եբարձ յովսիա, յայտ է թէ՛ ոչ էր այն առաջին սեղանն շինեալ 'ի մանասէ: այլ զոր յետոյ շինեաց ամեն որդի նորա՝ 'ի նմին տեղւոջ և նովին չափով և ձևով. և առ յարդի ընծայեցուցանելոյ կոչեաց զնա յանուն մանասէի: () քինակ իմն. սրահ տաճարին՝ ուր շրջէր յս, կոչէր սրահ սողոմոնի. բստ այնմ, * Բ. շրջէր յս 'ի տաճարին 'ի սրահին սողոմոնի ||. յով. Ժ. 25: Բ. ահա յայտ է, զի սրահն այն ոչ էր շինեալ 'ի սողոմոնէ, զի

այն վաղու ևս աւերեալ էր 'ի քաղղէացոց. սաւ
կայն տակաւին յանուն նորա կոչի, վասն զի յետ
ժամանակաց 'ի նմին տեւելոջ և նովին ձեռով շի-
նեցաւ: Օ նոյն ունիմք ասել և վասն կռատանց
սողումնի որ յերուսաղէմ 'ի մոտթայ լերին. վասն
զի եթէ, յուշ ածցուք զնախանձ և զփոյթեռանդն
ջանս որով ուրբովամ, ոզիա, յովաս, յովսափատ,
եղեկիա և այլ թագաւորք յուգայ զհետ պնդե-
ցան ջնջել զկուռս և բառնալ զամենայն հետս
կռասարչտութի յերկրէն յուգայ, անկարելի երեւի
թէ նոքա ամենեքին թողեալ իցէն կանգուն ան-
ձեռամերձ զկուռսն աստարտայ դարչելոյ սիդո-
նացոց. և քամիվայ զազրոտոյ մովաբայ, և մեղ-
քոմայ դարչելոյ ամնացոց՝ անդ յերուսաղէմ 'ի
թագաւորեալ քաղաքի 'ի գայթակղութի ամենայն
ժողովրդեան:

Ըստ յառաջ քան զյովսիաս այն կուռք և սե-
ղանք էին բարձեալ. և ոչ գտանելով՝ ասէ կաղի-
նոս՝ թէ յուսմի՛, այլ առաւել գտանելով զսողումն
ապաշաւեալ, ունիմք իրաւունս ասել՝ թէ 'ի նոյն
խի 'ի սողումնէ բարձան, 'ի ցուցանել գործով
զքարձ իւր, և 'ի բառնալ զմերձաւոր պատճառս
գայթակղութի: Ըրդ յովսիաս եկեալ զկնի այ-
լոց, և թերևս տեսեալ զի 'ի կռասարչտել ուրուք
'ի թագաւորաց՝ ժողովուրդն նոյնհետայն գիմէր
'ի լեառն, և պաշտէր անդ զմանրորս խորտակեալ
կուոց, վասն որոյ առ բառնալոյ զայն անկարգուի՝
պղծեաց զտեղին, արկեալ 'ի նա ոսկերս մեռե-
լոց, և զբեկորս դրօշելոց մանրեալ 'ի փոչն՝ յըր-
ուեաց յանսք տեղիս. զի մի հետք ինչ կուոց մնաս-
ցեն 'ի լերին անդ: Յովհաննէս մենքիոս երեւելի
մեկնիչ սք գրոց՝ զասացեալքս հաստատէ այսու
օրինակաւ. * Օ արմանք են՝ ասէ, զի տակաւին
կային կուռք սողումնի զկնի եղեկիայ՝ որ եքարձ
զայնոսիկ յերկրէն յուգայ. որպէս եքարձ մանասէ
ապաշաւեալ ընդ ամպարչտութի իւր: Արեւի թէ
ասել պարտ իցի, եթէ յամպարիշտ թագաւորաց
շինեցան մեհեանք և կանգնեցան կուռք համանմանք

այնոցիկ, զորս կանգնեաց սողոմնն յայն տեղիս. և վասն այնորիկ սողոմննի ընծային իբրև առաջնոց հնարողի ॥ Ի Ահն. ք. Բափ. 25:

Մ. Ծպաշտութե նախանձն յովսիայ ձգեցաւ ոչ միայն ՚ի յուզա և ՚ի բենիամին, այլև ՚ի քաղաքս եփրեմի, և մանասէի, և շմառնի, և նեփթաղի մայ, և յայն ամենայն տեղիս Թագաւորութեն սամարիայ, որք յայնժամ էին ընդ նորա իշխանութիւն: Մ. յլ Թէ որպէս այն քաղաքք զորս առեալ էին ասորեստանեայք ՚ի Թագաւորաց խորայելի ՚ի գերել նոցա զսամարիա, անկան ՚ի ձեռս Թագաւորացն յուզայ, ոչ պատմէ նք գիրն. բայց սառգապէս ընդ ձեռամբ լինելն նոցա հաւաստի երևի ՚ի կատարեալ իշխանութեն, զսր եղեկիա, և յովսիաս, և այլ Թագաւորք յուզայ վարեցին ՚ի վերայ նոցա. և որպէս ՚ի պատմութեն յուզիթայ ընկիմք տեսանել, յովակիմ քահանայապետ որ էր մատակարար Թագաւորութե յուզայ՝ առաքէր սատուէրս յերուսաղէմէ ՚ի քաղաքն յայնոսիկ այնպէս՝ որպէս առաքէր ՚ի քաղաքն յուզայ: Մ. ամենայն իրօք հաւանելի երևի, Թէ եղեկիա տիրեաց նոցա յորժամ հրեշտակ նոն կոտորեաց զբանակ ասորեստանեայց հարիւր և ութսուն և հինգ հազար արանց սպառազինաց, մինչ զի սենեքերիմ արքայ նոցա՝ փախստեամբ մարդապուր զերծաւ, և նաևս յիւրում Թագաւորեալ քաղաքի խողխողեցաւ յորդոց իւրոց: Այլ ասորդանայ որ Թագաւորեաց զինի նորա, չեղև ժամանակ բաւական զօրածողով լինել, և սնդրէն յառաջին չափն կանգնել զզինուորական զօրութիւն ասորեստանեայց: Իսկ նաբուքոզանոսոր Թէպէտ զօրացեալ էր յոյժ, բայց նախ պատաղեցաւ ՚ի մարտ ընդ դէմ մարաց. ապա յաղթեալ և նուաճեալ զնոսա՝ դարձոյց զզէնս իւր անդրէն ՚ի վերայ Թագաւորութե սամարիայ կամ խորայելի. այլ ընթացք նորա նահանջեցան առ բետիղուա քաղաքաւ: Մ. պա աւերեցաւ նինուէ քաղաք. և ասորեստանեայք նուաճեցան ընդ ձեռամբ մարաց, և այնուհետև ոչ ևս կարացին խորհել

ինչ վասն իսրայէլացւոց : Ալ թագաւորք բաբելոնի , որք մինչև ցյովսիաս և ընդ բովանդակ ժամանակս թագաւորութե նորա չև էին թնամացեալ ընդ եբրայեցիս , երևին ներել գերելոց , և այլոց որք ՚ի ժամանակի պատերազմաց ցրուեալ էին յայլ և յայլ տեղիս երկրին այլազգեաց , դառնալ և անգրէն պատսպարել ՚ի հրէաստան ՚ի հայրենի երկիր իւրեանց , մինչև ասպա ել նաբուքոդոնսոր :

Ալ այսպէս եհաս յովսիաս յութատաններորդ ամ թագաւորութե իւրոյ , և ՚ի քսաներորդ վեցերորդ ամ կենաց իւրոց . և յետ մաքրելոյ և սրբելոյ ՚ի դարչութեց կապաչատութե գերկիրն , և զտուն թագաւորութե իւրոյ , ձեռնամուխ եղև ՚ի նորոգութի տաճարի նն : Այն մեծակառոյց հոյակապ շինուած կարօտ էր ընդ ժամանակս ժամանակս նորոգութե . և մանաւանդ զկնի թագաւորելոյ ամպարիշտ թագաւորաց , որք կամ իրօք խանդարէին զնա յիմիք մասին , և կամ բոլորովին ՚ի բաց լքանէին թողեալ անխնամ . նոյն իսկ տապանակն նն բազում անգամ փոխեցաւ ՚ի տեղւոյն սրբութե սրբութեց . և քահանայք նախանձայողք ոչ հանդուրժելով տեսանել առաջի աչաց դործել զայնչափ դարչութիս , հեռանային ՚ի տաճարէն : Յովսիաս ետ նորոգել զամենայն , և զտապանակն հաստատել ՚ի տեղւոյ իւրում՝ զոր շինեաց սողոմոն , զի մի ևս բնաւ չարժեսցի անտի : Այլ յուզել և ՚ի խառնել զիրս տաճարին , եզիտ քեղկիտ քահանայապետ զընազիր մատեան երկրորդ օրինաց , զգրեալն մատամբք մովսիսի մարգարէի . զոր իբրև գանձ անդին առաքեաց առ արքայ . և ետ արքայ սափանայ դարապետի ընթեռնուլ առաջի իւր : Ալ լսել արքայի զմեծամեծ սպառնալիս ընդդէմ յանցաւորաց անձային օրինաց զգրեալսն ՚ի մատենի անդ , և գիտելով զի յառաջ քան զայն՝ ժողովուրդն իւր բազում անգամ յանցուցեալ էր յօրէնսն յայնոսիկ , զարհուրեցաւ յանձն իւր , պատառեաց զհանդերձս , և առա

քեաց վաղվաղակի պատուէր քահանայից փոյթ տանիլ աղօթիւք և խնդրուածովք ցածուցանել զբորբոքեալ բարկութի տնն 'ի նմանէ և 'ի ժողովրդէնէ :

Վ մատենին յայնմիկ չկայր ինչ նոր . և ինքն իսկ՝ որ յամենայնի զգուշաւոր էր 'ի պահպանութի օրինաց զբոյն այնորիկ , զպատճէնն նորա ունելով առ իւր՝ ընթեռնոյր : Վայց 'ի լսել զնոյն բանսն ընթեռնուլ 'ի մատենի գրելոյ ձեռամբ նորին իսկ օրէնադրի , նոր իմն երկիւղ հարաւ 'ի սիրտ նորա՝ թէ չարիք մեծամեծք դաւոց են 'ի վերայ ժողովրդեան : Վ նմին ժամանակի բնակէր յերուսաղէմ՝ի մասենա , որ էր տեղի 'ի մջ երկրորդ շրջապատ պարսպի քաղաքին , կին մի երեւելի մարգարէ՝ կոչեցեալ ողզան . երեւելի էր յայն ժամ և երեմիա մարգարէ , որ յերեքտասաներորդ ամի թագաւորութենն յովսիայ սկսաւ մարգարէանալ . բայց յանաթովթ բնակեալ էր . վասն այնորիկ քեղկիտ քահանայապետ և աքիկամ և այլք առաքեալք յարքայէ՝ առ վաղագոյն ունելոյ պատասխանի ինչ , թողեալ զերեմիա՝ գնացին առ ողզան : Աւնալուսաւորեալ 'ի տնէ՝ դարձոյց զհրէշտակս առ արքայ այսպիսի պատասխանեալ , թէ չարիքն սպառնացեալք 'ի մատենին յայնմիկ՝ զոր ընթերցաւ արքայ , անշուշտ հանդերձեալ են զալ 'ի վերայ երուսաղէմի , և 'ի վերայ բնակչաց նորա մեղուցելոց . բայց արքայն զի պատկառեցաւ երկեալ յերեսաց տն , պատառեալ զհանդերձս ելաց առաջի նորա , ոչ տեսցէ . զի յառաջ քան զհասանել չարեացն , մեռցի և ամիոփեսցի 'ի տեղւոջ իւրում յերուսաղէմ խաղաղութի :

Վ յս մարգարէութի ևս առաւել վառեալ բորբոքեաց զեռանդն անպաշտութե՝ 'ի սիրտ արքայի : Վ աքեալ ժողովեաց զամենայն իշխանսն յուղայ և երուսաղէմի , և զքահանայս և զղետացիս , և զամենայն ժողովուրդն 'ի մեծէ մինչև 'ի փոքր . և ընթերցաւ 'ի լուր նոցա ամենեցուն զամենայն բանս մատենին գտելոյ 'ի տանն տն : Աւ սպա

Ելեալ 'ի վերայ սեանն՝ ուր յաղօթս Եկաց երբեմն սողման, եղ ուխտ առաջի տն՝ երթալ զհետ տն, և պահել զպատուիրանս նորա և զվկայունս 'ի բոլոր սրտէ և 'ի բոլոր անձնէ: Օ նոյն ուխտ ետ առնել և որդւոց բենիամինի, որք գտան յայնժամ յերուսաղէմ՝ 'ի տանն նոյ հարցն իւրեանց: Աւ ապա արար զպատեքն տն նոյ իւրոյ մեծահռչակ հանդիսիւ 'ի չորեքտասաներորդ աւուր ամսոյն առաջնոյ, ժողովեալ յերուսաղէմ զամենայն զթագաւորուն՝ առնել զտօն պատեքին ամենեցուն 'ի միասին: Առ իւրեաց տն, և ետ բաշխել աղքատաց ժողովորդեան գումարելոց յերուսաղէմ, բաց 'ի դառանց և յուլուց՝ երեսուն հազար խոյս և նսխազս, և երեք հազար զուարակս՝ յիւրոց ստացուածոց. թող զոր իշխանքն ետուն: Աւ իշխան քահանայ և այլք 'ի գլխաւոր քահանայից՝ ետուն խոյս և որոջս և նսխազս երկու հազար և վեց հարիւր, և զուարակս երեք հարիւր. և քսնենիաս և բանէաս և այլ իշխանք զլատացոց ետուն ցղևտացիսն խոյս հինգ հազար, և զուարակս հինգ հարիւր: Աւ այնպէս արարին որդիքն իսրայէլի զպատեքն տն զեօթն որ մեծավայելուչ շքեղ և առատ հանդիսիւ՝ նուագարանօք և երգօք օրհնութե: Աստ սք գիրն 'ի պատմել զհանդէս այնր տօնախմբութե խօսելով ըստ իւրումն սովորական ոճոյ, ասէ թէ այսպիսի պատեք ոչ երբէք եղև յիսրայէլի յաւուրց սամուէլի մարգարէի. և նովին ոճով ասէ և վասն յովսիայ, թէ նման նմա ոչ եղև յառաջ քան զնա թագաւոր որ դարձաւ առ տն տն 'ի բոլոր սրտէ. և յետ նորա ոչ սք յարեաւ նման նմա: Ար է ասել, թէ այն պատեք և տօնախմբութե եղև մի 'ի մեծագոյն տօնախմբութեց որք եղեն յիսրայէլի: Այնպէս՝ թէ յովսիայ գտաւ մի 'ի ջերմագոյն և 'ի սք թագաւորաց. որ ոչ երբէք թուլացոյց զնախանձ անպաշտութեան. մինչ զի ինքն և ժողովորդ նորա միշտ հաւատարիմ գտան առ տն զամենայն աւուրս կենաց նա ըս:

Վ մեծի խաղաղութե վայելէր թագաւորութե

նորա, և ոչ որ արդեօք յարուցեալ էր 'ի վերայ նորա 'ի խոսովել զնա՝ կամ զերկիր նորա, եթէ չէր ինքնազբաւ միջամուխ լեալ անխոհեմութի մարտ օտարին՝ 'ի տարւոջն, որ եղև վերջին ամ կենաց և թագաւորութե նորա: Քարաւոն ներաւ լով արքայ եղիպտոսի եւ բազմաձեռն զօրօք հարկանել զարքայն ասորեստանեայց առ գետովն եփրատայ: Այս թագաւոր ասորեստանեայց ը հաշուին կաղինոսի էր հայրն ասարսոյերայ կամ արշաւրայ. (Դան. Է. 1.) ըստ ոմանց կիւքսար կոչեցեալն առ արտաքին մատենագիրս: Այս նախ թագաւոր մարաց ապա և ասորեստանեայց՝ նուաձեալ զնոսա ընդ իւրև, անյագ էր առ ընդարձակել զսահմանն Թուրքիայ. որ թէպէտև զինի հարաւ և 'ի պարտութի մատնեցաւ, սակայն և այնպէս եթող արշաւրայ որդւոյ իւրում հարկւր և քսան և հինգ դաւառս: Այս կամէր նուաձել և զքաղաքացիս. և վասն այնորիկ աժ զբանակ իւր առ եփրատ գետով՝ առնուլ զբաբելոն. և նախ առեալ զքարքամիս քաղաք որ առ նովին գետով՝ արար զնա իւր քաղաք զինուց, առ 'ի անտի անցանել 'ի բաբելոն: Այս իբր ոչ պատմին յայտնի 'ի սք գիրս. այլ զօրութի հաւաքին յայլ և այլ բանից սք գրոց, և 'ի ժամանակին, և 'ի զրից տեղեայն:

Յորժամ առին ասորեստանեայք զքարքամիս, յուսալով անտի յառաջ խաղալ յերկիրն քաղաքացւոց՝ ասէր թագաւոր նոցա. * Այն առի զաշխարհն՝ որ 'ի վեր է քան զբաբելոն և զքաղանէ: Եւայ. Ժ. 9. իբր ասել՝ առի քաղաքս հզօրադոյնս, ապա ևս առաւել առից զբաբելոն և զքաղանէ: Այս ըստ լատին թարգմանութե. * Այն թէ ոչ որպէս քարքամիս, այնպէս և քաղանէ: Այսինքն նովին զլուրութի որով առի զայս քարքամիս քաղաք, առից և զքաղանէ. որ և այն էր առ եփրատ գետով: Յայն ժամ արքայն քաղաքացւոց՝ կարծեցեալն հայր մեծին նաբուքոդոնոսորայ, տեսեալ զի չունի բաւական զօրութի առ զխմազբաւ լինել այնչափ բազ-

բապար, այլ նաև 'ի ձեռն երեմիայ մարգարէի ազգեալ առ յովսիա . բայց նա երևի առեալ զայն բան իբր լոկ խորհուրդ և խրատ, և ոչ պատշամ : Այնաց յովսիաս իւրով բանակաւ ընդդէմ նեքուռ վայ . և 'ի դաշտին մակեդոնայ 'ի գիմի հարան միմեանց երկոքին ճակատք . ոչ գտանեմք թէ յայնմ պատերազմի մեծ ինչ կոտորած եղեալ իցէ 'ի միոյ կամ 'ի միւս կողմանէ . բայց եբրայեցիք կորուստ մեծ արարին անդ . կորուսանելով զ՞ք թաղաւոր իւրեանց . որոյ հարեալ 'ի նետից աղեղնաւորացն եղիպտացւոց , թէպէտ առժամայն ոչ մեռաւ , այլ վտանգեցաւ յոյժ . և ըստ հրամանի նորա հա նին զնա ծառայք նորա 'ի կառաց իւրոց , և եղեալ յերկրորդ կառան նորա՝ տարան յերուսաղէմ , և անդ մեռաւ : Ապաքէն վիրաւորեալ էր 'ի նետից թշնամեաց , սակայն և այնպէս մարթ է ճշմարտութիւն ասել թէ մեռաւ խաղաղութիւն . վասն զի որք որով և իցէ մահուամբ մեռանիցին՝ միշտ խաղաղ և անդորր մեռանին . և թաղեցաւ ընդ հարս իւր 'ի շիրմի իւրում . ըստ մարգարէութեն որդանայ , որ ասաց ցհրեշտակս նորա 'ի գիմաց այ . * Ահա յաւելից զբեզ առ հարս քո , և դիցեն զբեզ 'ի շիրմի քում խաղաղութիւն . ք . հայ . ԼԿ . 28 : Հայն ժամ երևեցաւ քերմագութ սիրտ ժողովրդեան առ նա 'ի սուգն մեծ , զոր առ ամենայն ժողովուրդն 'ի վերայ նորա : Արեմիա մարգարէ յառաւելութիւն ցաւոց սրտին յորինեաց 'ի վերայ նորա ողբս ցաւաւ գինս , զոր ամենայն իշխանք և կանայք առին 'ի բերան . և ետուն զայն՝ ասէ գիրն * իբրև հրամանաւ 'ի մէջ խորայելի . իմն , 'ի սահմանեալ ժամանակս , կամ յորժամ 'ի վերայ ձախող ինչ դիպուածոյ կամիցին սգաւոր երգս առնուլ , զայն ողբ որ 'ի վերայ յովսիայ՝ առցեն 'ի բերան . որ երևի թէ 'ի հնումն կցեալ էր ընդ մատեանն ողբոց երեմիայի . եթէ իցէ որիչ 'ի նմանէ : Աք գիրն այսչափ ինչ ասէ . * Այլ ահա գրեալ են 'ի ձառս ողբոցն : Ահա հն յովսիայ եղև յամի արարչութե աշխարհի 5565 . 'ի լրանալ երեսներորդ առաջներորդ ամի

Թագաւորութիւն նորա, և ՚ի քառանկերորդ ամի կենաց նորա: ՚Ի մեռանել նորա անկաւ կործաւ նեցաւ նեցուկ Թագաւորութեան յուշայ. և այնուհետեւ իբր երբայեցւոց վեր ՚ի վայր տապալեցան:

Արդ՝ մատիցուք անդրէն ՚ի պատմութիւն նեքաւոյ: Փարաւոն նեքաւով յաղծեալ երբայեցւոց՝ դարձայց զզէնս իւր ՚ի վերայ ասորւոց. և յաջողութիւնս նուաճեալ զնոսա՝ խաղաց անտի ցեփրատ գետ. և առ ՚ի ձեռաց ասորեստանեայց զքարքամիս քաղաք: Այլ մինչ կայր ՚ի պաշարումն այնր քաղաքի, երեմիա մարգարէանայր զԹշուառութիւնս՝ սրբ զկնի սուղ ժամանակի հանդերձեալ էին աւերել զեգիպոս. (որպէս է տեսանել էրեճ. 41. 17.) որ և հինգ ամօք յետոյ կատարեցաւ ՚ի ձեռն բարեւոյցւոց արքայի: Աեքաւով տարապայման ընդարձակեալ էր զսահմանս անուութեան իւրոյ. ընդ իւրեւ ունէր զիսմայէլացիս, և զեդովմայեցիս, և հարկատու զհրէաստան. նուաճեալ էր և զասորիս, և հանեալ էր զմարս ՚ի միոյ մասնէ քաղզէական ասորեստանեայց: Այլ երևի թէ՛ անձ որպէս ծովու, նոյնորինակ և Թագաւորաց եդ սահման, զորով եթէ երբեմն կարի իմն անցանիցեն, յետ ժամանակի ինչ տոյ անդրէն յետս դառնալ հանդերձ իսասուք իւրեանց: Չունիմք ծանօթութիւն թէ՛ զինչ բանք և գաշինք եղեն ՚ի մէջ երկուց Թագաւորաց բարեւոյնի և եգիպոսի: Իսկ երևս արքայն եգիպոսի զիտէր և ևս ստանալ երկիր վասն իւր, և ոչ թէ՛ օգնել քաղզէացւոյն. կամ արքայն բարեւոյնի ՚ի նեղ գոլով յայնժամ, եթող զամենայն եգիպոսացւոց արքայի. որպէս զի յետոյ առցէ զամենայն, յորժամ ըստ բաւականին իցէ զօրացեալ, չունելով ինչ կարօտութիւն օգնուէ: Վանզի գաշնադրութիւք սովորաբար կանոնաւորին ՚ի հարկաւորութիւն. իսկ գործադրութիւք կանոնաւորին ՚ի հզօրագոյն կարողութիւն: Առատ է յոյժ ՚ի խոստանալ, որ ակնուհի լինել հզօրագոյն առ ՚ի չպահել զխոստումն: Պատրաստ է և արագ ՚ի ստանալ իբր

գաշնակից, որ յուսայ լինել յետոյ զօրաւոր և կարող 'ի պահել զստացեալն իբրև նոր: Ասքուքոգնոսոր արքայ բարեւոնի գաշնակցեալ ընդ եգիպտացւոց ընդդէմ մարաց արքայի որ տիրէր պարսից և ասորեստանեայց, յետ ամաց հնգից՝ յամի չորրորդի յովակիմայ արքայի յուղայ՝ միաբանեցաւ ընդ արքայի մարաց ընդդէմ եգիպտացւոց. և հարկանելով զեգիպտացիս՝ հալածեաց զնոսա մինչև 'ի սահմանս նեղոսին իւրեանց. ուր աւար հարեալ և կողոպտեալ եթող զնոսա. և այնուհետև ընտրեցին եգիպտացիք նստիլ ընդ երկար հանդարտեալ 'ի խնդրելոյ ընդարձակել զսահմանս իշխանութե իւրեանց: Այս է՝ զոր ասէ երեմիա վասն փարոււոնի եգիպտացւոց արքայի. * Այլ յետ այնորիկ բռնակեսցէ իբրև զառաջինն ॥ Երէմ. ԽԷ. 26. այսինքն յետ հարուածելոյն շատացի իւրով եգիպտոսիւ, որպէս յառաջագոյն:

Երեմիա մարգարէ էր մի 'ի քահանայից անտի, որք բնակեալ էին յանաթովթ յերկրին բենիամինսի. յարգանտի մօրն սրբեաց զնա նոճ. և 'ի մանկութե որոշեաց 'ի պաշտօն մարգարէութե և քարոզութե: Այլ զի հրաժարէր նա 'ի պաշտամանէ անտի պատճառելով զթոթովութի լեզուին և զմանկութի հասակին, մերձեցոյց նոճ զձեռն իւր 'ի բերան նորա, և համարձակեցոյց զլեզուն 'ի խօսս. ահա ետու ասէ զբանս իմ 'ի բերան քո: Այլ սկսաւ այնուհետև զմանուկ մարգարէն վարժել 'ի յայտնուինս. եցոյց նմա գաւազան ընդուզի՝ ունելով 'ի գաղթան իբր աչս բացեալս. (ուստի լատինն ընթեռնու, * գաւազան արթուն կամ հսկող ॥.) այլև կատսայ յեռանդան, և երեսք նորա յերեսաց հիւսիսոյ: Սովին երկոքումբ նշանօք տպացոյց 'ի միտս նորա ընդհանրապէս զպատիժս, որք 'ի ձեռն հիւսիսական ազգաց հանդերձեալ էին հարուածել, և այրել զհրէայս: Անխաւ ազգ արար նմա նոճ պնդել զմէջս, արիանալ և սպտրաստ կալ տանիլ ծանր ծանր նեղութեց, և խստագոյն հակառակուեց. բայց զոյգ ընդ նմին քաջալերեաց զնա

չերկնչիլ . խոստանալով լինել միշտ ընդ նմա 'ի փրկել զնա յամենայն չարէ :

Հնազանդեցաւ երեմիա անձային հրամանաց , և յամին երեքասաներորդի թագաւորութեն յովսիայ սկսաւ 'ի վարարկանել զպաշտօնն յանձնեալ նմա յոյ : Վարդգէաց մեծաւ ջերմութիւն զխտութիւն սարսափելիս խառն ընդ ակտակցութեւ և դորովական գթոյ : Վախապատմեաց զառաջին գալուստ քաղդէացոց յերուսաղէմ . զոր յետոյ տեսցուք 'ի գլուխ տարեալ 'ի նաբուքոզանոսորայ . և մանր ստորագրեաց զմեծամեծ չարիս , զոր հանդերձեալ էր առնել յերկրին յուղայ . ազգ տակեկեալ 'ի հեռատանէ անձանօթ երբայեցոց , որոյ ոչ իմանայցեն զլեզու և զխօսս նորա . ուստի և ոչ կարիցեն աղերս արկանել նմա ոչ զիտելով զբարբառ նորա , առ 'ի մեղմել գէթ փոքր ինչ զխտութիւն սրամտութեւ նոցա : Ստորագրեաց զերկրորդ գալուստ նոցա , և զժանտութիւն և զչարիս զոր առնելոց էին՝ մինչև հանել 'ի գերեզմանաց զոսկերս թագաւորաց , և ընկենուլ 'ի դաշտս . և այլ բազում ինչ մարդարեացաւ և քարոզեաց . յորոց ինչ ինչ ունիմք 'ի մէջ բերել յիւրաքանչիւր տեղիս իւրեանց : Հորչափ եկեաց յովսիաս , երջանիկ էր երեմիա . զի անարդէլ քարոզէր և մարդարեանայր՝ չունելով զիմագրութիւն ինչ 'ի նմանէ . զի սբք գիտեն գեղեցիկ միաբանիլ ընդ միմեանս 'ի բարին . բայց յետ այնորիկ առ այլովք թագաւորօք վարձք մարդարեւութեց և քարոզութեց նորա եղեն հալածանք , բանտք , և հարուածք՝ որպէս տեսցուք 'ի յաջորդ պատմութիւնս : Առ այժմ աստ տացուք համառօտ ծանօթութիւն ինչ և զայլոց մնացելոց ութ փոքր մարդարեւից . յորոց ոմանք փոքր մի յառաջ , և ոմանք փոքր մի յետոյ քան զայստօրիկ ժամանակս ծաղկեցան :

Սիբիան . Յիւլի . Լեֆրիու . Նաուա . Լեֆրիու .
 Սոփոնիա . Լեֆրիու . Օլաւարիա . Սաղարիա :

Սիբիան մորստացի 'ի ցեղէն յուղայ , կամ
 մարաթացի 'ի ցեղէն եփրեմի , մարգարէացաւ 'ի
 ժամանակս երից թագաւորաց յուղայ՝ յովածա-
 մայ , աքաղու , և եզեկիայ : Ախագուշակեաց
 զյարձակումն քաղղէացւոց 'ի սամարիա 'ի վերայ
 իսրայէլի , և զգերութի նոցա . և ապա 'ի վերայ
 յուղայ , և զգերութի նոցա՝ վասն անբերելի մե-
 զաց երկոցունցն . և մանաւանդ վասն մեղաց կու-
 սաշտութե , անիրաւուէց և բռնութեց 'ի յափըշ-
 տակել 'ի միմեանց զայր և զտուն նորա և զժառան-
 դութի . և 'ի քերթել զմարթ 'ի նոցանէ , և զմար-
 մին նոցա յոսկերաց իւրեանց , զոր առնելն ան-
 պատիժ , զի չէր ոք վրէժինդիր իրաւանց և ար-
 դարութե : Այսի զերջանկութե եկեղեցւոյն յետ
 գալստեանն քնի : Աշտամբէ զմեծ ապերախտութի
 չրէից . և դառնայ սպառնալ զկործանումն նոցա
 և զկորուստ : Ազգայ ընդ անպտղութի քարոզու-
 թե իւրոյ . ոչ տեսանելով 'ի ժողովրդեան գործ-
 արժանի ապաշխարութե , ոչ դարձ 'ի մեղաց , և
 ոչ ուղղութի վարուց : Այնարճի 'ի լուսափայլ օրի-
 նակ ամենայն քարոզաց՝ անձին ընծայելով զխրու-
 տութիւն այլոց 'ի մեղս իւրեանց : Այլ յարէ , թէ
 որովհետեւ այլոց ոչ կարէ առնել բարութի , դսնէ
 ինքն կացցէ միացեալ ընդ նոյ . և ակնկալեալ սպա-
 սեսցէ նոյ փրկչի իւրոյ , կամակար հպատակութե
 արկանելով զանձն 'ի ներքոյ հարուածոց նորա :
 Այլ ապա մարգարէանայ , թէ փոփոխեսցին վր-
 ձակք . և բարելոն նուաճեսցի ընդ ձեռամբ այ-
 լոց . և ժողովուրդ տն դարձցի յազատութի : * Այլ
 էս ասէ՝ տն ակնկալայց , սպասեցից նոյ փրկչի է-

մոյ . . . բարկութե՛ն ան Տամբերից , զի մեզայ նմա .
 մինչև արդարացուցե՛ք զդատաստան իմ : Այլ զար-
 ձուցեալ զբան իւր առ բաբելոն՝ ասե՛ք . * Վարդաբք
 քո եկեսցե՛ն ՚ի պաշարումն և յաւար ասորեստա-
 նեայց . և քաղաքք քո ամուրք ՚ի բաժինս . . .
 Վարձցի (տըր) և գթասցի ՚ի մեզ , և ընկղմեսցե՛ք
 զմեզս մեր . . . Տացե՛ք ճշմարտութի յակոբայ , ողոր-
 մութի արբահամու , որպէս երդուաւ հարց մե-
 ըոց : Բ* . Է . 7 . 8 . 12 : Ա՛նկն նշանակե՛ք և զծնունդ
 քնի փրկչին մերոյ լինել ՚ի բեթղէհէմ յուզայ .
 (Տարբ . 3 . 5 :) որպէս և զվիճակ եկեղեցւոյ նորա .
 Բ* . Է . և 7 : Այն որք համարին զսա նոյն ընդ միւս
 միքիայ մարգարէի , որ յաւուրս աքաաբու , այլ
 տարապայման յերկարաձգեն զկեանս նորա յայն-
 պիտում ժամանակի՝ յորում որպէս այժմ՝ ուր ու-
 թեմն լինէր անցանել զհարիւրամենիւք . և սակայն
 այլևս բազում ամք պիտին առ ՚ի լինել երկոցուն
 սոցա մի : Բստ հին աւանդութե՛ն զոր ունի եկեղե-
 ցին՝ այս միքիա նահատակութի կնքեալ պսակեաց
 զկեանս իւր :

Յովէլ մարգարէ որդի բաթուէլի : Ասան ժա-
 մանակի սորա ինչ ոչ գիտեմք . քանզի ոչ ինքն ՚ի
 մարգարէութիս իւր խօսի ինչ զանձնէ , և ոչ յայլ
 տեղիս սք . գրոց գոյ յիշատակութի ինչ զնմանէ :
 Ա՛նորքիս մեկնիչ գնէ զնա ժամանակակից ուխտայ
 մարգարէի յաւուրս ողիայ , յովաթամայ , աքազու ,
 և եղեկիայ թագաւորաց յուզայ . այլ ոչ ցուցանե՛ք
 թէ յինչ հիմն իցե՛ք հաստատեալ այս իւր կարծիք .
 Ա՛րգարէութի յովէլեայ և քարոզութի են ուղ-
 զեալ միայն առ երկու ցեղս յուզայի և բենիամինի .
 յորմէ երեւի՛ թէ ոչ առաքեցաւ նա յերկիրն իս-
 րայելի , այլ յերկրին յուզայ և եթ քարոզեաց :
 Վարդաբք նորա են իբր անընդհատ յորդորք և
 ստիպմունք յապաշխարութի առ ՚ի դարձուցանել
 զբարկութե՛ն ան , որ արագ հասանելոց է ՚ի վերայ
 երկրին յուզայ ՚ի ձեռն քաղզէական զինու . զոր
 օրինակէ՛ ՚ի թրթուր , ՚ի մարախ և ՚ի ջորեակ : Այլա-
 րագրէ զարհաւիրս և զսարսափումն՝ որ լինելոց է

յառու՞ն էրուսաղէմի : Այա քաջալէրէ խոստմամբ մեծամեծ բարութեց , զոր հանդերձեալ է ան առնել ո՛չ միայն հրէից , այլև հեթանոսաց յառաջին գալստեանն քնի . ուր խոստանայ և զառաքունն հոգւոյն սըյ . որ կատարեցաւ յառուր պէնտէկոստէի յերուսաղէմ 'ի նք վերնատունն : Այտոյ նշանակէ զհարկու նշանս , որք յառաջընթաց լինիցին երկրորդ գալստեանն քնի 'ի դատել զամենայն աշխարհ : Այլ ինքն մեռաւ խաղաղութի , և թաղեցաւ յերկրի իւրում 'ի բեթոր :

Արդիւ կամ արդիւս մարգարէ . զսա ոմանք՝ հիմնեալ ըստ մենոքիոսի 'ի հրէական աւանդութիս՝ ասեն լինել արդիւ , որ էր հազարապետ սքասաբու : Ան էրոնիմոս զնէ զսա 'ի ժամանակս յովաթամու , սքաղու , և եղեկիայ ժամանակակից յովսիայ մարգարէի . բայց այլք ոմանք՝ ընդ որս և կաղինոս՝ յետոյ ուրեմն զնեն , այսինքն յետ առնլոյ քաղղէացւոց զերուսաղէմ . վասն զի ասեն , յանդիման հարկանէ եղովմայեցւոց զդժնդակութիւն և զանդթութի զոր արարին յայնժամ : Մարգարէութի նորա բովանդակ ուղղեալ է 'ի վերայ եղովմայեցւոց որդւոց եսաւայ որդւոյ սահակայ : Ինակութի նոցա էր 'ի լեռնային յապառատուա երկրի , որք վստահացեալ 'ի բարձրաբերձ լեռինս , և 'ի բազմասրտիկ քարանձաւս անմատոյց ժայռաւոր լեռանց , անպարտելի համարէին զինքեանս . վասն որոյ և էին յանդուգն , խրբիտ , ամբարտաւան և յանձնապատան . և անբերելի վիշտս հասուցանէին երբայեցւոց յետ թօթափելոյ զլուծնոցա , և զլանալոյ զհարկս : * Հպարտութի սրտիքո (ասէ մարգարէն) բարձրացոյց զքեզ բնակել 'ի ծակս վիմայ . բարձրացուցանել զբնակութի քո , և ասել 'ի սրտի , ո՛վ իջուցի : զիս յերկիր : Այտո՞ւ ժամ քաղղէացիք պաշարեցին զերուսաղէմ , եղովմայեցիք փոխանակ զօրավիզն լինելոյ երբայեցւոց եղբարց իւրեանց , միաբանեցան ընդ քաղղէացւոց . և իբրև առին նոքա զքաղղէն և սոքա զոյդ ընդ նոսա աւար հարկանէին զնա . և 'ի բաժանել նոցա

վիճակաւ զաւարն՝ և սորա բաժանորդ եղեն : Այլ որ չարագոյն է , փութային երթալ առնուլ զկիրճն ճանապարհաց , ընդ որս փախչելին երբայեցիք . և պաշարեալ զամենայն վայրս՝ յարձակելին ՚ի վերայ փախտակից , և զպարեալսն ՚ի նոցանէ սատակելին :

Աբղիու ասէ զանձնէ առաքելալ ՚ի տնէ ազգ առնել եղովմայեցւոց զսպտուհասն վասն սպանման և ամպարչտութեն զոր ամպարչտեցան յեղբարս իւրեանց յորդիս յակորայ : Վննեսցին ասէ և ըմբռնեսցին ծածուկ քարանձաք նոցա . իջուսցին ՚ի բարձրութիւն լեւանց . զի ածցէ տը ընդդէմ նոցա սրատերազմօղս զքաղցէացիս , ընդ որս միաբանեալ ուխտագիր էին , և նոքա եղծանիցեն և ՚ի գերութիւն վարեսցեն զնոսա արտաքոյ սահմանաց իւրեանց : Այլ թողուցուն յերկրին եղովմայ՝ որչափինչ թողուն գողք կամ աւազակք զիշերոյ ՚ի մտանել ՚ի տուն ուրուք յետ յախշտակելոյ զբաւականն իւրեանց . կամ որչափ կթողք այգեաց սոյնոր են թողուլ ճիւս ընդ տերեւովք : Այլ ևս տեսցեն զաւեր եղբոր իւրեանց իսրայէլացւոց , և ոչ ոտնհար լիցին հորտեան նոցա . այլ հալեսցին և հաշեսցին ՚ի նախանձուէ , տեսանելով զնոսա գառնալ ուրախութիւն ՚ի գերութիւն քաղցէացւոց : Տեսցեն նախանձալից աչօք անդրէն բազմանալ բնակչաց երուսաղէմի , և շինել զսիօն . և նադեբացիք որդիք յուզայ բնակեալք ՚ի հարաւակողմն՝ ժառանգեսցեն զլեառն Եսաւայ . և սեփալէցիք բնակեալքն ՚ի դիւրի՝ օրիեսցեն փղշտացւոց . և անդրէն առցեն զամենայն զաւառս եփրեմայ և սամարիայ , բենիամինի և գաղաադու : Այլ գերիք իսրայէլի առցեն զամենայն երկիր քանանացւոց . և գերիք յուզայ ժառանգեսցեն զքաղաքս նադեբայ , այս է՝ հարաւոյ . որով իմանայ զեդոմ : Այլ այսպէս ժողովուրդ երբայեցւոց յետ գերութեն բարեւացւոց՝ գարձցի և եղիցի ժողովուրդ և թագաւորութիւն տն . և ելցեն ՚ի լեռնէն սիօնի առնուլ զվրէժ ՚ի լեռնէն Եսաւայ , որ ոչ ևս երբէք յարիցէ : Այսպէս մարգարէն արգիու ՚ի տանջանս եղովմայեցւոց՝ նկա

բազրէ առաջի աչաց հոցա զկործանումն նոցա. և զյաջողութի եբրայեցւոց՝ մանաւանդ՝ ՚ի խորհուրդ նորոյս խորայելի. զի տեսութի յաջողուէ օտարի, ևս առաւել թշնամոյ՝ առաւել տանջէ, քան թէ իւր իսկ կործանումն:

Վաւուժ մարդարէ եղկեսացի. և զսորայս ըզ-
ժամանակ մարդարէանալոյ չունիմք յայտնի ՚ի սք
գիրս. բայց հաւաստի երևի, թէ էր յառաջ քան
զգալուստ սենեքերիմայ ՚ի պաշարումն երուսաղէ-
մի. վասն զի զայն գալուստ և զմահ նորա նախա-
պատմէ ՚ի մարգարէութիս իւր: Վ սկիզբն մար-
գարէութեց իւրոց յանդիման առնէ զսփային ար-
գարութիս սպառազինեալ ՚ի վրէժխնդրութի տմ-
պարչտաց, զի մի յանգագնեցին մարդիկ մեղանչել
և բարկացուցանել զսփ թիւր յուսով թէ քաղց-
րութիւն ողորմութե նորա անչափ է և անսպառ:
Վաւուժէ զկործանումն նինուէի. զոր այնպէս
ճշգրիտ նկարագրէ, մինչ զի. թուի նկարագրել
զանցեալ ինչ պատահար օչօք տեսեալ. ուր նա
ստորագրէ զայն, ըստ որում տեսանէր ՚ի միտս ՚ի
յայտնութե նոն: Վ սէ թէ ջրհեղեղաւ կործանես-
ցի՝ զնա. * Վ սէ հեղեղաւ ճանապարհաց արացի-
վախճանն ॥. Թ. 8. ուր լատինն ընթեռնու, * հեղե-
ղաւ անցաւորաւ ॥. զոր բազումք իմանան յայլաբաւ
նական միտս. իւր թէ հեղեղանման բազմութե
զօրաց մարաց և քաղղէացւոց կործանեացէ զնի-
նուէ: Վայց են որք ըստ ճառին ընթեռնուն զքան
զբոյն, ընդ որս և կաղինոս. զի ասէ, վիք աստ և
ոչ մի ինչ հարկ գիմել յայլաբանութիս, որովհե-
տե թէ՛ գիրք տեղոյ քաղաքին որ էր առ տիգրիս
գետով, և թէ՛ արտաքին պատմութիք զնոյն ցու-
ցանեն մեզ:

Վչ է նոր ինչ և անլուր, թէ գետ յորդաջուր
և սրբնթաց՝ որպիսի է տիգրիս, աճեցեալ և զայ-
րացեալ յուխինահոս անձրեաց՝ ուժգին ընդհա-
րեալ ընդ պարիսպ քաղաքին, և զմասն ինչ նորա
կործանեալ, մտեալ իցի և հեղեղեալ զքաղաքն,
և այն՝ ՚ի գիշերի յառաւել երկիւղ և յամբոխումն

բնակչաց : Այլ այնպէս ջուր և խաւար կործանեցին
 Հարին զԹ շնամիս փն . որպէս ասէ մարգարէն . * Այլ
 զԹ շնամիս նորա խաւար Հալածեացէ ॥ . զոր ունիմք
 և յարտաքին պատմութեց : Պատմէ զխողորոս սի-
 կիլիայի , Թէ գուշակութի իմն յածէր առ նին
 ուէացիս , Թէ քաղաք իւրեանց ոչ երբէք առցի 'ի
 Թ շնամեաց , եթէ ոչ յորժամ գետն 'ի Թ շնամութի
 դարձցի ընդ նմա . վասն որոյ Թէպէտև ընդ ամս
 երկուս եկաց պաշարեալ , բայց խաղաղութիւն
 բնակչացն ոչ վրդովեցաւ . զի վստահացեալ էին
 յամրութի պարսպաց և աշտարակաց քաղաքին :
 Այա յամին երրորդի ահարկու աճումն իմն դե-
 սոյն 'ի պատճառս անընդհատ յորդահէղ անձրևաց
 կործանեաց քսան ասպարիզաւ չափ 'ի պարսպաց .
 և Թ շնամիք ընդ այն խրամ զոյք ընդ ջրոյն մահն
 'ի քաղաքն : Այսպէս պատմէ զխողորոս յերրորդ
 գիրս իւր՝ համաձայն մարգարէութեն նաւումայ :

Ատես նաւում կանխաւ և զանազորոյն խոր-
 հուրդ սենեքերիմայ Թաղաւորին նինուէի , որ
 խորհէր նուաճել ընդ լծով զյուզա , զորօրինակ
 նախորդք նորա սաղմանասար և Թակղաթփաղսար
 նուաճեցին զխորայէլ : Այլ մարգարէանայ՝ Թէ անձ-
 ինքեան պահեալ է զայն . և ոչ տացէ 'ի ձեռս
 հպարտութե սենեքերիմայ զկատարումն գերութե
 ժողովրդեան իւրոյ : Թաղաւորք ասորեստանեաց
 ետուն նեղութի միանգամ 'ի գերութի վարելով
 զխորայէլ . այլ ոչ կարասցեն տալ և զերկրորդ նե-
 ղութին գերելով և զյուզա : Այլք սենեքերիմ ար-
 քայ 'ի նինուէէ խորհրդով պատերազմ տալոյ և
 ընդ նոյ . և կարծեսցէ լինել անպարտելի յաղաքս
 բաղմուն զօրաց իւրոց . և խորհեսցի ածել 'ի կաւ
 պաշտութի զժողովուրդն յուզայ . այլ բաղմութի
 զօրաց նորա 'ի կորուստ եղիցի : Այորտակեսցէ փո-
 զգաւազանն , որով գայցէ սենեքերիմ հարկանել
 զերկիրն յուզայ . և յետ տալոյ նեղութի ժողովրդ-
 դեանն յուզայ 'ի տեսանել նոցա եկեալ 'ի վերայ
 ինքեանց զասորեստանեայս , * ոչ խնդրեսցէ կրկին
 զնոյն վրէժխնդրութի 'ի նեղութե ॥ . կամ որպէս

լատինն ընթեռնու, * ոչ յարիցէ կրկին նեղութի ॥
 այսինքն ոչ թողցէ փր նոցա ՚ի պարտութի մատ-
 նիլ, և այնպէս կրկնապատկիլ նեղութեն: Աւ-
 ապա մարգարէանայ թէ յետ այնորիկ և զկապանս
 այսինքն զիշխանութի սենեքերիմայ՝ որով խորհի
 կապել զլուդա, խզեսցէ փր. և ոչ ևս տայէ սե-
 նեքերիմ սերմանել զազարակս իւր ՚ի պէտս ար-
 քունի շտեմարանայ: Աւ ևս մարգարէանայ, թէ
 կործանեսցին ջնջեսցին գրոշեալք և ձուլածոք
 նինուէի. և սենեքերիմ ոչ միայն օգնութիւն ինչ
 ոչ ունիցի յիւրոց աստուածոց, այլ տուն նոցա ե-
 զիցի նմա գերեզման. ուր լատինն յաւելու. * զի
 անպատուեցար ॥. այսինքն անարգաբար սպանցի ՚ի
 տան կռոց իւրոց. որ և ըստ գրոյն անվրէպ կա-
 տարեցաւ. որպէս տեսաք ՚ի վեր անդր: Օ այս ա-
 մենայն այնպէս ստուգութի մարգարէանայ, որ-
 պէս մատամբ ցուցանել զընթացս սուրհանդակաց
 երազել ՚ի վերայ լեբանց բենիամինի, գալ հասա-
 նել և տալ յերուսաղէմ աւետիս խաղաղութե,
 ազգ առնելով, եթէ վախճան եղև պատերազմին.
 խրախուսել զթողութեոյն յուդայ առնել տօն ցըն-
 ծութեան, և հատուցանել զօխտս իւրեանց. զի
 մաշեցան բարձան անհետ եղեն թշնամիք նոցա:

Ապա անցանէ նաւում ՚ի նկարագրել զբանակ
 զօրաց քաղդէացոց, որք հանդերձեալ էին աւար
 հարկանել և կործանել զնինուէ և զտերութիւնն
 ասորեստանեայց: Առաջի դնէ զահարկու զօրու-
 թի նոցա, որք դիտեն խաղալ ընդ հրոյ. և զառ-
 մութի գերանդազէն կառաց, որոց ոչ բաւեսցեն
 լայնարձակ ճանապարհք և ընդարձակատարր հրա-
 պարակք, այլ խոնեսցին ընդ միմեանս և խռովե-
 ցին: Աւ ՚ի սպառապինութե անդ զօրաց հեծելոց
 և կառաց եղիցի այնչափ շողշողիւն, զի թուիցին
 իբրև զբոցաձաձանչ ցումունս հրոյ արձակել, և
 իբրև զփայլակս յայսիոյս յայնկոյս փայլատակել.
 և երևեսցին եկեալ յաւետ իբրև ՚ի հանդէս և
 առ ՚ի ցոյց շքոյ և փառաց, քան թէ ՚ի մտաւ պա-
 տերազմի: Արքայն ասորեստանեայց յիշեսցէ յայն-

Ժամ զգօրավարս իւր, զորս 'ի լոյծ մեղկութեանս իւրում թուէր մոռացեալ. և կոչեացէ զնոսս 'ի խորհուրդ, յորժամ ոչ ևս կարիցեն օգնել նմա: Վրունք քաղաքաց, կամ որպէս ունի լատինն՝ գրունք գետոց բացցին, և խրամատեսցեն զպարիսպս, և փութասցին քաղղէացիք 'ի պարիսպս. և պատրաստեսցեն զյառաջապահս: Արքունիք կործանեսցին, և ստացուածք յայտնեսցին, և պահապանք նորա անպատասպար գերեսցին. և կանայք գնայցեն յոգևոց ելանելով և մնչելով իբրև զաղանիս 'ի սրտից իւրեանց առ 'ի չկարելոյ յերկիրէ թշնամեաց ճիչ բառնալ և ողբս 'ի բերան առնուլ: Այնչ օգտեսցէ աղաղակել զօրապետաց ցղինուորս կալ 'ի տեղիս և մարտնչիլ քաջութիւն, զի ոչ որ լիցէ, և ոչ որ հայիցի: Վանզի բովանդակ քաղաքն եղիցի յամբոխումն, 'ի շուարումն, և 'ի սոսկումն սրտի, և 'ի լքումն ծնգաց. և երեսք ամենեցուն յահագին զարհուրանաց սեացեալ իբրև զայրեցած պուտան: Ա'ի կողմն նորա եղիցի հեղեղեալ 'ի ջուրց, և միւս կողմն 'ի յափշտակութիւն. զի ամենայն ստացուածք և գանձք ամբարեալք 'ի յայտ եկեսցեն, և զօրք քաղղէացւոց յաւար ճեպեսցեն, յափշտակեսցեն ոսկի և արծաթ, և սպասս ցանկալիս որչափ և ախորժեսցեն. զի ոչ գոյ անդ չափ հարստութեան:

Այսպէս խոնարհեսցի անկցի ինքնակալութիւնս այն, որ առաւել անյագ էր քան զմատակ առիւծ, յափշտակէր զաշխարհ ամենայն 'ի լցուցանել ըզմայրիս իւր՝ զնինուէ քաղաք յորս կորեանց իւրոց. և ոչ որ էր որ իշխէր ընդդէմ կալ նմա: Այ ևս արձակեսցէ պատուիրակս առ արտաքին թագաւորս իշխանաբար հրամայելով, և հարկապահանջս 'ի պահանջումն հարկաց: Այրկիր թագաւորութե նորա եղիցի ասպարէզ վիրաւորաց, և գերեզման բազմութե կոտորելոց 'ի սրոյ. և ինքն որ գեղապանծն էր, և հզօր քան զամենայն թագաւորութիւն, և ահարկու ամենեցուն, անկցի, խայտառակեսցի, և եղիցի յանարդանս և 'ի նախատինս ա.

մենայն աշխարհի : Ի՛նքե՛ք յօրինակ կործանման նի-
նուէի զկործանումն այլոյ մեծանուն բազմաժողով
և բազմազանձ քաղաքի . զոր Եօթանասունք յորոց
և մերս կոչեն Ս իճակ Մ ճնայ . երբայց յին՝ Ս-Մ ճ
ճն . լատինն , և քաղաքէացին Մ ղէսանդրիա . յայտ է
թէ ոչ այն զոր շինեաց մեծն աղէքսանդր , զի կոր-
ծանումն նինուէի յառաջ է քսն զշինութի նորա .
իսկ մարգարէն խօսի զվաղեմի քաղաքէ արդէն կոր-
ծանելոյ . ապա երևի թէ գոյր անդ քաղաք հին
յայլ անուն կոչեցեալ . զի ստորագրութիւնն զոր
ասյ մարգարէն՝ ՚ի դէպ գայ աղէքսանդրիոյ եղիպ-
տոսի . քանզի ասէ , * Որ բնակեալ է ՚ի մէջ գե-
տոց , և ջուրք շուրջ զնովաւ . որոյ սկիզբն (ըստ
լատ . հարստութին) ծով . և ջուրք պարխոպ նո-
րա ॥ . 7 . 8 . զի է ՚ի մէջ նեղոսի , և մարէոտեան
ծովակի առ միջերկրական ծովու : Մրդ՝ այն քա-
ղաք ասէ՝ որ հզօր էր ըստ գրից տեղոյն , ըստ
ամրակուռ պարսպաց , և ըստ ջուրց որք պատեն
զնովաւ , հարուստ ծովային վաճառականութամբ .
պաշտպանեալ եռապատիկ դաշնակցութիւն եղիպ-
տացոց . Եթովպացոց և լիբէացոց , սակայն և
այնպէս քանդեցաւ ՚ի քաղաքացոց . պատուականք
նորա վիճակաւ բաժանեցան ՚ի գերութի . իշխանք
՚ի շղթայս արկան . տղոյք նորա զքարի հարան ՚ի
գլուխս ամենայն փողոցաց : Ալ ապա հետեւեցու-
ցանէ , թէ և նինուէ զնոյն անցս ունի կրել , զի
չէ լաւագոյն քան զնա . արքե՛ք զբաժակ բարկու-
թե՛ն նոն , և յիմարեացի ՚ի մտաց . խնդրեացէ՛ օգ-
նութիւն ՚ի թշնամեաց իւրոց , զորս երբեմն ընդ
ստիւք կոխէր , և ոչ գացէ . և ամրութիւք պարբս-
պաց նորա եղիցին իբրև զթուղ հասեալ , որ ՚ի
ցնցիլ ծառայն , անկանի ՚ի բերան կերողաց : Ալ
զինուորք նորա եղիցին իբրև զկանայս անզօր .
թո՛ղ ամրացուցէ զպարխոպս ընդդէմ պաշարման ,
թո՛ղ կոխեացէ կաւ և արասցէ ազիւս , զամենայն
սպառեացէ հօր . ժողովեացէ օգնականս զխառնի-
ճաղանձն , այլ լինիցին նոքա իբրև զմարտս մա-
ծեալս զցանկով յաւուր ցրտոյ , որք ՚ի ծագել ա-

բևու, այսինքն 'ի հասանել քաղղէացւոց՝ փախիցեն, և ոչ երևեսցի տեղի նոցա. և ասորեստանէայք իբրև զհօտ անհովիւ և անտերունչ, մատնեսցին ատամանց քաղղէացւոց: Օ այս ամենայն որ ցայս վայր ասացաւ յապառնի ժամանակ, եթէ ընթեռնուցումք մեք յանցեալ ժամանակ, ունիցիմք զձգբիտ պատմութի կործանման նինուէի. զորոյ զպատճառ համառօտ բանիւ նշանակի՝ մարգարէն 'ի վերջին համար իւրոյ մարգարէութեան: Առ եղև ամենեցուն գոյժ կործանման նինուէի, վասն զի և մեզք նորա յայտնի և հրատարակեալ եղեն առ ամենեկին. զայթակղութի չարութե իւրոյ եղև պատճառ կորստեան նորա. * Վանզի յայր վերայ ոչ չողաւ չարութի քո հանապազ, ասէ մարգարէն. որով և կնքէ զմարգարէութիս իւր:

Վմբակում. բազումք ասեն՝ թէ սա է ամբա կում մարգարէն, զոր հրեշտակ ան ան 'ի բաբելոն բերել կերակուր դանիէլի 'ի գուբն առիւծուց. բայց ոչ զք հաւատի ինչ նշանաւ ցուցանէ: Վյս մարգարէ մարգարէացաւ նախ քան զչերութիւնն բաբելոնի. այլ թէ սրչափ ժամանակառ յառաջ չէ յայտ. նոյնպէս չէ յայտ թէ ո՞վ թագաւորէր 'ի բաբելոն, յորժամ դանիէլ արկաւ 'ի գուբ, և ընկալաւ կերակուր յամբակումայ: Վչս թէ պէտ մի տեալ եմ ասէ կաղինոս 'ի հաւանութի վասն նաբաքոդոնոսորայ, բայց չեն բաւական զօրաւոր պատճառք իմ առ 'ի հաստատել: Վամանակք երկօցունց չեն այնչափ հեռի, զի ստիպեսցեն ըզմեզ գնել երկուս ամբակումս. և ոչ այնչափ մօտ, զի մի միայն հաստատեսցուք: Վյլ որովհետև չունիմք հիմն ինչ 'ի գիրս, աւելորդ համարիմք պընդել ինչ յանստոյգս:

Վբդ՝ ամբակում մի 'ի փոքր մարգարէից, զոր մէ աստ խօսիմք, տեսեալ զմեծամեծ անօրէնութիւն ժողովրդեան իւրոյ, և մանաւանդ գլխաշտակութիւն և զզրկողութիւն մեծամեծաց, զհարստահարութի աղքատաց, զկաշառառութի դատաւորաց, զզրկումն վարձուց վարձկանաց, զանհարութի իրաւանց և

արդարու թէ, առ ցաւոյ սրտին ողբայր առաջի նյ, թէ՛ Երպէս տեսանէ զայն ամենայն և երկայնամիտ լինի: Այսու պատճառաւ յայտնէ նմա նո՞ զպատիժն, զոր պատրաստեալ էր ածել ՚ի վերայ երուսաղէմի ՚ի ձեռն զինու քաղղէացւոց, և թագաւորի նոցա նարուքողոնսորայ: Օայն լուեալ մարգարէին՝ դառնայ և աղաչէ զոր խնայեալ զժողովուրդ իւր իբրև զորդիս դաւազանաւ, և մի իբրև զթնա միս սրով սատակել և կտրուսանել: Տայ նմա նո՞ պատասխանի, թէ՛ և քաղղէացւոց պատրաստեալ կայ պատուհաս, փոխանակ զի առաւել քան զարժանն ժանտանայցեն, և նարուքողոնսոր հարաւազեալ դիցէ ՚ի մաի թէ՛ անձին զորու թէ՛ առնիցէ զյաղթութիս. վասն այնորիկ և պատիժ նորա դժնդակ ևս լինիցի. և զայս հրամայէ մարգարէին զրել ՚ի տախտակս յայտնի, զի ամենեքեան կարիցեն համարձակ ընթեռնուլ: Ամին իրի մարգարէն յերգս առնու զնարուքողոնսոր. կրկնէ և չորեքինէ զվայն նմա, զանազան նմանութիք և այլաբանութիք յիշեցուցեալ զանօրինութիս նորա: Ապա ՚ի մի թարու թէ՛ ցաւալից մարգարէին՝ նորագէ՛ նո՞ առնա զխոստումն յայտնելոյ իւրոյ մարմնով ՚ի մէջ մարդկան: Աւ մարգարէին լցեալ ցնծութի ընդ այն յոյս նո՞ ահարալ, երգով գոհաբա նութե յայտնէ զմեծափափաք ըզձումն սրտի իւրոյ առ այն մեծ ակնկալութի: Այս է զբր գիտեմք վասն ամբակումայ:

Մոփսիա որդի քուսեայ, որդւոյ դողողիայ, որդւոյ ամարեայ, որդւոյ եզեկիայ մարգարէացաւ յաւուրս յովսիայ աղբայի յուղայ: Մարգարէութիք նորա ըստ նմին օրինակի են ՚ի վերայ անօրինուէց և հանդերձեալ թշուառութեց երուսաղէմի: Այլ զկնի որոտալոյ մարգարէական սպառնալեօք ընդդէմ հրէաստանի, բարձրացուցանէ զսպառնալից բարբառ իւր և ընդդէմ փղշտացւոց, բնդդէմ ասորւոց, և ամնացւոց, մովաբացւոց և եթովպացւոց, և ընդդէմ նինուէի: Ապաքէն մեծ է ողորմութի նն, զի յառաջ քան զհարուածել զամենայն

գազանամիտ ազգս՝ ցուցանէ զգաւազանն բարկու-
թէ, զի թերևս գէթ առ փոքր մի կասեցին 'ի
չարեաց: Այլ վասն սորա այսչափ ինչ ունիմք 'ի՞նք
զիրս:

Անգէ կամ անգէոս մարգարէ մարգարէացաւ
'ի ժամանակս դարեհի վշտասպեայ յետ դարձի 'ի
գերութի. որ և յայտ անտի է, զի կշտամբէ զժո-
ղովուրդ իւր յերուսաղէմ, իբր զի 'ի բաց թողեալ
զշինութի տաճարի տն՝ այր իւրաքանչիւր փութայ
նորոգել և մեծածախ յարդարել զապարանս իւր:
Արեւմէ զպատճառանս, զոր բերին՝ թէ չևևս է
հասեալ ժամանակ շինելոյ զտունն տն. և այնմ
դորովելի անհոգութե և զանցառութե 'ի կատա-
րել զշինութի տանն տն՝ ընծայլ: զերաշտութի և
զանպողովութի երկրին, որով պատժեաց անձ զնս-
սա: Այլ ոչ միայն երկեղուկս արկանէ, այլև քա-
ջալերէ, խրախուսէ, և խոստանայ՝ թէ երկրորդ
տաճարն հրաշափառագոյն եղիցի քան զաւաջինն.
քանզի անգ եկեսցէ անձ մարգարէալ: Յորդորէ և
վառէ զգորաբարէլ սաղաթիլէլեան զսուաջնորդ գոր-
ծոյն, և զմեծ քահանայն զեսու յովսեփեկեան 'ի
փոյթ շինութե տաճարին. զի ընդ ձեզ է տր ասէ
օգնել և յաջողել: Ա՞ խօսից նորա պարզ է և բա-
ցայցայ. և սորա յորդորանաց և եռանդուն քարո-
զութե է պառզ՝ ջերմ և արագ կատարումն շի-
նութե տաճարին:

Օսքարիա որդի բարաբեայ եղև երկրորդ
խրախուսիչ և յառաջացուցիչ շինութե տաճարին,
որպէս ունիմք 'ի զիրս եզրասայ. յորմէ յայտ է թէ
մարգարէացաւ նա 'ի ժամանակս անգեսայ առ ան-
րութեամբ դարեհի պարսից արքայի, որ կոչի որդի
վշտասպեայ: Սակայն չէ պարտ անտի հետևեցու-
ցանել, թէ չիցէ նա սկսեալ բաղմօք յառաջ մար-
գարէանալ, այսինքն 'ի ժամանակս մարգարեհի
յաջորդին բաղտասարայ արքայի քաղղէացուոց, զոր
ունիմք հաւաքել 'ի յայտնի նշանաց ինչ՝ որք գտա-
նին 'ի մարգարէութիս նորա: Աստի յասել նորա
'ի սկիզբն գրոց մարգարէութեց իւրոց, թէ եղև

բան նոն առ նա յամենանն ութերորդի յամի երկ-
 րորդի դարեհի արքայի, ըստ կաղինոսի՝ էր նա
 դարեհ մար. առ որով սկիզբն եղև այլ և յառա-
 ջացումն մարգարէութե իւրոյ: Մտ գրեւոյն յա-
 ռաջին գլուխ մարգարէութե նորա՝ ասէ հրեշտակն
 ցնոր ամենակալ. * Սինչև ցերբ ոչ ողորմեսցիս ՚ի
 վերայ երուսաղէմի և քաղաքացն յուդայ, զորս ան-
 տես արարեր՝ այս եօթանասներորդ ամ: Աօթա.
 նասներորդ ամ գերութենն եղև երկրորդ ամ մար-
 դարեհի. զի ՚ի յաջորդ ամի կիւրոս արձակեաց
 զերբայեցիս ՚ի գերութի: Մտ մարգարէութի
 նորա ոչ սկսաւ յամի դարեհի վշտասպեայ. որով-
 հետև երբայեցիք առ նովաւ արդէն կին ազատեալ
 ՚ի գերութի: Մ նոյն գլուխ. համար 16. ասէ նժ,
 * Վարձայց առ երուսաղէմ գթութիք. ապա ցայն
 վայր չէր տակաւին դարձեալ, կամ դարձուցեալ
 զգերութին: Ա երկրորդ գլուխ. համար 1. ետես
 մարգարէն ՚ի տեսլեան զայր մի՝ որ ունէր ՚ի ձե-
 ուին լար երկրաչափ, և եհարց ցնա թէ յո՞ երթայ.
 ետ պատասխանի այրն՝ թէ երթայ չափել զերու-
 սաղէմ. ապա ոչ էր յերուսաղէմ: Ա և սս
 անդ. * Վ սիոն դիմեալ ապրեցարնք բնակիչք
 դստեր բաբելոնի. համար. 8. ուր լատինն ըն-
 թեանու, * Սիոն փախիր որ բնակեալդ ես առ
 դստեր բաբելոնի: Ա զև առ նա և այլ տեսիլ առ
 գետով եփրատայ. և չէ հարկ ասել թէ հողւով
 կամ մտօք գնաց անդ: Մ յս ամենայն բանք մար-
 գարէին բնապէս և ըստ ճառին մեկնին, եթէ
 զսկիզբն մարգարէանալոյ նորա զիցուք յերկրորդ
 ամի մարգարեհի թագաւորելոյ ՚ի բաբելոն: Մ յլ
 եթէ ձգեսցի ցերկրորդ ամ դարեհի վշտասպեայ,
 ասացեալն մարգարէին թէ՝ * այս եօթանասներորդ
 ամ է, գժուարաւ մեկնի: Ա համառօտ միջոց
 ժամանակի (իմն իբր քսան ամաց) որ անց ՚ի մեջ
 մարգարեհի, և դարեհի վշտասպեան՝ ոչ արդելու
 ասել, թէ մարգարէն ծնեալ ՚ի բաբելոն՝ էր յու-
 ժի և ժիր առ երկրորդմբք թագաւորօք: Օ այսու
 սիկ սասցաք ըստ կաղինոսի. ապա թէ ոչ այլք

զմի և զնոյն դարեհ գարտիկ իմանան 'ի բանս զա-
քարիայ, և ըստ նմին մեկնեն զամենայն ասաց-
ուածս յետևառաջութիւն իւրք մարդարէական տե-
սութեց :

Յայտնեցան զաքարիայ մարդարէի զանազան
նշանօք և նմանութիւնք փոփոխութիւնք և արկածք
բազում թագաւորութեց. բայց առաւել պայծառ
և լուսափայլ խօսեցաւ վասն Վ'տի փրկչին մերոյ,
և վասն եկեղեցւոյ նորա զինի ծաւալելոյ աւետա-
բանին : Բազումք համարին՝ թէ սա է զաքարիայն,
զորմէ խօսի քս յաւետարանի Ժառի . Ի 7 . 55 . * Ար-
պէս զի եկեցեց 'ի վերայ ձեր ամենայն արիւն ար-
դար հեղեալ յերկրի, յարեհնէն արեւի արդարոյ՝
մինչև ցարխնն զաքարիայ որդւոյ բարաբեայ . զոր
սպանէք ընդ մէջ տաճարին և սեղանոյ ॥ : Բայց
են և այլք, որք զբանն քսի իմանան վասն զաքա-
րիայ հօր յովհաննու մկրտչի : Ամանք ևս վասն զա-
քարիայ որդւոյ յովհայեայ, որ հրամանաւ յովա-
սու ապաշնորհ արքայի յուրայ սպանաւ ընդ մէջ
տաճարին . որպէս տեսաք յիւրում տեղւոյ : Իւրա-
քան իւրն յերկոց կարծեացս ունի պաշտպանս երևե-
լիս, և պատճառս յաւէտ և նուազ հաւանականս .
զորս կարգ բանին մերոյ ոչ ներէ առնուլ 'ի քննու-
թիւն :

Մաղաքիա մարդարէ՝ որ վերջին կարծի 'ի նշա-
նաւոր մարդարէից, 'ի մարդարէախս իւր կշտամբէ
և յանդիման հարկանէ ժողովրդեան իսրայէլի
զմեզս նոցա : Խօսի զվերջին դատաստանէ, և զա-
ռաջին և զերկրորդ գալստենէ մեսիային : Արք-
իք եբրայեցւոց շիութեն զնա ընդ եզրի . բայց
կարի տկար են պատճառք նոցա, և անբաւական 'ի
հաստատել : Ղէ յայտ՝ թէ երբ մարդարէացաւ .
հասարակաց կարծիք զնէ զնա յետ գերութե՝ 'ի
լրանալ շինուածոյ տաճարին . և ասեն զնմանէ մե-
ռեալ մանկահասակ :

(Թագաւորի յոգայ՝ որ թագաւորեցին զհնի յովսիայ մեջն
 զգերութիւնն : Արեւիս ճարգարէ :

Յովսիա 'ի մեռանել իւրում եթող չորս որդիս : Անդրանիկ նորա կոչէր յովանան . (որ 'ի մեզ յովաքազ գրի . Թ . Գաղ . Գ . 15 .) այլ նա կամ մեռաւ յառաջ քան զմեռանել չոր իւրոյ . կամ ոչ արար ինչ արժանի պատմուէ . զի քաց յանուանէն չիք այլ ինչ յիշատակ զնմանէ 'ի սք զիրս : Արդրորդն է եղիակիմ , որոյ անուն փոխեցաւ յետոյ 'ի յովակիմ : Արրորդն յովաքազ . որ յետոյ կոչեցաւ սելէն . Երեմ . ԻԲ . 11 . կամ սելւովմ . անդ . ԼԲ . 7 . (կամ ազրում . Թ . Գաղ . Գ . 15) : Իսկ չորրորդն մաթանիա , որ ապա կոչեցաւ սեղեկիա : Իբրև մեռաւ յովսիա առանց կացուցանելոյ զոք յորդւոց իւրոց իւր յաջորդ , Ժողովուրդն թագաւորեցոյց զյովաքազ զերրորդ որդի նորա . գուցէ զնա յարմարագոյն քան զայլս դատեցան : Այլ յովաքազ 'ի թագաւորել իւրում ամաց քսան և երից , չոր քարեպաշտի՝ որդի ամպարիշտ : (Թէ զինչ արար , և որով իւր զրգուեաց զարքայն եգիպտացւոց ընդդէմ իւր , չէ յայտ . քայց այս հաւաստի է՝ զի փարաւն նեքաւով ոչ հաճեցաւ ընդ թագաւորելնս ըստ : Այն 'ի վերայ նորա , որ հազիւ ամիսս երիս թագաւորեալ էր , և կապեալ տարաւ զնա ընդ իւր 'ի դերդաթա յերկիրն եմաթայ յաշխարհին ասորոց . և ասլա անտի փոխեաց զնա ընդ իւր յեղիպտոս , և անդ 'ի գերութեան մեռաւ յովաքազ :

Կա ինքն նեքաւով՝ որ եբարձ զթագ արքայութեան 'ի գլխոյն յովաքազու , ետ զայն , կամ թէ ասել՝ վաճառեաց եղիակիմայ երկրորդ որդւոյ

յովակայ . և 'ի նշան իշխանութե իւրոյ 'ի վերայ նորա՝ փոխեաց զանուն նորա , և կոչեաց զնա յովակիմ . և արկ 'ի վերայ երկրին հարկ հաքիւր տաղանդ արծաթոյ , և տաղանդ մի ոսկւոյ . զոր վճարեաց Ժողովուրդն՝ այր իւրաքանչիւր տալով ըստ իւրում կարի : Ար եղիակիմ՝ ամաց քսան և հնգից 'ի Թաղաւորել իւրում . նմանեալ ոչ հօրն , այլ ամպարիշտ եղբարց իւրոց , զի չոքաւ ընդ մե լորաշաւիղ գնացս նոցա : Իբրև փոխեցաւ վիճակ նեքաւովայ , քանզի ան արքայն բաբելոնի 'ի հեղեղատին եգիպտոսի մինչև ցգետն եփրատ զամենայն ինչ որ էր արքային եգիպտացւոց . և վարեաց զնա 'ի ձահիձս սահմանաց իւրումն եգիպտոսի , յովակիմ արքայ յուգայ փոխեաց զզլխահար ան իւր . այլ ոչ ազատեցաւ : Բանզի նաբուքոդոնոսոր արքայ քաղղէացւոց յաղթեալ եգիպտացւոց Թաղաւորին , ան ընդ իւրև և զհրէաստան , և հարկաւ տու կացոյց զնա : Հատոյց յովակիմ ընդ ամս երիս հաւատարմութիւն զհարկս . այլ ապա Ժխտեալ երդմանն՝ զոր արարեալ էր յանուն այ իւրոյ , վտարանջեաց 'ի նմանէ՝ ոչ և ս հարկանելով զսովորական հարկն : Այլ նաբուքոդոնոսոր 'ի վերայ նորա , և կապեալ զնա պղնձի կապանօք՝ տարաւ 'ի բաբելոն . ընդ նմին տարաւ և զմանն ինչ 'ի սպասուց տանն ան . բայց փութով արձակեցաւ յովակիմ՝ նոր խոստմամբ և նոր երդմամբ՝ զոր երդուաւ նմա : Բայա իբրև դարձեալ երկրորդ անգամ սպաստմբեցաւ , արար զնա ան նշաւակ և խաղալիկ ամենայն ազգաց որ շուրջ զնովաւ . զի արձակեաց զմեկնակազէնսն քաղղէացւոց , ասորեաց , մովաբացւոց , և որդւոցն ամննայ , և սամարիայ , արշաւել աւար հարկանել և ապականել զերկիր նորա : Այլ ինքն յովակիմ այնչափ ատելի եղև Ժողովրդեան իւրում , զի յետ մեռանելոյ նորա հանեալ զգլի նորա 'ի գերեզմանէն , ուր Թերևս 'ի ձեռն առն ուրուք գԹասիրի Թաղեցաւ յերուսաղէմ ընդ հարս իւր , ընկեցին արտաքոյ դրանն երուսաղէմի 'ի դաշտի , 'ի տուէ 'ի սօթի , և գլի .

չերի 'ի ցուրտ թողեալ 'ի կեր թռչնոց և շանց
 իբրև զնեխեալ զի իշոյ . ըստ որում մարդարէա-
 ցաւ երեմիա վասն նորա , թէ * () Թաղումն իշոյ
 Թաղեսցի ॥ . Էբ . 19 . և Լւ . 50 :

Առ ժամանակօք յովակիմայ բազում և մեծա-
 մեծ տառապանս կրեաց երեմիա մարդարէ վասն
 ազատադէմ և արձակաբերան քարոզելոյ զճճմար-
 տու թիս յայտնեալս և սատու իրեալս նմա տւ յոյ :
 Գուշակու թիք թշուառութեց ծանր են և դժուա-
 րահաճ լեւեաց մարդկան , ևս առաւել թագաւու-
 րաց . և այնպէս իմն երեւի անմտաց , որպէս թէ
 որ գուշակն՝ ցանկանայցէ զի գայցեն թշուառու-
 թիքն և կամիցի զիշաս այլոց . թէ ոչ վասն այլ
 ինչ խմբ , գէթ առ սնտաի փառաց , զի ինքն
 ճճմարտախօս երևեսցի : 'Ի սկզբան թագաւորու-
 թե յովակիմայ՝ զնաց երեմիա ըստ հրամանին տց
 քարսզել սովորական սպառնալեօք 'ի սրահ ասնն
 տն . և այն ինչ դադարեաց 'ի խօսից զոր ետ նմա
 տր հրաման խօսիլ , յարեան 'ի վերայ նորա այն
 ամենայն բազմութի ունկնդրաց , քահանայք և ժո-
 ղովուրդք , և սուտ մարդարէքն որ կային անդ ,
 կալան զնա , և կամէին սպանանել : Առեալ իշ-
 խանաց՝ որք էին յարքունիս առ թագաւորն զխոռ-
 վութիւն զայն , եկին տեսանել թէ զինչ իբր իցեն ,
 և լսել զպատճառն : Ամբաստանութե քահանայից
 և սուտ մարդարէից , որք 'ի մահ խնդրէին զերե-
 միա՝ վկայ էր այն անհամար բազմութիւն . և ինքն
 իսկ երեմիա ոչ ուրանայր զասացեալսն իւր , այլ
 միայն իրաւամբք արդարացուցանէր զանձն՝ վկայե-
 լով առաջի նոցա , թէ այնպէս խօսեցաւ , քանզի
 այնպէս սատու իրեաց նմա տր խօսել . և ինքն իւ-
 օրինի ջերմ և նախանձայոյզ քարոզ չի նաև 'ի կա-
 պանս իւրում խրատէր և յորդորէր զամենեւեան
 յապաշխարութի . զի և տր մեղմասցի 'ի չարեացն ,
 զոր խօսեցաւ վասն նոցա .

Գտաւ անդ ընդ ծերս այր մի ողջամիտ և եր-
 կիւզած աքիկամ անուանեալ օհնական երեմիայի ,
 զի մի մատնեսցի 'ի ձեռս խուժանին սպանանել

զնա : Այլ զի անցեալ զիսպուռաճք սովորաբար դիւրապատրաստ են 'ի բերանս ծերոց , և ազգու յականջս գատաւորաց , յիշեցոյց աքիկամ զօրինակ միքիայ մարգարէին , որ յաւուրս եղեկիայ մարգարէացաւ , և ասաց՝ Թէ սին իբրև զագարակ արօրադիր լիցի . սակայն ոչ վասն այնորիկ սպան զնա եղեկիա : Մարգարէք ունին 'ի տնէ ազատութի բազում . և իմաստունք ոչ երբէք խցին զբերանս նոցա , այլ զահի հարան 'ի բանից նոցա , զգաստացան և խնդրեցին զտօր . և դարձոյց տօր զչարիս 'ի նոցանէ : Այլ այնպէս արձակեցաւ երեմիա անջնաս . զի ցուցաւ Թէ ճշմարտապէս 'ի բերանոյ տն խօսեցաւ : Այլ ոչ նոյնպէս այլ ոմն մարգարէ կոչեցեալ ուրիա որդի սամեայ 'ի կարիաթարիմայ , որ և նա ըստ ամենայն բանից երեմիայ մարգարէաւ նայր 'ի վերայ երուսաղէմի և երկրին յուզայ . զի լուեալ յովակիմայ արքայի և իշխանաց նորա , խնդրէին սպանանել զնա . իսկ նա առ ասին՝ փախեաւ դնաց յեղիպտոս . և արքայ առաքեաց զինի նորա զեղնաթան զօրապետ որդի աքոյլերայ սա . կաւաթիւ արամքք . կալան զնա և ամին յերուսաղէմ , և ետ յովակիմ սրով սպանանել զնա . և զմարմին նորա ընկենուլ 'ի հասարակաց գերեզմանս . ոչ տալով նմա առանձին շիրիմ , որում արժան իսկ էր իբրև տք մարգարէ տն . էրէ՛ . Ի՛շ :

Այս անիրաւ մահ ոչինչ թուլացոյց զերեմիա , այլ ևս առաւել վառեալ բորբոքեաց զարիօւի նորա : Սուր և հուր ոչ զարհուրեցուցանեն զսուրբս , զի սպառնալիք մահու՝ խոտոումն է նոցա պսակիցանկացեալ նահատակութի : Այրեմիա առ առաւել տպացուցանելոյ 'ի միտս ժողովրդեան զմարգարէութիս իւր՝ յաւել 'ի բանս և զգալինչանակ ըստ պատուիրելոյ նմա տն : Արեաց առ ժամանակ մի զմիջով սփածանելի կտաւի . և ապա գնաց ճանսպարհ յերկար մինչև ցեփրատ գետ , և անդ 'ի ծակ վիմի թաքոյց զսփածանելին . և դարձաւ յերուսաղէմ : Ետոյ դարձեալ առաքեաց զնա տն անդ , որպէս յառաջնումն լոկ 'ի թաքուցանել՝

հոյնսպէս և յերկրորդումս միայն 'ի տեսանել զնա . զոր և եղիտ փտեալ և ապականեալ՝ ոչինչ իմիք պիտանացու . ԺԿ . 1 : Եւ այն եղև 'ի բերան նորա կենդանի իմն օրինակ նկարագրել 'ի հրապարակախօս վարդապետութե իւրում՝ զփտութիւնս արտից և մոլութեց՝ յորում՝ թաղեալ կայր երկիրն յուգայ : Սատուիրեաց ձոր երեմիայի չառնուլ կին , զի մի ծնցին նմա ուստերք և դստերք . ԺԷ . 1 : Եւ չմտանել 'ի տուն խրախուութեց՝ նստել ընդ այլոց ուտել և ըմպել . և յայտնեաց Ժողովրդեան , թէ այնու գուշակէ զսուգն , զողբումն և զաշխարհարց և մարց վասն ուստերաց և դստերաց իւրեանց՝ որք ծնանիցին նոցա անդ յերուսաղէմ . ԺԸ . 8 : Եւ յոյց նմա անձ զօրինակ ծայրագոյն ձորութեան իւրոյ 'ի վերայ մարդկան , պատուիրելով նմա մտանել 'ի գործատուն բրտի , տեսանել թէ անօթք պատուականք և անարգք քանի՛ հեշտեալ գործին , և եղծանին ըստ կամի արհեստաւորին : Եւ ասաց ցնա առնուլ սափոր մի գործեալ 'ի կաւոյ , և ածեալ ընդ իւր զբազմութի 'ի ծերոց Ժողովրդեան և 'ի ծերոց քահանայից՝ ելանել 'ի ձորն տափեթայ , որ կուի և գերեզմանն որդւոցն ենովմայ . և անդ խորտակել զսափորն առաջի այն ամենայն բազմուէն . զոր արարեալ՝ մեկնեաց օրինակաւն այնուիկ զնախագուշակեալ խորտակումն Ժողովրդեան և երուսաղէմի :

Եւ անի դարձաւ յերուսաղէմ , և 'ի սրահի տաւ ճարին կրկնեաց անդրէն զնախասացեալ սպառնալիս . ԺԹ . 1 . 10 . 14 : Եւ յայտնեցին անօրէնքահանայք զխորհուրդ իւրեանց , զոր յառաջնմէ իսկ երկնէին՝ ըմբռնել զնա և սպանանել . ասելով 'ի միտս իւրեանց , թէ 'ի բառնիլ երեմիայի , ոչ պակասեսցին քահանայք ուսուցանել զօրէնս . և ոչ իմաստունք տալ խորհուրդս բարիս , և ոչ մարգարէ քարոզել զբան ինն : Ս անորոյ բազումք որք անդն կային , միաբանեալ սրեցին զլեզուս իւրեանց ընդգէմ նորա , և մինչ տակաւին խօսեր երեմիա , բարձրացուցին զբարբառ կշտամբել զնա

իրրև ստախօս , և այնպէս լուեցուցանել 'ի խօսից :
 Այս է՝ զոր ասէ մարգարէն 'ի բերանոյ նոցա :
 * Ահայք խորհեցո՞ւք խորհուրդ 'ի վերայ երե-
 միայ . զի ոչ կորնչին օրէնք 'ի քահանայէ , և
 խորհուրդ յիմաստնոց , և բան 'ի մարգարէն :
 Եկայք հարցուք զնա լեզուաւ , և ոչ լուիցուք զբանս
 նորա ॥ ԺԵ . 18 : Պատքոր որդի եմմերայ յանդուզն
 և խորխտ քան զայլս , այն՝ որում անկ էր լինել
 համեստ զգաստ և զբուշաւոր քան զամենեւին՝
 վասն գողոյն իշխան քահանայից և հրամանատար
 տանն ինն , ոչ շատացաւ լեզուաւ հարկանել զմար-
 գարէն , այլ եհար զնա և բռնցի կամ գաւազա-
 նաւ , և եդ զնա 'ի կալանս 'ի վերնատունն՝ որ
 էր 'ի գաւթի անդ տաճարին առ դրանն բենիամի-
 նի : Աւ 'ի վաղիւ անդր հանեալ զնա յարգելանաց
 անտի , ետ ածել յատեան առաջի իւր 'ի քննել
 զնա : Այնմ առենի ետ երեմիա նիւթ բաղում
 զպրապետին 'ի գրել , բայց ամենայն բանք նորա
 եղէն մարգարէութիւք ընդդէմ անօրէն դատաւո-
 րին . քանզի աներկիւզ ասաց առ նա . Ը ապաքէն
 Պատքոր կոչիս դու , այլ ի՞նչ փոխեաց զանուն քո ,
 և կոչեաց զքեզ գերի թափառական . զի մատ-
 նեցէ զքեզ և զամենայն բարեկամս քո 'ի գերու-
 թի . և անկցին ամենեքին 'ի սուր թշնամեաց ա-
 ռաջի աչաց քոց , և ամենայն յուզա անցցէ 'ի ձեռս
 թագաւորին բաբելացւոց . և իշխանք նոցա կոտո-
 րեցին սրով , և ամենայն ճոխուիք և զանձք երկ-
 րիս յափշտակեցին և տարցին 'ի բաբելոն : Աւ
 դու պատքոր , և ամենայն տուն քո ընդ քեզ վա-
 րեցիք անդր 'ի գերութի . անդ 'ի բաբելոն մե-
 ռանիցիք , և անդ թաղեսցիք . նոյն եղիցի և բարե-
 կամայ քոց , զորս խաբեցեր սուտ մարգարէու-
 թիքդ :

Իբրև զայս ամենայն առաջի եդ պատքովոյ ,
 և ետես զնա ծփեալ 'ի խորհուրդս , խօսեցաւ մար-
 գարէն վասն իւր՝ եդեալ սկիզբն ջատագովութե-
 անձին , թէ զայլ ինչ ոչ մարգարէանայր , բայց
 զոր հրամայէր նմա ինձ . ուստի եթէ մարգարէու-

Թիք իւր սուտ լինելին, ապա լինէր այ խաբել զնա: Այցոյց առաջի առնելով նոցա զհասլածանս և զտառապանս զոր կրեաց և կրէր, և զհաստատու-
 Թի իւր 'ի տանիլ ամենայն դառնութեց. որպէս զի 'ի միտ առցեն և ձեռօք շոշափեսցեն, Թէ մարդ որ կարող էր 'ի սէր և 'ի բարեկամութի իւր ձգել զիշխանս և զմեծամեծս փաղաքէլով և ըստ հա-
 ճոյս նոցա խօսելով իբրև զայլսն, ոչ արդեօք հա-
 մարձակէր շարժել զնոսա 'ի Թշնամութի՝ և 'ի բիւր տառապանս արկանել զանձն, և Թէ չէր նպաստաւորեալ և զօրացուցեալ 'ի նոնէ: Այ զայս խօսեցաւ առակօք և աղղու ձեով բանից՝ ըստ աղղեցութե ներգործական հոգւոյ մարդարէու-
 Թե. ասէ. Ղու պանքովր, խոռվիչ ժողովրդեան կոչես զիս: Այ անդէն բացադարձութե ձեով դառնայ և խօսի առ նոն. ապա դու նոր խաբեցեր զիս, և խաբեցայ. և 'ի խուսել իմ ըստ մարդկօ-
 րէն տկարութես առ 'ի չանկանիլ յայսչափ վիշտս և 'ի տառապանս, յաղթահարեցեր զգիմադրութի իմ, և ձգեցեր զիս յայս շիտթս: Ղազում ժամա-
 նակք են, զի խօսիմ ընդդէմ անօրինութեց, և բարձրաձայն քարոզեմ զհանդերձեալ ապականու-
 Թին. և բան նոն որ փառաւոր առնէ զայլ մար-
 դարէս, ինձ դառնայ 'ի դառնութի և 'ի նախա-
 տինս. զի յեւանել 'ի բերանոյ իմմէ՝ լսի կատակա-
 նօք զօրհանապաղ: Ղազում անգամ անց ընդ խոր-
 հօւրդս իմ ոչ ևս խօսիլ յանուն նոն, իբրև մարդ որ մոռացեալ իցէ անուանել զնա, կամ զպատուէր նորա. բայց 'ի խորհել իմում զայս՝ եղև 'ի սրտի իմում սարսափ սոսկալի, մինչ Թուէր ինձ վառիլ մեծաբոց հրոյ ընդ ոսկերս իմ: Ա հակառակել վերին մասին հոգւոյս, որ կամէր հնազանդիլ այ, և ստորին մասին որ յոյժ հակամիտէր առ 'ի խոյս տալ, լքայ և նուաղեցայ: Աւայ զպարսաւանս 'ի բազմայ. եղէն առ իս և սպառնալիք զարհուրելիք յորոց շուրջ զինև միահամուռ ժողովելոց, որք աղաղակէին, արիք և յարիցուք 'ի վերայ նորա, Թերևս խաբեսցի, և յաղթեսցուք նմա և խնդրես.

ցուք զվրէժ մեր 'ի նմանի։ և զայս լուայ 'ի նոցա նէ որք բարեկամք և պաշտպանք ինձ ձեանային։ Այլ տր փարատեաց յինէն զնուաղունն և զԼբունն, զի եղև բնդ իս իբրև պատերազմօղ հզօր։ Ասն այնորիկ որք հալածեն զիս՝ անկցին և յամօթ լիցին յոյժ, և անարգանք նոցա յաւիտենից մի մնաւային։ Գու տր զօրութեց որ կռես զիրաւունս, և քննես զսիրտս և զերիկամունս, արասցես զի տեսից առ 'ի քէն զպատիժ 'ի վերայ նոցա, ոչ առ իմ վրէժ ինդրութի, այլ առ 'ի յայտնութիւն փառաց քոց որ արդ ուրեմն հարկաւոր է։ Ամ էս առաջի դատաւորաց իմոց թնամեաց. այլ առ քեզ յանձն առնեմ զաղերս իմ և զգատաստան։ Այլ այնչափ վատահ էմ, եթէ դու փրկեսցես զիս 'ի ձեռաց անօրինացս, զի իբր վասն արդէն եղելոց իրաց հրաւիրեմ զամենայն աշխարհ գոհանալ զքէն և երդել զօրհնութի և զգովութի քօ. * () քհնեցէք զտր, գովեցէք զնա. զի փրկեաց զանձն տնանկի 'ի ձեռաց չարաց ։ Աթէ խաբիցիմ յայսմ, կարեմ համարձակ կոչել անիծեալ զօրն յորում ծնայ. և ունիմ ասել, անիծեալ լիցի մարդն, որ ետ աւետիս ուրախութե հօր իմոյ, թէ ծնաւ քեզ արու մանուկ. որովհետև ծնունդն իմ լինելոց էր պատճառ այսչափ ցաւոց մեծամեծաց. լաւ ևս էր վասն իմ յարգանդի անդ մօր իմոյ մեռանել, և լինէր ինձ մայրն իմ գերեզման։ Ա'ի լիցի քեզ պասքովր՝ արհամարհել զիմ առ անհաւատարմութիւն, և դնել 'ի մտի՝ թէ անքերեալ իցի զիս յաշխարհ լոկ առ 'ի կրել ցաւս և տառապանս, և 'ի հանապազօրդ վաստակս և 'ի ծուփս անցուցանել զառուրս իմ։ Այդ զիս յաշխարհ, զի հնազանդեցայց կամաց նորա, և յայտնեցից ժողովրդեանս այսմիկ որ ինչ հանդերձեալ են հասանել 'ի վերայ նոցա։ Ի բանից աստի մարդարեիս ամօթապարտեալ պատգովրայ, և չունելով ինչ դնել բնդդէմ՝ արձակեաց զնա։

Այդև առ երեմիա և այլ խստագոյն պատուէր 'ի տնէ. որ բաւական էր զաշխարհ ամենայն յա

րուցանել ընդդէմ նորա : Ասաց նմա անուշ
բազում շղթայս և անուշս , և արկանել ընդ պա-
րանոց իւր , և այնպէս ելանել 'ի հրապարակ . ապա
'ի բաց առեալ պահել առ իւր . յետոյ ըստ բերե-
լոյ դիպողութե՛ն առաքել զմի մի 'ի կապանաց ան-
տի առ այլ և այլ թագաւորս եղովմայեցւոց , մն-
վաբացւոց , ամենացւոց , տիրացւոց և սիդոնաց-
ւոց՝ 'ի ձեռն հրեշտակաց նոցա , որք գային
երբէմն յերուսաղէմ՝ առ թագաւորս յուզայ 'ի
պիտո քաղաքական ինչ իրաց : Օայս պատուէր ըն-
կալաւ մարգարէն 'ի սկզբան՝ թագաւորութեան
յովակիմայ . և յետ այնորիկ յայլ և այլ ժամանակս
եղև առ նա հրաման 'ի տնէ առաքել իրօք . վեր-
ջին առաքումն եղև յաւուրս սեղեկիայ արքայի
յուզայ առ թագաւորն տիրոսի , և առ թագա-
ւորն սիդոնի 'ի ձեռն հրեշտակաց նոցա 'ի դառ-
նալ նոցա յերուսաղէմէ առ թագաւորս իւրեանց ,
տալով ընդ շղթայից տանել և զպատգամ գերու-
թե՛ն նոցա , ազգ առնել ամենեցուն , թէ արքայն
բաբելոնի և որդիք նորա , և որդիք որդւոց նորա
լինելոց են իշխան և տր 'ի վերայ նոցա . մինչև
եկեսցէ ժամանակ բարկութե՛ն և երկրին բաբելո-
նի (զորմէ հանդերձեալ եմք խօսել յիւրում
տեղւոջ) : Յուրեւ մարգարէն ըստ իւրումն սովո-
րութե՛ն և աստ զգուշացուցանել զամենեօին՝ մի
լսել և մի հաւատալ սուտ մարգարէից և ըզձու-
թե՛նց և կախարդաց , որք զհակառակն քարոզեն :
Առ ամենայն ազգք որք կամովին անձնատուր լի-
նիցին արքային բաբելոնի , և կայցեն նմա 'ի հար-
կի , աներկբայ և ապահով լինիցին . զի մնացեն
անշնաս յերկրի իւրեանց , և գործեսցեն զնա , և
բնակեսցեն 'ի նմա : Այլ եթէ ընդդէմ դառնայ-
ցեն , կորուսցէ զնոսա անձ սրով , և սովով , և մա-
հուամբ . երէ՛մ . է՛ն :

Արկնեաց երեմիա զայս մարգարէութիւն և 'ի
սկզբան չորրորդ ամի յովակիմայ արքայի յուզայ ,
յորժամ չև էր լրացեալ առաջին ամ թագաւո-
րութե՛ն նաբուքոդոնոսորայ . որ յերրորդ ամի թա-

դաւորութիւն յովակիմայ սկսաւ թագաւորել 'ի բաբելոն: Այլ ընդ այլաբանութիւն բաժակի անապակ գինւոյ զօրաւորի ազգ արար յանուն տն, թէ 'ի բաժակ: անտի հանդերձեալ են ըմպել ամենայն ազգք յիշատակեալք անդէն: Այսց այս անգամ քաղցրացոյց առ փոքր մի զմարգարէութիւն իւր առ երրայեցիս, խոստանալով թէ յետ ամաց եօթանասնից լինիցի նոցա ազատութիւն. 41. 18:

Չորաւ երեմիա ըստ հրամանի տն քարոզել և յարքունիս անդր յովակիմայ, և մարգարէացաւ վասն աշխարեւի օրհասի նորա. և դարձուցեալ զբանս իւր առ յեքոնիա որդի նորա, և առ տիկին մայր յեքոնիայ, ասաց պարզ և յայտնի. թէ վարեցին գերի 'ի բաբելոն. և մի ակնունիցի յեքոնիա՝ թէ դարձցի և նստիցի յաթու թագաւորութիւն ինքն, կամ ոք 'ի բազում որդւոց իւրոց. 18. 19:

Այս անպատրուակ ձեք բանից անթիւ վիշտ հասուցին երեմիայի. դարձեալ արկաւ 'ի բանտ, բայց անկամեցաւ՝ զի և 'ի բանտէ անտի լսելի արասցէ նա յարքունիս զպատգամս իւր: Ասաց նմա գրել 'ի մատենի զամենայն մարգարէութիւն իւր յօրէ յօրմէ հետէ խօսեցաւ տր ընդ նմա: Արար մարգարէն՝ որպէս հրամայեաց նմա տր. կոչեաց զբարութիւն որդի ներեայ, և ետ նմա գրել 'ի քարտիսի 'ի բերանոյ իւրմէ զամենայն զբանս տն. և ասաց ցնա երթալ ընթեռնուլ 'ի տան տն 'ի լուր ամենեցուն: Անաց բարութիւն հասանելոյ աւուր մեծի՝ յորում լինէր խուռն բազմութե ժողովիլ 'ի տաճարն. և այնպէս յամենան իններորդի յամին հինգերորդի յովակիմայ արքայի ընթերցաւ զմատեանն յականջս ամենայն ժողովրդեանն: Անդ ունկնդիրս գտաւ այր ոմն միքիա կոչեցեալ, ոչ մարգարէն, այլ՝ այլ ոմն որդի գամարեայ թուռն սափանեայ. սա գնաց յարքունիս 'ի տուն դիւանաւ գպրին, ուր նստէին իշխանք, և պատմեաց նոցա զամենայն զբանս մատենին. կամեցան և նոքա լսել. առաքեցին զփ ոմն 'ի խմբէ անտի իւրեանց՝

յուզի անուն որդի նաթանայ՝ կոչել զբարութ :
 Այն և ընթերցաւ յահանջս նոցա . զահի հարան
 ամենեքեան . և առաւել ևս զարհուրեցան՝ յորժամ
 լուան ՚ի բարութայ թէ ՚ի բերանոյ երեմիայի
 գրեաց . նա պատմեաց ինձ ասէ զամենայն զբանս
 զայսոսիկ , և ես գրեցի ՚ի մատենիդ սեակաւ :
 Արևի թէ իշխանքն այնոքիկ ՚ի լաւաց անտի էին
 և ՚ի նախանձաւորաց հասարակաց օգտի . որոց
 կարևոր թուեցաւ , զի և արքայն լիցէ զընթեր
 ցուածն զայն . ակնունելով թէ բազումս ազդեսցէ
 ՚ի սիրտ նորա , և օգտեսցի յոյժ : Ասաց միանգա
 մայն և կասկածէին՝ թէ մատեանն այն վտանգ
 ինչ առթեսցէ գրողին , և մանաւանդ թէ լաղրո
 ղին . վասն որոյ խրատ ետուն բարութայ , և երե
 միայի՝ որ արձակ էր յայնժամ ՚ի կալանաց , թաք
 չիլ ուրեք ՚ի ծածուկ , զի մի ոք գիտացէ թէ ուր
 իցեն :

Աւ ապա արձակեալ զբարութ , և զմատեանն
 թողեալ անդէն ՚ի տան ելիմասայ դպրատեաի ,
 չորան մտին առ արքայ . և պատմեցին նմա՝ զամե
 նայն զբանսն մատենին , ցուցանելով նմա՝ թէ բա
 րի է , զի և արքայ լիցէ : Ասաց յովակիմ քյուզի
 բերել զմատեանն և ընթերցուլ առաջի իւր ՚ի
 լուր ամենայն բազմութի իշխանաց , որք կային
 շուրջ զնովաւ : Այլ իբրև ընթերցաւ յուզի երես
 կամ չորս էջս կամ գլուխս բանից , եղև ծան
 րասրտիլ արքայի ընդ բանսն և փոխանակ պատա
 ռելոյ զհանդերձս ինքն և իշխանք որ զնովաւ , և
 խոնարհելոյ առաջի ան , առ արքայ զմելին դպրի ,
 և կտրեաց զմատեանն . և զի նստէր ՚ի ձմերա
 տանն , և կրահարան առաջի նորա , քան զի ցուրտ
 էր , (գոլով իններորդ եկեղեցական ամիս նոցա ,
 որ համեմատի դեկտեմբերի հռովմայեցւոց ,) ըն
 կէց զայն ՚ի կրակն , մինչև իսպառ այրեցաւ . և
 թէպէտ երեք յիշխանաց անտի՝ եղանաթան , և
 գաղեա , և գամարիա խօսեցան նմա չայրել զքար
 տեղն , այլ շահեցան և ոչինչ . զի ոչ անսաց նոցա :
 Աւ այնու ոչ շատացեալ՝ հրաման ետ յերեմիելի

որդուոյ իւրում և այլոց ոմանց՝ ունել զբարութիւնս և զերեմիա և արկանել ՚ի շղթայս . այլ նորա կային ՚ի Թաքստի . և ոչ եթող նոր գտանել զնոսա , Թէ պէտ բազումս յուզախնդիր եղեն : Ստեանն այրեցաւ , այլ ոչ կորեաւ . Թագաւորք առ ոչինչ են ձեռնհաս , յորժամ ընդ նոյ կամին ՚ի պայքար մտանել : Նրամայեաց նոժ մարգարէին՝ գրել վերտօին զամենայն զբանսն , որ էին յառաջնում քարտիսի զոր այրեաց յովակիմ . գրեաց մարգարէն , և այն պէս մատեանն ատելի յարքունիս , յարուցեալ ՚ի մոխրոյ՝ դարձեալ ընթերցաւ ՚ի Տրապարակի ՚ի լուր ամենեցուն , բայց ճոխագոյն քան զառաջինն . յորում յաւելան և այլ նոր սպառնալիք առ յովակիմ . զոր ՚ի վեր անդր տեսաք անվրէպ կատարեալ ՚ի նա . Երեմ . ԼԷ :

Սեռաւ յովակիմ արքայ , և Թագաւորեաց յովակիմ՝ որ և յեքոնիա որդի նորա ընդ նորա : Այլ ոչ վասն այնորիկ վրիպեցաւ բանն երեմիայ , որ մարգարէացեալ էր Թէ ոչ ոք յորդուոց յովակիմայ նսրդի յաւուռն դաւի . քանզի սա Թագաւորեաց ամիսս երիս և աւուրս տասն , և ոչ աւելի . ուստի եղև այն մանաւանդ ելանել քանԹէ նսրել յաթու Թագաւորութե : Սա ևս ասէ զիրն՝ * Արար չար առաջի նոն ॥ , ոչինչ ընդհատ ՚ի հօրէն . բայց երեի Թէ ՚ի գերութե իւրում իցէ խոնարհեալ : Մեղդէմ սորա առաքեսց նաբուքոդոնոսոր դունդ մեծ զօրաց , որք կանգնեցին պատնէշ շուրջ զերուսաղէմաւ . և սկիզբն արարին պաշարման . ապա եկն սննամբ և նա ինքն նաբուքոդոնոսոր : Գեքոնիա տեսեալ՝ զի չունի բաւական զօրութիւն ընդերկար պահել զբաղաքն ՚ի պաշարման , միանգամայն և ՚ի մարգարէութեց երեմիայ յորդորեալ , եղև պատերազմական օրինօք անձնատուր նաբուքոդոնոսորայ հանդերձ մարք , և կանամբք և համօրէն արքունեօք , և հանդերձ ողջոյն երուսաղէմ քաղաքաւ : Աւ նաբուքոդոնոսոր տարաւ զնա , և զմայր նորա և զկանայս և զներքինիս նորա գերի ՚ի բաբելոն . այլ ոչինչ անդթութի կամ ամարդութի եցոյց

ընդդէմ անձանց նոցա, այլ մանաւանդ ըստ բա-
նից երեմիայի որ միշտ խոստանայր բարի ընդու-
նելու թի, որոց ինքնակամ մտանիցեն ՚ի ծառայու-
թի, երևի թէ պատուով պահեալ իցէ զնոսաւանդ
՚ի բարելոն :

Ասկայն և այնպէս չէ մարթ ասել թէ ինքն
յեքոնիա չիցէ լեալ անդ ՚ի մեծի նեղութե . զի
զինչ մեծագոյն նեղութի և տոչորումն սրտի առն
թագաւորի՝ քան լինել արտաքոյ իւրոյ թագաւո-
րութե արգելական ուրեք ընդ ձեռամբ բռնագու-
նի . թէպէտև այլ ամենայն բարեօք լցեալ զե-
ղեալ իցէ . ապարանք մեծամեծք անձուկ են նմա,
յորժամ տեսանէ զամենայն սահմանս ինքնակա-
լութե իւրոյ ՚ի մի կամ յերկու ապարանս ամփո-
փեալ : Ինչ յեքոնիայ արքայի ածան ՚ի բարելոն
տասն հազար զինուորք, և այլևս եօթն հազար զօ-
րաւորք, որք կային ՚ի պահպանութիւն քաղաքին
հանդերձ իւրեանց զօրավարօք : Ինչ նոսա վարե-
ցան իբրև գերեալք ՚ի պատերազմի՝ արհեստա-
ւորք, հիւան, դարբին, ճարտարապետ, ընդ ամե-
նայն հազար այր : Եւ քաղաքն աւար հարաւ,
գանձք տաճարին և տանն արքայի, և համօրէն մե-
ծամեծաց քաղաքին կողոպտեցան . և տարեալ
եղեն ՚ի բարելոն :

Սեբեկիս արքայ յուրայ : Պաշարոմն Էրոսաղէֆի 'ի
 Գաղղէացոց : Լըբէֆա ճարգարէ :

Տարեալ նաբուքոդոնոսորայ զյէքոնիս 'ի բա-
 բելմն գէրի , և կողոպտեալ զէրուսաղէմ 'ի գան-
 ձուց , 'ի զօրաց , 'ի զօրադէտաց , և յամենայն ար-
 Տեստաւորայ կարեօրաց 'ի պատրաստութի պատե-
 րազմական գործեաց , թագաւորեցոյց յերուսա-
 դէմ փոխանակ յէքոնիայ զմեթ թանիս կամ զմատ-
 թանիս զէզբայր յովակիմնայ , հօրեզբայր յէքո-
 նիայ : Վանզի եղեալ էր 'ի մոի , թէ նա ոչ էր-
 բէք գլուխ ամբարձցէ , թէ ոչ 'ի չնորհս երախ-
 տեաց՝ զոր արար նմա կացուցանելով զնա թագա-
 ւոր , գէթ առ անկարութե , գոլով մերկացեալ 'ի
 գանձուց և յամենայն զինուորական զօրութեց . և
 այնպէս կացցէ մնացէ միշտ հաւատարիմ հարկա-
 տու նմա , և հպատակ հրամանաց նորա : Եւ առ
 առաւել ապահովութի՝ առ 'ի բերանոյ նորա եր-
 դումն հանդիսական յանուն նոյ բարձրելոյ : } Ետ
 այնորիկ նաբուքոդոնոսոր 'ի նշան իշխանութե իւ-
 րոյ 'ի վերայ նորա՝ փոխեաց զանուն նորա՝ , և կո-
 շեաց զնա Սեղեկիս . որ և յետ այնորիկ միշտ այն-
 պէս կոչեցաւ :

Եւ յայնժամ սեղեկիս քսան և մի ամաց . և
 գտաւ ամպարիշտ յնծայինս ըստ հօրեզբօր իւրոյ
 յէքոնիայ . անարի , բայց և անգութ . Եթէ յիրս
 ինչ ոչ երեւեցոյց անգութութի , ոչ էր 'ի սրտէ , այլ
 յանկարութե 'ի գործադրութի : Աւնէր ապաբէն
 իւր առնութեր զերեմիա ննծարեալ մարգարէ ա-
 ռաջնորդ և ուղղիչ . զոր և ոչ երբէք դատապար-
 տեաց յաղազս անպատրուակ և անաչառ կշտամբե-
 լոյն զինքն . բայց և ոչ երբէք ունկն մատոյց խոր-
 հրդոց նորա , և ոչ օգտեցաւ ինչ երբէք 'ի խրա-

տուց նորա: Այլ ձգեաց զձեռն իւր երբէք՝ ՚ի մարգարէն, այլ սակայն եթող զնա ՚ի ձեռս չարազունից՝ իւրոց անօրէն պաշտօնէից. զի նոցա խորհրդոյն վարէր յամենայնի: Այլ թէ կամեցեալ էր երեմիա նստիլ ՚ի խաղաղութե՛ն հանդարտեալ յամենայն արտաքին աղմկաց, շատ էր նմա կամ ընդ այլոց անցանել ՚ի բաբելոն. և կամ խոյս տալ յանաթոլթ ՚ի հայրենի քաղաք իւր. և լուել անդ առանձինն: Այց անձ կամէր զի նստիցի յերուսաղէմ, և խօսեսցի և քարոզեսցէ բանս ծանունս և դժուարահաճս արքային և մեծամեծաց: Այլ առաւել ատելի առնէր զնա յերուսաղէմայն, զի առ երուսաղէմացիս երևէր խօսիլ միշտ սպառնալեօք մեծամեծ չարեաց, իսկ առ գերեալսն ՚ի բաբելոն զրէր քաջալերս և բանս միտիթարութե՛ն:

Յառաքել սեղեկիայ արքայի հրեշտակս ՚ի բաբելոն առ նաբուքոդոնոսոր, ետ և երեմիա նոցա թողթ տանել առ գերեալսն, ուր յորդօրէ՛ր զնոսա և քաջալերէր կեալ խաղաղութե՛ն անդ ՚ի բաբելոն. և աղօթս առնել վասն տերանց իւրեանց զի ՚ի դոցա խաղաղութե՛ն ասէ՝ եղիցի և ձեզ խաղաղուի: Այլ ևս՝ շինել տունս, և տունուլ կանոյս, և ծնանել ուստերս և դստերս, և բազմանալ անդ. զի խոստանայ, թէ ՚ի լրանալ եօթանասուն ամօց՝ դարձցին յերուսաղէմ, ասելով ՚ի զիմաց նոյ. * Յորժամ մերձ իցէ լնուլ բաբելոնի եօթանասուն ամ, այց արարից ձեզ. և հաստատեցից ՚ի վերայ ձեր զբանս իմ, դարձուցանել զձեզ ՚ի տեղիս յայս ॥. Ին. 7. 10: Օգուչացուցանէ զնոսա չհաւատալ սուտ մարգարէից, որք անդ ՚ի բաբելոն քարոզէին ստուծթ ՚ի մեծի երջանկութե՛ն վայելել նոցա, որք մնացին յերուսաղէմ: Ինդ հակառակն՝ ասէ, եղիցի ՚ի վերայ նոցա սուր, և սով, և մահ. ուր և յանուանէ նշանակէ զոմանս ՚ի սուտ մարգարէից անտի բաբելոնի, զաքիաբ որդի ուղկեայ, և զսեղեկիա որդի մատայ. և մարգարէանայ վասն նոցա զայն՝ որ և կատարեցաւ, թէ ըմբռնեսցին ՚ի շնութե՛ն. և տացէ նաբուքոդոնոսոր

կենդանւոյն տապալկէլ զնոսա 'ի հօւր հրապարա-
կաւ առաջիւշաց նոցա : Անուանեաց և զերրորդն
սամեա ելիմացի . որ գրելով 'ի բաբելոնէ յերուսա-
ղէմ սուտ պատգամն , խռովէր զերուսաղէմացիս .
զորմէ տաց երեմիա , թէ վաղահաս օրհասիւ մեռ-
ցի , և շիջցի տուն նորա : Վրեաց երեմիա ըստ
պատուիրելոյ տն' և այլ թուղթս միւրթարութէ .
խոստանալով թէ անդրէն շինեսցի երուսաղէմ և
տաճար տն , և մարդարէանալով վասն այլոց յաջու-
ղութեց բաղմոց , որք հանդերձեալ էին լինել 'ի
գալստեանն քօի տն մերոյ :

Ազլե յերուսաղէմ հրապարակաւ հակաճառուի
անանիայ որդւոյ ազովրայ սուտ մարդարէի 'ի գա-
բաւոնէ ընդ երեմիայ մարդարէի 'ի տան տն ա-
ռաջի բազմութե քահանայից և յոգնախուռն ժո-
ղովրդեան . 44. 17 : Անանիա սնդէր , թէ յետ եր-
կուց ամաց խորտակեսցի լուծ բաբելացւոց , և ա-
մենեքեան արձակեսցին յազատութի . և դարձու-
ցին անդրէն 'ի տաճար անդր ամենայն պատուա-
կան սպասք նորա , և յեքոնիա դարձցի յաթու թա-
ղաւորութե իւրոյ , և ամենայն գերեալքն դարձ-
ցին յերկիր իւրեանց 'ի հրէաստան : Ատ պատաս-
խանի երեմիա և ասէ . արդարեւ ըզձալի էր այդ ,
եթէ հաստահիմն լինէր . այլ այգպիտի բանք ըզ-
ձութիք են և փաղաքշանք սուտ մարդարէից . որոց
չ' մարթ հաւատալ , եթէ ոչ նախ արդիւնասցի
դուշահութի նոցա : Աւնէր երեմիա 'ի պարանոց
իւր անուրս փայտեղէնս . զորս առեալ անանիայ
'ի պարանոցէ նորա խորտակեաց , և ասաց իբրև 'ի
յայտնութե տն , թէ յետ երկուց տմաց այսպէս
խորտակեսցի լուծ բաբելացւոց 'ի պարանոցէ ա-
մենայն ազգաց : Այլ երեմիա ըստ հրամանի տն
մերժելով զնա՝ վերջ արար վիճին , ասելով ցնա .
Վու խորտակեսցի զանուրս փայտեղէնս , ես արա-
րից փոխանակ անուրս երկաթիս . և դիցին 'ի պա-
րանոցս ամենայն ազգացդ շուրջանակի . և ամենե-
քեան հարկեսցին նաբուքոզոնոսորայ արքայի , և
ծառայեսցեն նմա : Ալ զու անանիա՝ որ խաբէս

զժողովուրդդ կեղծելով մարդարեւութիս, զի չես առաքեալ 'ի տոնէ, ահա բարձցէ զքեզ տր յերկրէ 'ի սմին իսկ տարւոջ: Աւ ահա յետ երկուց ամսոց կատարեցաւ մարդարեւութին երեւմիսյ. զի 'ի Հինգերորդ ամսեան եղև վէճն, և յամսեանն եօթնեւորորդի մեռաւ անանխա:

Այս ամենայայտ ապացոյց շատ էր ինքնին և եթ չաւանեցուցանել զարքայն սեղեկիս, թէ երեւիս խօսի հողւոյն տյ: Ասոյց ծանր էր նմա լսել թէ պարտ է կալ 'ի հնազանդութե նաբուքողոնոսորայ. գիտէր՝ զի չունի բաւական զօրութի գիմակալ լինել նմա պատերազմաւ. գիտէր զերդումն իւր արարեալ յանուն տյ բարձրելոյ: Սակայն և այնպէս ընդդէմ գիտակցութե մտաց իւրոց ջանահար լինէր 'ի ձեռն գաշնակցութեան ընդ այլում նչկահճել զնաբուքողոնոսոր: Աազում անգամ ասէր ցնա երեւիս, 'ի զնէր է ապաւինիլ յերկիւրտացիս. բայց նա ոչինչ անսալով նմա՝ գաղտնի հնարիք գաշնադիր եղև ընդ փարաւոնի երկիւրտացուց արքայի: Աւ այնպէս կամեցեալ սեղեկիս խորտակել զփայտեղէն թեթև անուր՝ արկ 'ի պարանոց իւր զծանրաբեռն անուր երկաթի:

Վիտաց նաբուքողոնոսոր զմիաբանութի նոցա. աճապարեաց էհաս 'ի վերայ ուխտադրութ արքայի բուռն զօրութի: Օ օրք մարաց միաբանելոց յաւելան 'ի բանակ քաղաքացուց. և կանոնաւ որ ընթալցիւք յառաջադէմ խաղացեալ, հարին զճանապարհայն զամրոցս իտրայելի աստ անդ կառուցեալս 'ի պատսղարութի երուսաղէմի թագաւորեալ քաղաքի: Սեղեկիս քանզի ճանաչէր զերեւիս այր նժապաշտ՝ նք և սիրելի տոն, առաքեաց առ նա երկու 'ի քահանայից՝ խնդրել աղօթս առնել առ տր վասն իւր և վասն քաղաքին. միանգամայն և գիտել 'ի նմանէ, թէ զինչ պատգամ ունիցի 'ի տոնէ 'ի վերայ թշնամեաց: Պատասխանին եղև անաւառ, ուստի և անախորժ. երթայք ասէ և ասասջիք ցարքայն որ առաքեացն զձեզ, այս է բան տոն. անգործ արասցէ զզէնս յուդայ. հարցէ 'ի բազուկ

Տգոր զբաղաբդ և զընակիչս դորա . և մինչև իցեն սատակեալ 'ի ձեռաց [Թնամեաց իւրեանց , բազումք մեռցին մահումք , և բազումք սովով . և սեղեկիս հանդերձ մնացելովք 'ի քաղաքից՝ մատնեցի 'ի ձեռս նաբուքողանոսորայ . և հարկանիցէ զնոսա , և ոչ ողորմեցի նոցա . նոքա միայն որք կամովին ելանիցեն առ քաղաքէացիս՝ փրկեցեն զկեանս իւրեանց և կեցցեն . 41 . 42 :

Սինչ այս իբք լինէին յերուսաղէմ , բանակ քաղաքացւոց և օգնականք նոցա յաջողութիւն յառաջ խաղացեալ՝ հասին առ դուրս երուսաղէմի . և սիւռեալ շուրջ զնովա՝ ձեռն արկին կանգնել պատնէշ կամ պատուար հողոյ շուրջանակի , և պատեցին զուղոր քաղաքն : Եւ մինչև էին սկիզբն արարեալ մարտի , ազդեղև 'ի բանակ անդր նոցա՝ եթէ արքայն եղիպտացւոց գայ զօրու ծանու յօգնութիւն երբայեցւոց . յայնժամ խորհեցաւ նաբուքողանոսոր , զի եթէ մնացէ՝ զի եղիպտացիք անդ 'ի պատնիշի հասանիցեն 'ի վերայ նորա , 'ի նմին ժամանակի և երբայեցիք ամենայն զօրութիւն իւրեանց յարձակեցին 'ի քաղաքէն արտաքս . և այնպէս նոքա յետուստ , սոքա յառաջոյ 'ի մեջ առնուցուն զբանակ իւր . և ոչ կարելով հանել յընդարձակ վայր զգօրս իւր , և ըստ օրինի կարգել զնոսա 'ի ճակատ , 'ի վտանգ մեծ անկանիցի . և թէև յաղթեցէ , բայց ոչ առանց մեծաց վնասուց իւրոցն : Սան այսորիկ հաստատեաց զմիտս առ ժամն հեռացուցանել զպաշարումն 'ի քաղաքէն , և խաղալ ընդառաջ եղիպտացւոց մինչև ցղաշտ ինչ լայնարձակ . զոր և արար իսկ . իբրև տեսին պաշարեալքն զմեկնիլ պաշարողաց , լցաւ ցնծութիւն քաղաքն երուսաղէմ բովանդակ : Բայց երեմիա ըստ խնդրոյ սեղեկիայ արքայի հարցեալ 'ի ինչ , ընկալաւ պատասխանի , թէ զօրն եղիպտոսի՝ որ գայ ձեզ յօգնութիւն , դարձցի անդրէն յեղիպտոս . և քաղաքացիք դարձ արասցեն այսրէն , և առցեն զքաղաքդ , և այրեցեն զդա հրով :

Եւս եղանակ խօսից երեմիայի յաճախեալ և 'ի

հրապարակի, և ասելն նորա անդադար, թէ որ
 ոք կամի ապրեցուցանել զանձն 'ի հասեալ թշուա
 ու թեց ստաի՝ չունի այլ հնար, բայց անցանել
 առ քաղղէացիս, կասկածելի արար զնա լինել
 խորհրդակից ընդ քաղղէացիս: Այլ առաւելաւ կաս
 կածն, յորժամ 'ի հեռանալ քաղղէացւոց 'ի պա
 շարմանէ անտի, խնդրեաց երեմիա ելանել յերու
 սաղէմէ, և երթալ յերկիր բենիամինի առ 'ի բա
 ժանել զկալուածս իւր 'ի մերձաւորս իւր, կամ
 որոշել նշանօք զսահմանս իւրոց կալուածոց: 'Ի
 հասանել նորա 'ի դուռն քաղաքին՝ որ հաներ յեր
 կիր բենիամինի, սարու որդի սեմելեայ՝ որ կայր
 անդ 'ի պահպանութի, կալաւ զնա իբրև փոխստա
 կան առ քաղղէացիս, և ած առ զօրապետս. որք
 զան հարեալ զնա՝ արկին 'ի բանտ դժնդակ: Այս
 աւուրց բազմաց ետ սեղեկիա արքայ զաղտաբար
 հանել զնա անտի, զի կամէր 'ի ծածուկ լսել 'ի
 նմանէ՝ թէ զինչ պատգամք կայցեն վասն իւր 'ի
 ննէ: Բայց պատասխանի երեմիայի ծածուկ և յայտ
 նի հանապազ այն էր թէ երուսաղէմ առցի, և
 սեղեկիա մասնեցի 'ի ձեռս թագաւորին բարե
 լացւոց: Ապայն 'ի ծածուկ խօսակցութի անտի
 փոքր մի դիւրութի եզիտ մարգարէն. զի իւրնդ
 րեաց և ընկալաւ յարքայէ չղարձուցանել զնա անդ
 րէն 'ի նոյն անձուկ և ժահահոտ բանս. և թոյլ
 ետուն նմա նստիլ 'ի սրահի անդ բանտին. բայց
 և յայնժամ ոչ փոխեաց երեմիա զլեզուն իւր,
 ոչինչ երկուցեալ թէ անդրէն 'ի ժանտահոտ խա
 ւարին բանտ անդր դարձուցի. ԳԼ. ԼԷ:

Այնմ վայրի եղև և դիպուած ինչ, որ զօրա
 ցոյց զկասկած չարամտաց, վասն համախոհ լինելոց
 երեմիայի ընդ քաղղէացիս: Այն առ նա յայցե
 լութի անամայել որդի հօրեղբօր իւրոյ, որ կամէր
 վաճառել զաղարակ իւր՝ որ էր յանաթովթ. և զի
 ըստ օրինաց մերձաւորութե՝ երեմիայի անկ էր ա
 ռաջնութի 'ի ստացումն, յայն ստիս նմա առաջար
 կեցաւ: ԲՃ հրամայեաց նմա ստանալ զաղարակն.
 Ատարեեցաւ ստացումն հրապարակաւ ըստ օրինաց,

մուրհակաւ, և կնքով, և ստորագրութիւն վկայից, և մուրհակն երկու գաղափար արարաւ. և տուաւ արծաթն անամայելի գին ազարակին: Աժուարին իմն էր լսելեաց հասու լինել, թէ զիարդ նա, որոյ 'ի բերան էր յարածամ մահ, կործանումն, աւեր և գերութիւն թաղաւորութեւ ազգին իւրոյ, և փոխադրութիւն ընտելացն յայլ երկիր, գնէ կալուածս հաստատունս 'ի տեղւոջն՝ ուր զայն ամենայն թըշուառութիւն գուշակէր: Այն զի՝ և նա ինքն իսկ մարդարէն մեղմով իմն գանդատ կալաւ առ անձ վասն այնր բանի: Այլ անձ լուսաւորեաց զնա իմանալ, թէ գաշնադրութիւն այն էր նշանակ և ապացոյց, թէ վերջ լիցի երբեմն գերութեն բարեւոյց, և որդիք իսրայելի անդրէն ժառանգեսցեն գերութեացէմ, և բազմացին 'ի նմա: Օչայ իբրև ծանեաւ երեմիա, ետ ցբարուք զերկու պատճէնս մուրհակի ստացուածոյն, զմին կնքեալ, իսկ զերկրորդն արձակ. պատուիրելով նմա դնել զերկոսին 'ի խեցեղէն ամանի. զի պահեսցին ընդերկար ժամանակս. և եղիցին 'ի նշան, թէ դարձեալ ստացին տունս, և ազարակս, և այգիս յերկրիս յայսմիկ. 4Լ. 1Է:

Այլ ամենայն արտաքին երևոյթք համախոհութեւ երեմիայի ընդ քաղցէացիս՝ չէին այնպիսի, որ ոչ յայտնապէս ստեսցին 'ի լուսափայլ սրբութեւ, և յանմեղ յանարատ և յանստգիւտ վարուց նորաս թէ առնէր ժողովս գաղտնիս. ոչ պատրուակէր և ոչ թաքուցանէր զխորհուրդս մտաց իւրոց. ոչ երևէր 'ի նմա ստուեր ինչ փառասիրութեւ, և ոչ շահախնդրութեւ: Տանէր անխորտակելի արիութիւն՝ հալածանաց, գանից, բանտից և ամենայն խիստ և գառն նեղութեց 'ի պատճառս իւրոց մարդարեւութեց. սակայն և այնպէս միշտ միօրինակ խօսէր: Տեսանէին միշտ ճշգրտեալ զոր ինչ մարդարեանայր. և այն էր նշան հաւաստի, թէ այնպէս խօսի՝ վասն զի անձ այնպէս տայր նմա խօսել: Անդեկիա արքայ առ ահի վերահաս թշուառութեց՝ ինդրէր դարման ինչ գտանել, բայց ոչ երբէք մեղ-

ձենայր յայն մի միայն դարմանն՝ որ էր ապաշխա-
րու թի՛ք հաշտեցուցանել զնձ , և փոխել զանկարդ-
և զգայ թակղական գնացս իւրոց վարուց . մի միայն
թեթեւ նշանակ երեւցոյց հնազանդութե՛ն անձային
օրինաց , իբր զի յորժամ գնացին քաղղէացիք ընդ-
դէմ եգիպտացւոց , էր ամն շաքաթական . յորում
տարւոջ երրայեցիք յանձային օրինաց էին պարտա-
ւորեալ՝ յազատութի՛ արձակել զամենեւին զնոսա ,
որք յազգէ իւրեանց կամ վասն պարտուց , կամ
վասն աղքատութե՛ն , և կամ վասն այլ ինչ թշուա-
ռուէ վաճառէին զանձինս ումեք ՚ի ծառայութի՛ն .
զի յետ ամն վեց ծառայելոյ առաջի՛ կայր նոցա ա-
զատիլ : Ըստ արձակուող չէր ինչ ծանր արքային ,
զի ոչ հայեր ՚ի նա . վասն որոյ և անդիմադարձ
յանձն էառ պատուիրել , զի ՚ի գործ դիցի :

յողորմեցան իշխանք և մեծամեծք ՚ի տաճարն .
և մատուցին ան զորթ մի ողջակէզ . ապա կտրեալ
զնա ընդ մէջ , զկէս նորա եզին յաջմէ , և զմիւս
կէսն ՚ի ձախմէ . և անց նախ ինքն արքայն ընդ-
մէջ յօշուածոյն , զկնի նորա իշխանք և ամենայն
մեծամեծք : Ըստ անցք ընդ յօշուածոյն ողջակիզի՛
էր տեսակ իմն հանդիսաւոր երդման ուխտի . ուր
՚ի վկայութի՛ն բերէին զանձային ամենազօր կարողու-
թիւն . իբր ասելով՝ թէ որ ոք ոչ կացցի յուխտին
յայնմիկ , այնպէս արասցի նմա ան , որպէս արա-
րաւ որթունն այնմիկ : Ըստպիսի հանդիսաւոր սաս-
տիկ երդմամբ ամենեքին պարտաւորեցին զանձինս
արձակել զերբայեցի ծառայս և զաղախնեայս իւր-
եանց : Ըստ յետոյ ստրջացեալ՝ հնարս հնարեցին
՚ի դերև հանել զայն սարսափելի ուխտ . զի յետ
տալոյ առ փոքր ինչ ժամն աղատութի՛ն ծառայից
իւրեանց , և ապա վաղվաղակի բռնութի՛ք անդրէն
յառաջին ծառայութի՛ն իւրեանց մուծին զնոսա :
Ըստ առաւել քան յայլ ամենայն ժամանակս բարձ-
րացոյց երեմիա զբարբառ իւր ըստ հրամանի ան-
խօսեցաւ սաստիկս , և ասաց ՚ի դիմաց ան , թէ ս-
մենեքին նոքա , որք անցին ընդ մէջ յօշուածոյ որ-
թուն , և ապա ստեցին ուխտին , այնպէս եզիցին

որպէս եղև որթն այն . նա՛ առաւել ևս . զի դիւ-
կունք նոցա արկցին կերակուր թռչնոց երկնից , և
գազանաց երկրի : Այս սեղեկիւս որ ոչ բռնադա-
տեաց զնոսա յանթերի կատարումն ուխտին , անկցի
'ի ձեռս արքային բաբելոնի . և մի ինչ յապահո-
վեսցի՝ թէ բարձաւ պաշարումն , քանզի ընդհուպ
տեսցէ զբաղդէացիս անդրէն առ իւրովք պարըս-
պօք :

Այս տարազ խօսից՝ որ մինչև ցայն վայր տը-
ուեալ էր երեմիայի վիշտս և տառապանս ան-
բաւս կրել , այժմ՝ զկեանս նորա գլխովին արկ 'ի
վերջին վտանգ . ԴԼ . ԼԴ : Վանզի գլխաւոր իշ-
խանք , կամ զօրապետք ինդրեցին յարքայէ սպա-
նանել զերեմիա իբրև զայր խռովարար և ապրս-
տամբեցուցիչ ժողովրդեան . որ լուծանէ ասնս
զձեռս արանց պատերազմողաց , և լքուցանէ
զսիրտս ժողովրդեան , և դրդուէ զամենեսին ան-
ցանել առ թշնամիս : Ասեղեկիւս ոչ իշխեաց չսել
իւրոց զօրապետաց , և տրտմեցուցանել զնոսա . այլ
մատնեաց զարդարն յանօրէն կամս նոցա . * ահա-
ւասիկ կայ ասէ՝ 'ի ձեռս ձեր : Աս դրամբ բան-
տին գոյր գուբ մի խորին 'ի հաւաքումն ջուրց և
ամենայն աղտեղութեց , որ կոչէր գուբ մեղքեայ ,
և էր յայնժամ անջուր , այլ յատակ նորա բովան-
դակ լի ժահահոտ տղմով և ամենայն գարշելի աղ-
տեղութի . անդ պարանօք իջուցին զմարգարէն .
զի յանսուաղութի , և 'ի գարշահոտ ժանտ շոգեաց
տեղւոյն առ սահաւ սահաւ դառն և երկար տան-
ջանօք շնչասպառ մեռցի . այս էր կամբ անօրինայն :
Այլ այր մի եթովպացի ներքինի աբդիմեղք կո-
չեցեալ , որ էր յապարանս թագաւորին , և սիրելի
յաչս նորա , լուեալ զայն՝ ընթացաւ վաղվաղակի
առ արքայ , որ ելեալ 'ի զննուի պարսպաց և գըն-
դից զինուորաց կարգելոց 'ի պահպանուի , նստի
յայնժամ առ դրան որ հանէր 'ի կողմն բենիամի-
նի . խօսեցաւ առ արքայ , և ասէ . չարիս գործե-
ցին արքն այնօրիկ , զի արկին զմարգարէն 'ի գուբն
և անդ մեռանի 'ի ներքս . չարիս գործեաց և ար-

քայ մատնել զնա 'ի ձեռս նոցա, և սպանանել զայրն նյ յայսմ ժամանակի սովոյս. զի ոչ գտանի հաց 'ի քաղաքիս:] ուստ արքայ ներքինւոյ իւրում և հրաման ետ հանել զնա. ԳԼ. ԼԷ:

Աստի և յայլ գործոց յայտ եղև՝ եթէ սեղեկիա փոյթ սարջանայր ընդ չարխն, յորոց ոչ կասեր. և էր 'ի սակի այնց իշխանաց, որք լսեն սւմենայն չարախօսի, և առ չարամեցուցանելոյ զոր երբէք՝ զաշխարհ արտմեցուցանեն:] արդասիրութի և քաղցրութի համարին զայն, որ է վրիպակ անարի ոգւոյ, ոչ գիտել երբէք ասել՝ ո՛չ. և ոչ իմանան թէ այո ասել իւրաքանչիւրոց, այնպէս է՝ որպէս թէ ո՛չ ասել այլոց ամենեցուն: Ան սոքա հրամանատուք յաթուոյ, այլ հողմացոյց դրօշակք յաշտարակաց, որք ըստ ամենայն հողմոց փոխին: Արդարութի և իրաւունք և կարգք՝ գոհ և շատացեալ պահեն զժողովուրդն, և ոչ կոյր ստորագրութին ամենայն աղերսարկուաց: Վառք են իշխանին դարձուցանել և փոխել զվճիռն, յորժամ ճանաչէ եթէ սխալեալ է. դարձուցանելով և փոխելով ոչ լինի արհամարհ յաչս ժողովրդեան, այլ առաւել գովի և զարմանալի երևի. զի այն՝ որ սխալեացն իբրև մարդ, զգաստացեալ ուղղեաց զանձն իբրև իշխան: Բայց ոչ երբէք փառք են իշխանին ունել կամ փոխել զկարգաւորութի ինչ իւր լակ 'ի շնորհս սիրելւոյ ումեք: Այր պարտ սեղեկիայ թողուլ զարդարն յանագորոյն ձեռս անօրինաց. և զկնի թողլայն՝ տեսեալ թէ սխալեցաւ, ինքնին պարտ էր դարձուցանել զվճիռ իւր. զի այնպէս պատուիրեն արդարուի և անձային օրէնք, և ոչ զի իւր սիրելի ներքինին խնդրեաց: Սակայն յայս դիպուած պարտասպան էր արքայ ոչ փոքր շնորհս ունել իւրումն սիրելւոյ, զի արգել զնա յաջարկու անիրաւութի:

Շնորհեաց սեղեկիա զինդ իբարդ իմելեքայ ներքինոյ իւրոյ. և ապաց առնուլ ընդ իւր արս երեսուն, որպէս զի մի ոք արգել ինչ զիցէ, և հանել զմարդարէն 'ի գբոյ անտի զի մի մեռցի անդ:

Գնաց ներքինին, և առեալ յարքունի Հանդերձա-
նոցէ կապերտս Հինս և ցնցոտիս, և բուրդս, և
պարանս Հինս, ընկէց 'ի գուքն առ մարգարէն,
ազգ առնելով նմա կցոտել զպարանսն և թանձրա-
ցուցանել զնա, և զկապերտս և զբուրդս զնել ընդ
անթովք 'ի ներքոյ պարանաց. և այնպէս ձգեալ
զնա պարանօքն 'ի վեր՝ Հանին 'ի գբոյ անտի. և
նստաւ երեմիա 'ի սրահ բանտին:

Գ Լ Ի Գ.

Եղեկէլ մարգարէ:

Տաղնապ և անձկութի սեղեկիայ արքայի ևս
քան զևս առաւելոյր՝ 'ի լսել նորա, թէ զոր ինչ
մարգարէանայր երեմիա յերուսաղէմ, զնոյն ամե-
նեին և գրեթէ նովին բառիւք մարգարէանայ և
այլ ոմն մարգարէ 'ի բարելոն: Սա ինքն էր եզե-
կիէլ զևտացի 'ի կարգէ քահանայից՝ գերի գնաց-
եալ 'ի բարելոն, յորժամ գերեցաւ յեքոնիա յե-
րուսաղէմէ ընդ սյուց գլխաւոր իշխանաց թագա-
ւորութե յուդայ: Յամին Հինգերորդի գերութեն
յեքոնիայ, որ և էր ամ Հինգերորդ թագաւորու-
թեն սեղեկիայ յերուսաղէմ, գոլով յայնժամ
եզեկիէլ ամաց երեսնից՝ սկսաւ մարգարէանալ.
եղեալ թէ զամն երեսներորդ նշանակեալ 'ի նմա-
նէ 'ի սկիզբն իւրոց մարգարէութեց՝ ոչ առնու-
ցու նա ըստ որում կարի հաւանելի է՝ յամէ անտի,
յորում ասորեստանեայք նուաճեցան ընդ ձեռամբ
քաղգէացոց. և զի եղև այն յամի ութուստանե-
րորդի յովսիայ արքայի յուդայ, 'ի գէպ գայ անտի
սկսանիլ շայս հաշիւ, ասէ կաղիսոս:

'Ի մարգարէութիս եզեկիէլի առաւել քան
յայլ ամենայն մարգարէս երևեցաւ խոշորութի և

Թանձրութիւն երբայական ժողովրդեան : Այլ մար-
 ցարէք սովորաբար բանիւ մարգարէանային , և
 երբեմն նաև գործով . բայց այն գործք չէին այն
 չափ ծանուցը , կամ գէթ ոչ այնչափ նեղացուցիչք
 և երկարատևք : Ազեկիէլ մարգարէացաւ բանիւ ,
 և ծանր ծանր գործովք . արար և իրս իրս ինչ
 ըստ սլատուիրելոյ Թն , զոր բաղումք Թէ չէին հա-
 սու խորհրդոյն , և չցնէին միտ խոհեմութե և
 զգաստութե և սրբութե նորա , կարէին համարել
 գործ յիմարական : Ազեկիէլ նախադուշակեաց
 զկործանումն ամենացուց , մովբացուց , տիրաց-
 ւոց , եզիպտացուց , և այլոց Թագաւորութեց ,
 որք խնդային ընդ Թշուառուիս երբայեցուց : Ար-
 ցարէացաւ և զաւերումն բարեւացուց , և քաղցեաց-
 ւոց՝ ընդ առակաւոր անուամբ գովղայ և մաղով-
 գայ . զի Թուի Թէ հարկաւոր էր մէծին խօսել
 վասն նոցա՝ առ ՚ի չգայրացուցանել յայանի սպառ-
 նալեօք զնոսա , ընդ որոց ձեռամբ էին յայնժամ
 երբայեցիք . այլ տեսիլք նորա և մարգարէութիւք
 առաւելապէս էին ՚ի վերայ կործանման երուսա-
 ղէմի , զոր պէսպէս նշանակօք և նմանութիւ ցու-
 ցանէր նմա Թն :

Վ սկզբան մարգարէանալոյ նորա եղև առ նա
 տեսիլ ահաւոր և դժուարիմաց . բայց ընդհանրա-
 պէս երևեցուցիչ Թնային բարկութե : Այր եզե-
 կիէլ ընդ այլոց ոմանց ՚ի ժողովրդէնէ իւրմէ առ-
 քովբար գետով , որ էր բազուկ մի մեծ և շատա-
 ջուր եփրատ գետոյ : Առ ահա յանկարծակի ետես ,
 զի հողմ մըրկեալ , և ամպ , և հուր , և փայ-
 լատակումն գայր ՚ի հիւսիսոյ : Այն ամպ անօրաւ
 գոյն ՚ի ծայրս՝ երևէր ունել շուրջանակի իբր լու-
 սեղէն վերջաւորս կամ քղանցս . իսկ ՚ի մէջն վա-
 ռումն գողորշեաց իբրև հուր շառագոյն ճառագայ-
 Թեալ , և բերէր զնմանութի բազմագունի ական :
 Վ մէջ հրոյն երևէին կերպարանք չորից կենդա-
 նեաց , որք Թուէին իբր բազկացութի հրէշաւոր :
 Չև իւրաքանչիւրոց առ հասարակ էր ըստ կաղ-
 մութե մարմնոյ մարդոյ . այլ ոտք նոցա կճղակա-

բաշխ՝ նման ոտից որթուց . և կայծակունք թօ-
 թափելին ՚ի նոցանէ իբրև ՚ի՛ Տրացեալ պղնձոյ :
 Իւրաքանչիւր ՚ի նոցանէ ունէր չորս թևս , յորոց
 երկուքն տարածեալ ՚ի վերուստ իբրև հանդերձք
 ծածկելին զմարմինս իւրեանց , և երկուքն էին բա-
 ցեալ և սաւառնեալ իբր ՚ի թռիչս պատրաստեալ :
 Ի ներքուստ թևոց նոցա ելանէր երկու ձեռն
 մարդոյ . և զի անցնիւր ՚ի Տրէշից անտի էին ՚ի չո-
 րեսին անկիւնս մեծի կառաց , վասն այնորիկ յա-
 մենայն անկիւնս կառաց երևէին երկու ձեռք մար-
 դոյ : Ի կրծոց մարդոյն ելանէր պարանոց . և ՚ի
 վերայ նորա գլուխ մարդոյ , առ որով ՚ի վերայ
 աջոյ թիկան էր դէմք առիւծոյ . և ՚ի վերայ ձա-
 խոյ թիկան դէմք եղին . և ՚ի վերայ գլխոյ մարդոյն
 ցցուեալ կայր և իբր թէ անտի ելեալ՝ գլուխ արծ-
 ուոյ : Եւ չորք դէմք միացեալ հայելին միաբան ՚ի
 մի կողմն . և ՚ի շարժիլ իւրեանց ոչ դարձուցա-
 նէին յետս զերեսս , այլ իւրաքանչիւր հանդէպ
 երեսաց իւրեանց գնային ուղիղ առ մի կէտ , ոչ
 յաջ և յահեակ խոտորեալ . յոր կողմն հրամայէր
 նոցա նժ երազս ընթանային , և թեթևս դառ-
 նային . բայց միշտ ընդ գիծ ուղիղ հանդէպ երե-
 սաց իւրեանց : Հողմ էր նոցա առաջնորդ և ուղ-
 ղիչ . ընդ որ կոյս շնչէր՝ ընդ այն վարէր զնոսս .
 և յընթացից նոցա թուէր կայծականց թօթափիլ ,
 և փայլատականց հատանիլ :

Եւ յնչ հայեր եղեկիել հիացմամբ ՚ի Տրէշս
 յայնտսիկ , ետես զհետ նոցա կառս քառանիւ .
 այլ նոքա ոչ ձգելին զնա , և ոչ ընթանային յառա-
 ջոյ իբրև լծեալ ՚ի նա , բայց միայն զի իւրաքան-
 չիւր գազան էր մծտ առ մի անիւ : Բարձունք էին
 անիւքն , և կերպարանք նոցա և գործուած նման մի-
 մեանց՝ որպէս թէ ՚ի մի գաղափար գործեալ : Եւ
 ՚ի գնալ իւրեանց այնպէս զուգահետ ընթանային ,
 զի ՚ի մազէ ոչ թեքէին արտաքոյ գծի , և իբր մի
 միայն անիւ երևէին : Եւ շարժումն նոցա ոչ էր
 կոյր ընթացք , քանզի լի էին աջօք շրջանակք նո-
 ցա . և այնպէս իմն երևէին , որպէս թէ տեսանել

զճանապարհ ընթացից իւրեանց : Այլ թէպէտ ոչ շարժէին 'ի ձգելոյ գազանացն , բայց այնպէս կշռէին զգնացս իւրեանց ընդ գնացից գազանաց , զի զոյգ ընդ նոսա գնային , ընդ նոսա վերանային , և ընդ նոսա զտեղի առնուին ըստ վարելոյ հողմոյն և ամպոյն . և երևէր ողի կենդանութեան լինել յանիւսն : Հաստատուին կամ երկինք այնք հրաշատեսիլ կառաց , որ տարածեալ ձգէր 'ի վերայ անուոց և 'ի վերայ գլխոյ գազանաց՝ բերէր զտեսիլ ական վանւոյ՝ որ զօրէն հայելւոյ երևեցուցանէր փայլահնացայտ կայծակունս , և ցումունս հրոյ . որով և տեսիլ հաստատութեն ահաւոր իմն երևէր : Վոյն անուոց նման էր ականց թարշ շի , կամ որպէս ընթեռնու լատինն՝ ծովա գոյն . և շարժումն նոցա իբրև մըրիկ ինչ՝ որպէս թէ շրջիցի անիւ 'ի մէջ անուոյ : Ինք նոցա 'ի սաւառնեւն հնչէին իբրև զձայն ջուրց բազմաց . այլ յորժամ բաղխէին զթևս 'ի թռիչս , հնչէին իբրև զձայն պատերազմող բանակի , իբր շաչիւն զինուոց , շառաչիւն կառաց , փոնչիւն երիվարաց , հնչիւն փողոց , գոչիւն զօրաց , և ոտնաձայն բազմութե . որ և էր իբր երրորդ իմն ձայն և ահարկու ամբօխումն : Ա վերայ հաստատութե որ 'ի վերայ կառացն՝ գոյր աթոռ իբրև զտեսիլ ական շափիղայ , և 'ի վերայ աթոռոյն նմանութի կերպարանաց մարդոյ . որոյ ստորին մասն միջովք չափ 'ի խոնարհ նմանութի հրոյ . իսկ վերին մասն իբրև զտեսիլ ական բազմագունի . և յաչացն երևէր բոց հրոյ ցոլանալ շուրջանակի . և շուրջ զաթոռոյն տարածէր նմանութի աղեղան կամ ծիածանի , որ ձևանայ յերկինս , յորժամ ճառագայթարեգական հարկանի 'ի հանդիպակաց ամպ ցօղազին :

Օ այս հրաշալի տեսիլ բազումք բաղմօրինակ մեկնեն . և առաւել խորհրդաբար . մեք նշանակես . ցուք աստանօր զմեկնութին ըստ ձառին , զոր տայ կաղինոս իբր առաւել բնական և համաձայն պարագայից ժամանակին : Այսմ տեսլեան ասէ Եցոյց

ամբ է գեկիկելի զնշան վերահաս կործանման երու-
 սաղէմի: Տրէշն քառադէմ և քառապատկեալ 'ի
 չորեսին անկիւնս կառաց էր նաբուքողոնոսոր. որ
 հանդերձեալ էր ունել յազգատոհմի իւրում
 զփառս չորիցս անգամ՝ գերելոյ զթագաւորս յու-
 դայ. առաջին անգամ 'ի հաւն իւր՝ որ գերեաց
 զմանաս: արքայ յուդայ. երկրորդ անգամ՝ յանձն
 իւր, գերելով զյովակիմ. երրորդ անգամ՝ գե-
 րութք յեքոնիայ. իսկ չորրորդն որ մնայր՝ եղև
 գերութք սեղեկիայ. և այս երեք փառք յանձն
 նորա և եթ հայ: ին: Արարանք մարդոյ որ էր
 զլիսաւոր 'ի հրէշն յայն, որ և յինքն ունէր պա-
 տուաստեալ զայլ հրէշս, էր նա ինքն նաբուքողո-
 նոսոր. զի 'ի կործանումն երուսաղէմի ինքն հան-
 դերձեալ էր լինել զլիսաւոր. առիւծն՝ թագաւո-
 րութին պարսից. եզն՝ թագաւորութին ասորես-
 տանեայց. որ արդէն էր նուաձեալ ընդ լծով
 քաղդէացոց. իսկ արծուին որ ամբարձեալ ունէր
 զգլուխն 'ի վերայ այլոց, էր թագաւորութի մա-
 րաց. որ յայնմ միաբանուէ ընդ նաբուքողոնոս-
 րայ մարգէր 'ի հրահանգս մարտի և զօրանայր. զի
 հանդերձեալ էր ելանել 'ի վերայ այլոց. որ եղև առ-
 արտաշիսիւ, և առ որդւով նորա գարեհիւ. որ լի
 իւրև նուաձեաց զպարսս, զասորեստանեայս, և
 զքաղդէացիս զմիաբանեալն այժմ ընդդէմ եր-
 րայեցոց: Սիւսաւորութի երեսայ չորից հրէշից՝
 ուղղեալ 'ի մի կողմն, և յառաջախաղաց հանդէպ
 երեսայ իւրեանց, ցուցանէր զանձուկ միաբանուի
 երից թագաւորացն այնոցիկ 'ի ճնշումն երբայեց-
 ւոց: Աճղակ որ թու յօտս՝ էր նշանակ այլոց փոքրա-
 գոյն իշխանութեց՝ փղշտացոց, եդովմայեցոց,
 ամննացոց, որոց եղջիւրք անզօր էին 'ի հարկա-
 նել. բայց և այնպէս արկին և նոքա զկճղակս իւր-
 րեանց գործակցելով 'ի կործանումն երուսաղէմի:
 Թագ էին նշանակ արագութե, բոցք և փայլատա-
 կունք՝ գփնդակ իստութե. ձեռն մարդոյ 'ի չորե-
 սին անկիւնս՝ նշան հանրական ււարառութե և
 յափշտակութե, զոր հանդերձեալ էին աւանել

յամենայն ինչ միեւրով զձեռս : Անիւքն լի աչօք , և զուգընթաց ՚ի գնացս ընդ գազանաց՝ օրինակէին զգինուորս և զարագութի նոցա ՚ի գործադրութի ամենայնի՝ ըստ առաջնորդելոյ իւրեանց զլիաւորաց . միանգամայն ցուցակ էին արթնութեան և զգաստութե նոցա ՚ի պահպանութի , առ ՚ի չտալ տեղի փախստեան հարուածեալ եբրայեցւոց : Աւծովադոյն տեսիլ անուոցն ցուցանէր զանհամար բազմութի զօրուն տարածելոյ իբրև զծով համա տարած : Գազանք որք ՚ի սկզբան տեսլեանն յառաջադէմ գնային , և զերեսս իւրեանց ՚ի գնալն յետս ընդդէմ՝ ոչ դարձուցանէին , ցուցանէին զհեծելազօրն որք չէին դառնալոց յերկիր իւրեանց , մինչև ոչ կործանիցեն զերուսաղէմ : Աւ յերկրորդում տեսլեանն՝ զի երևէին գնալ և դառնալ , ցուցանէին զգնալ հեծելազօրուն ՚ի պաշարմանէ երուսաղէմի առ ՚ի հարկանել զեղիստացիս , որք գալոց էին յօգնութի սեղեկիայի . և զգառնալ նոցա անդրէն ՚ի նոյն պաշարումն երուսաղէմի , զկնի վանելոյ զեղիստացիս յերկիր իւրեանց : Աթուն որ էր ՚ի վերայ հաստատութեան կառացն , և մարզն նստեալ ՚ի նա , ցուցանէր զամբ . ըստ որոյ ակնարկութե լինելոց էր ամենայն : Աղեղն կամ ծիածանն որ կայր շուրջ զաթունովն ցուցանէր՝ թէ ամբ յետոյ հաշտեսցի , և ժողովուրդն եբրայեցւոց անդրէն նորոգեսցի :

Այսպիսի նշանակութի տեսլեանս երևի հաստատիլ և ՚ի բանից անտի նորին եզեկիւնի , որ այլուր 4Լ . Ի 7 . 3 . ասէ՝ թէ յայնժամ եցոյց նմա ամբ զայս տեսիլ , յորժամ կամէր հարկանել զերուսաղէմ . * Աւ տեսիլն՝ ասէ , զոր տեսանէի , էր ըստ տեսլեանն՝ զոր տեսի ՚ի ժամանակի , իբրև եմուտ ցրուել զբաղաքն ॥ ըստ լատին թարգմանութե : Կամ ըստ մերումն և ըստ եօթանասնից , * իբրև մտանէի օձանել զբաղաքն ॥ այսինքն տեսանել զգրոշմիլ ճակատու արանցն ապրելոց ՚ի կոտորածէ : Այսմ համաձայնին և այլ պատմութիք սք զբոց , և մարդ արիք՝ ՚ի յիշատակել նոցա զթագաւորութե

միաբանեալս, և զեղանակ միաբանութե նոցա 'ի կործանումն յայն :

Չորիցս յայտնեցաւ այս տեսիլ եզեկիկի լի . երեք անգամ՝ յորժամ կամեցաւ անձ ցուցանել ըզբարկութի իւր . իսկ չորրորդն եղև յետ լրանալոյ ամենայնի . և մնայր միայն՝ զի և նշանակութիւն ծիածանին լրացի , այսինքն հաշտութի նոյ . զոր չորրորդ տեսլեամբ եցոյց անձ . և 'ի հաստատել՝ թէ այն ամենայն կործանմունք և հարուածք եղեն 'ի փառաւորութի իւրումն անձպետական մեծ վայելչութե , արար՝ զի տեսցէ մարգարէն զիւր փառսն նովին կարօք՝ զոր ետեսաւ քովբար գետով , մտանել 'ի տաճարն ընդ ճանտպարհարեկէական դրանն . անդ . Գլ . Ի . Գ : Գառաջ քան զայս եղև դարձեալ առ նա այստիսի յայտնութի , ոչ տեսլեամբ , այլ լսելով , զի լուաւ զձայն թևոց գազանացն սաւառնելոց ընդ միմեանս , և զչառաչիւն անուոց , և զձայն շարժման . որպէս պատմէ . 'ի Գլ . Գ . 13 . և 'ի շարժման անդ լուաւ զձայն մեծի բաղմութե՝ զի ասէին , * օրհնեալ էն փառք ան 'ի անզւոջէ իւրմէ ॥ : Բայն ձայն ցուցանէր , թէ միաբանութի թագաւորութեցն այնոցիկ ոչ եղիցի մշտնջենաւոր . և թէ միաբանեալքն՝ յետոյ յարիցեն 'ի վերայ միմեանց . որ կատարեցաւ 'ի յարտաշէս մար , որ նուաճեաց զպարսիկս . և 'ի դարէհ օրդի նորա՝ որ յետոյ նուաճեաց զքաղաքացիս . և 'ի կիւրոս , որ զամենեւեանս ան նուաճեաց ընդ իւրով իշխանութի :

Օ կնի նախագրեալ առաջին տեսլեան ազգարար անձ մարգարէին՝ կալ պատրաստ առ ամենայն բան իւր , զոր խօսիցի նմա . և հրամայեաց լինել քարոզ տանն իսրայելի : Եւ զի գիտացցէ՝ թէ զինչ ունիցի քարոզել , եցոյց նմա հրաշական ձեռամբ մատեան մի գրեալ ներքոյ և արտաքոյ . և բանք գրոյն բովանդակ էին ազէտալի գուշակութիւնք , ողբք , վայք , և աշխար . և ասաց առնուլ զայն և ուտել , և ջամբեաց նմա զմատեանն : Եւ որպէս զի յօժարագոյն ընկալցի մարգարէն զայն ծանրակիր պաշտօն , արար զի այն ջամբ հրաշա-

կան՝ լիցի բովանդակ իբրև զքաղցրութի մեղու ՚ի բերան նորա : Եւ այնպէս որովայն մարգարէին լցեալ ողբով, և վայիւ, և եղերական տաղիւք, այնուհետև և բանք բերանոյ նորա էին միշտ գուշու կութիք արէտից և սպառնալեաց :

Յետ այնորիկ փոփոխեցան նշանքն . և հարկ եղև մարգարէին կրել բազումս առ անթերի կատարումն հրամանաց տն : Հրամայեաց նմա նստիլ արգելահան ՚ի տան իւրում, և անդ պնդիլ յտնակապս, զի մի կարիցէ ելանել արտաքս : Սեկուսացաւ մարգարէն ըստ բանի տն ՚ի տան իւրում . զոր տեսեալ իւրոցն այլ ընդ այլոց իբրև ապշեալ և իբրև արտաքոյ մտաց, կարծեցին էթէ խելագարեալ իցէ, վասն որոյ և կապեցին զնա : Այն կապանք էին նշանակ շղթայից, որով կապեցաւ յետոյ սեղեկիս յառնուլ քաղղէացւոց զերուսաղէմ : Եւ որպէս թէ սահաւ ինչ էին կապանք ոտիցն, յաւել տր կապել և զլեզու նորա ՚ի քիմն, զի մի կարիցէ խօսել . և արար զնա համը, ոչինչ ասելով՝ թէ ցնրչափ ժամանակս ունիցի կալ այնպէս . բայց յոր ժամ ասէ էս խօսիցիմ ընդ քեզ, բացից զբերան քո . և դու խօսեսցիս զայն զոր էս տաց ՚ի բերան քո . որ կամիցի լսել քեզ՝ լսիցէ . և որ ոչն կամիցի լսել՝ եղիցի ՚ի փրաս նորա . 42 . 4 :

Սինչ նստէր մարգարէն համը և կապեալ ՚ի տան իւրում, էտ նմա ան և այլ իմն խորհրդաւոր գործ : Հրամայեաց նմա առնուլ աղիւս մի քառակուսի, և նկարել ՚ի նմա զերուսաղէմ քաղաք . և շուրջ զնովաւ գծագրել պաշարումն, նկարելով պատնէշս, մարտկոցս, նետակալս, և բանակս : Եւ ապա առնուլ ՚ի ձեռին տապակ երկաթի, և կանգնել զնա իբրև պարիսպ երկաթի ՚ի մէջ իւր, և ՚ի մէջ նկարեալ քաղաքին, և յետ կոյս տասարակին պահել զերեսս իւր : Եւ ապա ցուցանել զայն նկար որդւոցն իսրայէլի . որ եղիցի նշան յորմէ ծանիցեն զմերձակայ թշուառութիւնս երուսաղէմի : Իբրև կատարեցաւ նկարն, ասաց ան ցմարգարէն՝ դնել զնա ՚ի ձախակողմն մահճոց իւրոց . և դու ընկող-

մանեւսջիր ասէ 'ի մահճի անդ 'ի ձախակողմն քո՝ առուրս երեք հարիւր և իննսուն, (որպէս ունի լատինն, ասորին, և քաղղէացին ընդ երբայականին) և կամ հարիւր և իննսուն (որպէս է 'ի յոյնն և յարաբացին և 'ի մերումն) : Օ այս պատուիրեաց անձ մարգարէին՝ կամելուլ, զի տարցի յանձն իւր զանօրէնութիւն իսրայէլի այնչափ առուրս, որչափ ամս տարաւ անձ նոցա : Ապա հրաման ետ, զի ընկողմնեացի և յաջակողմն իւր առուրս քառասուն . այնչափ առուրս, որչափ ամս տարաւ անձ մեղաց ասանն յուղայ . օր ընդ տարւոյ ասէ ետու քեզ : Այլ յորժամ գայցեն առ նա յայցելութի, դարձուցէ զերեսս իւր 'ի նկարեալ քաղաքն երուսաղէմ, և տարածեացէ զբազուկ իւր առ այն, և մարգարէացի :

Սմանք զայս ամենայն համարին եղեալ 'ի մտաւոր տեսութե մարգարէին . զի գժուարին՝ մանաւանդ թէ անհնարին համարին, թէ մարդ ոք առուրս երեք հարիւր և իննսուն կարասցէ կողմանիլ հանապաղ 'ի մի կողմն, և ոչ նեխեսցի մարմին նորա, կամ ոչ մեռցի յանտանելի նեղուէ : Այց այլք բազումք պնդեն, թէ իրօք եղև այն ամենայն . մի՛ զի ընթերցուած գրոյն ըստ ճառին զայն յուցանէ . երկրորդ՝ զի անձ ետ զայն իբրև արտաքին և տեսանելի նշան . զի յազգաս գժուարութեն և նորութե առաւել ծաւալեսցի 'ի լեզուս, և հրատարակեսցի, և զբազմութիւնն ձգեսցէ 'ի տեսս : Այլ անձ՝ որ ետ մարգարէին զայն պատուէր, յայտ է թէ ետ նմա և տեականութի, և առողջութի, և զօրութի՝ զի կարիցէ կատարել : Ապա թէ ոչ այն ամենայն երևելի նշանակք չունէին առաւել ինչ ազգել 'ի թանձրամիտ ունկնդիրս, քան որչափ ազգէին բանք բերանոյ : Այինչ թէ թե բան զայն խիտ անկողին՝ եղև և կերակուրն, զոր սահմանեաց նմա անձ ընդ այնչափ ժամանակս : Օ ի սասց ցնա յառաջ քան զընկողմանել՝ առնուլ խառնուրդ իմն ակեր, ցորենոյ, գարւոյ, սոստան, ուրեան, կորեկի, և հաճարոյ, և զայն ամենայն

զանգեւում 'ի մի զանգուած՝ առնել երեք հարիւր
 իննսուն նկանակս, ըստ թուոյ աւուրց զոր կողմա-
 նեացի 'ի մի կողմն . և կշիռ իւրաքանչիւր նկանակի
 լիցի տասն ունկի . և մի մի յայնցանէ կերիցէ 'ի
 սահմանեալ ժամու աւուրն . և զայն ասաց եփել
 'ի կրակ աղբոյ մարդոյ առաջի ժողովրդեան . այլ
 'ի խորշիլ մարդարէին յայնչափ պղծութէ, ասելով՝
 * Վաւ լիցի ար անձ իսրայէլի, եթէ պղծեալ իցէ
 երբէք անձն իմ 'ի պղծութիս ॥, զիջաւ նմա ան-
 եփել 'ի քակոր արջառոյ՝ փոխանակ աղբոյ մարդոյ :
 Սահմանեաց նմա և զչափ ջրոյ՝ զոր ըմպելոց էր
 իբրև եօթն կամ ութ ունկի ջուր յաւուրն, և ոչ
 աւելի : Այս ամենայն կարգեցաւ իբրև նախա-
 նկար յետին սովոյ, յորմէ ստիպելոց էր ժողովուրդն
 ճշտագոյն կշռով ուտել զհաց, և չափով ըմպել
 զջուր . և յայն անձկութի հասանել ունէին, մինչև
 ոչ միայն զամենայն պղծալիս ուտել, այլև յորմէ
 բնութիս իսկ զարհուրի՝ հարց ուտել զմիս որդւոց,
 և որդւոց զմարմին ծնողաց իւրեանց՝ յերկարել
 անդ պաշարման աշխարելի երուսաղէմ քաղաքի :

Արեք հարիւր իննսուն աւուրք կողմանելոյ մար-
 դարէին 'ի մի կողմն իւր, ըստ կարծեաց կաղինոսի
 նշանակեն զնոյնչափ աւուրս անլնդհատ պաշար-
 ման յառաջ քան զգարձուցանել նաբուքոդոնոսո-
 րայ զգէնս իւր ընդդէմ եգիպտացւոց . և թողու-
 առ փոքր մի ոգի առնուլ երուսաղէմի : Իսկ քա-
 ռասուն աւուրք 'ի միւս կողմն ննջելոյ՝ ըստ նորին
 կաղինոսի նշանակեն, թէ յետ դառնալոյ նաբու-
 քոդոնոսորայ յաղթանակաւ անդրէն 'ի պաշարումն
 երուսաղէմի, փութով էառ զայն 'ի միջոցի աւուրց
 քառանկից . զի քաղաքն յայնմ միջոցի յորում հե-
 աացան քաղաքացիք, ոչ կարաց պաշար պատրաս-
 տել, զի տակաւին մնացին անդ 'ի զօրաց քաղ-
 դեացւոց . թող զի շրջակայ երկիրն իսպառ աւե-
 րեալ էր : Աւնի ոք ասել, թէ զինչ ապա կամէր
 անձ նշանակել յասել անդ ցեղեկիւնէ, թէ երեք
 հարիւր իննսուն աւուրք կողմանելոյ նորա ցուցա-
 նեն զնոյնչափ ամս՝ յորս տարաւ անձնորէնութեց

խորայելի . և քառասուն աւուրքն ընկողմանելոյ ՚ի միւս կողմն՝ զքառասուն ամս տանելոյ այ զանօրէնու թիւ տանն յուղայ, զի * օր ընդ տարւոյ ասէ եղի քեզ ։ Առ այս պարտ է խոստովան լինել, թէ մթին իմն է բանս . զորմէ պէսպէս մեկնու թիւնք են՝ առ ոմանս այսպէս, և առ այլս այն պէս ։

Իսկ կաղինոս աս՝ ըստ հաշուի իւրում, թէ ՚ի ժամանակէ անախ՝ զի տասն ցեղք բաժանեցան ՚ի ռորովամսց արքայէ յուղայ՝ յամի արարու թէ աշխարհի, ըստ հաշուին նորա 3196 . մինչև ցթագաւորել սեղեկիսայ, որ սկսաւ յամի աշխարհի 3577 . անցին ամք երեք հարիւր և ութսուն և երկու . յոր յաւելեալ ամս ութ թագաւորութե սեղեկիսայ՝ (զի յիններորդ ամի նորա սկիզբն եղև պաշարման երուսաղէմի), լինին ամք երեք հարիւր ինսուն ։ Թէպէտ տասն ցեղք իսրայելի բազմօք յառաջ քան զայս վարեցան ՚ի գերութի ՚ի սաղմա նասարայ . սակայն բազումք ՚ի ցեղից անտի իսրայելի մնացին ՚ի հրէաստան ազատ ՚ի գերութէ ընդ թագաւորութի յուղայի . ոմանք առ ժամանակօք թագաւորաց իսրայելի խոյս ետուն յերկիրն յուղայ . կէսք փախուցեալ անդ եղեն ապաստան ՚ի ժամանակի արշաւանաց սաղմանասարայ . բազումք ևս յասորդանայ դարձուցան յերկիր իւրեանց ։ Առ ունիմք տեսանել ՚ի պաշարման անդ բեախղուայ բազմութի յոյժ յիսրայելացւոց ՚ի սամարիա ընդ հնազանդութի թագաւորութե յուղայ ։ Առ աստօսա՝ այսինքն առ իսրայելացիս, որք էին ՚ի թագաւորութեն յուղայ, հայեր մարդար՝ ութին եզեկիէլի . զորս միացուցանելով ընդ նախնեաց նոցա՝ յիրաւի ասաց ի՞նչ, թէ ընդ ամս երեք հարիւր ինսուն տարաւ անօրէնութեց նոցա . զի այնչափ ամք էին անցեալ, և հանդերձեալ էին անցանել ՚ի սկզբնաւորութի թագաւորութե իսրայելի, մինչ ցսկիզբն պաշարման երուսաղէմի ։

Իսկ զքառասուն ամս յուղայի սկսանի կաղինոս ՚ի ժամանակէ անախ զի սկսաւ անօրինիլ մանասէ,

յորժամ ասաց Խճ ջնջել և զյուզա վասն անօրէնու թէց մանասէի : Այս ամբ ընդ միջեցան ապաշխարութի մանասէի , և բարեպաշտութի յովսիայ . ապա անդրէն նորոգեցան ՚ի ձեռն անօրէնու թէց ամհնայ , յովակիմայ , յեքոնիայ , և սեղեկիայ : Աւրստ այսմ կաղինոս՝ նախ քան զպաշարումն տայ սեղեկիայ ամս ութ . առնու և զամս յովակիմայ մետասան . (՚ի բաց թողեալ զերիս ամիսս յեքոնիայ) դնէ և զերկու ամս ամհնայ , որով լինին քսան և մի : Այն թաղրէ՝ թէ մանասէ յառաջ քան զապաշխարել անօրինեցաւ ընդ ամս տասն և ինն : Աւ ահա ասէ՝ այս են քառասուն ամբ , յորս Խճ տարաւ յետին անօրէնութեցն յուզայ :

Յետ նախաձառեալ նորատեսիլ նշանի եղելոյ առ եղեկիէլ մարգարէ ՚ի բաբելոն , և հրատարակելոյ յերուսաղէմ , որ շատ էր՝ սրտաթափ առնել զսեղեկիա արքայ , և զամենայն իշխանս նորա , յաւելաւ և այլ նշան : Հրամայեաց Խճ եղեկիէլի , զի կտրեսցէ զվարսս զլսոյն և զմօրուս իւր , կռեսցէ զնոսա ճիշտ և անվր՝ ալ կռով . և ապա բաժանեսցէ ՚ի չորս մասունս . զմի մասն այրեսցէ ՚ի մէջ քաղաքին յիւրմէ նկարելոյ և պաշարելոյ . և զայն աբասցէ վաղվաղակի ՚ի լրանալ առուրց արգելանին իւրոյ՝ յորս նախագուշակեաց զտեսչութի պաշարմանն : Օայլ չորիր մասն հատցէ ածելեաւ մանրազայլ չորիր մասն հոսեսցէ հողմոյ . և ՚ի մասնէ անտի հոսելոյ հողմով՝ առեալ սակաւ մի ծրարեսցէ և կասկեսցէ ՚ի ծայր մեկնոցի իւրոյ , և առեալ անտի փոքր ինչ՝ դարձեալ և զայն ընկեսցէ ՚ի հուր : Ապա մեկնելով զնշանակութի այսց գործոց , ասացցնա Խճ քարոզել զթշուառութիս , որ հասանելոց են ՚ի վերայ եբրայեցւոց . չորիր մասն նոցա սովով վախճանեսցի ՚ի մէջ երուսաղէմ՝ քաղաքի . չորիր մասն ընդ ամենայն հողմն ցրուեսցի . և չորիր մասն շուրջ զերուսաղէմս ՚ի սուր անկցի , և փախուցելոց նոյնօրինակ սուր զկնի հասանիցէ : Աւ այնուհետև ՚ի բերանոյ մարգարէին այլ ինչ ոչ ելանէր , քան թէ պատերազմ , սով , մահ , և յափշտակու-

Թիւն առ հասարակ ընդ ամենայն հրէատան , և այն ընդ հուպ . 41 . Է :

Յամին վեցերորդի յամսեանն հինգերորդի Թագաւորութեն սեղեկիայ՝ դարձեալ ցուցաւ մարդարէին ՚ի տան իւրում , ուր նստէին առ նովաւ ծերք յուդայ , այն ահաւոր տեսիլ՝ զոր յառաջ ետես առ քովբար գեաով . և սպա նմանութի ձեռին մարդոյ երևեալ՝ կալաւ զվարսից գլխոյն , և վերացոյց ողւով , և տարեալ զնա յերուսաղէմ , կացոյց ՚ի նախադուռն տաճարին՝ տեսանել զպղծութիւս և զանօրէնութիւս զոր անդ գործէին . 41 . Ը . և Թ . 1 : Յետոյ ետես , զի արք վեց ըստ հրամանի տն յարձա կեցան ՚ի քաղաք անդր , իւրաքանչիւր ունելով տապար ՚ի ձեռին իւրում : Այս ՚ի մէջ նոցա երևեցաւ այր մի զգեցեալ պճղնաւոր , և կամար ահանակապ յականց շափիղայ ընդ մէջ իւր . և պատուիրեցաւ նմա մտանել ՚ի քաղաք անդր , և դնել նշան ՚ի ճա կատ արանց որ հեծեն ՚ի վերայ անօրէնութեանց գործելոց յայլոց ՚ի քաղաքի անդ . և արանցն վեցից ասացաւ երթալ զհետ նորա , և կոտորել անխնայ զամենեսին զծեր և զտղայ , յորս ոչ տեսանիցեն զնշանն , սկսանելով ՚ի տաճարէն ՚ի քահանայից և ՚ի ծերոց : Յետ վճարելոյ կոտորածին՝ եկն այրն որ զգեցեալ էր զպճղնաւորն , և ետ պատասխանի , Թէ արար և կատարեաց , որպէս հրամայեցաւ նմա : Ապա ըստ նոր հրամանին զոր յայնժամ ընկալաւ այրն , մատեաւ յանիւսն խորհրդաւոր կառայն , և լցեալ զագուռս իւր կայծակամբք հրոյ ՚ի միջոյ անուոցն , և ՚ի միջոյ քրովլելից , ցանեաց ՚ի վերայ երուսաղէմ քաղաքի . 41 . Թ . 2 :

Ատես եզեկիէլ անդ՝ ուր տարեալ եղև հոգւով , և այլ զանազան տեսիլս . և սպա նոյնպէս հոգւով դարձուցաւ ՚ի տեղի իւր . այսինքն եկն ՚ի միտս իւր , և պատմեաց երբայեցւոց եղելոց անդ ՚ի բաբելոն զամենայն : Այց չու կամ պանդրութութի նորա՝ որ յետ այնորիկ հրամայեցաւ նմա , ոչ եղև լոկ մտաւոր կամ յերևակայութե , այլ իւրօք : Օ ՚ի ըստ պատուիրելոյ նմա տն՝ զգեցաւ ՚ի

ցերեկի հանդերձ գերութե կամ ճանապարհորդութեան . և ընդ երեկս ծակեաց ձեռամբ իւրով զորմն տան իւրոյ առաջի աչաց ժողովրդեան . և ընդ այն ծերպ ելեալ արտաքս առաջի նոցա իբր գաղտագողի՝ ծածկեալ ունելով զգլուխն՝ երթայր կորակոր՝ ի մէջ բաբելոնի : Եւ մենայն քաղաքն զարմանայր ընդ այն նորատեսիլ գործ մարգարէին . մանաւանդ զի ըստ լատին բնագրին՝ ունէր բարձեալ ՚ի թիկունս և ծրար հանդերձից , իբր այն թէ յայլ տեղի փոխադրէ զբնակութի իւր : Եւ աւմենեցուն որք հարցանէին՝ տայր պատասխանի , այս է նշանակ և պատկեր այնմ , որ գալոց է ՚ի վերայ թագաւորին և բնակչաց երուսաղէմի . * Եւ նշանակ արարից ասէ ՚ի մէջ գորա (երուսաղէմի) . որպէս արարիդ՝ այնպէս եղիցի դմա ॥ . ԳԼ . ԺԷ . Եւ վասն սեղեկիայ յայտնի ասաց , թէ կորակոր վարեսցի ՚ի բանակն քաղաքացւոց . և թէ հատցեն զորմն , և հանցեն զնա ՚ի թաքստենէ իւրմէ . և զերեսս ծածկեալ զնասցէ , զի մի տեսցէ թէ ուր տանին զնա : Եւ պատարցին զնա ՚ի բաբելոն . բայց ոչ տեսցէ զնա , և անդ մեռցի : Եւ ամենայն օգնականք և պաշտպանք նորա՝ ՚ի մերձեալ քաղաքացւոց՝ լքցեն զնա , և փախուցեալ ցրուեսցին . բայց սուր և զկնի նոցա հասանիցէ . սակաւք սարեսցին ՚ի սովոյ , ՚ի սրոյ և ՚ի մահուանէ . և սորակեցցեն՝ զի պատմեսցեն ազգացն , առ որս խընդրեսցեն պատսպարիլ , զանօրէնութիւնս ժողովուրդեան , և զարդարութի և զզօրութի նն այ ամենակալի :

Եւ արձեալ և այլ սլեսպէս օրինակօք և առակօք մարգարէացաւ եզեկիել զկործանումն երուսաղէմի , և զգերութի և զթշուառութիս սեղեկիայ . ՚ի ԳԼ . ԺԷ . ԺԷ . ԺԷ . Ի Թ : Եւ բրեմն առակաւ որթոյ հատելոյ , և ՚ի հուր արկելոյ . երբեմն արծուոյ մեծացելոյ և սպա փետրաթափ եղելոյ . երբեմն մատակ առիւծոյ ըմբռնելոյ յորսողաց և ՚ի գառագղի փակելոյ . երբեմն սայրասուր վաղակաւորի ՚ի պատենից մերկացելոյ . և երբեմն երկուց բերց պոռնը-

կաց՝ ոողա և ոողիրա կոչեցելոց, որք յետոյ յիւրեանց հոմանեաց սպանան։ Այլ զի այս ամենայն մարդարեւութիք հայելին՝ ի սեղեկիա, և ի յուրա և յիսրայելացիս՝ որք էին ի հրէաստան ընդ հնազանդութիւնսն արքայի յուրայ, վասն այնորիկ անձ այնպէս տնօրինէր, զի հասանիցեն յերուսաղէմ՝ ի ձեռն երթաւեկելոց, կամ թղթոց գրելոց։

ԳԼԵ ԻԵ.

Այլ էրջին հորժանումն երոստղէփ և քաճարի քն։

Արդ՝ լուեալ սեղեկիայ արքայի զայտոսիկ մարդարեւութիս եզեկիելի, և տեսեալ զի ամենայն իրօք էին համաձայն մարդարեւութեց զոր երեմիա մարդարեւանայր յերուսաղէմ, երկեաւ յանձն իւր. և կամեցեալ ի բերանոյ նորին իսկ երեմիայի զիրոսն ստուգել, պատճառանօք իմն գնաց ի տաճարն, և ետ ածել ի բանտէ զերեմիա անդ առ ինքն. ուր ի ծածուկ սենեկի միում որ էր առ երրորդ գրան տանն ան, դադտ խօսեցաւ ընդ նմա։ Այնդրեաց յայտնել նմա անկեղծութիւնսն. երդուեալ ի անոր, թէ զինչ և տացէ պատասխանի, ոչ սպանցէ զնա. և ոչ մատնեսցէ ի ձեռս արանցն, որ ինդրեն զանձն նորա։ Արեմիա յայտարար նմա ստուգութիւնսն, զի թէ ինքնին անձնատուր լինիցի արքային բարեւացւոց, փրկեսցէ զանձն և զտուն իւր. և զերուսաղէմ քաղաք ազատեսցէ ի հրակիզմանէ։ Ապա թէ ոչ գիտասցէ, զի քաղաքն անվրէպ մատնեսցի ի ձեռս քաղաքացւոց, և այրեսցի հրով. և ինքն արքայն ոչ ապրեսցի ի ձեռաց նոցա։

Այլ իճակն՝ յոր հասեալ կայր յայնժամ երուսաղէմ, բացայայտ ցուցանէր զճշմարտութի մարդաւ.

րէութեն . և արքայն իսկ չասաց նմա՝ թէ ոչ հաւ
ւատամ . այլ զայն պատճառեր՝ թէ երկնչի , գուցէ
տացի ՚ի ձեռս հրէիցն , որք յայնժամ փախուցեալ
ի քաղաքէն՝ անձնատուր եղեն քաղաքացոց , և
կային ՚ի բանակ անդր նոցա . և նոքա այդանեալ
ձաղեսցեն զնա : Այսուցաւ երեմիա զամենայն զոր
մարթ էր խօսել՝ ՚ի հաւանեցուցանել զարքայն լի
նել անձնատուր . ապահովացոյց զնա , թէ ոչ մատ
նեսցի ՚ի ձեռս հրէից վտարանջեւոց , և ոչ այգաւ
նեսցի ՚ի նոցանէ : Այցոյց նմա՝ թէ խաբեն զնա նո
րին խորհրդականք , մինչև սուտ շոգ մոգութեամբ
արկցեն զոտս նորա՝ ՚ի գայթակղութի , և ինքեանք
հեռասցին ՚ի նմանէ : Ա կայեաց յանուռն ան՝ թէ
չիք այլ հնար ապրեցուցանելոյ զանձն , և զկանայս
և զորդիս իւր . վասնորոյ աղաչեաց և թախան
ձեաց զնա անսալ բանից ան . բայց ՚ի զուր : Ա եւ
ջին պատասխանի արքային եղև զգուշացուցանել
զմարգարէն ընդ գլխապարտութի չյայանել ումեք
բնաւ որ ինչ բանք եղեն նոցա ընդ միմեանս : Աւ
քանզի գժուարին էր թագուռն մնալ յիշխանաց և
ի զօրապետաց այնմ առանձնախօսութե նոցա ,
պատուիրեաց արքայ ցերեմիա , զի թէ հարցանիցեն
ինչ ցնա , ստիցէ . արկի գութս առաջի արքայի ,
զի մի դարձուցէ զիս ՚ի խիստ բանտ անդր յովնա
թանայ մեռանել ինձ անդ : Ասակած արքայի հա
ւատեցաւ , զի գիտացին նոքա զխօսել նոցա , և
եկեալ առ երեմիա՝ հարցին ցնա . իսկ նա ետ նոցա
պատասխանի , որպէս հրաման ընկալաւ յարքայէ .
և այնպէս ոչ ել ՚ի վեր բանն . և երեմիա դարձու
ցաւ անդրէն՝ ոչ ՚ի բանտն , այլ ՚ի սրահ բանտին .
և նստաւ անդ մինչև առաւ երուսաղէմ :

Ընդ այն ժամանակս վճարեալ նաբուքոդոնոս
սորայ զիրս իւր ընդ փարաւոնի արքայի եգիպտաց
ւոց՝ ՚ի փախուստ դարձուցանելով զնա յեգիպտոս
առանց երկար պատերազմի , ինքն դարձոյց զզօրս
իւր անդրէն առ պարսպօք երուսաղէմի . ամբացոյց
յամենայն կողմանց զմարտկոցս . սաստկացոյց զյար
ձակումն , և խրամատեաց զպարիսպս . ՚ի նմին ժա

մանակի զօրացեալ էր յոյժ և սոջն 'ի քաղաքին, և ոչ գտանէր հաց ուտելոյ ժողովրդեան. և պահապանք նորա անկարօղ էին և ևս պաշտպանել զխրամատս պարսպաց: Սակայն որք 'ի ներքս անդ էին՝ այնպէս պնդեալ յամառեալ կային յանձինս, զի և յայն վերջին վտանգ՝ ոչ խոնարհեցան խօսիլ 'ի խաղաղութի: Վաղդեացիք բուռն յարձակմամբ զրոհ ետուն 'ի պարխսպն. և ութ 'ի զօրավարաց նոցա մտին կալան զդուռն կոչեցեալ միջին, և նստան անդ. և բացին ընդ այն ճանապարհ անարդել՝ և այլոց զօրավարաց և իշխանաց:

Օ այն տեսեալ սեղեկիայ՝ ձեռն էարկ 'ի հնարս, զոր որպէս թուի՝ ունէր միշտ 'ի մտի իւրում զամենայն ժամանակս պաշարման առ ապրեցուցանելոյ զանձն և զիւրսն: Վոյր ստորերկրեայ ճանապարհ ընդ մէջ երկուց պարսպաց՝ անժամօթ 'ի ժողովրդենէ քաղաքին, որ ելանէր արաքոյ երուսաղէմ քաղաքին. ընդ որ թագաւորք կարէին երբ և իցէ ելանել 'ի քաղաքէն առանց երևելոյ ումեք. և հանէր 'ի հին բուրաստան անդր սողմունի լեբանան անուանեալ. ուր էին և արքունի ապարանք 'ի պէտս սթափութե. յորմէ և տեղին կոչէր բուրաստան արքունի: Յայն գետնափոր ճանապարհ փութացաւ եմաւտ սեղեկիա, յորժամ ետես զթրչնամին տիրել միոյ 'ի դրանց քաղաքին. ածեալ ընդ իւր զօրավարս և զամենայն արս պատերազմողս, զորս յայնմ անձկութե ժամանակի մարթացաւ հաւաքել: Վս ճանապարհ հանէր անդր քան ըզպատնէշ թչնամւոյն. վասն որոյ յուսայր սեղեկիա անտես 'ի շրջապատ պահանակաց թչնամւոյն՝ զերծուցանել զանձն առ ժամն 'ի միում 'ի մծտաւոր անտառաց և անապատից. և ապա անտի անցանել այլուր խնդրել իւր տեղի պատսպարութեան: Օ այս գաղտագողի ճանապարհ նշանակեալ 'ի սք գիրս, թէպէտ ոչ բացայայտ ամենայն հանգամանօք՝ ցուցանէ փախուստն սեղեկիայի առանց դիպելոյ պատնշաց, և մասին իմիք բանակի քաղդեացւոց՝ որք պատեալ պաշարեալ էին շուրջանա.

կի զըստը քաղաքն : * Այլ ելին 'ի քաղաքէ անտի
 (ասէ երեմիա. ԺԷ. 7.) 'ի գիշերի ընդ ճանապարհ
 դրանն ընդ պարիսպ և ընդ պատուհան՝ ընդ կողմն
 պարտիզին արքունի . և քաղղէացիքն շուրջ զքա
 ղաքան էին . և գնացին ընդ ճանապարհս արա
 քացոց ॥ զոր լատինս յայտնի ևս ընթեռնու . * Այլ
 ելին ընդ ճանապարհ դրանն , որ է ընդ մէջ
 երկուց պարսպաց , և հանէ 'ի պարտէզն արքունի ,
 պաշարեալ ունելով քաղղէացոց զքաղաքն շուր
 ջանակի . և գնացին ընդ ճանապարհ , որ հանէ
 յանապատ ॥ : Այլ է այն ճանապարհ էր 'ի վերայ
 գետնոյ յայտնի , կանխաւ իսկ ունէին զայն քաղ
 ղէացիք՝ որք շուրջ պատեալ էին զքաղաքն , և
 չթողուին ընդ այն ունէլ քաղաքին հաղորդութի
 ընդ դաշտաց . սպա էր ճանապարհ գաղտնի ստոր
 երկրեայ : Սակայն սուտ է այն , զոր ասքբիք
 եբրայեցոց առասպելեն , թէ եղջերու մի փախու
 ցեալ յորսորդաց ընդ գիծ ճանապարհի՝ ընդ որ
 սեղեկիա գետնափոր ճանապարհաւ փախէր , ա՛ծ
 զքաղղէացին՝ որ զհետ պնդեալ էին նմա , 'ի բե
 րան այնր ստորերկրեայ ճանապարհի՝ ընդ որ ելա
 նէր սեղեկիա . որպէս թէ յայնմ բորբոքման , յո
 բում քաղղէացիք ամենայն կատաղութի յարձա
 կեալ էին 'ի վերայ քաղաքին , գտեալ իցեն պա
 րապ պնդիլ զհետ որոյ եղջերուի , թողեալ ըզ
 մարտ ընդ քաղաքին : Այնմարիտն այն է , զի 'ի
 յայտնիլ յայնժամ ճանապարհին , որ ցայն վայր
 էր անծանօթ , թէրևս ոք 'ի քաղաքացոց . կամ
 մանաւանդ ոմն 'ի փախուցելոց անտի ընդ սեղե
 կիայ՝ առաւել փոյթ տանելով անձին , քան փախըս
 տական թագաւորին , իցէ վտարանջեալ 'ի նմանէ .
 և առ գտանելոյ շնորհս առաջի թնամեաց , ցու
 ցեալ իցէ զճանապարհն ընդ որ փախեաւ արքայ :
 Հաւաստի է՝ զի քաղղէացիք գտին զնա յանա
 պատն երիբովի . ուր թողին զնա ամենայն արք որք
 էին ընդ նմա , և ցրուեցան 'ի նմանէ . և ինքն
 մնաց 'ի ձեռս քաղղէացոց : Այլ թէ զիարդ սպա
 ճմարտեցաւ մարդարէութիւնն եզեկիւնի , թէ

* Հատցեն զորմն , և հանցեն զնա ॥ մարթ է պա . տասխանել . մարդարէն ոչ ասէ թէ սեղեկիա հան . ցի ընդ խրամատ որմոյ կամ պարսպի , այլ թէ խրամատեսցեն զպարիսպս առ 'ի հանել արտաքս զսեղեկիա , և ինքեանք տիրեսցեն քաղաքին : Արդ պարիսպն հատաւ , և խրամատք բացան . այլ զի արքայն ոչ ևս էր յերուսաղէմ , ոչ հանաւ ընդ ծակ խրամատից : Այլ ևս մարթ է , թէ սեղեկիա յանապատի անդ երիբովի՝ յահէ թշնամեաց իցէ զօղեալ 'ի միում յաշտարակաց անտի , որք յաճախ կային յայն անապատսն՝ կառուցեալ 'ի պատտպա . բու թի հովուաց յերեսաց ասպատակօղ թշնամեաց . և քաղաքէացիք հատեալ իցեն զորմն , և հանեալ ընդ այն զսեղեկիա : Այլ հարկաւոր , առ 'ի լինել մեզ հաւաստի , գտանել զբովանդակ պատմութիւն գրեալ 'ի գիրս թագաւորաց կամ մնացորդաց . շատ է զի գտանեմք 'ի մարդարէութե : Արպէս ահա ոչ ընթեռնումք 'ի պատմութեան , թէ սեղեկիա տարեալ եղև գիշերայն ծածկեալ երեսօք . սա կայն առ 'ի ասել թէ այնպէս եղև , շատ է մեզ գտանել զայդ 'ի մարդարէութե եզեկիէլի :

Այնքամ ըմբռնեցաւ սեղեկիա , նաբուբողո . նոսոր էր 'ի դերղաթա 'ի գաւառին եմաթայ 'ի մասին ասորուոց . անդ ածին զսեղեկիա առաջի նո . բա շղթայակապ սղինձի շղթայիւք : Այլ նաբուբո . դոնոսոր ընկալաւ զնա զառաջեաւ իւրով՝ որպէս դատաւոր ընդունի զյանցաւորն . ոչ եցոյց կարեկ . ցութի ընդ թշուառութի նորա , ոչ պատիւ իշխա . նութե նորա , և ոչ խնամարկութի ինչ անձին նո . բա : Այնեաց զնա և եգիտ պարտաւոր ապերախ . տութե , ապստամբութե , ստերգմութե , անհա . ւատարմութե առ մարդ , և առ անձ . վասն որոյ և դատապարտեաց զնա՝ նախ աչօք տեսանել զմահ . որդւոց իւրոց , որք առաջի աչաց նորա կոտորե . ցան . սպա տեսանել զմահ իշխանաց և մեծամե . ծաց յուգայ ամենեցուն , որք անկան 'ի ձեռս նո . բա : Այն այնորիկ կուրացոյց զաչս սեղեկիայ . և շղթայակապ տարաւ զնա ընդ իւր 'ի բաբելոն . և

եղ ՚ի տուն աշօրեաց ՚ի բանտի մինչև ցօր մահուան նորա : Տուաւ նմա ժամանակ զգաստանալոյ և ապաշխարելոյ , եթէ արդարև զիտաց բարիոք ՚ի կիր արկանել զայն վերջին թշուառութիս իւր : Սեուաւ խաղաղութիւն իւրով բնական օրհասիւ . և արարաւ նմա յուղարկաւորութի պատուով որպէս թագաւորի . ըստ որում մարդարեացեալ էր նմա միշտ հաւատարիմն առ նա , այլ անագան ուրեմն ծանուցեալն ՚ի նմանէ՝ երեմիա մարդարէ :

Պաշարումն երուսաղէմի սկսաւ յամենանն տասներորդի , (որ ըստ հաշուին կաղինոսի , էր սկիզբն յուլիս ամսոյ հռովմայեցւոց) յամին իններորդի թագաւորութեն սեղեկիայ . երկարեցաւ ընդ ամիսս եօթնեւտասն . և կատարեցաւ յիններորդաւուր ամսոյն չորրորդի . (որ ըստ կարծեաց նորին կաղինոսի էր յունվարն հռովմայեցւոց ,) յորում աւուր առաւ երուսաղէմ : Յայս միջոց ժամանակի յետ երեքհարիւր իննսուն աւուրց խորհրդաւոր ընկողմանելոյ եղեկիւնի՝ որպէս տեսաք ՚ի վերոյ , ել մեծ մասն քաղղէական զօրուն երթալ ընդդէմ եգիպտացւոց . որ եղև յամենանն օգոստոսի ՚ի տասներորդ ամի սեղեկիայ : Նոյն երթալուց ընդդէմ եգիպտացւոց , և ընդ դարձնուցա անդրէն ՚ի պաշարումն երուսաղէմի՝ անցին ամիսք երեք , և փոքր ինչ առտել . և ՚ի վախճան նոյեմբեր ամսոյ մետասաներորդ ամի սեղեկիայ , մարտեղին քաղղէացիք ընդդէմ քաղսքին աւուրս քառասուն անընդհատ , և ՚ի սկիզբն յունվարի առաւ աշխարելի քաղաքն : Աւ ընդ աւուրս երեսուն և հինգ մատնեցաւ յաւար յաղթանակողաց , որք ոչ թողին թագուն տեղի , զոր ոչ յուզեցին . ճրագօք և լապտերօք քննեցին զամենայն խորչս և զքունձս , և զամենայն մթին գաղտնածածուկ թաքստեան տեղիս առ ՚ի կողոպտել և յափշտակել զամենայն դանձս , որ գոյր ՚ի քաղաքի անդ :

Աւ յեօթներորդ աւուր ամենանն ել ՚ի դերզաթայ նաբուղարդան մեծ սպարապետն քաղղէացւոց , և ՚ի տասն ամսոյն եկն յերուսաղէմ ՚ի վերջ

Հասուցանել զքաղաքն : Որչափ ոսկի, և արծաթի, և պղնձի սպասք, և անօթք, և այլ գործածք ձեռաց գտան 'ի տաճարն, զամենայնն ետ տանել 'ի բաբելոն . իսկ մնացուածք տաճարին, և տանն արքայի, և ամենայն քաղաքին զոր չէղև հնար բառնալ և տանել, հրոյ ճարակ եղեն, յամենայն կողմանց մեծի մայրաքաղաքին հուր հարեալ զնովաւ : Եւ զոր բռնութի հրոյն ոչ զօրեաց աճիւնացուցանել, զայն ամենայն կործանեցին քաղաքացիք մանգղիոնօք, և երկաթի մլձօք, և փայտատօք, որպէ՛ս՝ զպարիսպօ քաղաքին և զմեծամեծ ապարանսն . զորմունս տաճարին հարթայատակ արարին, և զհիմունս նորա ոչ թողին անձեռամերձ, այլ իսպառ քակեցին, զի մի այլ ևս նոր շինուած 'ի վերայ իւրեանց բառնայցեն : Կաղաքն վերին և ստորին սպառսպուռ քանդեցան : Ընակիչք նոցա արք և կանայք, մեծ և փոքր 'ի գերութի վարեցան, բաժանեալ 'ի մէջ միաբանեալ յաղթանակողաց . ուստի մասն ինչ անց 'ի բաբելոն . մասն ինչ 'ի պարսիկս, և մասն ինչ 'ի մարս : Սիայն նոքա որք ամենեւին աղքատք էին, որոց ոչինչ գոյր զի կորուսանիցեն, գտան բարեբախտ . զի նոքա և եթ թողան 'ի հրէաստան, և նոցա յանձնեցան այգիք և ագարակք գործել և մշակել զնոսա :

Յայտափ կոտորածս և 'ի կործանմունս սակաք ոմանք անփնաս պահեցան 'ի յաղթանակող թշնամեաց : Կ սակառուց անտի մին էր արդիմելէք ներքինի եթովպացի, այն՝ որ 'ի գութ հարեալ քնդ երեմիա, ետ հանել զնա 'ի կորստական բանտէն . որպէ՛ս տեսաք 'ի վեր անդր . արդ 'ի վարձ և 'ի հատուցումն ողորմութեն զոր արար երեմիայի, անփնաս պահեցաւ 'ի կործանման երուսաղէմի . զոր յառաջագոյն մարդարեւացաւ նմա նա ինքն երեմիա . 4Լ . ԼԵ . 15 : Կոյնպէս անփնաս պահեցան և ռաքաբիմք, որք էին տուն կամ գերդաստան նշանաւոր 'ի մէջ իսրայելի իջեալ 'ի ռեքեքայ . որք ըստ սգատուիրանի յոփնադաբայ նախահաւուռ իւրեանց, զոր ունէին աւանդութի 'ի հարց՝ ոչ

բնակէին 'ի քաղաքս, և ոչ 'ի տունս, այլ 'ի բացի վրանօք. և գինի բնաւ ոչ ըմպէին: Օսոսա 'ի ժամանակի յովակիմայ արքայի յուգայ կացոյց անօրինակ 'ի յանդիմանութի և 'ի կշտամբանս անհրանաղանդութե ապառոււմ ժողովրդեան իւրոյ: Օի ըստ հրամանի տն կոչեաց զնոսա երեմիա 'ի տուն տն 'ի մի 'ի սրահից անտի. և եղեալ առաջի նոցա գինի և բաժակ, ասաց նոցա ըմպել. իսկ նոքա ամենեքեան բացէ 'ի բաց հրաժարեցան՝ միայն վասն այսորիկ, զի մի անցանիցեն զպատուիրանաւ նախահաւու իւրեանց: Առքա յայսմ վերջին պա տերազմի ստիպեցան խոյս տալ յերեսաց զօրուն քաղղէացւոց 'ի ներքս յերուսաղէմ, այլ անձ 'ի վարձ միամիտ որդիական հնաղանդութե նոցա՝ յայնչափ չարեաց միջի պահեաց զնոսա անվիշտ և անվտանգ: Օայս ևս կանխաւ մարդարեացեալ էր վասն նոցա երեմիա. 4Լ. 17:

Վաջ ճանաչէր նաբուքոդոնոսոր զերեմիա. իրազեկ էր և գիտէր յերբայեցւոց անտի փախուցելոց առ նա, և յիւրոց իսկ լրտեսաց՝ թէ որչափ ինչ խօսեցաւ, և արար, և կրեաց 'ի յորդոր քաղաքին՝ լինել անձնատուր նմա: Վասն այնորիկ սիրէր զնա իբրև իւր մտերիմ, և բազում ջերմութի յանձն արար զնա նաբուքարդանայ իւրումն սպարապետի ունել զնա պատուով, ակն ածել 'ի վերայ նորա որպէս բարեկամի, ինամել և թողուլ զնա յամենայնի 'ի կամս նորա՝ երթալ և նստիլ ուր և կամիցի, և առնել զինչ և հաճոյ իցէ առաջի նորա: Նաբուքարդան և այլ մեծամեծք արքային բարեւոնի առին զնա 'ի սրահէ անտի բանտին, և յանձնեցին 'ի ձեռս գողողայ որդւոյ աքիկամայ, որ կացուցաւ 'ի հրէաստան օստիկան իբրև փոխարքայ: Իսկ ջերմայն և եռանդնասէր մարդարէն այնչափ ազատութի ընկալեալ, փոխանակ վայելելոյ 'ի նմին՝ զնացեմուտ և խառնեցաւ 'ի խումբս գերեաց, զորս ժողովէին 'ի հաւամա, զի անտի ապա առաքեսցին 'ի բարեւոն. և զինուորք որք ոչ ճանաչէին զնա, կապեցին և զնա:

Իսկ նաբուզարդան հանգէս արարեալ անդ ՚ի հաւման գերեացն , և տեսեալ զերեմիա ՚ի խումբս նոցա կապեալ ձեռակապօք , զարմացաւ , զի առաւել ընտրէր նա զգերութի՛ն քան զազատութի՛ն : Հրամայեաց վաղվաղակի արձակել , և կոչեալ զնա առ ինքն , ասէ ցնա . * Տր՛ անձ բարբառեցաւ զչարիսդ զայդ ՚ի վերայ տեղւոյս այսորիկ . և անձ և արար տր՛ որպէս և խօսեցաւ . զի մեղայք տն . . . Եւ արդ ասա այժմ՝ լուծի զքեզ այսօր ՚ի ձեռակապացդ . եթէ բարեոք թուի առաջի քո դալ ընդ իս ՚ի բարեւոն՝ եկ . և անից ակն ՚ի վերայ քո ॥ . 4Լ . Խ : Սակայն խորհուրդ ետ և յորդորեաց մնալ անդ ՚ի հրէաստան ՚ի մէջ Ժողովրդեան իւրոյ առ գողողիայ փոխանորդի արքայի : Ի նկալաւ երեմիա զխորհուրդն . ընդ նմին և պաշար կերակրոյ , և այլ պարգևս սիրոյ յառատամիտ սպարապետն . և գնաց՝ ոչ յերուսաղէմ , զի ոչ ևս կայր ՚ի վերայ երկրի երուսաղէմ՝ քաղաք , այլ ՚ի մասեփա , ուր եղեալ էր գողողիա զաթոռ իւր . անդ նստաւ և մարգարէն ՚ի մէջ Ժողովրդեան երկրին մնացելոց :

Են՝ որք համարին թէ յայսմ ժամանակի իցէ թաքուցեալ երեմիա զխորանն վկայութե՛ , և զտապանակն կտակարանաց , և զոսկի սեղան խնկոց . զոր ունիմք յերկրորդ գիրս մակաբայեցւոց . 4Լ . Է . 7 : Ի սոյն միտս էր զառաջինն և կաղինոս , որպէս ինքնին խոստովանի . այլ յետոյ մանր և ճշտագոյն ևս քննեալ զսպարազայս ժամանակին , դարձոյց զայն առաջին կարծիս իւր . և ընդ այլոց բաղմաց հաստատէ , թէ յառաջ քան զպաշարումն երուսաղէմի , և յառաջ քան զկոխել զօրաց քաղաքեացոց յերկիրն յուգայ , երեմիա յնձային յայտնութե՛ ուսեալ , օգնականութե՛ այլոց պաշտօնասէր քահանայից՝ ան զայնոսիկ և թաքոյց յայրի միում՝ ՚ի նոմբա անտառախիտ լերին , զի մի անկցին ՚ի ձեռս քաղաքացւոց . քանզի արդարև դժուարին թուի՛ մանաւանդ թէ և անհնարին , թէ ՚ի ժամանակի պաշարման , կամ յետ առմանն երու .

սաղէմի, գտեալ իցէ մարգարէն զիպոողութիւն՝ առնել զայն փոխադրութի մինչև յայնկոյս յոր գանանու:

Գ. Ա. Ի. Գ.

Վարդուիա ոսրէիան կամ փոխարայ 'ի հրէաստան: Իս. Եայել Դասաձան: Վաստէրս սեպեիէայ: Լ'նյանել ճաջոր. Դայ եբբայեցոյ յեփեպոս: Երեմիա ճարգարէ:

Երևէր թէ լրումն եղև համօրէն աղետից 'ի հրէաստան, զի զօրք քաղդէացւոց, որպէս և զօրք պարսից և մարայ մեկնեցան անտի. և նաբուքօ. գոնոսոր դարձաւ 'ի բաբելոն, կացուցեալ անդ ոստիկան իբր փոխարքայ ընդհանուր հրամանատար երկրին զգողողիա զորդի աքիկամայ զայրն արժա նաւոր. որոյ՝ ըստ ամենայն բարելաւութեց իւրոց, ոչ գոյր զուղական. և նմա յանձն արար զարս և զկանայս, և զամենայն մնացորդ ժողովրդեան երկրին, զորս ոչ խաղացոյց 'ի բաբելոն: Վողողիա առ և վարեաց զայն պաշտօն իբրև հայր գորովական 'ի ինամել զորդիս, քան թէ իբրև իշխան հրամանատար ստրկաց սրով գերելոց: Հեռի էր 'ի նմանէ ամենայն ամբարտաւանութի. զամենեսին քաղցրութի ընդունէր. առ ամենեսին մարդասիրէր. ամենեցուն ձեռն օգնութե կարկառէր 'ի յաջողումն գործոց նոցա 'ի բարի, ջան 'ի մտի եղեալ ամենայն զօրութի իւրով 'ի խաղաղութե և յանդորրու պահել զնոսա, 'ի քաղցրացուցանել զգառնութի թշուաւութե նոցա: Տաղտկալի էր նմա ամենայն ագահութի, և առանձնական շահախնդրութի. ոչ սիրէր պարարիլ ընչիւք ժողովրդեան. գիտելով զի ոչ երբէք բերեն պտուղ բարի՝ տունիք ուղեալք արտասուօք ժողովրդեան,

կեղեքելոյ, և որպէս թէ քանցելոյ 'ի մտոյ: Հրա-
ման եհան ամենեցուն ունել զայդ իս իւրեանց և
զազարակս, և ժողովել զգինի, և զմիրգ, և զիւղ
յամանս իւրեանց. և չերկնչել յերեսաց քաղ-
դէացւոց, զի ինքն նստի անդ 'ի մէջ նոցա տալ
պատասխանի ամենայն բանից, որք գայցեն 'ի բա-
բելոնէ: և ոչ 'ի հարստանալ արովք, և քրտամբք
վաստակոց նոցա:

Ապաքէն 'ի կարգս մեծամեծ սքանչելեաց ար-
ժան էր գրել զայսպիսի հայրական խնամողութի
'ի յոստիկան ոք՝ մանաւանդ յերկրի ստացելոյ զի-
նութ. ուր սովորաբար երևի թէ հրամանատարք
տակաւին հային 'ի ժողովուրդն իբր 'ի թշնամի:
Ասան այնորիկ զկողոպտելն զնոսա ոչ այնչափ իբր
բռնութի անիրաւ յափշտակութե համարին, քան
թէ ներողութի 'ի թշնամական աւարտութե:
Ան պաշտօնք ինչ և իշխանութիք՝ համարեալք որ-
պէս վարձ. ոչ զի փառաւոր են, այլ զի շահաբեր
են. և ոգին շահասիրութե միշտ ունելով զայն
իբր թռակ վաստակոց բնապէս և իրաւամբ կապակ-
ցեալ ընդ իշխանութեն, տարածէ զձեռն բռնա-
կան անդր ևս քան զարժանն. որպէս թէ այն
միայն էր ճշմարիտ վարձ 'ի թագաւորէ իւրմէ-
վանս իւրոց անցեալ վաստակոց: Այլ այսպէս բա-
զում անգամ հրովարտակ ինչ իշխանութե տուեալ
ումեք, լինի այն նմա իբրև օրինաւոր ազատութի
կարող լինել առնուլ զօտարինն առանց գողութե,
և յափշտակել առանց մեղաց անիրաւութե: Հե-
ռի էր այս անարգ ոգի զօշաքաղութե 'ի գողո-
ղիայէ. զի նա ոչ տիրական, այլ հայրական աչօք
հայեր 'ի ժողովուրդն յայնչափ պատերազմաց հար-
ուածեալ և թշուառացեալ. և իբրև հայր գորո-
վագութ աղէկիղեալ ընդ տառապանս որդւոց՝
գուն գործէր, որչափ ինչ կարող էր միսթարել
զնոսա, և օգնել նոցա յամենայնի. և անդրէն յո-
տին կացուցանել զնոսա:

Յամենայն շրջակայ երկիրս այլազգեաց մովա-
բացւոց, ամոնացւոց, եղովմայեցւոց, և յայլ տե-

ղիս որ շուրջ զհրէաստանաւ՝ լի էին երբայեցիք , որք յառաջ քան զպատերազմ՝ և 'ի ժամանակս պատերազմին փախուցեալ աստ և անդ ջրուեալ էին գտանել անձանց պատասպարութի : Արքա իբրև լուան զմարդասիրուն և զքաղցր մատակարարուն երկրին , ամենեքեան՝ աղնուականք և ռամիկք , զօրավարք , և սոսկական զինուորք յիւրաքանչիւր տեղեաց եկին յերկիրն յուզայ առ գողողիա : Աւնա քաղցրութիւն ընկալաւ զամենեօին , երդմամբ չափ վստահացուցեալ զնոսա ոչինչ չար կրել այնուհետև 'ի քաղզէացուոց . և ասաց երթալ ունել իւրաքանչիւր զաղարակ իւր և զկալուածս . միայն հաւատարիմ լիցին արքային բաբելացուոց , և զգուշասցին չյուզել նոր խռովութիս ինչ : Աւայն ինչ կային յայսպիսի մեծի խաղաղութե , մինչև չիմանալ թէ տէրութիւն իւրեանց փոխեալ իցէ , այլ մանաւանդ տեսանել զանձինս առաւել անդորրացեալ , ահա նենգաւոր դաւաճան ոմն թշնամի հայրենեաց և ազգին , և իւրոյ իսկ անձին , դարձեալ նոր հրդեհ խռովութե բորբոքեաց : Աս էր իամայէլ որդի նաթանայ մի 'ի սպարապետաց զօրուն սեղեկիայ , որ 'ի ժամանակս պատերազմին ապստամբեալ 'ի նմանէ՝ հանդերձ քաղմօք 'ի զինուորաց որ ընդ ձեռամբ նորա , զնայ անկաւ առ ամոնացիս . և այժմ 'ի գառնալ նորա իւրովքն հանդերձ՝ ոչինչ ընդհատ յայլոց ընկալեալ էր 'ի գողողիայ քաղցրութիւն , և արձակեալ աղատ՝ երթալ 'ի տեղի իւր , և վայելել յամենայն հայրենի ստացուածս իւր : Իսկ անօրէն նենգաւորն 'ի հրապոյրս չարի 'ի կիր արկեալ զաղատութի իւր , փոխանակ հանդարտելոյ 'ի տեղի իւր՝ ել 'ի զնին երկրին . և տեսեալ զի զօրք քաղզէացուոց թողեալք անդ 'ի պահպանութի՝ կարի սակաւք էին , բանս եզ ընդ բայալի թագաւորին ամոնացուոց սպանաւնել զգողողիա . և զամենայն մնացորդս ազգին իւրոյ որք թողան անդ յերկրի իւրեանց՝ վարել 'ի գերութիւն առ ամոնացիս . ակն ունելով թերևս մեծութե իմիք հասանել նովաւ 'ի թագաւորէն :

Մամ անօրէն խորհրդոյ իրազէկ եղև յովնան որդի կարէի, և այլք ոմանք ՚ի հաւատարիմ զօրասեաց երրայեցւոց, աճապարեցին եկին անձամբ ՚ի մասեփա առ գողողիա, և պատմեցին զգարանն զոր գործէ նմա իամայէլ միաբանութիւնս թագաւորին որդւոց ամննայ. և զգուշացուցին զնա յիամայէլէ: Մյլ գողողիա արդարամիտ և աննենգ՝ ոչ հաւատաց նոցա. վկայ ունելով անմեղութիւն անձին զխիղճ մտաց իւրոց, եթէ ոչ ումեք արար չար և ոչ պատճառս ինչ թշնամութեաւ ումեք՝ ևս առաւել իամայէլ: Այլ ոչ իսկ կարէր հաւատալ թէ նա ազգաւ երրայեցի՝ յայդ եղեւն ձեռնարկիցէ, մինչև մատնել զազգ իւր ՚ի գերութի օտար թագաւորի, որ ՚ի սկզբանէ և միշտ թշնամի էր երրայական ազգին. այն զի ինքն գողով ազնուական՝ կարող էր պատուով բնակել ՚ի մեջ ժողովրդեան իւրոյ, և չունէր պատճառս ինչ իբրև յուսահատ՝ յայդսիս իրս մտաբերել: Սակայն յովնան որ հաւաստեաւ տեղեկացեալ գիտէր զգարանս իամայէլի, և նախատես էր չարեացն որք հանդերձեալ էին գալ ՚ի վերայ ժողովրդեան ազգին իւրոյ, եթէ անօրէն խորհուրդ իամայէլի ՚ի գլուխ ելանիցէ, ոչ հանգարտեցաւ ՚ի բան նորա. այլ խնդրեաց ՚ի գողողիայէ թոյլ տալ նմա, զի ես ասէ երթայց սպանից զիամայէլ ՚ի ծածուկ, և մի ոք գիտացցէ. այլ գողողիա ոչ ետ նմա հրամանս առնել զայն, ոչ հաւատալով բանից նորա. զի սուտ խօսեցար դու ասէ՝ զիամայէլէ ॥:

Մարտէն գովելի էր գողողիա յայնմ մասին, զի առանց օրինաւոր քննութե չէ օրէն ՚ի մահ դատապարտել զմարդ. չէ բաւական լոկ ամբաստանութին՝ առ ՚ի դատել զոք առժամայն յանցաւոր. զի երեսք զրպարտութե երբեմն այնպիսի ճարտարութիւն են գունագեղեալ, մինչև ամենայն իրօք զգոյն և զպատկեր դիմաց ճշմարտութեան երևեցուցանել: Ինեկ գիւրապատրաստ ՚ի հաւատալ՝ ոչ երբեք գովութի է իշխանին: Սակայն վրէպեցաւ գողողիա՝ երբ ընտրեաց այնպէս բացէ ՚ի

բայ մերժել զամբաստանութիւն, մինչև ամենեկին անփոյթ լինել լաւ ևս տեղեկանալ. և առաւել վրիպեցաւ, զի չարար զգուշութիւն անձին յետ լսելոյ թէ դարան գործի կենաց նորա: Այն իսմայէլ 'ի մասեփա յամետանն եօթներորդի, (որ է Տաշուին կաղինոսի՝ համեմատի ասլրիլ ամսոյ հուլմայեցւոց,) երեք ամսովք զկնի կործանելոյ երուսաղէմի, և տաճարի տն: Այն նա և տասնեքին արք նորա ընդ նմա. և բազումք 'ի թագաւորական տոհմէ: Ասկ գողողիա, որ ըստ ուսուցանելոյ խոհեմութե՝ պարտ էր գօնէ կասկած ինչ առնալ ընդ այն գալուստ իսմայէլի հանդերձ այնչափ արամբք, տակաւին ըստ իւրումն անկեղծ և անխարդախ մտաց կշռելով և զիսմայէլ, 'չ միայն կասկած ինչ չունէր զնմանէ, այլև այնչափ վստահացեալ էր 'ի հաւատարմութիւն նորա, զի հրաւիրեաց զնա և զարս նորա՝ ճաշել 'ի միասին ընդ նմա. և ոչ գօնէ յայնժամ փոյթ կալաւ զգուշանալ անձին՝ կարգելով յիւրոց անտի պահապանս զիւրե: Աւ ահա այն ինչ երևէին զուարթացեալ, յանկարծ յարեաւ անօրէնն իսմայէլ հանդերձ տասնեքումքք արամբք իւրովք, և եհար զգողողիա անդրէն 'ի սեղանի իւրում և խողխողեաց զնա: Աւ սյոսդէս տարապայման բարեմտութիւն նորա, որ ոչ թողոյր նմա խորհել չար զումբէ, չարաչար կորոյս զնա. որով և եթող ուսումն կարևոր ամենեցուն, բայց առաւել իշխանաց, թէ արդարև չէ պարտ առ ժամայն հաւատալ ամենայնի. բայց և ոչ անփոյթ առնել զհետ պնդիլ առ 'ի տեղեկանալ զիրան ճշմարտութիւն:

Ետ այնր անօրէն դաւաճանութե 'ի դուրս յարձակեալ իսմայէլի նովին զազանական կատաղութիւն՝ եհար կոտորեաց զքաղաքացիս և զերբայեցիս, որք 'ի քաղաքի անդ կարող էին զդէմ ունել նորա. և զայն՝ այնչափ արագութիւն արար, զի չէղև նոցա փոքր ինչ պարապ գտանել 'ի միասին գալ առ 'ի պաշտպանութիւն անձանց: Այս գործ թաքուն մնաց զայն օր ողջոյն, նաև 'ի յաջորդ

աւուր արտաքոյ քաղաքին , որ չէր ինչ դժուարին . քանզի յայտպիսի ժամանակս փակին դրունք և չտան ումեք թոյլ ելանել կամ մտանել : Այլ թէ որ չափ էր թիւ սպստամբաց , չունիմք 'ի գրոյն . քայց որովհետեւ եկին ընդ խամայելի բաց յիւրոց ծառայից և բազումք 'ի թագաւորական զարմէ , չեն ինչ զարմանք ունել նոցա իւրաքանչիւր ծառայս , զի կարացին տիրել քաղաքին , և պահել զգրունս : 'Ի վաղիւ անդր ետես խամայել խումբ մի արանց ութսնից զի գային 'ի սիւքեմայ , 'ի սաղեմայ , և 'ի սամարիայ՝ գերծեալ զմօրուս , և պատառեալ զհանդերձս՝ կոծելով ընդ կործանումն տաճարի տն և երուսաղէմի , և մաննա և կնդրուկ 'ի ձեռս նոցա մատուցանել տն 'ի մասեփա , ուր լուան եթէ ժողովեալ են եբրայեցիք , և կանգնեալ սեղան տն : Յայնժամ ինքն ևս կեղծեալ զանձն ցաւազին՝ սուտ ողբումն ցուցանելով յերեսս , ել ընդ առաջ նոցա , և կողեաց զնոսա մոծանել 'ի քաղաքն առ դողողիա՝ զի միթարեսցին 'ի նմանէ : Իբրև հասին 'ի մէջ քաղաքին առ մեծի ջրհորով , (զոր լատինն լիճ ընթեռնու , որ ըստ մեկնչաց՝ էր խրամ խորայատակ ,) զոր փորեաց ասա արքայ յուղայ 'ի ժամանակս պատերազմին բասայ արքայի խրայելի՝ ընդ նմա , անդ կոտորեաց զնոսա , և 'ի ջրհոր անդր ամաց զմարմինս նոցա , ուր ընկեցան և դիակուրք սպանելոյ 'ի քաղաքի անդ 'ի նախընթաց աւուր . տասն և եթ արք յութսնից անտի սպրեցուցին զանձինս խոստանալով նմա գանձ , ցորեան , և գարի , մեղր , և իւղ , զոր ունէին թաքուցեալ 'ի գեօղս իւրեանց :

Ետ զայս ամենայն ախերական ոճիրս գործելոյ , կապեաց զամենայն զայր և զկին որք էին մնացեալ 'ի քաղաքի անդ . և կարաւան կապեալ եհան զնոսա 'ի ճանապարհ յերկիր որդւոյն ամոնայ 'ի գերութի . ոչ ակնածեաց գօնէ գտտեաց սեղեկիայ արքայի , յորս խնայեալ էր նա ինքն իսկ նա բուքողոճնոսոր , յանձն արարեալ զնոսա իւրում ոստիկանի գողողիայ ակնածել 'ի վերայ նոցա .

այլ զնոսա ևս արկի 'ի կապանս ընդ այլոց սինլիքո-
րաց ժողովրդեան վարել 'ի գերուծի: Բայց ոչ
կարաց անօրէնն 'ի գլուխ հանել զխորհուրդ չա-
լուծի իւրոյ. քանզի իբրև լուաւ յովնան որդի կա-
րէի, և այլ զօրավարք երբայեցւոց զհարիսն զոր
գործեաց իամայէլ, վաղվաղակի ժողովեալ զամե-
նայն զօրականն իւրեանց՝ պնդեցան զհետ նորա,
և հասեալ նմա մերձ 'ի գաբաւոն, ետուն պատե-
րազմ ընդ նմա 'ի վերայ ջուրցն գաբաւոնի. և նա
ուծարամբք և եծ փախստեամբ ապրեցուցեալ
զանձն՝ գնաց անկաւ առ որդիսն ամոնայ. և ժո-
ղովուրդն ամենայն զոր վարէր 'ի գերուծի, բա-
զում ուրախուծիք եկին առ յովնան. այլ ուրա-
խուծի նոցա կարի համառօտ եղև:

Բանդի յովնան և ընկերք նորա՝ որք թափե-
ցին զժողովուրդն 'ի ձեռաց իամայէլի, երկիւղ
մեծ ունէին 'ի սիրտս իւրեանց, թէ նաբուքողոնո-
սոր զօրու ծանու հասանիցէ 'ի մասեփա, և 'ի
սուր և 'ի հուր կորուսանիցէ զբազաքն ողջոյն 'ի
վրէժխնդրուծի անիրաւ սպանուծե ոսաիկանին
առ յիւրմէ կացուցելոյ: Յանցաւորքն սպանուծի
կէս մի կորեան յայսմ՝ վերջին պատերազմի. և կէս
մի փախստական անկան 'ի սահմանս այլոց տէրու-
ծեց. ուստի և երկնչէին, թէ պատուհասն ար-
ժանի յանցաւորաց՝ անկանիցի 'ի վերայ անմեղաց:
Ը՛ի միայն դարման այսմ չարի համարեցան զայս,
թողուլ լքանել ինքնակամ զհայրենի երկիր իւր-
եանց, և փութալ յառաջ քան զժամանել քինա-
խնդիր զօրուն քաղաքացւոց՝ անցանել յերկիրն
եզիպտացւոց ընդ պաշտպանուծիք թագաւորի նո-
յա: Արկիւղն նոցա ունէր տեղի. քանզի բազում
անգամ պատահէ յանդհնուծի կամ անխոհեմու-
ծի միոյն՝ առ թել կործանումն ողջոյն հասարա-
կուծե. և մինչ յանցաւորն ըստ ժամանակին զեր-
ծուցեալ զանձն՝ հայի 'ի հեռուստ և տեսանէ
զբոցն՝ առանց զգալոյ զկիզումն, անմեղք 'ի բոց
անդր ձենձերին և սպառին: Բայլ սակայն յանչափս
երկնչելով 'ի մարդոյ՝ իսպառ մոռացան զերկիւղն

նոյ . և յետ միանգամ դիմելոյ առ նա՝ իսպառ ՚ի բաց դարձան ՚ի նմանէ : Վանզի յովնան որդի կարէի , և այլ զօրավարք զօրաց , և ամենայն ժողովուրդն ընդ նոսա ՚ի փոքուէ մինչև ցմեծամեծս՝ մատեան առ երեմիա , և աղաչեցին զնա ազօթս առնել վասն նոցա առ անձ , և հարցանել ՚ի աննէ՝ թէ զինչ արտացեն , և ընդ սր ճանապարհ զնասցեն . խոստանալով երգմամբ , թէ զինչ և ասիցէ անն ՚ի ձեռն մարդարէին , զայն արտացեն . * Չայնի աննոյ մերում առ որ առաքեմք զքեզ լուիցուք , (ասեն) զի բարի եղիցի մեզ ॥ :

Ատարեաց մարդարէն զաղաչանս նոցա . և յետ տասն աւուրց ետ նոցա պատասխանի յանուն անն , թէ մի բնաւ ելանիցեն յերկրէն յուղայ , այլ ամենեքին նստիցին անդ . և ինքն անն ինամ ունիցի ՚ի վերայ նոցա , և պաշտպանեսցէ նոցա , և չար և ոչ մի հասանիցէ նոցա յարքայէն բաբելացւոց ՚ի պառ ճառս մահուն գողողիայ . բայց յեգիպտոս մի իջանիցեն մի ամենեկն , ապա թէ ոչ՝ ՚ի բաց լքանէ զնոսա ՚ի ինամոց իւրոց . և անդ կորիցեն սրով , սովով և մահումբ՝ յորոց կասկածինն : Ասկայն նոքա յառաջ քան զառնուլ պատասխանի ՚ի մարդարէն՝ հաստատեալ էին ՚ի միտս իւրեանց անցանել յեգիպտոս . այլ կամեցեալ ցուցանել ՚ի վերին երեսս սրտկառանս իմն առ անն , ասէին . սչ կարեմք հաւատալ թէ անն իցէ խօսեցեալ ընդ մարդարէին . յաւելին զբարտեալ ևս , որպէս թէ ՚ի բարուքայ իցէ խրատեալ երեմիա այնպէս պատասխանի տալ նոցա . * Մուտ խօսիս դու՝ ասեն , սչ առաքեաց զքեզ անն մեր առ մեզ ասել , թէ մի մտանք յեգիպտոս բնակել անդ . այլ բարուք որդի ներեայ դրգուէ զքեզ ընդ մեզ . զի տացես զմեզ ՚ի ձեռս քաղցեացւոց կոտորել ॥ : Արուք էր հաւատարիմ և մտերիմ ընկեր երեմիայի և գրիչ նորա , և ամենայն գաղանեաց նորա խորհրդակից , և կախեալ յամենայնի զխորհրդոց երեմիայի , և հաւատարիմ գործադիր հրամանաց նորա . մինչ զի և ՚ի գերեւ լքաղէացւոց զժողովուրդն յուղայ՝ բարուք

ի շնորհս երեմիայի թողաւ յաղատութի : Արդ սմա ընծայէին զարդելումն իւրեանց անցանել յեգիպտոս ոչ իբր թէ ճշմարտութի այնպէս հաւատային , այլ զի ինքեանք անդարձ կամօք ՚ի նոյն պընդեալ յամառեալ կային , զայն առին պատրուակ իւրեանց անլսողութի :

Այնպէս զօրավարք և զօրք , ազնուականք և աւմիկք , արք և կանայք առ հասարակ որք մնացեալ էին ՚ի նաբուզարդանայ , և որք յետոյ ժողովեցան անդր , և նորին իսկ դատերք սեղեկիայ արքային գնացին յեգիպտոս . առեալ ընդ ինքեանս և զերեմիա . զի և ինքն իսկ ոչ հանդուրժեաց թողուլ զժողովուրդ իւր ամենեին անտերունչ և զուրկյամենայն օգնականութի՝ յանձն առեալ կրել անդ ընդ նոսա զամենայն սպառնացեալ թշուառութիան . ապա թէ ոչ կարող էր անցանել ՚ի բաբելոն , և զմնացորդ կենաց իւրոց անդ անցուցանել խաղաղութի և պատուով ը հովանաւորութի նաբուքոզոնոսորայ արքայի :

Իբրև հասին ՚ի տափնաս , առ երեմիա ըստ հրամանին այ՝ որ խօսեցաւ անդ ընդ նմա , քարինս մեծամեծս , և առաջի աչաց ժողովրդեան իւրոյ թաղեաց զնոսա ՚ի գեանափոր ծածուկ խոռոչ մի , որ էր ՚ի մուտս ապարանիցն փարաւոնի . և մարգարէացաւ և ստաց լուիլու նոցա , թէ ՚ի վերոյ քարանցս այսոցիկ՝ առաջի այդր դրան՝ արկցէ նաբուքոզոնոսոր զթող իւր : և հարցէ զերկիր եգիպտացւոց , զոր ՚ի մահ՝ ՚ի մահ , և զոր ՚ի գերութի՝ ՚ի գերութի , և զոր ՚ի սուր՝ ՚ի սուր : Արկնեաց ապա վերստին և երեքինեաց զմարգարէական սպառնալիս իւր առ ՚ի ահարկանել ժողովրդեան իւրում և հեռացուցանել ՚ի պաշտելոյ զասուռաձս եգիպտացւոց . յիշեցուցանելով նոցա զամենայն զոր ինչ արար չա՞ծ երուսաղէմի , և ամենայն քաղաքացն հրէաստանի վասն մեղաց կռապաշտութե հարց նոցա : Այլ ամենայն քարոզութիք և վաստակք մարգարէին վասն նոցա զուր տարապարտուց եղեն . զի ոչ ինչ ազդեցին ՚ի սալացեալ սիրտս նոցա . երե՞՞՞ ԳԼ Խ . Բնէն ՚ի ԽԳ :

Չունիմք 'ի 'օր գրոյ՝ թէ զիւրդ կնքեաց երեմիա զբազմալիչա կեանս իւր . բայց ունիմք 'ի հաստատուն աւանդութի՛ն թէ ժողովուրդն իւր ոչ կարելով տանել յանդիմանութեց զոր յանդիմանէր զնոսս յաղաքս կռապաշտութե՛ն , քարկոծ արարին զնա անդ յեզիպոսս : Եւ այնպէս զհանապազորդ նահատակութի իւր՝ կարմրափայլ սոսակաւ մարտիրոսութե՛ն պսակեաց :

Գ Լ Ի Կ .

Տե՛րոս , եւ ապա էփեպոս նոսաճի 'ի նախադորոնսորայ :
Եւ զհիէէլ ճարգարէ :

Տուեալ նաբուքոդոնոսորայ առ ժամանակ մի դուլ եւ դադար զօրուն իւրոյ , ձեռն էարկ ապա յայլ իմն ծանր դժուարին եւ բազմաշխատ պատերազմ ընդդէմ տիւրոսի : Տիւրոս էր քաղաք հռչակաւոր ամրակառոյց 'ի վերայ քարաժայռ լերին 'ի կղզի մի՝ անձուկ նեղուցաւ անջատեալ 'ի ցամաքէ . բազմահարուստ եւ մեծագանձ , զի էր վաճառատեղի ամենատեսակ աղխամաղխից վաճառաց , եւ նաւահանգիստ տուրեւառիկ շահավաճառութե՛ն ամենայն ազգաց : Թուէր անառիկ 'ի ծովէ . քանզի չէր մարթ նաւուց մերձենալ 'ի նա . նոյնգունակ եւ 'ի ցամաքէ՝ անմարտնչելի , գոլով պատասպարեալ ամեհի ալեօք իւրոյ նեղուցին : Թա՛ն ս' էր յայնժամ թագաւոր նորա , եւ զինչ անուն նորա , չունիմք 'ի 'օր գրոյ . բայց զայս ունիմք՝ զի էր այր 'ի վերջին ծագ բարձրամտուէ ամբարձեալ 'ի սրտի իւրում : Ընդստին 'ի մանկութի սահմանեցաւ 'ի հօրէ իւրմէ թագաւոր . եւ պատրաստեցաւ նմա պսակ ոսկի դեղահրաչ ազգի ազգի գոհար ակամբք պատուականօք ընդելուզեալ եւ յերիւրեալ 'ի տղայութի՛ն

կրել զայն 'ի գլուխն : Խանձարուքք նորա և օրո-
րոց ականազարդ . մինչ նաև յատակ տանն՝ ուր
հանդերձեալ էր կոխել զառաջինն յարձակիլ ոտից
նորա 'ի քայլս՝ համակ ականակուռ 'ի գոճազմ՝,
մեղեօրիկ, ոսկեքար, բիւրեղ, եղեգնաքար և յայլ
ականց : Այլեաց ընդ երկար 'ի վայելս ամենապա-
տիկ երջանկութե . տուն բնակուէ նորա լի փափ-
կութիւք և հեշտալեօք, որ թուէր զբախտ երկրա-
ւոր . և օտարք զիմէին ընդ նորայն հովանաւորու-
թիւք, որպէս թէ էր քերովքէ գրախտին նոյ : Վաջ-
առողջ էր մարմնով, գեղեցկադիտակ և բարե-
համբոյր հասակաւ, և տեսլեամբ . և մտօք հանձն-
րեղ, և ամենայն մասամբք շքեղ և սրանձալի սյն-
չափ՝ զի թուէր թէ սոքիմբք բնաձիր գեղովք կա-
մեցեալ իցէ նոր զինիք իւրոյ նձային նմանութե
տպացուցանել 'ի նմա, որչափ ինչ հնար էր տանիլ
մարդոյ հողեզինի (յօրինակ արուսեկի առաջին
հրեշտակի՝ կարծանելոյ յերկնից) :

Այլ նա այսմ ամենայնի ապաշնորհ գտաւ . զի
փոխանակ՝ ըստ առաւելութե՝ բարուէց զոր արար
նմա նոր, առաւել ճանաչելոյ զնա, սիրելոյ, և
ծառայելոյ նմա, զամենայն ձիրս բնութե՝ արար
իւր պատճառս ամբարտաւանութե : Արհամարհէր
զամենայն մարդ՝ դերիվերոյ զանձն ունելով . և
յորժամ լսէր խօսել վասն մեծի իմաստութե՝ դա-
նիէլի որ էր ծանուցեալ այր իմաստուն քան զամե-
նայն իմաստունս բաբելոնի, ունչա առնէր զնովաւ,
իբր առ իւրև հաղիւ յաշակերտաց սակի լինել . և
միանգամայն ասել՝ ինքնահաւան բարձրամտութի
նորա յայն եհաս, մինչև հաւասարել զանձն նոյ .
աստուած եմ ասէր . յաթող նոյ նստայ 'ի սիրտ ծու-
վու . զլեառն յոյր վերայ կայր տիւրոս քաղաք իւր,
առհնելով որպէս պատուանդան իւրոյ՝ նձպետա-
կան աթողոյ . * զբնակութի նոյ բնակեցի ॥ ասէր .
կամ ըստ լատ . * յաթող նոյ նստայ 'ի սիրտ ծովու ॥
որպէս աստուած ծովու : Վայց 'ի նմին իսկ ժամու՝
յորում նձակերպ օրինակ բարձրանայր 'ի սրտի
իւրում, սկսաւ 'ի խորս անդնդոց սուղանիլ (որպէս

զբեւիար) . զի առ 'ի խորտակել տն զհայարա ամբարտաւանութի նորա՝ եհան 'ի վերայ նորա զզօրս քաղզէացւոց : Ա՛րդարեւութիք եզեկիէլի՝ որք մանրապատում գուշակեն զկործանումն նորայն մեծագանձ արքայանիստ տիւրոսի , և զննթերակայ սիդոն քաղաքի , խրախուսեցին զնաբուքողոնոսոր յայն դժուարակուիւ մարտ ձեռնարկել : Ա՛ղաղաքք և աւանք որք 'ի ցամաքի էին՝ ոչ ընդերկար յամեցուցին զզէնս քաղզէացւոց , զի թեթեւ աշխատութի նուաճեցան . այլ պաշարումն տիւրոսի երկար եղև՝ բաղմաշխատ և տարժանելի : Ա՛բառքողոնոսոր չունէր նաւատորմիղ 'ի ծովու , զի նորութիւն նորա ոչ էր ծովեզերեայ , այլ պարփակեալ 'ի ցամաքի . և չէր իսկ յայնմ՝ մարտի միաբանեալ ընդ ումեք 'ի ծովեզերեայ նորութեց , որոց էին գումարտակք նաւուց 'ի միջերկրական ծովու : Ա՛մին իրի հարկեցաւ զկղզին տիւրոսի փոխել 'ի ցամաքակղզի , զի՛ հեծեալք իւր և կառք և հետեակազօրք կարիցեն ընդ ցամաք մտանել 'ի նս : Ա՛տ հատանել անտառս , և ընուլ անհամար քուրձս աւազով , և կապեալ 'ի միասին զծառս և զաւազալիցքուրձս՝ յաւելեալ և մեծամեծ հատորս քարանց , ետ արկանել զայն ամենայն 'ի նեղուց անդր , որ էր անջրպետ ընդ կղզին և ընդ ցամաքն : Ա՛յլ նա՛ որ կամէր կործանել զտիւրոս սովին ճանապարհաւ , սանձէր զբռնութի հողմոց և ալեաց ծովու , զի մի ցրուեսցեն զգործ նոցա , և մի՛ 'ի դերև հանցեն զվաստակ նոցա . և այնպէս առ սակաւ սակաւ յառաջ տարեալ զայն գործ դժնդակ , հարթայատակ ճանապարհ կազմեցին 'ի նեղուց անդր : Ա՛յլ անհնարինս տաժանեցան յերկար և յանբերելի աշխատութի բառնալ և 'ի կուտել նիւթ բաւական առ այն գործ . մինչև զի հերք գլխոց զօրուն թօթափեցան , և մորթք ուսոց նոցա իբր դերծեալ մաշեցան . որպէս ցուցանէ գիրն՝ յասել նյ ցմարդարէն . * Արդի մարդոյ . նաբուքողոնոսոր արքայ բաբելացւոց աշխատեցոյց զզօրս իւր աշխատութեամբ մեծաւ 'ի վերայ տիւրոսի . ամենայն՝ գլուխք կնդա

ցեալք , և ամենայի ուսք գերծեալք ॥ . ԻԲ . 18 :

Բայց չեղեն ընդ վայր այնչափ երկար և դժընդակ աշխատութիւնք նոցա . քանզի տիրոս ո՛չ և սմնաց կղզի . զի ծովն անջրպետ նորա՝ դարձաւ ՚ի ցամաք երկիր . և ընդ այն մտին քաղզէացիք անհամար բազմութիւնք կառօք և երիվարօք և գունդագունդ հեծելովք . և սկիզբն արարին պաշարման , փոս փոքրեցին և պատնէշ կանգնեցին զնովաւ . զոր յայտնի նշանակէ եղեկիւն յասելն . * Այսպէս ասէ աղովնայի թր . ահաւագիկ ես ածից ՚ի վերայ քո աւերոս՝ զնաբուքող սնոսոր արքայ բաբելացւոց ՚ի հիւսիսոյ , որ է արքայ արքայից , կառօք և երիվարօք , և գունդագունդ հեծելովք ազգաց բազմաց յոյժ . . . և շուրջ զքեւ պահ գիցէ , և փոս փորեւցէ . և պատնէշ կանգնեացէ . . . Այլ ՚ի բազմութիւն հեծելոց նորա ծածկեացէ զքեզ փոշի նոցա . և ՚ի ձայնէ հեծելոց՝ և յանուոց կառաց նոցա շարժեսցին պարիսպք քո՝ ՚ի մտանելն նորա ՚ի դրունս քո , որպէս որ մտանիցէ ՚ի դաշտէ ՚ի քաղաք . սմբաւօք երիվարաց իւրեանց կոխեացեն զհրապարակս քո ॥ . ԻԿ . 3 . 8 . 10 : Արքայն տիրոսի տեսեալ զնեղուց ծովուն արահետ ձանապարհ , և զզօրս քաղզէացւոց առ պարսպօք իւրունն արքայանիստ աթոռոյ , զոր անմատոյց համարէր՝ ունելով զիւրեւ ՚ի պաշտպանութի զամբհի ալիս ծովու , զարհուրեցաւ յանձն իւր . սակայն և այնպէս չեղև յուսակտուր , այլ փութացաւ ամենայն զօրութիւնք ՚ի պաշտպանութիւն քաղաքին . դատարկեաց զնաւս , որք էին ՚ի նաւահանգստի անդ . և զամենայն նաւավարս և զնաւապետս , ընդ որս և զխառնիճաղանճ՝ ժողովուրդ իւր կարգեաց ՚ի վերայ պարսպաց և աշտարակաց նետաձիգ լինել ՚ի թշնամիս , և պահել զքաղաքն . որպէս նշանակէ գիրն . * Այլ իջցեն ՚ի նաւաց իւրեանց ամենայն նաւավարք քո և նաւամուտք քո առաջապահք նաւաց յափն ծովու (կամ ըստ լատ . յերկրի կացցեն) ॥ . ԻԷ . 29 :

Բայց քաղզէացիք յամենայն կողմանց սաստիկութիւն պատեալ պաշարեալ զքաղաքն , և վահանօք

պաշտպանեալ զգլուխս իւրեանց 'ի նեախց և 'ի քա-
րանց, մանգղիոնօք և խոյովք խրամատեցին զպա-
րիսպս, ելին 'ի վերայ պարսպաց, և յամենայն կող-
մանց միանգամայն յարձակեալ գաղանաբար՝ առին
զքաղաքն, և զամենայն շնչաւոր 'ի սայր սուսերի
կոտորեցին. և զամենայն ինչս նոցա աւար հարին.
զթագաւորն կենդանւոյն ձերբակալ արարին և ջա-
րատանջ սպանին: Աւ յետ սպառսպուռ կողոպտե-
լոյ յամենայն գանձուց և 'ի հարստութեց զաշխա-
րելի քաղաքն, հուր հարին զնովաւ և այրեցին
զնս. և զպարիսպս և զաշտարակս նորս և զտունս
և զայլ ամենայն շինուածս որ 'ի հրոյ ոչ ծախեցան,
քանդեալ կործանեցին. և զաւերակս նոցա բովան-
դակ 'ի ծով ընկեցին, մինչև շմնալ անդ և հետոյ
քաղաքի: Աւ այնպէս լեառն այն. որ փոքր մի յա-
ռաջ հոյակապ մեծակառոյց շինուածովք, անբաւ
գանձուց հարստութիւն, և յողնաժողով բնակչօք
յամենայն լեզուաց և յամենայն ազգաց երևէր բո-
վանդակումն իմն ամենայն աշխարհի, մնաց լիկ
ժայռ մերկ յամենայնէ, ուր ձկնորք սփռէին զուռ-
կանս իւրեանց 'ի ցամաքեցուցանել յարևու. զայս
ևս նշանակէ եղեկիւն. * Աւ աւար առցէ (նաբու-
քողոնսոր) զզօրութիւն քո. և կողոպտեսցէ զինչս
քո. և կործանեսցէ զպարիսպս քո և զցանկալի
սպարանս քո տապալեսցէ. և զքարինս և զփայտս
և զհողն 'ի ծովն ամասցէ. և քակեսցէ զբաղմու-
թիւ արուեստականաց քոց . . . Աւ արարից զբեզ
յապառաժ. և եղիցին 'ի ձգանս ուռկանաց ||. Իգ.
12. 15. 14: Այս եղև կատարած հռչակաւոր
բաղմադանձ քաղաքին տիրոսի. զոր 'ի գլուխս
մարգարէութեց եղեկիւն. Իգ. 15. 16. 17. Ընթեռ-
նումք ճնխ և առատ բանիւք:

Յետ եօթանասուն ամաց վերստին շինեցաւ
տիրոս քաղաք. որպէս ունիմք 'ի մարգարէութիւն
եսայեսայ. 41. 17. 15. ուր ասի. * Լքեալ լիցի տի-
րոս ամս եօթանասուն . . . Աւ եղիցի յետ ամացն
եօթանասնից այց արասցէ ար տիրոսի. և միւս ան-
գամ անդրէն 'ի նոյն յառաջին կարգն հաստատես.

ցի ॥ : Օչոյն իմանամք և 'ի գրոց նեւմեայ . 41 .
 ԺԿ . 16 . ուր ասի . * Այլ նստէին 'ի տեղի վաճա-
 ուսցն , որք բերէին զձուկնն ॥ . ուր լատինն ըն-
 թեռնու . * Այլ տիւրացիք բնակէին 'ի նա . որք բե-
 րէին զձուկնն ॥ : յորմէ երևի թէ կայր յայնժամ
 տիւրոս քաղաք : Այլ չունիմք ոչ 'ի 'օք գրոց , և
 ոչ յարտաքին պատմութեց' թէ յումմէ շինեցաւ
 վերստին . կաղինոս համարի' թէ յետ դարձի իս-
 րայէլացւոց 'ի գերութէ , և միւսանդամ ծաղկե-
 լոյ և բարգաւաճելոյ հրէաստանի , վաճառականք
 իւրայէլացւոց և այլոց ազգաց սկսեալ իցեն նաւել-
 'ի նաւահանգիստ անդր տիւրոսի , և 'ի դիւրութի
 իւրեանց շինեալ իցեն անդ տունս ինչ և շտեմա-
 ըննս վաճառաց : Այա 'ի յաճախել անդ և այլոց
 իբր 'ի պատեհագոյն նաւահանգիստ , և քաջագէտ
 վաճառատեղի աշխարհաց բազմաց օրքան զօր բազ-
 մացեալ իցեն անդ շինուածք , մինչև ձևանալ տե-
 ղւոյն քաղաք կատարեալ . բայց ոչ ևս փառաւոր և
 բարգաւաճ , որպէս էր յառաջագոյն . և ոչ իսկ եր-
 կարատե . վասն զի զկնի ոչ բազում ժամանակաց
 վերստին քանդեցաւ յաղէքսանդրէ մակեդոնաց-
 ւոյ . որպէս մարգարէացաւ եղեկիւիլ յասելն . * Այլ
 մի ևս շինեսցիս ॥ . այսինքն հաստատուն և տեսողա-
 կան և ըստ առաջին պայծառութեան : Այլ թէ
 զխորդ աղէքսանդր մակեդոնացի եզիտ զտիւրոս'
 կղզի , ըստ պատմելոյ կուինտոսի կուրտիոսի , եթէ
 նաբուքողոնոսոր արար զնա ցամաք կղզի' կցելով
 ի ցամաքի , ոչինչ տարադէպ թուի ստել ոմանց , թէ
 ալիք ծովու զկնի ժամանակաց քակեալ ցրուեալ իցեն
 զայն գործ քաղգէացւոց . որ չէ ինչ նոր և անլուր :

Յայտնեաց անձ եղեկիւիլի , թէ նաբուքողոնու-
 սոր և զօրք նորա յայն գործ տիւրոսի բարուք ծա-
 ուայեցին իւրումն անձային կամաց . և թէ աշխա-
 տութի նոցա և վաստակ այնչափ մեծ եղև , որում
 լոկ աւարն տիւրոսի ոչ է բաւական վարձ . * Այա
 բուքողոնոսոր աշխատեցոյց (ասէ անձ) զգօրս իւր
 աշխատութի մեծաւ 'ի վերայ տիւրոսի ... և վարձք
 նմա և զօրաց նորա ոչ եղեն առ 'ի տիւրոսէ ծա-

ապուլութեն՝ զոր ծառայեցին ինձ՝ ի նմա . Ի՛ն . 18 :
 Ա՛յնն այնորիկ շարժեաց անձ զնաբուքողոնոսորան-
 ցանել և յեզիպտոս . որում սահաւ աշխատութիւն
 տիրեսցէ , և առցէ զաւար նորա , և կողոպտեսցէ
 զկապուտ նորա . և նովաւ լցցի թերին վարձուց
 նորա՝ և զօրաց նորա . փոխանակ ծառայութեն
 զոր ծառայեցին նմա՝ ի տիրոս : Ա՛յնն որոյ պատ-
 դամբ մարգարէութեց եզեկիւնիւ այնուհետև դարձան
 ՚ի վերայ եզիպտոսի . որպէս յառաջագոյն էին մար-
 գարէացեալ և եսայի և երեմիա , և այլ մարգարէք :
 Փուրչիչ ամբաստանութեն արքային եզիպտոսի
 սկզբնաբար յերկու գլուխս բովանդակի . մի՛ ՚ի
 հպարտութի , որով զամենայն մեծութի և զզօրու-
 թի համարէր յանձնէ իւրմէ ունել , և ոչինչ առ
 յն . երկրորդ՝ ՚ի գայթակղութի , որով հեռացոյց
 զորդիս իտրայիլի՝ ՚ի յուսոյ առ անձ . առնելով զի
 զամենայն յոյս իւրեանց զնիցեն ՚ի նա , և ՚ի նորայն
 հօր կարողութի և եթ լինիցին ապաստան . որ-
 պէս և ՚ի ձգել զնոսա ՚ի պաշտօն դիցն եզիպտաց-
 ւոց : Ա՛յնն իրի և անձ ՚ի խորտակել զեղջիւր ամ-
 բարտաւանուէ նորա , և բառնալ զգայթակղութի
 յորդւոյ իտրայիլի , ասաց թէ ցամաքեսցին և յա-
 նապատ դարձցին գետք նորա յորս պարծէր . և
 լցցին արեան ճապաղեօք քաղաքք նորա . և նեար-
 դապատ և աճառապատ բաղուէք փարաւոնի խոր-
 տակեսցին , և ընկեսցի սուրն ՚ի ձեռանէ նորա . և
 մնացորդք ժողովրդեան նորա ՚ի սրոյ , ՚ի սովէ , և
 ՚ի մահուանէ ցրուեսցին ընդ ազգս , և հոսեսցին
 ընդ գաւառս : Ա՛յլ եղիցի եզիպտոս անապատ ան-
 մարդի ընդ ամն քառասուն . և յետ ամաց քառաս-
 նից բարձցէ ան զհարուածն . և դարձեալ ժողո-
 վեսցին ցրուեալքն յամենայն տեղեաց և յազգաց
 սւր ցրուեսցան : Ա՛յոյ թագաւորութի նորա ոչ եր-
 բէք դարձցի ՚ի նախկին պայծառութի իւր . և ոչ
 և ս եղիցի այնպիսի , զի որդիքն իտրայիլի խնդրես-
 ցեն զօգնականութի նորա , և յուսասցին ՚ի զօրու-
 թի նորա առ ՚ի անօրինիլ առ անձս . * Ա՛յլ եղիցի
 անդ (յեզիպտոս ասէ զիրն) իշխանութի տառա

պէալ քան զամենայն իշխանութիս : Այլ եղիցի խո-
նարհադոյն , և մի ևս բարձրասցի 'ի վերայ ազգաց ...
և մի ևս եղիցին տանն իսրայէլի յոյս յիշատակի
անօրէնութ' երթալ զհետ սրտից նոցա ॥ Ի Թ . 14 -
15 . 16 : Ամենայն զոր մարդարեացաւ եզեկիկէլ
կատարեցաւ . և ամենայն կողօսուտ եզիպատոսիանց
'ի բաբելոն' առ և ևս մեծանալոյ թագաւորին բա-
բելացւոց :

Ազեկիկէլ մարդարեացաւ և սյլ բազում ինչ . 'ի
սկզբան քարոզութե նորա նախագուշակութիք նո-
րա արդարեւ դառն եղեն որդւոց իսրայէլի , բայց
'ի վերջին ամս իւր միսթարեաց զնոսա մեծասպէս ,
գուշակելով թէ հանդերձեալ են յառնել որպէս
զմեռեալս 'ի գերեզմանաց , ելանելով 'ի գերութի
և դառնալով 'ի հայրենի երկիր իւրեանց , և լինե-
լով ժողովուրդ տն : Օ ի տարեալ եղև հոգւոյն տն
'ի դաշտ մի մեծ , որ լի էր ոսկերօք մարդկան . և
'ի ձայն տն շարժեցան այն ամենայն ոսկերք ցամա-
քեալք , և մերձեցան ոսկր առ ոսկր առ իւրաքան-
չիւր յօդս , և սպտեցան զնորօք ջրլք և միս և մորթ .
և եմուտ 'ի նոսա շունչ կենդանի . և կանգնեցան
և կացին 'ի վերայ ոտից իւրեանց . և դաշտն' որ
էր գերեզման մեռելոց , դարձաւ և եղև ասպա-
րէզ կամ հրապարակ բազմութե կենդանեաց .
ԳԼ . ԼԶ : Աարձեալ յափշտակեցաւ եզեկիկէլ 'ի տեւ-
րեան , և ածաւ հոգւոյն յերկիրն իսրայէլի . և
կացուցեալ 'ի վերայ լերին միոյ բարձու յոյժ' տե-
սանէր , զի հրեշտակն ունելով 'ի ձեռին ձող չա-
փոյ 'ի վեց կանգնոյ և թղաւ , չափեր գշինուած
տաճարին , նշանակելով զվերսաին շինութի նորա .
զոր և մանր ստորագրէ ըստ համեմատութեց ամե-
նայն մասանց նորա և զարդուց . որպէս արդէն
կառուցեալ . ԳԼ . ԽԹ . ԽԶ : Այլ տակաւին ոչ դա-
դարեաց եզեկիկէլ 'ի յանդիմանելոյ և 'ի կշտամ-
բելոյ զմեզս խտասիրտ ժողովրդեան իւրոյ 'ի գե-
րութե անդ' մինչև 'ի վախճան կենաց իւրոց , ըստ
որում ասացեալ էր նմա տծ , եթէ դէտ կացուցի
զքեզ 'ի վերայ ժողովրդեան զգուշացուցանել զնո-

սա 'ի մեղաց : Այլ թէպէտ չունիմք 'ի 'նք գրոց' թէ որով մահուամբ ել 'ի կենաց աստի , սակայն հաստատ աւանդութի եկեղեցւոյ ուսուցանէ , թէ 'ի յանդիմանել նորա զկուսպաշտուի որդւոցն դանայ և դադայ՝ սպանաւ յառաջնորդէ ցեղին դանայ , կապեալ յազի ձիոյ . և այնպէս մարտիրոսութի պսակեաց զբազմավիշտ կեանս իւր անդ 'ի բարելուն . և թաղեցաւ պատուով 'ի տեղին՝ որ համարեալ էր շիրիմ՝ նախնեացն արբահամու 'ի մէջ քաղցէացւոց :

ԳԼ : ԻԲ .

Յորում ժամանակի սկսանին եօթնասուան ամս գերումնէ որդւոց իսրայէլի 'ի Բաբելոն :

Անդիր մեծ յուզի 'ի վերայ այսորիկ առ մեկնիչս և առ ժամանակագիրս 'նք գրոց : Ազգումք սկսաւ նին զամնն զայնստիկ 'ի գերութի յովակիմայ արքայի . հիմնեալք 'ի բանս արտաքին պատմադրաց . և 'ի կեղակարծ զննուիս խաւարմանց արեգական և լուսնի : Այլք բազումք՝ ընդ որս և եւսերի , զհետ երթեալ կարծեաց յովսեպոսի եբրայեցւոյ սկսանին 'ի գերութի սեղեկիայ : Ասկայլք՝ 'ի գերութի նախընթացին նորա , այսինքն յեքոնիայ : Օայս վերջին կարծիս ունի և կաղննոս , իբր լաւ և սքան զայլ կարծիս հիմնեալ 'ի 'նք գիրս . զոր և ցուցանէ ըստ առաջիկայ օրինակիդ :

Հաւաստի է առ ամենեսին , թէ կատարած գերութե ժողովրդեան իսրայէլի եզև յառաջնում ամի , յորում կիւրոս թագաւոր պարսից սկսաւ թագաւորել 'ի բարելուն և արտաքոյ նորա . զի զայդ բացայայտ ընթեանումք յառաջնորդ գլուխ երկրորդ գրոցն եզրի : Այլ թէ թագաւորեաց կիւրոս ը ամս եօթանասուն՝ նոյնպէս յայտնի երևի 'ի բազում քաջայայտ տեղեաց 'նք գրոց՝ մնացորդաց , եզրի , երեմիայ , և զաքարիայ մարգարէից . յորոց զամնս 'ի կարգի յաջորդ բանիցս ունիմք 'ի մէջ

բերեւ: Խնդրելին է այն, թէ երբ սկսան այն եօթանասուն ամբ. և պատճառ տարակուսութե է, վասն զի չիք 'ի սբ գիրս որոշ նշանակեալ՝ թէ քանի ամս թագաւորեաց նաբուքոդոնոսոր. և քանի ամս յաջորդք նորա յառաջ քան զկիւրոս. իսկ արտաքին պատմաբանք ասէ կաղինոս՝ 'ի խօսիլ իւրեանց յազադս նախնի թագաւորաց՝ այնչափ ներհակաբանք են, և մթինք, և կեղակարծք, զի չունի լուսոյ իմիք ակնունիլ 'ի նոցանէ, որ խնդրին զճշմարտութիւ: Աւ առաւելու տարակոյսն. զի առ քաղդէացի նաբուքոդոնոսորաւ երեք գերութիւք եղեն: Ախ գերի տարաւ նա 'ի բաբելոն գլովաւ կիմ արքայ. և ընդ նմա զբաղումս 'ի մեծամեծաց և յերևելեաց հրէից. և յարձակել գլովակիմ յազատութի, բաղումք 'ի մեծամեծաց անտի մնացին 'ի բաբելոն իբր 'ի պատանդս: Արկորդ՝ զկնի եօթն ամաց գերի վարեցաւ 'ի բաբելոն յերոնիա որդի յովակիմայ, և ընդ նմա հազարաւորք 'ի հրէից գերեցան 'ի բաբելոն: Աւ երրորդ՝ մետասան ամօք զկնի նա ինքն նաբուքոդոնոսոր գերեաց զսեղեկիա. այրեաց զտաճարն, և կործանեաց զերուսաղէմ. և տարաւ 'ի մնացելոց անտի յառաջին գերութեց ժողովուրդ բազում յոյժ գերի 'ի բաբելոն: Արդ՝ խնդրի, թէ յորոց երկց գերութեց աստի պարտ իցէ սկսանել զեօթանասուն ամսն: Թանգ զի գտան ևս ոմանք, որք առ առաւել խառնակումս խնդրոյն՝ սկսանին յերեքտասաներորդ ամէ թագաւորութեն յովսիայ. իբր ոչ եթէ զի յայնժամ գերեցաւ ոք 'ի յուդայէ, այլ զի 'ի ժամանակէ անտի մարգարէք նախագուշակին զգերութի նոցա: Ասկայն եթէ մանր զննեսցուք զսբ գիրն, գտանեմք անդ զլուծումս գժուարութեգ առաջարկելոյ:

Ախ գտանեմք՝ թէ այն եօթանասուն ամբ ոչ սկսան 'ի գերութի յովակիմայ արքայի. ևս առաւել և ոչ յերեքտասաներորդ ամէ յովսիայ արքայի: Ապաքէն 'ի գառնալ յովակիմայ յամի չորրորդի իւրոյ թագաւորութի 'ի գերութի բաբելո.

նի յերուսաղէմ յաթոռ թագաւորութե իւրոյ , երեմիա մարգարէ պատմեաց ժողովրդեան զնձային յայտնութիւն , և ասաց , թէ անգատին յերեքտասաներորդ ամէ յովսիայ արքայի խօսեցայ հանապաղ և ասացի , զոր պատուիրեաց ինձ նձ ասել ցձեզ , զի դադարեալիք ՚ի բարկացուցանելոյ զոր դործովք ձեռաց ձերոց . և դուք ոչ լուայք ձայնի նոն . Էբէճ . ԻԷ . 5 : Արդ փոխանակ զի ոչ մատուցիք ունկն բանից իմոց , այսպէս ասէ նոր . Ես զինեցից ընդդէմ ձեր զթագաւորս օտարս , և զնաբուքողս նոսոր արքայ բաբելացւոց . և տաց յապականութի զերկիրդ զայդ . և ամենայն ազգդ ծառայեսցէ արքային բաբելոնի զեօթանասուն ամ . Էբէճ . ԻԷ . 8 . 11 . և զնի : Այս մարգարէութի եղև յամին չորրորդի յովակիմայ արքայի , և զկնի ազատութե նորա . և է դուշակութի զսպագայ իրաց . սպա ոչ խօսի զայնմանէ որ էր անցեալ յամին երրորդի յովակիմայ . և ս առաւել ոչ խօսի զանցելոց քսան ամօք յառաջ , յերեքտասաներորդ ամի յովսիայ : Արդ եթէ խօսի զսպագայի , սպա եօթանասուն ամօն չէին սկսեալ յառաջագոյն . և չիք գտանել թէ յառաջ քան զայս խօսեցեալ իցէ ուրեք մարգարէն զայնմանէ . բայց յետոյ դառնայ և խօսի վերջստին . 4 . ԺԷ . 10 : Այս եօթանասուն ամօք են սպառնալիք ՚ի պատիժ սակս չլսելոյ և չլահելոյ ինչ ժողովրդեան ՚ի քարոզութեց երեմիայի և այլոց մարգարէից մինչ ցայս յայտնութի , որ եղև ՚ի չորրորդ ամի յովակիմայ : Ապա այս պատիժ և այս եօթանասուն ամօք հարկաւ սկսանին ոչ յառաջ այլ զկնի չորրորդ ամի յովակիմայ . սպա պարտին սկսանիլ կամ ՚ի գերութենէ յեքոնիայ , կամ սեղեկիայ :

Իսկ թէ յորմէ յերկուց աստի դերուեց սկսեալ իցեն եօթանասուն ամօք , եղև տարակոյս և զայնու ժամանակաւ առ ժողովուրդն , մանաւանդ թէ և առ մարգարէս ժամանակին . այլ նոյն իսկ տարակոյս նոցա բառնայ ՚ի մէնջ զերկբայութիւն . յայտնի ցուցանելով , թէ այն ամօք սկսեալ են ՚ի գե

բուժիչն յեքսնիայ, և ոչ 'ի վերջին գերուժի սե-
գեկիայ: Յամին երկրորդի դարեհի արքայի (զոր
կազինոս էն թագրէ լինել մար դարեհ) զարքաիա
մարդարէ ուսաւ թէ այն էր եօթանասներորդ ամն,
զի լուաւ ասել հրեշտակին ցոր. * Սինչև ցերբ
ոչ ողորմեսցիս 'ի վերայ երուսաղէմի, և քաղա-
քայն յուդայ, զորս անտես արարեր՝ այս եօթա-
նասներորդ ամ ॥ Գլ. Թ. 12: Ապա մի թարէ ըզ-
մարդարէն խոստմամբ մօտաւոր ազատութի 'ի գե-
րուժի: Յառաջնում ամի նորին դարեհի՝ յառաջ
քան զայլ մարդարէս՝ դանիէլ առեալ էր զայս ծա-
նօթութի. * Աս դանիէլ՝ ասէ, խելամուտ եղէ 'ի
գրոց թուոյ ամացն. . . . 'ի կատարուն ակերածոյն
երուսաղէմի յամն եօթանասուն (կամ ըստ լատ.
ամբ եօթանասուն) ॥ Գան. Թ. 1. 2: Այլ տեսեալ
զի հանդերձեալ էին լրանալ 'ի յաջորդ ամի, սկսաւ
քաղում ջերմութի կալ յաղօթս առ անձ վասն
ժողովրդեան իւրոյ. ուր քաջ դիտեա, զի ոչ ա-
սէ՝ ընկերաց, այլ եւ լամաս եղէ, այսինքն իմացայ:
Վաջ գիտէր նա զհաչակեալ մարդարէութին եօ-
թանասուն ամաց, բայց յայնժամ և եթ յայտնեաց
նմա անձ զամն սկզբնաւորութե և զամն կատար-
ման: Այլ թէ յառաջին և յերկրորդ ամի դարեհի
ոչ խորհէին հրեայք՝ թէ իցէ այն ամ եօթանաս-
ներորդ, և եթէ նոքին իսկ մարդարէք յերկբայս
էին, մինչև էին լուսաւորեալ առ յոյ, էր յայտ-
նի նշան՝ թէ գոյր ժամանակ իմն առաւել անա-
գան, յորմէ համարէին թէ կարիցեն չափել զամն.
և այն էր գերութին սեղեկիայ: Այլ յորժամ
անձ յայտնեաց մարդարէից և ժողովրդեան, թէ
եօթանասուն ամբ կատարին յառաջ քան զակնկա-
լութի նոցա, ցուցանէ թէ սկսան յառաջ քան
զգերութին սեղեկիայ՝ ոչ յերեքտասաներորդ ամի
յովսիայ, և ոչ 'ի գերութին յովակիմայ, որպէս
ցուցաւ, ապա 'ի գերութի յեքսնիայ, մետասան
ամօք յառաջ քան զգերութին սեղեկիայ:

Սմանք ընդդէմ դնեն այսմ, ասելով նախ՝ թէ
դարեհ զարքաիայի է վշտասպ դարեհ, որ չունի

ինչ ընդ դերուէն : Պատասխանի . զաքարիա մար
դարէցաւ նախ առ մար դարեհիւ , և ապա առ
վշտասպ դարեհիւ . որպէս ասացաք ըստ կարծեաց
կաղինոսի 'ի խօսիլ մեր վնսն զաքարիայ մարդա-
րէի . և նոյն նախայիշատակեալ բանն ցուցանէ ,
Թէ այն յայտնուծի եղև նմա 'ի ժամանակս մար
դարեհի : Առթանասուն ամք դերուծէն կատարե-
ցան , յորժամ կիւրոս արձակեաց զնոսա յառաջ-
նում ամի Թագաւորելոյ իւրոյ 'ի բաբելոն : Բայ
ամն եօթանասներորդ եղև առ մար դարեհիւ նա
խորդիւն կիւրոսի . և ոչ առ դարեհիւ վշտաս-
պեայ . որ եղև երրորդ Թագաւոր 'ի բաբելոն զկնի
կիւրոսի : Բայ յորժամ ասաց հրեշտակն Թէ * այս
եօթանասներորդ ամ է || , Թագաւորէր մար դա-
րեհ . և ոչ վշտասպ դարեհ :

Բնդգէմ դնեն երկրորդ . Արեմիա ոչ ասաց
Թէ որդիքն խարայէլի կացցեն 'ի դերուծեան ամն
եօթանասուն , այլ Թէ ամենայն ազգք շուրջանա-
կի . ուստի շատ էր առ ճմարտուծի մարդարեու-
ծէն , Թէ ոմանք յազգաց անտի կացեալ իցեն
անդ 'ի ծառայուծի զայն ամենայն ժամանակս : Աւ-
հաստատի . զի 'ի չորրորդ դիրս եզրի , ամք աւերա-
ծոյն երուսաղէմի դնին երեսուն , և ոչ աւելի .
յոր յաւելեալ զմետասան ամն սեղեկիայ , լինին
քառասուն և եթ : Հաստատի դարձեալ . Աբու-
քոզոնոսոր Թագաւորեաց ամն քառասուն և հինգ .
և բազտասար յաջորդ նորա ամն երիս . յորս եթէ
յաւելցին երկու ամք մար դարեհի , լինին յիսուն .
ապա 'ի դերուծէ յեքոնիայ մինչև 'ի կիւրոս ոչ
լինին ամք եօթանասուն : Հաստատի և ևս . Աթէ-
այն դերուծի էր երկարաձգեալ ընդ ամն եօթա-
նասուն սկսեալ 'ի դերուծէն յեքոնիայ , դանիել
մարդարէ լեալ էր գողցես իննսնամեան 'ի ժամա-
նակս մար դարեհի . վասն որոյ և անկարօղ 'ի տա-
նել զբեան իշխանուծե զոր եղ 'ի վերայ նորա դա-
րեհ աքբայ՝ կարգելով զնա ընդհանուր իշխան 'ի
վերայ այլոց հրամանատար իշխանաց :

Պատասխանի . հայեցեալ միայն 'ի բանն երե-

միայ՝ մարթ էր ընդունել զտուեալ մեկնութից . բայց բազում վկայութիք սք զբոց ոչ տան տեղի այդմ մեկնութե . որք զեօթանասուն ամս գերութե տան որդւոց իսրայելի : Վ գիրս երկրորդ մնալ ցորդաց ԼԷ. 20. 21. ասի . * Ալ գերեաց զմնացորդսն (ի սրոյ) ՚ի բաբելոն , և էին անդ նմա և որդւոց նորա ՚ի ծառայութի մինչև ՚ի թագաւորութի մարաց . . . մինչև ընկալաւ երկիրն զշաբաթս իւր . . . շաբաթացաւ ՚ի կատարումն ամացն եօթանասնից ॥ : Ճայտնի է և բանն այն . * Մինչև ցերբ ոչ ողորմեացիս ՚ի վերայ երուսաղէմի և քաղաքացն յուդայ , զորս անտես արարեր այս եօթաւ նասներորդ ամ ॥ : Այսպէս ասաց հրեշտակն ՚ի լուր զքարիայ մարգարէի : ՚Ի նդդէմ այսոցիկ ոչ ՚ի գէպ է դնել զչորրորդ գիրս եզրի . որ է արտաքոյ կանոնական սք զբոց . ուստի և ոչ բռնադատէ ՚ի հաւանութի իբր անսխալ ճշմարտութի : Վայց և անդ չիք յայտնի զբոց թէ յաւերածոյ երուսաղէմի մինչև ցաղատութիւն ՚ի գերութե՝ անցեալ իցեն լոկ երեսուն ամբ : Վիտեմ՝ ասէ կաղիսոս , զի նախագրեալ վկայութիք իբր առարկութիք բնդդէմ մեր , բերին ՚ի վկայութիւն և յուժեմնէ մեծարուանձնէ . բայց երբեմն և արք մեծամեծք առ կարի ճեպրնթաց լինելոյ ՚ի գրուածս՝ վստահին ՚ի յիշուցութի իւրեանց , կամ ՚ի գրուածս այլոց՝ առանց ինքնին յակնարկելոյ ՚ի բնագիրն , և համեմատելոյ զայն ընդ այլոց տեղեաց գրոյն :

Վ հաւաստիկ ՚ի յիշատակեալ վկայութեան անդ չորրորդ գրոց եզրի . ԳԼ. Գ. 1. ասէ եզրաս . * Ճաւ մին երեսներորդի աւերածոյ քաղաքին էի ՚ի բաբելոն . և իւրովեցոյ յանկողնի իմում . . . ասլրս տամբս բազումս ետես անձն իմ յայս երեսներորդ ամ ॥ : Օ այս և եթ ասէ անդ եզր . յորմէ չգիտեմ թէ սրպէս մարթ իցէ հետեւեցուցանել , եթէ երեսներորդ ամ աւերածոյ երուսաղէմի՝ եղև վերջին ամ գերութեն : Ալ ՚ի ԳԼ. Թ. 40. ասէ եզր , թէ տեսի ՚ի տելեան կին մի , որ ասէր ցիս . * Ամուլ եղէ ես աղախին քո , և ոչ ծնայ՝ զերեսուն

ամ կեցեալ ընդ առն իմում. և ես հանապազ՝ օր
 և ժամ յերեսուն յամն յայն խնդրէի ՚ի բարձրելոյն
 ՚ի տուէ և ՚ի գիշերի: Այլ եղև յետ երեսուն ամի՝
 լուաւ անձ աղախնոյ քում: Այլ ապա պատմէ թէ
 ետ նմա ար որդի, որ յաւուր հարսանեաց իւրոց
 յանկարծ անկաւ և մեռաւ. ապա խօսի կինն և
 այլ բազում ինչ, որք չունին ինչ ընդ երեսուն
 ամնն աւերածոյ երուսաղէմի: Այլ ետ այսորիկ թը-
 ուեցաւ եզրի տեսանել հոգւոյն զերուսաղէմ քա-
 ղաք շինեալ: Այլ թէ այս թիւք ամաց ոչ հային
 յամն դերութէ, յայտնի տեսանի ՚ի տաներորդ
 գլուխ չորրորդ դրոց նորին եզրի, ուր ՚ի բառասնե-
 րորդ համարոյ սկսանի հրեշտակն մեկնել զանցեալ
 տեսիլն. * Այլ զի ասաց քեզ, թէ ամուլ եղև զամն
 երեսուն. վասն զի էին ամք երեսունք, յորժամ
 ոչ էին ՚ի նմա (՚ի սիոն) դեռևս մատուցեալ պա-
 տարագք: Այլ եղև յետ ամաց երեսնից՝ շինեաց
 սողումն զքաղաքն, և մատոյց պատարագս. յայն-
 ժամ եղև մինչ ծնաւ ամուլն որդի: Այլ զի ասաց
 ցքեզ, թէ որդին իմ իբրև եմուտ յառագաստ՝ մե-
 ռաւ. և պատահեցաւ նմա դիպուած. այն էր, զի
 եղև կործանումն երուսաղէմի: Այլ ահա տեսեր
 զնմանու թիւն նորա (և առաւել ՚ի վեր), քան և
 այժմ տեսցես իբր զքաղաք շինեալ: Այս ամե-
 նայն ընդարձակ պատմութի կնոջն երևելոյ, և ՚ի
 մանրամասն մեկնութի հրեշտակին ոչ գտանեմք և
 ոչ բառ մի՝ որ խոստանայցէ մօտ լինել ազատու-
 թեան: Ասէ, թէ որպէս ետես եզր հոգւով,
 նոյնպէս և այժմ դարձեալ տեսցէ ոչ զհալաչ շին-
 եալ, այլ իբրև զհալաչ շինեալ. այսինքն դարձեալ
 տեսցէ հոգւով զնմանութի իմն շինեալ երուսա-
 ղէմի. որով հաստատէ, թէ վերստին շինեսցի ա-
 ւերեալ քաղաքն. այլ ոչ ցուցանէ զժամանակն
 թէ երբ:

Իսկ առ երկրորդ հաստատութին ասելի է:
 Չիք ՚ի սբ գիրս՝ թէ նաբուքոդոնոսոր իցէ թագաւ
 ւորեալ ամն քառասուն և հինգ. և թէ բազտա-
 սար թագաւորեալ իցէ ամն երիս և եթ. և ոչ

Թէ այլք չիցեն յայնմ միջոցի Թագաւորեալ: Այլ զայսմանէ ասացուք ՚ի խօսիլ մեր զյաջորդութի Թագաւորացն քաղցէացոց:

Վախճանի՝ առ երրորդ հաստատութիւն որ վասն հասակին դանիէլի՝ ասեմք. ոչ ապաքէն և ՚ի մերումն ժամանակի տեսանեմք պատկառելի ծերունիս զգօնս և խոհականս հանգերձ բաւական ժրութի: Վանիէլ արդէն ՚ի ժամանակաց անտի նաբուքոդոնոսորայ իշխան էր ՚ի բաբելոն. և յարգոյ և մեծարու առաջի նորա և նորին յաջորդաց. և ՚ի մանկութի միշտ լի հոգւոյն ոյ. և մեծամեծ խորհրդոց նորա խորհրդազգած: Աւ յայտ է Թէ նաև ՚ի խորին ծերութեան նորա անմեկնելի էր ՚ի նմանէ հոգի ին, և միտք նորա անցնդելի, մինչև կարող լինել վարել զիշխանութիւն լաւ և ս քան զառոյգս հասակաւ:

Այս են փաստք, զոր բերէ կաղինոս ՚ի՛նք գրոց ՚ի հաստատութի կարծեացն, որ զսկիզբն եօթաւ նասնամեան գերութե որդւոցն իսրայէլի առնու ՚ի գերութի յեքոնիայ. ունելով յայսմ իւր յառաջընթաց զկայեաանոս, զգենեբրարդոս, զազորիոս, զսկաղիգեր և զայլս յիշատակեալս առ ՚ի նոցանէ: Այլ ոչինչ կարի հեռի է ՚ի սմանէ և դրութիւն եւսեբեան՝ նոյնապէս հիմնեալ ՚ի՛նք գիրս, Թէ ՚ի գերութի սեղեկիայ իցէ հաշուելի սկիզբն եօթաւ նասնամեայ գերութեան:

Այլ մեզ ժամ է կնքել զայս հատոր տեսութեանս, և ՚ի սկիզբն յաջորդին դառնալ յետս՝ ըստ ժամանակի, և ՚ի մեջ բերել զպատմութիւն յուրի Թայ, և առկրիթայ. զորովք զանց արարաք ՚ի կարգի ժամանակաց իւրեանց՝ առ չընդհատելոյ զկարգ պատմութե Թագաւորութեց որդւոցն իսրայէլի: Աւ յետ եսթերայ դարձ առնել ՚ի դանիէլ, և դեգերիլ ՚ի մակաբայեցիս մինչև ՚ի քն:

Ա. Բ. Խ Ճ. Ե. Զ.

Ե Բ Բ Ո Ր Գ Հ Ա Տ Ա Ր Ո Յ

ՅԼՆԿ ԳԼԽՈՑ

Գ . Հ Ա Տ Ո Ր Ո Յ

ԳԻՐՎ. Ժ.

Տ Ե Ս ՈՒ Թ Ի Ի Ն Գ Ր Ո Յ Ն

Ե Ր Ր Ո Ր Գ Ե Ի Չ Ո Ր Ր Ո Ր Գ Թ Ա Գ Ա Ի Ո Ր Ո Թ Ե Ա Ն Յ

ԳԼ.

ԷՐԷ՝

33. Առդոման արքայ յաջորդէ յաթոս հօր իւրոյ դաւ-
 թի : Անի արանիայ, յոլաբայ և սէմայ . և դա-
 ըափրոնէ աբիւնարայ 'ի յանանայապետութի : 5
34. Արլափ ժամանակս թագաւորեաց սողոմոն առ կէն-
 դանութի դաւթի : Վ'անի² ամաց էր՝ յորժամ անաս-
 թագաւորել : Այս յորո՞ւմ հասաիի ծնաս զանորդա-
 նիի իւր զորդի : 9
35. Առդոման խնամութի առնէ ընդ փարսանի արքայի
 եփեպոսացոց : Անորդէ և ընդունի յայ զհեղախան
 փեպոսութեան : Առաջին հանրէս իմաստուն դարաս-
 քանի նորա յերկոսս պոսնիի կանայս դարախաչս . և
 'ի անպէսական կարփ քան իւրոյ, և 'ի փերս իւր : 15
36. Նիմարիութի, և շինութի, և սարափրոսութի
 փերահուլաի պաճարին 'ի սողոմոնէ կառուցելոյ : 26
37. Այս թանջր 'ի նշան փառաց քն ըստ զպաճարն :
 Նոր հրաշական իջեալ յերկնից՝ ծախէ զողջակիչս :
 Այլ շինուածս սողոմոնի : 57
38. Ար էրեւանն այ սողոմոնի : Նաստարութի քա-
 ընիմանութի նորա ընդ արքային պիւրոսի : Նարջս-
 քութի նորա և արեխան եկամաս : Ղալուսք
 պիկնոջն սաբայ յերոստաղէմ : 45
39. Ա'եղս սողոմոնի . և զիշրս որ յեպոյ հասին նմա : 53

- Ը - Անորիք ձանն սպաշխարաննէ սողմանի : 64
 Թ - Սոբո՛ղման թագաւորի 'ի Վերայ յոտորայ . և Յե-
 բոբո՛ղման 'ի Վերայ ի սրայելի : 70
 Ժ - Յերբո՛ղման հանգնէ երկուս երկնջս ոսկէս 'ի պաշ-
 արօն : 'Ա զոհել նորս զոհս երնջոց՝ պարտուի սեղանն
 զոհից Բանիւ Տարգարէի քն : 'Անէ Տարգարէն իւ-
 Բեալ 'ի Բեթելացի ծերոյն՝ անցանէ զպարտութանսա-
 քն , և սպանանի յառիւծոյ : 78
 Ժ iii . Սահ աբիայ անորանիկ որդւոյ յերբո՛ղմանայ :
 Ը Ինուիտ Սոբո՛ղմանայ արչայի յոտորայ : Պարտու-
 թի նորս 'ի սոսսանիմայ եփիպոսցաոց արչայի . և
 Տահ նորս : 87
 Ժ iv . Անիւս թագաւոր յոտորայ : Յաղկոսննէ նորս
 ընդդէմ յերբո՛ղմանայ արչայի ի սրայելի . և Տահ նո-
 րս : Ասս Բարեպաշտ արչայ յոտորայ : 94
 Ժ v . Սահ յերբո՛ղմանայ : Ասբաթ , և Մասս թա-
 գաւորս ի սրայելի : Ասս արչայ յոտորայ ի սրայելի
 զեթովպացիս , և զԲասս՝ որ ել Տարտիւս 'ի Վերայ
 նորս : Սահ սասայի : (d) Կագաւորս ի սրայելի , Ալա ,
 Օսմբրի , Աճրի , (d) Կանի : 99
 Ժ vi . Յովսափաթ արչայ յոտորայ : Աճաբ արչայ ի ս-
 րայելի , և Ինն նորս յեղաբելի : Աշիւս Տարգարի : 111
 Ժ vii . Աճաբ երկնցս հարկանէ զսարթիս 'ի հարուածս
 սասարիս : Արեցոսցանէ զորդին արեբայ զթագա-
 ւոր նոցս ընդդէմ հրամանին ար , որ պուսսանս 'ի
 յեռն Տարգարէին : 126
 Ժ viii . Սահ նոբո՛ղման . և յափշտակութիւնն այժայոյ նո-
 րս : Աշիւս . և Աշիւսէի : 156
 Ժ ix . Աճաբ առեալ իւր յօփնոսննէ զՅովսափաթ ար-
 չայ յոտորայ՝ յարջակի 'ի Տարտ ընդդէմ սարդաոց . ուր
 Տեռանի արաբ . և յովսափաթ Տաղապար զերծանի : 143
 Ժ x . Տարալի յաղկոսննէ յովսափաթոս 'ի Վերայ
 Բաղմամբոնն այլազգեաց : Աորդակոսնն նաւոսց՝ զոր
 արար ընկերակոսննէ ոչուիտայ արչայի ի սրայելի : 151

Գ Ի Ր Վ Ժ Ա .

ՏԵՍՈՒԹԻՒՒՆ ԶՈՐՐՈՐԻ ԹԱԴԱԻՈՐՈՒԹԵԱՆՑ


- ւն . Պատգամ եղիայ Տարգարէի առ որոշիա արքայ
 իսրայելի : Սերացումն եղիայի . որում յաջորդե
 եղիսէ Տարգարէ : 157
- ք . Հովրամ Բագասոր իսրայելի , եւ նիշակնիցք նորա
 յովսափա արքայ յուրայ , եւ արքայն երոճմայ հար-
 կանէն զՏովբ , եւ աւերեն զԵրկիր նորա : 163
- ք . Հովրամ որդի յովսափաոս Բագասոր յուրայ :
 Մայրաշարժութի եւ շարախաղաղ մահ նորա : 169
- ք . Սահնիւնիս զոր արար ԹԺ՛ի յեռն եղիսէի Տար-
 գարէի յերկրն իսրայելի առ ժամանակօք յովրա-
 մայ արքայի իսրայելի : 174
- ք . Սով սամարիայ : Հրաշագործութիս եղիսէի :
 Պարտութեան որդւոյն արեւրայ արքայնն ասորոց
 սահնիւնիս քն : 182
- ք . Քիշիւնութի նէէմնայ՝ի Բորտութի լաւայմաճի՝ի
 յորդանան ըստ Բանին եղիսէի : Քարտութի գեե-
 զիայ : 194
- ք . Սահ Սորոշիայ արքայի յուրայ , եւ Հովրամայ
 արքայի իսրայելի , եւ Հիւսիւնայ . զորս սպան
 Հիւս Բագասոր իսրայելի : 203
- ք . Սնայեալ գործք յեռայ , եւ մահ նորա : Սա-
 րիս , եւ շարաշար մահ Պարտիայ՝ի նոջ յովրամայ
 արքայի յուրայ : Հովիդայե յահանայաղեա Բա-
 գասորեցոցանէ զՀովաս մանաթի՝ի զիւրայ յուրայ : 217
- թ . Հովաս արքայ յուրայ , եւ մահ նորա : 227
- թ . Սահիա արքայ յուրայ : Հովաս արքայ իսրայել-
 լի : Սահ եղիսէի Տարգարէի : 233
- ժւն . Հերոփովամ երկրորդն՝ արքայ իսրայելի : Սոխա ,
 որ եւ Սալմոն արքայ յուրայ : Սասայի Տարգարէ : 241
- ժք . Սովեէ . Սմալս . Հովիլ՝ յերկրաւսան Տարգա-
 րէից , որք զորք Տարգարէս իսրայելն՝ յաղափս սակա-
 աութի Տարգարեակնն գրոց նոցա , առ համեմատու-
 թի լռից ԹԺ Տարգարէից գրասորաց : 252
- ժք . Հովան Տարգարէ : 264

- ԺԴ. Օջաբիւս . Սեղոմ . Սանայէճ . Փակէաս ,
 և Փակէէ Ռաֆաւորս իւրայէլէ . և Յովաթմաճ
 արչայ յաորայ : 274
- ԺԵ. Աչաղ արչայ յաորայ : Փակէէ արչայ իւրայէլէ :
 Ասայի Տարգարէ : 279
- ԺԶ. Ովէէ Ռաֆաւոր իւրայէլէ : Ղերուսէի իւրայէ-
 լի առ սաղմանասարաւ . Էղէիէ արչայ յաորայ .
 Էսայի Տարգարէ : 291
- ԺԷ. Աղէիէ արչայ յաորայ : Նիւանորուսի նորա և
 առողջութի սանկէլէօր : Ասայի Տարգարէ : 295
- ԺԸ. Փրիտուսի սանկէլէօր Էղէիէ և Էրուսաղէճ չա-
 ղափի 'ի յեռաց սէնէրիճայ ստորեւսանկայ ար-
 չայի : Սան Էղէիէ : 506
- ԺԹ. Սանասէ , և Աճն Ռաֆաւորս յաորայ : 512
- Ի. Յովէի արչայ յաորայ : Ողորմի ին Տարգարէ :
 Սան յովէիայ : Արեֆա Տարգարէ : 521
- Լււ . Սիւսի . Յովէլ . Աբրիս . Վասում .
 Աբիսում . Սոփիս . Անգէս . Օջաբիւս .
 Սաղաբիս : 555
- ԼԻ . Ռաֆաւորս յաորայ՝ որս Ռաֆաւորեղիս պիսի
 յովէիայ միւլն զփերուսիս : Արեֆա Տարգարէ : 549
- ԼԿ . Սերիէի արչայ յաորայ : Պաշարուն Էրուսա-
 ղէֆի 'ի չաղորդացոյ : Արեֆա Տարգարէ : 562
- ԼԿ . Աղէիէլ Տարգարէ : 572
- ԼԵ . Սերիէի կործանումն Էրուսաղէֆի և րաճարի րն : 586
- ԼԶ . Ղարողիս սարիկան կամ փոխարչայ 'ի կրեասարան :
 Վասայէլ դասաճան : Ղարերս սերիէիայ : Անցա-
 նէլ Քաղորդաց Էբրայեցոյ յեփիպոս : Արեֆա
 Տարգարէ : 595
- ԼԷ . Տերուս , և սպա Էփիպոս նոսաճի 'ի նաբո-
 չորանսորայ : Աղէիէլ Տարգարէ : 404
- ԼԸ . Յորում Ժամանկի սկսանին Էփանասան աճի
 փերուսի որդոց իւրայէլէ 'ի Բաբելոն : 412



100
 101
 102
 103
 104
 105
 106
 107
 108
 109
 110
 111
 112
 113
 114
 115
 116
 117
 118
 119
 120
 121
 122
 123
 124
 125
 126
 127
 128
 129
 130
 131
 132
 133
 134
 135
 136
 137
 138
 139
 140
 141
 142
 143
 144
 145
 146
 147
 148
 149
 150
 151
 152
 153
 154
 155
 156
 157
 158
 159
 160
 161
 162
 163
 164
 165
 166
 167
 168
 169
 170
 171
 172
 173
 174
 175
 176
 177
 178
 179
 180
 181
 182
 183
 184
 185
 186
 187
 188
 189
 190
 191
 192
 193
 194
 195
 196
 197
 198
 199
 200





ՀԱՅԿԱՆ ԵՎ ԿՈՄՍՏԱՆԿԻ ԵՎ ԵՄՍՏԱՆԻ ԱՆՈՒՄԸ
9/2742 p.

